


叢書集成續編

第二一五册目錄

文學類



瑣談

天香樓偶得一卷	清	虞兆隆撰	說	鈴	一
在園雜志四卷	清	劉廷璣撰	遼	海	二七
權齋老人筆記四卷	清	沈炳巽撰	吳	興	八五
蠟談一卷附雜記	清	盧存心撰	昭	代	一二三
東齋脞語一卷	清	吳翌鳳撰	昭	代	一三三
尖陽叢筆十卷	清	吳騫撰	張氏適園		一四五
冷廬雜識節錄一卷	清	陸以湑撰	香	豔	二一一
冷官餘談二卷	清	袁嘉謨著	雲	南	二一七
舒藝室餘筆一卷	清	張文虎撰	彊	村	二三一
消暑隨筆四卷附子目二卷	清	潘世恩輯	清	頌堂	二四一
黃爽撰	清	黃爽撰	清	頌堂	二四一
同書四卷	清	周亮工撰	芋	園	三八七
山中問答一卷	清	楊士美撰	昭	代	四五七
仁恕堂筆記一卷	清	黎士弘撰	昭	代	四六三
續板橋雜記三卷	清	珠泉居士撰	香	豔	五〇三
閒餘筆話一卷	清	湯傳楹撰	香	豔	五一五
說鈴一卷	清	江琬撰	嘯	園	五二一
穢菴黨史一卷	清	張芳著	檀	几	五四一

五石瓠一卷	清	劉鑾撰	昭代	五四五
筠廊偶筆二卷	清	宋槃撰	說鈴	五六三
天祿識餘二卷	清	高士奇撰	說鈴	五八一
簪要樓雜說一卷	清	陳尚古撰	說鈴	六四七
石里雜識一卷	清	張尚瑗撰	昭代	六六三
過庭記餘三卷	清	陶越著	芋園	六七九
晉人塵一卷	清	沈日霖撰	昭代	七二九
彷彿清語一卷	清	張蕙著	檀几	七四七
退餘叢話二卷	清	鮑倚雲撰	聚學軒	七五一

wt95/05

天香樓偶得



天香樓偶得

天學

攜李虞光添虹升甫著

晉書天文志云古言天者有三家一曰蓋天二曰宣夜三曰渾天
愚按蓋天渾天二說人皆知之所謂宣夜者謂天了無形質日月
衆星浮生虛空之中其行其止皆須氣焉無所根繫此說已極奇
矣今西洋之學又云地形如圓毬凡一切流峙動植之物皆粘
吸於毬上故海水遠流而流人物環毬而生于是有正者倒者橫
斜者而天則虛空籠罩毬外由正者而視倒者是地下有倒覆之
天也由正者而視橫斜者是地旁有側覆之天也然在倒與橫斜
之處視之則依然天在上而地在下但相去甚遠以漸而不覺耳

說餘 天香樓偶得

其說亦甚有理又在三家之外

日月星辰天際地晝夜不息本無出入焉唯此國運日之然焉
晝見月星為夜於所視太陽升為東於所視其降為西耳然此
國之西必為他國之東而地球本無正西東也蓋地
與海成圓形如球而天與日月星辰包球以運耳

天左旋

天與日月之行其說不一一云天左旋日月應天而亦左旋但日
行視天稍遲每一日不及天一度月行視日尤遲每一日不及天
十三度有奇一云天左旋日月右旋蓋日月實東行而天亦之以
西沒譬如蟻行磨上磨左旋而蟻右去磨疾而蟻遲故不得不隨
磨左旋耳二說未知孰是明太祖云二十八宿經星也附天體而
不動日月五星緯乎天者也嘗于天氣清爽之夜指一宿為主太
陰居是宿之西相去夫許蓋一夜則太陰漸過而東矣以此斷為

原書闕 (據筆記小說大觀補入)

天左旋日月五星右旋然愚按此說亦未確蓋太陰雖漸過此宿之東畢竟從東行過西
去而是宿又較太陰西去尤速即云日月隨天而行進亦何不可乎

天行

胡安定謂天之行一晝夜九十餘萬里人一呼一吸為一息一息之間天行已八十餘里
人一晝夜有一萬三千六百餘息故天行九十餘萬里朱紫陽以其說為本於丹書然愚
竊謂不然渾天之說謂天形圓如彈丸南極入地三十六度不可得而見北極出地三十
六度當止其處而不動如磨心然審如此說則南北兩極相對運轉其離極近處轉速
而路少離極遠處轉速而路多實則天之全體無一不動今所指以計里數者果在何
處乎轉磨者亦然但磨有邊可計周遭之數天則無邊誰能計之如果有邊則是蓋天
矣而蓋天之道又誰見乎再詳胡氏之說謂天自東而西所謂九十餘萬里者蓋指赤

說餘 天香樓偶得

二

道而言人仰首視之因以計里數耳然人之去天不知果幾萬里尚書許氏叢說引晉
天文志以夏至日景而以勾股法取之謂目地上去天得八萬一千三百九十四里三
十步五尺三寸六分今胡氏之說將以此為準乎抑不以此為準乎如以此為準而天
未必不再遠則天體愈大而里數當加天未必不稍近則天體畧小而里數當減即不
準許氏之說而別有所準者大率類此總之未可知也况乎地有南北東西之異其去
赤道遠近各不同若以赤道居最高處下對地上言之又不知的在何方矣

沈存中筆談因論六壬十二辰而曰須大改曆法如東方蒼龍七宿當起於元終於斗南方朱鳥七宿起於牛終於奎西方白虎七宿起於婁終於東非北方玄武七宿起於與終於角舊以斗牛方真武奎婁七宿為如此曆法始正不止六壬而已其說蓋從歲南方朱鳥沈說獨異差起見耳天行赤道平運而舒日行黃道內轉而縮故堯時冬至日在虛一度自是而降漸退在女又過在斗則二十八宿已隨方轉移矣存中此說固為有理但愚更有疑者四方諸宿既易則所配之七政似乎亦當互易如蒼龍七宿舊以角為木亢為金氏為土房為日心為月尾為火箕為水令既起元終斗則意者當以亢為木氏為金房為土心為日尾為月箕為火斗為水而餘三方皆

說餘 天香樓偶得

三

做此耶况自存中時迄今又數百年歲差又不同矣將復更換耶恨不能起存中而質之存中又言堯典曰日短星昴令乃日短星東壁此皆隨歲差而移也是亦不可不知

日月食

從古以日食月食為天象之變故謂日食為陰侵陽月食為陽侵陰功令有護日護月之文愚謂此蓋未明乎天道者也夫日食者乃日月合度月在日下陽上陰下此為否卦月食者乃日月對度日與月衝陰上陽下此為泰卦陰陽逆運否泰相巡萬物網緼俱從此出若夫婦之交合然使日月不食則陽自陽陰自陰天地之和氣息矣萬物何由而生乎是故日月之食乃日月之所喜當此際者宜為之賀不必為之護也

雷電

從古謂有電而後有雷其說非也電乃發雷之光耳人自下望之則先見雷之光而響則自上而下必少遲而後聞之如今人於天黑時放爆竹近看則火光與響同至若遠看則先見火光一閃而響響必徐徐後聞與雷電一理也爆竹大者火光大且急而響亦震爆竹小者火光小且緩而響亦輕雷電亦然或問亦有電而不雷者何也曰子獨不見元宵時放花乎當放花時固無響矣故無雷之電必不及其閃爍令以無雷之電為電則可以有雷之電為電則不可何也有雷之電電從雷生如爆竹之有響即有光也則謂之雷蓋曰此非電也無雷之電止有電光如放花之有光而無響也則謂之電蓋曰此非雷也俱從其響與不響而辨之非從其有光無光而辨之也總之雷電二者俱陽氣之激發激發大則為雷激發小則為電至於雷之傳響則又與爆竹之傳響相似令人於山間放爆竹者一鼓旋繞輒作數次起滅况雷之在太空乎知此則雷之傳聲總屬一鼓非若播鼓然矣

說餘 天香樓偶得

四

外酉

日出於外而入於酉朔後月夕見西方推算用酉之昏度望後月晨見東方推算用卯之晨度此日月外酉之說也外於十二肖為兔酉於十二肖為雞小說家遂謂日中有金雞月中有玉兔何附會乃爾耶

參辰

左傳子產曰高辛氏有二子伯曰閻伯季曰實沉居於曠林不相

能也日辱千戈以相征討后帝遷關伯於商丘至辰商人是因故辰為商星遺實沉於大夏主參唐人是因故參為晉星是辰參乃星名商與晉少也右也故法言曰吾不惜參辰之相也蘇武詩昔為鸞與鴛今為參與辰後來詩家有川參商二字者如陸機詩形影參商乖音息曠不達杜甫詩人生不相見動如參與商之類乃錯舉成文耳

四月

四月純陽無陰故稱正陽之月左傳惟正月之朔慝未作亦指四月上稱正者蓋省文也今若呼四月為正月則人共笑之矣又純陽疑於無陰亦謂之陰月見西京雜記猶十月無陽反謂之陽月也

說餘 天香樓偶得

五

端午

宋景八月五日千秋節表云月維仲秋日在端午是知凡月之五日皆可稱端午蓋端午始也昔也猶今言初五也推此則每月初一以至初十皆可云端午併不備五日矣入元日為歲端亦取此義但未表不曰端午而曰端午或疑日遠達午日亦未可定姑俟再考

孟婆

北齊李勣除聘陳問陸士秀曰江表有孟婆是何神也士秀曰山海經帝之女遊於江中出入必以風而自隨以帝女故曰孟婆又宋徽宗詞云孟婆孟婆你做些方便吹仙船兒倒好轉升蓬云孟婆宋末京句謂風也悲謂重陽之後風漸迅厲故重陽前後

大風謂之重陽信俗以九月十三為孟婆生日以是日晴雨占一冬晴雨蓋春夏之風多與雨偕秋深之風乾燥無雨是知孟婆生日猶云風生日也祀孟婆者祀風神以祈其協候耳

黃梅

埤雅云江湘二浙四五月之間梅欲黃落則水潤土溽礎壁皆汗蒸鬱成雨其霏如霧謂之梅雨沾衣服皆收斂古雋畧云黃梅雨梅當作微因雨當梅熟之時遂訛為梅雨農占云芒種後逢壬日或庚或丙日進梅閩人以壬日進梅神樞經云芒種逢丙進微小者得未出微風上說云天道自南而北凡物候先南方今驗江南梅雨將罷而淮上方梅雨又論河北至七月少有微氣而不覺以此言之壬丙進梅不足定擬當易地而論愚按諸說不同今吳楚

說餘 天香樓偶得

六

俗以芒種後壬日進梅壬日芒種即是立梅夏至後庚日出梅庚日夏至即是出梅若芒種後逢壬早夏至後逢庚遲則梅多至十八日芒種後逢壬遲夏至後逢庚早則梅少僅八日俗每以此占微氣之深淺殊不知天干雖有不齊而歲序初無伸縮壬庚遲早係偶然相值烏足以限微氣乎 薇字或作霽

墓向

墓法審向一說自昔從向上起長生如墓穴坐北向南則向屬南方離火火生于寅旺于午墓于戌墓穴坐南向北則向屬北方坎水水生于申旺于子墓于辰墓穴坐西向東則向屬東方震木木生于亥旺于卯墓于未墓穴坐東向西則向屬西方兌金金生于巳旺于酉墓于丑生旺墓三方砂水合局則吉此一定之法也近

來忽有于坐山起長生者謂坐北向南則當作坎局坐南向北則當作離局坐西向東則當作兌局坐東向西則當作震局而生旺蓋三方皆隨之移易矣如用此說則不論向而論山將審向一說盡廢與舊說若冰炭之不相侔然以二說難驗休咎亦未能判其孰為的確總之堪輿之術原屬渺茫不可究詰故耳

真如塔

奉安志載真如塔云嘉興城南真如院塔起于嘉祐七年壬寅南法師者募緣興建燒造五色琉璃瓦以為莊嚴宣和三年辛丑遭方臘之亂焚于烈燄僅存故址五年辛卯寺僧整葺掘鑿其下于地窖中得銀塔一座凡七層高五尺重千兩相輪欄楯無不周備刻畫佛像極為精巧而無所鐫記至淳熙十年癸卯正月三日夜

說餘

天香樓偶得

七

王者智炬夢一僧紫衣煖帽宛若大聖之像指示塔基曰此地久廢可為興復既寤致心募化至慶元三年丁巳歷十五歲而成制範悉做銀塔不少異冬十月相輪合尖以佛牙銀佛藏于地中為鎮旁有一家乃宗室子恭之祖塋也陰陽家言此塔成就其後子孫必昌子恭果由揚州都監得除觀察使襲封安定郡王

趙三翁

奉堅志載趙三翁名進字從先得孫思遵道要為人嗑呼按摩疾痛立愈保養即頃公苦冷疾趙詢其病源時方盛暑便就屋開三天窓于日光下射處使頰仰卧徐艾遍鋪腹上約十數斤移時日光熱透臍腹不可忍俄而腹中雷鳴下瀉口鼻間皆濃艾氣乃止明日復為之如是一月疾良已乃令滿百二十日自後宿疴如洗

壯健似少年時趙曰此孫真人秘訣也世人但知灼艾而不知點

穴又不審虛實徒受楚痛耗損氣力日者太陽真火艾既遍腹徐

徐照射入腹之功極大五六月為上若秋冬間當以厚艾鋪腹

蒙以綿衣熨斗盛灰火慢熨之以開濃艾氣為度亦其次也人察

孫道友席洞雲築室獨統嶺瀑水潭側百怪畢見禍變相踵席謁

趙告以故趙曰得毋居五箭之地乎席問五箭之說趙曰峰顛嶺

峽陵首隴背土囊之口直風當門急如激矢者名曰風箭峻灘急

流懸泉瀉瀑衝石走沙殺如雷動晝夜不息者名曰水箭堅到磔

燥斥岸砂磧不生草木不澤水泉硬鉄腥錫出毒蟻聚若壞壞者

名曰土箭層崖疊嶽峻嶺巉巖銳鋒峭岫拔刀攢鋸鋒齒露骨狀

若浮圖者名曰石箭長林古木茂樾叢薄翳天蔽日垂蘿蔓藤陰

說餘

天香樓偶得

八

森肅列如墟墓間者名曰木箭五箭之地射傷居人皆不可用回環紆抱氣象明遠形勢寬闊壤肥土沃泉甘石清乃為上地固不必一一泥天星地卦也子依吾言去凶就吉當自無恙席敬稟其教居止遂寧

六井

李贄侯于杭州開六井一曰相國井二曰西井一名化成井三曰金牛井四曰白龜池五曰方井六曰小方井今大抵皆湮沒矣

鹽池

陝西慶陽府城北有鹽池二每歲南風至則其地于此煮鹽一說舜南風之詩正指此鹽池之利足以解民愠阜民財也義或有之又寧夏衛亦有大小二鹽池其鹽不假人力自然結成又陝西行

都司山丹衛有紅鹽池產鹽紅色

有北

拾遺記軒轅去蚩尤之凶遷其民善者於鄒屠之地惡者於有北之鄉詩經取彼謬人攷辨有北蓋用此事

大人聖人

孟子曰大而化之之謂聖是聖人在大人之上也而莊子則陽篇魏君稱戴晉人曰容大人也聖人不足以當之則大人又在聖人之上矣

儒家者流

漢書藝文志儒家者流蓋出於司徒之官本因上文敘次諸儒家故復推原其流之所自出當在者字讀斷流字屬下蓋出云云為

說鈴 天香樓偶得

九

句此流字乃源流之流令人於流字為句則誤認流字為流品之流恐於者字出字皆欠體會其餘諸家皆倣此

卿子

卿子人相褒尊之稱猶言公子也公之子曰公子卿之子曰卿子楚懷王心以宋義為卿子冠軍即取此義

祖師

祖師之稱今世但知為釋道二家所創今覽漢書外戚傳定陶丁姬易祖師丁將軍寬之玄孫則祖師之稱實始於此

不殺

秦漢以來天子自稱曰朕然間亦稱不殺三輔黃圖載漢武見池上銜索大魚曰豈不殺昨所夢耶

寶臣

前漢哀帝時建平侯杜業薦朱博曰誠國家雄俊之寶臣也寶臣之稱標舉甚新

至親

漢諸帝以同父兄弟為至親如景帝以梁孝王武至親有功賜天子旌旗昭帝以燕王旦至親勿治而齊孝王孫澤中山哀王子長皆伏誅成帝時唯中山定陶二人於帝為至親

結髮

俗稱夫婦之少年結婚者曰結髮謂於髮初結起勝冠笄之時即訂盟約也此與李廣云臣自結髮與匈奴戰同義

逐夫出夫

說鈴 天香樓偶得

十

說苑尊賢篇云太公望故老婦之出夫也戰國策姚賈對秦王曰太公望齊之逐夫夫出婦逐婦者多矣夫亦可出可逐蓋太公少婿馬氏如今俗贅婿被妻家逐遣耳又按太公既封齊侯道遇前妻再拜求合公取盆水覆地令其收之惟得少泥公曰若言難更合覆水定難收婦人遂抱恨而死此見類林詩史註鴛冠子註今傳奇家以覆水為朱買臣事非也

傍妻

妾一名傍妻漢元后傳曰王禁好酒色多取傍妻

支婆

宋陸務觀著家世舊聞有云杜夫妻婆者其自註云先世以來於姑庶母皆稱夫妻婆

對食

漢書趙皇后傳官婢道房與中宮史曹宮對食應劭註曰宮人自相與為夫婦名對食甚相妒忌也此風相沿至後世曾不改革如酌中志畧所載則嘉宗時乳媪家氏初與宦者魏朝有私後復惡朝而喜魏志賢是也

尊章

漢廣川王去疾為幸姬陶望卿作歌首句曰背尊章嫖以忽師古註曰尊章猶言舅姑今關中俗呼舅姑為鍾鍾者章鼓之轉也

先後

前漢郊祀志長陵女子以乳死見神於先後宛若孟康曰兄弟妻相謂先後師古曰先音蘇見反後音胡將反古謂之姊如今關中

記鈴 天香樓偶得

十一

俗呼為先後吳楚俗呼之為妯娌

佳人

丈夫亦可稱佳人後漢尚書令陸閭姿容如玉威儀秀異光武嘗登臺見之嘆曰南方故多佳人魏大將軍曹爽輔政驕奢太傅司馬懿因爽從譚謁高平陵時即閉城勒兵距之司農桓範初與爽其弟中領軍羲扶天子詣許昌發四方兵以自輔爽等然不應自甲夜至五鼓爽乃投刀於地曰我亦不失作富家翁範笑曰曾子丹佳人生汝兄弟猶得耳又符秦時竇漪妻蘇蕙作璇璣圖詩讀者不能盡通蘇氏嘆曰徘徊宛轉自成文章非我佳人莫之能解則妻稱夫亦可曰佳人也

處子

處子亦稱處子范蔚宗後漢書邊氏傳序曰處子耿介羞與卿相等列

行李

左傳行李之往來李字雖解唐李涪曰使字山下安人人下安子蓋古使字也傳左氏者誤書李為李故一字釐為二字宋程大昌演繁露謂涪語未必可據引左傳昭十三年鄭會晉於平丘子產爭承曰諸侯靖兵好以為事行理之命無月不至杜預註曰行理使人通聘問者因謂行理正指使人古字多通用理李同也

四美

王子安滕王閣序有云四美具說者以良辰美景賞心樂事為四美又文選劉越石答盧諶詩云音以賞奏味以殊珍文以明言言

記鈴 天香樓偶得

十一

以轉轉之子之往四美不臻又韓昌黎贈別元十八協律詩云讀

書患不多思義意不明意足已不學既學患不行于今四美具實

大華亦榮光有三四美也

五更

蔡惠明堂論曰更應作史史長老之稱字與更相似書者遂誤以為更樓字女旁與今人亦以為更以此驗知應為史也

賈客

昔人賈客賈必差一人慣習精俊者克為賈客使之舉職律衆猶今之令官也其原始於楊解

賈由赤

賈由赤元時快行者之名駕在大都則自河西務起程若上都則

自泥河見起程越三時走一百八十里直抵御前俯伏呼萬歲先
至賜銀一餅餘者賜段匹有差

兀刺赤

兀刺赤元人掌車馬者之稱故曲園記曲有云兀刺赤兀刺赤門
外等多時

鄭小同

鄭玄別傳曰玄有子為孔融吏舉孝廉融之被圍往赴為賊所害
有遺腹子以丁卯日生而玄以丁卯歲生故名曰小同

象無後

漢書武五子傳豫章太守廖奏言莽封象於有鼻死不為置後以
為暴亂之人不宜為太祖也廖言必有所據然云不為置後者疑

說餘

天香樓偶得

七

不令其子嗣封耳未必無子也

楊世昌

蘇東坡赤壁賦客有吹洞簫者吳龍蒼有詩曰西飛一鶴記何詳
有客吹簫楊世昌當日賦成誰與註教行石刻舊曾藏

貢禹京房

漢有兩貢禹兩京房魏相傳曰高帝時貢禹舉冬此一貢禹也王
吉貢禹又一貢禹也梁丘賀從大中大夫京房受易此一京房也
焦延壽弟子為課吏法者又一京房也

上官桀王恢

漢武帝時有兩上官桀其一從李廣利伐大宛有功為少府以年
老免其一末年為左將軍與霍光全日礪同受遺詔輔少主後謀

反誅武帝時又有兩王恢其一謀襲匈奴於馬邑坐首謀不進誅
其一以故中郎將捕得車師王封浩侯僅一月坐矯制罪免

韓安國

漢有兩韓安國其一守長瀋名景武之世其一元帝永光二年
以定襄太守為建威將軍擊匈奴未進而還

王莽

漢成帝時有兩王莽其一河平三年由太僕為右將軍陽朔三年
遷光祿勳卒其一陽朔元年以京兆尹忤王鳳下獄死

王莽

漢有兩王莽其一天水人字稚叔昭帝時以衛尉為右將軍蓋長
主與燕王旦通謀造反云獨惠大將軍霍光與右將軍王莽此一

說餘

天香樓偶得

四

王莽也平帝時篡漢者又一王莽也

張禹

漢有兩張禹前漢成帝時為丞相封安昌侯此一張禹也後漢和
帝時為太傅安帝時以定策功封安鄉侯又一張禹也

公孫弘

漢有兩公孫弘前漢武帝時為丞相封平津侯此一公孫弘也後
漢明帝時為幽州從事見虞延傳又一公孫弘也先是又有三公

孫弘一在齊為孟嘗君見秦昭王一在中山為參乘一在越斷髮
為王騎士

杜延年

漢昭帝世一時有兩杜延年其一為謁者與燕王旦交通其一為

諫大夫即杜周子以發覺燕王旦反謀封侯並見元鳳元年詔書

太公

高祖之父曰太公魏了翁古今考云古人有謂父為太公者雖不見於經而齊世家云西伯獵過呂尚曰吾太公望子久矣故號太公望以此知太公者古人以為父稱

稱人父字

古人於人父每稱其字謝安石嘗問王子敬卿等何如石軍此猶以官稱也陳慥之父希亮字少卿蘇子由言作金方事中欽子瞻問慥曰少卿昔竟長為此法否則直呼其字矣

鳳毛

樓菴小乘曰今人稱佳子弟為鳳毛以為始於謝超宗因超宗父

鳳毛 說鈴 天香樓偶得

其

名鳳故稱曰鳳毛不知王邵風姿似其父馮桓大司馬曰大奴固自有鳳毛其事已在超宗前

膏梁

孟子膏梁之味趙註膏梁細梁如膏者也朱註膏肥肉梁美穀按膏梁對下文繡當是二物朱註較優今人稱富貴家子弟曰膏梁子弟但謂知飽食不諳他務也後魏孝文帝遷洛差第士人閭閻姓氏有八氏十姓三十六族九十二姓之制凡三世有三公者曰膏梁有令僕者曰華歆尚書領護而上者為甲姓九卿若方伯者為乙姓散騎常侍大中大夫者為丙姓吏部正員郎為丁姓凡得入者謂之四姓據此則膏梁之稱乃極尊貴未可以是為相詆也

膏梁梁字 有詐梁者

猶父猶子

論語子曰曰也視子猶父也子不得視猶子也按此則弟子稱師可云猶父師稱弟子可云猶子矣今人稱兄弟之子曰猶子義本在此則稱伯父叔父亦可云猶父也周興嗣千字文猶子比兒詞頗嫌複

姪

爾雅釋親篇妻黨有云女子謂弟之子為姪郭註引左傳姪其從姑所以姪字以女今男子稱兄弟之子曰姪或書姪為侄从人俱失之矣夫兄弟之子當稱從子謂從子而別也不讀爾雅即三堂亦混亂無辨蓋細事哉

布代

說鈴 天香樓偶得

其

馮布少時贊於孫氏其外父有煩瑣事報曰伴布代之至今吳中以婿為布代見三餘帖

男婆婦公

廣西徭俗男人之老者一寨呼之曰婆其老婦則呼之曰公此與人嘲李居仁晴然一公公然一婆之語並可發一大噱

赤子

尚書康誥曰若保赤子傳云孩兒未詳赤字何義愚按尺字古通用赤尺讀古作赤廣文獻通考深赤者十寸之赤也是知赤子者謂始生小兒也長一尺也古人多以尺數論長幼如三尺之童五尺之童俗諺有云六尺之軀亦曰七尺之軀古謂成人曰大夫禮記曲禮問天子之尊對曰問之始服衣若干尺矣天子至尊不敢

摩言身長幾尺故但言衣長幾尺也

嬰兒

女之幼者曰嬰男之幼者曰兒故嬰字以女今人不分男女凡始生者皆謂之嬰兒亦別矣

僇耳

後漢書南蠻傳哀牢人皆穿鼻僇耳其渠即自謂王者耳古下肩三寸庶人則至肩而已蓋設假耳於真耳之上以長短別貴賤僇與僇同謂僇負此假耳也

起首

周禮八祝辨九拜一曰稽首鄭註曰如今之跪拜禮頭隨手至地稽首乃起揖臣見君之拜也按稽字音起後人遂有作起字者陳

說文 天香樓偶得

七

眉公妃古錄云余有伯雨楷書詩七首後云張伯雨起首蓋即稽首也

欽衽

今世女人拜稱欽衽夫衣之有衽非女人所專也蘇子瞻舟中聽大人彈琴詩有云欽衽竊聽獨激昂則古人男子亦稱欽衽矣

拜風

古人揖曰長揖周禮太祝辨九拜所謂有拜即揖也今朝儀不用揖意用兩膝跪至地而叩首若家禮儀節凡所云鞠躬拜與拜與者正與朝儀相似鞠躬亦非揖特將拜而先屈其身以示敬耳拜則謂屈膝首至地與則謂舉首而仍舊屈膝俟再拜再與或四拜四與而後屈膝平身其禮始畢矣今人先用一揖然後屈膝叩首

又平身一揖乃又屈膝叩首如此四次謂之四拜非古制也

裙解

今俗婦人裙腰繫處忽爾解散謂之腰歡喜輒相賀曰必有喜事此語唐時已有之王建宮詞云忽地下階裙帶解非時應得見君王即此意也

滴血

世謂滴血驗骨惟祖孫父子為然按類書纂要所載陳業兄渡海領命時依止者五六十人骨肉消爛不可辨別業仰天誓后土曰聞親戚者必有異焉因割臂流血以洒骨上應時歎血條皆流去是兄弟亦可滴血也又按郡國志陝西西安府同官人孟姜適范植僅三日植赴役長城姜送寒衣至城下植已死姜尋夫骨無辨

說文 天香樓偶得

六

齒指血驗得之是夫婦亦可滴血也

接煞

洪容齋奪堅志載董成二部死而既歿家人用但俗法篩細灰於窀穸前覆以甌欲驗死者所趨卑而舉之二驚足便立於灰上皆疑董隨畜類此即今俗接煞之說也但不知起於何時耳

三尸神

修真家言身中有三尸神常以庚申日將本人罪過奏聞上帝滅其祿命上尸名彭倨次名彭質下名彭矯每過庚申日徹夜不臥守之至曉則三尸不得上奏余想此身本空洞洞地安得有三尸在內蓋彭字之義字書一訓作近而俗做之性質見之性矯戾之性人人有之所謂三尸奏帝者不過謂人之性情一近於倨做一

近於質見一近於矯戾則罪過日多而上帝視之如見其肺肝然其所謂守庚申者正欲人斷除此三種性情方可入道也其必限以庚申日者蓋庚取更新之義申取申明之義欲乘此時以自申明其勇於更改耳豈真有三尸哉

魯大師

尚書周官三公有太師三孤有少師註云師者道之教訓也至若周禮宗伯之屬有大師小師註云凡樂工皆以替瞽為之擇其賢智者使為之師也按此明云大師與小師對耳論語魯大師當墳如字未註云音泰則與三公之太師同號矣誤認論語少師陽亦當作小師蓋傳寫之訛耳

侍中

說於 天香樓偶得

充

侍中本秦丞相史也使五人往來殿內東廂奏事故謂之侍中漢西京無員多至數十人入侍禁中分掌乘輿御物下至褻器虎子之屬武帝世孔安國為侍中以其儒者特令掌御唾壺朝廷禁之按虎子乃溺器作為虎形者掌此最為褻賤唾壺雖較勝然亦非崇儒之道漢承秦林書坑儒之後高帝溺冠屣罵習氣猶未盡除宜乎少加禮貌便見謂寵榮耳

休沐

漢制中朝官五日一下里舍休沐三署諸郎亦然其義本取禮記內則三日具沐之意以三日大寒故加二日為五日耳

飲酎

酎音宙禮記月令孟春之月天子飲酎漢制在秋武帝元鴻五年

九月嘗酎祭宗廟列侯以獻金助祭色惡及輕奪爵建元三年徵行常用八九月中飲酎已然皆作於正月

酎金

漢酎金律文帝所加以正月且作酒八月成名酎酒因合諸侯助祭貢金諸侯各以名口數率千口奉金四兩有奇不滿千口至五百口亦四兩皆會詣少府受又大鴻臚所掌諸侯食邑九真交趾南者用犀角長九寸以上若瑋瑁甲一麟林用象牙長三人以上若翡翠各二十集以當金令人知有酎金而不知犀角瑋瑁等之當金矣

披帛

說於 天香樓偶得

平

古今註云女人披帛古無其制開元中詔令一十七世婦及寶林御女良人等尋常宴參侍令披帛至今然矣按此則今時畫工凡畫唐明皇以前女人用披帛者皆失歎也且開元之制亦但施之內宮今世俗婚娶不論男婦皆披絳帛亦流傳之失耳

爰書

爰換也以文書代換其口詞若今錄囚口供是也

墓冢墳

平者曰墓卑者曰冢高者曰墳度尚曾城碑丘墓起墳謂加丘于墓令高起成墳也今時稱謂悉混淆矣

墳樹

春秋緯天子墳高三仞樹以松諸侯半之樹以柏大夫八尺樹以栗士四尺樹以槐庶人無墳樹以楊柳今時庶人亦樹松柏是借

天子諸侯之制也集即木蘭又橙之別種有五一曰朱集一曰香
集今時集視楊柳無有苑于冢墓上者又按庚信傷心賦云維棘
維集蓋植棘于墓旁以禦人往來所謂集者即指集樹耳近見吳
北宜註引詩棘人集集分殊堪噴飯

父母喪

詩云哀哀父母生我劬勞故古禮父母喪皆稱哀子而書儀于父
也稱孤于母也稱哀子父母俱亡稱孤哀子家禮設其無據然此
禮世俗相承已久未為外夷近來又有嫡母已故因避繼母而父
亡止稱孤于者其言曰繼母在堂不敢稱哀使繼母而不賢也則
可繼母而賢也必有慈焉不妄于心者矣更有村學究好為杜撰
因母先亡而父後亡者改稱孤于豈不可怪也哉不知不論父
母俱稱不孝子為正

說餘 天香樓偶得

主

期喪

禮記雜記云期之喪十一月而練十三月而祥十五月而禫蓋其
久如此今人以歲一周為期謬者欲准以三年之喪二十七月之
例謂明服止宜九月者其不通不亦甚乎

北闕

漢高帝時建相蕭何起未央宮築北闕其後宮雖南向而上書奏
事謁見者皆詣北闕公車司馬在焉故唐詩曰北闕休上書用此
義也

東宮

漢書劉向傳依東宮之尊顏師古曰東宮太后所居也建元二年

御史大夫趙綰請無奏事東宮實太后大怒罷逐趙綰是也

省中

本為禁中門闔有禁非侍御之臣不得妄入行道豹尾中後因漢
元王皇后父名禁避之故曰省中省察也言入此中者皆當察視
不可妄也今分天下為各省亦祖此義

阿房宮

古來諸宮名俱命自朝廷獨阿房宮秦惠文王起欲俟其成更擇
令名命之宮未成而秦亡天下以其在阿基旁遂謂之阿房宮房
讀如旁義與旁同不訓房室亦有作阿旁者

宣曲宮

三輔黃圖曰宣曲宮在昆明池西孝宣帝曉音律嘗于此度曲因

說餘 天香樓偶得

主

以為名此說誤也按武帝時從宣曲以南置更衣十二所即宣曲
宮也宣因宣帝度曲而得名乎

籀樓

籀字音移說文閣邊小屋也一曰樓閣邊小屋與樓閣相連者愚
按今人稱樓閣兩旁側樓曰挨樓挨字與籀字音相近故傳訛耳
當呼籀樓為是

前榮

池存中漢溪筆談云予見今人為文章多言前榮榮者是在東西
序之外屋翼也謂之東榮西榮曰注屋謂之東霽西霽未知前榮
安在蓋謂屋制無前榮也葉苑雖黃以為不然上林賦優伶之徒
暴於南榮則所謂榮者東而南也皆有之矣故李華含元殿賦又

有風而交四榮之說榮為屋樑即犀四垂也又謂之捐又謂之招屋樑兩頭起者為榮憑按榮之為言榮也榮統屋之四周也又令人屋前亦展一架其名曰廊其上或用接檐或用重檐意者前榮即類此乎

第家

第家猶今言世家也漢書王莽傳安漢公起於第家

丙舍

古人多以天干編次諸物宮室亦然故云甲第者謂宮室之第一等也乙第二等雖不嘗見然有甲則自有乙矣漢武帝甲乙帳可類推也至丙舍亦者乃正室兩旁之屋次於甲乙故以丙丁為號如今官署堂下兩側公廨是也雖丁舍二字亦不嘗見然有丙則

說鈴

天香樓偶得

重

自有丁矣周典嗣千字文云丙舍旁起其義已漸鍾元常所云墓田丙舍蓋丙舍初無定在此偶指其在墓田者言耳非謂丙舍專在墓旁也

泰帝鼎

漢武帝時汾陰得寶鼎有司言聞昔泰帝與神鼎一一者一統天地萬物所繫象也黃帝作寶鼎三象天地人禹收九牧之金鑄九鼎象九州今人知黃帝禹有鼎而不知泰帝之有鼎矣泰帝即秦吳伏羲氏也

羽扇

事物紀原云拾遺記周昭王時修塗國獻舟鵲一雌一雄孟益取鵲翅為扇一名條歌一名反影此作羽扇之始今按拾遺記修塗

國作扇有四一名遊飄二名條嗣亦非條融三名虧光四名反影時東甌獻二女一名延娟一名延娛使二人更搦此扇侍於王側清風四散冷然自涼

捍拾遂

凡射用韜左臂以利弦者常為之一謂之捍一謂之拾一謂之遂一物而三名也

豚肥

豚音孤肥音都宋景文筆記曰關中人以腹大為豚肥俗音謂杖頭大者亦曰豚肥後說為骨柔柔音端羅反

濫脇號鐘

淮南子修務訓有云鼓琴者期於鳴蕭修營而不期於濫脇號鐘

說鈴

天香樓偶得

重

言惟其實不唯其名也濫脇號鐘美琴名註云濫脇音不和號鐘高毅誤矣觀上下文自名濫脇正如焦尾之類號鐘者亦正美其聲韻高朗耳故馬融長笛賦云若絃瑟促柱號鐘高調號鐘亦指琴名蓋言笛較之美促若急弦之瑟高若號鐘之琴也

案

孟光舉案齊眉人咸疑案不可舉故有謂案當作筮字者愚竊考古人布席於地席上置案如今世滿州桌是也後漢去古未遠梁伯鸞家或從此制所以可舉亦未可知

團蒲

蒲團亦可稱團蒲王安石聊行詩云聊行弄芳草獨坐應團蒲是也

壺口禁忌

令人凡酒壺茶壺之口禁忌向人云向之有口舌此說蓋有所本
禮記少儀云尊壺者而其鼻解者曰設尊設壺皆而其鼻以向君
見惠自若出也夫鼻者柄也口與柄前後相對既以柄之所向主
施惠者為尊必以口之所向主受惠者為卑故不以口向人敬客
之意耳後世相沿而昧其旨遂為俗忌并不以口向己夫之矣

白酒

古人酒以紅為惡白為美蓋酒紅則濁白則清故謂薄酒為紅友
而玉醴玉液瓊醴瓊漿等名皆言白也梁武帝詩云金杯盛白酒
正言白酒之美近來造酒家以白麴為麴并春白秫和潔白之水
為酒久釀而成極其珍重謂之三白酒於是呼數宿而成之濁醪

完於 天香樓偶得

蓋

曰白酒使詩詞家不敢用白酒字失其旨矣

馬字寫用

馬之為名所施不一如禮記投壺請為勝者立馬是以計數之物
為馬也今俗猶故之物謂之奉馬賭博者以物衝錢謂之馬子交
易者以銅為法術銀錢重謂之法馬此皆計數之意也木工以三
木相攢而岐其首橫木於上以施斧斤謂之作馬此則象形也周
禮掌舍設楹極再重注云楹極行馬也或曰行馬遠舍交木以禦
衆漢官儀光祿勳門施行馬令官府理事時衙前橫木以禁人行
走此即行馬之制謂之馬者蓋取其象形俗於紙上畫神佛像
塗以紅黃采色而祭賽之畢即然化謂之中馬以此紙為神佛之
所憑依似乎馬也如會之虞謂之馬頭以地當水陸衙要冠蓋商

旅之所聚集舉馬以聚車船且舉馬頭以聚馬之全體也

律

法律律令令人多習用究未詳律字何義一說律呂萬法所出故
法令謂之律亦欠精確愚按古人以竹為器者皆名曰律故黃帝
截竹為管謂之十二律入箏曰不律入理髮篦亦曰律然則法律
律令當是書其法於竹簡上如孔子所云文武之政布在方策
者耳故古稱三尺法謂律長三尺也而蓋鉄論則曰二尺四寸之
律蓋周尺短秦漢尺長凡周尺一尺秦漢尺止八寸三二尺四
寸其度適相符矣

刀劍錄

南史宋後廢帝紀元徽五年七月七夕帝令楊玉夫伺織女度報

祝鈴 天香樓偶得

蓋

已因典內人穿鍼訖醉卧仁壽殿東阿羅帳中玉夫取千牛刀殺
之而陶弘景刀劍錄乃云順帝準於昇明元年掘得一刀銘曰帝
血光照一室至二年七月帝使楊玉夫伺織女玉夫伺織女度報
以故帝果如銘蓋誤以後廢帝為順帝以楊玉夫為楊玉也順帝
於元徽五年七月即位即改是年為昇明元年至三年四月始禪
於齊亦無二年七月過試之事楊玉夫故後廢帝本係蕭道成指
使非關伺織女且史云伺織女度報已或限以報明時刻而已錄
乃云候女不得懼死尤屬荒怪

結縞

爾雅婦人之律謂之結縞也即註即今之香縷詩豳風親結其
縞未註縞者婦人之褙母成女而為之施於結也通作離班使

仔東宮賦曰中佩離以自思顏師古曰離袿衣之帶也女子遺人父親結其縞而戒之愚按女子衣帶豈必俟其父親結當以郭朱二說為正

稱衣

杜預曰衣單履具曰稱謂一單衣一履衣履稱今俗言夾也稱字讀作去聲又禮記喪大記云衣必有裳謂之一稱小斂大斂君大夫士衣各有稱教令俗始死取斂衣往橋上用稱稱之蓋因誤解稱字之義耳

潤廁帛

五雜俎載明時大內供御潤廁所用乃川中貢野蠶所吐成繭織以為帛大僅如紙孝廟時一宮人取已用者漸濯縫紉為簾惟之

說鈴 天香樓偶得

至

屬一日上見問之其以對上曰如此殊可惜即勅以絳代之停所進貢諭年川中奏詔書到後野蠶比年不獲吐繭村民有衣食於是者流離夫所乃令進貢如初異歲蚕復生矣愚按此奏必有司誦佞者飾詐以取媚於上耳又或因其供御私收羨利則雖擾民之政亦請行之矣豈有詔書甫下而野蚕即不吐繭之理哉且村民果衣食於野蚕則織以充衣服之用何所不可而必以供潤廁哉夫上有仁儉之政而下不能奉行乃復作為荒唐之詞以沮德意其罪不勝誅矣昔人謂合浦還珠之說亦以取珠害民故言珠徒其實珠產海中實未嘗徙也

象碁

宋王祐觀篋碁碁碁有六符些所云象碁乃是以象牙為碁子蓋

即圍碁之戲非後世之象碁也後世象碁之制不知所起事物紀原引牛僧孺元怪錄所記唐肅宗寶曆初民人岑順於陝州呂氏坎宅掘得古冢金象局即今時之象碁又引劉向說苑云雍門周謂孟嘗君曰足下燕居圍象碁亦戰門之事乎故謂戰國時已有之然究不知起自何時太平御覽又謂象碁乃周武帝所造有日月星辰之象此復與今之象碁不同

選仙圖

今俗集古仙人作圖為賭錢之戲用骰子比色先為散仙次陞上洞以漸而至蓬萊共羅守列則衆仙慶賀比色時首重緋回為德次六與三為才又次五與二為功最下者么則謂之過凡有過者謫作樵樵思凡之類過德復位此戲宋時已有之王珪宮詞云晝日間賭賭選仙小娃爭覓到盆錢上籌須占蓬萊島一擲未嘗出洞天即此戲也所云到盆錢當即如里俗陞官圖戲早者出錢與尊者謂之見面錢之類耳

倒塔影

夢溪筆談論殿隙中樓塔之影中間為殿所束則皆倒垂客座贊語亦云塔影無不倒者且云凡物之影透在牆中必與其形相違塔本正也而影倒即如飛鳥之影鳥東飛則鏡中之影必西逝與塔影相同二說似矣而其所以然之理則皆惜焉余嘗遊真如寺大殿之後西次間北向一小室深僅六七尺其南即大殿之牆北首臨簷際上截用木板蔽風雨下截作牆板之近墻處有一小隙僅四五寸滿半之余同數人從旁一門入室即閉門視之天光映

於壁上塔影宛然倒焉初甚駭異沉思久之忽然了悟此中自有至理固極平常也時方仲夏日行北陸人值備時塔在日南日自北照之影落塔南地上室中壁上之天光乃即塔南地上之日光倒照室中者也此上塔影尖在南尾在北故壁上塔影尖在下尾在上然非有簷際木板米之則光散而不聚壁上必無塔影矣故板上罅隙必須極小旁入之門亦須盡閉則光始自罅中吸入壁上耳又思冬月日行南陸日在塔南壁上必無塔影春秋之際必從早晚日出入時伺之蓋日出入時多在北方總須日在塔北而後壁上乃有塔影詢之寺僧答云果然余自見塔影後歸家坐定思有以模肖之夜間取燈大置長桌上燈南二三尺許桌上植一小兒所弄小木塔長可六七寸塔南二尺許桌上樹一小板屏屏北不及尺許桌上橫一大木板盡障南首燈光板中微開一竅長二三寸正與塔影相激射然後從旁視之則燈南桌上燈光已從竅中吸入照於板屏之上而木塔之影亦宛然倒於屏上矣蓋此倒塔之影乃即桌上塔影轉照入屏者也自喜前人未晰之秘余得剖露無餘故詳記之

陽燧影

夢溪筆談又云陽燧照物皆倒中間有礙故也奚家謂之格術如人操觚象為之礙故也若鳥飛空中其景隨鳥而後或中間為礙隙所未則影與鳥遠相違為東則影西為西則影東陽燧而窪以一指迫而照之則正漸遠則無所見過此遂倒其無所見處正如懸隙觚象腰鼓礙之此論亦未分明余家畜一陽燧以之照物近

說餘 天香樓偶得

无

近則正稍遠則閃爍無定再遠之則皆倒矣但所照甚為模糊不若近照之明顯細思其故非中間有礙也蓋陽燧而窪凡遇諸物悉從四邊先照入內故中間所照之影非照外物而得乃轉照四邊所照之物影也上邊所照則中間轉在上下邊所照則中間轉在上左右轉照亦然唯不竟照外物止照四邊所照物影故光甚模糊亦猶室中壁上塔影不竟照塔止照地上之塔影耳若以物迫近視之則四邊光散而中間自能照物故影仍正且顯也其稍遠而閃爍無定者乃常中邊兩影相射之際故也推之懸隙為影以及客座贊語所言走馬燈扇上之影莫不各有一轉照机括在內理極平常細心體察自行非奇怪之事也又有圓鏡照物亦倒理與陽燧一致但圓鏡照物則中間先已照訖復自中間轉照四邊故倒影不在中間而在四邊耳

說餘 天香樓偶得

无

風馬牛

書費誓馬牛其風臣妾遭逃勿敢越遂註謂馬牛風遠臣妾遭逃不得越軍壘而逃也左傳齊桓公伐楚楚子使與師言曰君處北海寡人處南海惟是風馬牛不相及也亦謂不相干越之意故下文即云不虞君之涉吾地也何故杜註云牛馬風遠蓋未界之微事故以取喻已得其解而尚欠明確後人乃擬穿鑿其說云牛走順風馬走逆風或云此杜相誘曰風師律之甚真堪捧腹

維摩經語

稽康謂鍾會曰何所聞而未何所見而去會曰聞所聞而未見所見而去與維摩經維摩問文殊師利不來相而來不見相而見文

殊師利答云若米已更不來若去已更不去雖深不同而橫鋒
要自一致又維摩經中舍利弗言無在無不在與孔子無可無不
可相似

周天五

周文王寢疾顧謂世子發曰見善勿怠時至勿疑去非勿處夫曰
時至勿疑則似豫知有收野之事矣宜乎其為曹瞞所藉口也

呂覽引商書

呂覽論大篇引商書曰五世之廟可以視怪萬夫之長可以生謀
與今書文迥異

吳起債表

呂覽慎小篇吳起治西河欲諭其信於民夜日置表於南門之外

說餘 天香樓偶得

五

今於邑中曰明日有人債南門之外表者仕長大夫明日一人債
表未歸吳起自見而出仕之長大夫其事在商鞅賞徙木之前決
特祖其術耳

四累之上

呂覽順說篇忠盜說荆王論勇力之說凡四更端故云居四累之
上大王獨無意耶高氏訓解以四累為卿大夫士民四等君處其
上故曰四累之上何其盲人說夢

居者行者

呂覽知接篇管仲有疾桓公往問之仲引齊師人夢曰居者無載
行者無埋蓋謂人之居止者凡物皆不常載負人之行徙者凡物
皆不常埋藏高氏訓解以居謂居職行謂即世甚謬至下文云今

原書闕

臣將有遠行然後以遠行喻死耳

以不解解之

呂覽審分篇魯鄙人遺宋元王閉元王號令於國有巧者皆來解閉人莫之能解兒說之
弟子請往解之乃能解其一不能解其一且曰非可解而我不能解也固不可解也問
之魯鄙人鄙人曰然固不可解也我為之而知其不可解也今不為而知其不可解也是
巧於我故如兒說之弟子者以不解解之也按所云閉者乃閉結之物也所云解者乃解
散之也今俗遇事理之不可曉者輒曰以不解解之本用呂覽語但呂覽意主解散今
俗意主訓解微有不同耳

毋動為大

漢書賈誼傳誼疏有云然而獻計者曰毋動為大耳如淳註曰好為大語者愚按如說以

說餘 天香樓偶得

五

毋動二字為獻計者之辭為大耳三字乃誼詆之此解非也賈子新書孽產子篇亦有此
句而下文云曰為大夫治可耳若為大亂豈若其小詳其文意毋動為大四字連讀皆屬
獻計者之辭蓋謂毋所動搖乃為寬大耳

賈誼疏

漢書賈誼傳誼疏云可為痛哭者一流涕者二長太息者六痛哭為強太諸侯流涕一為
匈奴其一為無考新書無諸篇謂無諸是也長太息一為服制無等一為風俗敗壞經
制不立一為不蚤諭教太子因事關宗社故不明言太息新書亦然一為不體貌大臣其
餘傳無考新書等齊篇以天子諸侯衣服號令無有等差為

一長太息銅布筮以不禁特錢為一長太息而漢書自雖諫請禁
錢一疏列食貨志中又無可為長太息一語所以後人讀諫傳者
每怪治安策列款未備烏知孟堅作傳時不遺裁削新書而時有
脫漏移易耶

自喜

漢書韓安國謂田蚡曰君何不自喜自喜猶云自愛也師古註何
不自謙遜為可喜之事覺欠直捷景帝曰魏其沾沾自喜耳張晏
曰沾沾自整頓也正自喜意師古曰沾沾輕薄也亦非

曉人

漢書薛廣德傳宣帝耐祭宗廟出便門欲御樓船廣德請從橋且
曰陛下不聽臣自別以血汗車輪陛下不得入廟矣上不悅張

說餘 天香樓偶得

雷

猛進曰乘船危就橋安聖王不乘危上曰曉人不當如是耶本謂
以言曉喻人者當如猛之和婉正以廣德之言為懇激也今俗引
用以曉人為通曉道理之人則失其解矣

開樂對

漢書中山靖王開樂對中云道遠路遠夫道即路也遠即遠也語
頗重複然此語實本于穆天子傳西王母謠云白雲在天山陵自
出道路悠遠山川開之

陳蕃榻

後漢書陳蕃傳云蕃為樂安太守郡人周珍高潔之士前後郡守
招命莫肯至唯蕃能致焉特為設一榻去則縣之而徐非傳後云
蕃為豫章太守以禮請稱著功曾蕃在郡不接賓客唯稱來特設

一榻去則縣之同一陳蕃縣榻也令人皆知徐稱而不知周珍或
者以稱尤為稱與

與左與右

說苑善說篇吳人入荆召陳懷公懷公召國人曰欲與荆者左欲
與吳者右周絳侯入北軍行令曰為呂氏右祖為劉氏左祖正祖
懷公之策然古人尚右懷公右吳而左荆絳侯右呂而左劉皆有
低昂之意且不明白張膽以發號令而徒聽眾心之向背以為去
就其心皆可誅也

禍福

說苑權謀篇韓昭侯造作高門屈宜咎決其不出此門云此所謂
福不重至禍必重來者也因知今俗語云福無雙至禍不單行古

說餘 天香樓偶得

雷

人已言之者矣

草書

草書之作其原始于漢黃門令史游之急就章本名章草張懷瓘
書法所謂損隸之規筆縱逸奔放赴速急就也厥後張芝變為
今草較之章草尤為便捷而晉書衛恒傳乃云思思不暇草書似
乎草書反為遲難于曉所以識之也或者又矯為之說云古人草
書正不苟且故較之楷書為更遲耳愚以為皆非也蓋草書自無
不曉者若恒傳所云草書則因急遽之中不暇起草猶令人所云
打草驚鳥書不起草則不免草草添改有失敬謹之意故言及之
豈謂舞鳳驚蛇之筆必吃驚驚而不揮之微頃者乎

鷓鴣新聲

偃鼠飲河不過滿腹今人皆能道之蓋出莊子也然埤雅引古版云偃鼠飲河止于滿腹鷓鴣銜葉才能覆身鷓鴣銜葉事頗少引用埤雅曰鷓鴣畏霜露蚤晚稀出有時夜飛則以木葉自覆其背

韓昌黎序

韓昌黎送孟東野序止六百二十餘字乃有三十八鳴字讀者不覺其多昔人以此稱之然余入按篇中後有四十五其字雖云語助無礙然句法亦太草率至于伊尹鳴岐周公鳥周楚大國也其匹也以屈原鳴等語頗嫌杜撰夫湊絕無意義

類書抄纂

類書所抄纂者必詳出自何書方可令覽者參考嘗觀釋史彙編

說鈴 天香樓偶得

董

一書不能一一明註所出至有以古人所稱余者儼若纂者自稱古人所稱是時者儼若纂者之時甚可怪也

唐詩

唐詩分初盛中晚說者謂初唐自高祖武德元年戊寅歲至玄宗先天元年壬子歲凡九十五年盛唐自玄宗開元元年癸丑歲至代宗永泰元年乙巳歲凡五十三年中唐自代宗大曆元年丙午歲至文宗太和九年乙卯歲凡七十年晚唐自文宗開成元年丙辰歲至哀宗末年丙寅歲凡七十一年四唐自高祖武德戊寅至哀宗末年丙寅總計二百八十九年然愚謂詩格雖隨氣運變遷其間轉移之處亦非可以年歲限截况有一人而經歷數朝今雖分別年歲究不能分一人之詩以隸于某年之下甚之以訛傳訛

或一詩而分載兩人或異時而互為牽引則四唐之強分疆界無亦刻舟求劍之說耶

清平調

周有房中之樂燕禮註謂弦歌周南召南之詩通典平調清調瑟調皆周房中之遺教按此則唐李太白應詔作清平調蓋即所謂清調平調也其意以明皇楊妃擬文王后妃二南之盛而其歌舞乃極形容艷冶之態不亦謬乎

劉夢得贈白樂天詩

劉夢得贈白樂天詩中兩聯用高山高門複高字自註云高山本高高門使之高二字為義不同然其詩云于公必有高門慶謝字何煩曉鏡悲以高門對曉鏡又似門自高矣若云使門高則豈可

說鈴 天香樓偶得

董

曰使鏡曉耶要之作詩倘有複字初無傷于大雅倘欲守絕忠則雖音同異義之字亦仍須避之為妙耳

李義山宮妓詩

李義山宮妓詩云珠箔輕明拂玉墀披香新殺綉腰夫不須看畫魚龍戲終遣君王怒偃師末二句形容宮妓之美謂偶人亦能動情耳馮班云唐時宮禁不嚴託意偃師之候人刺其相招此言固屬深文近閱賀裳載酒圍詩話又云此詩只形容女子慧心男子一妙字尤為藝語蓋有前人之意本直而後人解之反穿鑿夫雖者大率類此

丘瓊山詞

丘瓊山持論僻異謂南宋時秦檜主和不為無見岳飛主戰亦未

必能恢復乃有責高宗殺武穆沁園春一詞何自相矛盾耶

文法繁簡

洪容齋隨筆論文之繁簡各有當而曰史記衛青傳校尉李朔校尉趙不虞校尉公孫戎奴各三從大將軍獲王以千三百戶封朔為涉軹侯以千三百戶封不虞為隨成侯以千三百戶封戎奴為從平侯前漢書但云校尉李朔趙不虞公孫戎奴各三從大將軍朔朔為涉軹侯不虞為隨成侯戎奴為從平侯此校史記五十八字中省二十三字然終不若史記為樸贍可喜愚竊以為不然蓋文章之法冗長不如簡練若聚以蕪蔓為勝豈足以盡文之能事乎故愚謂漢書所省實優於史記容齋之說非定論也又攷漢書三從大將軍下亦有獲王二字此史記止省二十一字洪因失去

說餘

天香樓偶得

卷

獲王二字故云二十三字亦誤

史記涉軹漢書作涉軹功臣表但作軹隨成漢功臣表作隨城

舍下字叶韻

曲禮將適舍求母固將上堂殺必揚得入戶視必下每二句皆叶韻舍字審慕切與固字叶如雜騷余固知粵粵之為患今忍而不能舍也指九天以為正分夫惟靈修之故也又如白樂天效陶體詩所以陰雨中絳句不出舍始悟獨住人心安時亦過皆是也堂字徒江切與揚字叶其韻最近下字後五切音戶與戶字叶如易乾卦文言本乎地者親下叶聖人作而萬物覩詩大雅絲絲章至於岐下叶聿來齊字皆是也

譯丙字

隋時改丙為景唐初修晉書凡帝紀中丙子丙寅之類皆仍隋舊

書景子景寅藝苑危言曰學書諱丙日云蒼頡以丙日死也

勿勿

勿音物禁止之聲又州里所建旂亦曰勿州里建旂以聚民事貴速也故凡急遽者率稱勿勿今俗乃於勿字中斜加一點而讀音聽失真甚矣

不

車若水脚氣集云王右軍帖多於後結寫不具猶言不併也有時寫不備其不具外書似不一一蔡君謨帖並寫不一一亦不兼理按此則知今人於書末後每書不一其原始於右軍書也

滿調

漢書谷永傳滿調誣天師古注曰謂欺罔也愚按滿本作謾今假借滿字為之謾欺也調音蘭言不實也

說餘

天香樓偶得

卷

懸磬

左傳魯使展喜馮齊師以君子無怨對齊侯曰室如懸磬野無青草何恃而不恐杜預注云知而也時夏四月令之二月野物未成故言居室而資糧雖盡在野則無蔬食之物所以當恐釋文云磬亦作磬盡也此解殊無意義愚謂磬與磬同古字通用蓋磬之懸者中高而兩旁下其間空洞無物今人貧乏家無儲蓄止餘屋舍屋脊高起而兩簷下垂望之遠如磬形也至於兵圍日久米粟既盡掘草根而食之無復萌芽發生故云野無青草此解似鑿然頗自喜辯數

宜義粵越亮諒字

誼乃古義字漢書賈誼亦作賈義令人以義為道義又義字以誼為氣誼字粵乃古越字或作發語發或作國名或訓諭令人專以越為吳越以粵為百粵及發語發而論越字無作粵者亮中諒字孟子君子不亮惡乎執注云與諒同令人亮亮字無作諒者揣諒字無作亮者又專以諒訓信凡此皆治葉之謬也

做字

做字平殺說文云出游也做字去殺說文云倨也然尚書益稷篇做虐是作倨云做戲而為虐謂之做戲是借倨作做也音五羔反至如孟子般樂忘放趙注云忘情放遊本義自明未註放音做是以平殺之放讀作去殺之做而義仍訓偷安不訓倨慢夫之矣蓋放遊放字不當以去殺讀也

說鈴 天香樓偶得

堯

墨屎莫莫穠穠

墨屎音眉瘦呆貌今俗見人無所可否而多笑顏者曰也也癡癡意亦相似莫莫音列舉胸次不平貌今俗作劣癡穠穠衣厚貌一云不乾事非也今俗見人衣服粗重者曰初穠此即穠穠之為耳

姦色間色

青赤黃白黑五方正色也碧紫紅綠流黃五方間色也間字向作去殺然按禮註云紅南方之姦色紫北方之姦色蓋姦色即間色也姦干也相干犯也謂雜色干犯正色也則間字當以平殺間姦古字通用耳

治字

奉道之家靜室曰治音直至反宋謝靈運生於會稽其家以子孫

難得送之錢塘杜明師治見詩品

弓字

弓即卷字真誥中謂一卷為一弓或以弓為巾字及篇字者皆非

諱字

古人避帝王之諱如漢高祖名邦則諱邦之字曰國惠帝名盈則諱盈之字曰滿唐高祖名淵則諱淵之字曰永太宗名世民則諱世之字曰代民之字曰人蓋既不諱本字故取義同音異之字代之於文義初無害也今世不知此義凡避諱輒用音同義異之字或仍用本字僅於點畫之間各任私智妄加損益故音既已相訛文義復多舛適豈有當於易名之典與然此必須明懸中令庶乎有所避行耳

說鈴 天香樓偶得

單

諱

諱避忌也生曰名死曰諱今人問人名輒曰尊諱是死其生也祖若父尚在而謂其名為諱是死其祖若父之生也

夏字

中夏夏商大夏曰夏又大曰夏又周禮大司樂舞大夏皆音遐上聲至於春夏之夏與夏姓夏侯姓皆音遐去聲今人呼中夏夏商廣夏大夏皆為遐去聲而夏姓反為遐上聲顛倒甚矣

都鄙村部

楊升菴云都何以訓美都者鄙之對也左傳都鄙有章淮南子始乎鄙者常卒乎鄙蓋天子所居華歆之下殺名文物之所聚故其士女雍容閑雅之態生今諺云京樣即古之所謂都相如傳單從

甚都是也。愚按訪稱禮文豈無待中者云。不村不郭蓋村落之中。習於質樸城郭之中。習於文繡村猶鄙也。郭猶都也。故訛愚者曰村樣讚美好者曰市氣其義一也。

射覆

射覆字始見於漢書東方朔傳考字書射字凡反言射則去教以射其物而言則入教覆字反覆則入教覆蓋則去教射覆者類師古謂於覆若之下置物令問射之則射字覆字皆當從入教今俗二字皆讀從去教謬矣。

隨兒科雉

呂氏春秋楚莊王獵於雲夢射隨兒中之劉向說苑亦載此事而隨兒作科雉集韻兒字云或作維蓋以說苑從呂覽也。正字通云合集韻以雉為兒其誤但正字通云出科之雉豈以科為巢耶亦覺費解愚謂隨兒乃兒中之異者科雉乃雉中之異者所以申公子培割而奪之不出三月病死言其怪也。若隨母之兒始生之雉又何可怪之有哉。

蒲卑

華陽國志云蜀王杜宇稱帝號曰望帝更名蒲卑令人引用望帝者多矣蒲卑之名頗少知者。

鷓鴣

鷓鴣鳥唯北方有之內弟吳子山自都中南還見有人携此鳥渡黃河經上厓頭鳥即扑死物性不可解如此。

牛駿

郭子章馬記引宋書云何偃乘在前劉瑀居後瑀謂偃曰君慙何疾曰牛駿馭精故疾于章蓋以牛駿為馬名誤矣昔人嘗以牛駕車世說石崇與王愷出遊極晚發中入洛陽城崇牛數十步後迅若飛禽惟牛絕走不能及以此知何偃所云牛駿乃謂車牛之駿耳豈馬名乎。

麗麗臣臣

商子畫策篇云麗麗臣臣每一日走千里有必走之勢也此必二獸名或良馬名惜無明註可考他書又未嘗見故不敢臆斷耳。

蒙貴

爾雅釋獸窮屬蒙頌條狀郭註云即蒙貴也狀如雉而小紫黑色可畜健捕鼠勝於貓九真日南皆有之按此則蒙貴非狗也今人稱貓亦曰蒙貴誤矣。

鼈鼠

漢光武得鼈鼠舉臣莫識時竇攸舉孝廉為郎以爾雅所云對符賜絹百疋郭景純注爾雅以光武為武帝竇攸為終軍誤也。

斯螽莎鷄蟋蟀

詩豳風五月斯螽動股六月莎鷄振羽十月蟋蟀入我牀下朱註云斯螽莎鷄蟋蟀一物隨時變化而異其名此說恐未確也按爾雅云斯螽莎鷄郭註云蟋蟀也俗呼春螿陸佃云亦或謂之春螿草木疏云蝗類青色長前長股股鳴者也或曰似蝗而小股黑有文五月中以兩股相切作聲聞數步者是也此蟲一生九十九子。

詩周南螽斯羽即此蓋斯螽即螽斯本語助故或云螽斯或云斯螽螽類非一此其一種也爾雅人云餘天鷄郭註云小螽黑身赤頭一名莎鷄人曰榜鷄陸佃云其鳴以時故有鷄之號詩曰六月莎鷄振羽言於時莎鷄用成而振也也則用入謂之蒲錯古今注一名絲蟬謂其鳴如紡緯也此則莎鷄自成一種也爾雅又云蟋蟀郭註云今促織也亦名青蛩陸佃云似蟬而小善跳正其有光澤如漆一名蟋一名促織一名吟蟀秋初生行寒乃鳴此則蟋蟀自成一種也三種之蟲顯然各判紫陽莫欲混而一之不知何所據耶

蒲盧蒲蘆

爾雅釋蟲云果蠃蒲蘆郭景純註曰即細腰蠃也俗呼為翳蟪沈

說鈴

天香樓偶釋

蠶

存中筆談乃云蒲蘆說者以為果蠃疑不然蒲蘆乃蒲葦耳故曰人道敬政云云愚按存中謂蒲蘆非果蠃其說是矣然果蠃之為蒲蘆爾雅業有明文特蘆字不以草耳

海蜻

呂覽精諭篇云海上之人有好蜻者每居海上從蜻遊蜻之至者百數而不止前後左右盡蜻也終日玩之而不去其父告之曰聞蜻皆從汝居取而求吾將玩之明日之海上而蜻無至者矣此與列于海鳥事絕相類今海鳥事數見引用而海蜻之事絕無知者

從蜂社鼠

韓詩外傳云從蜂不攻而社鼠不熏非以從蜂社鼠之神其所托者然也此與城狐社鼠同意今人引用城狐社鼠者多矣從蜂社

鼠頗少用者

刺蝟

刺蝟甚可憎相傳小者上樹大者下樹余嘗驗之大者果下樹矣小者上樹之說殊不確也蓋此蝟亦蝟類在樹食葉玩老即生于枝間一至大者相繼下樹其身外粗皮結成繭形而硬或附樹根或藏土內至春變為蛻蝶破繭而飛矣枝間所生之子至夏月即成刺蝟食葉傳種嗣續不絕令人欲絕其種類厥竟其繭擊碎之亦何益乎

松木生白蠟

凡屋舍梁棟用松木者大抵多生白蠟其形似蠟而差大色白腹肥有光澤初皆綠地而上過松即蠟一蠟當先聚蠟以次踵至首

說鈴

天香樓偶釋

蠶

尾相續不絕如線若有節伍行列然久則生翼過春未及初溫熱之日成羣飛出不返其未生翼者居木中蠶食極易孳生蠶食既久其屋輒有崩塌之患

臭蟲

杭州人家多臭蟲入夜緣床入幃嚙人肌血最可厭恨然杭人相戒不敢治謂以臭蟲多寡卜家業盛衰向輒笑其欺今按五雜俎載閩中一獄多壁虱諸囚苦之搜求之不可得一獄卒以味臭虫見市上有黑道如線視之虱也從獄中出越大門設市西一賣餅家爐下匿馬餅家久且致富卒乃白官發爐行數斗捕殺之此後賣餅家遂敗落夫臭蟲與壁虱頗相似虱聚而餅家興或燭而餅家落則盛衰之說若果有之矣書此以代杭人解嘲

蠹白蠟

嘗見臘梅花枝間白膩如脂附着不解初疑為蠹屎或鳥糞及剝
視着枝處其色微紅而潤每箇皆然不識的是何物今閱本草冬
青樹上有蠹白蠟一種云係小蠹食樹汁化者其蠹類蠟蝨有白
有黑每食冬青樹汁久而化為白脂燧則成蠟亦有不變蠟者則
結苞枝上初如黍米漸圓大青紫宛若樹之結實土人呼為蠟種
未年春深則苞拆而蠹出延樹矣欲廣蓄者候苞將拆時連枝採
繫他樹其蠹亦應候而出按本草所言白蠟令人以之製燭土人
采春育採其利不減蠶子因悟臘梅枝上所見亦此蠹之類也

龍蛻

先父嘗言父之外祖父母倪氏治墓之時信堪輿家言於穴後開

龍蛻 天香樓偶得

龍

一燕先以石灰蓋地令人依灰掘之不數尺得一龍蛻首尾長短
適與灰齊龍骨為鄉人攪散父時為兒亦索得一塊色甚潔白夫
地中龍蛻固不常有而開墳正值其處尤可異也今墓後數十年
倪氏亦無甚禍福

魴魚

魴魚身廣而匾頭尾俱尖小俗呼為鰻冬月有之大者可重二三
斤吳俗夏月漁人張網取得小魚名曰魴鮮其中有形與魴同而
大不過二三寸小魴及半寸俗謂之魴魴此即魴也蓋至冬月始
大耳爾雅釋魚有白魴魴郭景純曰江東呼魴魚為鰻一名魴音
毗當即此也

種菴

有言種菴之法先握土作大坎宰母猪一腔置其中將肉菴于干
百枚投入猪肉中俟肉收時肉菴于蠕蠕動即成菴矣

菴枝

漢武帝元鼎六年秋高越起菴菴宮以菴所得奇草與木自交趾
移菴枝百株於庭無一生者連年猶種菴不愈後數歲偶一枯稍
茂終無華實帝亦珍惜之一旦薨死守吏坐誅者數十人遂不復
將其實則歲貢焉郵傳者疲斃於道極為生民之害至後漢安帝
時交趾郡守極陳其弊遂罷其貢至唐而一騎紅塵僅以博妃子
之笑矣

玉蘭辛夷

玉蘭辛夷二花形體相似今俗稱色白者曰玉蘭色紫者曰辛夷

說鈴 天香樓偶得

樂

羣芳譜亦分二種玉蘭一名迎春辛夷一名望春一名木筆亦曰
木房然愚按唐宋人詩咏辛夷者極多而咏玉蘭者絕少至陸龜
蒙揚州看辛夷花詩云若得千枝便雪宮則白者亦明稱為辛夷
矣始悟玉蘭古亦名辛夷似辛夷有白紫二種唐宋人咏辛夷詩
其不著顏色者如杜甫所云辛夷始花亦已落况我與子非壯年
錢起所云谷口春殘黃鳥稀辛夷花發杏花飛王安石所云四頭
不見辛夷發始覺看花是去年之類則紫白皆可通用其著顏色
者如裴迪所云况有辛夷花也與芙蓉亂白居易所云紫粉筆含
尖火焰紅胭脂染小蓮花之類則詩人偶因所見者是紫辛夷耳
夫莫與芙蓉同苞初生似芙蓉而木筆故名辛夷此花開在二月視桃
李為最早故名迎春望春未開之莖形尖如筆故名木筆諸義皆

不專屬於紫論其香色白者為滕故圃人以紫色之本上接白色
之枝明王世貞咏玉蘭詩所云暫藉辛黃質是也然詳味工詩之
意判然以玉蘭為非辛黃誤矣若夫白之外又有淡黃紫之外又
有桃紅鮮紅諸種則人顏色之極異者也

桂

王敦美蘭部疏云福南四郡桂皆四季花而反盛於冬凡桂四季
者有于惡詩所云桂十月中落此其桂也江南桂八九月盛開無
于此木種也玉蘭部草芳澤則云桂一名棧一名木樨按桂之
種類不一有牡桂南桂金桂銀桂丹桂諸名其花時人有或春或
秋或四季或逐月各各不同王說以有于者為桂無于者為木樨
亦未確也

范終 天香樓偶錄

聖

溼丹

秦風終南之詩曰顏如溼丹愛云溼厚漬也顏色如厚漬之丹言
赤而澤也杜撰可笑溼丹本花名根莖花辨悉似百合而小四五
月開花狀紅可愛詩人讚美君子顏色紅潤故以此花溼丹也
如陳風東門之粉曰視爾如茨漸雅茨地不即註刺蔡也似芙蓉
色正與溼丹同意余入因溼丹類推簡兮之詩曰顏如溼藉亦必
花名或即溼丹之異名也

竹子

東方朔神異經云帝竹可以為船其子美煮而食之可以立劍厲
張華註于荀也

狂

雅集

園

志

遠

蘇

張

署

海

書

公

圖

1954

1954

序

古今風尚各擅一代如清談著于晉小說著於唐雖稗野之語多有裨於正史近代談部說家有櫟園書影鈍翁說鈴西陂筠廊偶筆梅菴良齋雜說漁洋之居易錄池北偶談分甘餘話諸種短則微言雋永長則駢辭瞻麗皆竊義於晉唐之殘編固有所本也予欲彙成裨海為萬年太平頭白汗青之助但削牘浩繁疲精費日久縈于懷亦非細事矣今遊淮南又讀在園雜志或紀官制或載人物或訓雅釋疑或考古博物即夷堅諾臯幻誕談諧之事莫不游衍筆端核而典暢而韻有似宋人蘇黃小品蓋晉唐之後又一機軸也曾南豐曰所謂良史者有四長焉其明足以周萬事之理其道足以適天下之用其智足以通難知之意其義足以發難顯之情今觀雜志四長已備孰謂小品不足以臚列金匱石室為操觚班馬所取材也雖然古之秉史筆者其體嚴其書直若野史雜記又多恩怨好惡之口今在園

在園雜志序

一 遼海叢書

所著瀟灑歷落於人無嫌於世無忌讀之者油然以適躍然欲舞且悉化其谿刻凌厲之氣不知何所本而能變史筆為寫心怡情之具以感人若是耶予挑燈三復乃知在園先生今之賢大夫而以詩名者溫柔敦厚出于習性退食之餘偶憶舊聞或有新見書以示子孫拈與賓客浮白軒渠其作史之筆仍然作詩之筆也古以太史采風今以樂府演史與詩蓋二而一者也康熙乙未初春云亭山人孔尚任撰

序

余少習舉子業鍵戶呶其于五車二酉未能寓目及壯以門廕通籍服官終日滿眼風塵勞形案牘更無暇也乃年逾周甲而足跡未能半天下故耳所聞目所見身所親歷之事無多今值河工久慶安瀾得于退食餘閒焚香靜坐或與二三賓友煮茗清談偶有記憶輒書一紙投篋中積漸成帙一日啓與孫輩指說客有見者曰曷付梓余曰昔人著書立說或窮天文地理務為高遠或搜諸子百家以顯祕奧其次亦有所託以寄恩怨而存諷刺余則無是何梓為客曰乾坤經史昔人言之詳矣若恩怨私情也諷刺微詞也古來文人才士往往以此受謗皆無足取是帙正以陳言務去無恩怨無諷刺方使閱者怡情益智何況所志者昭代之制度名公之經濟其他文翰詩詞新聞俗諺即日用尋常無不考核精詳推原所自至于神奇怪誕雖驚人魄實解人頤不同于夷堅虞初鑿空鏤幻悉皆耳所親聞目

在園雜志序

二 遼海叢書

所親見身所親歷者絕非鋪張假借之辭梓而問世自可法而可傳耳遂強付剞劂余因紀其言以弁簡端康熙乙未春初遼海劉廷璣自識

遼海劉廷璣撰

歲甲午聖壽六旬有一是為本命元辰普天瑞應不勝詳數四海內壽臻百齡奏請建坊以表熙朝人瑞者如福建巡撫滿公保具題德化縣老人百歲鎮守寧古塔將軍孟公俄洛具題李三年百有三歲直隸巡撫趙公弘具題文安縣原任副將馬自新妻徐氏百歲江南巡撫張公伯行具題山陽縣張氏百歲湖廣巡撫劉公殿衡具題江夏縣歐陽氏百歲陝西巡撫永公泰具題醴泉縣丘氏百歲咸于甲午同登期頤是壽域弘開之徵也又山東巡撫蔣公陳錫具題李氏一產四男若一產三男者甚多是戶口廣裕之徵也再浙閩總督范公時崇隨駕熱河每賜御用食饌內有硃紅色大米飯一種傳旨云此本無種其先特產上苑只一兩根苗穗迥異他禾乃登割之粒如丹砂遂收其種種於御園今茲廣穫其米一歲兩熟祇供御膳又

在園雜志卷一

遼海叢書

有白色黏米係樹上天生一株軟滑似黍不膠齒牙此皆希世珍品外間不獨未見抑且未聞是草木休應之徵也咸據邸抄未敢臆說漢軍鄉會試屢行屢停國初甲午准鄉試癸卯覆試解元為鑲紅旗姚聯已酉庚戌後三科鄉會俱行丁巳以用兵復停自庚午辛未復行至今癸巳萬壽六旬特開萬壽科鄉會試漢軍廣額復准監生等應武鄉試從前壬辰狀元麻勒吉乙未狀元圖爾俱滿洲試滿文近則滿漢一體文武兼收矣

本朝漢軍漢人一體簡用內外不分近日惟科道部屬小京官漢軍不占漢人員缺康熙五十年間漢軍補漢缺者大學士蕭永吏部尚書桑格兵部尚書孫熙刑部尚書郭世隆侍郎學士暨司道內陞之京堂共二十七人在外督撫共八人可謂極一時之盛本朝文武並重有以尚書補授都統以侍郎補授副都統者有以都統補授大學士以公補授尚書以副都統補授侍郎者至於郎中員

外佐領世職有時以武遷文有時以文遷武其文武兼管者比比而然外官以督撫陞副都統者有之而武陞文者甚少近年惟福建將軍金公世容陞閩浙總督提督梁公肅亦陞閩浙總督提督趙公弘燾陞兩廣總督南巡時張禹巖鼎以阿思哈尼哈番特授准揚僉事故余贈詩有丞相亦曾為太尉監司適合簡將軍之句再漢人未有補旗缺者近陝西總兵官漢人何天培補鑲白旗漢軍副都統溫州總兵官李鼎平陽總兵官王應虎皆漢人俱陞補福建駐防漢軍副都統提鎮以文改者張大理卿雲改江南提督姚郎中傑改湖廣總兵官聖朝簡用總以得人為要固無分文武內外及旗漢也張紫凝杓乃阿思哈尼哈番改授准揚道僉事張禹巖鼎之長公也已成丙戌文進士因父故應襲世職遂授為阿達哈哈番兼一拖沙喇哈番父以武改文子以文改武事亦奇矣紫凝原効力河工承襲後仍赴河工引見時上念其父河上勞臣惋惜者久之又命賦詩背誦古文頗愜聖意頒賜淵鑒類函佩文韻府朱子全書共四十三套以武臣而上蒙賜書且如許之多亦從來未有之異數也

在園雜志卷一

遼海叢書

布政使陞巡撫銜止都察院右副都御史未有兼部銜者先祖任布政使九年屢推巡撫蒙世祖皇帝特諭江南財賦重地且叫他多管幾年及推福建巡撫奉旨劉漢祚久應巡撫今已遲矣着給兵部侍郎兼都御史職銜二品服俸

康熙四十六年聖駕南巡予隨皖撫六家叔扈從蒙聖恩垂問先大父聞撫右司三舊事六家叔自從龍歷任奏對詳明又問子孫居官幾人予跪於後六家叔指名奏上天顏有喜御賜書拊循江表舊德貽謀二額謝恩畢恭捧而出陳相國廷敬查學士升見之因謂曰拊循江表賜中丞公也舊德貽謀此賜觀察耳予方悟賜二額之意因將舊德貽謀懸於京師西華廠之賜第恭紀七律二章懸額之日都統李公林在座指示曰聖意不獨獎勵觀察今觀七孫漸次成立

天恩期許者至矣真異數也詩載葛莊分體

文武全才原不易得如曹氏父子之春夏讀書秋多射獵博奕之上馬擊賊下馬草露布卻毅之說禮樂敦詩書祭遵之雅歌投壺王陽明之較射三發三中此皆以文能武以武能文古今不可多見者若習武者目不識丁習文者力無縛雞未免偏廢矣本朝漢軍文試先較弓馬武試俱考策論監生准武鄉試武舉准文會試一法最善自然奇才並出而國家收得人之慶矣

皇上祀新穀壇見卿貳及御史頂上嵌東珠因其僻越下部議嗣後各官七品八品九品加級者頂帶不准過五品六品不准過四品三品四品不准過二品二品不准過一品蓋一品頂嵌東珠二品大學士尚書亦嵌東珠三品紅頂四品藍頂各有等威不准過也今予降補僉事實係五品蒞任後奉旨補給前江西按察使誥命授通議大夫故用三品頂帶坐褥非敢僭也

在國雜志卷一

三 遼海遺書

東坡云謫居黃州五年今日北行岸上聞騾馱鐸聲意亦欣然鐸聲何足欣蓋久不聞而今得聞也昌黎詩照壁喜見蝸蝸無可喜蓋久不見而今得見也予山浙東觀察副使奉命引見渡黃河至王家營見艸棚下挂油煤鬼數枚製以鹽水合麵扭作兩肢如粗繩長五六寸于熱油中煤成黃色味頗佳俗名油煤鬼予即於馬上取一枚啖之路人及同行者無不匿笑意以如此鞍馬儀從而乃自取自啖此物耶殊不知予離京城赴浙省今十七年矣一見河北風味不覺狂喜不能自持似與韓蘇二公之意暗合也

衙齋署一聯曰所到處隨彎就彎君其恕我者些時倚老賣老臣不
如人細按之不脫人我相且有火氣不若督河右司馬趙公世顯座
右書只如此已爲過分待怎麼才是稱心如此二字有許多現在之
富貴安樂在內怎麼二字有許多無益之侈心安想在內二語殊覺
謙退知足無窮受享

春日按部准北過宿遷民家茅舍土階花木參差徑頗幽僻主人葉姓由博士弟子員而入太學者人亦不俗小園梨花最勝紛紜如雪其下西府海棠一株紅艷絕倫因憶老人納妾一絕二八佳人七九郎蕭蕭白髮伴紅妝扶鳩笑入鴛幃裏一樹梨花壓海棠不禁爲之失笑草堂中懸林良畫榜列一聯倚檻雲來往開簾花送迎係查聲山學士升所書一見姓名如逢故友聲山於武林訂交二十餘年今已下世又不禁爲之傷感矣

江南陝西湖北分太大有上江下江湖南湖北之稱故設兩巡撫分隸其事所屬司道亦分爲二惟先祖爲江南布政使司則十四府四州俱屬一司先祖歷任九年任滿後始分

本朝易名之典最爲慎重非奉特旨還與他諡不得與焉阮亭先生詳考開國以來諡法附載張山來潮昭代叢書意蓋有在也後先生以大司寇致仕未叨大典友人及門私諡曰文介先生以成先生之

在國雜志卷一

四 遼海遺書

志先祖以署國子司成從龍入關改河間太守歷八閩開府予告家居卒後亦未與大典同鄉老友周侍郎亮受業門人馬中丞祐柯吏部達比部信私諡文肅先生

前朝有三司六道之說三司者都使司布政司按察使司六道者布司佐貳爲左參政右參政左參議右參議按司佐貳爲副使僉事都司管各衛操軍屯田存寓兵于農之意多以侯伯領之故爲三司之首布按駐札省會參議參政分守外郡在省則管糧儲錢法等事本朝兵制居重馭輕分八旗屯住京師分防各省其都司止令僉丁運糧催徵衛課而已遷轉不過一游擊衛各道嫌其冗雜去左右之名外郡有守者裁巡有巡者裁守事權歸一操縱甚便是三司止兩司而六道止四道也

明初每府設知府一員同知一員通判一員或二員推官一員幕僚則經歷照磨知事檢校知府統理一府各屬州縣諸務同知則同知

一府之事通判專用硃墨筆劄判文牒間有分管糧儲水利者所以有二推官專理一府刑名清晨同坐大堂率領各吏辦理諸務印封耳房庫內出入不由私衙堂左爲經歷司有印官名經歷事事必由經歷惟恐不足又以知事一員佐之堂右爲照磨所有印官名照磨事事必由照磨亦恐不足仍以檢校一員佐之後漸不山舊制率多分管如清車驛傳河防江防海防捕盜馬政巡鹽運糧水利之類承判各司其事各有處分推官專司刑名兼管查盤印則知府封掌佐貳不敢過問

在國雜志卷一

五 遼海叢書

撫軍張公伯行乙丑進士需次中翰初任題授山東濟寧僉事陞江南按察使特旨以僉都御史巡撫福建釋褐後三遷而至開府亦奇遇也

宮保黃公大來在督師李大司馬之芳軍前歷著戰功加左都督職銜初任即授寧波總兵官卒贈太子太保

浙閩總制大司馬瑞圖劉公兆麟先任湖北撫軍其時中丞嚴尙爲公子讀書楚署及後歷任湖北撫軍父子前後開府同在一地已屬可傳佳話後聞制府計暫歸讀禮服闋再補仍撫湖北是趨庭遊

宦三駐楚焉又中丞先由陝西大參陞江蘇藩司其時署理藩篆者則蘇松糧道乃兄邦也二公爲同胞兄弟中丞嗣于伯隸旗故旗籍而少參則寶坻民籍也以嫡親手足接受交代一月有餘彼此俱用文移往來亦一僅見者中丞之公子嵩齡與其師夏慎同中順

天鄉試劉於癸巳夏於壬辰俱成進士又館選同爲翰林豈非可傳

之盛事哉

李梯雲檢討天祥云永年張五美生於嘉靖甲寅中於萬歷乙酉鄉試其子鴻基生於萬歷甲寅中於順治乙酉鄉試

翰林學差典試赴湖廣者多不利于榜眼辛未榜眼吳永年甲戌榜眼顧書宣丁丑榜眼嚴寶成庚申俱卒於楚京師爛熳術亦不利于榜眼居停而卒於其地者戊辰榜眼查荆川丙戌榜

眼呂無黨孫中于勤襄公成龍以大司馬大中丞總督河道公文武全才經濟勳業赫然一時大駕西征時公總統督運軍儲充裕聖心寵眷功勳旂常

朝野倚重然而治河非其所謂人各有能有不能也公赴河工題帶人多不諳河務乃以順天府丞徐公廷樞副之兩不相下議論參差權難畫一公以勤勞致疾不終事而卒于官時論惜之上念東

南民生運道特簡遂寧先生加宮保大司馬治河而副總河報罷先生辛勤况瘁事事仰遵指授歷九年河工告成昔之澤國今桑麻矣

排淮泗而注之江上古淮泗並未入江明永樂間罷海運命陳平江伯瑄開通運道由江南山東直隸直達京師淮泗之水以三分濟運入江七分敵黃入海此老生常談所云以河治河不獨去其害而且資其利者是也即潘季馴先生河防一書其中亦有詞不能達意處

在國雜志卷一

六 遼海叢書

在治河諸公無不知善清刷黃爲要然此四字有無窮經濟無窮學問非細心體認因時應變者不能也天府金錢糜費固不可太省亦不宜必身歷其事久而且熟方知其中關鍵余隨遂寧先生數年見其不避風雨相度形勢可謂精詳之甚猶虛心訪問擇善而從同事者淮揚李僉事梅湖南劉少參光業先爲桃源同知者接任之桃源

孫同知調皆蒙遂寧先生驅遣頗爲歷練老成可惜俱下世矣今我輩隨右司馬中丞趙公恪守成規保固無虞雖遵聖主指授感河伯効靈而遂寧先生垂勑之功莫大焉

伯効靈而遂寧先生垂勑之功莫大焉

浙江卞布政使永興陸任福建撫軍初蒞八閩制府與公永朝同將軍都統諸公皆郊迎相見歡洽既別卞公減騶從乘四輿仍用藩司儀注持陞任布政使手摺坐官廳候見制府謝不敢當蓋浙閩二省皆制府所統轄其先爲屬吏也公謙退自下時論以爲得體故益稱和衷焉先時有藩司某內陞通政司聞報卽用大銀毫儀注鳴鑼開道往拜撫軍乘輿直入儀門撫軍笑而優禮之隨親盤司庫題參虧空甚多不獨落職幾斃獄中又河南一副將當新定文武相見儀注時往謁撫軍公然鳴鑼直入轅門至儀門下馬撫軍不加拒絕卽待以新儀注之禮及散餉屆期乃令監放官備加搜別凡私占影射俱開虛冒兵餉題參正法斯二事雖撫軍器小而亦可爲無禮肆縱者戒也予昔待罪西江稔撫州太守張伯琮之才守遂薦舉卓異張君感余知己願執弟子禮今已陞任河南臬司而余已左遷監司然時通書問猶用手摺稱門人則過于謙抑矣

在國雜志卷一

七

遼海叢書

居官固宜清正亦須和平倘一偏執則處事不能周詳人情難以通達未免美中不足古田余祭酒正健家居奉特旨督學江南先君以遺愛未泯士民感頌不忘請祀名宦已由府申司例必學院批允方可遵行道路相傳余公嚴厲不獨不可干之以私卽往來書函亦難輕投予自念今皇上忠孝作人而余公讀書君子未有不以忠孝宅心者予修稟揭直投上請卽使撻怒達諸九重爲親受過自甘不辭乃余公竟答一函不但如我所請而且詞語謙遜始知真清正者未有不和平者也昔先祖閩撫中丞公前任江南通省布政使士庶迄今家尸戶祝顧前督學請祀名宦乃託詞歷年久遠無從稽考揆其意非出固執卽存私念且不喜揚人之善此等品行較諸清正和平者何啻霄壤適翠華南巡叨賜御書舊德貽謀舊德者先祖之勳業也督學聞之索前案卽促舉行然祖父前後同宦江南先祖崇祀江寧先君崇祀寧國均隆典禮亦何幸也

官制有名似小而位甚尊職掌之事權最重者有名極清雅而品秩最卑所管之事亦極瑣細煩冗者有名雖武職而專司地方事務名若文職而所司全非文翰者如侍郎名似郎官乍聞似非顯職然古制已有門下侍郎鳳閣侍郎爵位尊崇今六部侍郎亞尙書六卿一階在外則爲總督何其隆也典史一縣尉耳何以得此佳名卽列之內閣翰林院詹事府誰曰不宜乃品則未入流所管皆民間細事多吏員除授京都分五城差御史巡察所屬有兵馬司指揮副指揮所管皆命盜詞訟諸事全與兵馬指揮之名不合變儀衛治儀正王府典儀其名亦似文職而司鹵簿弓馬之事升轉俱屬武階相沿既久皆習焉不察矣定制官民涼帽俱戴緯纓惟雨天戴絳纓今戴絳纓者衆取其便易省事且惜費耳

在國雜志卷一

八

遼海叢書

胸或卽補子也如婦人之首飾曰頭面半臂窄衣曰背心不然則補子二字何所取義
衣服上所織四爪者謂之蟒民間通用五爪者謂之龍非奉欽賜暨諸王賞賚不得擅用此定例也又紅絨結頂之帽四面開袂之袍俱不得自製近見五爪龍四袂袍穿者願多人少爲注目卽曰某王所賜無從稽考聽之而已
古冠綏纓卽項下絆帶也有明紗帽頭巾各制貴賤懸殊見諸畫像傳之梨園乃俱不用帶今則草涼帽如筵笠皮煖帽如毡笠上加紅纓而於帽簷下俱綴以帶絆猶追古制古人結纓用帶太白樂府燕南壯士吳門豪一首名結纓子張釋之爲王生結纓今則冬以布裝棉夏以葛裝麻甚且侈以綾錦紗緞多不用帶結矣古今制之不同如此
陝西以羊絨織成者謂之姑絨製綿衣取其煖也今則製爲單袍紗

取其輕暑服也今則製為綿袍綿褂比比皆然習以為常諺云有裏者無裏無裏者有裏意指此乎類俗字本註字音凡

緞與縠同多貫切音段履之後帖也今厚縐通名曰縐有五絲八絲內造漢府官素平花帽緞閃緞倭緞各種花紋顏色隨時變幻亦窮工極巧矣前代惟綾綿羅刻絲紗之類至於縐不獨未見亦未聞也近由東洋入中國者更有羽緞羽紗嘍嘍縐據云可為兩具試之終遜油衣其價甚昂亦前代所未聞者

古裘有五大裘翻裘良裘功裘裘裘大裘用黑羔皮為之王者祀天之服緇衣羔裘朝覲用之鄭風云羔裘豹飾大夫燕居之服近日不獨不以豹飾而大夫多不羔裘矣間或服之惟領與袖或飾貂或飾狐或飾銀鼠之類而晏子一狐裘三十年疑用全狐今服全狐者少千羊之皮不如一狐之腋近之狐腋盡人而裘矣當年孟嘗君之狐白裘即集狐之白腋也俗名天馬皮又集項下細毛深溫黑白成文

在國雜志卷一

九 遼海叢書

者俗名烏雲豹甚煖其腿裏一塊黃黑雜色者集以成裘俗名麻葉子亦煖至於全白狐皮則粗冗不堪又有玄狐一種定例止准官一二品以上者製為帽上賜居多若口外嚴寒出差者亦准為帽雖名玄狐其實蒼白色者居多也如高昌國貢唐太宗玄狐裘今亦難得蘇季子黑貂裘敝古人貴重貂裘近日稍豐裕者即衣之定例四品以上始用何其僭越也若上元夫人之青毛錦裘漢武帝之吉光裘程據之雉頭裘張宗昌之集翠裘南昌國進浮光裘司馬相如之鸛鷗裘度安之紫綈裘止存其名不知為何物矣更有捨獬豸一種輕煖亦美貂裘之外無出其右所謂胭脂雪者想即此耶侍衛製為朝衣諸王製為坐褥而定例亦四品以上始服近亦僭越矣又灰鼠一種最宜於秋末冬初及南方不甚苦寒之地邇來頗多至于毛之白者名銀鼠康熙初年尚少其價甚昂近不獨多而且賤矣又以獺皮為深衣可禦雪可當衾粗而重賤者之服亦裘類也縐衣羔裘

黃衣狐裘取其表裏如一羔裘玄冠不以弔言衣冠俱黑色古之吉服也是古之羔皆用黑者而今則純白矣何古之黑者多而今之黑者少也或曰當日之黑羔安知非如今日之染狐皮染銀鼠耶為之一笑羊皮貴羔而賤老人皆知之獨口外則不然有皮軟而毛長者俗名麥穗子言其毛長如麥穗也口外風高非此不足以禦之雖公卿貴官至彼貂裘之上亦必覆此一件取其毛大壓風也內地亦有此種不如口外者佳

腰帶古以革為之名曰鞶帶又謂之鞶革自天子以至庶人皆用之後世用絲帶以玉犀鑲嵌束于絲帶之上即玉帶犀帶也本朝按品級有嵌寶石之玉以及金銀玳瑁明羊角鳥角之類另製成環以軟絲帶貫之天潢東黃絲帶覺羅束紅絲帶有特賜黃帶者公卿以下多束藍絲青絲帶間有石青油綠織金者無甚關係守制者則束白布帶皆所以分尊卑別等威也帶銀先用左右二塊繫以汗巾刀鞘

在國雜志卷一

十一 遼海叢書

荷包等類即古人無所不佩之意荷包疑即夾袋也專為收藏字帖之用後增前後二塊不過飾觀而已又單用腹前一塊帶不用長穗垂下以銅鐵鍍鍍金銀或牙骨角石之類製或二塊扣而為一此惟於春夏之製服甚便非常服也

戴孔雀翎所以壯軍威分近侍也分甘餘話所載本朝侍衛皆於冠上戴孔雀翎以目量之多寡為品之等級武臣提督及總兵官亦有賜者後文臣督撫亦或蒙賜得之者以為幸是已然總未分晰詳明大清會典所定貝子戴三眼孔雀翎根綴藍翎鎮國公輔國公戴二眼孔雀翎根綴藍翎內大臣一等二等三等侍衛入內大臣額駙前鋒統領護軍統領領前鋒參領護軍參領諸王府長史一等護衛戴一眼孔雀翎根綴藍翎貝勒府司儀長王府貝勒府二等三等護衛貝子公府護衛及護軍校俱戴染藍翎內外額駙俱不許戴諸王府散騎郎有阿達哈哈番以上世職許戴一眼孔雀翎根綴藍翎其餘雖

加級不准戴再查各省駐防之將軍副都統並督撫提鎮蒙賜孔雀翎者止戴一眼

本朝帽製涼帽以德勒蘇草細織成面者爲上等次等用白草內以片金或大紅緞紉各色紗緞爲裏名曰帽胎上覆以大紅絨線縷縷王公卿大夫士庶皆戴之兩用藤織成胎上覆以茜紅西牛尾揀毛爲縷而皆名曰緯笠有用藤竹麥楷織成有簷出外周圍者名曰臺笠此賤者所戴帽以遮日色者攷帽自漢以來已有之鄧通之黃帽管寧之皂帽李晟之繡帽沈慶之狐皮帽即今之煖帽也今之煖帽以貂爲貴次有染銀鼠染黃鼠以爲帽簷者貴賤皆戴至於玄狐則有階級矣若長孫無忌之渾脫以烏羊毛爲之羌服之席帽晉人之白接羅皆以羊毛爲之即今之氈笠氈帽也式雖不一而帽之名則同

商丘太宰云竹董雖小事却有分別看字畫經紀不如士夫看銅玉

在國雜志卷一

十一 遼海叢書

器士夫不如經紀此語誠然今以二事驗之昔經紀持字畫數軸求售內一軸爲米元章書經紀極贊其真即坐客亦共詡不置予哂之衆譁曰無論米字逼真今不能及即伯生匏庵石田所跋亦非近代手筆也予曰諸君未審耳此軸所書之詩乃國初廣平申景盟補光銅雀懷古之作也漳南落木繞寒雲野雉昏鴉魏武墳不信繁華成白草可憐歌舞囑紅裙西園亂石來三國古瓦遺書認八分七十二陵空感慨至今誰說漢將軍檢申集示之愕然此經紀不如士夫也一故中丞張公勳之姓見貽銅器一具贈以十二金欣然而去置案上爲鎮紙用偶來一經紀把玩不釋詢其何以曰此壓繡也宮中用以壓硃刺繡耳予昔以此物貨宋中丞得重價此毋是耶予頷之此士夫不如經紀也太宰洵博古矣但云字畫之佳者雖黑暗處聞其氣味摹其絹素即知真贋不必細看此語未免英雄欺人

生平最愛趙字式古堂所云蘇黃米蔡在宋則爲大家以晉人視之

猶是雕蟲小技惟子昂直追先輩上下五百年縱橫一萬里余家藏頗多自處郡回祿後盡成灰燼其後再爲搜求止得前後赤壁賦二幅千字文一卷兩賦於南巡時在揚州行宮進呈天顏有喜今所存者惟千字文而已陳子文太守亦臨摹不忍釋手跋後百餘字

附陳子文跋 昨在黔中題文敏假山詩謝不敢而不能展觀形穢至今猶媿戊子十一月朔葛莊觀察出示此卷屬題謝不敢而又不能遂附鄙語於後考文敏書千字文真行草各體甚多亦有見於停雲及國朝法書者又六體真蹟今在曹待詔秋浦處蒙賜自內府荒陋失學寶墨琳琅皆得流覽今日復玩妙蹟結撰之精運用之變且有出所見之數本此與肅府舊刻筆意相似反復尋味海內之至寶也或曰贗者雙鉤此懷元章狡獪之心何足信哉

附自記 松雪墨跡予舊多收藏惜處署祝融之後灰燼無遺

在國雜志卷一

十二 遼海叢書

爲生平恨事今閱此卷回憶種種似不及此卷之妙即洛神善本式古堂取賦中語稱其瓌姿豔逸王孟津跋云鸞飛蛟舞得二王機神鄙意揣摩猶覺彼肥娟而此遒勁也昆陽爲東甌末邑此卷流傳民間湮沒已久未經名人題跋或曰爲有心者割取亦未可定余觀察浙東時於無意中購之如獲拱璧日夕臨玩覺神采奕奕直追先晉不禁眉宇飛動固予之幸亦翰墨之幸也夫

高韋之僉事其佩留心繪事能以指頭作畫別開生面超越前人因赴滬處觀察任道出袁浦余以正綾長二丈許必索畫畫草之笑呼童子研墨盈池以指蘸墨雲飛風動轉瞬而成山石木樹水藻殘荷禽鳥魚蟹窮工盡致真絕技也後海寧陳子文出守南安便道見過子文書法無出其右者余以畫索題子文走筆即書高畫陳書洵稱二妙又系原屬本支無雙絕藝乃出一家誠熙朝之寶物也今子文

已下世矣可勝浩歎

附陳子文跋 歷代以來名家既多以指爲之自我弟章之使君始人物花木禽獸草蟲不假思索駢指點數頃刻數十幅隨意飛動無不絕人萬象羅于心胸天地集于腕下此造化特鍾異人也在京師居相近又本宗昆季戊子仲冬赴橫浦過淮壩爲莊觀察索跋公詩妙擅海內涵藁淳蓄無所不有發之吟詠自足盡其變何待小言之箋箋也

刑部主事作阮兄 河南祥符人余祖籍亦祥符同縣同姓因以兄弟稱長枕大被不異骨肉也兄性聰慧纖巧迥異常人其字怪僻自言融會諸家獨成一體殊有別致畫則揮灑數筆生動酷肖詩不多亦不存稿曾記邯鄲道上一絕風雨邯鄲道紛紛利與名黃梁知大夢千古一虛生至製作之巧賞鑒之精可稱絕倫自製清烟一種商丘太宰以爲在寥天一青麟髓之上又能于一笏上刻滕王閣序一

在國雜志卷一

十三 遼海叢書

篇心經一部字畫嶄然在內庭供奉時呈樣磁數百種燒成絕佳即民間所謂御審者是也內庭製作多出其手太皇太后加徽號龍寶暨皇貴妃寶余親見其撥蠟送禮部非大手段能之乎所藏骨董皆人所未見之物未幾卒於京皇上遣內大臣包衣昂邦奠茶酒侍衛送柩出章儀門賜金馳驛爲一時光寵所惜無子製作不傳骨董散失近日所用之墨及磁器木器漆器仍遵其舊式而總不知出自劉伴阮者空費一生心思嘔血而終乃不得與東坡肉眉公餅並傳於世悲夫

有人持玉盃質之伴阮兄曰此一捧雪也同爲賞鑒兄曰玉情果美水色亦佳好玉盃則有之一捧雪恐未也余曰不知是莫太常家藏是莫成所偽造者爲之一笑後據楊次也太守云乃祖 建 爲少司馬時曾見之氣魄甚大情色俱美主人曰此真一捧雪也當於日下觀之因持向墀下映日細看杯內雪片紛紛如飄拂狀以是知真贋

有別而命名不虛也

伴阮兄有奇石高尺餘山峰透露對面可以見人山嶠白石一段視之如雲白石內又有青石一條如龍形頭角宛然因摹入紙幅名青龍白雲圖懸玩不置又有蜜結伽楠長二尺厚一尺溫潤芬馨迥異衆香雕成諸葛枕式云枕此可免小遺試之果然後俱爲逃奴竊去范談一侍講 光宗 云康熙四十年侍直南書房見高麗國進人參四枝盛以漆匣精工華麗少頃內侍收進遇熊相國 昭 稍爲啓視出語曰其形似人所謂人蓐也扁鵲之語誠爲不謬天顏有喜諭云四十來止見此四枝耳

方竹產於天台山古人取以爲杖雅甚相國王公 後 督學兩浙時試題有方竹杖歌余以台州司馬攝府事走筆應之王公謬爲許可詩載分體中

鑄圖章以青田石爲佳而青田石又以洞石爲第一他產不及也石

在國雜志卷一

十四 遼海叢書

俱在谿中屏乾谿水乃得石塊質頗燥硬止可琢瓶尊杯罍之類所謂洞者又在水石之內如石之有玉不可多得若燈光石者尤爲不易予待罪括州時曾鳩工採取數月無一佳洞或曰皆爲匠人竊去但地方多一土產即多一累恐賢有司亦不樂有之也余得痔成漏有五管楚甚延袁州魏老人醫治早用烟熏晚用水洗俱平常痔漏藥料惟上藥密不示人上藥之法甚妙用鴉翎管藥實其中管後一孔如針大由後擠藥如一線直入管中蓋之以膏七日而愈

野葶薺杵碎取汁澄粉少加冰片以之點眼去翳甚效

戊午停科後余遂棄舉子業同學者尙有三人查荆州 謝 沈古培心 楊錢玉友 良 仍讀書寒家之無倦軒荆州素怯弱余嘗勸慰曰子

病至此尙五夜呀呀何急功名而薄性命耶答曰吾非不知曾夢神人示之以詩有五色雲中第二名之句是以戀戀冀其一驗耳後果

以五經鄉薦榜眼及第古培平湖人北闈不第就試浙省體肥畏熱坐橋號中不能堪出場即卒於龍門外余適兼攝杭篆爲之經理其喪玉友累科不第留羈京師余佐台郡時答書猶有句云人從楊柳烟中去書自桃花洞口來嗣後音問遂絕余以引見赴京遇查聲山學士云久已削髮爲僧矣

秋闈省試內外廉官各有所司自初六至十五凡十晝夜諸務冗雜外廉之監臨提調監試羣公無片刻之暇恐少懈即有外訛惟賞月後稍安適也頭場畢內廉主考率同考官傳點催卷然一時膳錄不及蓋彼在內空閒也過中秋頻頻解卷內廉漸次冗忙而外廉又閒矣惟清晨開龍門各屬謁見收發文牒此外一無事事山月半至月初頗覺日長似歲已卯監試浙闈中式諸君以余稍知文墨修通家之誼甚恭如查德尹 編 高巽亭 與 許莘野 田 盛紫翰 弘 遠 在諸君雅意堪嘉而余則謙退未遑也

在園雜志卷一

十五 遼海叢書

彭澤劉參政 曉未遇時落拓武林徘徊湖上一日祈夢于少保廟夢少保拱手者再以米一勺置諸掌中醒來大慟以爲他日必乞食也後赴廣西傅將軍軍前招撫有功議敘補授浙江糧道始悟少保拱手者敬公祖也以米置掌中者掌糧儲也

廣平秀才馬振古老不應試其子初入泮望中甚切除夕卜竈鏡聽俗所謂瓢兒卦也出見婦人亟問曰我於何年得中答曰驢子騎人那一年意以爲必無之事也一日郊行見驢生駒其主負駒而歸喜曰此非驢子騎人耶即售田治裝趨赴秋闈振古聞子售田以爲必償賭負特借應試之名耳怒甚欲追而責之漸至良鄉同試者勸止且曰今文宗大收老手君宿學曷亦一試棘闈乎振古笑而從之是科父子同榜真奇驗矣諸同榜者稱振古爲年伯謂其子爲同年也其子亦稱諸同榜者爲年伯謂其父爲同年也一夕讌集有友笑謂曰今科喬梓定同連捷儻僅捷一所願在誰振古沉吟良久曰豚

兒尙幼衆爲哄堂

測字起于觀梅雖易數中小技然有奇中而名達九重者如宋謝石輩自不多邁近今卜肆亦復談言偶中休咎立應如響姑識見聞所及者數則更足起發後人有書字字請測者一審視即拱讓曰是一位現任宰官在內則都察院外則按察使蓋上爲憲字頭也但下子字屬地支之初是新選轉耳恭喜必得又問地方何如答曰總在好的一邊以子字爲好字之半也臨別其親私問曰亦有不利者乎答曰子爲一了只恐此任不能遷轉既而信然一人書文字問訟事測曰各不成各凶不成凶此事即當解矣問何日可解測曰今日何日曰十五測曰再六日必解果符所言問何以知六日也測者解曰以十五加六爲廿一日昔旁加文爲散是以知之入夜人來請測不及書字時已戌時即口占戌字以請問何占曰欲有謀耳測曰不可直向彼言須轉一灣其謀可遂蓋戌字一點轉灣即爲成字也一人失

在園雜志卷一

十六 遼海叢書

馬來書奇字測曰必不得矣以爲無馬在旁則騎不成但立可耳鄉試後一生書花字決去取測曰必中無疑恭喜廿七名已有有人在寓報矣以花字分爲立人廿七也歸寓果然其人嗣後復書一字問終身測曰廿年內官可至五品問有幾子測曰三子問壽幾何測曰七十之外不能八十耳細詢其故以一字可加三字故生三子復加二豎乃成五字故廿年可至五品也一字二三四五六七皆用至八字則不用一橫故壽至七十以外即止耳一太守書識字請測測曰文頭武脚若非決獄理刑之方面有司即屬烏臺蘭垣之喉舌近臣應曰知府以識字與職字相類故知爲官而落筆先成言字遂云然也曰今任幾年應曰已任五年曰滿六年便丁父艱以中有小六字一字爲丁字之頭日爲父象故知其丁父艱也戈屬武但服闋之日不補文官而補武官殊不可解後果丁艱起復適世職缺人乃補阿達哈哈番奇驗如神但測字須矢口而出得先天之氣稍加轉念即落

後天便不准矣

生平不喜結盟蓋朋友為五倫之一朋友甚親何用弟兄之名乎故作結交行有嗟此紛紛假弟兄五倫忘卻真朋友之句憶為處州太守時僚友八人既集飛馬相招至則諸君坐次序齒不序爵心竊異之年最長者揚言曰今日之會欲結異姓兄弟君意何如余唯唯因思宦途畏險一拂其意則不合時宜勉強從之至今猶悔也

仕途中交際必委用人然最有關係蓋伊給事左右窺伺意旨容易作弊為奸其於事務金帛固所不免未聞于詩文投贈亦恣肆需索者甲子予謁王新城阮亭先生以葛莊詩集呈教先生一見極口稱賞自許作序見貽越月往領閣人辭以未就適先生之宮僚奉命秩祀南海私計先生王事匆迫必無暇及此不知其脫稿已久而家人輩匿為奇貨橫索多金予與先生文字交若賄而得之不幾汚先生之清白乎迨祀畢先生回都踵門往候入座即道前序因行急殊

在國雜志卷一

十七 遼海 叢書

覺草草予謝尚未頒發先生怒詰家人隨檢前敍見付別後聞即重懲之矣

阮亭先生一日偶過荒齋見几上刪訂詩草內二疏故里一絕自批刪字先生云此真唐音也何以刪為七絕易于尖新最難渾成如此作句調和雅俗意味深長恐全集中未易多得宜存之詩云曠懷真足古今師七十人當致仕時更為子孫謀遠大不將養老賜金遺予祖籍開封歷年既久宗人多居旁邑新鄭六弟又仲遠來相候起居畢即訊家中安吉近況弟曰老母前患背疽得一傳方服之而愈今年八十有七康健如舊又弟婦久病經閉形容枯槁殆不可活聞有榮陽張廣文者能治奇疾延之診視命服丸藥漸至平復肌肉再生可稱白骨回春更有奇者家居北樓上祀祖先所有薄蓄皆積于上不意為不良者窺探糾黨二十餘人持械燃炬排闥而入直趨樓所家人咸驚避惟聽其去取而已群盜方入室登梯乃忽火炬撲滅

盡行狼狽而出獸奔鳥散豈祖宗之靈為之默佑耶抑或有神焉呵護驅逐耶俱不可知獨惜不能向盜者一問何所見而踉蹌奔逸也此三者皆不幸之幸也予因素二方附記於後

治發背方

用頭髮不拘男婦者一把入真麻油一碗將頭髮熬化令病人飲之則毒氣漸消不致傷生

治女子經閉形容枯槁

何首烏半切用黑豆拌九蒸九曬為末 懷熟地四兩 紅花五錢 鹿茸五錢 當歸四兩

共為末用揀麥冬六觔熬膏入煉蜜少許和為丸如梧桐子大每服一錢漸加至五錢

新鄭高相國文襄公 拱其兄南直操江巡撫 擡鄉人皆稱為都堂生來狀貌迥異常人而舉動行事有堪絕倒者自幼即遍體生毛年十

在國雜志卷一

十八 遼海 叢書

八髭鬚滿頰就童子試文宗見之笑曰汝可歸家抱孫矣答云童生年實弱冠不幸鬚髻如戟此父母遺體耳奈之何哉試既不售歸家遂去髭鬚戴小帽着大紅袍騎馬遍歷街市使人前導令直呼曰不進學的高大鬚子欲學狀元遊街豈不可羞豈不可恥從此奮志夏日就池邊葦窠傍讀書蚊蠅小蟲遍體家人輩見之勸其少息為之頻加拂拭乃曰毋拂為也此不上進之賤皮膚正該蚊蠅作踐耳勤學苦志遂連捷南宮歷官大中丞南直操江巡撫蒞任後適大盜反獄聞報即赤體率撫標官將兵卒往捕羣盜斂手受縛訊之何以不鬪就擒盜曰見一天神遍體如絲懸挂火燄光生心膽俱碎是以不敢動手耳蓋撫軍遍身赤毛每夜臥則紅光罩體家人竊窺見一大猪鼾睡于傍巫者以為室火猪降生語近荒唐豈其然乎明時官制操江例當巡視各郡所至行臺每責巡捕官巡捕官患之賄請于用事之家人曰無他因食不飽耳教以當如是則可邀免既駐宿即如

家人言呈送酒筵一席復令人擗極熟猪首一盤餽首餽數十枚
 燒酒巨瓶皆極熱從撫軍前過聞其馨香即問曰此何為者稟曰
 從撫軍曰如此好物不敬老爺反賞下人耶令列席前手燃而食大
 杯傾酒頃刻俱盡方就筵而坐諸凡添換不遺餘瀝乃不復責巡捕
 矣食量之大可敵十人一日屬下新任和縣稟謁少年進士服飾華
 美見其所戴紗帽外綴馬尾內炫金絲光彩耀目怒詰之此帽何來
 答曰京師新興大怒曰我也與你個新興命緣仗之知縣窮甚再
 三懇求免冠謝過方免知縣忍而啣之未幾行取臺中特疏列款揭
 參時弟文襄公當國按其奏章星夜遣人至皖城令其以病請休庶
 可保全撫軍見弟手書怒謂家人曰你相公叫我致仕難道他要做
 官便不許我做官麼他道他宰相大就不知哥哥還大看我打得他
 宰相打不得他宰相如此固執文襄無奈曲全令歸林下罷職後日
 惟與一老友象戲以自娛一日忽入內久不出老友餒甚又不可歸

在國雜志卷一

十九 遼海叢書

告之家人家人稟曰某相公饑甚欲歸耳不然當吃午飯矣叱曰甚
 吃午飯你叫他去吃那當頭飯蓋自忿屢局敗北也其可發笑者甚
 多六弟又仲為言數則因志之寒家新鄭一支與高府屢世姻婭故
 知之如此

本朝己未召試博學鴻才最為盛典康熙十七年正月二十三日上
 諭諭吏部自古一代之興必有博學鴻儒振起文運闡發經史潤色
 詞章以備顧問著作之選朕萬幾時暇游心文翰思得博洽之士用
 資典學我朝定鼎以來崇儒重道培養人才四海之廣豈無奇才碩
 彥學問淵通文藻瑰麗可以追踪前哲者凡有學行兼優文詞卓越
 之人不論己未出仕着在京三品以上及科道官員在外督撫布按
 各舉所知朕將親試錄用其餘內外各官果有真知灼見在內開送
 吏部在外開報于該督撫代為題薦務令虛公延訪期得真才以副
 朕求賢右文之意爾部即通行傳諭遵行特諭嗣內外薦舉到京者

五十九人戶部給與食用十八年三月初一日除老病不能入試外
 應試者五十人先行賜宴後方給卷頒題璇璣玉衡賦省耕二十韻
 試于弘仁閣下試畢吏部收卷翰林院總封進呈御覽讀卷者李高
 陽相國杜寶坻相國立馮益都相國馮葉掌院學士方取中一等
 二十名二等三十名俱令纂修明史勅部議授職銜部議以有官者
 各照原任官銜其未仕進士舉人俱給以中書之銜其貢監生員布
 衣俱給與翰林院待詔俱令修史其未試年老者均給司經局正字
 聖恩高厚再勅部議部覆奉旨邵吳遠授為侍讀湯斌李來泰施閏
 章吳元龍授為侍講彭孫遜張烈汪霖喬萊王頊齡陸棻錢中諧袁
 佑汪瑋沈珩米漢雯黃與堅李鎧沈筠周慶曾方象瑛錢金甫曹禾
 授為編修倪燦李因篤秦公齡周清原陳維崧徐嘉炎馮勗汪楫朱
 彝尊丘象隨潘耒徐鉉尤侗范必英崔如岳張鴻烈李澄中龐垲毛
 奇齡吳任臣陳鴻績曹宜溥毛升芳黎騫高詠龍燮嚴繩孫授為檢

在國雜志卷一

二十 遼海叢書

討俱入翰林其年邁回籍者杜越傅山王方穀朱鍾仁申維翰王嗣
 槐鄧漢儀王昊孫枝蔚俱授內閣中書舍人猗歟休哉掄才之典於
 斯為盛其中人材德業理學政治文章詞翰品行事功無不悉備洵
 足表彰廊廟矜式後儒可以無慚鴻博不負聖明之鑒拔誠一代偉
 觀也而最恬退者李檢討因篤于甫授官日旋陳情終養上如其請
 命下即歸更能遂其初志無如好憎之口不揣曲直或多宿怨或挾
 私心或自媿才學之不及而生嫉妬或因己之未與薦舉而肆蜚讒
 一時呼為野翰林其譏以詩曰自古文章推李杜高陽相國壽而今李
 杜亦稀奇葉公慊慊學龍麟學馮婦痴呆被虎欺益都相宿構零駢
 衡玉賦失粘落韻省耕詩若教此輩來修史勝國君臣也皺眉又纂
 趙錢孫李周吳鄭王為龍前生李周吳陣亡笑談更屬輕薄故不附
 入

附李檢討奏疏

奏爲微臣母老多病獨子萬難遠離泣血陳情願恩歸養事臣竊惟幼學而壯行者人臣之盛節辭榮而乞養者人子之苦心故求賢雖有國之經而教孝實人倫之本伏蒙皇上勅諭內外諸臣保舉學行兼優之人比有內閣學士兼禮部侍郎臣項景襄臣李天馥大理寺少卿臣張雲翼等旁探虛聲先後以臣因篤姓名聯塵薦膺奉命旨吏部遵行陝西督撫臣應詔赴京臣自念臣母年踰七旬屬歲多病又緣避寇墜馬左股撞傷晝夜呻吟久成廢疾困頓牀褥轉側須人臣止一弟因材從幼過繼於臣叔曾祖家分奉小宗之祀臣年四十有九兒女並無母子筭相依爲命躬親扶持步履難離隨經具呈哀辭次第移咨吏部吏部謂咨內三人其中稱親援病恐有推諉一概駁回竊思已病或可爲言親老豈容假借臣雖極愚不肯詎忍藉口所生指爲推卸之端痛思臣母遲暮之年不幸身嬰殘疾臣

在國難志卷一

二十一

遼海叢書

若貪承恩詔背母遠行必致倚門倚閭夙病增劇况衰齡七十久困扶牀輦路三千難通嚙指一旦禱北辰而已遠迢西景以無期萬一有爲子所不忍言者則毛義之捧檄不逮其親溫嶠之絕裾自忘其母風木之悲何及餅餅之恥奚償即臣永爲名教罪人虧子職而負聖朝非臣愚之所敢出也皇上方敬事兩宮事隆孝治細如草木咸被矜容自能弘錫類之仁推於士庶寧忍子然母子飲泣向隅奪其烏鳥私情置之仕路蓋閣臣去臣最遠故以虛譽探臣而不知臣之有老親也臣雲翼與臣皆秦人雖所居里閭非遠知臣有老母而不知其既病且衰委頓支離至於此極也即部臣推諉之語概指三人而言非謂臣當必捨其親而不之顧也且臣雖誦陋而同時薦臣者皆朝廷大臣其於君親出處之義聞之熟矣如臣獵名違母則其始進已乖不惟瀆敦天倫無顏以對皇上而循陔負疚踈違貽譏則於

薦臣諸臣亦爲有視面目去歲臺司郡邑絡繹遣人催臣長行急若風火臣趨朝之限雖迫於戴星而問寢之私倍懸於愛日然呼天莫應號泣就途志緒荒迷如墮雲霧低頭轉瞬輒見臣母在前寢食俱忘肝腸迸裂其不可瀆官常而干祿位也明矣況皇上至聖至仁以堯舜之道治天下敦倫厚俗遠邁前朝而臣甘違離老親致傷風化有臣如此安所用之乃臣自抵都以來屢次具呈具疏九重嚴遠情壘上聞隨於三月初一日扶病考試蒙皇上拔之前列奉旨授臣翰林院檢討與臣同官纂修明史聞命悚惶忝竊非分念臣衡茅下士受皇上特達之知天恩深重何忍言歸但臣於去秋入京奄更十月數接家信云臣母自臣遠離膝下哀痛彌侵晝夜思臣流涕無已雙目昏眊垂至失明臣仰圖報君俯迫諗母欲留不可欲去未能瞻望闕庭進退維谷乃於五月二十一日具呈吏部未蒙代題臣儒切下

在國難志卷一

二十二

遼海叢書

情惟有哀祈君父查見行事例凡在京官員門無以次人丁聽其終養臣身爲獨子與例正符伏願皇上特沛恩慈許臣過歸扶養其母叨沐聖澤以終天年臣母殘病餘生統由再造不惟臣母子銜環鏤骨誓竭畢生而報國方長策名有日益圖力酬知遇務展涓埃矣

李笠翁漁一代詞客也著述甚夥有傳奇十種閒情偶寄無聲戲肉蒲團各書造意剋詞皆極尖新沈宮修釋堂先生評曰聰明過於學問洵知言也但所至攜紅牙一部盡選秦女吳娃未免放誕風流昔寓京師顏其旅館之額曰賤者居有好事者戲顏其對門曰良者居蓋笠翁所題本自謙而諛者則譏所攜也然所輯詩韻頗佳其一家言所載詩詞及史斷等類亦別具手眼

聞賊李自成入皆知因祖墳被掘洩氣而敗然知掘墳者爲米脂令邊長白大而不知設計用智皆門子賈煥成之也雖長白自紀虎

口餘生亦多隱約其詞未若長白之姪淮南邊別駕解成向予言之
歷歷如繪當闖賊猖獗時其兄李自祥改姓張自祥仍爲縣役其意
有在一日令方坐堂視事有一人赴訴竇蒜爲兵所搶令命至堂窮
訊其人匍膝前陽作哀訴陰以手按令足令解其意帶至後堂竇
蒜者請屏左右乃脫帽裂縫出封函曰吾寔內監此密旨也令拜讀
乃命掘闖賊祖墳之詔旨隨揮之出升堂僞償其值而遣之然闖賊
祖墳寔難尋問又係密旨不敢聲張其時闖賊逆燄已熾令憂形于
色寢食俱廢門子賈煥令素所親信者乘閒請曰竊見日來形色舉
止大異往常是有大憂鬱而不能解者曷不見告或可効犬馬乎令
察其言詞懇篤且自念舍此無可告者遂詳吐前事煥曰事未可驟
圖也今在官捕快張自祥者本李姓闖賊親兄而縣役某某等二十
人皆插血結盟兄弟共約賊兵一至即爲內應煥實二十人之一也
今欲知彼祖墓須與自祥結納可徐察之詰旦傳祥入內宅笑問曰

在國雜志卷一

二十三

遼海叢書

爾本姓李何以易張彼方置辯煥出謂曰吾已細陳底裏不必遮掩
令曳之起曰時事已不可爲天意有在爾輩皆應時豪傑予身家方
賴保全何必相瞞遂偕煥結拜出則官役入則弟兄久之乘醉託言
素曉堪輿叩其墓所形勢自祥乃以出獵爲名邀之同往盡知其所
在越數日聞賊兵將犯潼關令出七千金付自祥先行投款軍前吾
俟入關後即至盡遺其所好十餘人以附行衛其輜重祥去令偕煥
並家人潛往伐墓墓上有大樹一株紫藤垂滿掘至棺藤根包裹千
匝以巨斧砍斷其藤棺開有小白蛇一頭角已成龍形止一眼其身
尙未變遍屍皆長黃白毛二三四寸不等枯骨血潤如生隨併蛇斫
碎而焚之揚灰訖考剖棺之日適闖賊兵敗河南一目爲流矢所中
噫何天意人事符應之速耶墓掘畢煥不得令甚驚懼多日煥至
令詢何往煥曰恐自祥有疑復回則當另圖他計某特送出潼關令
彼心安乃敢歸耳此地不可久居乘今闖賊新敗縱有報聞力不暇

及公已爲朝廷立此大功可謂不負君命胡不挂印歸山乎嗟乎煥
一賤役小人耳何用心諄摯乃爾耶令遂棄官煥亦他遁越數年長
白聞住京師之絨線衛忽有一僧白髮蒼顏詣門求見縣令邊公
有姪亦新選縣令出見之僧曰非也欲見前任米脂公耳長白出僧
即跪哭長白訝其爲誰僧曰公忘賈煥耶乃相持而泣因向姪追述
前事曰主與吾豈非明朝暗裏之忠臣乎後世其誰知之長白固留
不可與之金不受爲製衣裝一痛而別不知所終有明失國一丐者
題詩於壁云三百年來養士朝一朝喪亂竟皆逃網常留在卑田院
乞丐養存命一條赴水而死惜其姓名不傳甲寅閏變浙東溫州總
兵官祖某潛已通款一日伏甲于資福山之觀亭集衆官議餉巡
道陳公丹赤永嘉令馬公亦皆在坐逆將厲聲挑釁云兵餉不前士盡
餓餒抄陳道家足以給餉有巡道夜不收即夜捕手林義者挺身前
曰爾欲抄吾道家豈非反耶遽扶公出逆將大喝小人何敢如此

在國雜志卷一

二十四

遼海叢書

林曰吾小人心惟知有道主道主心中惟知有朝廷不似爾享高
官厚祿早已順賊一心惟知有賊也逆將愈怒揮甲士寸磔之二公
不屈皆遇害後邑人立祠祀兩公廡下設林義像被皂服兩目瞠視
至今凜凜有生氣余觀察溫處拜陳忠毅公祠賦七言詩五章其二
三云東甌觀察擁專城牙韋空存不掌兵元帥逆謀先士卒謂副賢
侯同志又書生永嘉令馬公諱亦大觀亭暗天無色資福山搖地有聲
俱公被害處今曾幾何時歸一死留芳遺臭兩傳名朝廷何負汝干城早
于此處建祠豎降旗引寇兵達士報君能盡節小人爲主不偷生夜不收林義扶公
大罵同時被害壁
分尺寸同貞性鐘用洪纖總發聲海內羣公誰作傳雙忠名後附伊
名蓋紀其實也餘載葛莊分體中之三人者下役也彼門子丐者夜
不收非素嫻詩書禮義之人而其忠君報主之心或見于事功或託
諸題詠或慷慨殺身名雖不彰至其成仁則一以視反顏事仇偷息
人世其相去爲何如也當時未有表而出之者故志之

明洪武建都江寧改爲應天府稱直隸及永樂遷都北平改爲北京
曰順天府江寧改爲南京曰應天府稱順天爲北直隸應天爲南直
隸本朝定鼎順天仍其舊稱蓋京有南北者明南京亦置都院群臣
以洪武舊都命名也今版圖已無南北之分應天既改江寧府亦何
南京之有乎既無南京又何北京之有順天應稱京師京都爲是無
奈道路傳呼日訛一日即士大夫亦習焉不察可爲謬誤之甚

鳳陽爲有明始興之地凡府屬土著之人向人自稱不曰敝鄉敝處
敝府而曰貴鄉貴處貴府更不少爲謙遜今已漸無矣

遼東人自署多稱三韓非也晉書韓有三種一曰馬韓二曰辰韓三
曰弁韓馬韓爲高麗辰韓爲扶餘弁韓爲新羅皆東方外國漢傳亦
謂三韓各在山海間地方合四千餘里東西以海爲限即古之辰國
也又唐太常張卿求仙得幸少陵以詩諷之首云方丈三韓外崑崙
萬國西考蓬萊方丈瀛洲海中三神山也方丈在東海中夾四面相

在園雜志卷一

二十五

遼海叢書

去正等方丈許五千里蓋方丈崑崙秦皇漢武求仙處也詩意以爲
秦皇之求方丈漢武之窮崑崙皆闕絕不可致之事豈如張卿奉使
求符往而遂獲乎可見三韓外云者指極遠邊地爲言而遼東乃漢
晉時內地烏得以三韓稱之

遼海劉廷璣

宋漫堂太宰家筠廊偶筆載曹峰儀云闖賊陷京師有中州士人被掠者言昔破某邑與一士人共住一大家樓下時當暮春雨中對酒聯句首唱云風風雨雨送春歸忽聞樓上續一句無雨無風春亦歸兩人默然拱聽徐云蜀鳥啼殘花影瘦吳蠶食罷柘陰稀嘴邊黃淺鶯兒嫩頷下紅深燕子肥獨有道人歸不得杖頭常挂一簑衣兩人登樓視之絕無人踪惟飛塵盈寸而已列朝詩亦載是詩與此小異再稽歷朝詩云正德間五羊趙克寬為建安學諭嘗與朋輩郊遊作送春詩俱用風雨字旁有丐者負莎衣立和一首問之不答而去詩云怨風怨雨總皆非風雨不來春也歸蜀魄啼殘柘樹老吳蠶吃了柘陰稀牆頭紅爛梅爭熟口角黃乾燕學飛自是欲歸歸未得肩頭猶挂一莎衣余合二者考之當以列朝為是律詩無一韻疊用二句

在園雜志卷二

遼海叢書

之體花影瘦鶯兒嫩不合春深中四句一樣切脚尤犯詩病既已為鬼何事獨稱道人且欲何歸乎結處散漫全無着落不若列朝詩所存有源有委句調高老詩既合拍事亦近人

集唐最難對偶工切語意聯貫惟朱竹垞詩綜內所載者佳句甚多如

去日漸多來日少

別時容易見時難他生未卜此生休

桂嶺瘴來雲似墨

蜀江風淡水如羅

風塵在苜音書絕

人物蕭條市井空

眼前好惡那能定

夢裏輸贏總不真

千里關山千里夢

一番風雨一番啼

慘慘悽悽仍滴滴

霏霏拂拂又迢迢

佳節每從愁裏過

遠書忽向病中開

舉世盡從愁裏老

暮年初信夢中忙

故國山川皆夢寐

昔年親友半彫零

嗜酒何妨陶靖節

能詩重見謝玄暉

坐牽蕉葉題詩句

醉折花枝當酒籌

過橋樹葉村邊合

隔岸柴門竹裏開

鳥啼雲竇仙巖靜

樹入天台石路新

楊柳亭臺凝晚翠

芙蓉帳幕扇秋紅

天上吹笙王子晉

雲邊度曲許飛瓊

石窗花落春歸處

山店燈殘夢到時

好夢肯隨蝴蝶去

離魂暗逐杜鵑飛

紅樹暗藏殷浩宅

青山空繞仲宣樓

碧落有情空悵望

春山無作獨相求白雲何處更相期

啼鳥歇時山寂寂

寒鴉飛盡水悠悠

歸鳥各尋芳樹去

寒潮惟帶夕陽還

在園雜志卷二

遼海叢書

勸君更盡一杯酒

與爾同消萬古愁

梁間燕子聞長歎

樓上花枝笑獨眠

自願勤勞甘百戰

莫將成敗論三分

世態炎涼隨節序

人情反復似波瀾

五千里外三年客

一寸心中萬斛愁

鳥下綠蕪秦苑夕

雲凝碧樹漢宮秋

衰草斜陽江上路

漁歌樵唱水邊村

朝雲暮雨連天暗

野草閒花滿地愁

蘭亭舊路曾相識

子夜新歌遂不傳

天長地久有時盡

物在人亡無見期

自歎馬卿常帶病

何曾宋玉解招魂

千樹桃花萬年藥

半池秋水一房山

中郎有女誰堪托

伯道無兒最可憐

千里雲山何處好

十年書劍總堪悲

波生野水雁初落

風靜寒塘花正開

獨坐黃昏是如伴

每逢佳節倍思親

共說陳琳工奏記

焉知李廣不封侯

蕭何只解追韓信

賈誼何須弔屈平

料得也應憐宋玉

不知何處弔湘君

能將忙事成閒事

不薄今人愛古人

閣中帝子今何在

河上仙翁去不回

滕王高閣臨江渚

漢主離宮接露臺

壺觴須就陶彭澤

勳業終歸馬伏波

以上皆極自然放翁所云火龍翻獻手非補綴百家衣者比也近復

有集陶集杜者皆不能自然巧合

門神詩甚多如紛紛後輩催前輩濟濟新官換舊官之類惟唐實君

在園雜志卷二

三

遼海叢書

考功 孫華一聯云將軍自昔名當戶

白註李丞相于今亦抱關

傳之精切博雅一時傳誦

豆腐詩惟查編修夏重慎行有願名原合腐儒餐之句甚佳又一日

入侍上幸海子捕魚賜羣臣命賦謝恩詩編修結句云笠簷蓑袂平

生夢臣本烟波一釣徒詞意稱旨忽奉內傳烟波釣徒查翰林蓋同

時有聲山學士故以詩分別之足見聖心嘉尚一時以為幸可與春

城無處不飛花韓翃同一佳話

孟翰林端士亮先聘張守戎之女張官雲南兵戈阻隔音問不通

及孟貫遂結婚世族未期年滇省蕩平先聘復至不能卻謝乃分宅

而居張美而端善文翰尤工詩世族之女祖父兄弟皆貴顯孟厚世

族而薄單寒張氏所居屢月僅一至焉張賦秋問怨八首內云落落

秋風班女扇團團明月寶家機其詩徧傳孟不少悔忽傳旨孟亮揆

行止不端着革職一時快之

朝鮮使臣至京賀萬壽有一聯云河清適際千年一嵩壽齊呼萬歲

三莫謂異國遂無奇才

朝鮮女郎許景樊八歲賦廣寒宮玉樓上梁文此又外屬之女神童

也惜其文不傳尤侍講展成何戲為補之見西堂雜俎

明末一大老教子弟勿作古詩恐壞人心術或聞笑曰沈休文始創

四聲當為君子第一但不知何以處淵明余以為陶靖節當年尚未

有近體耳至李唐詩人無近體者甚多豈盡小人耶近世又鄙近體

云開手便作七言律其人可知矣則君子小人又何稱焉

九言詩起於高貴鄉公不獨作者甚少知者見者亦少楊升庵梅花

一律云元冬小春十月微陽回綠萼梅蕊早傍南枝開折贈未寄陸

凱隴頭去相思忽到盧同窗下來歌殘水調沈珠明月浦舞破山香

碎玉凌風臺錯恨高樓三弄叫雲笛無奈二十四番花信催不過存

在園雜志卷二

四

遼海叢書

古人才深似海膽大於天故命意造句咸出人意表然亦有平中見

奇為今人不敢道亦不肯道者如李德新之東西南北人用夫子成

語猶可也若古詩魚戲荷葉東魚戲荷葉西魚戲荷葉南魚戲荷葉

北四句止更四方並不叶韻杜少陵四川有杜鵑東川無杜鵑涪萬

無杜鵑雲安有杜鵑四句一韻韓昌黎鴉鵲鴉鴉鴉鴉連用七鳥

名羅昭諫一二三四五六七連用七數目更有連用七然字五休字

成句者又欲以極鄙極俗之語化為出風入雅之句為可怪也然惟

古人為之今人則不可耳雪壓長林萬木低經句不共野人期蹇驢

借得如黃犢猶怕山橋未敢騎此不知何人佳句粘貼桃源村舍壁

上或是古作或是近詩俱未可定惜予讀書不多即多亦弗能記憶

耳一見賞心何其靜雅謹慎之至也

漂母祠題句頗多一望皆黃茅白草無足取者惟有一絕我攜千金

來但買淮陰酒平生恥受恩長揖謝漂母詞意超脫不與眾同但不

落姓名或曰此海寧陳素菴詩爲人抄襲耳

論語內無此字四書五經無真字曾經細查洵然

愍音宰北人呼小兒之不慧者楚湘沅間凡言是子者亦謂之愍因通用俗字也

豐音問原本玉破有紋者曰豐今凡器破而未離者皆用此字語音詐上聲與諸字有別申敬中云萬曆間京師有四川衛官話寵唱名時呼諸寵不應唱畢獨留問何姓名對曰話寵此姓罕見存以備考

盛音蓋以田地租人收種年滿仍退者
度音托丈量物件兩手舒平爲一度今河工多用之而此字與戩字正字通字彙皆不收

尤展成侍講才學典麗著述傳誦海內世祖章皇帝見其西廂時藝大加稱賞趣召入而先帝昇遐矣康熙己未試博學宏詞入翰林然每自傷未由科目故於詩文常寓志云漢以策制科而班馬揚雄不

在國雜志卷二

五 遼海叢書

遇唐以詩取士而李杜浩然見遺又題鍾馗像云進士也鬼也鬼也進士也一而已矣又李白登科記云你曾見那個狀元會題詩來是雖一時感憤之言人皆曰不留公郎門生地乎文人落筆當從忠厚和平怨而不怒古人有以教我矣

有督學江南者待幕友薄甚羣謂之乃集四書句縮腳爲詩云拋卻刑於寡來看未喪斯只因三日不博得七年之半折援之以全昏請問其結句未就羣哄而笑適東君至訊知其山乃續曰且過子游子棄甲曳兵而一章皆用四支韻通押虛字亦奇構也結句更出意表少時過淮陰臨城縣丞何素之之爲余言蔡昆陽狀元啓傳二事

一蔡公車投刺山陽令蓋同年而先仕者批其刺令開者查明蔡拂然北上殿試及第令以厚幣請罪蔡卻之答以詩曰一肩行李上長安此日應憐范叔寒寄語山陽賢令尹查明好向榜頭看一蔡狎一妓臨別賦羅江怨調功名念風月情兩般事日營營幾番攪擾心難

定欲待要倚翠偎紅捨不得黃卷青燈玉堂金馬人欽敬欲待要附風攀龍捨不得玉貌花容芙蓉帳裏恩情重怎能勾兩事兼成遂功名又遂恩情三盃御酒婦娥共彼言如此未知果否

平涼太守楊次也守知其先爲邠雁河官相與辨論古今改正詩文雖僚友若窗友也賤辰二月十六日贈詩有云月當既望光才滿春過平分氣始和可謂清切之甚一日約効力諸君遊依綠園分韻賦詩余有句勝地風雲諸子會名園松柏老夫來次也向諸君曰祇覺劉公詩句持在手中都是重的

偶於友人案頭見拙刻葛莊集硃批此亦出入香山劍南間而未純者曲阜孔東塘尚任乃曰宋人之句唐人之調余則何敢惟朱中立評蘇允吉大司馬詩曰格不高而氣逸調不古而情真二句吾所深服余有酉時立春作內一句云春向斜陽盡處來丹徒夏庶常慎云此士人稱公爲春陽先生也

在國雜志卷二

六 遼海叢書

關夫子殿額多用志在春秋鄆州劉廣文嗣自嘲曰此四字似可移書苜蓿齋中專爲吾輩而設吾無奢望惟望二丁祭得肉食耳是亦志在春秋也聞者絕倒又有諛廣文一聯耀武揚威帶褲打門斗五板窮奢極欲連籃買豆腐三斤帶褲連籃更覺形容過甚山陽司訓陳求夏履乃其年檢討維之子也十年來微祿不足以糊口時寶文以資不給先其年有篋衍集選子詩若干付梓竟爾遺落詢之求夏曰此集刻於先人身後爲人竄易稽其原本不獨公詩未登今現存未刻者尙多過半擬刻篋衍續集以成先志苦於俸薄不足以供剞劂奈何

門人常近辰建極天資總敏力學工詩余以一札勉之覆書云捧誦手諭宛如侍立左右親聆教言但建極自受業門牆矢心惕厲惟恐入於小成有辜大教無如天分低微終難上達又兼三四年來浮萍斷梗講論無人未免自以爲是所謂差以毫釐失之千里者矣昨細

讀批示拙作如夢初醒今後更當多讀多作多改細心體察不但不敢有負指教亦斷不肯自安於卑近也披閱之下足見其服膺好學深可嘉尙當此年力富強時能虛懷如此其後又何量焉

附原書

僕與足下訂交有年會必談詩別必寄詩外人見之莫不曰此二詩人也然足下數年前之詩與今日之詩無異殊爲惜之何也寫景不過陳陳相因幾字數言而已寫情不過碌碌無奇膚詞習句而已求鍊一超脫之意出一驚人之語成一俊逸之篇不易得也如此雖再過十年再成千首亦何益哉向見弔孫七古一篇可稱傑作以爲手筆開展自有進境孰知此後仍寥寥焉以足下英敏之資靈秀之筆何忍安於卑近然非讀古學古不可也老生常談輒曰選體漢魏六朝初盛此豈易言哉不過好高務遠者之夸示於人耳扼要之法但取與我性情相近者

在國雜志卷二

七 遼海遺書

如唐之錢劉香山宋之後村石湖劍南明之季迪茶陵推而廣之如宋之永嘉四靈元之虞楊范揭明之前後七子選其集中之最者熟讀而玩味揣摩而討論之即不能苦心探索亦當採擇而涉獵之痛謝熟徑盡去窠巢三五月後鬱勃而出奮筆疾書眼前意中自然清真當必有過人者矣要知古人言景言情不能出於雲泉花月觸詠狂愁之外我能化腐爲新點鐵成金即足名家兼能傳世耳此足下對症之藥也

燕趙道上有石碑勒子路宿處土人名其地曰石門拙作有僻地得先賢一宿傳千古之句據聖裔博士孔東塘云石門在曲阜北四十里登泰山必由之地子路卜人卜城在石門東南四十里子路之齊之魯道經石門故宿焉觀晨門之問子路之對皆鄉鄰語故知非他國之石門也天下石門有十餘處或山名或地名獨此石門乃齊鄭盟會之所見於春秋爲最古也

孔東塘向余云石門山峯秀拔林木鬱葱杜工部陪劉九法曹鄭瑕丘石門宴集詩云秋水清無底蕭然淨客心掾曹乘逸興鞍馬到荒林能吏逢聯璧華筵直一金晚來橫吹好泓下亦龍吟欲於此處建一秋水亭君當任之余隨庀材鳩工以成此役與春山館相對春山館者在山之南麓即張氏隱居也張氏字叔明魯國諸生爲竹谿六逸之一杜子美訪之有春山無伴獨相求之句秋水春山可稱絕對

附東塘書

石門山者詩人社集之所也夫子開其端李杜承其緒而我兩人遙遙相對一席不散豈可濫入邪派混我吟壇修葺之舉似不宜更讓他人也記石門勝蹟其夥惟秋水亭爲全山冠冕工宜亟舉況山中建造不須高大在有力者爲之如編一鶴籠耳竹木選就整枘合成一水盈盈載至竟郡距山纔七十五里耳棄舟登車至彼合架不日之工新亭成矣開名山之生面成敞

在國雜志卷二

八 遼海遺書

里之奇觀先生之風山高水長孰得而泯沒也獨念我兩人年逾周甲事須早就不但乘時可爲亦須親眼見之親身享之弟經營四十年僅能種樹千章並未加一綯一茅今得先生慨然任秋水亭之役其餘春山館晚興樓何敢重煩物力但續續商略或有機會料得天下賢者必無一部葛莊集鎮此石門者相須殷相遇疎固其宜耳

附孔東塘建秋水亭記

石門山形如蟠龍前有臺曰頌珠幽谷之水所由瀉也石骨多竅水之渟者深不測夏秋間常噴腥霧疑有蜃龍土人呼爲龍泓禱雨輒應泓上石基平曠能收全山之勝唐杜子美陪劉九法曹鄭瑕丘宴集於此後之遊人臨水濯纓多詠杜詩惜無片石可捫把茅可憩耳予每來必步此基慨焉永歎穆然長思欲構小亭而刻詩於壁一以棲前哲之靈一以遲後賢之駕區畫

三十年而榛莽如故但乞鄭篋書一秋水亭額攜之行篋展玩而已嘻老矣甲午冬薄遊淮南得遇在園觀察語及石門之勝且歎亭之未建而詩之未刻也在園毅然曰此詩人事也肯讓予爲予何幸也即日選材命匠不浹旬而亭與碑成矣即日舟載北來不浹旬而翼然臨於龍泓之上矣千年缺事一旦補之予把酒落成覺峰巒溪澗莫不趨赴此席賓客絲竹無非淡泊此詩所謂領珠臺者有此亭與碑非真龍領之珠乎異日者在園先生蒞我東土過石門而覽勝蹟予也追陪宴集倡子和汝必有名篇雅什輝映石門當不似劉九法曹鄭取丘僅費華筵之一金而甘以秋水八句讓予美也康熙乙未三月云亭山人孔尙任喜而記之

見近日布衣寒士專以傲慢薦紳爲是細考其抱負行止全然傲慢不起真是非蛙觀天近日後生小子專以指摘前輩爲能細扣其學

在園雜志卷二

九 遊海叢書

問見識全然指摘不著真是蚍蜉撼樹此輩不獨可笑實可哀已

吳人呂文兆 三十年舊交也性情孤冷舉止怪僻一夕席間呂舉

一令各誦鬼詩如下有百年人長眠不覺曉 自憐長夜客泉路以

爲家 寒食何人奠一卮骷髏戴土生春草 自去自來人不知歸

時惟對空山月 西山一夢何年覺明月堂前不見人之類余後舉

明人微口詩有身無首知是誰寒風偏射刀傷處呂拍案叫絕以爲

駕長吉而上之好尙如此其人可知先年所衍女仙外史百回亦荒

唐怪誕而平生之學問心事皆寄托於此年近古稀足跡半天下卒

無所遇近以陸伯生蔡九霞纂緝廣輿記止詳註各府而略州縣不

足備參考乃編成績廣輿記頗爲詳明以卷帙浩汗尙未能付梓

佟岡南 世京才人而有氣節者也平昔以詩酒爲緣循循儒雅絕無

窮乏之狀即詩亦無寒乞語不意一病不起卒後無以爲殮惟敝衣

數件質票數紙而已故余挽詩云高品能孤立英才未一仲開箱無

長物至死不言貧與楊次也太守比屋而居挽詩云上品最難窮裏見分燈從不借隣光太守感余詩內有名雖縣令其實乃詩人之句遂題曰詩人佟岡南之墓友人常定遠爲之勒珉

余詩將進酒直用太白一杯一杯復一杯句刻成悔之門人尹半樵

題曰古人詩有直用古人者柳色黃金嫩梨花白雪香陰鏗句而

太白直用之有用古人句而增字佳者水田飛白鷺夏木嘯黃鸝李

嘉祐句而王右丞加以漠漠陰陰遂奪爲己有更有直用己句者許

仰晦一尊酒盡青山暮千里書回碧樹秋一見於京口閒居寄兩都

親友再見於郊園秋日寄洛中故人有今人直用古人之句者如王

新城先生漁洋集懷人詩道予問訊今何如與道甫問訊今何如同

直用少陵不少嫌也況所用太白成句非出色佳構不過平率無奇

者若欲抄襲何取乎此識者自當知之

余詩童去自理生後火飯來還掩讀殘書或謂直抄放翁然陸句呼

童不應自生火待飯未來還讀書余變其意非直抄也

刑部王主事 善談諧行二而麻由外城入署至椿樹街見男婦

鬪毆衆擁難前兀坐小轎中成打油詩一律人心天理偶然差闕起

張家與李家一腳飛來頭有血兩拳揮去口無牙纓冠往救虧三嫂

袖手旁觀是二麻亂挽青絲呼好打明朝必定到官衙聞者無不絕

倒一時喧傳都下因達大內後王轉員外郎引見時侍衛諸君齊指

在園雜志卷二

十一 遊海叢書

能絢爛而先平淡恐涉畫虎不成之病孤艇殘春句不必思索工力若到自能知之莫疑為英雄欺人語明季一富戶有二婿一已為守備一尚是儒生富戶輕生重備後備歷陞副總兵任邊上生聯捷南宮以御史差巡九邊過其境副總被執郊迎夜帶兵馬擁護五鼓副總親為傳報稟請閱操生於枕上賦一絕云黃草坡前萬甲兵碧紗帳裏一書生而今始信文章貴臥聽元戎報五更

陳健夫于王詩名頗著與檢討其年通譜雅善其年篋衍集選刻其詩然才而僻合己者膠漆稍違趨向則冰炭矣為詩宗杜故近體多五言性豪詩酒不樂仕進類晉人之放誕使其檢束身心努力經濟功名正未可量況漢軍比諸漢人出身稍捷而漢軍同輩者仕多華庶健夫雖遨遊所至延接甚懽然垂三十年終於草布甲午夏過予袁浦徵歌文謙把杯索扇立成三絕以贈小部之佳麗者未幾北返近晤曲阜孔東塘知其卒于東魯殯於友室悲夫

在國雜志卷二

遼海叢書

陝川總制大司馬孟公喬為開國元勳亦清廉第一世祖皇帝念其功懋給以世襲阿達哈哈番其長君自幼喪明聖恩准其承襲俸祿照常支給雖盲其目能聽於耳通文翰善應對且能詩每於稠人坐中聞聲即辨某人一日遇諸塗余于馬上問起居即答曰劉世翁好違教將兩月矣同行者俱愕然且每會必問近日有佳作否試為誦之入耳心通頗知句之美惡其自著紫紫成帙最得意者寫懷五律二十首猶記腹聯云一官慚報國十載羨歸田餘亦清通

施侍講愚山先生問章家居先君任宛陵時甚為莫逆戊午先君見背己未先生以中堂交薦博學宏詞赴召入都過余賜第親至先君神主前拜畢痛哭設座對主談曰老公祖久別不復相見矣治弟本期終老林泉公曾勸余出山堅執未從今一旦再入長安究竟學何曾博詞何能宏撫心滋愧不獨無面對公未免為猿鶴所笑耳謬承聖恩叨授詞林實無報稱行將歸矣非負知我也有應召二律請為

公誦之可以鑒予心矣猶記一聯云黃閣憐知己青山解笑人誦畢以刻箋焚于主前再拜又哭復拱曰公即少年銳志於學其詩清真不落浮響予敢不以前輩自居相期有成乎此即所以報公之萬一也妮妮多言正容恭敬儼然生人面談童僕多竊笑之然前輩於交情知己死生不為少變愈見古道焉

邊桂巖別駕性癖搗鼓尤妙漁陽三弄今時無二手也自言傳諸舊內官然僅得大旨耳至摹擬盡致皆從心會聞其初學時起居坐臥飲食寤寐惟鼓是念每常對客兩手動搖作搗搗狀自亦不知也與余同官袁浦間一試之窮數十刻之力方盡其妙予為賦搗鼓詞三十二韻嗟乎正平後千古傳心桂巖一人而已桂巖亦愛失傳思得願學者授之而卒無一能師其藝者真絕技也

附搗鼓詞

春光一奏柳杏妍秋風再奏葉盤旋明皇自製春光好秋風高二曲孰能上奪

在國雜志卷二

遼海叢書

天公權臨軒縱擊鼓淵淵羣音之長推鼓先萬物和氣賴以宣劈空製造感聖賢後人沿習樂便便尋常琴瑟雜管絃未若今日搗搗全中庭飲罷撤綺筵有客解衣臂雙肩接搗到手屢變遷初猶散漫繼纏綿忽驚霹靂下遙大金戈鐵馬搗中堅須臾簫溜雨連連衆語嘈切滿市廛有如長林斷續蟬有如落盤珍珠聯併將雙搗暫棄捐用爪用指用老拳最後一通更轟圓河流入海匯百川耳根莫辨聲萬千墜石一聲方寂然座客改容歎有緣醉者以醒病者痊漁陽絕技誰能專准陰別駕三韓邊願君之壽如偃佗不爾其後恐失傳別駕高麗

天許樓謙集誦古詩為下酒物欲各搜從來武人之能詩者或紀全篇或采警句亦吟壇勝事也坐中陳求夏楊次也守知吳吉人

王若士吳謙侯邦亨陳朗行江紀異

陸紫函大奇費厚蕃董大甥起希大孫永叔二孫永

三孫永咸欣然而應有獨誦一首者有連記一人數首者有誦其
警句或警聯者有能誦長篇偶忘一二句而他人補之者有三四人
共記一首更有上下訛錯別後檢查改正補到者皆附錄之以時代
敘先後獨明詩爲最多然一時興會所至亦不足以盡武人之詩也
梁曹景宗

華光殿宴聯句餘韻

去時兒女悲歸來筋鼓競試問行人何如霍去病

唐洪州將軍

題屈原祠

行客漫斟三酌酒大夫原是獨醒人

雁門郡王王智興

徐州使院

江南花柳從君詠塞北烟塵我獨知

在國雜志卷二

十三

遼海叢書

宋左千牛上將軍曹翰

內宴應制

三十年前學六韜英名嘗得預時髦曾因國難披金甲不爲家貧
賣寶刀臂健尙嫌弓力軟眼明猶識陣雲高庭前昨夜秋風起差
見團花舊戰袍

岳武穆王

題齊山翠微亭

經年塵土滿征衣得得尋芳上翠微好水好山觀未足馬蹄催送

月明歸

明定襄伯郭登武定侯英諸孫也有聯珠集

浦牙山

險嶺南來獨浦牙天分蠻獠與中華萬盤山繞一絲路百丈峰開
千葉花毒霧瘴烟相映滿鳥聲人語共呶呀停驂每勞征南上莫

聽啼猿苦憶家

普安道中

竹暗籐荒路欲迷一重山度一重溪枯槎偃蹇如人立蠻語侏僂
似鳥啼花底雨晴飛蛺蝶水邊冬煖見虹霓祇應風味堪題處三
寸黃柑壓樹低

入緬取賊早發金沙江

征帆如箭鼓聲齊舟渡金沙更向西石棧夜添蠻雨滑曉江晴壓
瘴雲低水邊烏鬼迎人起竹裏青猿望客啼又隔滇陽幾千里桐
花榕葉晚淒淒

軍回

兩行旌旆引鳴笳萬騎宵嚴不敢譁隔岸水聲衝石響單山雲脚
受風斜孤邨月落時聞犬古寨春殘不見花歸騎莫嫌征路滑涼
風吹雨灑塵沙

在國雜志卷二

十四

遼海叢書

寄涇州守李宏

涇陽太守如相問更比來時白髮多

蠅

苦不自量何種類玉階金殿也飛來

梅子

莫倚調羹全待汝世間還有皺眉人

塔頂

不知眼界高多少地上行人似凍蠅

參將湯引勅

題壁

戰酣日落陣雲開百騎難當萬馬來血汗遊魂歸不得幽冥空築

望鄉臺

戚武毅公繼光止止堂集

登石門驛新城眺望

萬壑千山到此寬城邊極目望長安平居自許捐軀易遙制從來
報國難尙有二毛驚歲變偶聞百舌送春寒廟堂只恐開邊釁疏
草空教午夜看

盤山絕頂

霜角一聲草木哀雲頭對起石門開朔風鹵酒不成醉落葉歸鴉
無數來但使雕戈銷殺氣未妨白髮老邊才勒名峰上吾誰與故
李將軍舞劍臺

度梅嶺

溪流百折繞青山短髮秋風夕照閒身入玉門猶是夢復從天末

出梅關

俞武襄公大猷正氣堂集

挽薛養呆

在國雜志卷二

十五 遼海叢書

伐木風不還今古幾心知我與君結契相期弱冠時平生一然諾
盛衰永不移我善君相助我過君相規嗟君忽奄逝一老不憚遺
昔爲暫離別今作長相思戚戚重戚戚良朋今有誰

萬都督表號鹿園居士玩鹿亭稿

憫黎吟三之一

虎兇來猶可奔狼師一來人無存大征縱殺玉石焚昔人雕勦只
一村雕勦功成賞不厚大征廢子還廢孫殺一不辜尙勿爲何況
萬骨多冤魂

山亭納涼

一亭梧竹裏迥出市塵間石徑緣蘿入江峯對座閒海雲朝屢變
山鳥暮雙還別去衡茅下思君懶閉關

宮女歎

莫向雲屏羨阿嬌暫將清淚度春宵帶圍自此拚長減待得君王

愛細腰

劉指揮使銳春臺集

和徐東濱

何處幽棲好城西有茂林山來當戶翠竹長隔牆陰哺子飛梁燕
窺魚下水禽閉門無所事赤日任流金

余參將承恩鶴池集

感興

白日沈西陸返景流東岑端居屏塵翳欣然理鳴琴大雅僉不悅
馳情在鄭音違俗信靡合安可同荒淫達人宜止足嘉遯我所謀
富貴苟非我一唾麾千金

答草池約泛蓉溪

春來花鳥總關情夜雨愁聽不到明怪殺主人猶病酒晴江鼓柁

放舟行

在國雜志卷二

十六 遼海叢書

放舟行

芙蓉溪水三尺強蒼蒼兩岸花草香若待長江新漲合撐舟直上

小茅堂

望忠州

高江落日片帆秋岸上魚罾次第收無數峰巒雲霧裏舟師指點
認忠州

張都督通

游西林菴

野寺蕭條一徑微山僧相見語禪機雲深石洞玄猿伏烟鎖松林
白鶴歸上界疎鐘通碧落邊城鼓角送斜暉浮生自覺渾無定欲
解鳴珂問釣磯

周京營都督于德

平鳥刺江

春蒐馬跡遍南荒
彝獫新降罷畫疆
絕壑危巖通鳥道
飛旌疊鼓遠羊腸
黔瀘東下歸辰浦
箬西來接夜郎
王化遠行銅柱外
炎州萬里盡梯航

張指揮元凱伐檀集

春日遊西苑

宣室臨西苑
靈臺對籍田
宮鶯迷綠雨
廐馬飲清川
柳引金隄直
松含玉殿圓
先皇受釐處
寂寞鎖春烟

西苑宮詞

九獻不須歌舊曲
詞臣昨已撰芝房

大官不進麒麟脯
御饌惟供五色芝

水旱恐煩祠后土
未央深處好祈年

朱衣擊出高元殿
先賜分宜白髮臣

拜舞不同郊社禮
科儀一一聖人裁

在國雜志卷二

十七

遼海叢書

進來白鹿高于馬
馴擾金階不畏人

李千戶元昭岫嶼山房集

送周虛巖歸吳

返棹歲將晏
離亭酒共斟
島雲寒沒影
江日凍生陰
莫惜飄蓬跡
應傷折柳心
丘中別同調
聊復理鳴琴

黃參將喬棟

聽秀上人彈琴

高僧理鳴琴
古調盈人耳
濤生松下風
龍起鉢中水
聽罷猶冷然
月出疎篁裏

張右都督如蘭功狗集

吳門夜泊

帆影初抽落日斜
江橋風湧太湖沙
行人莫上蘇臺望
無復吳王苑裏花

苑裏花

狄參將從夏

月夜同劉天山作

孤館寒燈夜相看
聽晚笳清宵醒客夢
明月落梅花碧海潮聲急
清霜雁影斜不堪憐
歲暮况復是天涯

袁守備應徽

鄭司馬入塞歌

十載籌邊鬢欲秋
玉門生入未封侯
君王豈惜師中命
尚有山陰十六州

奚百戶汝嘉

旅懷

十日雨初霽
一年春已殘
苦痕蝕徑滑
草色釀陰寒
昔悔從軍易
今悲作客難
殊方有桃李
能得幾回看

陳百戶鶴海樵集

在國雜志卷二

十八

遼海叢書

夜坐見白髮寄別朱仲開張嘔江

坐久北風起
江聲帶遠沙
客愁初到鬢
鄉夢不離家
林靜無殘葉
燈寒有落花
懷君夜難寐
別緒轉如麻

高郵贈龔山人

近苦江東水
轉憐淮北居
入秋嘗白稻
留客繪青魚
樹柵春收犢
穿潮夜灌渠
期君結鄉社
同著養生書

泊京口望金山寺

南徐一片石
千古柱中流
繞樹開僧舍
緣空結梵樓
疎燈明水底
落月挂潮頭
向晚禪鐘起
風吹到客舟

題楊法部容閣閣

閣傍江城外
窗開雲水間
祇因塵境遠
自覺主人閒
日落見歸鳥
月明看遠山
移船候潮至
相送野僧還

寫山水

夜來風雨惡落葉打柴關曉起微溪閣亂雲猶在山

題畫贈姜明府

暮雲春樹路千重雪後看山到處同夜永燈寒無過客月明江色滿樓中

送張伯淳還關中

憐君獨棹渡黃河西北山川入雍多料得到家春未至馬蹄半在雪中過

送王諫北上

東去春潮到驛門半江風雨近黃昏由來知己難爲別不是慇懃戀酒尊

吹笛懷友

玉笛橫吹入夜分中天華月度流雲茗川兩岸春風起飛盡梅花不見君

在園雜志卷二

一九 遊海叢書

外摘佳句如

近海潮通郡連山瘴入樓

山川留別夜風雪望鄉人

孤月長隨棹寒潮自到門

繞廬松葉暗穿竹水聲齊

明月幾家好故人今夜俱

牀下鳴蛩偏入夜風前白苧不宜秋

風塵會面猶難卜世事傷心只自知

細雨殘燈歧路酒清江紅葉寺門舟

薄遊兩見鴈歸寒多病卻憎花滿樓

高士遠棲滄海曲好山多近永嘉場

山深倦鶴猶依樹風定飛螢忽上樓

陳遊擊將軍第奇心集

歲暮客居呈焦弱侯

仲尼本周流忽發歸與歎意在就六經匪爲思鄉事嗟我老無聞託興游汗漫遐想古通人反側常宵半秣陵一君子少小登道岸嗜學自性成羨易且夕旣近得從之談悅上中天觀詩書數千載立語窮真贗欣然遂忘家何知有歲晏

邵武舟次

樵川泛輕舟青山起當面薄霧頻往還奇峰互隱見灘灘若峻坂下下如飛箭秋容西楚同人語南方變茂樹雜村烟澄溪勝江練始知溯洄艱轉喜隨流便對景持一杯幔亭未足羨

禹碑行

岳麓神禹碑何年鐫刻之真蹟雖莫窺字體殊瑰奇儼如冠冕之獨立矯若鳳鳥之來儀或盼而連目或聳而並肩或展而雙足或握而兩拳神藏蘊蓄意騁踴躍既非鳥跡之踏踏亦非垂露之涓

在園雜志卷二

二十 遊海叢書

汨篆隸八分抑又邈焉計歷年之既久何點畫之新妍豈鬼神之

默護故歲久而彌鮮據譯讀之恍惚未必當日之真傳余過長沙

弗覺偶至湘潭返船直肩輿而迅步遂冒雨而陟巔喜胸襟之豁

滌獨坐翫而弗旋昔韓退之嘗千搜而萬索至咨嗟而涕漣予實

迷途之未遠無亦此生之宿緣

山中蚤秋

春夏誰能幾淒淒白露還秋容先到草客意未離山石鼠窺禾去

清蟬抱樹聞人生衣食外焉用苦間關

江心寺除夜

偶過江心寺何期又歲除百年俱逆旅信宿即吾廬岸隔遙呼酒

廚寒剩煮魚客遊隨處好髮髮任蕭疎

客中立秋

蒸濕前朝雨淒涼今夜風秋聲先蟋蟀露氣到梧桐頓覺絺衣薄

尤憐旅棄空潞河問舟楫明月向吳中

閩關旅夜

已是吾鄉土離家尚十程疎窗通野色孤枕傍松聲搖落秋難賦
悲歌夜不平僕夫催曉發燒燭待鷄鳴

維揚謁文信公祠

萬死艱難地千秋伏臘新山河終破國天地已成仁江橋南中像
巖松雪後春徘徊歌正氣不覺淚沾巾

過薊州

燕京八千里復作薊門行剩有溪山興能忘沙塞情朔風摧短草
寒月近長城流涕二三策何人似賈生

追懷宜黃大司馬譚公

昔年飄泊入燕京制府憐才意不輕獻策獨過司馬署分符旋赴
薊州營祇誇相國知韓信無復功臣妬賈生秋草春風今日淚不

在國雜志卷二

二十一 遼海叢書

堪回首楚江城

元夕宿泉州洛陽橋

春風又渡洛陽橋柳色青青伴寂寥回首故園今夜月滿江燈火
上寒潮

送戚都護

轅門遺愛滿幽燕不見烽烟十六年誰把旌旗移嶺表黃童白叟
哭天邊

塞外燒荒行有云

年年至後能防賊出塞燒荒灤水北枯根朽草縱火焚來春突騎
飢無食

又云

隆慶二載譚戚來文武調和費心力從前弊政頓掃除臺城兵器
重修飾迄今一十五年間閩鷄犬獲寧息譚今已死戚復南邊

境危疑慮回測忠難易共安樂難念之壯士摧顏色論者不引今
昔觀紛紛搜捕臣滋惑

臨淮侯李太保言恭青連閣貝葉齋遊燕諸集

花朝

二月寒猶峭燕山雪未消春來無草色病裏又花朝鴻雁鄉書斷
關河旅夢遙武陵溪上約今已負漁樵

賦得匡廬山

匡廬凌碧落青磴與塵分湖海遠還見雷庭低不聞石門鳴宿雨
瀑布濕流雲獨有山人屐常隨飛鳥羣

送仲弟南還兼懷老親

無限離愁匹馬前況多風雨斷鴻邊板輿未得歸潘岳春草何堪
送惠連伏枕夢回滄海月登臨望極白雲天飄零若見高堂問雙

鬢休言異昔年

在國雜志卷二

二十二 遼海叢書

李僉憲招飲黃鶴樓

勝地慚非作賦才清尊今向大江開當年黃鶴雲中去何處梅花
笛裏來風卷潮聲喧鳥嶼日斜帆影上樓臺相逢俱是他鄉客衰

草泔陽漫復哀

顯靈宮

先帝祈靈太乙祠重來空憶翠華旗殿中香火儀猶具海上仙人
事轉疑客與方書閒指畫老來詩律舊心思調高身健懶時輩傑

閣憑闌眼故遲

王總戎鉞

金縷且歌新樂府鐵衣休話舊軍功

聶晉人先吳人才學頗富手眼亦高但性情冷僻呂文兆狂士猶呼
之曰聶怪其爲人可知矣己已游武林選刻西湖三太守詩太守爲

誰魏蒼石蘇小眉以予三攝杭州亦濫廁名其中二公才

人也予何敢並列焉晉人行時予適病中賦詩話別云擬共西湖放
畫船錦塘秋水六橋烟擔囊竟去君何急伏枕偏當我未痊兩地雲
山勞一夢他時風雨憶今年若逢同學人相問酒膽詩腸近索然
周少司空蓉湖清原昆陵舊家素貧攻苦力學博極羣書不以窘迫
自介有拂意事處之澹如曾祈夢于忠肅公祠公延之上坐禮甚恭
臨別謂曰你的事在我的事在你已未召試博學鴻詞授檢討纂
修明史及後督學浙江道出昆陵先是內家官侍御其連襟則進士
中翰也每司空至侍御宅皆從左右門自爲出入獨中翰至則開中
門迎送今司空一旦登翰苑典文衡而侍御且郊迎不暇何況中門
司空乃步行往謁仍從側門而入侍御固請不從其中翰侍御皆隨
從側門入焉其不以貴自驕如此抵浙拜忠肅公祠既悟優禮之不
謬益知我的事在你者蓋明史中于傳出司空手筆也丁卯典試山
東次日揭曉元卷尙不愜意隱几假寐見一猴跳躍而前司空遽以

在國雜志卷二

二十三

遼海叢書

劍擊之猴入箱而沒大叫驚醒同事者問之遂詳以告乃自解曰猴
者猿也猿元同聲劍爲金刀明日爲辰今日卯日毋乃姓劉者合中
元乎啓箱果于落卷中檢得劉孫卷大快心賞遂定爲元榜出東省
有知人之頌焉

倪永清世選詩最四集可爲富矣人各前一小傳後一小跋意不
重複句不雷同適如其人洵一代高手也惜其龍魚淵浩間亦有出
于永清竄易以代成其名者蓋名士多窮藉此賣文自給爲資所使
情亦可原然邇來比比皆然抑不獨一永清也永清閒情逸韻有林
下風多髻善飲人以倪髻稱之倪亦自呼曰髻與予交有年矣戊子
來浦上相留盤桓者匝月時表甥宛陵郡丞郭見齋遣人來迎予送
以詩曰華髮蒼髻古逸民生平足跡半紅塵搜羅海內千秋葉寄託
杯中百歲身帆挂大江風力勁袂分小浦月痕新敬亭山有吾甥在
好去相逢淡以親未一年忽聞作古人矣不禁爲之黯然

壬辰冬大雪友人數輩圍爐小酌客有惠以說鈴叢書者予曰此即
古之所謂小說也小說至今日濫觴極矣幾與六經史函相埒但鄙
穢不堪寓目者居多蓋小說之名雖同而古今之別則相去天淵自
漢魏晉唐宋元明以來不下數百家皆文辭典雅有紀其各代之帝
畧官制朝政宮幃上而天文下而輿土人物歲時禽魚花卉邊塞外
國釋道神鬼仙妖怪異或合或分或詳或略或列傳或行紀或舉大
綱或陳瑣細或短章數語或連篇成帙用佐正史之未備統曰歷朝
小說讀之可以索幽隱考正誤助詞藻之麗華資談鋒之銳利更可
以暢行文之奇正而得敘事之法焉降而至於四大奇書則專事稗
官取一人一事爲主宰旁及支引累百卷或數十卷者如水滸本施
耐菴所著一百八人人各一傳性情面貌裝束舉止儼有一人跳躍
紙上天下最難寫者英雄而各傳則各色英雄也天下更難寫者英
雄美人而其中二三傳則別樣英雄別樣美人也串插連貫各具機

在國雜志卷二

二十四

遼海叢書

杼真是寫生妙手金聖歎加以句讀字斷分評總批覺成異樣花團
錦簇文字以梁山泊一夢結局不添蛇足深得剪裁之妙雖才大如
海然所尊尙者賊盜未免與史遷游俠列傳之意相同再則三國演
義演義者本有其事而添設敷演非無中生有者比也蜀吳魏三分
鼎足依年次序雖不能體春秋正統之義亦不肯効陳壽之狗私偏
側中間敘述曲折不乖正史但桃園結義戰陣回合不脫稗官窠臼
杭永年一做聖歎筆意批之似屬效顰然亦有開生面處較之西遊
實處多於虛處蓋西遊爲證道之書丘長春借說金丹奧旨以心猿
意馬爲根本而五衆以配五行平空結構是一層樓海市耳此中妙
理可意會不可言傳所謂語言文字僅得其形似者也乃汪懋漪從
而刻畫美人唐突西子其批註處大半摸索皮毛即通書之太極無
極何能一語道破耶若深切人情世務無如金瓶梅真稱奇書欲要
止淫以淫說法欲要破迷引迷入悟其中家常日用應酬世務奸詐

貪狡諸惡皆作果報昭然而文心細如牛毛繭絲凡寫一人始終口吻酷肖到底掩卷讀之但道數語便能默會爲何人結構鋪張針線縝密一字不漏又豈尋常筆墨可到者哉彭城張竹坡爲之先總大綱次則逐卷逐段分註批點可以繼武聖歎是懲是勸一目了然惜其年不永歿後將刊板抵償夙逋于汪蒼孚蒼孚舉火焚之故海內傳者甚少嗟乎四書也以言文字誠哉奇觀然亦在乎人之善讀與不善讀耳不善讀水滸者狠戾悖逆之心生矣不善讀三國者權謀狙詐之心生矣不善讀西游者詭怪幻妄之心生矣欲讀金瓶梅先須體認前序內云讀此書而生憐憫心者菩薩也讀此書而生效法心者禽獸也然今讀者多肯讀七十九回以前少肯讀七十九回以後豈非禽獸哉近日之小說若平山冷燕情夢栢風流配春柳鶯玉嬌梨等類佳人才子慕色慕才已出之非正猶不至于大傷風俗若玉樓春宮花報稍近淫佚與平妖傳之野封神傳之幻破夢史之僻

在園雜志卷二

二十五 遼海叢書

皆堪捧腹至燈月圓肉蒲團野史浪史快史媚史河間傳痴婆子傳則流毒無盡更甚而下者宜春香質弁而釵龍陽逸史悉當斧碎棗梨遍取已印行世者盡付祖龍一炬庶快人心然而作者本寓勸懲讀書者每至流蕩豈非不善讀書之過哉天下不善讀書者百倍于善讀書者讀而不善不如不讀欲人不讀不如不存康熙五十三年禮臣欽奉上諭云朕惟治天下以人心風俗爲本而欲正人心厚風俗必崇尚經學而嚴絕非聖之書此不易之理也近見坊肆間多賣小說淫詞荒唐鄙俚潰亂正理不但誘惑愚民即縉紳子弟未免游目而盪心焉敗俗傷風所繫非細應即通行嚴禁等諭九卿議奏通行直省各官現在嚴查禁止大哉王言煌煌綸綍臣下自當實力奉行不獨矯枉一時洵可垂訓萬禩焉

舜之母曰握登而瞽瞍以繼室生象許由字武叔

莊周字子休

妣已姓鍾名如字已

田文字孟母仇氏

孟子周定王三十七年四月二日生即今之二月二日赧王二十六年正月十五日卒即今之十一月十五日壽八十四歲

漢太上皇名端字執嘉

應制詩文內有應避字樣雖不必一概不用亦須擇其尤者避之考

元時進賀表文觸忌諱者凡一百六十七字極盡歸化亡播安祖哀

奄味駕遐仙死病苦泯沒滅凶禍傾頹毀假仆壞破晦刑傷孤墜噫

服布孝短天折災困危亂暴虐昏迷愚老邁改替敗廢寢殺絕忌憂

切患衰囚枉棄喪辰空陷厄艱忽除掃擯缺落典憲法奔崩摧殄隕

慕稿出祭奠饗享鬼狂藏怪漸愁夢幻弊疾遷塵兀蒙隔離去辭追

考板蕩荒古述師剝革睽違尸叛散慘怨尅反逆害戕殘偏枯眇靈

幽沈埋挽升退換移暗了休罷覆弔斷收誅厭諱恤罪辜愆土別逝

泉陵

在園雜志卷二

二十六 遼海叢書

在園雜志卷二

遼海劉廷璣撰

詞曲莫溯其始近則考之嘯旨唐孫廣謂某君授王母母授南極真人遞至廣成子風后嘯父務光堯舜禹其說甚誕後晉孫登蘇門一嘯猶襲其傳登仙去此道湮沒不復聞矣雖有權輿正畢十五章十二法徒具空文心傳無授究何益哉迨風雅變為騷賦樂府五言七言詩體化為詩餘及南北詞曲而填詞家猶名其譜曰嘯餘亦存餽羊之義耳

舊弋陽腔乃一人自行歌唱原不用眾人幫合但較之昆腔則多帶白作曲以口滾唱為佳而每段尾聲仍自收結不似今之後臺衆和作嘯嘯囉囉之聲也西江弋陽腔海鹽浙腔猶存古風他處絕無矣近今且變弋陽腔為四平腔京腔衛腔甚且等而下之為梆子腔亂彈腔巫娘腔瑣哪腔囉囉腔矣愈趨愈卑新奇疊出終以昆腔為正

在園雜志卷三

遼海叢書

音

歌曲盛于唐之梨園故今名伶人為梨園子弟然當時所歌以絕句為樂府而音律分別乃有清平調小秦王竹枝柳枝雨淋鈴憶王孫伊州涼州陽關各種之異欲深考辨別查不可得清平一調當時作者甚多惟青蓮合拍此中妙解即詢諸填詞與善歌老白相亦莫一解也觀旗亭佳話歌一絕句而龜年懷智輩以衆器配之六音皆叶傾聽之下不知如何抑揚頓挫也宋專事詩餘歌詩之道廢迨元作北曲詩餘遂為定場白之前引明昆山魏良輔能喉轉音聲始變弋陽海鹽故調為崑山腔梁伯龍填流紗記付之王元美詩所云吳閭白面冶遊兒爭唱梁郎雪豔詞今之崑腔是已即所謂南曲整本也元北曲每本不過四五折曲皆一人始終獨唱衆以白間之若南曲則不獨人可一齣甚有一齣幾人分唱者至後龍子猶輩出以南北間錯故有北新水令南步步嬌一套北醉花陰南畫眉序一套如此

不可枚舉後更碎割諸曲以成一曲名曰某犯或串合佳名如金絡索挂梧桐之類總曰新增歌者不得不曲折以赴之亦苦道也久沿不覺習而安矣然今日人盡薄填詞為容易而尊詩詞為上乘黃九烟周鼎云詩降為詞詞降為曲愈趨愈下愈趨愈難嘗為之語曰三仄更須分上去兩平還要辨陰陽詩與詞曾有是乎

何元朗評施君美曲間出高則誠琵琶之上王元美目為好奇之過臧晉叔謂琵琶梁州序念奴嬌二曲不類則誠口吻當是後人竄入王元美大不以為然津津稱許不置晉叔笑曰是烏知所謂幽閨者哉以予持衡而論琵琶自高于幽閨譬之于詩琵琶杜陵也幽閨義山也比之時藝比琵琶程墨也幽閨房書也琵琶語語至情天真一片曲調合拍皆極自然真是天衣無縫至于才人點染淺深濃淡何事不能豈梁州序念奴嬌二曲遂謂各一手筆乎觀少陵詩何法不備何態不呈烏可以一家之管見測之哉

在園雜志卷三

遼海叢書

前人云鄭若庸玉玦張伯起紅拂以類書為傳奇屠長卿曇花終折無一曲梁伯龍流紗梅禹金玉合道白終本無一散語皆非是如此論曲似覺太苛安見類書不可填詞乎與會所至托以見意何拘定式若必泥焉則彩筆無生花之夢矣況文章幻變體裁由人公穀短與史漢冗長各出己意何難自我作古所謂不可無一不可有二也水滸多用典故未嘗不與荊劉殺拜四種白描者并傳又云汪伯玉南曲失之靡徐文長北曲失之鄙唯湯養仍庶幾近之而失之疎然三君已臻至妙猶如此嘗議誠太刻矣近今李笠翁十種填詞洪昉思長生殿亦大手筆各有妙處但李之賓白似多洪之曲文似冗又不知後人作何評論也

古舞法幾亡今梨園舞西施者初以袖舞即胡旋也繼以雙手翻捧者原本之于番樂如法僧作餞口也孔東塘曰舞者聲之容或象文德或象武功文則干羽揖讓武則戈盾進止東階西階之舞所以合

堂上堂下之聲也古者童子舞勺蓋以手作拍應其歌也成人舞象像其歌之情事也即今里巷歌兒唱連像也若雜劇扮演則又踵而真之矣惟浣紗記所演西子之舞猶存古意然亦以美人盥手照面梳妝坐臥之容以應歌拍耳至于外國旋魔等舞各像其風俗文武之容亦非離聲歌而別有所爲舞也

優孟衣冠取其相似也有絕不相似者如慶壽之王母則鳳冠霞珮羣仙則用蟒衣小逼之衛律則補服大逼之元帥亦用蟒衣不可枚舉又如追賢之韓信曲文內一事無成兩鬢斑不覺得皓首蒼顏空熬得鬢斑斑至戲末贈金時猶不用鬢斑何也范少伯之後訪曲文內差殺我一事無成兩鬢星亦不用鬢斑皆老梨園以訛傳訛失于檢點之故也至於副淨小丑賓白多用蘇州鄉談不知何本始于何年李笠翁亦深惡之極力詆毀無奈習焉不察然而副淨小丑原取發科打渾以博聽者之一笑蘇州近地人皆通曉用之可也施于他

在園雜志卷三

三 遊海叢書

省外郡語音尙然不解亦何發笑之有且副淨小丑所扮皆下品人物獨川蘇州鄉談而生且外末從無用之者何蘇人自甘於爲副淨小丑也耶亟宜改正一大快事

元人雜劇二百五十種楊廉夫彈詞有仙遊夢遊俠遊冥遊等類董解元彈詞西廂王實甫師其意作北西廂傳奇然董之彈詞冗長太文反不若王之傳奇情文兼美可歌可誦也大抵彈詞元時最上一代風氣使然今則競勝傳奇縱有好絃索者亦不足悅人耳目

唐張祜悖拏兒舞詩云春風南內百花時道唱梁州急遍吹揚手便拈金腕舞上皇驚笑悖拏兒今有喇叭班用小童以筋頂碗而轉升高復下送葬之家亦有于前導作此戲者想亦悖拏舞之遺意耶小曲者別於昆弋大曲也在南則始於掛枝兒如貫華堂西廂所載送情人直送到丹陽路你也哭我也哭趕腳的也來哭趕腳的他哭是因何故去的不肯去哭的只管哭你兩下裏調情我的驢兒受了苦

一變爲劈破玉再變爲陳垂調再變爲黃鸝調始而字少句短今則累數百字矣在北則始于邊關調蓋因明時遠戍西邊之人所唱其辭雄邁其調悲壯本涼州伊州之意如云斗大黃金印天高白玉堂大丈夫豪氣三千丈百萬雄兵腹內藏要與皇家做個棟梁男兒當自強四海把名揚姓名兒定標在凌烟閣上明詩云三絃緊撥配夜邊關是也今則盡兒女之私靡靡之音矣再變爲呀呀優呀優者夜遊也或亦聲之餘韻呀呀啾如倒板漿花開跌落金錢不一其類又有節節高一種節節高本曲牌名取接接高之意自宋時有之武林舊事所載元宵節乘肩小女是也今則小童立大人肩上唱各種小曲做連像所馱之人以下應上當旋即旋當轉即轉時其緩急而節湊之想亦當時鷓鴣柘枝之類也今日諸舞失傳徒存其名烏知後日之節節高不亦今日之鷓鴣柘枝也哉

在園雜志卷三

四 遊海叢書

遂因事立名因名立格如蔡中郎題曹娥碑曰黃絹幼婦外孫齏白乃絕妙好辭四字遂名曹娥格後述其意作曰單身機匠難織龍袍乃大紅紗裙四字語句天然頓覺後來居上近且用三字叶韻矣蘇黃格本東坡山谷戲作命名如貓兒尾遇鼠則搖鼠通暑遇暑則搖乃扇也夫差兵遇越而圍越通月遇月而圍乃風圈也

問答格問韓信何處拜將曰築臺築臺燭臺也俗謂之調侃西廂詞曲曾用之

增減格一湯字謎二古人名曾點成湯一造字謎四書一句修道以仁像生格畫二隸對立堂下謎西廂三句一個兒這壁一個兒那壁一遞一聲長吁氣

蒜辣格皆鄙穢語也

調聲格用詩四句不拘四五六七言如首句謎東字次句謎董字三句謎凍字四句謎讀字

破損格亦用詩四句如謎廢弓一張爭帝圖王勢已空無犯八千兵散楚歌聲無絃烏江不是無船渡無稍羞向東吳再起兵無面

大意包格即各謎之長者如謎桌子云觀其面則方察其色則赤而有光量其身則僅二尺五寸以長問詩書頗有分問酒肉頗久嘗可以居方面之位而坐鎮乎雅俗可以當臺臣之職而高登乎廟堂雖相君之面不過平平耳而相其大體其中立而不倚者殊足為四方之所拱向而不敢背立乎兩旁如謎鏡云色即是空空即是色是色是空非空非色四大部中此方清潔若非堅執定本來而目從何得小意包格即各謎之小者如謎古人名黃香不是桂花是菊花梅速

蘭蕙不如他宮之奇寂寂長門有異人劉伶漢家子弟做梨園弈秋清尊疎簾方坐隱不知一葉下銀牀李師師童子六七八人復有友五人只道三人中有一人誰知還有二千五百人太史慈翰林新造育

嬰堂申詳准備文書報上司展禽自起開籠放白鷗公孫柱日三世

春米營生兒子不知去向謝安落花滿地無人掃半夜敲門不喫驚

米元章民以食為天通場第一篇百里奚二十長亭行道半小奴辛苦負詩囊張九齡學挽強弓未十年南雲楚天雨後見明霞林通

甲乙之鄉可以逃亡白樂天囊中不費一文錢賞盡清風與明月黃庭堅右軍寫道德經字字如金石晁錯眼底桃花驚半落從前深悔

念頭差崔灑一派峰巒無限好幽禽相對更頻啼馮京兩人並轡入皇都梁鴻河橋有鳥獨高飛馮婦生在年年午月如何不作男兒

呂布梁鴻配孟光不着綺羅裳山詩千巖競秀萬壑爭流岳飛挾泰山以超北海第五倫朋友之交也孟浩然三宿而後出畫又一詩謎

四人者少年行云綠柳陰中點絳紅楊朱奔蹄叩角鬧春風司馬牛少年意氣真堪托季任一諾何妨縞紵通友隱居云垂楊枝上漏

春光潘柳歸去來兮獨擅長晉文從此塵勞方盡歇長息素絲白馬為誰忙補老農云中男驅犢出前邨牧仲長子攤錢送寺門孟施

合開共兒曹相伴語告子今年齒落復生根易牙近世盛作意包知之者多故倍于他格

夾山格

夾海格

錦屏風

滑頭禪以上四格名翻條子另有管見一書以字三翻而成譯之殊無佳趣不若前之各格可以生發智慧快心爽目也故止存其名而已

燈謎本游戲小道不過適興而成京師淮揚於上元燈筵用紙條預先寫成懸一紙糊長棚上粘各種每格必具名曰燈社聚觀多人名曰打燈虎凡難猜之格其條下亦書打得者贈某物如筆墨息香白扇之類今此風已不熾矣

酒令起于東漢擒白波賊如席卷故酒席言之以快人心是以名酒

今日卷曰波又曰快人心蔡寬夫詩話唐人飲酒必為令以佐歡樂詩云開徵雅令窮經史然細考唐人酒令如沈亞之令狐楚顧非熊張祐盧發姚巖傑方干李主簿李昇徐融輩所行令非不佳但皆寓

諛諧譏刺或片言投合便結契好一語忤意重至殺傷性命輕亦損害功名有乖佐歡快人心之旨反為卷白波之爭戰殺伐矣烏乎可

即宋東坡與客以易卦為令猶有牛僧儒父子犯罪先斬大畜後斬小畜之太露翻不如半夜生孩兒不知是亥時是子時山上有明光

不知是日光是月光之巧而佳也考譚言所行用古人一名一字如紂名辛字受伊尹名摯屈原名平曾哲名點樊遲名須劉季名邦項

羽名籍枚叔名乘又二名一字者張九齡字壽鄭當時字莊婦人名如男子者蔡琰薛濤崔徽美人連字名者鶯鶯好好紅紅賽賽之類

既有祝於風雅復又與世無侮取樂杯酒之間何其適也即馬援以馬革裹尸死而後已李耳以李樹為姓生而知之鈕覺觸槐死作木

邊之鬼豫讓吞炭終爲山下之灰仙才佳令絕無僅有然可爲知者道耳使在座有一才不能敏者即生忌嫉而況才與不才者乎猶記己丑春宵宴集予有詩云兩夜五更三點盡一堂二十四人歡乃舉一令各說子字俱切一人如孺子皓子禿子聾子叔子嬖子兄子妹子蠻子倭子表子鴛子之類惟先聖先賢先儒帝王后妃俱不許道餘無避忌其時列座文武雅俗皆能應答如響爭奇角勝至令將窮之際突出一意想不到者舉席大笑誠快人心次日又行食物以地得名者因戒在座食素之人不許亂及葷味犯者倍罰惟輩則不忌素如蒙山茶松蘿茶武夷茶湘潭茶霍山茶陽羨茶潞酒潯酒惠泉酒易酒滄酒高郵皮酒涑酒福橋青餅關東魚建蓮太和燒固始米龍猪台鯨徽州山藥安肅菜天目笋廣鴨菜雞淞鯽固鵝鎮江醋川椒膠棗高郵蛋西寧桃宣栗羌桃松江葦閩姜金華火腿之類不一而足人皆稱快及行食物以人得名者如東坡肉眉公餅楊妃

在國雜志卷三

七 遺海 叢書

乳西施舌諸葛菜杜酒張梨吹餅董糖唐蹄畢肚婁包伍蛋羅酒僅得十餘種題目稍難應者即少遂不若前二令之歡快也於此可見當合衆心爲樂不當以才自恃不獨不能佐歡且或因此生怨皆不可知若舉座盡屬文人旗鼓相當又不可加以俗令也

西北人多強健東南人多脆弱地氣使然豈禽獸亦如是耶余守處八年每民間送虎一隻二隻遠邑送虎皮虎骨者甚多不聞某處某人爲虎所傷郡誌有日殺五虎記乃二大虎三小虎入城盡遭營兵鎗矢而斃家人金壽曾於縉雲縣夜行持紅燈籠緩步山腰遠望若燈三四盞就之頗近方知爲虎雙目驚倒山崖人與紅燈輾轉滾下兩虎不知何物咆哮一聲曳尾而奔此不獨力怯更心虛矣

東坡云養貓以捕鼠不可以無鼠而養不捕之貓蓄犬以防奸不可以無奸而蓄不吠之犬廬陵羅景綸謂不捕猶可也不捕鼠而捕雞則甚矣不吠猶可也不吠盜而吠主則甚矣疾視正人必欲盡擊去

之非捕鷄乎委心權要使天子孤立非吠主乎予按徐州產鼠一種較鼠形差小遇貓則以嘴扭其鼻貓伏不能動是以下犯上矣大逆不道可與梟獍同科

壬午閏中監試副者南贛徐副使 中後無事閒談贛州有小人國之小人急差人取到其人高二尺六寸耳目俱瘦小假父仗此爲生往來看者給以錢米呼其假父曰爹見官長即屈一膝曰老爺安此假父教之者聲音類鳥雀不甚了了一應水火飲食之類假父能辨之據云泛海商人帶至者今十二年矣時主考侍御劉豹南

幼時聞前輩閒談蒙古中力大者無如把都魯張京師煤車一馬前導一騾駕轅兩馬左右驂盛行時張於車後隻手挽住四騎步不能移又與友人戲友負簷柱而蹲張拔簷柱以足踏其襟寒柱腳下友苦口乞求仍將柱拔起襟始出屋瓦不爲稍動張亦不面赤氣喘又

在國雜志卷三

八 遺海 叢書

與力之稍次者戲張隻手挽次者之腰帶張前曳次後卻帶忽中斷兩人俱跌爲之大笑王府前石獅子少有歪邪張左右擺設如持一磚塊然使正而後已

扈護衛 從其至戚任所攜千金裝歸京師爲刺者覘知四騎踪跡或前或後得隙便刺劫之晚投客邸店門相對僅隔一街護衛見四人詫異心甚恐謂其親隨王達官曰彼非善類將不利於吾蓋知王勇而捷足以了之也王曰諾當善驅之乃持銀巨錠直入四人寓呼其店主人曰吾寓中無大剪敢借一用主人見其汹汹狀不敢不與王以銀付主人剪逾時不稍動王笑曰何懦也以銀入剪口持向己脛骨上兩擊而銀開眉不稍皺四人吐舌驚懼逸去護衛聞汾陽有名妓至其地欲一物色之妓爲豪者獨霸等閒不得出護衛計賂其鴿母私載之來妓方與護衛飲狎豪者竊知之糾此方素能鬪者十數人入其寓欲生奪妓而辱護衛聲聞戶外妓大泣曰奈何害我王

曰無恐吾視若輩如拉朽耳出戶諸來者棍棒交下王先以左臂承之皆辟易其右臂亦然既而以擲撥其下眾皆隨脚而倒盡披靡奔散王亦不追闔戶而寢妓謂護衛曰明晨必大與復仇之舉矣王笑而不答詰旦一婦年可廿七八娉娉婷婷而入護衛之寓曰昨者爲誰乃敢敗吾諸弟子耶王視之私行自付此娘子軍亦能復仇耶應聲而出曰惟某婦曰他不足怪獨此下一路乃吾家祕傳不輕示人汝從何得之汝師爲誰王曰吾師某某婦聞大慟哭失聲既而曰此吾叔也叔無嗣恐失傳故傳吾昨諸弟子言其狀吾不信有此今果然乎遂與王約比勢觀者如堵走數十迴環手足作勢各不相下點首稱善乃互拜結爲異姓兄妹而別

漕運總督屈公進美前爲廣西撫軍先君謫南寧司馬時曾爲屬下後回京先祖治席相邀一到先設猪首一熟鴨一饅首廿個食完然後人席諸客尙在拱讓而此公之十二器中已蕩然無餘矣夜深復

在國雜志卷三

九一遊海叢書

以方物侑酒屈大言此物只可塞牙縫更進雞子三十枚始散

提學劉副使公琬琬時同官豫章招集僚友見正席外旁列三几皆陳列酒器大小畢具有最大一瓢可容十升予笑曰此盛酒器非飲酒杯也公琬曰君未見飲此巨觥也耶諺云主不喫客不飲吾請先自飲以博諸君一釵立呼酒至滿此瓢兩手捧飲座客皆立視時優人正演西廂雜劇亦驚駭停拍未幾徐徐而盡其扮紅娘者所持折疊扇不覺墜地吹合諸人咸住簫管公琬置瓢几上無異未飲時予曰君復能飲此瓢乎公琬曰吾今爲主宴客當留量相陪烏可先醉予曰今日如此痛飲明日尙能再飲不作病酒狀乎公琬曰君知千里馬乎今日而千里矣倘明日足齟不能千里是烏得名千里馬耶飲酒亦若是耳此言雖小可以喻大

孔子貌似陽虎今人亦有面目相似者湖北董開府開與浙江趙藩司良相似俱旗籍人西川王觀察侯與松江芮別駕錕相似俱

寶坻人諸公與寒家俱有瓜葛乍見頗覺恍惚細認方知爲某某先君與劉公斗曹公邦同爲部屬一日並馬而行曹向劉曰君馬何其肥也兩股真如柳斗劉笑曰可恨他近來不食草料只嗜槽枵相與大笑可爲雅謔劉後爲浙閩總制曹降阜城知縣

善戲謔兮不爲虐兮衛人美武公之詩也戲謔上古已有苟能善焉斯不爲虐耳宗黃老者尙清談弄文翰者事滑稽大率寓謔浪于風雅者居多是亦一善也逮至後世有君命臣相謔者長孫無忌嘲歐陽詢曰聳膊成山字埋肩不出頭誰令麟閣上畫此一獼猴詢應聲答曰縮頭連背煖漫褻畏肚寒祇緣心渾渾所以面團團太宗笑曰詢殊不畏皇后聞耶有以姓相謔者尤延之爲太常卿楊誠齋爲祕書監一日尤誦一句屬楊對曰楊氏爲我誠齋答曰尤物移人又狄梁公戲同官盧獻曰足下配馬乃作驢盧曰中劈明公乃成二犬狄曰狄字犬傍火也盧曰犬邊有火是煮熟的狗有以身體形像相謔

在國雜志卷三

十一遊海叢書

者虞僧儒許靈長愈瞻白偶集愈多髻許禿頭時有辣梨之謂許嘲愈曰鬍子販松毛終朝賣嘴愈未及答虞遽代應曰辣梨種芋芳鎮日埋頭又兩人一長一短長嘲短曰居烏在方寸之木足以有容也或從其小體必也射乎短嘲長曰死之日無所取材工師得大木以爲能勝其任也及至葬壤地褊小舉而委之于壑魚鼈不可勝食也有以名相謔者方千里與張更生共飲方舉令戲曰古人是劉更生今人是張更生手執一卷金剛經問爾是胎生卵生濕生化生張答曰古人是馬千里今人是方千里手執一卷刑法志問爾是二千里猶及史之君子于其所不知蓋嘲聲耳曰見在田飛在天時乘六以御天確乎其不可拔潛嘲一老翁綽號土地曰入其疆闢入其疆燕諸侯之寶三敵人之所欲者吾嘲一文士名達曰在邦必在家必小人下不成章不皆用經書成語而未句尤奇有僧俗相謔者東坡戲

佛印曰時聞啄木鳥疑是打門僧鳥宿池邊樹僧敲月下門古人以鳥對僧自有深意佛印笑曰所以老僧得對學士有兄弟相誑者韓浦韓洎能爲文洎常輕浦曰吾兄爲文如繩樞草舍聊蔽風雨而已予之文造五鳳樓手也浦聞作詩寄洎曰十樣鸞箋出益州寄來新自浣花頭老兄得此全無用助爾添修五鳳樓有兄妹相誑者東坡嘲小妹云蓮步未移香閣內額頭先到畫堂前妹答云滿面不知口何處忽聽毛裏一聲雷有夫婦相戲者秦少游喬妝戲小妹云願小如身如藥樹百病不生小妹答曰任道人口吐蓮花半文無捨此皆戲謔之善者也明時竟有父子戲謔者一父進士官太守致仕家居其子孝廉謁選得某郡別駕父誠之曰爾素談諧利口傷人今居官矣須痛改焉子揖而對曰堂翁吩咐得極是晚生領教是子戲其父矣更有父爲宰輔子尙諸生一日父至書館子他出問館童知子爲狹邪之遊乃書其壁曰昨日柳巷今日花街焚膏繼晷秀才秀才子

在國雜志卷三

十一 遼海叢書

歸見之即寫一箋達其父昨日暴雨今日狂風陰陽變理相公相公是子諷其父矣又一老儒有二子長諸生次孝廉父與次亦長從旁觀局老儒曰此非秀才家所爲之事長慚甚棄家入山寺讀書二年亦膺鄉薦榜下其父已卒歸來一痛後撫棺大言曰何不少待對坐下一盤棋也好是子詰其父矣戲之與諷與詰俱不可並記之以爲文人之戒

明末浙東馮宦曾爲某省撫軍予告家居適遭國變城破登樓欲投縊盡節其子及家人環遶而泣遂偷生投順其後愧悔悲號不食三月而卒儻死於三月之前豈不完名全節此子陷親于不義可爲大不孝家人亦不忠也先岳李公迎春爲廣西方伯同城孫延齡反其婦孔四貞即定南王之女逼李公使降李公罵不絕口欲拔佩刀自刎家人邵六再三勸阻且曰陽爲從順以待天兵可也李公爲其所愚後孫孔夫婦疑公兩端遂被害此邵六陷主不義真爲可恨所以

大丈夫臨大節貴能自決不爲人所移

廣平冀公治如年五十無子夫人妬而有才素不孕不惟不容納妾即婢子必擇奇醜者公治無奈亦甘心聽之矣其弟如珪有三子欲以一嗣公治悉以所晰家產並歷任宦囊咸付其弟董理而弟婦忻忻以爲得計更逆料兄嫂之無他也初公治山司道內陞京卿便道抵家將進都治備儀物以足餽遺屬其弟檢點蓋歷任所得羨餘久已續運于家矣其弟與婦在室私語夫人偶過窗外聞弟婦言其夫曰禮物何須過多此皆已到我手之物好留我的子孫受享又與老絕戶何爲夫人駭然自言老絕戶一語實傷我心泣暗下隱而不發趨公治束裝先赴京卿任行後夫人乃詣村莊遍覓女之豐厚強壯者得五人親送至京公治方與客葉戲聞夫人至大驚葉半墮地急見夫人曰胡爲乎來夫人曰吾爲君送妾來也此居湫隘亟易之乃出金爲稅大宅而居公治喜出望外不解其故然亦不敢問也夫

在國雜志卷三

十二 遼海叢書

人乃詳審五女癸水之期以次第侍寢其不侍者留伴夫人未期年皆受孕逾歲生子二女三又期年生二子未幾歷進秩兵部左侍郎夫人辭歸公治苦留不得乃曰君留二子一女以娛朝夕吾攜二子二女歸家且與二叔算帳耳始明言所以娶妾之故爲老絕戶一語也抵家悉以囊寄如珪產業宦橐按籍取趙如珪夫婦方悔失言後如珪三子皆殤竟絕嗣轉得公治之子嗣之信乎存心不善神鬼共殛之

四川己酉鄉試後孝廉數人結伴公車過陝境內一少年留宿狹邪以假銀給之次日北上自覺于心不安入闈恍惚見妓不終場而罷歸途復經前處隣人告曰自君行後妓以銀付鴉母母識假銀怒而扑之身無完膚妓泣曰命薄至此何以生爲夜即投縊死矣孝廉聞之不勝愧悔後揀選縣令未任而沮人以爲薄倖之報云
妓女無良人盡知之至其肆惡設騙未聞有果報者秦妓爲嬌與一

太學生狎往來甚密矯許鹽商從良行有日矣生尙未知矯過生寓
紿曰有急需貸君四兩五錢三日即償或薦寢或奉趨決不愆期生
即如數付之不知矯之誑已也越期不至往詢之業已從商遠颺生
付之一笑而已年餘生夜夢嬌衣紅衣腰繫白巾燈容前拜曰來償
君債驚醒天曙家僮報曰柵中牛產一犢生心動往視犢渾身赤色
環腰白毛一線生領之後生出遊二年歸問犢何在家人曰主母已
售之矣聞價若干曰四兩五錢生悚然明告家人始末傳之遠近駭
人聽聞可見設心誑騙雖下賤如娼妓猶不可爲況其他乎

某侍御鄉居一日赴友招薄暮歸家遇市兒醉立中途從者令少避
市兒怒曰吾與若桑梓也曷避爲從者叱之市兒大怒穢言肆詈侍
御令與者紆道速歸市兒隨其輿且行且詈逮至門侍御令開者亟
扃其戶市兒持瓦礫擊門而罵隣人見之力勸始去從者跪請於侍
御曰彼小人敢犯若此請送諸官以法治之侍御曰彼非詈我也從

在國雜志卷三

十三 遼海叢書

者曰彼且直呼名焉侍御曰世豈無同名者乎一笑而罷次日遣其
子若弟詣市兒家曲致慰勸爲謝罪狀越日復以酒肉遺之未期年
市兒以毆人致罪問死下獄侍御復令人賚酒食於獄中視之市兒
大呼曰某公殺我獄吏及卒驚詢其故市兒曰曩者予以酒後犯公
公於是時以官法處我我當知懼懼而悔焉豈有今日公乃不加責
而反慰惠交至予以公尙如此他何懼哉是以益肆無忌毆人致死
則今日之死謂非公之殺我而誰與噫優容盛德也不加責而縱成
其惡則過矣傳曰多行不義必自斃又曰無庸將自及故書曰克誅
其心也此市兒之死侍御克之也君子之待小人優容可也優容而
克之不可也

甘忠果公文 擬以雲貴總督進京陛見時吳逆反情已露特命回滇
過邯鄲先君爲廣平太守接見其四公子隨甘行公云聞公有四女
賢淑與此子結爲婚姻何如先君答曰俟定亂復命後議未遲也甘

公諱懇再三即取魚袋中欽賜金鏡一枝爲定先君歸向賓客曰此
兵器也烏可爲聘恐兒女俱非佳兆三桂反甘公率四公子同盡節
於吉祥寺而四妹不久亦亡人服先君先見之明云

二孫永鑽隨其父母暫寓涿鹿有貴公子求親修府者拉之陪往修
公夫婦一見永鑽曰此真吾婿也不願貴公子即商之垓兒夫婦垓
云上有尊長未敢自專且如貴公子何一日垓婦他往過修府修夫
人擁之入拉謂其女曰此爾姑也亟拜見垓婦見修女端莊幽靜愛
之遂馳報老母老母曰此天緣非人謀正俗云愛親作親者是也即
煩親友作合今則夫婦和好兒女成行矣此事頗類傳奇附記之
先外祖馬勤傳公之先以大司馬大中丞總制三邊陝川居官清正
嚴明一時倚重但性情稍偏未免失之於刻卒後恩賜祭葬廕一子
入監因乏嗣有辜盛典先後螟蛉二子亦各無後人以爲奇堪與家
言此必卜葬於絕地也即如禪和家埋骨不吉其門徒亦不能繼何

在國雜志卷三

十四 遼海叢書

況大人此說更屬荒唐居官或刻則有傷天和亦所忌也

張遂寧先生 擬以宮保尙書總督河道駐淮安清江浦行署之西
有大方池蓮最盛忽開並蒂數莖蓮房頗大先生宴集僚屬賦詩寫
圖以紀其事時封翁太先生在署年正八旬先生與夫人結髮齊眉
介弟三人二公子暨孫輩俱歡聚一堂人以爲佳兆云先生爲予薦
師其不稱夫子而稱先生者先生教以當如是也

遂寧先生平生極敬關夫子極慕諸葛武侯之人品學問關帝集有
誌書二本武侯集有忠武誌八冊俱考訂詳明可法可傳總河行署
川堂後有廳事三楹南面供奉關帝像旁周將軍持刀侍立西面設
几案遂寧先生端坐辦理公務幕中無一友一應案牘俱係親裁有
時集寮屬商略稍有私曲即拱手曰關夫子在上監察無遺豈敢狗
隱間有以密語干瀆者即曰周將軍刀鋒甚利爾獨不懼耶
江西觀察韓敬一 擬署中牡丹九月上旬大放數朵不減春時惟

葉不甚茂耳同事諸公分韻賦詩宴集者十日敬一性喜繁華而不能久且暮年無子人亦以爲先兆云

余守括州時十二月下旬雜花作蕊梅花盛開立春詩有插瓶花影一蜂過之句同人以爲太蚤豈知四方風氣不同無足爲異至溫州十月小春桃花杜鵑山凹如火則蚤而又蚤矣

武林梅花最盛惟西谿更爲幽絕小河曲遠僅容兩小舟並行舟可五六人一坐賓客一載酒具茶竈深極處香風習習落英沾人衣袂所持酒盞茶甌中飄入香雪沁人齒頰覺姑蘇元墓鄧尉猶當讓一頭地也種花人本爲射利而愛花人各具性情春光成就兩得之抵岸有一道院院中古梅二株不知其幾何年矣一紅一白枝幹交互屈曲盤錯亦莫辨其何樹爲紅何樹爲白橫枝如磴可以登陟予上至顛則樹頂廣闊平衍上設竹榻一具予乃跌坐高臥清味透人肌骨別是一番境界真香國也

在國雜志卷三

十五 遼海叢書

繡毬一名雪毬一名玉團舊皆木本大樹近以通洋自洋載至中國者名洋繡毬草本也其花初放小蕊黃色成毬始白將敗則紫開最長久惟畏日耳截枝插地避陰易活

烟草名淡巴菝見於分甘餘話而新城又本之姚旅露書產呂宋關外人相傳本於高麗國其妃死國王哭之慟夜夢妃告曰塚生一卉名曰烟草細言其狀采之焙乾以火燃之而吸其烟則可止悲亦忘憂之類也王如言探得遂傳其種今則遍天下皆有矣其在外國者名髮絲在閩者名建烟最佳者名蓋露各因地得名如石馬余塘浦城濟寧乾絲油絲有以香拌入者名香烟以蘭花子拌入者名蘭花烟至各州縣本地無名者甚多始猶間有吸之者而此日之黃童白叟間韓婦女無不吸之十居其八且時刻不能離矣諺云開門七件事今日且增烟而八矣更有鼻烟一種以烟雜香物花露研細末喚入鼻中可以驅寒冷治頭眩開鼻塞毋煩烟火其品高逸然不似烟草

之廣且衆也

門人尹半樞在商丘宋太宰座次人有以寶石呈售者太宰命別眞贗半樞取視太宰哂曰辨琥珀用鼻辨寶石用舌蓋寶原從石出尙具鋒稜其性帶涼舌舔便覺不似假者之溫而滑也予旋命取試信然又大家聞欲試珠之眞假眞之以線眞者一涼無停假者頗澁遲遲方下以眞者質重而假則質輕耳志之亦可爲博古者一助京城西便門外二十里諸葛莊南土人名姥姥墳乃明朝葬宮人處也冢固纍纍碑亦林立文皆奉皇太后或皇后懿旨諭祭翼聖夫人或贊聖夫人奉聖夫人之類文更典雅皆出司禮監太監手筆守墳老嫗尙能言其所以每於風雨之夜或現形或作聲幽魂不散余題詩有莫怨當時恩厚薄十三陵上亦斜陽之句地震後碑俱倒仆將來自化爲烏有矣

在國雜志卷三

十六 遼海叢書

余守處郡赴杭值季時制府王公廉使卞公永於十二月廿七日獲海賊九十八名即日審明入告廉使傳予同審臬署即岳武穆王舊宅也堂廡高峻威嚴審至三鼓未及一半余覺寒甚出換狴狴狻猊裘回視廉使坐南面旁設余座燈燭輝輝侍立之人類皆猙獰猛惡大聲嗚呼聞之悚然階下之人各各戰慄枷鎖之聲恐人心膽因歎曰所謂陰間森羅殿者誰其見之哉會勘完止坐爲首六人餘以脅從寬之後待罪西江每每念及多於死中求活三年之久庶於心無媿也

西江臬署有揆道堂七間高大軒敞構自明季余每於聽訟後一更時獨坐公案默祝所審事件有冤否已決人犯有屈否或神明警戒我或鬼物責備我我坐此靜候胡不速至耶漏三下終寂然余方退寢

揆道堂西畔轟于雷梁柱皆老楠木想前朝舊物也其下惟蜈蚣穴數處然蜈蚣甚小別無他異

揚子江以北數百里平原並無一山而淮安府附郭名山陽縣考志書云舊有地名山陽因以名縣然未詳所以命名之故詢諸野老參以己意蓋山以南爲陽縣北有鉢池山爲二十七福地之一王子喬修仙處地形較他處高數仞非土非石皆積砂所成豈山陽以此得名耶

洪澤湖心離隄三十里有洪澤邨秋深水落時屋基石礎隱隱猶在東坡詩題發洪澤中途遇風復還即此地也明平江伯陳瑄築隄百里環抱湖水令其出清口以三分濟運七分敵黃每水漲時隄裏之水較隄外之地已高數丈諺所云日費斗金不抵西風一浪者是也至今一片汪洋人亦不知有洪澤邨矣余初赴河工總理高家堰見長隄屹然鞏固寬八丈三尺隄裏俱層層石砌縱有狂風巨浪可保無虞也

在國雜志卷三

十七

遼海叢書

隋煬帝由河南幸揚州開河行舟今四州之汴河即其故道一日至破釜澗而雨乃易名洪澤澗齊書云洪澤澗在淮陰鎮之東淮陰鎮即今之清江浦也

予棄舉子業即耽吟詠以逐年所得漸次成帙名曰葛莊編年詩蓋存詩兼記事也繼以樂府古風五言七言律絕諸體各從其類加以刪改名曰葛莊分類詩鈔業已梓行孔東塘南遊返相謂曰君詩分體耳非分類也不見李杜有分體分類各集乎予恍然若失亟命梓人更正而已印行者悔無及矣

後場用表判明時舊制也本朝崇尚風雅特諭閣臣議去判增詩以五言六韻爲合格予私念天下才人如星羅棋佈知者固多但恐窮陬僻壤後生小子輩不能周知且五言六韻即宋金元明作此格者寥寥無幾昭代亦不多見檢予生平不過五首而題合試帖者僅一因與同志諸子先取唐人之可爲楷法者選輯名曰花豫樓五言六韻唐詩豫梓以行提要錄二月十五日爲花朝予生後一日故命名

花豫

老爺奶奶之稱乃仕宦家兒女之呼其父母也湯臨川還魂記內游園一齣杜麗娘云這般景致俺老爺奶奶再不題起近俗稱諸神道亦曰老爺奶奶玄天上帝曰真武老爺關夫子曰關老爺岳武穆王曰岳老爺黃河金龍四大王之神稱神曰大王老爺稱河曰老爺河泰山碧霞元君則曰頂上奶奶清口之惠濟祠曰奶奶廟他處凡元君行宮皆以奶奶廟稱之在鄉人婦女之愚意蓋尊之如顯官親之如父母也近日士大夫稱知縣曰父母稱知府曰公祖百姓稱知縣爲大爺知府爲太爺是縣爲父而府爲祖也等而上之無可加矣則爲大老爺太老爺至於婦人之奶奶亦是通稱今且一概加稱太太矣等而上之則爲老太太太祖母太明時巡按止稱老爹府縣止稱相公命婦稱安人夫人至老相公老夫人而盡之矣近總不聞此稱唯老爺太太竟成宦途通套無分官品之大小上下矣明時巡撫稱都

在國雜志卷三

十八

遼海叢書

爺總兵稱總爺今一概大老爺在督撫提鎮國家大臣受之尤當以下鹽學監督司道等官亦居之不疑寧不汗顏乎予每聞此甚覺不安但比比皆然未敢衆醉而獨醒也

商丘宋公記任丘邊長白爲米脂令時幕府檄掘賊李自成祖父墳墓中有枯骨血潤白毛黃毛白蛇之異與吾聞于邊別駕者不同長白自敘其事曰虎口餘生而曹銀臺子清演爲填詞五十餘齣悉載明季北京之變及鼎革顛末極其詳備一以壯本朝兵威之強盛一以感明末文武之忠義一以暴聞賊行事之酷虐一以恨從僞諸臣之卑污游戲處皆示勸懲以長白爲始終仍名曰虎口餘生構詞排場清奇佳麗亦大手筆也復撰後琵琶一種用證前琵琶之不經故題詞云琵琶不是那琵琶以便觀者著眼大意以蔡文姬之配偶爲離合備寫中郎之應徵而出驚傷董死並文姬被擄作胡笳十八拍及曹孟德追念中郎義敦友道命曹彰以兵臨塞外脅贖而歸

旁入銅爵大宴禰衡擊鼓仍以文姬原配團圓皆真寶典故駕出中郎女之上乃用外扮孟德不塗粉墨說者以銀毫同姓故爲遮飾不知古今來之大奸大惡豈無一二嘉言善行足以動人與感者由其罪惡重大故小善不堪挂齒然士君子衡量其生平大惡固不勝誅小善亦不忍滅而于中有輕重區別之權焉夫此一節亦孟德篤念故友憐才尙義豪舉銀毫表而出之實寓勸懲微旨雖惡如阿瞞而一善猶足改頭換面人胡不勉而爲善哉若前琵琶則高東嘉撰于處州郡城之西姜山上懸黎閣中予括蒼曾經其地閣雖已圯而青山如故不勝今昔詞人之感傳言明太祖讀琵琶記極爲稱賞但欲改易一二處而語東嘉曰誠能改之當賜以官東嘉唯唯然竟不肯易一字于此見其品行之高記中賓白宏博可以見其學問之大詞曲真切可以見其才情之美自古迄今凡填詞家咸以琵琶爲祖西廂爲宗更無有等而上之者至于立名琵琶或云因指王四而言

在國雜志卷三

十九 遊海叢書

趙五娘者趙姓下第五爲周氏蔡邕者取賣菜傭下二字同音也皆不可考既諸姓名假借何獨有取于伯喈中郎而加以不孝乎且漢世尙無狀元之名未有八旬父母其子娶婦止兩月者况陳留距洛陽不遠焉有子登巍科贅親相府官居議郎不捷報於家並道路相傳無一知之者陳留洛陽屬邑如此飢荒即使不歸何難拯救乃忍聽父母餓死而耳無聞者及至五娘上路忽又有李旺接取家眷一差種種疑竇在東嘉或有別解今後人曲爲回護終屬牽強恨不一起東嘉而問之予題一絕云琵琶一曲寫幽懷自是千秋絕妙才歌舞場中傳故事蔡邕真個狀元來

近來詞客稗官家每見前人有書盛行於世即襲其名著爲後書副之取其易行竟成習套有後以續前者有後以證前者其有後與前絕不相類者亦有狗尾續貂者四大奇書如三國演義名三國志竊取陳壽史書之名東西晉演義亦名續三國志更有後三國志與前

絕不相侔如西遊記乃有後西遊記續西遊記後西遊雖不能媲美于前然嬉笑怒罵皆成文章若續西遊則誠狗尾矣更有東遊記南遊記北遊記真堪噴飯耳如前水滸一書後水滸則二書一爲李俊立國海島花榮徐寧之子共佐成業應高宗卻上金鰲背上行之議猶不失忠君愛國之旨一爲宋江轉世楊公虛俊義轉世王魔一片邪污之談文詞乖謬尙狗尾之不若也金瓶梅亦有續書每回首載太上感應篇道學不成道學稗官不成稗官且多背謬妄語顛倒失倫大傷風化況有前本奇書壓卷而妄思續之亦不自揣之甚矣外而禪真逸史一書禪真後史二書一爲三教覺世一爲薛舉託生瞿家皆大部文字各有各趣但終不脫稗官口吻耳再有前七國後七國而傳奇各種西廂有後西廂尋親有後尋親浣紗有後浣紗白兔有後白兔千金有翻千金精忠有翻精忠亦各如是觀凡此不勝枚舉姑以人所習見習聞者筆而志之總之作書命意創始者倍極精

在國雜志卷三

二十一 遊海叢書

神後此縱佳自有崖岸不獨不能加于其上即求媲美並觀亦不可得何況續以狗尾自出下下耶演義小說之別名非出正道自當凜遵諭旨永行禁絕

屬對雖曰小技然有絕不能對者有對而勉強者如泥土地對鐵金剛剛字從側刀非金榜也即石城隍亦不合格至一二三則絕不能對矣烟鎖池塘柳對以波焰錦隄梅殊無意味梅香春意動連符蒼司馬對以月老夜情多仍欠自然棗棘爲柴砍斷劈開成四束何等真切對以閨門造屋移多就少作雙間何其謬也又荷蓋水珠柳線松針穿不過純用假事更難屬對惟蟬以翼鳴不啻若自其口出龍因角聽毋乃不足于耳歟巧合天然偶過山陽學明倫堂見一聯云黃河水滾滾而來文應如是韓信兵多多益善學亦宜然頗稱爽貼明嘉靖時以青詞伴進者甚多惟袁慈溪相國醜壇一聯不獨在諸青詞之上亦在相國青詞之上聯云洛水元龜初獻瑞陽數九陰

數九九八十一數數原于道道通元始天尊一誠有感岐山威風
兩呈祥雄聲六雌聲六六六三十六聲聲聞于天天生嘉靖皇帝萬
壽無疆

予守括蒼時過青田青田有南田山者誠意伯劉伯溫先生故家也
先生爲明開國元勳功業文章銘諸政府昭之史冊傳之藝苑膾炙
人口雖天文曆數之學何嘗不爲寓意然不揣屬乎此自胡惟庸進
讒以談洋司有天子氣謀爲葬地先生憂憤成疾惟庸以醫來飲藥
腹中積塊如石疾革太祖遣使送歸還鄉月餘而薨後世專以鬼怪
附會矣乃謂先生未遇時得天書於白猿看守之石壁壁裂得書一
匣書中語句多不得解遍訪無知者幸遇周顛仙于山寺拜爲師指
示精習始知天文地理未來過去其佐明興國者天書顛仙之功也
故凡事前知言無不驗一日太祖微行適勳戚家造屋正上中梁過
其門見門後一人身服齊衰狀貌醜惡一瞬而滅太祖回問曰今日

在國雜志卷三

二十一

遼海叢書

上梁觸犯凶星是何人選擇者劉伯溫答曰是日雖犯喪門神煞喜
遇紫微沖破能化凶成吉耳太祖暗驚又一夕宿民家無物枕首乃
以量斗爲枕竊聽隣家聚飲忽一人出外小遺大呼曰不好今夜天
子私行吾輩當仔細焚惑入南斗天子下殿走太祖急推斗而起又
聞飲者羣出言曰離斗口尙遠即當歸位也太祖回告伯溫伯溫曰
臣觀天象亦如此遂下詔不許民間私習天文其事類此者頗多太
祖心久疑之因惟庸之讒外示保全心益猜嫉聞其死乃遣人將其
殮棺前鋸一尺意欲斷其首也及鋸乃是空棺內貯大明律一部而
獨揭發塚一條開棺見尸者斬蓋伯溫已先知之故預造此長棺空
前一段以待其鋸也遣人回奏並以律呈太祖見而驚歎曰律爲吾
造吾自犯之耶遣令安葬而止邇年後裔貧困異常至本朝僅有諸
生數人昔年所賜田土山隴俱編入與齊民一體辦課矣每有山崖
洞壑被人掘啟者必訛傳曰劉伯溫當年留下藏埋迨子孫窮困至

急則發露令掘用耳嗟乎此亦何常之有不過因其神異而附會之
予守括八載知之甚悉讀太祖所賜手書詔旨稱曰老先生其隆重
倍于侯伯勳臣凡此怪異不一而足皆齊東語也予有過青田懷先
生詩云誰識西湖一片雲公嘗遊西湖見異雲起西北衆以爲慶公
萬山堆裏出元勳當時共比明良會後世偏將鬼怪聞丞相無端窮
地脈胡惟庸以爲忿他人陷先生有意祕天文臨終以天文書授其
勿令後公欲談洋司爲地先生有意祕天文臨終以天文書授其
人知也八年也晚年不辟留侯穀豈爲明君異漢君

青田縣有混元峰在城之北一里青田山上爲道書第三十六洞天
唐人刻厓上混元峰三大字即試劍石相傳葉法善煉丹此山以神
劍縱橫試斫之石分爲四高百餘尺相距各三尺許類截肪予曾題
一絕云塊然一石四分離傳說仙家伎倆奇山路崎嶇行不得更煩
此劍亦平之此詩竟逸其稿分體編年俱未登梓偶檢括蒼府志得
之附記於此

在國雜志卷三

二十二

遼海叢書

章奏文移告諭前列曰官銜各隨品級之大小而署之明武宗復議
北巡實事游幸自稱威武大將軍太師鎮國公朱壽巡邊命內閣草
勅楊廷和等上疏力陳不可疏上不省廷和稱疾不出武宗手劍立
命梁儲曰不草勅齒此劍儲免冠解衣帶伏地流涕曰草勅以臣名
君死不敢奉命遂止予以爲官銜從無此尊崇者然不過游戲耳未
嘗實有其事本朝相國圖海督師秦中予見其檄文及告諭銜云撫
遠大將軍一等公都統文華殿大學士吏部尙書圖位列五等皆係
極品亦可謂尊崇之至矣

溫處觀察駐節定以温州府城城之北有松臺山上有望闕亭傍山
下有寶輪閣爲前明贈太師張文忠字敬之之相府也予敬初名璉以
議禮迎合世宗與桂萼方獻夫一同驟貴璉更善伺人主意不期年
由南京刑部主事超陞翰林學士後遂登政府賜名孚敬今子孫雖
式微其府第猶存家藏遺像二軸予親見之一爲張公坐像戴紗帽

而兩翅尖銳服大紅紵絲仙鶴背胸腰圍玉帶一畫世宗皇帝像上坐兩傍各畫太監十數人窄袖軟帶牽馬而立張公遠來朝謁戴長扁翅紗帽如今戲中扮官長所戴者服蟒衣玉帶皂靴全不似今戲中所戴丞相幞頭上面皆方而兩翅扁方曲長以向上者蟒衣係長領非如戲上之圓領予甚訝其不同及見草木子所載蟬冠朱衣漢制也幞頭大袍隋制也今用蟬冠朱衣方心曲領玉珮朱履是革隋而用漢也此則公裳紗帽圓領唐服也仕者用之巾笠欄衫宋服也巾環襪領金服也帽子繫腰元服也方巾圍領明服也庶民用之朝服一品二品用犀玉帶大團花紫羅袍三品至五品用金帶紫羅袍六品七品用緋袍八品九品用綠袍皆以羅流外授省節則用僧褐其幞頭皂靴自上至下皆同也閱此想明時尙沿前制未盡改歟幞頭始於後周而畫漢時之像竟有用幞頭者又不知何解也張璠以議禮干進情恩作奸固非善類然其改奉孔子爲先師易像

在國雜志卷三

二十三

遼海叢書

爲主此千古卓識最得大體者不可因其素行而沒之

網巾之製歷代所無此物起于明止于明誠一代之制也因明太祖微行至神樂觀見一道士燈下用馬尾結成小兜太祖問爲何物對曰此網巾也用髮頭上萬髮皆齊矣明日召道士並取所結網巾遂爲定制

吾友申符孟通光張越千王紫詮其壯年名字皆具超達飛騰之氣符孟以世家門廕越千以博學茂才紫詮以部郎出守歷仕觀察及其後也符孟不樂仕進改字曰曼盟號曰聽山越千絕志場屋改名曰澎改字曰月阡號曰曼持紫詮罷職閒遊改名曰嬰改字曰紫裕號曰能如名與字音同體別不獨寄興林麓放情魚鳥而取號之義實出有心玩世逃禪入道不復營營人事非好惹高遠耽寂靜也蓋亦無可如何者耳文人暮年多事仙佛太白遊仙香山偕老道場二公猶然況三君乎

嘗言營造房屋時不宜呵斥木瓦工匠恐其斃鎮則禍福不測野記記莫姓家每夜分聞室中角力聲不已緣知爲怪屢禳弗驗他日轉售拆毀梁間有木刻二人裸體披髮相角又阜橋韓氏從事營造喪服不絕者四十餘年後爲風雨所敗其壁中藏一孝巾以磚弁之其意以爲專戴孝也又常熟某氏建一新室後生女多不貞二三世皆然一日春敞而緝之于椽間得一木刻女子任三四男淫褻急去之帷薄方始清白所載明悉歷歷如繪予猶疑信相半待罪處州太守時其大堂五楹雖極軒敞壯麗但造自嘉靖未免年深少有欹側窺其梁柱有朽者命匠人以斧頭敲響以定其中空實敲至正中西柱匠人睨而笑曰此中有物竭力一擊乃開大穴內藏木刻人頭耳目畢具如碗口大予不以爲怪亟投諸火其時康熙三十一年歲壬申予舉卓異隨遷江西九江觀察副使代予者爲劉起龍今亦十餘年矣安然無恙歷考府誌自嘉靖至今太守能循資而陞者絕少豈真

在國雜志卷三

二十四

遼海叢書

營造時果爲木工所斃鎮耶殊不可解

俗以官吏不參正五九其謂官長蒞任不宜用此三月者此說起于宋宋以火德興蓋火生于寅正月爲寅旺于午五月爲午墓于戌九月爲戌謂此三月爲災月當避也予自筮仕以來雖歷任五遷而攝篆署理不下十餘次凡一接印即赴視事弗少遲延不獨不拘正五九月抑並不選擇日期是以不爲橫惑胸中然每見此三月亦有親友蒞任者未見主何吉凶也

諺云初五十四二十三太上老君不出菴又云太上老君不煉丹謂此三日爲月忌凡事必避不可用也野語云衛道夫聞前輩說此三日即河圖數之中宮五數耳五爲君象民庶不可用予爲解之月忌之說太誕君象之說太腐皆非也日辰各有所犯生尅之理隨時變化未有以此三日遂爲萬古不刊之典不較年歲不拘干支不論節序而一概論之也予任浙東觀察時于十四日遠接制府歸得瘧疾

家人輩皆以犯月忌所致予笑曰此日文武官屬同行者甚衆豈人盡患瘴疾耶衆亦失笑

今稱父曰嚴易家人象曰家人有嚴君焉父母之謂也則是母亦稱嚴今稱母曰慈而每稱人父子曰父慈子孝則是父亦稱慈爾雅婦謂夫之弟曰叔曲禮叔嫂不通問後世亦有稱夫之弟爲小郎者見于唐宣宗責萬壽公主曰豈有小郎病不往視乃觀戲乎王衍妻郭氏怒衍弟澄曰太夫人以小郎囑新婦謝道韞遺婢白獻之爲小郎解圍兩家締姻相稱曰親家見唐蕭嵩傳皆平聲今北方以親字爲去聲按盧綸駙馬花燭詩云人主人臣是親家則去聲有所本矣近又呼曰親家公親家母

江南督標中軍副將銜大者升總戎順治間一李副將陞福建總戎時先祖爲江南方伯約諸同僚公餞讓李首坐李云不敢先祖曰公陞總鎮今非昔比矣應如此坐李作踟躕不安狀曰老爺們原是金

子小弟到底是塊錫衆官爲之捧腹

四川一參戎陞廣東協將到汛最遲郡守郊迎云望公已非一日何遲遲至今想因蜀道難行耶協將答曰家口衆多就難行了倒也論不得熟道兒生道兒

一守備由小軍出身見上官仍稱小的上官曰爾今官矣猶如此稱殊不雅可易之備曰將如何上官曰稱卑職備切記之一日隊伍中有年長者獲罪於備蓋自恃爲備之前輩未免驕縱備大怒曰卑職今是爾之本官如此放肆難道卑職不敢責爾耶衆兵哄堂益輕之材官健兒輩每遇督撫提鎮賞賚優待必曰大老爺的恩典一遊擊年將望五始生一子制府聞之賀曰恭喜爾得一子矣遊擊急趨跪謝曰大老爺的恩典兩傍聽者笑幾失聲可與南唐宮中賜洗兒果有近臣謝表云猥蒙寵賜深愧無功李主曰此事卿安得有功此語同堪絕倒

本朝初年江寧葉某者曾任明末太守有宗室觸其怒既難加刑怒又莫解乃使人曳于赤日中而曝之鼎革後隱於醫時人戲贈一聯云一敗一成郡守改爲國手九蒸九曬天潢變作地黃其妾張介瑤能詩善畫先大父任江藩時介瑤以扇獻先大母上畫官舫岸人曳牽題云舟中人被利名牽岸上人牽名利船江水悠悠渾不斷問君辛苦到何年詩句超脫但不似女子口吻耳

遼海劉廷璣撰

壬子癸丑冬春間有浙東單友遊京師能為扶乩之技余適無事延之書齋者數月頃刻畫沙詩詞不下數百頗多佳句有出人意表者為時已久散失居多今就其僅存篋笥者數十首鈔之

李青蓮

人生過隙一夕千秋徘徊詩酒與子淹留雲分半榻月到十洲剪玉為韻分金結綺乘車戴笠白鶴青牛飛觴把臂弄玉鳴鳩能為道合指爾良謀

花睡

春來月落興初濃結蝶聯鶯點翠重無語欲眠芳露冷瓊樓深騭態從容

鳥夢

晚林歸去林遙天高臥南枝隱碧煙不許飛雲驚睡覺且將毛羽寄林泉

寄林泉

望後一日社集諸友此夕呂純陽王方平李青蓮雲英丁令威五仙赴壇

呂道人

弱水三千里憑虛一問君開樽休說劍剪燭好論文春意含梅蕊風威鎖凍雲從今與子約慎莫暫相分

此批馬子拈韻與青蓮多字

梅意書香韻自多月來雲靜水無波三千酒國隨吾嘯九十春光奈爾何有鶴欲眠天漢碧將詩送惱海山歌從來花裏傳經濟何必披雲老薜蘿

許子拈韻與令威多字

化鶴空將城郭矇白雲無續晚霞紅千秋事業梨花夢百代笙歌

梵宇鐘樓前有句情深淺身外無塵任澹濃放得腳跟天地闊浮鷗沙鳥弔英雄

劉子拈韻與雲英 余云欲得一詩餘限小字

梅魄冰心青黛小漁權纔來驚醒溪邊鳥桃花紅片春多少流到人間仍未曉阮郎不見壺天杳宋玉多情吟得迴文巧瓊樓深閉埋芳草對個嬋娟情自好

單子拈韻與方平 仙字

人生如朝露邂逅好相憐漢苑春風後秦疆烟草前和歌酬詞世把酒問青天能以葫蘆裏敲杯第幾仙

俚句呈青蓮大仙求和

梅有清芬月有華故將詩酒動仙槎逍遙天上來青鳥游戲人間走白沙一語纔成搖海岳千瓢微醉臥烟霞風流百世仍如許願擲凡夫棗似瓜

在園雜志卷四

遼海叢書

和

寒雲鎖月鏡飛花瀛海塵寰過爾家千疊玉簫吹紫鳳九還金液煉丹砂東君有意催春雨北海開樽聽暮笳今古一宵詩酒客歸來長嘯問胡麻

青蓮此批劉子進一大觥聯句可也即以花豫樓為題花豫

者二月十五為花朝予生於十六故名

瑤池昨夜祝羣芳今日天台謫阮郎月裏參差鋪錦繡人間迤邐琢圭璋鳥歌初度南飛曲蜨板先敲宿雨香

景方平結他日南宮

儀鳳翥始知雲影映清光雲笑吐玉壺春十二一簾雲影接蟾光

英云方平結句不佳改之 尚連云方是兩日宮

轉交再作一小引何如雲英代之 儂來上苑時際嘉平碧岫停雲紅波掛月蕭樓人寂冰壺夜寒敲金戛玉百疊千迴把觥吟風千秋一日問劉郎之風館春半瑤臺

嘯阮籍之蘇門月中瓊宇祝花神于宿雨介眉壽于芳晨所謂借

花生意聽鳥天機夢遊八極羣英引領春風星映連朝煙玉飄搖
皓魄故樓名花豫人列仙班聊以八言惟希一祭

武陵老人徐福 又批今日有諸仙來當備佳釀各自留題

半畝逃秦地千秋避世人閒調蟾窟曲靜看茂陵春壺裏天原小
囊中劍有神沙棠載琴鶴終日臥漁津

弄玉

寒事將了了梅音有分曉明月何多情輕雲忽淡掃醉臥石牀飛
高吟過蓬島流水撫松枝憑虛逐歸鳥邂逅李端端企仰蘇小小
而以相思琴報得同人好極目眺平蕪青門盡芳草願寄長干行
綠雲人未老

王喬 賦得愛月夜眠遲

夜將花起雲影翻流水嬋女多情情不已伴風中待露裏西窗欲
落消魂無端冰魄梅痕這樣清光錯過人生幾個黃昏

在園雜志卷四 三 遼海叢書

謝靈運 詠花睡鳥夢調用如夢令花睡限夢字鳥夢限睡字

花睡

春夜雲深露重醉倚雕欄乘興抱蝶氣嬋娟笑爾孤零誰並休動
休動正做紅妝好夢

鳥夢

歸去啞啞隊隊共覓華胥良會枕月臥雲巢相抱松風鶴唳惶愧
惶愧博得南枝穩睡

青蓮

乘月憑虛來又爲織女約停梭相勸酒星河代洗腳我道玉衡邀
織女則不樂昔日張窻怪怪他恩恩過青蓮爾多才有詩待子和
下我珊瑚牀懸我明珠絡與子結千秋莫學牛郎薄青蓮笑不然
玉衡頗清脫弄玉擅吹簫開樽待同酌吟詠即歸來與子慰寂寞
雲漢白茫茫婢娟青灼灼願得醉翁情千秋爲好合願得玉衡情

采蘭贈芍藥聽得鳥嚶嚶慎莫氣盤礴詩膽破重霄飛上通明閣

張翥

雲斂香消日影斜春風欲到上林花千江碧浪穿明月萬壑青蘿
鎖絳霞傲骨嶙峋天共老襟懷浩渺海同賒自與赤松遊漢苑至
今猶犯斗牛槎

回道人

水雲遊遍乾坤小花落花開人易老閒來飛過洞庭秋鐵笛一聲
天澹掃

劉海蟾 問世有戲蟾像大仙否此吾乃先朝宰相

幾宵燈火結層氈探藥人歸報屬君赤烏不穿忙跨鶴黃冠倒戴
細論文花枝簇簇嬋娟影粉蝶翩翩玉女裙今日聯盟留好句向
虛高臥九臯雲

青蓮此批共飛仙而把臂同明月以傳杯不以聯吟罰依金

在園雜志卷四 四 遼海叢書

谷詠梅花聯句四首

六橋寒玉散空江驢背春風酒一缸嚼碎冰魂香片片含凝皓魄
影雙雙香隨蝶夢羅浮遠 余云此句微妙不 月入林鶯琴韻降 李
對不過上句大仙亦當罰以巨 自是清芳餘傲骨不教桃李影橫
就批呵阿果然不佳異日再改

窗 遺

二子起句了

佇立風前態自奇撩人幽韻兩三枝半壑輕烟籠玉屑一簾清影
映瑤池芳心古道甘涼薄傲骨衷情學醉癡臥石眠雲慵不起美
人無力枕微支

雲長過此即補梅花一首

忠報東君孝報寒靈根恬澹玉肌乾留芳百世人還易立節千秋
道所難心徹冰壺霜雪冷骨凌松雨水雲寬高吟醉臥江南曲疑
是孤舟晏興闌虬

又批梅花詩青蓮續完可也

澹玉凝妝拂碧枝空濛山影籠寒遲輕雲剪雪團衣袂冷月裁詩
醉竹籬琴鶴多情聊韻耳煙霜著意好吟之春來無限芳非事獨
爾精神逗素姿

青蓮題鍾馗嫁妹圖贊

這是鍾馗果然古怪騎著驢兒看他自在為甚麼嬌嬌婷婷又把
青羅蓋小鬼頭張彩搖旗老進士簪花鸞帶嫁得檀郎定是才高
德邁決不學牛女銀河決不學鏡臺夙債願玉樹相偎紅樓恩愛
嗔我曉得了最憐你阿妹多情怕殺你舅爺無賴

詠燈花得燭字聯句

一點芳心噴蝶宿劉海 倒喜飛蛾亂向花心觸青 有春光無香露
霏霏玉蕊伴爾寒窗讀青 枝葉無依月作根風來搖落方知燭海

王方平 漁樵野調

在國雜志卷四

五 遼海叢書

疎疎懶懶夜深詩興淺短劍長歌光陰可奈何襟期詩酒問天而
搔首笑傲煙霞許我結丹砂煉石歸來月正華凍雲高拂鳳凰車
到處是吾家

白玉蟾 游漁喚花影

一灣清水沈醉風前蕊清光掩映波痕遊魚爭欲相吞只知有色
散南溟不道空清碧鑑明春意皆如此水底飛來不已

回道人

風風風雨雪灑長空世界妝成天外景君家促我下瑤宮計頌古
今誰是伴獨留芳躅在崆峒

雲翹

雲姨月黛小紅兒三個仙鬟去采芝我欲梳頭朝上帝洞門不鎖
等多時

劉晨次玉衡韻

天地雖留我才華欲屬君客耐千日酒鶴下半潭雲明鏡英雄鑑
長河世業聞等閒滄海夢拂塵不堪論

問阮郎何在當日桃源故事肯一見示否

阮子桃源去已迷落花流水任東西山川剩有春風在留與詩人
作笑題

青蓮

詩分嚴令酒為兵戰退寒威萬籟清燈火既留天上侶襟懷豈是
世閒情文光照耀三千丈道德高超九萬程記得清平歌未罷滿
庭紅玉帶雲生

青蓮吾有一題爾等聯之小窗鶴夢

掠舟西去下空庭既白東方睡未醒漫拂羽裳搏北溟帶來琴韻
到南汀松籟冷月酬孤嘯幾隔寒雲護曉星渡海覺來看世界一
聲烟雨九臯青

在國雜志卷四

六 遼海叢書

花草草巾熱鬧之英雄雨雨風風醒俗行之客夢海籌十屋
桃核千春到底歸來亦同泡影神仙玉棺輕風蟬脫今夕何夕
與子徘徊同分半榻寒雲共悟三生舊果慎勿蹉跎歲月頓負
枕上羲皇徒令婆心爾爾

又次韻二首

風流不礙舊青衫天上驪龍袖裏探道骨自隨湖海大雄風肯與
世情含孤蹤野鶴何妨老長嘯蒼梧漫爾慚最是玉華春事茂

簾琴韻誦江南

風流不礙舊青衫丹鼎鹽梅袖裏探半榻閒雲留鶴夢一簾香雨
潤難含文章老去猶生色冠冕歸來不用慚試看宛陵山澤好滿
天星斗映江南

睡松

抱鶴臥長天翦輕雲鏤碧煙虬龍夜夜隨展轉吼風雲醉眠挺雄

襟笑頭任他滄海桑田變最堪憐
蜉蝣朝菌敢說歲三千

老梅

瘦骨偏飛雪裏花一簾
寒影映奇葩羅浮夢逗千年
月漢苑魂消午夜
槎斷岸香雲長結侶
孤山明玉自爲家
披襟已許冰霜勁
長嘯松濤玩物華

白月浮鐘

蟾光如練絮瑤臺
遠韻拈雲取次來
疎雨沈音敲斷壑
澹煙傳咽響莓苔
聽殘寒渚天猶老
喚醒空林夢亦回
想像婁娟歌未罷
蕊珠夏玉夜徘徊

題燕臺八景

瓊島春雲

青蓮

一抹輕煙萬縷霞
裁來片片絮寒沙
林迷野墅千重碧
鳥度斜陽九極除
春想衣裳香露冷
風來幃幔暗梁斜
連朝疑霧何堪似
楚

在園雜志卷四

七

遼海遺書

楚青螺襯絳紗

玉泉垂虹

雲長

靜谷寒波挂碧峰
萬山雨後一天紅
飄搖欲捲旌旗午
汗漫長飛海岳空
玉柱有光擎大地
石潭無影動遊龍
丈夫極目爭長嘯
劍氣鋒鋒貫九重

太液澄波

雲英

芙蓉池水碧于煙
秋夢偏長最可憐
紅鏡欲飛鴛鴦懶
翠翹深鎖鳳臺懸
相思鏤月團團扇
冷韻敲風泣暮蟬
放下水晶端正綺
輕描蓮幕喚飛仙

荊門煙樹

劉晨

寒草沙風不勝春
萬林晴靄上楓宸
東來已望層雲薄
西去猶知遠黛陳
看盡古今餘壯氣
磨來日月倍精神
自與鳳城相對好
參差青影接嶙峋

居庸疊翠

謝史

欲上關前眺玉都
嵐煙不礙白雲孤
層波汗漫天風碧
蒼黛嶙峋王氣扶
濃澹遠鋪千樹錦
參差遙接百花圖
何須羌笛悲春事
今古興亡若是夫

盧溝曉月

王方小

洪濤西去鏡孤飛
送老燕山客路危
楊柳斷橋千里夢
鶯花長店十年非
利名場上英雄鏢
今古愁中歲月團
多少五陵豪貴客
蒼然蘆荻弔輕肥

金臺夕照

劉安

郭隗功業幾春秋
駐馬斜陽燕水流
駿骨不枯聲價重
雄襟未托意相投
雲光遠護秦關杏
劍氣高飛帝闕浮
最是荊軻知己恨
天涯老去任虛舟

西山霽雪

劉海蟾

一壺天地一瓢詩
極目晴嵐任所之
林暮欲明煙澹澹
峰迴纔轉樹差差
鏡含絳玉人依鶴
天鏢瓊臺月浸池
不避晴輝酬世眼
萬巖招飲映琪枝

銅雀臺懷古

劉海蟾

漢家功業已蕭蕭
禾黍秋風歷世朝
東去煙嵐飛劫火
南來赤水拂鳴條
千年流瓦堪爲硯
二月春風想阿嬌
寄語機關名利客
空餘芳草臥雲霄

空潭泛月

青蓮

煙霞知己木蘭舟
相伴婁娟任去留
短櫂穿來菱鏡冷
長風搖破碧天秋
波光灩澦沈星斗
沙鳥空濛啄泡瀉
一片清輝何所似
玉壺冰雪映瀛洲

仙凡不隔意氣相
爭諸子不豪吾儕亦
寂傾大斗以呼天
放長歌而寄傲問
婁娟消息憐孤鶴之
飛鳴惜牛女慙勤
度寒梭而

在園雜志卷四

八

遼海遺書

放浪天知吾老存詩骨于人間酒縱君才飛霓裳于闕下平原
愧兵火之情秦漢埋是非之口樂哉今日盡屬忘機永矣他年
不堪重訂牛羊衰草悲歧路之風煙鸞鳳簫臺看英雄之事業
但將肝膽酬人不愧乾坤生我叮嚀告誡諸子何如

齋中雖有數友而成章之速令人應接不暇因以一題難之第一句
用春夏秋冬二句用喜怒哀樂三句用琴棋書畫四句用風花雪月
即以風花雪月為韻索絕句四首方出題限韻而運此如飛頃刻立
就亦異事也

海棠簾外露嬌容春含笑桃花半面紅一奏虞絃消永晝琴不
知庭院欲薰風風

斗柄回南乳燕斜夏漫將蒲劍斬青蛇怒槐陰深處楸枰午棋敲
落薔薇一樹花花

澹煙衰柳殘蟬咽秋瘦馬斜陽獨悲切哀一行雁字寫長空書不

在園雜志卷四

九 遼海叢書

堪鬢上江湖雪雪

陣陣朔風沙草白冬淺斟畫閣紅爐熱樂捲簾閒看小江山畫梅

梢挂箇多情月月

古凡仙詩傳者固少佳者亦不多見茲十中存一首首見奇句句標
新抑且每命一題言縱脫口業已運此如飛詩詞序跋應手告成矣
即使宿構抄謄亦不應其速乃爾雖神仙游戲自異塵凡然當蕭史
弄玉徐福時五言未創淮南王關夫子時何來近體豈謝康樂亦解
作如夢令耶心竊疑之恐非神非仙也或才鬼遇符而至託以示幻
亦未可知偶謁大司空朱公之一見即詢君近何為答曰閉戶讀
書為應試地耳朱公曰是大不然吾人讀聖賢書正大光明必體氣
充裕今君滿面陰氣何也予驚懼諾諾而退遂毀其几壇止志其詩
詞之佳者

賜第在西華廠南門近東空地一區每夜犬吠不止家人楊騷達子

梯牆而視火光熒然以為財也急告先君初猶未信後往視之叱曰
此青燐也何怪焉家人默然三更後潛率其子踰牆而往掘地三尺
果得枯骨一具先君知之大笑即命買棺盛之移瘞野外後遂寂然
先君出征閩中賊平後入山搜捕餘黨輕身前進從人行李仍留營
內有俸餉銀數百兩內元寶一餘俱小錠藏篋中家人連二每夜見
一母雞帶雛數百飛立屋瓦之上先君回軍前項散給兵丁遂無所
見豈小人福薄不能壓此物耶

先君在閩聞先慈馬太君喪亦效世俗延僧誦佛書于郊外放箴口
夜將半見紅燈前導從者數騎冉冉而來意謂必參領李某探望耳
久待不至差人飛馬往迎忽不見

先四叔光為涇州牧出城過一旅店門首大旋風圍繞不散即下
馬入店店主之妻驅家人田二足云凡事遮蓋當有重報蓋誤認為
衙役也田二以告愈疑之遍搜內外毫無形迹忽聞竈下一聲如爆

在園雜志卷四

十一 遼海叢書

竹然其旁有乾馬通一堆掘之得死屍銀百兩布百四十疋是其謀
財殺命者其夫方在後園掘窖蓋欲于夜間掩埋其屍耳戰慄不能
動一詞即服夫婦伏誅

陸仙云魚滿三千六百則蛟龍引之而飛納龍守之故龍名神守鵝
亦有能飛者湖南李方伯畜鵝成百一日連翅御風而飛不知去向
幕友曰此不祥兆也未幾方伯卒又江南天長縣銅城鎮鎮為吳王
濞鑄錢之地有姚姓家巨萬畜鵝數百鵝夜見人羣驚而鳴其聲聞
然有警則覺既可畜以取利又可防盜守更突然脚尾羣飛如白鷺
橫空衆多不解則月奸人誣以助餉謀叛伏誅家產籍沒諺云水淨
鵝飛幾先見矣

妹倩董副使紹孔昔任西安太守為余言秦中有商于外者歸挈一
犬以行抵黃河行囊在船候人滿乃渡偶腹痛欲瀉亟上岸犬隨往
有布袋裝銀五十兩解置地戲向犬曰看好少頃舟子以人滿風順

連催登舟帆已滿張一瞬而開矣關中黃河水如建瓴對渡二十里許方達商入舟方悔忘銀與犬然日暮不能再渡明晨縱往安得前銀尚在遂歸越明年渡河復經前地慨然曰銀已無存犬何歸乎往尋見狗皮覆地檢之白骨一堆耳商憫焉掘地埋其骨骨盡則前銀尚在蓋犬守銀不離甘餓死覆尸銀上耳商泣瘞之爲立塚諺云寧畜有義犬旨哉言乎

先外祖母家蠶僕資三鋤園露一巨躡三喜曰此財物也亟以棉衣質銀買牲楮祭拜及開墾惟滿鑿白水下有銀一小錠秤之適償其辦祭之數

揚州之寶應縣運河內有紅船二泊甚穩忽被暴風飄起一送向東岸野田內一送向西泖光湖中離河下坂一家方祀先下拜畢起視所居房風飄雲際如紙鷲狀而祖先前之香火仍熒熒然康熙壬午七月十五日事也

乙酉五月閱看河道形勢駐盱眙縣之玻璃亭數日大雨如注稍霽揚帆赴龜山淮瀆廟廟在水中即大禹時命大將庚辰鎖水怪無支祁處返棹時風雨大作兩點大如茶盃見四龍掛空中最近者可一箭及之然皆不露頭角止見大水四股倒流上天如旱地之大旋風聲勢俱惡歷數十刻漸次消完時猶若有餘波自上而下者據土人云年年有之無足怪王新城漁洋集亦載紀異行壬寅七年海東嘯崇川化作龍遊鄉今年雨雹殺禾稼雉臯民徙龍爲殃註有龍見如臯境內挾巨艦飛空中則龍見亦尋常事也

鄉人有馬生駒駒已長可乘母馬又將受孕鄉人惜費即欲以駒與交百計道之駒弗肯雖畜類亦知倫理其隣教以物蔽馬與駒之目駒不知遂交交畢去其蔽物駒見其母咆哮奔躍觸樹而死里之長鳴于官官曰爾愚民也爲省小費爰喪其馬馬不羣母爾知之乎爾真禽獸之不如也重責之令瘞其駒康筆帖式曰誠然口外馬羣以

數千百計然洞雜難辨久而忘焉亦不識孰爲何馬之駒孰爲何駒之母偶爲檢查見有駒而盲者目病者阿敦大曰此必自羣其母也阿敦大司馬者之官名

余昔守括蒼兼攝杭郡於藩庫見一草棺麒麟皮係牛產于蕭山民家首肖牛小角嶄然遍身鱗甲鱗大於錢而色黑及踵皆有尾似紈扇而圓小鱗甲砌滿又大石塊分而爲二中有穴光潤滑澤絕無斧鑿痕吏人曰此空青殼也其穴即盛空青者俗云石有空青人無瞽目果其然乎

廣平趙進士云明崇禎末年京師一癡漢能變美人初延癡漢於家使之醉飽臥于室內遮藏甚密不許人見設鏡臺衣服之類少頃裝成絕色女子冉冉而至坐南面設香燭供奉自言名中生已登仙籙不食人間烟火惟啖果而已人稍稍近之便覺昏悶一日諸惡少置數大爆竹于香爐內香盡竹響如霹靂聲出其不意美人大驚

卸去衣飾乃現真形如大大獼猴跳躍升屋而去始悟申者猴也不食烟火愛啖果者猴性然也回視癡漢欠仲喜曰我半年在醉夢中今日方醒

先中丞爲江南方伯時衙署即明朝徐國公故宅也旁有瞻園山洞池館無一不備一日有長隨馬化者膂力過人心粗膽壯向池邊閒步時已薄暮見一女子色殊豔麗先則反接徘徊後即倚欄小憩馬心異之因思王翁眷屬盡係滿妝今此漢妝必怪物也趨向前雙手關抱彼驚一躍馬已昏倒在地少頃馬之寓處飛沙走石門窗几榻爲之蕩然有時飯熟釜內盡是馬矢有時家人溺器無一存者有時清晨夫婦衣帽俱不見尋至糞窖中悉被汗穢如此旬日不堪其苦告之先中丞亦無法可治幕友徐子乾代爲籌畫取黃紙書詞狀令馬于城隍廟焚之如此三夕聞人馬金戈之聲紛馳屋上次蚤于院內得一死狐皮而無毛一家遂得安然徐子乾每夜聞窗外哭泣

聲心惡之移出署外臥病一月方痊

東昌曹宅與寒舍稍有瓜葛先世頗富其致富之由後人歷歷言之始有一老者造謁身短貌陋自言姓白別號餐霞老人稱曹爲善人欲借宅同居曹曰院宇湫隘未敢相許白曰不須房屋止爾東園草垛足矣曹唯唯次日于屋之承塵內有聲不復見形曰吾已挈眷屬遷至尊府矣幸勿令別人往來羣犬更須驅遣勿使擅至東園曹欲設席以盡居停白曰何煩重費主人耶止雞子數百火酒二尊足矣一日晨主婦見竈下一白物似犬而小熟睡驚之踉蹌而去少頃承塵內云今日甚覺無顏未曾衣冠被主母遇見不及一揖幸恕之一夕曹會飲親友白曰吾當遊戲爲諸君侑觴可乎曹曰善遂令門窗俱閉燈火盡滅諸人於窗隙中見一物如鵝卵大光燦照耀吐上半空仍復吞入吐則亮吞則黑如此者十餘次座客曰此即所謂媚珠也曹偶向白戲曰老人來去無踪可能取金帛助我乎白曰吾輩修

在國雜志卷四

十三 遼海叢書

煉多年上則成仙次則望得人身若行損人利己之事有犯天條禍且不測但主人肯聽吾言致富亦易耳嗣後每向曹曰某糧米當屯某豆穀當積後果騰貴獲利無算某藥物應販某幣帛應置某夏當旱某秋當澇每得風氣之先遂成巨富一日白忽云當於百里外治一大宅家資移去爲上曹從之又曰我亦當挈眷向山中去矣遲一月恩息而言速搬速搬十日後流寇果至焚掠無遺其舊宅盡爲灰燼矣

陰曹所差遣曰疾腳猶陽官所役之快手也凡陽世生人應役陰司者曰走無常第不解陰司何以多用生人豈陰司事務浩繁偶不足用歟抑借生人以顯其靈異歟若以理考盡屬幻渺而又言之確有可據關係生死之大使人不得不信不敢有疑忒于其間者如涪縣李某其岳曾爲司李相離四百餘里李之隣有爲疾脚者忽向李曰令岳如夫人于今日午前暴亡矣李曰何以知之曰吾奉差往勾也

李不之信曰彼素無病何至暴死疾脚曰彼于樓上梳頭剛畢被吾腦後一擊即吐血搯地氣絕耳吾勾至冥司候王升殿曾私問判司彼年少艾何至暴死父母夫妻皆未一訣是犯何罪判曰其夫主司李蒞任後接取家眷彼以卑妾冒爲正妻公然擺列執事受屬官之跪拜以微賤而僭上越分是以損壽暴亡耳李曰此事誠有之四日後計至訊死狀與疾脚之言吻合

走解本軍營演習便捷之法晉曰猿騎明曰走驃騎皆于馬上呈藝上下左右超騰躡捷近則男子較少咸以婦女習之爲射利之場奸汚之技矣須演馬極熟馬疾如飛婦女乃于鞍上逞弄解數有名秦王大撤馬小撤馬單鞭勢左右插花踏裏藏身童子拜觀音秦王大立碑之類或馬首或馬尾坐臥俯仰變態百出抑且倒豎踢星名朝天一炷香疾馳不稍歇側兩馬對面相交能於馬上互換相坐統曰走馬賣解俗所謂卦子也又有戲幻之術器物可以隱藏飲食可以

在國雜志卷四

十四 遼海叢書

取致見者無不訝異若西京賦所云易貌分形吞刀吐火雲霧杳冥畫地成川是幻法也久已不傳近今所見不過手法快便眩亂人目而已誠若帝京景物略云捷耳非幻也有弄猴爲戲者教習極熟登場跳舞皆合拍或更挈一犬猴乘犬背若人馳馬近惟丐者爲之更有婦女走索者梁名高緝伎以兩木架大繩相去數丈一女行其上或二女各從一頭上對舞而前手持一竿縛米囊于兩頭以權輕重之平前卻疾徐如履平地相逢比肩而不傾又有婦女仰臥以兩足承巨缸顛播上下無不如意或立一幼女子于足底且拜且舞更復向空立一小梯幼女層遞擡上復下故作傾跌狀觀者驚駭卒安然無恙至於三槌打鼓手轉三刀以頭承丸又其餘事矣凡此皆失業貧民不得已而爲之藉以聚衆釀錢以資衣食然奸盜詐僞亦從此生當作戲術時雖衆目環視在在眩盜亂何難乘機一作掏摸伎倆乎至走索賣解者流身輕足疾飛簷走壁之技固所優爲因係婦女或

宦衙演戲大戶傳喚深閨內宅皆能得入窺探門戶出入之路日所
經行夜如熟徑矣何況鞍馬之上便捷輕利搶奪剽掠無不可爲亦
誰得而禦之余觀察西江時有走索者以男裝女自幼弓足留髮穿
耳無賴挾之往來甚爲叵測余訪擊重處遞解回籍康熙五十一年
部覆陝西提督潘 因陳四等一案題奉諭旨將走馬賣解匪索
之人盡行查拏安插并定文武失察處分之例甚嚴而游手之徒並
爲斂跡矣

附陝西提督潘 原疏

竊照陳四等率領妻子游走於外憑其走馬賣解賣索算卦爲生
俗名之曰卦子大抵江北各省皆有此類惟山陝兩省此輩尤多
其父祖子孫輩輩相習以爲生活之計不務耕織遊手好閒寡廉
喪恥之頑民也臣竊思以爲除匪類須窮源除根今臣所屬各營
已經陸續拏獲卦子二十八起合計男婦大小五百八十九名口

在國雜志卷四

十五 遼海叢書

并馬騾牛驢猪羊共六百一十四頭隻俱移咨督撫交送有司審
理在案但慮秦省各府州縣猶有卦子尙多若盡行拏獲未有行
兇惡蹟若不行查拏恐將來此輩難保不行走於外現今遵奉查
拏若不行安插恐此輩畏罪潛逃他方聚衆成羣妄生事端亦未
可定在彼所犯固王法難宥豈不有負我皇上好生之德以臣管
見莫若通行各省督撫責令各府州縣衛所在於鄉村堡寨細查
如有卦子之徒令其男婦痛改不善之藝或就編入現住地方里
甲爲民或撥給絕戶田地抑或令開墾荒地將現有騾馬牲畜變
爲牛種載入賦役則內按季取鄉約地方里長隣佑甘結存查如
再有違禁出外游走令里長隣佑鄉約地方舉報地方官嚴加重
處如本地方官不行嚴查縱容此輩行走被別處地方文武官員
拿獲議定處分載入例內如是則漸皆化爲務本之良民矣
門前一陣騾車過灰揚那裏有踏花歸去馬蹄香棉襖棉裙綿袴子

勝服那裏有佳人新試薄羅裳生惹生菲菜掩襟那裏有夜深
私語口脂香開口便唱冤家的歪腔那裏有春風一曲杜韋娘開筵
便是燒刀子難當那裏有蘭陵美酒鬱金香頭上發髻高尺二村娘
那裏有霧鬢雲鬟宮樣妝行雲行雨在何方土坑那裏有鴛鴦夜宿
芙蓉帳五錢一兩戔頭昂使忘那裏有嫁得劉郎勝阮郎右金陵陳
大聲嘲北妓也名曰南嘲北幾層薄板爲家業窮蠻那裏有雞犬桑
麻二頃田出門便坐竹兜子斜顛那裏有公子王孫壓繡鞍情民婆
子村莊悄悄牽那裏有十二紅樓人似仙黃橙梅子充佳味牙酸那
裏有雲鬢哀梨蜜比甜竹籬茅舍幾多高 鑽那裏有甲第連雲粉
畫垣八搭草鞋精脚上難穿那裏有門迎珠履客三千低頭不敢偷
睛看皇天那裏有趙女燕姬玉笋尖廣法蘇馬弄機關騙錢那裏有
千金一擲膽如天右順德喬文衣作名北嘲南所以答大聲也南嘲
雖少蘊藉然不過訕笑翠館紅樓中粗鄙之甚者耳詞旨分明原無

在國雜志卷四

十六 遼海叢書

涉于北方人士引詩既雅亦足解頤北嘲則肆聲謾罵盡人爲儻儻
然平分南北反置南妓于不問不獨有傷忠厚且詞意上下不能貫
串殊無足取更有南北解嘲八則不知出自何人以南北之方言方
物比合較量權得其平如此之某某也配得過彼之某某此之這般
也配得過彼之那般俚句響牙更堪捧腹又出北嘲之下詞不足存
故未附入
南北諺有冬至數九一九至九九云云亦猶月令中一月六候以驗
節氣寒煖也四方之說各異若夏至後止分初伏中伏末伏並無數
九之說偶閱明人田汝成委巷叢談杭人夏至後亦有數九諺語云
一九二九扇子不離手三九二十七冰水甜如蜜四九三十六拭汗
如出浴五九四十五頭戴秋葉舞六九五十四乘涼入佛寺七九六
十三牀頭尋被單八九七十二思量蓋夾被九九八十一家家打炭
整各處節候方言之不同有如此

磁器始於柴世宗迄今將近千年徒傳柴審片之名所謂兩過天青者已不可問矣嗣後惟官哥汝定其價甚昂間亦有之然而不易多得者成審五彩暗花而體薄者雞缸一對價值百金亦難輕購本無多也再之宣審最佳一時稱盛而真者固少以其嘉萬之間本朝便做本朝極易混淆至國朝御審一出超越前代其款式規模造作精巧多出於秋官主政伴阮兄之監製焉近復郎審爲貴紫垣中丞公開府西江時所造也做古暗合與真無二其摹成宣勦水顏色橘皮櫻眼款字酷肖極難辨別予初得描金五爪雙龍酒杯一隻欣以爲舊後饒州司馬許以十杯見貽與前杯同訊知乃郎審也又於董妹倩齋頭見青花白地盤一面以爲真宣也次日董妹倩復惠其八曹織部子清始買得脫胎極薄白碗三隻甚爲賞鑒費價百二十金後有人送四隻云是郎審與真成毫髮不爽誠可謂巧奪天工矣磁器之在國朝洵足凌駕成宣可與官哥汝定媲美更有熊審亦不多

在國雜志卷四

十七

遊海叢書

讓至於磁牀磁燈又近日之新興也

服飾器用有一時之好尚即戲弄小物亦因時制宜而窮工極巧者明時內官家以鬪促爲能事其養促織之盆稍小於鬪促織之盆一盆皆價值十數金又喜系貓各編以美名如純白者名一塊玉身黑而腹白者名烏雲罩雪黃尾白身者名金鈎挂玉瓶之類其有染色大紅者其飼貓之器皿用上號銅質製造今宣鑪內有名貓食盆者是也價更重於促織小盆即養畫眉翎毛籠內所用食水小磁罐亦價值數金近今惟尚鬪促織口袋有用舊錦綉妝花刻絲猩能哆囉呢而結口之束子有漢玉碧玉瑪瑙碎琥珀瑱瑯金銀犀象而所用烟袋荷包更復式樣更新光彩炫耀邇來更尚鼻烟其裝鼻烟者名曰鼻烟壺有用玉瑪瑙水晶珊瑚玻璃縷金法耶象牙伽楠各種雕鏤奇款式各別千奇百怪價不一等物雖極小而好事者願倍其價購之以自炫然轉眼間所好更變又不知何如矣

昔陝西有以湯鴨作方物遠貽餽人者據云味最佳美考其製法備極慘酷先以厚板鋪地稍高多釘堅實而繫四眼做鴨身鴨蹄之大小拉鴨上板納四蹄于眼中不容稍爲展轉乃以多沸熱湯澆之自頭至尾遍體淋漓以毛盡脫爲度竟成雪白一鴨而命已絕肉已熟其死甚于一刀慟楚爲何如耶繼爲取出開膛剖去腸臟分割其肉量大小成塊懸之風處風乾猶嫌其肉太鬆將肉用蘆箴上下夾好置諸通衢任車馬往來踐踏久之方行收好不啻珍錯之藏非大好筵席不輕用本地極貴重之故遠致方物也又天津衛有小鳥黑爪故名鐵腳烹炒爲下酒物味鮮爽口其鳥羣飛以網羅之一網可得若干其擇毛之法則大奇掘地作一坑用火熾紅將鳥從網傾入以物覆之彼于內亂飛相觸熱氣交加互相撲打毛自盡脫不假人力誠火攻也又前朝內監性嗜鴨掌嫌其不甚肥厚乃以磚砌火坑燒之近赤置鴨于上磚熱鴨立斃不住自行蹀躞一身血脈盡注於掌

在國雜志卷四

十八

遊海叢書

其掌愈蹀愈厚鴨受炙不過而死適於口忍於心矣僧謙光曾云老僧無他願鴨增四腳隨著兩裙足矣邇者江淮僧人嗜隨之法甚于俗家釜水微溫置鼈於內將鍋蓋預繫數孔如所置鼈之數蓋定以重物壓之然後以薪燃竈令水漸次而熱鼈覺水熱沿蓋得孔以頭探伸而出先以姜汁椒末醬油酒醋調和勻好乘其熱極口張以匙挑而灌之五味盡入腑臟遍身骨肉皆香而死奇慘異苦僧見其狀向之合掌曰阿彌陀佛再忍片時便不痛矣真所謂不禿不毒不毒不禿者耶嗟乎口腹之奉誰不欲之即孔子聖人猶云食不厭精膾不厭細亦未嘗教人甘爲爲粗糲腐儒餐也近日有全羊設饌者以羊之全身製爲十六器或十二器而湯點皆用羊又有以全鴨二三隻製十二器或十六器者湯點亦皆用鴨不雜他物可謂窮工極巧矣然不過烹炮精美未有戕生害命如前隨隨之甚者即何曾日食萬錢猶云無下箸處趙岳一飲食必費萬錢何邵一日之供以費錢

二萬爲限亦不過備四方之珍異耳何嘗著其酷烈殺生哉但食品
豐儉各隨人之性情安嬰爲相尚食脫粟公孫弘以丞相封平津侯
猶脫粟布被世皆賢之萬錢之奉是不爲也非不能也乃更有少年
縱恣者欲食牛羊諸牲之肉一呼即得不能待其宰殺乃生割其肉
而烹炮之吾不知其是何心也裴晉公每語人曰雞猪魚蒜逢著便
吃予服其天然不設色相是真學問國朝初年扈侍御申忠巡按陝
西訪知湯驢一事嚴飭禁止一有犯者羅以重法此風稍戢至鵝掌
鐵腳魚鼈生割之慘聞有爲之者安得復見扈侍御其人遍行禁絕
乎京師餽遺必開南酒爲貴重如惠泉蕪湖四美瓶頭紹興金華諸
品言方物也然惠泉甜而紹興酸金華濁醴均非佳醞唯四美瓶頭
與冰酒兌半相和則美甚矣但其價過昂杖頭每苦不足若煮冰清
雪相和名曰兌酒京師所常用者味亦不多讓也雖有易水滄州竹
葉青梨花春等類總不如冰水苦冽予在淮南每歲于糧艘回空附

在國雜志卷四

十九 遼海叢書

寄十餘罈而來止供冬雪春花之用不能過夏蓋南酒不畏北方之
寒而北酒則畏南方之熱也淮安有臘黃苦蒿鎮江有百花德州有
羅酒俱可用近來浙西糧艘北上多帶潯酒陳者果佳宿遷之砂仁
豆酒惹以陳者亦佳若揚州古稱十千一斗金盤露而揚州不聞產
酒想謂屬邑高郵之五加皮木瓜藤蕪泰州之秋露白寶應之喬家
白耳至於邳徐一帶俱是稀熬較燒酒醱而薄飲者謂淡而無味曰
稀無可奈何曰熬相傳起自希夷窮恐華山處士必非如此造法也
太原之桑落酒峻易醉人小瓶潯酒亦曰人參酒在西邊亦平常無
奇至南方則醇美所云胭脂紅滿潯州鮮人多豔稱之豈真物離鄉
貴耶近日玻璃瓶盛紅毛酒多入中國然其中有香料胡椒止宜於
冬月及病寒者若弱脆之體未可輕飲在各地地方土人俱能製造如
刁酒洛酒汾酒羊羔酒之類止宜木處不著名于四方者甚多大約
因水取名大半皆是即川黃河水亦曰崑崙觴倘能多加麴米陳窰

數年未有不佳者若本質太薄太新如東坡所云甜如蜜汁酸如齏
漿者則蓋無可奈何矣

陝西有以罈盛釀酒乾料留小穴旋加滾水灌入即成酒者不識其
所名二字當作何寫詢之范侍講談一曰君世家于秦必知其解韓
湘云解造遠巡酒此豈是耶侍講曰是酒謂以北方名曰罈子謂以南
名曰罈子又曰花罈京師名曰罈媽未聞有所謂遠巡者然其名甚
雅吾當歸告鄉人請以遠巡易之究竟罈媽二字不得命名之義終
難求解座有俗人強作解事曰吾能解之北方小兒呼其母曰媽媽
呼其母之乳亦曰媽媽小兒吸乳母之乳曰吃罈罈亦曰啞媽媽此
酒川管吸之如小兒之吃媽也舉坐絕倒俗作罈歷載酉不會客
會者宴會也杜康卒于酉日酒爲杜造故是日不忍飲酒

在國雜志卷四

二十一 遼海叢書

俟其結老取其端正者以珠翠飾之上奉嬪妃然百不得一二焉因
其難得所以爲貴也
有奸人取烏賊魚墨汁爲偽券以脫騙人者經年墨消但較之真墨
其色淡而無彩昔有人以無可奈何事必欲一謁權要又知權要之
必敗心投束刺于其家日後查取株連客進龜尿寫字之法遂書刺
進見及權要事敗檢之則楮朽無跡矣二事相類
與老圃語樹藝之法曰凡種茄欲其子繁俟花時摘葉布於通
路以灰規之人踐葉灰則子必繁名曰嫁茄若種瓠瓠其苗一經牛
踐則子便苦又杏樹結子不繁以處女所繫之裙圍之則花盛多子
亦曰嫁杏園中諸花樹種類繁多獨杏樹絕少見聞部疏
婦人弓足上古未聞墨莊漫錄云書傳皆無所自故詩云玉柱插銀
河又云兩足白如霜止言白不言小而金蓮之名始於齊東昏侯爲
潘妃鑿金爲蓮花貼地令妃行其上曰此步步生蓮花即各詩中形

容美人亦止言其杏臉桃腮柳眉櫻口霧鬢雲鬢冰肌雪腕並未言及宮鞵三寸新月半彎惟道山新聞云李後主宮嬪宵娘纖麗善舞後主作金蓮高六尺飾以寶物命宵娘以帛纏足令纖小屈上作新月狀素襪舞雲中回旋有凌雲之態唐錦詩曰蓮中花更好雲裏月常新因宵娘作也是婦人纏足自五代以來方有之元曲云翠裙鴛繡金蓮小後世皆效之矣舊時婦人皆穿襪即宵娘亦著素襪而舞襪製與男子相同有底但瘦小耳自纏足之後女子所穿有弓鞋繡鞋鳳頭鞋而于鞋之後跟鏤木圓小墊高名曰高底令足尖自高而下著地愈顯弓小遂不用有底之襪易以無底直桶名曰裙衣亦曰凌波小襪以罩其上蓋婦人多以布纏足而上口未免參差不齊故須以裙衣覆之然亦有平底者至睡鞋則用軟底今稱薄底予少赴友人之招坐間有以小鞋擊杯送酒者促予詠之予有句云燈前注流霞掌中擎新月雖一時狂興後亟爲刪去

在園雜志卷四

二十一

遼海叢書

雨點著水最易起泡旋起旋滅所謂夢幻泡影者是也小兒作戲亦有以灰淋水曰灰湯入松香量灰湯之多少而入用篋紮成小圈安于直篋上調松香和湯極細而稠以圈離湯向空一繞則成元泡如琉璃狀大而碗口中而如拳如茶盃更有極小者隨風蕩漾頃刻方滅若湯經日曬而濃則一繞可成十餘泡宜從樓上臺上高處多人繞放輕飄錯落殊令人眼花撩亂也

俗云南橋北寺北方之寺多出于明時太監創建有一寺費至數萬者窮工極巧而在順天之西山更盛每春三月太監齋僧在平常習套不過蔬食果餅而已而太監輩甚有用腥肴酒斯已奇矣更有甚者于遠近搆詩娼妓多人景道里遠近以葦席爲圍棚納妓於中任諸僧人淫媾名曰大佈施豈非亙古奇聞耶毋惑乎元僧有妻呼曰梵嫂曰房老原非怪事

聞之先外祖母云吾家倉房甚多其極邊一間封閉藏貯者一年有

餘一日開倉易米見梁上一人垂向下頭赤身倒掛審視而半截藏于梁內大驚呼衆入看則彼緊閉雙眼及人稍出避彼又開眼看人兩臂在外兩手尚在梁內舉家倉惶里隣咸觀以爲怪無疑矣聚觀聞巷填塞衆不敢隱鳴諸長官官遣巡檢帶弓兵攜械至先試以槍刺之聲如嬰兒血出如注遂命以刀斫之血肉淋漓凝積遍地血下數斗首及兩臂胸背全無寸骨盡血肉也旋命將倉房拆毀斧碎其梁梁已內空皆盛血塊而已家人在傍白巡檢曰昔造此房時一匠舉斧悞傷他匠足面幾斷血流不止盡滿此梁木上木原有瘻血注瘻內彼時急于救人遂不留心及後上梁仍用此木日久想成此怪耶噫猶幸發之尚早倘下截盡變人形又未知作何妖孽耳羽而兩足者曰禽俗呼爲扁毛畜生是也毛而四足者曰獸俗呼爲圓毛畜生是也禽卵生獸胎生胎生者九竅卵生者八竅卵而陸生者目能開閉卵而溼生者眼無胞也常不瞑也胎生者眼胞開閉自上而下卵生者眼胞開閉自下而上惟鸚鵡兩臉俱動如人目胎生九竅與人相同人順生草木倒生禽獸橫生人則女麗而豔禽則雄彩而文獸則不甚相較也家語云七主虎虎七月乃生三主狗狗三月而生四主豕豕四月生五主猿猿五月生六爲鹿故鹿六月生諸禽獸無螫禽惟黃鶯紫燕獸惟黃鼠諸熊與蟲同陰鳥之飛也頭縮而足伸陽鳥之飛也頭伸而足縮馬蹄圓爲陽牛蹄拆爲陰馬之臥也起自前足牛之臥也起自後足是陰陽禽獸之各別也然月令雀入大水爲蛤是禽化爲甲蟲也田鼠化爲鴛是獸類化爲禽也鷹化爲鳩是禽化爲禽強弱也他如牛哀化虎王婦化龍馬生人取名馬異此又禽獸陰陽人物之變而理有不可推者矣禽之味美於獸俗云寧吃飛禽四兩不喫走獸半斤鶴之膝後曲雀之足雙行

在園雜志卷四

二十一

遼海叢書

有羊產羔人首羊身者衆以爲異達之朝朝臣曰此無足爲怪不過

牧童春興耳予曾見雞有四足兩尾者猪有四肘之外更生四肘肥大異常生時猪母幾死此亦無足怪者不過重胎與雙黃蛋之類已耳

治喉閉用鴨嘴磨研細以醋醋調灌去膠痰即愈

治目障翳用熊膽少許淨水略調開盡去筋膜塵土入冰片一二片或淚痒則加生薑汁些少以銅筋點之絕奇赤眼可用

凡咽喉初覺壅塞一時無藥以紙絞探鼻中或嗅皂角末噴嚏數次可散熱毒

凡風狗毒蛇咬傷者只以人糞塗傷處極妙新糞尤佳諸藥不及此治發背用乾人糞陰陽瓦焙存性研細用醋調敷腫處即消

病痔者用苦蘆菜或鮮者或乾者煮湯以熟爛爲度和湯置器中悶一版其上坐以薰之候湯可下手擦苦蘆頻頻深洗湯冷即止日洗數次數日即愈蘆一作苜北方甚多南方亦有之

在國雜志卷四

二十三

遼海叢書

金吾其形首似女人魚尾有兩翼性通靈不睡故取作巡警將軍之號

羣鳥養羞羞者食也養羞者藏之以備多月之養也

鏡聽咒曰並光類儼終逢協吉

兩腋狐氣名愠瓶

骰子亦名瓊嬰音測亦音塞俗呼塞兒

義嘴笛噴呐之名也身本是笛嘴則另具故曰義嘴即今假子稱義子之意飛嘴爲之總名義甲

飛嘴爲之總名義甲

自西洋人入中華其製造之奇心思之巧不獨見所未見亦并聞所未聞如風琴日規水輪自鳴鐘千里眼順風耳顯微鏡雀籠之音樂

聚散之畫像等類不一而足其最妙通行適用者莫如眼鏡古未聞眼昏而能治者杜陵老年花似霧中看唯聽之而已自有眼鏡令昏者視之明小者視之大遠者視之近雖老年之人尙可燈下蠅頭且

製時能按其年歲以十二時相配合則更奇矣黑晶者價昂難得白晶者亦貴惟白玻璃之佳者不過數星今上下貴賤男女無不可用眞寶物也人人得用竟成布帛菽粟矣至于算法又超出尋常之外遠近高低大小多寡頃刻而知燦如指掌更上古所未有者也

溺器名虎子裴器原謂之獸子古貴嬪家製以銅形獸尾皆具而背爲大穴用距之以便溺獸子爲馬形取登距時如跨馬之狀意便于坐備雅觀也今溺器多用銅錫若裴器盡以木爲之名爲馬子或本乎獸子而變通之耶

淮南司馬吳孝階祖以呂紀翎毛大畫見遺細玩果係錦衣眞蹟題曰五倫圖上畫太陽一輪中立五彩鳴鳳取毛詩鳳鳴矣于彼高岡梧桐生矣于彼朝陽之意蓋言盛世君臣相合也森陰之下寫二鶴取中孚爻詞鶴鳴子和之意至于嚶鳴之鳥以興友朋戢翼爲鶯以興夫婦在原存令以興兄弟亦皆見于詩人所共曉以丹青小技而擬極正大之題故可珍而可重也

在國雜志卷四

二十四

遼海叢書

畫像絲來久矣筆墨之妙所謂傳神在阿堵中未聞以泥可捏成者

惟神鬼之像塑者最多蓋神鬼盡屬虛幻誰見其眞誰辨其僞近有高手能以團泥極熟對人手捏而成與生人之面貌肥瘦赤白蒼黃

鬚髮痣點癩痕光麻無不酷肖儼然如生覺畫工筆墨仍有未到之處相傳其法起于虎邱老僧又云虎丘市泥美人家夜夢呂眞人

教之者訛不可考姑蘇維揚皆有其人尋常者每像數星身體皆活動者倍之若宰官則因人而施所謂君子自重也閱數年仍可增換

此從前所未見者見之方三十餘年耳

昔人所持惟紈扇最古宮中名爲合歡扇班婕妤好歌曰新製齊紈素皎潔如霜雪裁爲合歡扇團團似明月後呼白團扇王珉嫂婢歌曰

團扇復團扇許君自障面諸葛武侯綸巾白羽扇指揮三軍謝安爲鄉人捉蒲葵扇唐詩云南風不用蒲葵扇紗帽閒眠對水鷗若今人

所用多金白紙扇矣其扇本名摺疊亦謂之撒扇取收則摺疊展則撒舒之義明永樂中朝鮮國入貢成祖喜其捲舒之便命工如式爲之自內傳出遂遍天下其始不過竹骨繭紙薄面而已迨後定制每年多造重金者進御一面命待詔書寫端楷一面命畫苑繪畫工緻預於五月一日進呈以備午日頒賜嬪妃宮女其釘鉸眼錢皆用精金每扇價值五金至本朝三百餘年日盛一日其扇骨有用象牙者玳瑁者檀香者沈香者櫻竹者各種木者羅甸者雕漆者漆上灑金退光洋漆者有鏤空邊骨內藏極小牙牌三十二者有鏤空通身填以異香者扇頭釘鉸眼錢有鏤嵌象牙金銀玳瑁瑪瑙蜜蠟各種異香者且有空圓釘鉸內藏極小骰子者刻各種花樣備極奇巧甚有做擬燕尾更有藏釘鉸于內而外無痕跡者其便而有白紙三摺者有五色繡紛者有糊香塗面者有搵金者灑金者命名不一其多而輕細者名曰春扇秋扇以香塗面者曰香扇可藏于靴中以事行

旅者曰靴扇更有以各色漏地紗爲面可以隔扇窺人者曰瞧郎扇且有左右可開製爲三面暗藏其中畫橫陳像者曰三面扇有製樣各別因地因人得名者曰黃扇川扇曹扇潘扇青陽扇而相傳最久遠者無如杭州之芳風館其家世以售扇爲業遂致素封城內構一別墅花木竹石頗極清幽予兼攝杭州府篆時曾過其園題以詩曰非不在城市寂然花竹間池成凹處雨石疊意中山爲惜三春老來偷半日閒凭欄待飛鳥薄暮亦知還座間詢及主人製扇之法乃出一扇曰百骨扇傳已幾世矣數之果有百骨初不以骨多而厚大其色古潤蒼細洵舊物也據云今亦不能做造即強造亦不佳矣此予生平一見者若古之紈扇羽扇蒲葵扇亦間有用之者不甚多也扇有摺疊因而有墜作阮兄曰扇器以蜜結迦南爲第一其次則宋做舊玉之小者即虎斑金絲各色玉之新做者亦佳若琥珀蜜蠟之類品斯下矣

近有以合香桂花製成及玉樞丹紫金錠其價頗廉儘堪適用瑯環記云硯神曰淬妃考硯之製古今不一而唐人呼曰硯瓦蓋謂硯形凸起如瓦非以瓦爲硯也用久則平又久則凹矣劍南詩古硯微凹聚墨多今人呼硯曰硯臺亦曰硯瓦陽支子鼠寅虎辰龍午馬申猴戌犬足趾皆單陰支丑牛卯兔未羊酉雞亥猪足趾皆雙惟此已則無足耳

憶辛酉壬戌間履端隨先君子檢討公官京師時觀察公方髫髻陸生入洛之歲仲華拜衰之年常過邸舍與先君子論詩稱忘年交記先君子曾語履端曰當今詩人接踵新城商丘者必以劉中翰在園為最謹識不敢忘今未刻篋衍集中先君子手鈔葛莊諸詩尚在履端自壬午冬備員山陽校官職卑務閑時追隨觀察公學詩回想當年京邸趨庭緒語忽忽若前日事觀察公喜著書一日出在園雜志示履端曰雜志上下卷不過就余耳之所聞目之所見身之所閱歷隨筆志之積久成帙非有成見作文字觀竊附兔園册子藉供水天閑話已耳履端受而讀之不禁悚然曰是書也駁事物之原流貫天人之同異稱名運寄意遠可以發人忠孝之思動人勸懲之志令人隨事謹飭不敢放佚取其緒餘亦足以資多識助談柄豈如虞初諾臯僅同叢言脞史一二津逮及之也哉嘗考唐時虞世南鈔經史百家之書曰北堂書鈔白樂天取凡書精語各以門目類粹名為六帖

在園雜志跋

遼海叢書

後六帖者宋知撫州孔傳所纂以續樂天之後傳襲封衍聖公履端又嘗讀觀察公年譜公少工舉子業值旗籍停科以門蔭需次通籍歷仕三十餘年雖膺簪緞而鉛槧隨身藩溷側理不殊儒素以故大而軍國典要細而蟲魚瑣碎靡不留心手輯乙未春孔東塘先生從曲阜來准與觀察公剪燭聯吟暇讀雜志先生軒渠拍手為公作序自言亦有稗海彙輯卷帙浩繁漸次成書如孔傳所纂今在園雜志堪比六帖並駕北堂近日漁洋集中有分甘餘話西陂卷內有筠廊偶筆俱膾炙人口在園雜志洵足肩隨二書稱鼎足焉則齊驅王宋者又不獨葛莊詩也乙未立秋後三日陳履端百拜敬跋於袁浦學舍

在園雜志勘誤表

卷	頁	行	字	誤	正
一	二	二六	觀字下		脫察字
一	三	六	二二一		立
一	三	九	品字下		脫五品二字
一	四	一七	政字下		脫使字
一	四	二〇	事字下		<small>脫副使命事分巡外部在省則管驛站學政等事十八字</small>
一	五	六	四車		軍
一	九	五	九綿		錦
一	九	二〇	八宗		昌
一	九	二〇	九昌		宗
一	一〇	一六	一八或		成
一	一四	九	十字下		脫年字
一	一四	一八	一二衰		充
一	一六	二五	一七復		服
一	一七	一〇	一二之		以
一	一七	八	六俗		衍文
一	一九	五	一六和		知
一	一九	四	二六甚		吃
一	一九	五	一吃		甚
一	二一	二	八為		偽
一	二二	二	六許		計
一	二五	一四	昏字下是如		誰是
二	三	三	三貫		貴
二	三	二二	一五子		予
二	六	一九	二三道		遺

勘誤表

遼海叢書

二	一三	三	一三	我	獨
三	四	五	二六	夜	我
三	四	七	二六	夜字下	衍文
三	五	二六	二五	孟	脫夜字
三	六	一四	四	白	孟
三	七	三	為字下	七十二	白
三	七	一三	一五	四	酒
三	二〇	一二	一八	各	名
三	二三	一一	一〇	什	仕
四	一	一八	一呂	回	回
四	四	二六	七	虬	衍文
四	四	二五	一四	盜	衍文
四	一五	九	二〇	賈	晒
四	一八	二二	一一	為	衍文
四	二〇	二	四	卷	衍文
四	二二	一	人	字下	脫頭字
四	二三	一	一六	頭	衍文
四	二三	五	七	膽	膽

勘誤表

遼海叢書

000000000000

籙齋

第

吳興劉氏
嘉業堂刊

歸安沈炳異書漁著

分野之分當讀去聲今人多作平聲誤洪容齋高宗親
征詔曰歲星臨於吳分定成淝水之勳此可以為證又
兩錢分之分亦宜讀去聲蓋一兩均作十分則每分為
一錢一錢均作十分故從一至九皆當讀去聲也三分
天下有其二今多讀平聲亦誤晉書宣帝謂魏武曰殿
下十分天下而有其九此亦一證也又司馬溫公之論
荀彧曰或佐魏武以弱為強化亂為治十分天下而有
其八 又魏劉曄曰天下三分中國十有其八吳蜀各
保一州耳皆讀去聲是又一證也

權

嘉業堂校刊

殿試之不黜落起於宋仁宗嘉祐二年前此殿試皆有
黜落臨時取旨或三人取一或二人取一或三人取二
故有累經省試取中屢擯棄於殿試者故張元以積忿
降元吳大為中國之患於是羣臣建議歸咎於殿試黜
落嘉祐二年三月辛巳詔進士與殿試者皆不黜終宋
之世以迄於今皆因之不改是一叛逆之賊子為天下
後世無窮之利也宋朝殿試惟用詩賦士子多以僥倖
得第慶厯二年富弼乞罷殿試止令尚書禮部奏名次
第唱名王堯臣梁適皆狀元及第以為譏已正月辛巳
方從弼之請癸未遽從堯臣適之請復舊制惟用對
策始自明祖歷今四百餘年矣然有一定程式會榜後

舉子各熟習之策問擬於內閣鑄營者往往先期採取
預構直書較之詩賦反為易易

先太傅襄敏府君歸田之後以祖宅慶澤堂先君改額

遭先高祖太常公之變不忍居此移居碩鴻堂後遂考

終於彼故典章圖籍俱在碩鴻而我家所藏最為鮮少

柄異中年以往每於三四兩房後人物色購求始得一

二然而威鳳一毛自可寶也所收各件

牙章一方廣二寸高寸五分兩面鐫一日功在封疆

細宋一日世篤忠貞白文今付族

青田凍石章一方廣一如牙章之數鐫先公之字魚

篆上方刻真書小字云年姪張嗣奕倩友人金言製

權

二

乙丑季秋二日今授姪生

書稿六冊俱屬先公親書往還小簡

梅花詩一卷字大如拳筆勢飛舞後有廷尉君偉兩

公跋

家書口通俱在閩中時寄歸與先高祖者此卷從行

書兩軸一贈族祖澄字公五言詩一章先公之

書鶴林玉露一則此軸乾隆壬戌付

未裱書彙五束得時已屬散亂無從考其歲月至今

尚未裝潢吾今已老此後人之責也

先公小影一軸東海陳節寫於天啟甲子取振衣干

仞岡濯足萬里流意唐巾便服獨立懸崖之上下則

清波萬頃意象瀟灑名筆也

敬題先公手澤後曰先公於萬曆己丑進士歷官南京工部尚書諡襄敏壽七十有八通籍之後未嘗攜書記相隨凡有疏牘皆自具草天啟二年自滇撫晉戎右尋掌留都工部事是時朋黨紛爭逆閹勢熾漸熾公中立不倚竟以忤瑞問住其豐功偉烈史傳載之甚詳茲六冊俱屬平時往還尺牘草藁十九多與封疆大臣論時事及滇南段進忠安奢叛逆情狀開因先恭靖恤典事未允與當事者反覆辨論其外絕不及私即此可見先公立朝大節矣康熙庚子之夏炳巽既集先恭靖手澤裝潢成冊今復集先公遺藁彙為六冊傳示子孫同垂不

樞一

何雍正甲辰九月上浣來孫炳巽敬題

前正之西有小邨名鳳林其始原名馮林以所居皆馮姓故以其姓名邨即古來朱陳邨遺意後漢馮異封陽夏侯所居馮姓以之為始祖并祀為土穀神即以其封爵為頭銜厥後馮姓人他徙今前正稍南有馮家大遂改名鳳林而土穀神之祭祀寶社如故也但不曉陽夏侯之封是否馮異僅以千金劇點將內有陽夏侯陳邨人之名遂竟以稀當之今之頭銜直書曰陽夏侯陳邨人無知依附影響固不足怪惜吳氏諸公不為考正似亦不學無術矣

筠廊偶筆云輿圖考載楚中赤壁有二一在嘉魚一在

黃州嘉魚乃周瑜破曹操處蘇子瞻以黃州赤嶼山為赤壁謬也噫此說起而世人爭謂子瞻然唐杜牧之齊安晚秋句云可憐赤壁爭雄渡惟有裴翁坐釣磯則何以說乎蓋當年舳艫千里旌旄蔽空由黃州至嘉魚皆屬戰爭之所烏辨其某舟泊某山某山為火焚而赤平即以黃州之赤嶼謂赤壁可也此說久不定余為辨之云云炳巽按陸放翁入蜀記云圖經及傳者俱以黃州赤壁磯為周公瑾敗曹操之地然江上多此名不可考質李太白歌云烈火張天照雲海周瑜於此敗曹公不指言在黃州蘇公尤疑之故賦云此非困於周郎者乎樂府云故壘西邊人道是三國周郎赤壁蓋一字不輕

樞一

下如此據此則東坡原不曾確指黃州赤壁為周公瑾敗曹瞞處後人讀書不細故多議論何西陂亦據世俗之論而強為之說耶至云當年舳艫千里即以黃州之赤嶼為赤壁亦可此論亦屬支離不必曲為坡公諱也筠廊偶筆又一則云歐陽文忠公瀧岡阡碑為龍神借觀事甚奇黃魯直傲龍文云臣黃魯直謹言臣聞天子召修永叔以三月三日趨朝欽承皇上恩寵錫以重爵推以峻位加恩三世製其袞辭以贈修命石氏鐫之故刻瀧岡阡表世次碑乃僱舟載回五月十三日至鄱陽湖泊舟廬山之下是夜一叟同五人青衣大帶來舟揖而言曰聞公之文章蓋世水府願借一觀自謂龍也請

碑入水遂不見焉惟陰風怒號淡月映空修驚悼不已
坐以待旦黎明起論直時知泰和命以同邦之誼命直
爲文以檄文多不載後云熙寧三年庚戌七月望日黃魯直
敬識炳異按魯直年譜公於元豐三年庚申授泰和令
此文既作於熙寧三年庚戌則相去十年是時公任葉
縣尉豈得與公同行耶又按歐陽公集阡表作於熙寧
三年四月十五日今云五月十三日已載碑至鄱陽相
去未及一月鐫刻豈能如此之速況又自京師至鄱陽
耶又按歐公年譜於熙寧元年轉兵部尚書改知青州
九月丙申至青二年內侍王延慶過青傳宣撫問四年
七月辛卯改知蔡州九月甲寅至蔡年譜鑿鑿自元年

權

五

九月至三年八月俱在青州何曾有三年三月趨朝之
事合之兩公年譜俱屬子虛且此文山谷集亦不載其
爲好事者僞託無疑西陂先生宜加駁正不應采人以
疑後學尤梅菴設二疑以爲於龍神不當稱臣既稱臣
而不書名俱屬可疑以此駁之俱不足以正其謬也
嘉善魏東老名允札忠節公大中孫庶常公學濂子遭
家多難備常辛苦年未五十出家爲道士於書無所不
讀尤長於詩生平所作不下萬首八十餘乃卒其詩自
成一家不拘拘於唐宋爲限其自題集後云謂我詩學
唐唐無此標格謂我詩學宋宋無此色澤非其自譽實
至言也又有自題小集云補硯老人絕不奇二無一有

眾其知生而餒無阿堵物死而餒無寧馨兒所有卻與
劍南埒六十年間萬首詩觀此亦可以見其境之阨矣
辛卯之夏訪吾師柯石菴於武塘因造謁焉見先生龐
眉皓髮雙目爛如眞如神仙中人至於談論風彩絕不
似八十老人可敬亦可愛余賦詩贈之先生鄭重屬和
附錄於左

詩曰久矣古竹墩談詩聚將相倡和足同聲擬議多
異狀地形闊而平水勢清且曠與柳州接壤百里遙
相望芳訊幸平通彼此問無恙前年厚餘來翩翩布
帆颺訪之澹和軒猶記策我杖今年繹旃至其人殊
倣儻名輩雖居後兩才實頡頏可知世德門風氣日

權

六

以上但媿我甚衰失盡舊行行縱未廢讀書所就亦
易量不食神仙字徒勞入道藏豈料炎炎天卻承君
勿忘欲乞公輪巧追尋到拙匠時我適病熱按方救
治廣潦倒牀蓐閒安能復放宕自見贈我作汗出驚
翻浪陳檄王維畫俱借尊篇當起赴丹正招銜杯坐
環向是夕月半殘片瓦依稀仰

今旗下會客必用全羊頭尾肚肺腰腎之類各種異烹
雜蔥蒜食之以盡爲度號曰全羊會按青州雜記云熊
翻每會客至酒半階前旋殺一羊令眾客自割隨所好
者綵帛繫之記號畢蒸之各自認取以剛竹刀切食一
時盛行號過廳羊則全羊之會其來已久不始自今旗

下也

余在會城於城隍山見山東人畜一獾觀者人與一錢
援長四尺許囚一高籠中護以鐵柵與之食則手自籠
中出置食稍遠則手愈長蓋通臂獾也食大遠則呦呦
作聲似罵詈狀復與之則躍如狂若終不與則叩頭哀
求必得乃已長興丁靜山作詩紀之詩甚佳惜不能記
憶

雍正己酉年洞庭東山王氏園中鐵樹開花湖城文武
當事無不往觀蓋因有所謠傳也樹如棕櫚長僅數尺
花如繡毬根之四圍護以鐵屑據其家云六十年一開
花此樹明萬厯時自嶺南攜來已三度放花矣然他處

權

七

攜來者概不能活惟此樹能獨放花為奇按嶺表見聞
言鐵樹生海底石上榦類珊瑚尾似慧千年則成珊瑚
其旁有蚌守之往往得鐵樹則兼得珠是鐵樹與珊瑚
同類俱生於海與前所云不類蓋名同而實兩種也
香祖筆記云白樂天詩吳娘暮雨瀟瀟曲自別江南久
不聞極是佳句虞山錢牧翁宗伯詩東風誰唱吳娘曲
暮雨瀟瀟閩禁城予亦有絕句云波繞雷塘一帶流至
今水調怨揚州年來慣聽吳娘曲暮雨瀟瀟水閣頭又
云七載離筵喚奈何玉壺紅淚斂青蛾瀟瀟暮雨南陽
驛重聽吳娘一曲歌三人詩皆佳未易優劣
謝肇淛西吳支乘云元時吳興三絕趙松雪書錢舜舉

馮應科筆錢趙書畫人皆知之馮筆則罕有知者然
文敏繪事不亞於錢且詩文妙擅一代鄭度三絕公一
人足以當之以馮並趙毋乃擬非其倫乎

郡城汪柳亭名亮采本徽人長厚篤實君子也以貴為
郎長子名郊以明經教習授侯官知縣歷署漳州府事
次子名□□亦以貴為山東□州知州柳亭未歿之數
月次子先卒於任及柳亭既歿長子丁艱歸籍僅月餘
復以無疾卒父子兄弟之卒僅隔數月而家亦衰落此
與七里溫氏事正同溫毅誠名貽孫文忠公族孫其所
居文忠故第以歲貢為餘姚司訓生有三子長子□□
余兄東甫壻也少年能文年僅二十餘早卒姪女亦相

權

八

繼物故不二年而毅誠亦卒卒未期而第三子以暴疾
客死前正次子素有怯證亦以是年天幸各遺一子而
三房之子復以痘瘍其慘較汪氏尤甚然毅誠為人真
誠篤厚絕無囂矜刻薄之習惟以作家課子為事里中
稱為善人乃得此慘報天道真不可問也或云文忠為
崇詎文忠造惡於生前復能肆虐於歿後耶
筠廊偶筆云夏邑彭先生西園堯俞博學有氣調以能
詩著聞明萬厯中遊京師於席上遇鍾伯敬時賓客甚
眾未通情款偶談詩不合輒奮拳擊之鍾問為誰彭曰
我西園公子彭堯俞也鍾斂容謝之王阮亭夫子亭雜
錄亦述前事下斷之曰方鍾名盛時如堯俞輩者遇之

方屏息不暇而敢與之論詩直拳毆之耶不度德不量
力姑妄言之適足以供識者一笑耳在宋則直書其事
且尊之曰先生似深信而不疑者而王則輕之曰堯俞
輩且曰不度德不量力於此可見兩公之賞識矣

漫堂先生自述云合肥許太史孫荃家畫鶉一軸陳堯
章題曰此北宋人筆也不知出誰氏之手余覽之定爲
崔白畫座間有竊笑者以余姑妄言之耳少頃持畫向
日中曝之於背面一角映出圖章文曰子西子西卽白
號眾始歎服此事傳至黃州司理王侯齋猶未深信
一日宴客廳事懸一畫余從門外輿上辨爲林良畫已
而果然卽俟齋亦爲心折沈子曰此小智耳何足自誇

漫堂陋矣

權一

九

康熙六十一年江浙數郡雞生四翼人不敢畜委去無
算宋漫堂筠廊偶筆載順治四年亦有此異

吳江沈君庸自徵作霸亭秋鞭歌伎二劇淋漓悲壯其
才不在徐文長下其妻張名倩倩亦才女也嘗有贈外
詞云漠漠輕雲籠竹院細雨無情淚溼霜華面試問寸
腸何樣斷殘紅碎綠西風片萬轉相思纔夜半又聽樓
頭叫過傷心雁不恨天涯人去遠三生緣薄吹簫伴此
則見夫于亭雜錄喜其詞之佳故錄之

浙江總督李公衛爲雲南藩伯時得一巨人身長九尺
餘及來浙思再得一人與之相配爲與前導從未幾處

州總兵某得一人以獻其長相匹李大喜皆給千總銜
但長甚不能騎每出則在輿前步行余偶至杭曾一見
之聞其身雖雄偉卻無縛雞之力惟日食米數升肉數
斤而已兩人皆同此亦天所以限之若一有力恐亦難
制也古之巨無霸想亦類此但勇而能戰耳

夔峽山中有雉名珍珠雞以其羽毛有白圈點故名又
名綬雞生而反哺故又名孝雞故友朱凝如客川中曾
攜一對歸畜已數年比凝如再出客死於川訃音將到
之數日二雞哀鳴奔突家人亦不解所謂未幾而訃音
至矣尋以無人餵飼舉以贈余余復轉贈吳門女夫孫
乾若畜未半月而雄者逸去雌以失侶竟哀鳴絕粒不
數日而斃異哉欲作詩紀之無暇也

權一

十

平湖高詹事丁太夫人憂陸稼書先生往弔時治喪已
畢聞者辭焉先生列奠帛於門肅拜登舟聞人訝之乃
進稟詹事高曰必陸先生也急命舟追之先生曰吾爲
弔太夫人來而今已拜則吾事畢矣何用轉爲堅辭竟
去此得之柯石菴師云

稼書先生令嘉定離任之日士民攀轅哭送者傾城而
各鄉扶老攜幼者不下萬計數日前各攜香燭焚縣廳
事前石爲之裂以銀錢米豆布帛輸送者積至數舟先
生一無所受貯之庫廨以備救荒之用公去之後士民
復捐貲爲建生祠至今尸祝雍正□年 特旨崇祀孔

廟 本朝理學一人而已

曹邨寧壽堂者太傅金文通公邸第也素稱有怪或云太傅藏銀在於廳事所致康熙庚辰之夏余姊夫宗堯同姊輩數人在庭前玩月忽見堂中一火毬旋轉不定羣起逐之至東北隅而隱僉曰藏在是矣乃釀分祀神掘地尺餘即有一石板橫覆於上竭力啟視果見大甕三枚然惟清水別無他物諸人憤悶欲絕乃舉甕水傾之至第二甕將完聞鏗然有聲以手撈之得銀半笏恰如所派之數造物弄人亦已奇矣尙留一甕未傾宗堯之姪恂若云聞藏水治火毒有奇驗願留此以應不時之求遂舉甕置之私室次年夏火毒盛行往室取水則

權一

十二

白鏗滿甕豈非更奇也恂若後以此銀捐某縣知縣復以贓敗仍然徹貧反不如不得者之尙能溫飽可見得失自有天定無容勉強也

金宗堯同族姪數人赴試嘉興初到之夜伊姪能始至庭中小便見西間燈光燦然就窗窺視有一少艾臨窗梳洗踰時起身更衣既畢之後忽於腰間解繫腰之帕懸梁自縊拖舌長尺餘能始狂駭大呼而縊與人俱寂然矣詢之居停云其妾爲妻所妒縊死於此往往現形今扇閉已數年矣明日急遷寓去能始後亦無他可見怨鬼爲祟現形惑人者誠有是也能始眞實人爲余親述必不妄也

鷺有鬼兔亦有鬼世捫蝨新話所言以余所見則蝦蟆亦有鬼抱朴子曰景帝有疾覘視之得一人欲試之乃殺鷺而葬於苑中採小屋施牀几以婦人屣履服物著其上乃使巫視之告曰若能說此家中鬼婦人形狀者加賞而卽信矣竟日無言帝問之急乃曰實不見有鬼但見一頭白鷺立墓上所以不卽白然則鷺死有鬼也稽神錄云楊邁田獵放鷹於野見草中一兔搏之無有如是者三卽其草而求之得兔骨一具此兔死有鬼也余姊夫徐天峰以醫爲業午日擒一蝦蟆實以丹砂當午扼殺之後有幼子患痘勢已危險忽聞牀下有蝦蟆聲時方冬月競怪之取火就視見一赤嘴蝦蟆蹲踞

權一

十三

其下以手取之絕無所得則蝦蟆亦有鬼也此子竟以痘殤豈微物亦能索命耶

又野客叢書貓鬼一則云所謂貓鬼者觀隋獨孤陁傳其家每夜以子時祀貓鬼言子者鬼也其貓鬼每殺者所死之家財物潛移於畜貓鬼家故當時下詔禁之甚力謂畜貓鬼之家投四裔僕始不曉貓鬼爲何物因觀巢氏病源知貓鬼乃老狸野物之精變而爲鬼蜮而依附於人人畜之以毒害人其病心腹刺痛食人腑臟吐血而死乃知所謂貓鬼如此

族祖閣學心齋公凡遇後進投卷必什襲藏之有可采者悉錄之其尤佳者諷誦不置口所獎拔者甚多康熙

庚辰視學閩中公明爲本朝第一閩中士子感戴尸祝至今不廢庚寅之秋爲公六十誕辰閩士置錦數千里來祝者二十餘人非至德感人烏能致此癸巳恩科主南宮試所得士最盛位九列者十數人其他監司方伯不可枚舉甲午主湖廣鄉試公爲一世文宗而於後進片言隻字不輕棄如此今人可以鑒矣

族叔申培依安慶撫軍范公幕下歸述撫軍之署在某山之麓署中素有狐怪在一樓上扇閉甚嚴稱之曰仙莅任之初先須親祭凡遇朔望必備福物置之樓外遣親戚子弟一人代祭少頃往徹則雞肉之類盡啖無餘閒有不食者亦狐臊觸鼻人亦不可食矣此其所目覩

權一

三

者夫巡撫乃天子重臣建牙一方凡所屬有淫祠惡獸爲民物害者尙須如韓愈魯宗道王嗣宗輩或驅或殺以申天子之命豈有堂堂撫署而容妖狐盤踞反屈體先謁然後視事之理先後諸公眞堪媿死矣

童子舉 本朝絕無其人前明三百年亦僅李文正東陽一人惟宋朝所舉最盛略記於左國初賈黃中七歲童子關頭及第太宗朝洛陽郭忠恕七歲通九經舉童子科淳化二年賜泰州童子譚孺卿出身雍熙二年得楊億年十一以童子召對授祕書正字咸平間得宋綬景德間撫州進士晏殊年十四大名府進士姜蓋年十三祥符間又得李淑又趙煥以童子召對令從祕監讀

書時年十二蔡伯希年四歲誦詩百餘篇召爲祕書正字神宗朝賜饒童子朱天錫五經出身年九歲又天錫從兄天申年十二試十經皆通賜五經出身高宗朝賜處州孝童周智出身孝宗朝賜呂嗣興王克勤童子出身其間賈黃中晏殊宋綬楊億諸公或登政府或至顯官尤爲極盛云

漁人楊甲者以獨鼈爲業每日獲鼈必先取肥嫩者煮食一枚然後出賣積有年矣雍正己酉得一鼈大如箕甲夫婦大喜共思烹食方舉刃欲刺鼈躍起以頭入甲口嚼其舌不放甲痛極仆地其妻亦大驚然無計脫之急以刀斷鼈頭然頭雖斷而舌終不可脫惟以兩手踞

權一

古

地作鼈形痛楚之狀莫可勝言如是一夜竟斃夫鼈鼈介族中靈物也人豈可貪食之余見食鼈之受害者屢矣惟甲爲最慘或曰獨鼈者頗多何獨於甲得此慘報殊不知他人業此爲衣食計故亦不已耳若甲則每日必先食之其貪口腹爲己甚宜其有慘報也今吳中人競以此爲珍品每食必相聚朋友以所食多寡爲勝負號曰團魚會余每舉楊甲事戒之而無如終不悟也土產之多莫過於我郡衣者有絲絛紬綾紗布以及包頭汗巾手帕等件用者有筆鏡羽扇竹器食者有茶筍魚菱其絲之行於兩廣外洋及江寧蘇浙三織造歲不下數百萬而縣不與焉至於茶筍魚菱諸商輻湊歲亦

不下百萬其他五穀及梨栗柿蕪之類又不知凡幾則湖民自宜殷富然其窮反勝於他郡而風俗則又儉勤力作非若江南諸郡之奢華暴殘此其故有所不解也族叔某已薦賢書矣一日過小齋案頭偶有日下舊聞曰目下當云新聞何反曰舊聞緣係近視故譌曰爲目旁觀者告之曰此日也非日也曰卽云日亦當作新聞日下者近日之謂也余方啜茗不覺失笑幾至覆杯窮措大老死制義目中不見他書有此妙論可慨也夫曾記王阮亭筆記中一則云一日首有太學生過訪告余云旗下近日爭買一書書肆爲之價貴詢爲何書悅首久之曰似是文選照明也笑曰恐是昭明文選其人大

一

十五

喜曰不誤昭明也著也蓋取明文之昭著者選之耳余曰恐不作如是解曰然則取本朝及明文合選之耳余見其議論新異亟詢之曰本朝稱爲昭代今選兩朝旣不可以明加於本朝之上又不可云清明故文其詞曰昭明耳余爲匿笑久之又記談資中一則云經生多有不省文章嘗二人同官其一偶舉唐杜荀鶴詩稱賞也應無計避征徭之句其一難之曰野鷹何曾有征徭乎舉者解之曰古人之言豈是有失必是當年科取翎毛耳此與上二則何異可見古今來此等正復不少裴休得桑木根曰若作沈香想之更無異相雖對沈水香反作桑根想終不聞香氣諸相從心起今人處貧賤

妄思富貴復貪進不已聞休斯言可以悟矣家隱侯休文羸弱多病日數米而食羹不過一筋余雖不敢比休文而所食適與相類朝暮不能盡一甌惟日中啖飯可碗許然素無他疾年已七十有一亦何厚幸也

宋初州郡官屬皆長吏自行奏辟大抵皆其宗族親戚也太宗雍熙四年八月詔曰諸處奏薦多是親黨旣傷公道徒啟倖門今後如有員缺處當以狀聞自後奏辟不敢私於親戚雍正口年有旨京外官俱許保舉一人送部引見量才受職所保舉大約非子弟卽親戚甚至以子而保父者我湖如戴如吳如錢皆以父保子兄

一

六

保弟一監生不數月卽膺民社之任而京朝官自部曹以上皆得保舉京中之富商大賈無不夤緣得官奔競之風大開幸不一年得旨停止此風遂息今上改元有旨凡出繼之人遇本生父母喪照親父母例丁憂一年生童俱不得應試宋時替喪百日內妨試尊卑長幼同土人病之多入京冒哀就同文試泊中選被入論口不免坐罪天禧間翰林學士承旨晁迥上言諸州士人以替制妨試奔湊京轂自今卑幼替服不妨取解詔從之然則宋時凡遇伯叔父母及子姪之喪皆妨應試未免過苛若本生父母喪中竟居然取解以心實有不安今只重本生丁艱停試允爲至當

武舉之制勅於唐世其後屢舉屢廢唐時以之選將帥
五代以來皆以軍卒爲將此制久廢宋天聖中以西夏
用兵將帥乏人復置武舉至皇祐七年邊事寢息遂廢
此科治平元年九月復制終宋之世不廢迨明初復設
然未有廷試分甲第與文進士同者有之自崇禎辛未
科始遂有武狀元之名至 本朝則鼎甲爲尤重反勝
於文鼎甲之榮鼎甲必點頭二等侍衛三年之後卽出
爲參戎位已三品不數年卽可建牙開府其視文鼎甲
之循資較俸者遲速迥不侔矣

尤展成良齋雜說云子曰鄭聲淫未嘗曰鄭詩淫也朱
子止因誤認此語夫詩三百篇以思無邪蔽之安有盡

權一

七

收淫詞之理卽詩以爲刺淫以爲刺淫可矣不應取淫
人自作之詩也鄭伯如晉子展賦將仲子鄭伯享趙孟
子太叔賦野有蔓草六卿餞韓宣子子太叔賦褰裳子
游賦風雨子旗賦有女同車子柳賦籜兮此六詩者皆
朱子所斥爲淫奔之詞也然叔向趙武韓起莫不善之
以鄭人稱之淫詞不亦自暴其醜乎此論甚是然前人
已道之不記出於何書姑識尤說於此愚謂詩小序必
不可廢古今通儒論皆如此然如郝楚望之每一詩必
駁朱注亦自不可錢牧齋顧仲子傳云顧大韶文恭欲
刊定一書用毛傳爲主不可通然後用鄭毛鄭必不可
然後用朱毛鄭朱皆不可通然後網羅羣說而以己意

折衷之嚴案詩緝作於朱注之後獨優於諸家大全之
作敷衍朱注全無發明用覆醬瓿可也此論最公

權齋老人筆記卷一

權一

一八

歸安沈炳巽雪漁著

先太傅襄敏公撫滇之三年值安邦彥反諸土目並起安效良陷霑益李賢等陷平夷等處時四川奢崇明同時作亂陷重慶等府滇省危在旦夕先公調重兵防守省城竭力支吾者二載起故參將袁善調諸土司督兵剿殺大破賊眾會升南京兵侍繼之者為我郡閔公洪學悉以兵事委焉閔并先公之功攘而有之及雲南敘功疏之獨遺先公不敘時先公已忤璫閒住不敢申理崇禎改元迺以萬里孤臣九死報國逆璫蔑旨不敘等事上疏訟冤疏末有云保全境土以待後人之至愁遺

樓一

一嘉業堂校刊

庫鏗以濟後人之需選調各將吏各土司以待後人之防勦云云蓋明指閔言之也閔得世蔭錦衣而我先公保全境土之功不蒙一敘雖其時逆璫勢盛先公以忤璫去位或不敘首敘然閔攘功之迹亦自不可掩也直至十三年叔高祖蒼嶼公在工垣始以朝廷賞功大典等事具疏詳敘始得旨沈某準贈宮銜一級蔭一子錦衣衛百戶世襲先公之功於是乎大白時先曾祖先祖相繼早世錦衣之蔭應屬先君然先君年僅三歲未堪授職乃為叔曾祖漢輔公借襲俟先君出幼之日仍歸世襲不數年即遭國變廷尉敘功疏稟奏議中失載尙有兵部取名手本及諭總管陳姓諭單可考 附錄於

左方

工科給事中沈允培為朝廷賞功大典等事準兵部武選司手本內稱職方司手本移稱奉本部送準都察院咨前事崇禎十三年九月廿九日本部具題十月二十四日奉聖旨沈某準贈宮銜一級蔭一子錦衣衛百戶世襲欽此欽遵移會到司所有應蔭兒男的名相應移取等因照得職父沈某生有四子俱蒙恩蔭今行取應蔭兒男的名職嫡長兄莊卿長姪鍾元姪孫角俱身故遺孤棟衍先君元名年甫三歲未堪承蔭切念天恩不敢久懸察有次姪監生鍾亮序既相應年方強壯堪以承襲伏乞遵例將鍾亮題授俟棟

樓一

二

衍出幼之日祖職仍歸棟衍世襲為此合同手本并黏連同鄉印結前去兵部武選清吏司煩為察照題授施行須至手本者 崇禎十三年十月口日 廷尉公付陳總管諭單

大老爺敘功本已下了錦衣世蔭極是難得況在十八九年沈擲之後用心較苦用力較倍寫也寫不盡說也說不盡我數月以來寢食俱廢拮据不寧只為此一件事就是上本經廿五日那一時一刻不耽心的此雖大老爺積德之報其實只當我自手掙來當時大老爺在時事尙未冷門生故吏尙有存者然大老爺兩次進京費銀俱以千計畢竟做不來今日枯

木放花又值最慎重名器之時許多敘功本多不下

即下亦多駁壞我家真是僥倖寅官先君戊寅生纔

三歲諒難題授三房四爺要做且先讓做拘不得長

房之說因太老爺關係大故儘力圖謀幸而成事且

俟寅官長成之後仍歸長房亦未遲也此字各家主

俱可看得我多是實話

周子云無欲則靜程子云有主則虛二語可以作對李

延平云觀喜怒哀樂未發之先可以涅性胡仁仲云探

視聽言動無息之際可以正情二語亦可以作對

韻語陽秋記宋大觀中吳興人邵宗益剖蚌中有珠現

阿羅漢相偏袒右肩矯首左顧衣紋畢具遂奉歸慈感

權一

三

寺供養寺臨谿流建炎中憲使楊應誠者與客傳玩忽

越檻躍入水中禱佛求之一索而獲此吾郡之事而人

罕有知之者佛力廣大無所不有誠不可以儒家拘墟

之見求之也

吏部郎官自明中葉以後最為清要順治中吳郡顧松

交子咸藉來贊俱以吏部郎家居賓多輻湊一日廣坐

中一客忽曰二公所謂一顧傾人城再顧傾人國也客

皆為之絕倒我郡談震方九乾以文選郎家居豪橫一

邑邑之紳士畏之如虎疾之如仇邑中凡有公私宴會

以及交際往來如談在座則絕無一至者一日縣令唐

公執玉徧邀紳衿議修城事惟談獨往餘皆未至縣令

迎謂曰老先生真所謂徧國中無與立談者矣談為之

佛然

明弘治五年南直隸鄉試劉尚書南坦麟以武生中式

十四年鄉試陳翰林魯南沂以醫院學生中式二公名

碩而皆以雜流進所未解也此例至嘉靖中始革去康

熙辛卯鄉試有 旨武生營兵有能文者許應文鄉試

一次武舉許應文會試一次嗣後各省鄉試閒有中試

至會試則不聞有武舉得售者乾隆辛酉科鄉試福建

解元工鵬飛以武生習五經中式士子為之不平蓋五

經俱聚於一號父子兄弟師友互相通融且懷挾多篇

臨時湊錄僥倖中式有自來矣鵬飛之兄係某縣學生

權二

四

極有文名亦習五經以年老為其弟代搆得中闈省士

子皆所深悉因而舉發遂至上聞而同號弊究不能革

則此等事尚恐不免也

先兄東甫每批閱書籍必於卷尾詳記歲月某日閱起

某日至某日以事停筆某日閱竟其用心之勤罕有其

匹每遇譌脫必詳加考證以求至當寒暑無閒如是四

十年所點定者如十三經注疏史記漢書新舊唐書水

經注全唐詩讀禮通考諸書無不通部句讀其他唐宋

詩及□□諸書韓蘇諸集又不在其數也王阮亭香祖

筆記云金陵盛仲交家多藏書書前後副葉上必有字

或記書所從來或記他事往往盈幅皆有鈐印常熟趙

定字少宰閱舊唐書每卷畢必有朱字數行或評史或閱之日所遇某人某事一一書之馮具區較刻監本諸史卷後亦然前輩讀書游泳賞味處可以想見云云可見善讀書者莫不皆然若禾中項墨林每書後必記所得之價以示後人使不賤售則其陋甚矣然墨林歿後所藏卽已星散其長子某爲我宗先世憲副公塤早歿無嗣其餘諸子俱不知寶惜視爲長物雖記亦何益耶余曾得其宋板周易一部乃族祖姑攜歸之物卷尾記云萬厯辛丑得於華亭何氏用價一百二十金然衍卽云宋板亦不值此數恐此老狡獪設此以疑後人亦未可知也

權一

五

雲仙雜記云東州降魔寺僧吉祥魁梧多力受飯五鉢日夜誦經九函池中魚知其數以名召之背出水面使去卽今杭州武林門有雲棲下院爲蓮池大師卓錫之地門前一池方廣數畝中有魚數百頭尙屬蓮池當日放生所畜住僧云蓮池每誦佛號於池上魚皆昂首諦聽至今游人往觀誦佛號魚卽浮出非若玉泉之必投以餅餌羣來爭食也

野客叢書云兩漢丹陽郡治宛陵而丹陽縣則今建康也至移郡治於建康而元帝又徙都焉於是以建康守爲丹陽尹至唐天寶初始以今京口爲丹陽郡而以曲阿爲丹陽縣然則今潤州丹陽正非漢丹陽故治也丹

陽凡有數處不可不知楚鸞熊始封丹陽則在今歸州秭歸縣後楚文王徙都江陵府枝口縣亦曰丹陽漢於宛陵置丹陽郡隋於丹州置丹陽郡唐於京口置丹陽郡其地多不一而西漢志乃以曲阿之丹陽爲楚所封誤矣

俗呼鴨曰奚呼雞曰朱呼犬曰盧蓋亦有所本野客叢書云世爲戲語嘲姓奚者爲鴨以謂鴨姓奚呼奚必來風俗通云雞本朱氏翁所化故呼朱必來又施肩吾詩曰遺卻白雞呼扉扉音祝得非朱與祝聲相近耶至呼犬曰盧則戰國策有韓盧齊詩有盧令則盧之聲亦久矣

權一

六

父母垂死正人子哀痛徹骨幾不欲生之時也今人反以送死爲緩惟以乘凶畢姻爲急父母死未卽入棺而禁家人輩舉哀棄親喪之禮而講合卺之儀寘括髮之戚而修結髮之好口口世俗樂爲之雖簪纓詩禮之家相率行之恬不爲怪亦可慨矣今上龍飛首先禁止眞仁政之要務也敬錄 上諭於左

雍正十三年十一月奉

上諭朕聞吉凶異道不得相干故娶在三年之外而聘在三年之內者春秋猶以爲非禮記稱大功之末可以冠子可以嫁子父小功之末可以娶婦已雖小功旣卒哭可以冠娶妻三年之喪創深痛鉅苟有人心者必宜

於此不幾矣乃愚民不知禮教起於阜隸編氓之家有慮服喪之後不得嫁娶乘父母疾篤及殯殮未終而成婚者其後商賈中家多有之士大夫亦間爲之而八旂效之朕實憫焉自今伊始自齒朝之士下逮門內有生監者三年之喪終喪不得嫁娶違者奪爵褫服其極貧者阜隸編氓父母臥疾呻吟牀褥必賴子婦以躬薪水治喪殮者聽其迎娶盟饋俟疾愈喪畢而後成婚古者禮不下庶人其斯之類歟曾子問親迎女在途而壻之父母死女改服市深衣綈總以趨喪亦此義也其商賈中家不必以士大夫之禮繩之然人性皆善朕知其必有觀感興起而不忍自同於氓隸者矣特諭欽此

謹一

七

吾湖數年以來競尚乩仙平居結一壇供乩有事求問則用二人扶乩以盤盛沙畫字其上或詩或文隨其所應至於問病求方者亦往往有微驗遂致舉國若狂無不尊奉而德清爲尤盛因乩而併奉斗姆每逢斗降及三七庚申甲子本命日卽茹素以爲齋戒殊不知聖賢所謂齋者齊也齊其心之所不齊也戒者戒其非心妄念也今之所謂齋戒不知其平日用心何如卽當茹素之日事至吾前驅趨利徇欲損人害物不知其茹素何爲哉

東谷所見一則云有主僕二人入行役登一山遇豐碑大書太行山三字主欣然曰今日得見太行山僕隨後

拍手笑曰官人不識字只是太行山安得讀曰太行山主叱之僕媼笑不已主有怒色僕反謂官人試問其間土人若是太行山某罰錢一貫與官人若是太行官人富賞某錢一貫主笑而肯之行至前聞市學讀書聲主曰只就讀書家問遂登其門老儒出接主具述其事儒曰公當賞僕矣此只是太行山僕在側視主曰又卻某之言是僕得錢卽往沽飲主不能平詰老儒曰將謂公是土居又讀書可證是否何亦如蠢僕之言老儒大笑曰公真不曉事一貫錢瑣末耳要令此輩永不識是太行山老儒之言頗有味余所見不識事體強爲曉曉者比比而然其不爲老儒以僕視之者幾希矣然孫公談

謹一

八

圃又有一條云崔公度伯陽自號曲轅先生作太行山賦以大行字近時忌改作感山賦則此僕之讀太行亦未可竟笑之耶又按楊用修丹鉛錄云山海經太行山一名五行山列子作大形則行本音也河圖括地象云太行天下之脊郭緣生述征記太行首始河內自河內至幽州凡有八陁崔伯陽感山賦上正樞星下開冀方起名爲丕妥爲平岡窺乎甚尊其名太行蓋趁韻之誤耳

萬石君人但知爲漢之石奮殊不知宣帝時馮揚爲弘農太守八子皆二千石亦號萬石君東漢秦彭與羣從同時爲二千石者五人三輔號萬石秦氏唐張之權高

宗時爲侍中四子皆至三品人謂之萬石張家又有萬石
姬人罕知者漢延年兄弟五人皆至大官東海號其母
曰萬石嚴姬

古來口吃人韓非司馬相如楊雄周昌魯恭王魏明帝
鄧艾宋孔覲後周盧柔鄭偉隋盧楚唐李固言南唐孫
盛明憲宗皇帝

先兄東甫手輯新舊唐書合鈔積十數年之功始克成
書計卷二百六十計帙六十皆蠅頭細楷手自鈔錄乾
隆元年膺鴻博之選攜至京師王公大人無不擊節讚
賞被放歸里齋志以歿時嘉禾錢少司寇香樹先生丁
艱在籍東甫出其門下荷蒙弔唁一見此書讚歎不置

口時值

今皇帝重修經史開館校勘意欲將此書進 呈重攜
至都裝潢完整於乾隆八年五月二十五日具摺進
呈二十七日奉

旨交與經史館用畢仍將原書繳進欽此夫以草茅下
士芸窗纂輯矻矻窮年乃於歿後荷蒙

九重特達之知既經宣付史館又命仍將原書繳進以
備 乙夜之覽華袞之榮何以加此非特臣兄炳震銜

恩地下卽臣等世世子孫亦沐
聖恩於無既矣刑部右侍郎錢陳羣備述進書時 聖
諭恭紀於左

八年五月二十四日臣錢陳羣面奏

皇上開館重修經史釐定典章新舊唐書列於正史舊
書浸廢有浙江已故歸安縣貢生沈炳震係臣老友纂
輯新舊合鈔唐書一部訂謄補闕考據精詳大有功於
史學鈔本現在臣寓請

旨進呈面奉

上諭進來看次日恭具摺奏捧書至宮門進呈奉

旨宣進謹將全書恭進 御前

皇上緝閱數四稱好者再面 諭臣云此書甚好將來
修唐史卽可以此書爲模楷著交經史館用畢仍將原
書繳進臣叩頭謝恩出越 日奉 旨原摺并發臣齋

書交經史館宣 旨訖仍將摺稿并面奏時 上諭郵

寄到臣沈炳震率同臣姪臣沈生策臣生倬跪讀一過

望 闕叩頭謝恩外謹將原稟另錄一通焚告臣兄臣

沈炳震之靈以慰其一生苦志於地下云摺稿并錄

刑部右侍郎臣錢陳羣謹奏爲進呈書籍事竊惟歷代

史書自史記至元史爲二十一史皆以專書行世惟唐

史有新舊二書舊書成於劉昫去唐未遠本紀列傳

至爲詳備諸志多所闕略新書成於宋祁歐陽修議者

以爲事增於前文減於舊自新書盛行而舊書浸廢然

司馬光修通鑑獨據舊書而新書無取焉二書瑕瑜互

見無所折衷者蓋千有餘年矣有浙江已故歸安縣貢

生臣沈炳震訂謫補闕考據精詳編為新舊唐書合鈔其書分為綱目如本紀列傳以舊書為綱仍分注新書為目他如天文五行地理諸志舊書殊多滲漏則以新書為綱仍分注舊書為目一為展卷兩書燦然計卷二百六十計帙六十未經刊刻謹有手錄清本一部乾隆元年臣沈炳震應博學鴻詞之舉曾攜是書來京師未第旋里臣在籍就其家得之恭遇

皇上修明經史釐定典章正名山著作表見發越之時用敢繕摺恭 進謹奏

國家設科取士本以待寒賤誠不宜使大臣子弟得與其閒而大臣亦不當使子弟與寒士競進今四十年來

謹一

十二

官號之設其始原欲杜師生同年請託之弊殊不知此弊固當禁絕然遇骨鯁之人請託不行者亦往往有之搢紳子弟未必科科獲售今設立官卷每舉人十名必中官卷一名就吾浙而論每科官卷中正榜十人副榜二人而應試者不過七八十人則六七人中取中一人若民卷入闈者不下萬四千人除五經外取中正榜九十人副榜二十人則一百數十人中取中一人其難易相去懸絕且官卷獨編一號點名搜簡一遇官卷則竟免搜懷挾代倩之弊種種百出無知執袴孔臭未除儼然歌鹿鳴而應南宮之選矣乾隆十五年湖廣巡撫題官卷中額十名而應試者僅止十人無佳卷可中止中

四名請更定官卷之數奉旨每舉人二十五名取中一名又部議吏禮兩部部屬及內閣侍讀子弟俱不許與官卷之列較之向日稍難然與民卷相較尚易至會試分省取中雖有請託獲售稍難向制主考官官知貢舉及內外監試宗族概不得入今則諸公子弟悉入試稱為迴避卷請

旨取中然惟五服之內得與迴避疏族則又不能故所中皆嫡親子姪可謂巧於壟斷者矣 廷試之後必用保舉方與館選而所保之人非師生即同年同官子姪或親戚至交方得薦薦若孤寒新進雖有奇才因無與援即難登薦牘矣 公卿子弟不與孤寒競進取自古

謹一

十三

而然至明中葉執政子弟擢上第者相望不絕然亦頗招物議如江陵太倉往往羣起而攻之雖以楊用修之才猶不免物議今則視為當然臺省亦不發一言一居要路則子弟皆入清華薦登九列外而監司方面無不如其意指矣可勝歎哉顧炎武日知錄敘古來大臣子弟與寒賤競進取者頗為詳盡節錄於左
北魏孝文時于烈為光祿勳其子登引例求進烈上表請黜落孝文以為有識之言雖武夫猶知此義也舊唐書長慶元年禮部侍郎錢徽知貢舉中書舍人李文閣子墉蘇巢右補闕楊汝士弟殷士皆及弟為段文昌所奏指摘榜內鄭朗等十四人謂之子弟榜穆宗乃內出

題目重試落副等十人貶徽江州刺史宗閔劍州刺史
汝士開江令冊府元龜會昌四年權知貢舉右僕射王
起奏所放進士有江陵節度使崔元式甥鄭朴東都留
守牛僧儒女婿源重故相竇易直子緘監察御史楊收
弟嚴文合格物議以子弟非之敕遣戶部侍郎翰林學
士白敏中覆試落下三人唯放楊嚴一人舊唐書大中
元年禮部侍郎魏扶奏臣今年所取進士三十三人其
封彥卿崔琢鄭延休等三人實有詞義爲時所稱皆以
父兄現居重任不敢選取詔令翰林學士戶部侍郎章
琮考覆赦放及第山堂考索後梁開平三年五月敕禮
部所放進士薛鈞是左司侍郎薛廷珪男方持省轄固

權一

三

有避嫌宜令所司落下宋開寶元年權知貢舉王祐擢
進士合格者十人陶穀子邴名在第六翼日穀謝上謂
侍臣曰聞穀不能訓子邴安得登第乃命中書覆試邴
復登第因下詔自今舉人凡關食祿之家禮部具聞覆
試至太宗以後科額日廣登用亦駁而上下斤斤猶守
此格有人主示公而不取者雍熙二年宰相李昉之子
宗諤參正呂蒙正之弟蒙亨鹽鐵使王明之子扶度支
使許仲宣之子待問舉進士試皆入等上曰此並世家
與孤寒競進縱以藝入亦謂朕有私遂罷之是有人臣
守法而自罷宋史唐義問用舉者召試祕閣父介引嫌
罷之是也有子弟恬退而不就者宋史韓維常以進士

薦禮部父億任執政不就廷試仁宗患搢紳奔競諭近
臣曰恬靜守道者旌擢則躁求者自當知媿於是宰相
文彥博等言韓維好古嗜學安於靜退乞加甄錄召試
學士院辭不赴除國子監典簿是也至於有明此法不
講又入仕之途雖不限出身然非進士一科不能躋於
貴顯於是宦遊子弟攘臂而就功名唐宋之風蕩然無
存然則寬入仕之途而厲科名之禁不可不加之意也
錢體之大無過於本朝者定鼎之初所鑄之錢大
小原與有明相等然民間所用俱是明錢而本朝新鑄
概置不行議政大臣患之始勅改鑄大錢較明錢大幾
過半始得通行其後銷者日多旋鑄旋銷官錢日益少

權一

十四

私鑄日益多錢價騰貴至今愈甚余少時所用錢猶是
足百但以三七二八分貴賤二十年來足百絕無始則
九十爲百漸次而減今則以七十爲百矣用錢爲幣本
皆足陌梁大同後自破嶺以東錢以八十爲陌名曰東
錢江郢以上七十爲陌名曰西錢京師以九十爲陌名
曰長錢中大中元年乃詔通用足陌詔下而人不從錢
陌愈少至於末年遂以三十五爲陌唐之盛際純用足
錢憲宗元和中京師用錢每貫頭除二十文穆宗長慶
元年以所在用錢墊陌不一敕內外公私給用錢宜每
貫一例除墊八十以九百二十文爲貫昭宗天祐中以
兵亂窘乏令以八十五爲陌後唐天成中又減其五漢

隱帝乾祐中王章為三司使聚斂刻急始令人者八十出者七十七謂之省陌宋初因漢制其輸官者亦用八十或八十五然諸州私用則各隨其俗至有以四十八為陌者太平興國二年始詔民間緡錢定以七十七為陌其後有所謂頭子錢每貫五十六又無所謂七十七矣此古來短陌之大較也有明一代錢制草野無從窺見明史姑闕疑焉

壬戌十月廿六夜夢中得句云好風吹斷無邊夢瑞雪妝成不夜天又駢體一聯云有月不圓夜夜遞增光彩無峰不秀朝朝挹取青蒼覺而筆之亦不經意孰意亡妻徐氏於是夜得病延至次年十二月奄逝始悟詩語

權一

圭

不祥蓋亦兆之先見者也

明張文忠孚敬府第在温州府城之東門余幼時隨先學博之任平陽猶及瞻仰第中寶綸樓者藏明世宗御札及先世誥敕之所也康熙庚午之秋火從樓中起延燒廳事書齋皆為灰燼文忠所藏書畫寶玩及御書宸翰悉毀無遺其六世孫名延著者為學博門下士為人倜儻不拘小節雅好談兵居總戎李公幕中出新意造神弩百張一發連三矢中人立斃能於海中射魚總戎特選勁卒百五十人命張教習悉皆精熟號曰神弩手別立一營一日統之出洋陡遇大風見一巨魚乘潮而來張令發弩魚中弩負痛以尾掉船幾覆幸餘船甚多

竭力施救船敗而僅傷數人張自此不敢出洋而神弩手亦廢而不講矣此張為學博親述之如此

嚴宗伯存菴先生康熙甲辰鼎元為先曾祖母嚴太君嫡姪少時落拓不偶兼好使酒往往怒視人人見輒避目之曰狂生而太君善相人常語先君曰爾無輕視此兒將來必多厚福非特一身顯達子孫亦必相繼雀起矣爾其識之平居周恤往往加等每來舍必留飲旬日性剛厲僮僕稍不如意即痛加箠楚初不以客居介意順治甲午闈前到舍太君贈以應試之資至八月初復至太君訝曰場期已迫爾何尚在對曰試資已悉付酒家索醉矣太君欣然復贈之即遣紀綱送之至省與先

權一

圭

君同寓是科獲售越十年甲辰魁多士感太君入骨語先君曰我感姑母厚恩毋以為報當與爾復締新盟以續舊好嗣後雲泥判隔先君久困場屋晚以明經司鐸昆陽宗伯已宦成予告意謂前言久成畫餅而宗伯識之不忘丙子之秋先君奉差旋里時季弟尚未聯姻宗伯遣媒告曰三十年前之約尚記憶否終當踐此以全宿諾遂以幼女許字弱弟次年宗伯即捐館舍先君亦於壬午春見背兩家姻好至今不絕云宗伯季子民法於雍正癸卯成進士入翰林民法子源燾復以甲辰成進士入翰林次房孫暎庚戌成進士今官諸羅知縣其餘以他途入仕者亦不乏人子孫連翩登第已為罕觀

而我太君婦人能於塵埃中物色之且預斷其子孫必發亦奇矣哉

鄭端簡古言云歐陽永叔毀繫辭司馬君實詆孟子王荆公非春秋程子改古大學朱子不用子夏詩序皆不可解

俗所演一捧雪劇本蓋為王弇州尊人而作王故所藏唐張擇端清明上河圖至寶也嚴東樓意欲得之諷以魏己王倩名手摹贗本獻之時吳人有湯裱背者以能鑿古頗用事凡獻古書畫者必先賂湯湯以為真跡始收之王賄不及湯湯直言其偽而世蕃大怒然未有以發也後王總督薊遼為巡按御史方輅劾奏嚴父子從

權二

七

中下石竟坐王以失陷城寨律論斬夫以一物之微乃修怨若此嚴之橫固不待言而王吝惜真本以贖物召禍其亦有以自取然所謂湯裱背者王獲罪時已於王宏事遣戍矣先是台州王都御史曠卒其子南雄知府宏來奏父恤典祠郎某以曠平生清謹任事宦跡尤著於南京兆時且始終出處無玷當得全典業已說堂而人有偵知者宏一日詣嚴嵩邸求謁其子世蕃偶以他故凡三及門皆不得見客有馬鑿者給宏云大爺久不見客數候無益君欲為父祈恩須賂七白金即諗可得況祭葬乎宏乃如其數因鑿進之鑿與夥客湯裱背等三人私分其金而世蕃初不知也此部疏入被旨僅與

祭葬而已宏詫曰祭葬例所自有賂之何為因自詣西苑求謁嵩嵩與曠有平生乃延宏問曰汝來京師何遲遲見也汝父當得全典所以不即給者俟汝面請以明吾恩也宏口噤色慄不敢對久之第曰也曾也曾嵩意子其必嘗私之宏退而世蕃適至私叩之茫然乃急召

宏知鑿等誣匿即日上疏收鑿等付錦衣衛獄拷鞫得實四人皆遣邊戍

見世廟識餘錄岳泗菴者其先金華人以醫世其家其父太峰術尤精為人強悍多力一日者有鄉人負其婦就醫本無大疾岳見其少艾反以他藥投之其疾增劇所居離岳十里許其夫聞日負之而至已旬日矣岳說之曰汝婦之病

權二

六

未能驟愈而負之良苦我有空房曷不移居於此庶病易痊其夫許之調治月餘病固痊可而婦亦竟通焉夫雖知之而飲食於彼既久且無以為酬隱忍不敢言欲歸而岳又不許乃謀之族人糾眾與之理說適岳他出乃領其婦歸行未半岳踉蹌追至以一人而鬪十數人無不披靡受害竟攜其婦欲行其夫憤極復同眾與鬪岳拳斃一人其婦慟哭觸石僵臥不動岳知禍及遂易姓名攜其子潛入京師黃緣入太醫院時明懷宗患偏頭風院中名手諸藥罔效岳大言云我有祕方須自見上親為施治不日可愈院中人鄙之瑣不與言後數日帝病轉劇諸醫束手姑向岳求方岳故祕之不得已為

言於帝立即召見應手而愈帝大喜授以院判口國變後南還僑寓我郡之菱湖鎮不一年其術大行厥後泗菴繼起雖不能視其父精然近地亦罕其匹盛行數十年壽八十餘乃卒今其子仲醇玉山孫紹庭皆能世其業云

乾隆甲子夏有書賈嚴姓者持王石谷青綠山水一軸長七尺廣半之結構精妙正壑深遠上題絕句云蘆蘆青山帶白雲石梁雞犬數家邨江空不遣漁郎到落盡桃花自掩門詩亦清絕索價不甚昂直余囊空無力得之然不忍聽其持去急以紗衣數件質物付之自笑迂疏好事恐不免俗子之誚也又端璞一方同時所得石

權一

九

質溫潤細膩色微白雖非下巖上品然常用亦頗適意樂天過巫山見繁知一詩謂夢得盡去詩板獨留四詩以為古今絕唱人造次不合為之竟不賦詩而去愚謂樂天非真心折四詩也蓋以知一詩推許極至所謂盛名難副故託夢得語以文之耳正不獨笙歌鼎沸中作冷淡生活謂樂天善全其名也

長興丁靜山凝明丁慎所先生之後也博學強記尤長於詩始好為崑體其後浸淫於韓蘇諸大家乃舉少作悉去之其詠荷珠云惜無長在日未有不圓時此十二歲時詩也又有句云自家一樹緋桃子翻過谿南隔岸看蜘蛛力盡無風墮倒卷青絲上屋檐佳句也久困場

屋晚得一解 今上改元膺鴻博之薦復不售官禮部司務以老

高陽李公蔚明文敏公國楷子大名成公克鞏明文穆公基命子俱父子宰相然皆易世未足為奇桐城張公英子廷玉亦父子宰相而在三十年之內尤異也至如海寧陳公之遴文簡公元龍及今大學士世倌一姓三相尤更奇也

池北偶談載桐城張禮書英兼翰林院學士掌院事同時子廷瓚官翰林侍讀學士以父子同官學士為美談其時今相國尚未登第厥後文端公入相不三十年今相國廷玉復入中書父子宰相業已罕覩而相國之弟

權一

三

廷瑑廷璐相繼登第全與相國同朝一為少宗伯一為少司空諸孫官翰林及內外要職者不下數十人至其戚姚氏中甲科居顯官者亦不下二十人乾隆六年御史劉統勳疏參張氏一門盈滿已極宜有所以裁抑之相國具疏認罪部議張氏子姓及親戚居官者俱停三年升轉得旨依議

長洲彭氏定求丙辰會狀寧求壬戌探花定求孫起豐復於雍正丁未會狀及第今官刑部左侍郎視學兩浙王阮亭先生云子嘗謂古人詩且未論時代但開卷看其題目即可望而知之今人詩且未論雅俗但開卷看其題目即可望而辨之魏晉人製詩題是一樣宋齊梁

陳人是一樣初盛唐人是一樣元和以後又是一樣北宋人是一樣蘇黃又是一樣明人製題汎濫漸失古意近則年伯年丈公祖父母俚俗之談盡竄入矣詩之雅俗又何論乎此論極是近見查他山敬業堂集柯石菴樵唱及慈恩集皆不免此病先生又云詩題有一二字不古遂分雅俗如古人祇有同韻和韻而今人則改作步韻武韻矣古祇有絕句今改作截句矣古人贈答或云以詩贈之以詩寄之今則改詩以贈之詩以寄之矣此類未易更數但取古今人集觀之雅俗自辨當以三隅反也

權齋老人筆記卷三

歸安沈炳巽雪漁著

香祖筆記云予奉使廣州屢見紅鸚鵡又有五色者尤珍麗姚放云滇中多紅斑鳩又云曩宮中有黃鸚鵡屠長卿詩云一入雕籠奪翠裳羽毛新得染鵝黃此與漢赤鴈朱鸞隋宦官劉繼詮獻芙蓉鷗皆異物也今閩中有粉紅鷗想即此乾隆癸亥八月初五日浙閩總督那蘇圖進五色鸚鵡二十三架番斑鳩番雞番雀番畫眉料哥八哥倒挂梅花山呼時辰鳥共四十六籠遣官解送上京

今世公卿大夫下逮輿隸婦女無不嗜煙草者田家種

權三

一嘉業堂校刊

之連畛頗獲厚利考之爾雅及本草皆不載姚旅露書云呂宋國有草名淡巴菘一名金絲曠煙氣從管中入喉能令人醉亦辟瘴氣搗汁可毒頭蝨初漳州自海外攜來今處處有之不獨閩矣乾隆癸亥江西巡撫陳宏謀以其妨農特疏禁止令民間不許廣種煙草部議允之然種者頗廣恐難禁而未能遽止也予曾賦二絕句云佳名傳道自流沙借問何年別淡巴外夷國名煙一草出其國一自根苗盛閩嶼遙令僑味代杯茶香聞也自愛氤氳檀口輕噴朵朵雲顏玉人尤嫩媚從今不用醉紅裙德清讀學成巽來名歸期康熙己丑進士歷官侍讀學士致仕家居時蔡宗伯升元新故遺妾李翠翠者擁重

賞思欲他適戚探知之遣二尼往誘且以勢動之以為適戚蔡公子必不敢與抗若他適則賞必非汝有矣李信之遂以昏夜將重賞從牆頭運至戚寓復往說蔡遂成婚於郡寓其時李宮保衛總督浙江風聞其事露章糾參得旨嚴審發遣寧古塔安插李翠翠者官賣此雍正五年事也年近七旬官居四品乃作此無行之事以致身敗名裂何足惜哉在配所十年今上寬宥特恩放回原籍幸得首正故土亦幸矣

姜紹書二酉韻石齋筆記所述文王鼎宣和玉杯定窰鼎三事甚奇節錄於後其敘文王鼎云修吾李公節鎮淮陽博綜奇玩遣中翰黃黃石羅致名品以千三百金

權三

二

得文王鼎於梁谿嵇少峰家曾挂彈章於是寶鼎之名聞天下迨修吾物故乃即視為長物此鼎仍歸黃石黃別購彝鑑花觚號為三絕雄視飛鳧韓太史芹城見而愛之徘徊賞歎幾同米顛禮石南渡後黃石流寓曲阿賀日獻為居停主笈中所攜咸寄賀日獻室賀與黃石固有水乳之契然雅玩非其好也黃石懋遷起家雖仕至聖卿而會計之精微推為領袖日獻素擁厚貲牙籌營運惟日孳孳兩意相孚賀出千金授黃將列肆於金閩而逐什一也不意黃石到蘇而歿賀往弔唁兼理前貲伊妾陳姬匿之償以古玩於是鼎彝花觚悉為賀有乙酉暇日余避暑於先宗伯義莊與日獻家密爾恆過

晤焉因出三器示余鼎方而淺四面飛戟足鏤蛙紋觚則雷紋細花翠色欲滴爲周器無疑彝則上下花紋兩瓣乃漢器也芹臣注念此鼎多方求購賀意將允韓適北行因而中止韓太史遇王憲副仲和于燕邸讚述此鼎詫爲希覲仲和心慕之而憲副乃覺斯先生之弟與予留都有傾蓋之雅戊子嘉平月赴任金衢停驂過晤因詢鼎藏何所余酬帖於郵亭出示王摩詰山水一幅李希古萬松金闕圖漢雙玉鳩嚴分宜物沒入內府青綠商彝其餘秦漢環佩暨貓時祖母綠俱璀璨瑋瑋如入懸圃有歛人王君正求見備陳賀氏三鼎願效居間斯時歲聿云暮風雨載途賀既抱病杜門王亦征期迫

權三

三

促各分手河梁未幾日獻云亡君正聞訃遣報仲和請圖此鼎仲和賞金懸購而鼎與觚俱屬金衢矣

其記宣和玉杯云宋宣和御府所藏玉杯三其一內外瑩潔絕無纖瑕杯口聳出螭頭小螭乘雲而起天矯如生名教子升天二名八面玲瓏三單螭作把外多花紋鈞碾精工潔白過于教子而神彩稍遜其一其三向在雲間朱尚書菴家尙書之孫文巖及少愚得各分之文巖不能守以教子杯典吳門三百金已而從兄太史公諱大韶念玉杯爲旅谿故物倍價回贖其單螭杯之在少愚處者久之亦歸文石平居晨起科頭坐快閣上用五色筆批評古書數葉巾櫛後即把玩彝鼎展名畫

法書薄暮則設席款客令歌童度曲出所珍雙玉佐以文犀哥窰諸爵琳瑯溢目坐客常滿與內弟平湖陸仲仁尤所親暱常謂陸云此杯乃宣和御苑所珍閱五百餘年而雙璧宛然供余支賞不惟奇器良亦奇緣陸亦摩挲久之不忍釋手惟私豔慕不敢如米顛之據舷也文石無子立弟文泉子爲嗣諸寶玉器則夫人平湖陸氏貯之熊祥閣中謹司筦鑰外人不能窺也萬厯壬午七月忽白光一道從閣中冉冉南去識者知爲寶玉將散之兆未幾陸夫人暴殁陸氏宗族無不垂涎其家業者夫人之姪陸怡石妄謂陸氏中毒乃訟文泉於浙平湖劉令逮至圖扉眾人分其有時仲仁已爲顯宦把持

梅三

四

其間日兩玉杯至文泉還矣於是亟取獻之杯至之夕文泉之室忿然曰夫君之禍此爲祟耳睨杯欲擲之地左右失色請曰如主公何胡氏曰且休矣猶當辱之乃出錢沽卮醪一罇斟杯中徧飲侍兒臧獲明日納之于陸遂議和而出文泉於獄文泉歸悵絕而圖所報復力有不能惟嚴課其子冀以成名伊子果中甲榜仕爲平湖令天啟閒陸之子鍾奇少年任俠游於酒人因葉朗生謀叛波及鍾奇將罹危法正屬朱令鞫獄生死懸筆端朱陸舊係內姻不欲終置於理遣人謂鍾奇曰吾兩家舊屬肺腑奈何令酒鎗微器而辱吾先人楚弓不反則吾先人含恨地下終無已也鍾奇既在危迫費已萬

金此杯雖屬家傳非其所好亟還之朱君乃致祭於家廟令陸生手捧玉爵晉之几筵裸酒三巡泣告於神曰而今而後可雪恥於九原矣并語陸生曰此乃尤物吾兩家溺之幾陷叵測無貽患於後人也取椎擊碎若迸珠乃保全鍾奇緩其吏議云定審鼎事在韻石齋筆記惜乎爲亡姪葆初借看入去不及全錄

姊婿徐天峰名醫周道先生家孫能繼其傳求者踵至康熙辛卯之夏時已昏者聞叩門聲甚急出視之見一青衣持燈延請隨之以往過南柵里許至其家門甚低俯身以入中堂惟一燈熒熒毫無坐具佇立久之青衣迎入見一女子臥牀上而小鬟侍立從帷中出手診視

權三

五

手冷如冰全無脈息正懷疑間幃中忽云奴病已久諸醫束手慕先生名求爲治療當不惜金帛奉酬命兩鬟啟幃見其形神已離急辭出青衣仍送歸及出門一封納之袖中竟去出封置之案上鏗然有聲明日視之惟紙灰而已遂大驚往蹤跡之僅一荒冢詢之土人云明邵太守小姐之墓久無主矣方悟夜來所診視乃鬼脈也傍徨久之亦無他故惟醫道不能如前之盛行耳此先姊爲余道之如是云

我里禪智寺之東有閣名開元閣中供關壯繆像頗著靈顯康熙十三年耿逆叛於閩浙中羣盜蜂起五月十三日爲壯繆誕辰是夜有劇盜百餘人寇我里里中悉

被搶擄惟餘受社堂未劫遙見雲端中壯繆橫刀指揮閣前雄兵四布于時卹中汛兵僅五六人與盜格鬪殺盜魁二人傷者無算以五六人而追逐百餘人使之宵遁謂非神威助之不可也受社主人用光感神救護爲新廟貌每年遇是日必演劇以酬神貺如是者六十年方止是夜子家亦被劫累代蓄積盡劫無遺先祖母茅太君酷愛古磁器所藏官哥汝定及成宣嘉萬諸窯不下二千餘件貯一大廚鎖鑰甚固盜疑廚中必有重物以斧擊開諸器已震碎一半盜亦失望復用巨斧并未毀者悉擊之無一全者太君歎曰衣飾被劫我無所戀獨恨此乃我一生所好求之諸大家及先鹿門公所

權三

六

遺方得有此今一旦毀棄殊可痛惜命先君聚諸碎磁彙而種之名之曰磁冢云

先恭靖公崇祠在郡城月河街證通寺之西康熙庚子之冬僧人不戒於火已有震鄰之恐守寺者亟請公像出避火已及檐幸風迴勢緩不致爲灰燼者實先公有以呵護之也次日請公像入祠出避時一人肩之而出今者數人擡之兀爲不動余適以事至郡語守祠者曰此不可以褻我先公也急命庖人潔治祭筵復於城隍廟假八人肩輿鼓吹黃蓋導從以入絕不似向時之重而難舉矣此余之所目擊者

溫州之平陽多虎往往晝出然不傷人土人云有神司

之此山之虎不得越彼山若傷人神必殛之學署在鳳山之麓其東北山半有大方石方廣數十丈每陰晦時輒有虎踞石上往來跳躍予童時習見之而樵采亦不廢也康熙壬申三月有虎逸入西關外民人圍中本無足怪而總戎李公初莅茲土欲以樹威統兵圍之有勇士持矛刺虎已中其股虎回身一尾掉之人倒地虎遂伏人身上眾因驚懼急欲救之乃羣放鳥鎗虎固受傷而人亦被彈矣虎負痛立起人亦隨起復持矛鬪虎眾力畢集竟斃虎於園中而人以傷重間日死總戎厚恤其家先君作勇士傳載之邑誌云

我郡董宗伯范祭酒兩家民變之事故老傳聞不一今

權三

七

據長洲文秉定陵紀略所載參於故老之傳略記於左萬厯二十二年湖州民變原任祭酒范應期妻吳氏上疏訟冤奉旨按臣彭應參既膺憲職不能激揚一方乃敢大肆貪婪聽信姦吏傾陷儒臣致死二命王汝訓巡撫兩浙該當與伊申理反扶同飾詞代辨委任何在著革職候勘彭應參及烏程縣知縣張應望著錦衣衛拏解來京究問後刑部題覆有旨彭應參革職爲民張應望永遠煙瘴充軍范應期嘉靖乙丑進士廷試一甲及第官祭酒爲御史徐申劾奏罷仕居家橫甚魚肉小民訟牒山積巡按彭應參屬推官謝肇淛究其事謝懼不敢應改屬烏程令張應望張持之過急訟者復譁張應

期懼自經死其妻吳氏詣闕訟冤政府左右之故二人皆奉嚴譴巡撫王汝訓曾論劾陳于郊者故并得罪以去先是歸安監生欲姦其子婦婦性烈不從乃誣其與奴姦納賄於烏程令李松而屬應期居閒誣偏成獄會巡按某行部湖州婦藏利刃以入大哭訴冤畢自刎堂上巡按劾應期降處至是應期遇變人皆以爲烈婦伸冤云此文氏紀略所載但只敘范事而不及董然范之死實由于董兩臺之譴亦由政府乃董氏私人曲爲奧援所以俱獲嚴譴否則一婦人鳴冤烏能拏問按臺邑令耶蓋其時董之既烈于范訟牒盈千贖私累萬冤民之圍宅求田者日以千數勢甚洶洶而按院參疏旦晚

權三

八

將出董見事勢已迫思得危題以中按院范本屬姻戚而兼師生居平有事必諮訪于董于時兩家之危俱如累卵范密問計于董董以詭詞誘之范竟自縊吳氏之疏董亦預爲構就縊之次日即愆愆吳氏兼程入都私屬政府照應比彭疏入則拏問之旨已下彭疏反不得上達矣此真神手也彭參疏有云東南半壁之天下知有董溥陽而不知有陸下又云橫比逆賢驕同健卓以泌園爲鄴陽金銀之堆積如山以溥上爲菟裘粉黛之趨承列戶又云雙鳳堂中夜夜笙歌繚繞百間樓上朝朝妝鏡星移卽此數語其豪富強橫可知彭院既逮之後范事已解而董禍未息未幾宗伯捐館冤民訟牒仍

復紛如是時先襄敏公丁憂家居宗伯之孫爲先公愛
婿因之力懇兩臺具書求解幸得漸釋書稟附錄於後
致按臺札 茲啟敝府烏程之董宦弟之兒女姻家也
當民變之後而溥老物故青芝與中條相繼天歿真可
謂家破人亡矣乃吳中之刁棍猶羣起而魚肉之尙可
謂有天理人心耶弟以爲組董氏於當年則爲風力而
恤董氏於今日則爲雅道舊歲未澄江年丈已略挽回
而幸繼之者爲年丈眞董氏再造之機也乞年丈念梓
里之情敦令弟世丈與董中條世講之好併推小弟薄
分少示意旨俾刁棍有所戢而不敢復肆其毒則庶幾
可望田租強半之入而國課或有所出此其感激微獨

在董氏而弟亦矢不朽矣

再啟鋤強抑暴乃朝廷之公法亦士類之公心弟至不
肖儻一旦得綱紀四方矢不忍窮檐之小民爲豪右之
魚肉顧弟有二說質之年丈而年丈試垂聽焉罪大惡
極至殺人行劫止矣然必訴之官司研鞫眞僞然後照
刑刑之日必三覆五奏然後決蓋其慎也乃今大家之
惡不過田土耳近來小民刁悍之極萬萬無強佔之理
甚者不過凶歲價廉耳又甚則債利相準耳而小民聚
眾圍繞房屋裂其衣冠擄其貨財辱其婦女此何法紀
也弟以爲民有冤抑一聽其告有不告官司而聚眾劫
擄者以亂民之法懲之則搶奪不可不禁小民告狀伸

冤者固有而仇家之買屬夥棍刁獍之乘風脅詐者亦
未必盡無也君子可欺其方上司不能不準然復須嚴
諭問官虛心推究毋原告之言是信毋原告之證是憑
要在得情而止罪在豪右則搏擊之罪在刁民則痛懲
之則有冤者未常不伸而乘機者自不得逞此問官不
可有成心者二也年丈高明天縱必洞鑒乎此而弟敢
以獻者緣當時目擊董范之事舉此二端有慨於中久
叨同鄉同年之雅故敢吐露其愚不備不宣

致撫臺札 徑啟湖州董氏發難於吳江浸淫於烏程
謂禍一家而止耳不意延及范氏亦被荼毒迴繞窘辱
狀不可言眞地方之大變也自此刁橫成風攘奪四起

房屋過賣者欲重來估住田產過賣者欲重來估種絕
契文書永不番悔者駕言暫典現銀交易毫無準折者
駕言債利賣三四十年者突然興詞轉展三四人手者
猶然挾詐虛聲恐嚇不動則糾多人登門毆辱凶徒一
時難聚則徧布匿名文帖多方鼓煽諸如此類其情狀
不能述然在務農之良民與勤儉之子弟或畏朝廷之
法度而不敢爲非或念有無之相通彼此貿易亦人情
世俗之所必有而不忍背義惟是積年之教唆與市井
之無賴否則嫖賭之子弟與游手游食之姦民或舊曾
賣產則乘以脅詐或自無產賣者則扛幫以分財遂至
趨利若膻噬人若虎無一人得安寢者矣近聞台臺洞

悉民情思爲禁姦戢亂之計故凡告董氏者自今以後不準此其德意非不甚美而刁民猶狂逞不已者夫以未識上之意指也伏乞命下所司廣布告示重加禁戢庶刁風知警非特董氏受無疆之福而土類亦得安全則幸甚矣

華亭董宗伯文敏公先襄敏公鄉會同年也萬厯四十四年以家難來避館于先公涼山別墅者歲餘是時先公官中州藩伯先公之弟中憲公暨予高祖太常公家居各出所藏書畫求題賜詠之樂殆無虛日文敏公題玉陽公圖所云跌宕圖書婆娑舞鼎王謝風流東南絕調者蓋指此時言之也故寒家各支堂中對額大半皆

權三

十二

公手書至於書畫則我兩家所藏獨富時移物換散亡已略盡矣予所藏者僅夜山圖大幅一軸其他小幅及行草數幅而已最其尤者題先恭靖玉陽圖冊也眞書效顏平原筆法遒勁婀娜無美不備錢少司寇陳羣柯石菴煜家長洲宗伯德潛俱有跋語至今家藏寶弄

附定陵紀略董氏焚劫始末

董其昌登己丑進士由館選授編修歷官禮部尙書仲子祖權倚勢橫行民不堪命同里陸生者先世有富僕陸誅求無厭僕乃投充祖權作紀綱爲護身符陸生復至需索如舊祖權統很僕攢毆之次日陸生之兄率諸生登其堂面討其罪惶恐謝過乃已又有范某者其昌

姻也將此事演爲詞曲被之絃管絲索以授瞽者令合城歌之其昌聞之怒執瞽者究曲所由來瞽者以范對范因稱無有乃其禱於郡神設誓焉未幾范某死范妻率僕婦數人造董誚罵祖權擁諸很僕突出踞高坐闔門執范妻及僕婦裸其體辱之髡其髮并及下體兩股血下如雨合城不平羣聚鼓噪其門約萬餘人董家人登屋飛瓦擲下擊諸人諸人愈忿亦登屋飛瓦互相擊鬪復有受害者乘機縱火焚其家其昌盡室逃避家業爲之一空半載之後方得寧息

又御史楊鶴疏言周京曄事未及於董云周立曄之事末了而華亭效尤原詞臣董其昌不知何事得罪鄉人

權三

十三

縱火燒房幾於闔門俱燼其昌起家中祕列籍清華即有不赦之條宜赴所在有司官告理或因而奏請處分何至舉家百口盡欲付之烈燄一時洶洶不靖通國若狂放火故燒官民房屋者律有明條不知當事何以處此今三吳世家大族人人自危恐東南之變將在旦夕云云

新城李氏世壽見王阮亭帶經堂集李錦秋墓誌銘錦秋諱鴻雷明崇禎壬午舉人入本朝歷官兩浙鹽運司副使曾祖享年九十祖進享年八十有五父采蘭享年九十有五兄鴻震享年九十錦秋亦享年八十有二四世高壽者五人已爲罕見而錦秋之夫人高氏亦享年

九十有一亦更奇矣炳異八世祖贈銀臺守愚公享年七十有二七世祖贈尚書筠溪公享年八十有六六世祖大司馬恭靖公享年八十有二五世祖大司空襄敏公享年七十有八亦係四世高壽然無踰九十者杭城每遇水旱必於天竺迎大士像下山供於海會寺各官祈禱此事自宋時已然堯山堂外紀一則云孝宗時趙雄溫叔爲相頗不滿民望孝宗欲罷之會大早有詔迎天竺觀音就明慶寺祈禱有無名子作詩云走殺東頭供奉班傳宣聖旨到民間太平宰相堂中坐天竺觀音卻下山溫叔聞知遂乞免

權三

十三

中葉中外官獲罪者輒命錦衣械繫鎮撫拷問之於是緹騎四出囚校之魚肉有不可勝言者矣廷杖職官始於王振振執朝權用以鞭撻善類大臣有枷項者此前代所未有也迨成化中汪直用事廷杖臺省臣王濬李俊等五十六人正德間諫南巡廷杖舒芬黃鞏等百三十人死者十一人嘉靖初以爭大禮哭左順門杖豐熙等百三十四人死者十七人此其最甚者矣萬曆六年論首輔張居正奪情杖趙用賢沈思孝等五人其後定陵頽厭諫言諸臣疏多留中廷杖廢不用至天啟四年太監王體乾大審復開其端重笞戚臣李承恩以說魏忠賢於是主事萬燦御史吳裕中相繼斃杖下迨至許

顯臣田爾耕輩煩刑以逞備極慘毒楊左諸君子之禍有不忍言思陵卽祚刑獄稍平然未幾姜採熊開元以論柄臣周延儒手杖幾斃此有明廷杖之大略也本朝官制大概仍明之舊而獨不設廠衛誠有鑒於有明之流毒而仁政之大者也至於建言之臣無不一邀聖度優容從無廷杖受責之臣惟康熙四十年石門總憲勞之辨以諫儲事予杖而歸百年以來惟此一見而已

權三

十四

余外祖董湛思先生爲宗伯潯陽公會孫烏衣世胄好古負奇王謝風流東南絕調明末張庶常溥狎主復社以附東林延先生及令弟若雨爲之領袖當世名流俱以不識兩先生爲恥其後復與石門呂季臣聚江浙十餘郡爲澄社雜沓千餘人先生爲之勅立條約以重志節立氣槩爲尙入本朝屢中蜚語至遭奇禍家遂衰落年未六十卽捐館舍舅氏輩九人惟書田蓉湖兩先生最知名外祖母沈氏家教素嚴余兒時隨母氏至潯每晨與見諸舅率諸子婦孫曾輩肅立拱揖問安之外不敢發一語不命之退不敢退但性信佛房之西偏爲佛室終日跌坐其中一老尼爲伴魚版之聲琅琅不絕有萬壽尼菴爲黃門公夫人所建號董氏家菴其尼雅善逢迎以故世傳玩器及平居所蓄半歸尼手諸舅氏皆不善治生所遺堂

構兩所大宅名世恩堂於康熙戊子年售於淮徐道潘
尙智潘以侵欠河帑籍沒入官今爲通守行署對河小
宅名寶善堂亭臺花木極一時之盛此子自幼所習遊
者亦於是年售于長興錢鶴階兩處屋價不下萬有餘
金於時諸舅大半物故外兄弟數十人惟一二人略通
文墨其餘皆日不知書日以飲博爲事不數年之後所
謂萬金者已蕩然無復子遺矣外祖書香竟爾斷絕良
可慨也

嚴西山聞在同母昆弟也爲順治戊戌進士壽光知縣
修人先生允肇子家本巨富聞在與余爲僚壻分析之
產不下萬金性耽狎治不三十年而家業蕩然惟餘祖

權三

十五

宅與乃兄同居西山孳孳爲利家日益隆聞在欲以所
居歸西山心雖欲得而故以力不足爲辭又數年而聞
在愈窘僅議半價復以居旁小屋抵作契銀宗黨咸不
直之其後西山長子樹基舉進士入翰林人咸謂天道
無知就意僅兩年而樹基客死京邸次子沛霖性尤忍
刻聞在向以息產售彼後沛霖轉售浮價百金爲叔者
與之理說非特浮價不肯付還反將胞叔訟之有司沛
霖行賄於胥吏聞在反自誣服闕郡爲之不平乾隆八
年癸亥沛霖以伊甥吳錦章補廩事奉殿學師通詳各
憲革去衣頂行縣枷責人人稱快焉
我鄉戴卯君名永椿本休寧人雍正癸卯恩科進士入

詞林改御史歷官江蘇臬司左遷廣西潯州知府殊不
能堪怨懟之色形於顏面僚屬之賢否民情之得失概
置不問日惟縱酒自放不二年抑鬱卒於官其亦不達
之甚矣宋廖子晦爲朱子門人爲小官遭長官以非理
對移心甚怏怏朱子以書曉之云所學正要此處呈驗
已轉不縮已進不退只是硬脊梁與他厮捱朱子之意
蓋謂心無媿作則無入而不自得心無貪戀則無往而
不自安況於一黜陟予奪之間哉蘇東坡海外之謫看
他何等胸境何等學識豈患得患失之人可同日而語
也

顧寧人日知錄云易林一書疑是東漢以後人撰而託

權三

夫

之焦延壽者延壽在昭宣之世其時左氏未立學官今
易林引左氏語甚多又往往用漢書中事如曰彭離濟
東遷之上庸事在武帝元鼎元年曰長城旣立四夷賓
服交和結好昭君之福事在元帝竟寧元年曰火入井
口楊口生角犯歷天門窺見太微登上玉牀是用李尋
傳語曰新作昌陵踰陷難登似用成帝起昌陵事云云
炳異按易林乃後漢崔篆所著見崔駰傳篆爲駰之祖
傳云篆自以宗門受莽僞寵慙媿漢朝遂屏居滎陽閉
門潛思著易林六十四篇用決吉凶多占驗云云則易
林之爲崔篆作具在正史不知後人何以忽云焦延壽
也先生博極羣書獨以此致疑可見讀書亦非易事也

今滿洲家呼其子弟曰哥郎皇上稱諸王亦然蓋亦有
所本也舊唐書王琚傳明皇子曰四哥仁孝同氣惟有
太平睿宗行四故也明皇子棣王珍傳云惟三哥辨其
罪明行三故也合二傳觀之則子可稱父為哥矣不亦
奇乎又明皇與寧王憲書稱大哥則唐時宮中稱父稱
兄皆可曰哥

余季妹年十六適菱湖孫氏妹婿名貽笏字縉傳年纔
舞勺已游庠矣乃祖籍司空公之勢債利起家康熙丁
亥戊子閒藩伯黃明者本海賊投誠橫行浙東西高門
世胄無不受其荼毒而孫氏為尤甚縉傳之尊人為人
告訐積牘如山氣憤捐館縉傳以哭父得疾竟以孝死

權三

七

妹氏年僅十七上事孀姑下撫孤叔曲盡婦道苦守十餘
年而惡叔時乘年已漸長賦性凶頑視嫂如仇竟將寡
嫂分授息產擅行變賣妹自問孱懦不敢與較一歲之
中大率在余兄弟家者八九月今荏苒四十年已蒙
恩施表可以稍慰守節之苦志矣

權齋老人筆記卷四

歸安沈炳巽雪漁著

余所居西南向有小河一道收南來巽水歸入市河轉而北去其時邨中編戶殷實吾族亦皆富贍至明萬厯末族祖中憲公起建住宅惑於堪輿家言妄為填塞邨東古刹禪智寺向有天王殿一座亦於是年燬於火從此邨中日就貧窶乾隆七年壬戌之冬眾姓及吾族各出貲捐助復開故河至次年四月告成而禪智住持我仁亦於是年重建天王殿其為時正同可見事之成毀皆有數也

南潯董扶搖余母黨外弟也天姿敏捷素稱強記一日

謹四

嘉業堂校刊

與余弟兄探梅山中游上金山寺旁一碑董生朗誦一過先兄東甫且行且聽若不經意歸舟董生素筆追寫意欲自矜其敏然未及半而已忘之東甫笑曰我為子足成之終篇僅鵠數字同舟歎服曾記陸務觀老學菴筆記一則云肅王與沈元用同使虜館於燕山愍忠寺暇日無聊同行寺中偶有一唐人碑辭皆偶儷凡三千餘言元用素強記即朗誦一再肅王不視且行且聽若不經意元用欲矜其敏取紙追書之不能記者闕之凡闕十四字書畢肅王視之取筆盡補其闕又改謬誤四五處置筆他語略無矜色元用歎服云云事適相類可見古今人亦何不及之有

族弟永之名榮昌閭學公庶孫其尊人以科場事連累入西曹永之年僅十六旬數千里徧叩王公之門時方盛夏烈日中跪哭哀求月餘不懈卒蒙諸公見憐協助千金以贖父罪夫以舞勺之年力行孝道方之古人亦何多讓今已成進士官山西文水知縣雖由閭學公清德之報而亦其孝行所感也

南潯董甸章為余言震澤陳姓渠之姻姪也康熙辛卯六月露坐夜飲空中忽墮一石平架椀上取視之似甄非甄似石非石兩面俱有蝌蚪文而莫識正駭異聞一幼女忽失所在徧覓之危坐屋脊之上急抱下已不省人事矣竭力救之始蘇詢之云有一老人抱之升屋教

權四

二

以石上之字已能朗誦其父以為怪也急取甄碎之後亦無他詢其甄上之字堅不肯道其女至十六歲無疾而卒

乾隆癸亥自正月十六日始大雪連五日夜庭中積至五尺餘雖八十老人亦云罕見而江北尤甚聞江北孔道積至丈餘中間僅開一路兩旁積雪如牆人馬俱行雪待中是歲六月京師至山東一帶酷熱不可言狀人畜死者以億計 朝廷發帑金二萬兩備冰水以救行人此見之邸鈔者

郡中姚氏管山人於古墓中得二物來獻其一瓦器乃插花之罇高二尺餘製作渾古盛夏盛水不敗插花其

中久而不謝其一磁器似僧家鏡鉢大可六七寸其薄如紙無足只一圓蒂非碗非碟蓋筆洗也其色微綠而包漿色澤極爲可愛陸龜蒙詩所謂九秋風露越窯開奪得千峰翠色來者庶幾近之或古所云祕色窯器也余第三姊歸於姚氏故二物余皆得見之惜姚氏諸生罔知好古其洗已爲歸安舊令裘魯青所得聞其家已毀於火不知此物尙在否耶

江南武進莊氏科目之盛甲於東南自明弘治丙辰至本朝乾隆丁巳舉進士者二十二二人舉人十七人副榜八人恩貢一人官生二人開府一人詞林五人吾族自明嘉靖己未至本朝乾隆己未舉進士者十八人舉

權四

三

人十五人副榜八人官蔭生八人世蔭一人選拔五人

恩歲貢十二人舉鴻博三人鼎甲一人開府四人詞林

七人庶與相埒海寧陳氏桐城張氏想尤盛于兩家然不能得其詳即桐城父子宰相海寧之一族三相已足甲于天下矣

五雜俎云人棧在本地者價不甚高行山海諸關納稅加以內監高淮檄取動以數百斤計之故近日佳者絕不至京師其中上者亦幾與白鏹同價矣僕少時中上者業至數換較之雜俎所云已數倍邇來其價尤昂非特與白鏹同價竟有倍於黃金之價者非二十換以外不能得其上品吁可怪也此猶是癸亥秋所記至今戊辰隔越不數年而價又倍之目覩前邨吳用知用價十

兩三錢止兌參二錢竟是五十換之外亘古所未聞也五世祖先襄敏公於明萬曆己亥督學閩中公明爲一代之冠閩中士子久尙尸祝會城建思服堂以識遺愛晉江黃公鳳翔爲記并塑公像春秋祀焉康熙癸未叔祖心齋公亦奉命督學是方公明亦爲本朝之冠士子之愛戴同於先襄敏因重修思服堂并塑公像合祀之安谿李相國爲之記先公官閩最久故留題甚夥如謁紫陽書院有詩過堆雲嶺有詩他如延平雙塔記及提學道題名碑按察司題名碑新建龍谿學舍碑記諸文俱勒諸石歲久淹沒叔祖公至閩一一從榛莽中物色之重加摹勒復以會城府學名宦祠重製新主會督

權四

四

撫司道以及地方有司鼓吹送入閩人無不讚羨亦可感也

我邨之南數里曰菱湖鎮其地頗稱富饒而讀書者亦眾應鄉試者不下百人而艱于入彀本朝惟康熙庚戌孫司空在豐以第二人及第然亦寄籍德清獲售此後寂然者又復數十年丁丑戊寅之間有堪輿家過此語孫氏諸君曰北方去水太直而猛宜於水中疊一高墩建閣其上更於北榭建橋以阻去水則科甲當連綿不絕孫氏然其言遂躡金建文昌閣於水中復架大橋跨于水上不十年而費總戎開府又數年司空之姪見龍冠南省入翰苑此後如吳氏朱氏費氏皆連翩登第

其薦賢書者自壬午以後科不乏人三吳俱入翰林而少司馬眉菴昆仲相繼開府見龍堂弟人龍復以南元聯捷入翰林此皆三十年以內事堪輿之說豈不信哉又吳眉菴兩主鄉試吳敬齋視學雲南孫端人繼之復留任三年所居僅隔一橋屢主文柄同在滇中亦異事也眉菴名應楨避世宗諱改名應棻官兵部右侍郎弟名應枚官奉天京兆敬齋名延熙官翰林改御史孫人龍字端人官翰林院編修費總戎名俊武進士官福寧州總兵官總戎之姪孫元龍舉丙辰進士官口口縣知縣朱名發庚戌科進士官蒲州知府此外之第進士者如唐譚倪又不在數云

權四

五

邨西二里許有三小山皆不甚高名曰涼山其南山爲朱氏祖塋中山先高祖太常公墓在焉北山則先太傅襄敏公別業也三山中惟北山稍峻先太傅以天啟丙寅忤璫里居杜門不與外事構別業於北山之陰日與賓從賦詩飲酒暇則曳杖出遊與邨農課晴較雨其間亭臺花木極一時之盛余童時猶及見其彷彿今遺址雖存而亭臺泉石悉鞠爲茂草矣鼎革之後叔高祖廷尉公避跡於此而有司敦迫無虛日乃以山前別構數椽中供佛像延僧守之託名披緇其始原以杜有司之請其後遂爲僧人盤踞竟成僧舍山後有三泉中泉方廣三丈先公構樓臨池以眺西塞諸山西泉方廣僅中

泉之半泉上有石壁山上泉源從石壁滴下丁東之聲晝夜不絕惜沒於榛莽無物色之者余每披榛過之欲構亭其上無力未果雍正庚戌與吳門徐澄齋先生同游此山酷愛此泉命名曰小丁東爲書八分擬鐫之石壁亦未果也東泉在路旁僅供行人飲啜其不及二泉遠甚

菱湖卜氏明監司某公後裔監司酷嗜書畫古玩收藏最富且具法眼非上乘不蓄數十年前余於社會中見其後人排設香亭中供白玉大士高可一尺五寸潔白無瑕通身血筋布滿法相莊嚴其爲唐宋物無疑兩旁善才龍女玉色稍遜製作亦奇古後不數年訪之已爲

權四

六

有力者持去今其後人俱潦倒不堪監司所藏悉皆星散吾邨朱氏與之姻婭雍正甲寅朱天球持古畫二軸求售云係卜氏後人之物其一爲蘇子卿牧羊圖上無題款不知是何人手筆據監司自定爲晉顧虎頭真跡此亦不可考然觀其紙色用筆決非唐宋人所能彷彿奇物也其一爲唐僧巨然煙雨空濛圖闊三尺高六尺紙色滯古上有趙文敏袁清容仇山邨及羽士張守中四元人題跋巨然之畫雖不能定爲的真然四跋皆非贗筆所能摹仿可寶也二物俱以善價得之見其一可以知其餘矣

先襄敏撫滇時攜歸點蒼石大屏一對小屏一對石榻

一座大屏方廣四尺石質瑩潤而山色正綠石中之最難得者且山水明淨酷類關董向列敦行堂祖宅閣學心齋公作詩紀之余兄弟皆屬和焉榻石尤為奇特中有蒼鷹鵠立鵞爪完具而神彩煥發杜詩所謂條鏤光堪摘軒楹勢可呼者此鷹足以當之小屏石稍遜山水亦不甚明朗分屬于余至今尙存兩尤物皆已化去古所謂以不材見遺者誠不罔也

檀石

七

東甌山水奇特在樂清則有鴈宕瑞安則有仙宕平陽則有南雁宕黃石公洞諸勝余隨侍時年僅舞勺不及徧游惟前倉動石巖曾一至焉縣志云鳳山之北有望海壇壇石方廣十餘丈登之大海在目其左有一石倚壇上高可十丈大亦百人坐壇上以一足抵之即離石丈許稍頃復合聲如鳴鐘號曰石鼓俗名動石巖若人多力猛石反不為動亦一奇也

禮科都給事中臣沈肩培題為鉅典端埃于昌期追崇式隆夫一本謹集羣言之符節以祈睿鑒之昭回事臣辦事垣中見駙馬都尉鞏永固一本為聖孝繼述為大遜國諡號未彰乞修久湮之典以慰祖宗在天之靈事奉聖旨這事情關典禮甚重著該部科詳議具奏臣不覺舉手加額曰皇上修明舊章無幽不闡請諡建文於此日真千載一時殆祖宗陰牖之使言以成我皇上繼述之善也微臣敢不畢竭廢揚以憑天鑒謹案臣祖某先公諱為銀臺時具疏請祀建文大略言建文君高皇帝太孫懿文太子嫡子四年御宇統順系明生為金潢玉牒之主沒含斷蓬飛草之怨心切痛之成祖用王景

檀石

八

議以天子禮葬遣官致祭輟朝三日則成祖之不欲廢其祀可知也恩詔褒諡死節諸臣是忠於建文者宜祀乃建文何獨不得祀因請祀於孝陵高皇帝之旁或懿文太子之側疏下部覆如議留中不發而要非臣祖一人之私言也方應宗時張太后問內閣以朝廷尙有何大事未舉楊士奇已有建文臨御四年當命史館修其實錄仍用建文年號之對矣英宗復辟而出建庶人于網未必不由此發之弘治中禮部主事楊循吉亦嘗請追諡建文而以景皇帝及元順帝為比謂親親固當視景帝避位尤當視順帝人皆誦其不刊暨萬厯十六年國子司業王祖嫡復以建文不宜革除景泰不宜附錄

並形奏辨乃景泰附錄改正建文年號報罷直至二十三年九月始允科臣楊天民臺臣牛應元疏奉有建文事迹著附載高皇帝紀之末仍存其年號之旨也其難其慎歷今又四朝矣推而論之不帝何以編年不帝何以議享存其年號不得不復其帝統復其帝統不得不酌其微稱與修其祀典事本相因理原一貫合先後諸臣之章奏彌徵此心此理之同而即神宗需發之明綸已示顯號鴻名之漸今日必昭布成祖之豐功偉烈而後知建文數窮于天尤必闡成祖之至公無私而後知建文得統于正成祖不嘗曰欲法周公輔成王乎令孺子而在未必不復辟也又不嘗稱建文為少帝乎位號

權四

九

依然并未嘗如景泰之追廢為邸戾王也且建文得統於太祖尤非若景泰之乘危自立也乃一則尊崇於易世之後一則泯滅於十數代之餘不過謂表章遜國則靖難無光殊不知天與人歸成祖自不能避征誅之迹勢窮事去建文何必存揖讓之名要以承祧有主即家君遜野原無傷太祖之心況一脈相傳則繼體開天更遞禪文皇之緒而何嫌何疑之有哉臣今有四說焉惟皇上俯察之數改實錄令建文自為本紀無濶附以成萬世之信史庶西山不封不樹之謬而考尋成祖禮葬之蹟因以表為陵園做康定恭順之諡法斟酌於二字四字之間即圖為宸春秋二饗掌於南奉常夫然後

皇上之心盡二祖列宗之心盡而三百年來臣民之心亦無所不盡矣臣不勝踴躍敷陳之至 歸德相公沈文端亦曾有疏論建文位號景泰實錄二事其言正大切直并節錄附後臣看得國子監司業王祖嫡奏為循史職修開典以昭祖宗心事以隆繼述大孝事竊惟人君有位號則有紀年有政令則有實錄此春秋不易之法自古及今未有以興亡隆替而因革予奪其間者我朝太祖開基列聖相承金匱石室之藏具在乃建文以革除而概稱洪武景泰以分附而異系英宗則皆為我朝闕典矣所據司業王祖嫡因在史館纂修知其本末所以建有此議臣請先述二事大略而後及所以當正

權四

十

之故為皇上陳之太祖高皇帝在位懿文太子先薨至洪武三十一年太孫嗣位改元建文建文者太祖之嫡孫也在位四年成祖文皇帝靖難登極乃革除建文年號仍以洪武紀年及重修太祖實錄遂將四年實錄附作洪武虛數此則革除之大略也正統十四年也先入犯英宗躬馭六師自行天討至土木北狩景皇帝時為邸王奉章聖太后命監國旋正大位次年八月英廟回鑾後七年復辟是為天順元年其時姦臣石亨輩奉將景皇帝廢為邸王加諡曰戾成化元年修英廟實錄以景帝七年事迹附於正統之後天順之前注曰邸戾王附成化十一年憲宗體英廟本意始敕廷臣復景帝位

號上恭仁康定尊諡改修陵寢無所不用其情而景泰七年事蹟原附英廟實錄仍稱郕戾王附此則附錄之大略也夫憲廟追尊之舉爲帝王盛德之冠獨於附錄一節未經釐正毋乃有闕乎不知位號既復則實錄自當改正許其大而不許其細是未體夫憲廟之心而已矣建文年號在成祖登極詔書不過爲建文四年爲洪武三十五年然猶稱爲少主未聞降削位號是在成祖親親之心亦必有不忍絕者而一時宣力歸命諸臣或務張功伐或苟存形迹遂贊成革除之事其亦未達夫成祖之心耳夫成祖奉天靖難再造邦家駿烈宏功繼承高廟正使年號不除何損萬一而曲爲掩諱若此且

禮四

十一

天下後世各有耳目安可盡混裨官野史各有記載安可盡革此不但無益於事適足示人以疑耳臣等不敢爲更張之議惟以附錄改正將英廟實錄於正統以後天順以前均中間七年事蹟名曰恭仁康定景皇帝實錄無相混淆如斯而已矣至於建文年號詔書原無降削之文今亦無懸議復亦惟於高廟實錄中摘出洪武三十二年至三十五年事蹟復稱建文元二三四五年存其年號傳信萬世如斯而已矣昔我太祖甫定天下首命儒臣纂修元史又追諡其主曰順帝淵哉聖心至公至厚矣成祖英宗之心同符太祖而建文景泰又非勝國之君之比元主可諡何忍沒其號建文元史且修

何忍闕其錄景泰且景泰之位號即可復則建文之年號亦可復建文死事諸臣且蒙我皇上之卹錄況其君乎況爲太祖之嫡孫乎慰祖宗在天之靈伸寰海久抑之意斯舉也實聖德聖政之第一事也詎獨稱昭代之信史而已哉奉旨景帝實錄著候纂修改正建文年號罷

崑山顧寧人先生作革除辨其言確當不可易略曰成祖於建文四年六月己巳卽皇帝位夫前代之君若此者多卽其年改元矣不急於改元者本朝之家法也不容仍稱建文四年歷代易君之常例也故七月壬午朔詔文一款云今年仍以洪武三十五年爲紀其改明年

禮四

十二

爲永樂元年並未有革除年號之文卽云革除亦革除七月以後之建文未嘗并六月以前及元二三年之建文而亦革除之也故建文有四年而不終洪武有三十年而無三十二三四年云云

宋太宗至道二年司天冬官正楊文鑑言於麻日六十甲子之外更留二十年帝命用兩周甲子共成上壽之數使禮部之人猶見當生紀年遂造新麻頒行康熙六十一年欽天監奏請用兩周甲子以康熙年號不敢遽除也雍正改元仍用一周舊例自宋麻之後用兩周甲子者惟此一年耳

宋太祖開寶二年詔西川山南荆湖等道舉人皆給來

往公券自初起程以至還鄉費皆給於公此即今之會試路費也至下第後還鄉其費不聞給之於公雍正甲辰會試後特旨欽賜下第舉人還鄉路費較道途之遠近爲分兩之多寡至口科以天氣嚴寒特恩頒賜會試舉人各氈衣一襲誠聖代之殊恩右文之盛典也

物理有不可解者海族中有一種小蟹名關王蟹大不過盈寸而鬚眉口鼻及包巾裹額之類無不酷肖世所繪關壯繆像者此余在東甌時所目覩康熙甲午僧人道松持黃豆一掬見示名人面豆鬚眉耳目口鼻種種完具絕類人形據云從吳門來數船之豆顆顆皆然亦

權四

三

可怪矣宋牧仲筠廊偶筆載有此說亦云親見

先兄東甫始歿之旬日見夢於余恍惚與兄同遊一圃並坐石上相與論詩反覆數百言忽有童子來請臨別爲余誦詩二句云飛時已忘爪消後豈知冰夢中亦不解所謂寤後知二句乃兄解脫之言不禁潸然出涕云思籍錢起莘族祖雲石先生愛婿也先生烏衣世胄構園舍旁攜愛妾及二子一女居其中鼎彝圖史極一時之盛先生歿後二子俱幼園中所藏珍玩悉爲錢氏席卷而去厥後園已就毀錢氏之物方稍稍發露大半歸之郡城汪氏荻港章氏所餘糟粕余亦得其一二焉宣鑑數座內有一鑑甚奇大如茶甌高止三寸旁有雙環

爲耳嵌以赤金其光奪目一經火力則金色通紅如欲滴下覆手則光潤細膩翠色如瓜皮宣鑑之上品也歸余數年極爲寶護雍正甲寅八月爲竊竊去惜哉又管夫人手摹大士一軸法相莊嚴神光四照上方仲姬篆書般若多心經一卷題云大德二年元旦夜夢大士在天籟閣授姬般若多心經覺而儿上有朱絲素縑乃篆書錄之并摹夢中小像吳興弟子管道昇識其中方則衡山翁蠅頭細楷般若多心經一卷題云嘉靖丁未年七十有八縑素完好毫無剝落真神品也又宋楊寶晉齋法帖十二本每本有御府寶藏小璽此帖本止十本獨此多續帖二本世不經見後有王弇洲董容臺題

權中

十四

跋惜爲歸安舊令裘魯青借觀不還付之一歎余所得僅此

權齋老人筆記卷四

蠟

談



錢塘盧存心敬甫著

春來日處愁城二三知己又天各一方每懷欲訴
卽錄片紙庶幾寄我良朋如對劇談終日名曰蠟
談亦云嚼蠟矣

仙氏之戒曰殺生而食鳳炮龍殺更甚矣佛氏之說
曰平等而乘獅坐象平何有焉

秀因稗而足重寶擬矢而見輕有秀無稗秀亦賤今
南無曰恒河沙佛此以知佛之賤也擬寶於矢寶亦

昭代叢書

已集

蠟談

一

世楷堂
藏板

穢今西方曰金銀世界不以見界之穢乎

無才者好騁才寡德者樂市德持兩可之見則曰不

夷不惠之間無一事之長則曰非狂非狷之際巢山

務光爲炙手者所託被世尊大士爲墨心者所借端

項羽之敗也豪傑憐之憐之而不願爲之是以莫受

人憐高祖之興也英雄憎之憎之而實欲爲之是以

寧爲人憎

小人而不求託於君子斯爲小人中之君子君子而

不受誇於小人則爲君子中之小人

飢來一字不堪煮始歎祖龍爲可兒暮年萬事總成
空莫笑桓温爲老賊

滿腔風雅不必作詩一味模糊何須飲酒

口吃而不語可謂善於自藏才拙而能行寧非長於

託大

伏波之謙退竟遭薏苡之疑曼倩之矜誇乃獲豚蹄

之賜倘所謂謙者非謙而誇者非誇乎趙盾之忠君

不免董狐之筆華元之背主反逢華袞之榮倘所謂

忠者不忠而背者不背乎

昭代叢書

已集

蠟談

二

世楷堂
藏板

讀書千卷然後知未曾讀書閱世百年而後知難乎

閱世

道德仁義都能殺人酒色財氣亦能生我

福兮禍所倚以德爲福仍倚於福禍兮福所伏以惡

爲禍仍伏於禍

少年做破題許多驕肆老人說故事無限悲涼

文章之士而希富貴亦貪矣造物豈成我之貪膏粱

之子而炫才華亦醜矣狂者必自露其醜

既爲名士何須與無名者爭名欲作善人何妨於不

善中求善

君子無所爭非無所爭時事不足以爭太上能忘情非能忘情名教自有至情

積惡之後必富貴惟富貴乃是禍基積善之後必貧窮惟貧窮乃為福地

豪放不妨止要於中道把握拘牽何害切莫於理上葛藤

擲擲么二三耆愈極愈輸板板六十四耆越讀越腐當前富貴咸據為私過後聲名獨享為愧

昭代叢書

已集 卷第十八

三

世楷堂 藏板

伯牙有流水之琴不如昭文有不鼓之琴淳于有一

石之興不如東坡有不飲之興

才子之窮不窮於貧不窮於世窮於不遇佳人志士之貧無貧於利無貧於名貧於欲為君子

舉世動輒求知恐爾之醜不可與人知今人大率自負笑爾之才從何處自負

何物為酒讀書為酒何物下酒耐性下酒不作寂寂便是清風常自惺惺足當明月洛誦之孫吾之友乎

藝苑之花吾之植也此中佳趣三十六宮都是春箇

內繁華十二萬年常自樂

美人芳草從筆底飛來名山大川自胸中湧出所以視彼姝為糞土比梁父於培塿崑崙泰岱在袖裏玲瓏弱水呂梁於硯中浩渺所以視殘山為碣石等剩水於滄江

半榻琴書半窗月斯為名士風流一篇文字一爐香方是雅人深致

伯俞泣杖已傷老母之心瞽瞍捐階欲成大舜之孝鴻鵠未成愧不為燕雀之笑蛟龍已就任他為牛馬

昭代叢書

已集 卷第十八

四

世楷堂 藏板

之呼

德之盛矣王道及於遐方時之衰歟佛教流於中國荆軻一不了漢制虎狼無法不死何為田橫非大丈夫聽孺子召來焉能為有

聰明誤我欲賒哭下之歎文字勞心卻羨階前之睡嫁女勿與寡婦之兒驕縱故也取媳當於寡婦之女

觀感深歎

從實地用功較元而又元者更上一層向內裏著腳比空無所空者特進萬倍

美玉多瑕奇人多癖不瑕不美是爲砒砒無癖無奇終非豪傑

多一繁華卽多一寂寞所以冷淡中有無限風流少

一交遊卽少一累墜不如書卷中有無窮益友

百鍊剛腸風霜挾之自我一團和氣魚鳥自來親人

讀書本不求名況曰黃金美女心齋自然常淨亦可

飲酒茹葷

顛倒折磨能立腳吾何閒然患難貧窮忽露肘人焉

廋哉

明代叢書

已集

蠟談

卷第十八

五

世楷堂藏板

忍不得是便耐不得是俗嬌不得是心圓不得是謊

喫得的是苦受得的是謗用得的是書取得的是善

逢得意則趾高氣揚謂之水上浮萍遇失意卽垂頭

喪氣謂之風中落葉惟畸人乃能相反在達者亦只

如常

矯最是好惟不可僞然矯者未有不僞直正是佳止

在於真然直者容或不真

俗人喜奉釋惟恐得罪於彼不知彼已得罪於吾俗

儒常以欺齊人折服乎人不知我已先失其體要在

陽以絕之必先陰以化之

好說人之姦者胸中必然不正喜議人之短者腹內

那有一長

俗客偏茹素山僧或嗜葷是抗俗之陋規有錢供大

士無力事嚴君是測人之通病

肚皮不合時宜我負腹腹亦負我面目自然可憎頭

責我我亦責頭

阮之眼界蘇之鼻端用以褻月旼花以之分蘭別麝

寧非花月陽秋可謂麝蘭月旦董狐避余三舍班馬

昭代叢書

已集

蠟談

卷第十八

六

世楷堂藏板

讓我一頭

余題睡仙一對云倦疲於津梁安樂窩中遊混沌恐

罹乎憂厄睡鄉國裏謁羲皇

寧安無妄之災莫受過情之譽又何咎矣無妄之災

不可道也過情之譽

耕者未達於膏粱織者未達於文繡讀書者亦未達

於道德替者無與乎文章聾者無與於鐘鼓做官者

亦無與乎政教

丈夫此膝不輕屈吾願低頭拜漂母丈夫此淚不輕

彈吾願滂沱哭項王

山陰道上自相映發不知映發在我不在山川瀟陵

橋邊綽有詩思可知詩思在橋非關才藻

著屐履苔鍛蠟且能適性聚花成圃灌畦亦自忘機

書畫愛而不戀不然經營細帙亦為貪花鳥過而不

留不然辛苦鶯花終是滯

雲裏陶宏疑是白衣宰相廷前商皓將毋烏有先生

物之巧者易敗人之巧者易傷物之尤者先壞人之

尤者先亡

昭代叢書 已集 蠟談 卷第十八 七 世楷堂 藏板

出門無至友探柳尋花逢人便寄書問梅候竹

天下何事最可憐驥老車中天下何事最可惜桐焦

爨下天下何事最可憂流水落花春去天下何事最

可憫淒風苦雨愁來天下何事最可危二鼠嚼藤欲

絕天下何事最可懼雙丸迅速如飛天下何事最可

思幽蘭香遠天下何事最可賞綠柳纒黃若夫可愛

者甚多不外於淡宕可樂者非少不在於繁華

未讀一句書即要立一說此小儒之所病方讀一句

書即要行一事非大勇者不能

笨而能讀是上上等聰明智而不良是下下人地步

頑要無益善乎昌黎之言曰成於勤而荒於嬉夾雜

無功善乎安石之言曰成於專而毀於雜發憤為雄

善乎呂錫之言曰能使好者勸而惡者懼卓犖為傑

善乎徐媛之言曰勿為善者憐而惡者快無不學之

聖賢善乎聳隅子曰知而不學猶不知有自強之困

勉善乎雙峰氏曰不敏而學猶敏終日乾乾善乎陳

繼儒曰不可使人怨我而我自恕惟日孳孳善乎朱

晦翁曰勿謂今日不學而有來日凡此數則自常書

昭代叢書 已集 蠟談 卷第十八 九 世楷堂 藏板

於座右敬寫一通特徧榜於通衢

蛟中之龍人知能變化人中之龍獨不知乎虎中之

豹人知有文章人中之豹獨不知乎伊尹之耕人知

非耕者耕者之伊尹獨不知乎太公之漁人知非漁

者漁者之太公獨不知乎是謂識小而闕大寧非知

往而味來

自今行之慎勿待後自壯行之慎勿待老

種花急望閱是見彈而求鴉炙得書不暇讀似賣餅

之忘涓城

牢騷時作瀟灑之語終究是牢騷窄狹人作慷慨之
狀畢竟是窄狹

韻態香心花來賞我忘情率意鷗不驚人

一往濠梁之想常自作詩無窮山水之思何時不畫
灌花特早起賞月獨遲眠其作息若此吸露為朝具
餐霞作晚供其飲食如斯遠山為屏障流水作絃歌
其服玩若是蕪徑風姨掃柴籬巫女封其使令何如
煖天春漠漠寒霧樹重重盍畫乎景入奚囊滿春深
詩料多盍詠乎花氣撲人醉風涼透骨蘇亦攤飯乎

昭代叢書

已集 蠅談 卷第十八

九

世情堂 藏板

坐遲客語倦茶熟睡初醒亦手談乎風鳴山谷應潮

怒海神驚正長嘯時之松風洗雨耳桂月淡初心是坐

忘之候故溪山不換王侯蘿薛不易簪纓

悟而猶戀似半醒半醉者越覺模糊行而即休似不

上不落者何處著脚

嬌花來媚我故幽寂之士不免懷春好事最磨人雖

懿粹之夫能無抱恨

雷鳴百里月映千江是以善教之化渙有號而易窮

普照之仁德無聲而莫聲

虛舟觸而不怒明鏡照而自形何則鏡有空靈之象
舟無福疾之心是以虛已遨遊患難險夷皆可入也
明心藻鑑魑魅罔兩莫能逢之

時收諛慕日買青山纔得百文即付酒家還債收來
一餅已與花月營生因知杖頭赤仄不必諱言囊裏
青蚨也慚羞澀但恐有餘不知所用須知繞地不言
猶有錢在鋤園揮去猶有金存

無田可耕簞瓢尚多困乏無糧可負菽水亦且艱難
然而樂滿胸中歡承膝下寒人之累寡貧子之愛深

昭代叢書

已集 蠅談 卷第十八

一

世情堂 藏板

也

負傲氣者是老莊欲與宣尼對壘然適成道內之黃
巢具英鋒者是孟子能於楊墨清塵故可謂儒中之
高祖

端木誤於聰明顏孫航於聲譽

黨人之智高於子禽武叔之頑甚於司馬

著書不闕才華出仕不希榮耀便特立儒林遠超宦

海

聚歡暫矣故情當離別片刻轉親相思深矣故人到

睽違兩心愈密

春柳秋桐似知離怨清風朗月偏解相思

沉有泚兮澧有蘭思公子兮未敢言多騁望乎佳期

蘭有秀兮菊有芳懷佳人兮不能忘起哀情於少壯

昔我往矣楊柳依依今我來思雨雪霏霏自是雅人

丰度老驥伏櫪志在千里烈士暮年壯心不已可稱

豪傑崢嶸

漢高之歌戚可憐兒女情長項籍之歌虞足恨英雄

氣短

昭代叢書

已集

蠅談卷第十八

士

世楷堂藏板

孟子好辯能開魚麗於左道之門朱子傳經自築崎

函於名理之窟

池蛙爭和自喜清音蚯蚓高鳴偏矜得意故人當戒

乎自足尤當明於自知

昆蟲皆戀生燈蛾偏愛死蹈趨炎之迹邪追赴鼎之

蹤邪

白鳥何兇飽貧人之脂血青繩可厭喧高士之軒庭

歎其剝之何窮苦於靡之不去

流水落花蚤知爾爾寒烟冷月姑謂徐徐

詩因窮而後工書以愁而益著是以嶺南柳子牢騷之狀欲訴無由海外東坡充實之文不能自已

雜說附

匠氏之為囹圄也既厚其牆垣而加扁焉獄吏過而問之曰囚非有讐於子何防焉若是乎曰吾慮其不固也他日繫獄獄吏繫之急匠曰吾非有讐於子何防焉若是曰吾慮其不固也

法相自災法相非能自災也天災也天非能災法相也法相自災何言乎自災曰自取之而自受之明非

昭代叢書

已集

蠅談卷第十八

三

世楷堂藏板

人之所能累亦不能累人云爾

某氏之子聘於某氏之女未成婚而遇於巷不知其

為匹耦也兩目招之而兩心許之亡何成禮則闔然

巷遇之人也兩目反之而兩心離之

人有夢桎梏者及寤而喜似真被桎梏而脫之者有

夢珠王者及覺而悔似真有珠玉而忘之者庸詎知

貧賤之死不喜其桎梏而脫之耶庸詎知富貴之沒

不悔其珠玉而忘之耶夫喜之與悔之皆非也獨不

有可喜可悔者在耶人不喜其可喜而喜其不可喜

不悔其可悔而悔其不可悔亦可憐哉

昭代叢書

蠅談
卷第十八

三

世楷堂
藏板

蠅談跋

白雲先生清言數十則元著超超玉屑霏霏名士風
流宛乎可接先生自命曰蠅談余讀之數過但覺齒
頰生津醴醴有味耳癸丑仲秋震澤楊復吉識

孫
貞起允升校字

昭代叢書

蠅談
已集
卷第十八

四

世楷堂
藏板



東齋脞語

東齋勝語

雜編卷第二十四

野史

長洲吳翌鳳枚菴著

宋慶厯中俞成嘗著矢于棠說謂三十六家春秋皆以矢為觀非也引周禮矢其魚鼈而食之直作射解

成字元德東陽人即著螢雪叢說者

十八般武藝一弓二弩三鎗四刀五劍六矛七盾八

斧九鉞十戟十一鞭十二簡十三搥十四叉十五叉

十六把頭十七縣繩套索十八白打

康熙二年以八股制藝始於宋王安石

取代叢書

庚集 東齋勝語 卷第二十四

世楷堂 藏板

詔廢不用鄉會試改三場為二場首場策五道二場

四書五經各論一首表一道判語五條起甲辰會試

迄丁未會試皆然尋

詔復

雍正五年

諭將本省知縣入簾之例概行停止議將鄰省在籍

候選之進士舉人確訪文行素優者縣府保送督撫

親加驗看俟鄰省調用仍每人給路費銀三十兩已

酉壬子兩科皆然

崑山葉文莊公 盛 書樹銘云讀必謹鑠必牢收必審

閱必高子孫子惟學敦借非其人亦不孝公正統時

人萊竹堂書目秘本十居其四三百年來聞猶有一

二存者其畱貽遠矣

明季藏書浙中為盛而鄞縣范氏天一閣尤富立法

亦盡善其書不借人不出閣子孫有志者就閣讀之

故無散佚之患其閣四面皆水讀者不許夜登不嗜

煙草故永無火厄迄今三百年雖十七四五然所存

尚可觀也外此則山陰祁氏嘉興項氏 國朝秀水

取代叢書

庚集 東齋勝語 卷第二十四

世楷堂 藏板

朱氏藏書亦富然一傳再傳俱已不脛而走矣

余愛觀雜史及小說家言嘗欲采其事迹稍異者勒

為一書分十二門曰說概曰事瑣曰文綴曰異林曰

醫測曰相鑑曰卜史曰字觸曰夢占曰術幻曰諧傳

曰笑叢向未卒業也

張鍛亭先生

景崧

字岳未余師素村

乃翼

雨蕉

應詔

兩先生之父也康熙己丑進士官樂亭知縣慈祥豈

弟有古循吏之風一日以事公出及歸縊死輿中矣

家居時嘗蓄一妾夫人素悍妬乘先生遠宦輒遣去

之先生深以為恨云先生有借米謠三首云我無奈
向君哭悲君借我米一斛願來生君作主人我作僕
憑君時時呼喚我只小心伏侍直到蒼頭禿一君不
肯我再求懇君借我米一斗願來生君作富翁我作
狗憑君時時呼喝我只擺尾搖頭常守家門口二君
不肯我再歌懇君借我米一籬願來生君作頑妾我
作夫憑君時時炒鬧我只粧聾做啞半死半糊塗三
張氏世居吾里樂橋之南金聖歎居憩橋巷相去不
數武素相得也函西先生編 鍛亭父也一日堂中召

聊代叢書 庚集 東齋勝語 卷第二十四 世楷堂 藏板

仙聞叩門聲甚急問仙云何仙判有奇禍有奇禍不
可開不可開十二字久之叩者方去探之則聖歎糾
往哭廟也後在事者皆坐大辟微仙則先生危矣先
生中乙酉副榜與鍛亭同科

語云見短人不說矮話余謂并不可說長話如誇科
第于異路前程述家世于白門暴發俱是取忌之道
一日友人處會話有客驟至向主人述回祿事指其
梁曰火從此出指其窗曰火延至此又指其側門曰
內有一棺再擡不出言猶未已而主人已大怒矣

東坡祖名序故為人作序多作引

前朝大內貓犬皆有官名食俸中貴養者常呼貓犬
為老爺

宋制駙馬選尚者降其父為兄弟行見紀事本末

晉葛洪自號抱朴子唐白居易自號醉吟先生司空
圖自號耐辱居士此別號之濫觴也東坡山谷遂沿
其流至明而始盛沿及今日非別號不書非別號不
呼座中稱述莫知誰何雖優伶僕役販夫豎子亦無
不有別號者矣吁可異也

聊代叢書 庚集 東齋勝語 卷第二十四 世楷堂 藏板

退攀睛翳膜方用人退乳汁炒 山甲炒 蟬退洗淨
退洗 鳳退炒 共五味每三釐為細末患人含水一口
左眼吹右鼻右眼吹左鼻再以錫為眼樣合患眼上
三次即愈

治爛喉痧方用犀黃一分甘草人中黃六分人中白
三分圓明砂六分朋砂三分雄黃三分黃檗六分雞
內金八分青黛三分木鼈子三分燈草灰六分冰片
一分各為細末搗和吹之有奇效

余友王純孫兩 嘗考區田之制勒為一書云一畝之

入可博常田數畝之利惜無由驗之也余攷雍正二年直督李維鈞奏云稽之往昔伊尹耕莘之時有區田之法收穫倍蓰臣繪成區制在保定城內賃地二畝催人試行之其播種灌溉尚未如法而二畝之地已收穀一十六石若無地窮民得荒廢之地數畝俾其區種則數口之家即能養贍或歲遇旱潦倣而行之於農功大有裨益奉

殊批區田一說向日視為迂闊之談亦未聞有行之者觀爾所奏收穫倍蓰則非荒唐矣此法倘能通行

昭代叢書

庚集

東齋勝語

卷第二十四

五

世惜堂藏板

獲益良非淺鮮

云

夫以少獲多其法良善特恐得

行之後所望既奢稍不如意反為民累此

世宗所以不遠行也則區田一書亦作故事觀可耳

故明徐岡卿園在閭門外下塘中有太湖石高三丈

餘嵌空瓊瓏中夜有光名瑞雲峯相傳朱勳所鑿也

園久廢為踞布場此石巍然獨存庚子

南巡移入織造府

行宮

宋元以前府州軍城內復有子城王禹偁黃岡竹樓

記云子城西北隅俗選古文訛為子城又訛予為余

壘師遂承其謬千口雷同習焉不察矣吾蘇子城周

土運里漢唐以前郡治皆在其中張士誠據為太尉

府張敗夷圯畧盡今自乘魚橋以南至金姆橋而東

高堦迤邐是其遺址東有鼓樓坊即內城之鐘鼓樓

也城四面舊有水道所謂錦帆涇者今皆淤塞惟東

尚存故蹟稱為濠股俗復訛為河骨今吳人罕知有

子城者矣

橫塘虞

敏

字昂之詩古文皆工少遊山右長官滇南

昭代叢書

庚集

東齋勝語

卷第二十四

六

世惜堂藏板

江山之助才思益壯尋以省親告歸結話年村舍花

晨月夕諸同人聯騎訪之好事者有話年村舍八景

之目曰古渡風帆南莊麥浪賣魚深柳榜伽梵鐘范

村晚煙蘆渚秋月橫山積雪越來漁火同人爭賦之

誠一時盛事也

楊口口

繪益

昂之舅氏也其居即割話年村舍西偏

之地榜曰凋瘦山莊精舍三楹中懸文彥可雪窩二

篆書人遂稱為雪窩先生庭中花卉四時不絕而拒

霜尤盛煮茗焚香門無剝啄昂之贈詩云山空世事

盡花滿故人稀皆實錄也性孤僻屏去童僕孑然獨處至親自汲爨不以為苦余嘗訪之鹽菜吹花衰回不能去孫公執戲為賦山莊六景詩極工六景者佛然燈觀帆石浴鶴盆種藥畦芙蓉欄栽竹徑

宋時最重牡丹而中州洛陽為第一蜀天彭次之品目繁夥開多佳種歐陽公陸放翁之譜可考也數百年來名種既絕人家植玉樓春一木輒開筵召客以賞之為可晒爾近惟上海法華鎮牡丹甲天下而人罕知者其開口氏口氏尤盛栽培別治各有其法花

昭代叢書 庚集 卷第二十四 七 世楷堂 藏板

開滿畦五色開出每本一花大如盤盂可直萬錢然止可就觀不肯贈人即贈人人亦不能種也陳復生元基嘗往觀之歸誌其異述其品目凡三十餘種曰雪塔色絕白開足後花瓣根微帶淡紅以太平樓純色白花開下層如盤中層片如扇近心處如孟開足時色如杭州結綉有光其花雖起樓而由外包內多區間下西岐色純白瓣密如綿紗形極圓有長尺許甚高不西岐色純白瓣密如綿紗形極圓有長尺許之綠放此萬山積雪色白與西粉磬色純白形種極高此萬山積雪色白與西粉磬色純白形色純金星雪浪色白瓣大如蓮花每瓣有范陽紅色赤有光之朱家紅色正赤有光如霞光色深銀紅如大紅緞之朱家紅色正赤有光如霞光色深銀紅

如副紅色較朱家為淡較太真晚妝楊妃四面觀音盤揚妃色小桃紅名寶珠大紅色似未漂花紅繡形如截筒小桃紅名寶珠大紅色似未漂花紅繡毬淡銀國色乾紫左家紫色深紫如玫瑰紫淡紫有尺許者紫磬形同粉磬紫毬形圓如毬潑墨紫色之最深者望之磚色青色青蓮縹錦色中似青蓮如以赤緋清碧有光磚色青色青蓮縹錦色中似青蓮處吐綠色瓣五火輪紫羅襪色深紫花瑞池紫形如鳳仙春曉色於白平分秋色道不分兩半此為瑞綠蟬花全白中有綠心猩紅嬌豔花形如孩兒面淡粉紅色綠蝴蝶未見其開也有綠放文放武放

昭代叢書 庚集 卷第二十四 八 世楷堂 藏板

之別綠放者初放綠如碧羽漸放漸退請白花以此為佳文放者逐層細開以漸舒足武放者花力極壯不待勢舒花瓣迸裂而出也凡花瓣以堅厚挺舉經日不垂雖開放圓足至極不焦不卷落則盡落無先墮者為上品其間半先落或花瓣易靡者為下撮其大要於此俟作瀋城牡丹譜焉

禮諸侯蓄大龜藏文仲居蔡是言其借山節藻稅議其奢侈截然兩事

季氏富於周公孔安國曰周公天子之宰卿士也恐

不指元公

作史不相沿襲史記述封禪晉書附載記北魏南齊志符瑞唐書表宰相世系五代傳義兒伶官遼之游幸金之交聘明之士司體例不同皆不可廢惟班氏既號漢書而古今人表上及皇初最為乖謬其閒品第顛倒不倫宋史既列儒林復傳道學不知別古今通天地人之為儒儒之為義至大儒林即可就道學也惟行聖公宜立一世系傳附諸王列傳之後

昭代叢書

庚集

卷第二十四

九

世楷堂藏板

理者入之道學不知漢人釋經言歸實際宋人講性語多元與自道學盛而經術亡矣

嘗讀王性之默記載晏元獻守長安有付中富民素事玉獨體因而致富後兄弟異居欲分爲數段者詢之乃得于唐明皇泰陵元獻因言唐小兒元宗爲上皇遷西內李輔國令刺客夜攜鐵鏈擊其胸背作聲聲元宗驚謂刺客曰我固知命盡汝手然我嘗服玉腦骨皆成土又服金丹今有母在固自難死汝可破腦取丹我乃可死也刺客如言取丹乃死張文潛明

道雜誌亦載其事長安富民安氏獨體作紫金色其餘與默記所載畧同肅宗之舉庸可追乎惜乎劉昫歐陽文忠宋景文三公或未之知也

史書有絕可笑者如舊唐書載薛懷義于外戚傳是也又漢書元后傳有弄兒不知是何等人

列仙傳洪厓古偕家路史少昊紀云老子母無夫又云老子父乾元某年七十二無妻與鄰人益壽氏野合而娠十年而生皆誕妄可笑

昭代叢書

庚集

卷第二十四

十

世楷堂藏板

胭脂水墨塗煙深霧重倩誰扶沈香亭上花無影葉老春殘喚鷓鴣詩畫俱絕妙書法亦酷似李北海可寶也先生所居即文恪公之怡老園其中最勝曰彩霞閣閣後芳草堂則先生鵬詠處也東壁有水墨牡丹一塚乃先生醉後所寫千花萬葉如入衆香國中令人應接不暇予甫冠即與先生之從會孫子賢三餘范賢交晨夕登堂摩挲賞玩者逾十餘年未幾三餘亡既而子賢死范賢亦遷居吾里樂橋之南太原諸君萍蹤落落遠與此堂相聞隔年與玉山百川

蹤迹頗密而堂已傾圮壁上花光與春風俱去矣屈指二十餘年文酒友朋之樂幾同隔世披圖展觸愴然久之

沈桐威起鳳工傳奇梨園所演如報恩猿才人福諸

劇足維李笠翁萬紅友無異辭矣聞為葉兒散套亦

復工雅絕倫嘗泥其室人張湘人靈以金釵作贊拜

為閩塾師桐威譜北曲一套示之今錄于此北新水

精簾卷畫堂高燕呢喃春風四繞金猊香氣散銀燭

影紅搖一翦蘭翹有一箇俏門生贊禮到駐馬環珮

昭代叢書庚集東齋雜語卷第二十四 七 世指堂藏板

聲飄一捻風吹楊柳腰理瑜拜倒幾絲雨壓海棠嬌

一天風韻總難描三章約法從容告從容告打頭先

改卿卿叫沈醉東風翡翠林書林恰好芙蓉帳絳帳還高

戒癡情莫折花懲閒玩休尋草便早來點綴眉梢彩

筆何須畫百遭破工夫日臨畫彙折桂每日價日上

花梢地殘繡譜卷上鮫紉字臨衛女詩吟蘇蕙史續

班昭喜清課賣花聲杏催好句心字香燒紅了櫻桃

綠了芭蕉舊園亭由他蝶鬧新臺榭不共鶯睂沽美

便盼到冷惺鬆花月宵傍春臺燈並挑且說箇春燈

謎子伊知道夾襍些美人名號也一一費推敲太玉

那不是挂龍樓鳳榜蹊蹊這的是繡閣規條買幾箇

俊婢垂髻鎮伴你添香拂燭一種種花嬌柳嬌儘意

兒細教連那小鸚哥也聽來熟了離亭宴帶秀才學

問誰曾飽書生不慳從來少他日箇風閣名標替著

俺寫韻箋替著俺騰書草替著俺題清照這溫家玉

鏡臺俺曾把臯比靠休只要放頑皮將師嚇倒笑煞

那荀家兒背炭焦張家兒眉亂描怎踏著俺風流竅

你做陸家卿俺做寒山趙考案詩勝拾了泥金捷報

昭代叢書庚集東齋雜語卷第二十四 七 世指堂藏板

且揚隻洞房歌搭著白頭吟唱到老未幾彩雲飛去

桐威送賦悼亡蹤迹多在倡樓角場上矣

吳縣學舊在郡城西正統三年周文襄以其湫隘始

遷於昇平橋之西見蕙辭蓬軒吳紀

張士誠被圍日久城中食盡一鼠至值錢三百革履

鞞靴煮以充飢李白成圍汴城中樹皮草根既盡至

食藥材及馬矢

明京師姚生為錦衣指揮門達館客詩文尾用私印

曰錦衣西席吳江甘驛丞內翰江東之指也亦有私

印曰翰林東牀於時傳為絕對

余友江仲林蕭客惠松厓先生棟弟子也松厓門下

多窮經之士江鯨濤聲以尚書名家仲林獨工於詩

間復疏述經義有文選音義古經解鈞流行於世嘗

注蘇黃滄海集未成而卒無子其室人亦相繼死遺

書零落盡矣有弟子曰江藩亦能詩宗山谷派頗不

羈

海鹽張芭堂燕昌示余周書卷南唐書箋注頗稱詳

贍惜少剪裁海寧宗兄葵里商刻未果也芭堂多

賦什庚集卷第二十四

才藝精鑒別嘗著金石契子有其本葵里藏書充棟

予嘗借抄淳熙三山志厲氏遠史拾遺諸書二人皆

浙西博雅士也

陳芳鄰世華鍾庭學士孫也雖以貴仕然富有才藻

詩古文皆工嘗戲作瘞阿黑志銘云乾隆丁酉靖安

縣尉徐翁向奉新鄉民買一牯其生年月日不可

詰矣頭項背尾光勳如漆越三年翁棄官還山陰歸

遂入承嗣承元和陳治泉也因字以阿黑復聘狸奴

配之黑身肥性慈當四腳撩天時雀啣鼠搏同階階

也喜踞廳事几案上若效主人莊蒞者有友見而固

求於是蒙面納竹籠中攜去友家西門外踰數日覓

路逃歸咸歎異焉凡主人偕眷屬遠行則狸黑必隨

狸巧慧能飲酒生子曰旺性頑色亦不類厥父旺病

黑嘗擁護旺長大尚索乳每昵黑而忤狸蓋由母溺

愛使然云癸卯季冬黑忽患癩比劇藥弗效以甲辰

二月廿二日卷臥而逝主人素佞佛爰誦往生淨土

真言若干編裹以草席瘞之後圃并為之銘曰仙猶

與鶴異畜同靈分委蛻體設反真冥冥兮華陽而後

耶代東齋雜語卷第二十四

誰傳此銘兮芳鄰今為湖口令

余師徐寧寰先生仲登乾隆壬申賢書丁丑下第歸

得羸疾明年冬遂卒時尊甫懷三先生章尚存遺孤

甫三月耳聞十餘年懷三先生歿又數年遺孤亦

天死夫人王氏文恪公九世孫余友范賢伯姊也

青燈白髮無聊賴矣先生未卒前嘗作自輓詩余昔

成誦恐久而漸忘爰筆於此序云汲西徐子年三十

一歲為二氣所侵百憂所并羸弱骨立不思飲食有

二豎子者擇膏肓而據之醫士袖手莫能誰何將返

駕於清虛之府枝神於碧落之墟蟬蛻蝶化行有日
矣宵腸開非痛非樂若曠若戀有一種不可解者因
以梅花一盞竹葉半杯召其靈而奠之且哦四詩以
自輓倘平日曹好有不忍其去者或屬和焉若其素
所乖隔者方怡然曰此子死不早矣何以輓為則亦
不敢強也詩云大造日以轉萬物如浮漚聚散尚無
主况乃恩與仇偶然用小習風疾遂不瘳揮手自茲
去天地真悠悠 茫茫青草中斷碣何朝文蕭蕭白
楊樹後世何人墳今我亦到此舒卷隨浮雲乃有塵
昭代叢書 庚集 東齋勝語 卷第二十四 世楷堂 藏板

世慮回繞滋紛紜 二 衰親親遺骸咤歎處心魄病妻
血淚枯只怨幽明隔而我遊冥冥俯闕以闕隙彼自
肝腸摧於我何損益 三 從古有百行不問窮與通亦
有父不孝交友安能忠殺子而棄妻猶乃誇雕蟲仰
面但一笑浩氣浮虛空 四 荏苒二十八年先生墓木
已拱庭堅不祀若教僂而可勝痛哉

吳江進士楊列歐 復吉 蚤歲科名高才好學嘗著虞
初餘志一書搜羅甚富與戴壽豈 延年 交善因戴以
交於余嘗寄余借書啓云屢伏荒江學窮頓祭蜂鑽

故紙識愧螢乾望文海之汪洋無從津逮羨藝林之
葱鬱何自伎攀閒披漫士題評省識古歡祕冊人原
斧桂更傳寫韻家風里號干將卽是瑯嬛福地鄴侯
萬軸悉梨棗所未登惠子五車盡宋唐之善本手鈔
非易目睹爲艱何意刻源傳來尺素爲言次道許借
一瓿慨分魯壁之光豪子枵腹肯發曹倉之覆富我
貧兒定知簡授龍威不啻枕搜鴻寶從此沾膏句馥
摘豔熏香半豹行窺百朋如錫矣又贈余沁園春詞
云我耳枚菴藉甚香名十有餘年悵寥寥居近問奇
昭代叢書 庚集 東齋勝語 卷第二十四 世楷堂 藏板

空願盈盈水隔御李無緣間暇書城偶窺藝苑省識
吳門有謫仙今何幸得假途刻棹維誦瑤編 鱗鱗
生紙雲煙更咳吐隨風落九天看七襄機組賀囊錦
嘔十華券合江管花鮮百一刪存千秋業在嘗鼎何
殊見豹全披吟久勉盟將薇露題向筠箋時壽豈以
余詩質之故有是詞

丁亥清明後一日與諸同人結水村詩社陳文瀾 學
海 周浣初 翁 陶淨蘅 翁 沈桐威 起鳳 徐道耕 春爾 陳
復生 元基 戴壽豈 延年 余式南 尚德 林煜奇 蕃鍾 及

余凡十人各有詩數十首余嘗爲水村詩友歌紀其

事未幾浣初亡最後煜奇死諸君子或出或處合并

爲難矣又嘗與桐威壽豈煜奇暨施實君源爲填詞

數年以來余得詞四十餘閱彙爲一卷長塘鮑以文

廷博延博慇懃刻之并題四詩於後云烏絲豔趁燭花紅

樂府新調錦字工不枉江東誇白苧高樓一帶鴛鴦

中自注一帶高樓在鴛鴦聲中式林詞人島嶼之玉手銀筵冷無聲一樹幽

花撲眼明樓影沈沈策策寂寂更知何處覓深情愛唱

西湖楊柳枝扶煙泣雨一絲絲曉風殘月紅牙板多

昭代叢書庚集東齋語跋卷第二十四藏板

欠吳郎絕妙詞自注集中如詞極工老來客裏恨情多子夜清

詞午夜哦已是無腸爲君斷不須重喚雪兒歌然余

自慙荒穢終未敢出以問世也

余嘗得高麗墨一笏甚薄而輕光黝如漆磨之急切

不能下有四字曰首陽梅月背畫梅月之形極疎古

馬心培森愛而取去

舊例京堂三品以上外官督撫凡不入京察大計者

三年任滿必舉賢自代名曰遵例白呈

上溫旨慰留之間有更易乾隆初始罷

東齋語跋

枚菴自丁未夏幕游旋即挈家僑楚已酉秋曾通尺

素邇年則蹤迹杳然手鈔書籍爲其友斥賣殆盡良

可惜也今春海昌陳子仲魚攜示茲帙云購自吳門

書肆展讀之下恍聆警欬因亟爲校錄殊不勝停雲

落月之感焉丙寅春分日同郡楊復吉識

孫貞起允升校字

昭代叢書庚集東齋語跋卷第二十四藏板

大

藏板



火

陽

贊

華



叙

昔先大夫聚書萬卷手不停披潛志探討學甚博而識甚超兼好網羅遺事
軼聞搜剔名跡古器多所表著平居嗜記所及問復參以論說隨時筆之積
久成若干卷家近海上之尖山因名曰尖陽叢筆此雖未盡所蘊而其援據
詳明議論精確已足爲學者考證之資是本出鈔習字多訛外晚年審定時
尙有增損塗乙及引舊存疑之處朱墨燦然皆大夫手筆也因其中論詩諸
條已載拜經樓詩話故此書未卽付梓藏之篋衍傳示後人而已今親故中
雅有餘慕數數訪求遺楮向淳索觀焉竊慨所存撰著未刊行者猶十有餘
種淳卒卒未暇徧讀先取是編略校亥豕將重爲寫定以應索觀遺著者謹
書數語於後聊志執硯之感云爾道光丙申歲九日望日孫之淳敬識於竹
下書堂

周禮夏官玉璽讀如薄借其之綦結也皮弁之縫每貫結五采玉十二以爲飾謂之綦詩云其弁伊綦賈公彥疏云薄借之語未聞按說文縹字注帛蒼艾色詩曰縹衣縹巾未嫁女所服一曰不借縹蓋薄借其即不借縹以此爲未嫁女服故云不借也楊用修引草履名不借者以合之非是

海寧演武場在宣德門外旁多隙地乾隆戊子有耕者發地得古塚志銘刻于甃取之以歸而仍掩其墓按銘爲唐故汝南周君墓志并序其文曰君諱文遂字道從祖諱昂先父諱通君即通之長子也幼讀儒書長而習禮弱冠之歲咸豐所知內孝親姻外穆僚友不能苦溢于琴酒乃精職于監司三五年間榮譽可獎何期未中公表奄卒壯年嗚呼霜劍摧鋒鳴琴絕

軫春秋三十有五大中二年三月十五日歿于天長之私館也以其年十月二十九日附于先祖妣王夫人列域以爲窀穸禮也娶宏農楊氏恭孝內諧舉案從禮一子三歲名曰小君令弟二人文遇文造恨鵠原而違絕誰濟急難桐荆幹摧雁行何續敢忘兄友銘誌弟恭固請長詞用彰後紀者焉銘曰嗚呼周君世命奚促三十五年福來衝福手劍摧鋒身紳棄玉欲濟舟傾風前失燭一旦歸冥百齡何贖千歲之中再生王國右凡二百八十八字脫一字漫滅一字真書字法蒼勁如歐陽率更賦之上塗花甃瓶盎甚多俱爲擾組所毀今此甃藏周范兮大令家明雲夢鄒郎中觀光常于先塋側掘得唐人墓志銘乃大中元年十月癸卯日所葬其姓氏多剝蝕不可攷與此甃時僅先數月而此甃姓氏歷歷可辨尤足珍也鄒得誌爲文祭而瘞之

詩草山章舊注大夫行役于外其妻獨居感時物之變而思之如此宋康流

先生云此詩小序云大夫妻能以禮自防也余讀此序而知讀詩之難也向讀此詩以爲舊注之說確不可易也及再四思之凡人離別之久念之而憂憂之而傷苟得一見則憂傷之情快然冰釋矣出車之詩曰未見君子憂心忡忡既見君子我心則降是也此詩則曰既見矣又曰既覩一何沉吟反覆徐然後解者何其舒緩而不切于情也以此詳究之其爲咏初嫁者無疑泛見曰見接見曰覩初嫁之時惟恐不得當于君子而貽戚于父母故憂之而至于傷悲是其所憂者不在于難見而在難於相接故憂之釋必于既見而又既覩也其謙畏自持之況于二語想見之以是知序首之語非後人所能揣摩也按康流此論與正義正合惟既覩鄭氏引易男女媾精萬物化生之義以爲既婚之後男女精氣相親遇以親訓媾微

不同然視舊解理爲勝也

莫赤匪狐莫黑匪烏集傳以爲皆不祥之物人所惡見者箋疏謂君臣同惡無可分別之意讀詩略說云晉成公綏烏賦序曰烏之爲瑞久矣以其反哺識養故爲吉烏漢書御史府有朝夕烏去數月而御史大夫罷唐書柳仲郢每遷官必烏集其第是漢唐以前皆以烏爲祥也狐爲妖爲喻小人烏爲祥以喻君子赤者其色顯黑者其色晦莫赤匪狐以喻顯者皆小人莫黑匪烏以喻晦者皆君子也

按江南烏夜村詩何準宅女生之夕群烏啼女後爲晉穆帝后册立之日羣烏復啼是晉時亦以烏爲吉鳥也

陸文裕傳疑錄管疑水經注之僞據通典以爲吳越春秋越絕書之流近德清胡東樵云隨書經籍志有兩水經一二卷郭璞注一四十卷鄭善

長注皆不注撰人名氏舊唐志始云郭璞作元注曰百詩云璞注山海經引水經者八豎此經出璞手

新唐志遂謂東漢桑欽作欽成帝時人而所稱多東漢三國時地名故

先儒皆疑焉又按潔水鄒注引桑欽地理志易水濁漳水並引桑欽他注

中或舉本文則必尊之曰經使此經果出于欽無直斥其名之理元注疏

解孔君或曰欽作于前郭鄒附益于後或曰漢後地名乃注混于經蓋欽

所撰名地理志不名水經水經創自東漢而魏晉人續成之其名無可攷

非一時一手之書也又云是書傳習者少錯簡闕文訛字不可勝計或謂按

原本當有別無洛源等篇趙賦夫水經注釋已補之矣宋初猶未散佚而崇文總目云鄒注四十

卷匹其五則仁宗之世已非完書矣

按唐李吉甫有刪水經十卷金蔡珪有補正水經三卷元歐陽原功序

謂可正蜀板遷就之失錢守王有影宋抄水經原跋云水經舊有三十卷刊于成都府學宮元祐二年運判孫公得善

本校之才三之一耳乃補正重校凡益編一書今並不傳明南昌王孫

朱謀埠水經注箋雖多校正而謬外尚復不少欽項氏踵而刻者但有

剽襲之陋略無是正之功其餘明刊俱無佳本東樵與閩潛邱黃子鴻

校閱水經頗為詳審子鴻又從而為之圖鄒全吉士和有七校水經

注陳和叔黃中撰水經糾誤仁和趙太學一亦有刊誤及水經注釋

以為原本有大注有小注別為疏錄并補水名引注最廣歸安沈東甫

炳震及其弟炳有水經釋惜未見之他如胡氏之禹貢錐指齊氏石

南之水道提綱並可補水經所未及惟黃梨洲徵君之今水經乃未成

之書故水道言之多不備

王孫一名而具五義史記淮陰侯傳吾哀王孫而進食蘇林曰如言公子也

蟋蟀名見詩疏太湖洞庭兩山間有蟲類蟬聲如鳴箏土人呼王孫柳子

厚有憎王孫文乃猴也本草云王孫即牡蒙

世說新語注云桓元不立忌日惟立忌時南史張融傳融有氣義忌月三旬

不聽樂後世但知忌日而不知忌月并忌時亦未嘗言也通典行禮帝納

與王彪之書以九月為康帝忌月王以禮經無忌月之文定九月納后

昔人慎重家忌非特男子即婦人亦不敢忽王得臣塵史載丁晉公三

十六事某氏女子嫁時簾有繆衣一襲禮疑問其故曰若婦在家遇私

忌則服之以慰舅姑耳蓋女子既嫁猶守其私忌可想見宋時禮教之

重

劉原父晚年病不復識字至日月兒女都不能辨或謂知永興軍多發墓求

古物所致劉跋暇日記云

咸淳臨安志臨安縣東山塔影倒垂以為異吾州硤石之東山智標禪師塔

其影獨見于秀水縣北一小池中蓋相去百餘里也構李真如寺北壁有

三塔影天陰閣戶則影愈顯而此地並未嘗有塔不知影從何至又江甯

牛首山寺塔其影獨照伽藍殿上供桌倒立甚分明北京彰義門外天寧

寺塔每于殿門掩時窺之其影亦倒

尖山觀音殿前一石盤陀安指南鍼其上則轉而北指又東十餘里談仙嶺

側一石亦然俗稱倒鍼石蓋下有磁石所致

蔡洲凡有三一在襄陽岷山東南一里漢水之上後漢蔡瑁所居魏武帝造

焉王維哭孟浩然詩借問一在金陵上元縣西十二里宋高祖破盧循

處見元和郡縣志一在衡州耒陽縣水經注耒水西北過耒陽縣之東側

注西北巡蔡洲洲西即蔡倫故宅

今之遊蘭亭者求右軍故迹不特茂林修竹風景已非即流觴曲水之地亦

無可據蓋今所謂去蘭亭舊址遠矣晉時蘭亭在天章寺側元末寺與亭並燬于火明永樂中僧智謙重建于今地距舊址幾二里

水經注云晉太守王廙之嘗移亭水中今亦無可攷

甬上萬指揮文明永樂中備倭海上頗著威名嘗夜中以舟師下哨象山之鏃門遙見雙燈來海上以為寇至挽弓射之一燈應弦而落俄頃風濤大作一軍盡沒始知所射落者龍目也指揮時年二十有二鄉人立廟祀之號曰射龍將軍後此龍嘗化人形就醫者治其目醫以藥傅之而去他日復來醫治如前適有小女從門隙窺之則儼然一鱗蟲也大驚而呼忽風雨晦冥失龍所在自此不復至但時時入東錢湖養其創云

錢孝直敬忠鄞縣人也父若庶萬歷中知臨江府忤神廟旨坐事論死長繫三十七年孝直自幼從獄中受書萬歷己未捷南宮若庶年已八十老病

危篤孝直不赴廷試巡歸侍湯藥若虛中會熹宗踐祚亟走京師上疏救其父不得則請以身代父死情詞懇惻聞者皆為隕涕疏三上終格于吏議遲久未得命旨孝直益憤激每夕為文籲天泣盡繼之以血自誓必死又念徒死終不能出父罪乃因服跪于門外哀訴閣部諸臣為已轉請若庶竟得釋以天年終于家孝直後成進士官刑部主事乞休養母幾二十一年母終出為宣城守免歸甲申後僑居峽石踰年卒殯于審山邑人查孝廉繼佐為誌其墓後其子肅樂返葬阜前青山

國山在宜興縣西南六十里上有東吳天璽元年封禪碑立信中郎將蘇建所書高一丈圍徑一丈二尺而廣而旁狹其形似圓而略有方勢文周四面蓋仿秦泰山石刻之制也按吳志陽羨山有空穴中廣十餘丈名曰石室在所以為大瑞乃令兼司徒董朝兼太常周處封禪國山予嘗詣碑下

拓其文書體兼篆隸瑰琦奇雋頗有先秦遺意惜文多漫漶惟近土一截尙完好文稱朝為大司空而吳志以為兼司徒此亦可補三國之注也

此碑全文載雲麓漫抄凡九百餘言當時不可識者尙七百餘字而今可辨僅得其半蓋碑立山巔上無覆蔽風雨之所剝蝕樵牧之所侵伐日甚一日故三國至宋字畫山深至淺尙多可讀山宋至今自淺而之漫滅竟莫可識此亦理之必然者今碑西南兩面俱有裂紋再推揚數年必致斷落考金石錄分為上下二碑王象之輿地碑目分為封禪國山二碑俱皆誤此碑俗呼回碑以其形圓八出也王漁洋分廿餘話又以回碑為天發神識碑尤謬天發神識則天璽元年紀功碑在建業紫金山乃皇象書俗謂之三段碑也

虛無殿以為此二碑皆蘇建書

鄞縣全吉士祖望相傳為同邑錢公肅樂後身人未之信其後吉士舉子初

墮地而錢後人之來賀者已在門詢其何知之遽也日夜來聞影堂中人言曰謝山舉子可喜可喜是以知之耳謝山全別號也故吉士有五月十三日舉子詩云釋氏語輪迴聞之輒加嘆有客妄傳會謂我其宿根瓊江老督師於我實前身一笑姑應之燕說漫云云昨聞正氣堂豫昔將難辰在我終弗信傳之頗驚人聊以充談助用怡湯餅資先是謝山有兒生而穎悟其舅蔣蓼厓曰為神童六歲而殤母哭之慟忽張目曰無哀當再來補之後十年而謝山生故小字補兒

先康流先生朝瑛滄深經學其讀易春秋三禮詩書俱有略紀凡數十萬言雅為姚江黃梨洲徵君宗義所推重為人仁恕吏事非其所長其知旌德縣也庭可羅雀每視事聞笮楚聲輒以袂自障其面吏因緣為奸亦弗問一旦得巨盜康流故短視相對久之曰視若狀何酷類吾河東三舅耶盜

卽飾爲舅誑詐百端遂相持而泣終不加刑其實舅死久矣未幾以憂去遂著書以老

鍾政和海昌人也工詩及長短句風調清逸而知之者頗少靈壁途中絕句云二月征袍尚拂霜北來氣候異吾鄉春風到此渾無力草木吹青柳未黃暮投茅店暫停驂欵枕繩床室似龜一夢依稀是何處酒樓燈火似江南又靈壁卽事望江南詞云靈陽地何處是怡情瘠土春深稀見草荒城樹少不聞鶯鶯誰說是清明靈陽地空闌少人蹤野塚燭燼寒月陰崖魘魅冷吹風如古戰場中今遺稿多不傳

端溪硯自唐初開取便爲世所尙其名目辨別故自不一要以下巖產者爲勝所謂水坑是也米元章獲石軍紫金石硯其妙不傳唐時青州亦產石可爲硯間有金星紅絲而質粗鈍不爲世重惟柳公權獨喜之以爲墨易

尖陽叢錄卷一

七 張氏適園叢書

冷墨之冷熱人多不解大祇硯質粗澁墨有沸沫纏筆熱也其平行凝勻者冷也青州硯能不作沸但燥溼不能停墨亦非佳品而誠懸獨愛之殊難解也

萊陽宋荔裳先生瑰白浙西觀察移官四川康熙壬子蜀中寇亂荔裳方入都聞家人俱被難憂憤而卒有女才及笄流落至滇中爲王某室踰年而寡遂祝髮投中山爲尼名道啟有侍婢王氏亦相隨入道名慶光至壬戌五月二人避兵入山突遇悍卒悅其姿強之東下且逼令蓄髮宋以死自誓問用匕首戕胸幾墮卒度其志終不可奪行至偏橋委之而去二人傍徨道左計無所歸因憶舊侶有海成者結庵省溪江口欲往依焉而又不諳道路偶遇浙西商人董某相約同行抵銅仁爲邏卒所疑送于官太守葉滋齋廉得其實憐其爲名家女欲遣還鄉里女泣謝曰妾生不辰橫羅

顛躓傳聞父母並已下世貌焉此身縱不能死亦復何顏以見桑梓邪苟得寄跡菲庵長齋繡佛懺除夙孽私願足矣時楊少司馬自西方撫黔飭所屬從其請同邑查悔餘內翰時在楊幕中爲賦中山尼一篇以紀事今載敬業堂集

近見秀水盛氏袖堂筆談載濟南教授萊陽周某言玉叔女實未遭辱有侍女挺身代之然此事查悔餘先生在黔中目擊之似不應不實或宋鄉人爲之諱而云然未可知姑識之以備攷

古人製裘俱以其毛向外漢書匡衡傳云富貴在身而列士不譽是有狐白之裘而反衣之也說文表字篆作愈徐鍇繫傳云古以皮爲裘毛皆在外故衣毛爲表

徐夫人燦字湘蘋東吳人陳素庵相國繼室也工長短句有拙政園詩餘行

尖陽叢錄卷一

八 張氏適園叢書

世按拙政園在姑蘇齊門內故大宏寺基也林木極勝有御史王某侵之以廣其宮既而歸徐氏沈石田文衡山輩嘗爲作圖而賦詩者也明末兵興爲鎮將所據最後乃歸于陳相國自買此園在政地十年不歸及得罪與湘蘋同徙遠左終于戌所蓋雖有此園實未嘗一日居也園有寶珠山茶最奇古前人多題咏之

趙南仲避暑水亭嘗作詩云水亭四面朱闌繞簇簇游魚戲萍藻六龍畏熱不敢行海水煎徹蓬萊鳥身眠八尺白蝦鬚頭枕一枝紅瑪瑙甫成三韻倦而假寐一侍婢按筆續云公子猶嫌扇力微行人正在紅塵道執粉子弟試書之座右可抵一服清涼散也

拙政園臺池林木之盛甲于吳中明嘉靖中御史王猷臣始闢之其子以博通償徐氏傳子及孫又歸于陳素庵相國遷謫後改駐防軍府未幾爲某

氏所有益大事結構以侈遊觀中有楠木廳九楹四面虛闕洞榻備極宏麗柱凡百餘礎徑三四尺高齊人腰皆故秦楚豫王府物車駝致致所費不貲某敗後官悉毀之柳葉蕪亦嘗寓此中有曲房乃其所構陳其年詩云此地多年沒縣官我因官去暫盤桓堆來馬糞齊妝閣學得鷓鴣倚畫闌其荒涼又可想見矣康熙中改為蘇松糧道署今則散為民居惟寶珠山茶尚無恙往年有虎入其中亦異事

江南山谷產紫蛙其形似青蛙稍大四足尤長皮如蟾蜍遍身有泡常居深巖邃洞中土人呼為石蠶亦曰山蠶以之薦客充好差焉義興尤多陳其年竹枝詞云紅槽薄醉蒸山蠶銀縷如絲切柿狐按穆氏蟬史山蛤一名南風蛤又名石蠶生深山谷中遇南風則出背黑色辨黏兩股甚長孝豐人珍之為上品連皮蒸熟味在于皮也又按左思蜀都賦云蠶蟻山棲龍

尖陽叢書卷一

九一張氏適園叢書

龜水處劉達注蝻蝻鳥名也今所謂山雞長洲何義門云蝻蝻類蛙而大俗名山雞注謂鳥名非是蓋蛙類甚多故其名不一猶吾鄉名陂腔間者曰田雞也此可證文選注之失

京口瘞鶴銘自山谷定為右軍書後人都疑之而莫能破其的考劉昌詩蘆浦筆記云瘞鶴銘或云逸少書圖經亦載羲之書六一先生已論其非至云或亦顧况作銘蔡端明則以字有楷隸筆當是隋代書而山谷乃斷然曰王書不疑何也今攷銘引雷門鼓事按臨池記昔有長飛鶴一作鶴入會稽雷門鼓中於是鼓聲聞洛陽孫恩欲鼓鶴飛去恩起兵攻會稽殺逸少子凝之蓋在安帝隆安三年欲鼓必此時則書豈出于逸少哉漁隱攷訂華陽真逸為陶隱居推原本末或庶幾焉

梁山伯字處仁家會稽出而遊學道逢上虞祝英臺僉為男妝梁與共學三

載一如好友既而祝先返又二年梁始歸訪祝于上虞縣知其女也偃然而歸告諸父母請求為婚而祝已許字鄧城馬氏矣事遂寢未幾梁死葬鄧城西清道原即今云梁其明年祝適馬氏經梁墓風雷不能前祝知為梁墓乃臨穴哀慟悲感路人慕忽自啟身隨以入事聞于朝丞相謝安請封之曰義婦塚載寧波府志今宜與善權山石室相傳為梁祝讀書處巖側又有碧鮮庵遺址好事者往往留題石上豈即當時遊學處耶山南又有祝陵俗謂即英臺墓處此尤不可解者又按清水縣亦有祝英臺墓秀水將蓋過之有詩并紀其事

東林外索云鄞縣東十六里接待寺西祀梁山伯號忠義王云

硯為文房清秘朝夕所必資端溪舊產既已日少苟得歛坑之佳者轉可以傲視端溪然不能精究其石色坑名徒輩輩焉惟硯是求是與其行摘墮者何異嘗見元江光啟送侄濟舟傳硯序云唐開元間獵人葉氏得石于

尖陽叢書卷一

十一張氏適園叢書

長城里因為硯自是歛坑聞天下其山為羊鬪嶺之巘兩水夾之至盡處乃產硯石其一曰緊足坑次曰羅文坑今曰坑又次曰莊基坑相去贏百步而石品絕不相似其舊坑之中又自歧為三曰泥漿棗心綠石去舊坑才數尺石品亦異自莊基北行二里泝溪微上曰眉子坑則東坡所歌者坑今在水底不可刷其陵谷變遷之驗歟舊坑石為世所貴硯材之在石中如木根之在土中大小曲直悉如之刷者先剝去頑石次得石為硯材而極粗工人名曰粗麻石之心最緊處為浪又出至漫處為絲又外愈慢處為羅紋故吾郡雙溪王公之記曰緊處為浪漫處為絲至論也今以吾鄉杉木劈之板木心為浪出外為絲愈外為羅紋亦物性之自然者也絲之品不一曰刷絲曰肉裏絲曰叢絲曰馬尾絲皆因其形似以立名不必悉數以石理勁直故紋如絲而旁為牆壁獨吐絲甚奇平視之疎疎見

黑點如酒墨側視刷絲然工人所謂硯石獨舊坑瓊心坑或有之蓋石之精華吐出光彩以爲絲也至元十四年辛巳達官屬蔡源縣尹汪月山求硯發數郡夫力石盡山頽壓死數人乃已今之所得皆異時椎鑿之餘隨湍流出數里之外者每梅潦初退工人沿流撿拾殘珪斷璧能滿五寸者蓋寡世之求研者率求端方中尺度非是不取工人患之乃取他山頑黝滑枯植燥而有絲紋之石銜于舊坑之下或反得高價真石卒不售三衢絲石黑而頑南路絲石紅而枯水池山絲石枯而燥俱不宜筆墨予家去產硯所三十里而近故知硯爲詳舊坑在雙溪時已墜不知何年再闢至元辛巳再墜而石盡時獨繫足頗有大石今至疑有五年十月二十八日夜墜聲如雷隔溪屋瓦皆震鳥獸奔駭數年前工人告予繫足石刷鑿已盡予不之信至是果然觀江此序則歛之舊坑自元世已絕響在今日

較之端溪下巖尤爲難得矣歛硯又豈易言哉此江序明陸文裕深歛硯志多用其說

武林某氏子家貧落魄常結黨爲椎埋一時城內外無主邱壟多遭檢括嘗至通江橋項氏居側入一隧道遇石扉固甚固摧之良久其扉始啟然陰風凜冽火炬遇之輒滅衆皆股栗不敢前有二人者素號膽勇乃束葵藍爲蘊燃之以入遇陰風則焰轉熾餘皆伺于石扉之外俄頃聞甲號呼負乙而出則已死亟詢其故云初至中一室有四鐵人共擎一棺朱色棺前石碑一署吳越國妃某氏墓餘無所觀轉至東壁間有小室戶垂銅簾拂之鏗然有聲意此中必寶藏也乙遂披簾先入投足適履其機大聲若雷震隨有黃泉奔注臭如硫黃而寒冷異常乙觸之即倒昏迷不醒某幸在後因急負之而走聞內戈鋌鬼嘯聲隱隱不絕稍避亦爲穴中之鬼矣於

是衆皆愕然以藥救乙數日始甦而甲亦大病幾死云

按水經注載盜發南陽張詹墓垂簾一皆金釘飾之此鏗然有聲者安知其非金釘之類耶又南部新書云蜀葵藟作火祀猛雨中不滅其束葵藟爲蘊殆祖此意乎噫盜可無術哉

又嘗聞風篁嶺下多古墓因與數人從智井而入穴中懸一棺非桐非梓形類蠶蠶蓋漆絮合併爲之者乃鑿前和出其屍骸骨殭而不腐衣裳冠履悉剪紙所製而色若死灰猶雙目炯然嚼動不已衆大驚急委之而走大水隨後湧至此抵智井口則已沒肩若少流俱溺死矣此皆其親語人者錢塘元妙觀在吳山之麓舊有李北海書蜥蜴碑湮沒日久莫可踪跡頃有人從瓦礫中掘得斷碑下截高尺餘僅存數字皆漫滅惟乾坤二字猶完好後有大字一可識止一業字按業卽古榛字

凡江海潮信盛于晦朔其長在子午二時過此二日則水勢日縮而至期亦日晏武林元妙觀中有子午二泉一長于子時一長于午時每日如此無論晦朔此與水經注灘水之朝夕塘皆不可以常理測也

唐元宗遷居西內後爲李輔國所弑史家多不載惟王性之默記述晏元獻識玉欄樓事頗詳又雜記云明皇不得其死人罕知之後溫緝發唐陵見明皇首乃破兩半以銅絲縫合不知元獻所見者卽此顛否又樵書載明道雜誌云長安有安氏得明皇欄樓光作紫色金家遂大富事之甚謹後氏析居爭欄樓致斧爲數片人分一片而去據此則明皇一顛生而勞死而合合而復勞何其苦也何其勞也

昔人云借書一癡還書一癡或曰癡乃竊之譌蓋借書還書並當以瓶酒往耳元吾衍閑居錄云竊乃瓦釜以承其書籍古書無方册恐其遺落耳愚

謂古人承書者或以衣此文缺或以匱尚書曰凡秘密書藏之於匱中或以
或或以籥籥之屬獨未聞納于瓦瓮者况道路挈携
瓦瓮非便且書則有繁簡安在其必爲一紙耶
前載王孫一名具五義又按紅姑娘一名亦具四物本草雀銚一名蝓蜥房
一名紅姑娘又錦荔枝苦瓜並名紅姑娘又有草葉旁結一紅子如楊梅
差小亦曰紅姑娘

尖陽叢筆卷一

十三 張氏適園叢書

尖陽叢筆卷一終

陸放翁鍾情前室周公謹齊東野語劉厚村詩話並載其事野語較更詳第
所紀歲月尙多參錯因爲重定于左云陸務觀初娶唐氏士閨女也於其
母夫人爲姑姪伉儷相得而不獲于其姑既出未忍絕之則爲別館時時
往焉姑知而掩之雖先知挈去然事不得隱竟絕之亦人倫之變也唐後
改適同郡宗子士程嘗以春日出游相遇於禹迹寺南之沈氏園唐以語
趙遣致酒肴翁悵然久之爲賦釵頭鳳一詞題壁間云紅酥手黃藤酒滿
城春色官橋柳東風惡歡情薄一懷愁緒幾年離索錯錯春如舊人空
瘦淚痕紅浥鮫綃透桃花落閑池閣山盟雖在錦書難託莫莫實紹興
己巳歲也未久唐氏死至光宗紹熙壬子歲復有詩序云禹迹寺南有小

尖陽叢筆卷二

張氏適園叢書

園四十年前嘗題小詞一闕偶復一到而園已三易主刻小闕于石野語無此
五字從劍南集增讀之悵然詩云楓葉初丹柳葉黃河陽愁鬢怯新霜林亭感舊
空回首泉路憑誰說斷腸墮壁醉題塵漠漠斷雲幽夢事茫茫年來妄念
消除盡迴向蒲籠一炷香自宋久唐氏死至此野語誤翁居鑑湖之三山
晚歲每入城必登寺眺望不能勝情嘗賦二絕云城上斜陽畫角哀沈園
無復舊池臺傷心橋下春波綠曾是驚鴻照影來夢斷香消四十年沈園
柳老不吹綿此身行作稽山上猶弔遺踪一泫然野語此首在前蓋慶元
己未歲也又至開禧己丑歲暮夜劍南集改作兩絕云路近城南已怕
行沈家園裏更傷情香穿客袖梅花發綠醮寺橋春水生城南小陌又逢
春只見飛花不見人玉厨久成泉下土墨痕猶鎖壁間塵園後屬許氏又
爲汪之道宅

友人鮑君以文嘗疑未必實有其事或放翁于沈園別有所遇偶題詩
詞好事者因而傳會亦容有之細玩終不似伉儷語也姑識于此俟博
洽者詳之

古今言地理謬誤者多而水名尤易混亂如司馬相如上林賦八州分流相
背而異態沈存中指其謬矣孔安國註三江既入震澤底定謂自彭蠡江
分爲三以入震澤不知三江距震澤甚遠決無入理而震澤之大小決不
足以受三江東坡辨其非矣班孟堅謂滎陽下引河東南爲鴻溝以通宋
鄭陳蔡魯衛與濟汝淮會于楚夫一溝固不能旁通六國數百里又濟水
自從千乘入海安得會于楚鄭當時言關東漕粟從泗水道九百餘里引
漕穿渠起長安旁南山以至河易漕按泗水至長安經三百里固無九百
餘里而南山至河中間隔湖漕數大川固無緣山成渠之理劉貢父譏其

尖陽叢筆卷二

張氏適園叢書

失矣如此之類極多而鄴道元水經誕妄處十二三也右沈明遠寓簡所
論古今辨三江者人各爲說幾如聚訟觀此則知言水道之誤又不獨三
江爲然
借親之說蓋起喪亂之時相沿既久遂不能革今謂之荒親此非禮之甚者
按宋趙崇絢雞肋云父母死未卽入棺仍禁家人輩未得舉哀乘親喪之
禮而講用鬻之儀實括髮之戚而修結髮之好此禽獸之所不忍爲而世
俗俱效之至簪纓詩禮之家亦相率而行恬不爲怪不知作俑者誰耶然
則此風宋時已有之至今踵而行之者仍復不少有欲正人心而敦風化
者斯亦其首務矣
夷堅志載蔡京死四十二年遷葬其屍皮肉俱化盡獨胸骨隆起成一記字
高二分許宛如鐫刻按乾氏書謂釋伽文佛背負圓光胸題已字京之

奸慝乃亦爾耶恐即其餘黨造爲此說以欺人洪氏不察遂從而志之與宋嘉祐中呂夏卿預修新唐書撰直筆新例四卷時總其事者如宋景文歐陽公間有取焉然以今新唐書校之頗多不同蓋當日在書局諸公各據其所聞見人自爲書未嘗一轍正如五代史初修于薛居正歐陽公以其繁猥失實別爲修定藏于家公歿後朝廷聞之取而刊行其書始著夏卿唐書惜已無傳幸此書尙存猶可見其髣髴也

新唐書作者既多即舊書亦不獨劉昫一人之本攷吳縝進新唐書糾繆表云五季天福之際大臣趙瑩之徒綴輯舊聞次爲實錄草創卷帙初興規模然則舊唐書實濫觴于瑩按瑩字元暉華陰人晉中書令歐公五代史瑩與劉昫二人傳中皆不言其曾修唐書

唐李郢浙河館詩有青蛇上竹一種色之句何義門詆爲外道按吳越山間

有蛇形類蜥蜴四足身長者尺餘色青如蛙土人呼爲竹葉青又異苑汝南人入山伐竹見一竹枝葉已生而蛇首未變相傳蛇可化竹竹復可化雉李詩似未可輕議

南史褚彥回爲高齊佐命高帝時進位司徒賓客滿座從弟焯歎曰彥回少立名行何意披猖至此門戶不幸乃有今日之拜使彥回作中書郎而死不當是一名士邪名德不昌遂有期頤之壽按彥回拜中書時年四十四而云期頤之壽此史氏之失也

困學紀聞公羊傳於襄公二十一年云十有一月庚子孔子生穀梁傳於二十一年十月云庚子孔子生二十一年賈逵注經云此年仲尼生昭二十四年服虔賈逵語云仲尼時年三十五是以孔子爲襄二十一年生也孔子世家云魯襄公二十二年生杜注從史記城榮緒以宣尼生庚子日

陳五經而拜之然以年則公穀史記有一年之差以月則公穀有一月之差今不可攷予按諸家固多不齊就中公羊之誤尤屬顯然深寧偶未之思耳上云十月庚辰朔日有食之則十一月安得復有庚子日耶宋景濂孔子生卒歲月辨定爲襄二十一年十月二十一日蓋由庚辰推至庚子二十一日此亦本宋羅壁之說閩百詩駁之云文憲于孔子生主公穀歲己酉卒主左氏歲壬戌相距七十四年與歷所傳孔子年七十三者不合近黃太冲以歷上推日斷生于襄公二十二年建酉月之二十七日庚子與羅泌路史摺合予歎其確云攷是年在庚戌歲十月甲戌朔推至庚子正二十七日也至何休公羊于襄二十一年云歲在己卯則尤誤矣北史齊後主皇后穆氏小字黃花解律后從婢也母名輕香本穆子倫婢也后既貴改以穆大姬爲母提婆爲家更不探輕香史用採字僅見于此

越燕居海島中千百爲群冬月入蟄其羽盡褪未蟄之先競啄海粉置巖穴中以備他日之乏其色如銀而形類花瓣俗謂燕窩島夷每皮服皮履攀藤懸崖探而取之食經尙爲珍品而養生家又稱其有益肺和胃之功然洗刷不可不慎常有中其毒者胸膈煩喘鼻漸黑須臾九竅流血而死蓋有鳩鳥落羽其上故也愈以菜豆煮飲之則有得生者

宋李文懿箋注王荆公詩集爲世所稱海鹽張氏周元槩本重雕其注皆爲劉辰翁及節失雁湖本來面目予友鮑君以文得宋刻半部箋注並全每卷末又有庚寅補注不知出自誰手即晁氏讀書志亦未之及或疑卽雁湖所補竊攷雁湖以寧宗開禧丁卯出居臨川箋注詩集當在是時其卒也在嘉定壬午至理宗紹定庚寅雁湖沒已八載安得復出其手或其門人如魏鶴山序中所謂李西美之流爲之則未可知耳

梁散騎常侍周興嗣奉詔次韻王羲之千字文見梁書本傳淳化閣帖首載漢章帝書八十餘字皆與嗣千文中語黃伯思云此書非章帝然亦前代人作但錄書者集成千文中語耳歐陽公以為漢時學書者多為此語至劉后村遂為千字文非梁人作玉峰顧氏嘗辨其妄愚謂此與嗣作無疑也夫音韻之學盛于江左故齊梁人最重雙聲疊韻此書於此道尤精惜未有人論及者其起結首尾四句中已藏五雙聲天地元黃洪中間雙聲疊韻層層見疊出不勝悉數即淳化閣帖中所書八十餘字元李治古今並及日知錄並云百餘字中凡聲雙十二若思慎終學優攝職從政聲韻二尺此豈出自漢人所為耶至如千文中間餘成歲律呂調陽閏餘律呂本雙聲的對無可移易唐智永誤書作律呂相沿成謬或反以律呂為非如南部新書之類此皆山唐以後學者罕究心於音韻之過也

錢國賓字君穎本廣陵人明萬歷中寓于武林以醫名尤善治奇症鎮江錢青藜足跟偶響遂漸至頭竟若雷鳴療治七八年如故國賓曰此骨雷也切其脈五部皆和惟腎孔大舉之乃見蓋腎敗症夫足少陰之經起于小指之下上而貫脊腎虛則髓空髓空則鳴響自足至頭如雷從地起響于天上也以六味丸加紫河車膏虎骨膠豬髓枸杞杜仲方治之瘳武林土橋張林妻病臥三年不起于床醫以為瘵國賓診其脈沉大至骨數十至中一鼓或隱或顯形色蒼脫所居暗室國賓曰此非瘵乃陰邪所干令急徙臥室檢褥上得白毫數莖其長寸餘始知為狐魅也張延道士禳之妖至反覆數求救于國賓思之良久因製毒藥授之令密界其妻塗于體是夕妖斃于床下則一元狐也問生白毫人皆奇其術蓋狐以舌交故中毒輒斃湖州戴氏女年五歲前陰下忽生一瘰癧出于上其下亦流傳國賓

為治國賓曰此天生雙陰治之何為楞嚴經云五種不男之人即此類也長而經行生子如常

琵琶記為元高明撰所述蔡中郎贅牛相事人皆冤之明徐充媵妹山筆云史稱蔡邕三世同居父子同朝又稱邕至孝侍母病不解衣廬墓致瑞蓋非貧仰于隣而賴妻治葬者也此實東晉慕容咥事傳寫之誤遂以為蔡伯喈耳按慕容復姓名咥字伯喈鮮卑慕容廆之族自廆受晉命為平州刺史而鮮卑人多入中國咥之祖父古籍陳留咥有文學應元帝詔為議郎時牛金以小吏私幸母后竊乘相權招咥為婿咥棄父母于陳留連遇飢荒所在盜起音問不通卒為餓殍其妻趙克養克葬報夫同歸事戰野史高明或見時人有類于慕容咥事特託以諷刺歎然陸放翁詩云斜陽古道柳家莊負鼓盲翁正作場身後是非誰管得滿村爭說蔡中郎則中

郎受誣似不始于高明矣

高麗僧虎關鍊子著濟北集二十卷中有云正和壬子四月十二日忽海水變赤西自豆陵東距武總三百餘里朱瀾丹滄汪洋浩淼人民驚惶或濡以緋或染以粟皆應手而赤或恐其為殄予按元中記東方有大魚行海者一日逢魚頭七日逢魚尾產則百里水為紅今海之赤得無是乎後三日水復碧國家晏然正和蓋彼國紀年不知實何歲也

頃歲有商於日本者得古文孝經孔傳凡為章二十有二經文千八百六十一字乃日本所刊有信陽太宰純音訓此書自唐末五代之亂失傳宋雍熙初日本僧裔然以鄭注今文孝經十八章來獻獨不及孔傳之二十二章豈獨歐公所遺書百篇今尚存令嚴不敢傳中國者耶其經文視司馬溫公古文孝經指解間多不同如續莫大焉作績莫大焉故親生之膝

下作故親疏之類頗多與漢藝文志所言符合惟字數較桓譚所紀尚少十一字謂云千八百七十二字豈流傳歲久遂不免脫誤池北偶談云耿隱之言曾見古本孝經庶人章末引詩云晝爾于菲宵爾索綯若以補入則僅少一字第不知耿所見實何本也

或謂周文武成康四陵並不在咸陽縣帝王世紀文武葬于畢括地志文王武王墓在雍州萬年縣西南二十八里畢原上實渭水之南而咸陽縣乃在渭水之北蓋所謂文王武王者乃秦惠文王悼武王之墓耳然則成康二陵豈亦秦之成公康公耶

天台齊息園先生爲諸生時讀書杭之萬松書院一日假寐夢于忠肅公告曰昔景皇納黃珖言易儲事某實上疏諫止以留中故人無知者此寃至今未雪君他日幸爲我物色之未幾息園成進士入詞館預修明通鑑綱

目得入皇史宬觀累朝奏疏息園憶夢中語備檢公疏獨此不得見嘗爲詩以紀其事

朱上舍奇齡字與三康流先生從子也以經學世其家有周易蠡測春秋淵微又嘗以王圻續通攷尙多闕略撰通攷續補凡爲類一十有三曰百官補典禮補貢舉補歷象補律呂補田土補戶口補賦役補食貨補國用補刑法補疆域補武志補輿三爲此書垂三十餘年始脫稿未幾下世今稿猶藏其家

米元章得褚河南臨蘭亭真迹割爲袖珍本後有范文正文忠及米氏父子題贊董文敏舊物也其跋甚詳文敏早年嘗館于海昌陳氏此帖實質于陳遂刻入渤海藏真中行欵悉依原本但自雖無絲竹管絃之盛盛字至俯察品類之盛凡六行三十五字文敏獨掣而藏之然後質于陳以則

必取故渤海藏真帖中缺此六行其後陳氏墨跡散出歸于錢塘龔氏玉玲瓏閣而文敏掣出之六行展轉流傳亦爲龔氏所得此帖復成完璧衛嗣既沒圖書盡散此帖流落人間者又不知幾何年質沒于構李典庫武塘查宣門以八百金買之携至廣陵運使署中後不知所終

瓶山在嘉興縣治西宋時設酒務於此貯酒陶瓶散積日久窳然如小山土人因目爲瓶山竹垞詩所謂一簣瓶山古木秋者也按明一統志嘉善縣亦有瓶山今無可攷瓶山今尚有掘得者高尺餘腹徑三四寸上下直相等而口微窄色淡綠外塗以釉間有未遍者製甚朴古或以養花花落能結實但不碩耳或謂此卽岳氏背坭軍所用

楊無頭者海昌戚姬術民也爲人愚而貧嘗隨海舶至越中擔薪比已滿舟人遣楊持百錢市肉養水神而后解維楊買肉返中途聞有呼已名者漫

應之則數少年前謂楊曰楊無頭卽君耶望子久矣共挽之行約里許入一古廟中楊懵然不知所以問與諸君素未謀面呼某至此何爲答曰某等並劉姓青田人也吾祖犁眉公昔嘗藏鑑于此今者當出遺教須謂楊某至而後發但素未識君故日呼于此一旦果得君豈非數之前定耶楊愕然曰某山野鄙夫負販於此素不習望氣之術何由知君家金穴乎皆笑曰無憂穴故在是第煩君一啟封耳苟得金君亦無不利也於是卽取楊買肉烹之以祀主藏之神昨飲既畢共昇神像于側卽座下令楊揮鉏先發衆荷插隨之啟發裁尺餘鉏下鏗然有聲視之一物其形如桃衆以授楊曰吾祖以此報君之勞善藏之君畢生衣食盡在是矣須臾又得白金一餅復以與之曰此以償君肉價於是諸少年爭自發穴取金而令楊先歸楊懷所得還舟人詢其還之遲并問所買肉何在因具述始末衆未

之信及探所懷物及餅金示之乃大驚急令楊前導擬踪跡諸少年而分其金迫登陸競失故道皆恨然返舟更出其所謂形如桃者相與撫玩意此必黃金也斧鑿其端審視實銅耳楊寶之終其身竟無他異楊既死子得之其子形圓而微長上有紐可貫以索下有跌蓋實權耳通高二寸六分腹徑五寸三分一而隱起九十兩字一面陷文稍剝乃至元十八年造六字並正書重廣法一十六兩六錢形製甚古雅而青綠徧體亦極可愛賞玩家謂之上古也青田取此鎮藏當必有意書此以俟知者詳焉

後漢書列女傳孝女曹娥父吁以五月五日溯大江迎婆婆神為水所淹而死攷淳于子禮曹娥碑云吁能撫節安歌婆婆樂神以漢安二年五月時迎伍君逆溝而上為水所淹此蓋言吁以逆伍君即今競渡之俗婆婆本舞態吁為巫祝故能歌舞樂神蔚宗直以婆婆為神名殊莫解也

尖陽遺錄卷二

九 張氏適國遺書

水經注沂水又南與蒙山水合東流逕陽都縣沂水又左合溫水水上承溫泉陂而西南入于沂水者也蓋沂水上有溫湯陳藏器云浴溫湯可已一切病論語曾點所謂浴乎沂風乎舞雩浴于溫泉蓋如上已被除氛穢之意後儒紛紜論辨以魯無川浴之俗皆不知沂上有溫泉也宋平庵項氏亦有浴乎溫泉之論第以冠者五六人為五六三十也童子六七人為六七四十二人引漢初祈穀祭舞以證周人之事則鑿矣

梁漢顧震滄氏撰春秋大事表視顧連叔左傳事類年表尤加詳悉其列國地形犬牙相錯表嘉興府下列嘉禾百詠注有東顧西新等四城並吳越爭戰時所築後俱廢今嘉興縣西二十七里有市曰新城稅務亦曰新城土人呼為新市當往來大道即西新城之遺址按新城今在秀水縣境亦曰新塍宋時設酒務于此曾魯公嘗監新塍酒務即此俗又呼為新盛若

新市在石門縣北三十里屬湖州府德清縣界新城在其東北尚數十里即土音亦未嘗相混顧氏似不能無誤

陸冰修先生家於洛塘有樓曰蜜香藏書萬卷閣曰須雲貯法書名畫順治乙未仲冬不戒於火一時盡付之灰燼嘗自悼以詩有云劫火空群相狂花幻有因琴書千載後風雨十年中冰修以詩名海內遊京師與王漁洋諸公唱和尤密同邑查悔餘內翰許時庵宗伯皆其壻也並于早年賞識之悔餘初以詩為贊有絕奇世事傳聞裏最好交情見而初之句冰修擊節不真遂以女妻之時庵少時傑齋肯讀書其兄潛飛嘗為文會冰修家挈之以往前一夕冰修夢綠軒繞柱及旦聞潛飛至亟出迎見時庵身衣綠布袍抱其堂柱盤旋以為戲詢之乃潛飛弟也試令為文下筆多不凡語冰修曰天假之緣也是日即以女許焉

尖陽遺錄卷二

十 張氏適國遺書

南宋古銅器姜娘子王吉二人所鑄皆得名見建炎以來朝野雜記予家藏宋方爐一具銘云紹興二年大寧廠臣蘇漢臣監督姜氏鑄至德壇用凡小篆二十字四面並同此爐舊在曲阜孔東堂博士家王漁洋嘗見之載于居易錄中以爲姜氏即姜娘子蓋姜乃南宋初人曹昭格古要論謂姜王俱元人誤

明崑山顧文康公世廟時位至台輔父恂以文康貴贈太子太保其告身流落人間為裝佛者所有予購得之錄其文如左奉天承運皇帝制曰朕聞古名臣碩輔崇勳樹業必有所本夷攷人倫祚必昌於陰鸞德恒盛于義方國家緣子貴父古今之通道也況我左右輔導元臣為天下重輕者哉爾累贈光祿大夫太子太保禮部尚書兼翰林院學士顧恂乃今少保太子太傅禮部尚書武英殿大學士鼎臣之父畿輔善良江湖隱逸孝友慈

惠敦尚書禮藴崇既久發于令子特擅真嘉名實並隆顯休台鼎茲朕册
建皇儲君臣同慶特加贈爾為光祿大夫柱國少保兼太子太傅禮部尚
書武英殿大學士嗚呼有陰德者曾高駟馬之門赴深期者果正三槐之
位申錫龍命式表前修制曰母道均慈子德惟孝人倫世教此為切務國
家推恩庶僚于父子母罔有弗逮焉爾累贈一品夫人吳氏乃故禮部司
主事凱之長女下開七此休光益延慶祐制曰朕惟家正于女子成于母
彝倫政教所關至要故子之顯揚國之褒卹于所生無間焉爾累贈一品
夫人楊氏乃今少保兼太子太傅禮部尚書兼武英殿大學士顧鼎臣之
生母端貞淑順內範著聲以夫之刑家知化彰于貳室以子之事國知教
由於賢母爾一人之所關不亦大哉茲仍贈為一品夫人嗚呼鼎食之養
雖遺恨于風木珈玉之榮式委權于泉臺有赫絲綸水光闈闈嘉靖十八

年閏七月二十四日右軸用五色重錦有制誥之寶及廣運之寶書法道
勁似顏平原勅云册建皇儲蓋是歲世宗始立莊敬太子也今有崑山雜
劇中以文康為侍婢所生頗為嫡母所虐豈即楊夫人耶

按王文恪鑿撰太安人楊氏墓志云楊氏世為崑山農家正室吳安人
遇之甚嚴厲安人承事惟謹及鼎貴以上兩宮徽號封為太安人楊惟
然不憚蓋念吳之弗獲是典而已獨被其榮似吳卒在楊之前據誥則
楊先吳卒可證文恪之誤

高郵露筋祠本名鹿筋梁相傳有鹿至此一夕為白鳥所噉至曉見筋故名
見酉陽雜俎及江德藻叻北道記其說為女郎不知始於何時查田先生
詩云古驛碑殘幼婦詞飛蚊爭聚水邊祠人間多少訛傳事河伯年年娶
拾遺

北寺巷地名舊有程姓工為紙硯以諸石砂和漆成之色與端溪龍尾無異
且歷久不弊故藝林珍之然前此未聞也按東宮舊事云皇太子初拜給
紙硯一枚此豈其遺製歟

齊民要術言一石注云當今二斗七升不知何以若是之小今江南民間有
器其形如箭上口微窄而下漸大俗呼曰柸容二斗五升凡二柸為一斛
二斛為一石後魏時之石蓋僅與柸相等

姑蘇師子林為倪迂手掀泉石之勝甲於一郡今為新安黃氏別業中有小
礪水色常黧嘗于石橋下得一鉄函封銅啟之甚難或請以火攻方置爐
上輒風雷大作急送還礪中少頃而止聞至今尚在

蕺山先生嘗著太學古文參疑及古記雜言諸書其意頗尊信豐氏石經古
文吾鄉前輩陳乾初先生山陰高弟也晚著大學辨一書同時若桐鄉張

考父山陰劉伯繩海鹽吳仲木仁和沈何華諸君交移書爭之而乾初不
願蓋其實有所師承也乾初晚家泥橋深離坎軻中論著不輟每有所就
即設山陰先生位祭而告之其文有曰葬書非古大學非經確也關之不
遺敢寧蓋其意可見獨伯繩蕺山之子而其見亦與乾初異殊不可解

告山陰先生全文附載于此明明我師雖死猶生我呼我號在天之靈
葬書非古大學非經確也關之不遺敢寧嗟如之人否塞晦冥莫我能
信習解相縈矧越後世盡惑奚勝確為斯懼幽憤填膺至聖大賢千秋
孔曾赫赫靈爽確敢妄摟粵程朱子有宋之英疇曰非賢日升月恒偶
焉薄德終仰其更何當衆咻遂閉墜城師同維閩韻顏孔庭雖越千載
靡異親承上資宣聖下質朱程是耶非耶昭然甚明確之誣罔是殫是
懲如其未謬盜弗我矜大啟我後如寐斯醒葬依周禮學歸正誠格致

非始誕妄悉屏俾是聖學遠底廓清若大路然既康且平師之厚德永世其馨敢陳告辭激切屏營

南唐時有姚景者不知何許人始事劉金為廐卒金暇日至廐見景畫暝有二赤蛇悠揚景而少頃入鼻竅而寤金奇之引為親信裨將俄以女妻之烈祖亦重其為人使典親兵至清淮軍節度使見周雪客南唐書箋注今雜劇中以為漢劉智遠事蓋傳聞之異耳

尖陽叢筆卷二

十三

張氏適園叢書

尖陽叢筆卷二終

海寧吳憲楷客

姚辯武威人本周將降隋仕左光祿大夫當時頗積戰功而史書闕載賴歐陽率更所書墓碑傳而辯事始暴於後世子頃得一舊搨本書法蒼秀與元碑無異而文頗不同即其所卒之歲月出處亦殊究不知何時鐫本姑志於此以俟博古者詳焉隋故左屯衛大將軍左光祿大夫姚思恭公墓志內史侍郎虞世基撰文大常博士歐陽詢書丹公諱辯字思辨武威人也導清源于媯泗登崇構于軒邱世祀相承名德不墜及乎龍戰秦谷霸業是基虎變周原雄圖斯啟五世汎爲普所滅子孫播越居于武威曾祖撫軍將軍驃騎開府儀同三司都督內外諸軍事封東平公祖冠軍將軍武威太守鼎並以碩量偉才佐時匡國父寶散騎常侍疑脫武威太守志略

尖陽叢筆卷三

張氏通國叢書

沈毅雅度淹遠譽宣默納爰美共治公稟秀山川降神象緯幼而風韻開明志節通亮弓彈百步懷萬人之敵就養晨昏天情孝友率性仁義收已謙虛夙以勇氣馳名遂以材官入選周保定四年起家宗侍延攬下士天和二年奉詔領宿衛兼總管雁門公軍受降于荆楚既而上計虜勝羣師見因公頻進奇謀竟口能用乃以舟師先濟朝廷稍遷承御二命領宗如故進授都督兼統營校撫養士卒功課農桑莫不家實倉廩人知節義周武親巡軍府特加賞賜詩云夢想名園久深開錦澤芳煙霞常掩映松竹互青蒼峯頂標朱閣波心倚石梁三冬凝暖氣六月生微涼草木繁茂國安民和十二年轉授左武侯將軍尋爲涼州道行軍總管十五年爲合州道行軍總管式過有方邊烽寢候羈幘旆望風欽迹十七年使節靈州總管諸軍事兼靈州刺史境臨口鄙人雄多傑點公御以衝策化之清靖

俗易風移政成其月十八年授原州道行軍總管開皇十九年授環州道行軍總管校檢河北屯田事其年又授河州道行軍總管總戎律特精邊事每秋風起塞騎揚塵收銜之任非之莫可推國疑脫授何隱爲敵國授之疑脫桴揚旆威震口庭仁壽改口左武侯大將軍進爵上蔡景陽郡開國公食一千五百戶大啟土宇誓以河山寵章邁于千室盛德垂于百世皇帝欽明御籙睿聖纂圖特荷天眷恩遇隆重密勿禁衛知無不爲大業口口以先朝大臣久任心膂與尙書右僕射蘇威等同進大將軍右武衛大將軍如故以母憂去官其年有詔奪情起復如舊職別降恩勅遣使敦口公孝性自天幾於毀滅備俛王事而復起以官方創授金紫光祿大夫改授左屯衛大將軍金紫光祿大夫大業十三年薨于軍幕嗚呼臣隸悲慟人民號呼如喪考妣志諸堅珉以告哀傷

尖陽叢筆卷三

張氏通國叢書

辯墓志銘金薤琳瑯中載其全文闕四十餘字細讀亦多紕繆及可疑處此碑雖出于依託然彼此優劣亦互見若不得原碑此本亦不可廢也

武林趙氏居錢塘門內有學士樓藏書甚富凡宋元珍本皆不惜厚價購之嘗於衆安橋側遇童子挾書一册求售趙買之翌日有老人叩門曰昨有一書爲童子竊賣此某案頭所時閱者請贈之趙觀其狀甚褻褻心輕之不許言至再移弗聽臨去謂趙曰君勿相輕僕非人乃西湖之龍也書不見還吾將自取之趙叱之遂不見未幾雷雨大作竟失書所在而趙氏從此日敗不數年學士樓之書悉化爲雲煙過眼矣當日所買童子之書竟不知其名

米海岳研山本南唐李後主物宣和中索入九禁後流落人間爲台州戴氏

所有明季新安許文穆公得之又歸於秀水朱文恪太傅家流傳數世又屬之高淡人宮詹至今尚在當湖嘗觀鐵園山叢談云米老研山有二其一曰芙蓉者頗崎奇時東坡亦作一研山而上亦自爲一研山咸視江南所寶流亞爾據此則當時研山凡有五獨南唐之物至今無恙而其餘皆莫可踪跡豈區區片石之存亡亦自有幸不幸耶

北窗彙錄錄二卷宋鹽官施彥執德操所著彥執生不婚宦惟銳意于學與橫浦爲莫逆交故編中發明先哲緒言餘論頗多前輩如祝希哲朱錫嘯全紹衣諸公皆嘗爲之跋謂可與孟子發題並傳愚獨不喜其中一則云家兄門生有孫力道在鄉校與一同舍舒子進相友善子進本富家子後大困有婦挾二孤藜然從子進既不能爲之資年長嫁無售者力道深憐之每自念使我忝一第必娶之無何力道棄登第時年雖近四十然

美風委貴官達宦爭欲婿之者十數力道皆謝去遂歸而舒氏婚及舒氏歸已白頭矣力道與之慳如平生嗚呼世稱劉廷式之義謂千載一人今力道之事奚減廷式哉力道早年以貧不娶乃獨以教學養遺孤平生所行皆忠厚事然未嘗與人言亦罕有能知者云云夫力道憐婦之貧養之終身可也何至遂娶之使白頭孀婦喪其所守而已又蹈不孝無後之責彥執于是爲失言矣

金玉珍寶以之送死昔賢所戒其理固然以予論之卽銅鐵器皿凡屬難朽之物亦不宜置之墓中子曰死欲速朽正此意也鐵園山叢談云大觀初倣李公麟考古圖作宣和殿博古圖凡所藏古器古鏡甌尊彝之屬爲大小禮器則已五百有幾世既知其所貴愛故有得一器其直金錢數十萬後動至百萬不翅者於是天下塚墓破伐殆盡今觀比于銅鏤銘等類大

抵皆出于邱墓中物由此觀之則宣和博古圖等雖謂之破塚書可也故張釋之云使其中有可欲雖銅南山猶有隙富哉言乎

春秋少陽篇伯夷姓墨名允字公信伯長也夷諡叔齊名智字公達齊亦諡也論語疏引之少陽篇必有所指胡明仲云彼已去國隱居終身尙誰爲之節惠哉予疑此或周爲之諡耳凡一代之興于勝國遺臣必施仁澤矧武王伐罪弔民式商容之廬封比干之墓方夷齊叩馬之時太公以爲義士道其死也而諡之當亦事之所有世紀縮邈史傳或有闕耳

執心克莊曰齊

祝子遷世喬明隆慶戊辰進士累官至潯州守少時屢困場屋而讀書不輟嘗自歎曰愈讀愈不中世喬其如命何愈不中愈讀命其如世喬何

高麗舊以銀瓶爲貨東國史畧載廉使朱甲遠惡聞鳴雀聲令人嚇以弓矢

一聞其聲卽徵銀瓶卽此也按銀瓶又謂之潤口制象其國地形以白金爲之重一斤創于明孝王三年亦有高下忠肅王十五年資贍司奏定銀瓶價上品瓶折價布十疋帖瓶折布八九匹違者科罪至恭愍王元年從諫官議廢瓶用銀錢蓋銀瓶既重正如中國大錢不便於民用故至今惟用銀錢矣

偶從杭肆中見古銅鏡一如鐘形下豐而上殺高尺餘廣四五寸上有紐背有鼻叩大環銘曰王氏子孫孫其水寶用凡十字皆古篆作二行下有一獸不辨何物餘爲水草諸文製作殊古雅銅色青碧丹砂俱備第不審何代之物姚氏殘語云近見一鏡如鐘樣鼻有大環有隸書字云一生有十口前牛無角後走有口十三字下有一虎字恐是甲午字謎也其形與此鏡相類而銘則不同

按令威據銘詞釋爲甲午字謎細推之似尙未甚當昔趙德潤藏一鏡如杏葉樣背有大鐵環乃掛鏡也上有銘云人有一口前牛無八角牛口走此銘疑亦有誤殊不可曉下有一牛轉頭前有草一叢下有篆辟崇驅邪兩旁亦有字細考之乃丙午造三字其下牛與草必寓年號耳此周草窗雲烟過眼錄所載鏡形大略相似銘釋亦較勝於姚故并記之

困學記聞云荀子賦蠶篇請古之五泰或作五帝何叱瞻云非此幾不復見五泰之文近世行本皆作五帝予舊藏元槧荀子纂圖互注本作五泰楊倞注五泰五帝也今作五帝本并削去此注

按荀卿賦蠶云臣愚而不識請古之五泰五泰古之明于古者倞注五泰五帝也五帝少昊顓頊高辛唐虞荀雖或寓言亦無五帝同古之理且皇圖要覽謂伏羲化蠶黃帝元妃西陵氏勸蠶稼今多不及之反稱

五帝何也

蕭子雲賦云長卿晚翠簡子秋紅或稱其長卿簡子屬對之工蓋長卿卽藥中徐長卿簡子見齊民要術及廣志一名侯騷蔓生綠樹實如梨赤如雞冠核如魚鱗味甘且冷可以消酒輕身簡字從草從問古閑切韻如姦古人未嘗有名簡子者或云簡子卽錦荔木草之苦瓜詩之瓜苦也

世傳公冶長能辨鳥語其說昉于皇侃論語義疏宋邢昺爲正義以其說不經乘而不錄義疏既晦于世有留青日札記治長食虎駝羊事最俚鄙可笑不若義疏爲近古也今按皇疏云別有一書名論釋云公冶長從衛還魯行至二塚上聞相呼往食死肉須臾見一老嫗當道而哭治長問之嫗曰兒前日出行于今不返當是已死亡不知所在治長曰向聞鳥相呼往清溪食肉恐是嫗兒也嫗往看卽得其兒也已死嫗卽告村司村司問嫗

從何得知之曰見治長道如此村司曰治長不殺人何緣知之因錄治長付獄主問治長何以殺人治長曰解鳥語非殺人主司當試之若必解鳥語便相放也若不解當令贖死駐治長在獄六十日卒日有雀子緣獄柵上相呼嘖嘖唯唯治長含笑吏啟主治長笑雀語是似解鳥語主教問治長雀何道而笑之治長曰雀鳴嘖嘖唯唯白蓮水邊有車翻覆黍粟牡牛折角收斂不盡相呼往啄獄主未信遣人往果如其言後又解猪及燕語屢驗於是得放皇氏所引論釋不知何人所著據所言則治長不特解鳥語非通猪言是亦知獸語也沈佺期燕詩不知黃鳥語能免治長災唐人所事其不苟如此

按海錄云公冶辨鳥雀語云啾啾嘖嘖白蓮水邊有車覆粟車脚淪泥犢牛折角收之不盡相呼共啄與前小異殆葉氏曾見皇疏而小加刪

改其文

董文敏末第時客於海昌最久與陳增城先生爲莫逆交至其日用簿亦有文敏爲之登記者然增城甚器之文敏夫人嘗至陳氏釵荆裙布而已陳氏素豪華皆竊笑之增城獨曰勿輕視董夫人他日富貴未可量也漢書唐以前惟尙音義自顏師古奉太子承乾令集諸家注解出而人咸重之以爲班史忠臣迨宋余靖爲秘書丞上言今國子監本史漢多誤請行校正詔翰林學士張觀知制誥李淑宋祁直講學士王洙洎靖于崇文院讐對悉發三館秘書以相條校凡是正數千言踰年上之于是諸人校本盛行于宋世明以來所刊又多用顏校本間有用宋校本者不過元大德時刊本俱經刪改非復宋時之舊予家藏宋槧漢書殘本其音注多與近刻不同者幾什之二三以此知宋刻之佳今偶記數則于此反離騷資嫗娃

之珍韋注韋徒計反下有章昭曰姬當作魏梁王魏嬰之美人曰閼頹
鳳凰翔于蓬階兮豈駕鶴所能捷注蕭該音義曰該按說文曰清水出常
山中邱逢山一曰渚小洲晉書之與反又自該按該字至又字凡二十五
字今本無卷薛芷與若惠注皆草也是作香下云薛音神服虔音神該謂
薛亦是穀稗之稗亦是香草薛荔之薛在穀則為稗也又引字林云漚久
清也一候反苗按字林云地漚似蓋巨隕反自薛音神至此一段在宋初
曰榻疑混同之上其餘不同處尚多不具錄

匹夫匹婦皇氏論語義疏云古人質衣服短狹二人衣裳唯共用一匹故云
匹夫匹婦也此言殊近穿鑿竊謂匹者當是單獨之意孟子力不能勝一
疋雞亦豈以衣裳喻乎

班孟堅國都賦瀟招路以從己分謂孔氏猶未可安惛惛而不能分卒隕身

尖陽叢書卷三

七 張氏適園叢書

乎世禍曹大家曰惛惛亂貌能避也今論語作惛惛鄭康成與史記並作
惛惛

文選廣絕交論注引張升反論語曰噓枯則冬榮吹生則夏落張升不知何
代人反論語之名亦未見于隋唐書目

宋殿前司分掌馬步諸軍以直禁衛有都指揮使都虞侯十將將虞侯又有
都頭虞侯等名祿秩有差詳宋史職官志故當時民間目軍校亦曰都頭
虞侯至娼妓亦有都虞侯之稱不知其何所取義軒渠錄云東坡有歌伎
數人每讌客必請云有數個搽粉都虞侯欲出來伺候也

凡雷書者木皆倒而字體亦不一國史補載岳州玉真觀火災後一柱有雷
書云謝仙火宜興善權寺有雷書三柱一曰詩米漢漢魏抄作一曰謝
均記一曰詩米漢謝均之記三柱並行書湖州項王廟覺海寺亦有侯米

等字謝仙據何仙姑言是雷部中鬼名夫婦俱長三尺色如玉掌行火人
試檢道藏果有謝仙之名始信詩米漢謝均或謂亦雷神名宜興張渚鎮
承福殿亦有雷書一柱作回曰凸之字大徑六七寸入木約四五分廟祀
張大帝重創于大德初雷書不知作于何時至今猶存予嘗親搨之書法
似篆隸甚奇古真有不可思議者

按雷書不見于古故六一集跋龍書云恐是薄後中記號其實不然也
晉中興書安帝義熙三年六月韓麗震太廟鸛尾徹壁柱若有文字此
雷書之所昉與

始興崇化寺有甃塔二或于土中得塔記甃一方廣尺五六寸記曰崇化寺
西塔基記吳越王長舅鄭國公吳延福載興磚塔二所香泥木石爲此磁
基厚二丈餘其固若山他日製爲詩無疑也唐下元戊午年七月二十八

尖陽叢書卷三

八 張氏適園叢書

日句常并給塔僧契庄勸緣僧延祝凡七十三字書法古質有唐人遺韻
按吳越王莊穆夫人吳氏觀察使仲忻女此云長舅當是夫人之兄然延
福之名及其封號皆不見于吳越備史十國春秋等書此亦可補所未備
也

按吳越崇化寺有尊勝石幢天寶四年建葉九來金石錄補謂寺在臨
安城中恐臨安乃紹興之誤

黃氏日抄云一念之善則天瑞地符祥風和氣皆在于此一念之惡則妖星
厲鬼凶荒札瘥皆在于此此君子必慎其獨觀大節必于細事觀立朝必
于平日平日趨利避害他日必欺君賣國矣平日失約負期他日必欺君
罔上矣君子必矜細行此乃張九成橫浦日新之格言好事者書爲門屏
予謂欺君罔上易爲忘親賣友似更勝

邵澗山之東有孫澗山麓多幽附海鹽張明經燕昌遊焉於山側澗摩崖書
手搦以歸銘曰南國子華營父墓于山南淳熙六年春筆法甚蒼古不知
南國子華爲何人今墓亦無攷按宋自南渡後宗室世家散處鹽寧二邑
者頗多此南國子華豈亦其流故不欲顯其姓氏乎

淵明詩皆和平清淡罕艱深詭僻者惟連酒一篇其意殊不易曉黃山谷疑
有闕誤獨湯東湖知其微意以爲靖節爲零陵王而作考晉元熙元年劉
裕廢恭帝爲零陵王明年裕遣張偉持毒酒酖王偉自飲而卒裕又令兵
士踰牆進酒王不肯飲遂掩殺之靖節感其事又不敢顯言故托言述酒
蓋違詞以避禍也東湖名漢字伯紀諡文清東湖其別字見宋史文苑傳
其注陶詩凡四卷世傳甚少予見宋刻本甚佳桃花源記聞之欣然規往
世行本俱誤作親往東湖明于易城復于隍其命亂也困學記聞嘗引其

說

人參唐宋以前不甚言及傅子云先王之制九州異賦天不生地不養君子
不以爲禮若河內諸縣去北山絕遠而各調出御上黨人參上者十斤下
者五十斤人參之貢殆自典午始與

說苑趙簡子謂陽貨曰夫樹桃李者夏得休息秋得實焉按桃李多熟于夏
而云秋得實者蓋周之秋正夏之五六月也猶棊母遽注孟子秋陽以暴
之曰周之秋陽夏之盛陽也

伯魚之死在顏淵後而論語顏路請子之車古本無以爲子曰鯉也死云云
昔人皆疑之或謂是夫子設喻之詞義亦未安毛西河云按史記及家語
所云顏淵少孔子三十歲疑當是四十之譌若改三爲四則顏淵前後踪
跡俱無所誤而以此考伯魚之死則在淵死之前按家語夫子年十九娶

宋之上官氏按一作上官氏又一年而生伯魚則伯魚之生在夫子二十歲史

記云伯魚年五十先孔子死以二十加五十正當夫子七十歲爲哀公之
十三年是魚死在七十歲淵死在七十一歲先後相距剛值一年鯉死喻
引痛正切如此則論可讀史記家語諸書可據孔氏不必誤按孔氏似

國論語注云孔子時爲大夫故曰吾從大夫之後不可以徒行是也毛
據正義孔子五十六爲司寇顏淵之卒孔子年六十一是時已去位孔子
以爲時爲大夫不知所據今若以淵死在孔子七十王肅不必疑矣此論
一歲則距爲大夫時益遠而云孔氏不必誤者未詳

誠足祛千古之惑蓋古人書三十俱作卅四十俱作卅三十四十所爭只
一筆故易于誤乃一誤于史記再譌于家語遂不可復正矣然西河以三
十爲四十之說明蔡復賞已言之

漢孔安國宣聖十世孫武帝時爲博士至臨淮太守早卒又續晉陽秋曰
孔安國字安國會稽山陰人車騎愉第六子也以儒素見稱歷左僕射此

又一孔安國也安國見晉書

綠珠有女弟曰宋禕先爲王敦妾後歸謝尚書說有與尚問答語

尖陽叢筆卷四

海靈吳憲楷客

左傳僖公三十三年秦師襲鄭過周北門左右免胄而下超乘者三百人王孫滿尚幼觀之言于王云云夾溱氏族略王孫氏姬姓王孫滿之後滿頃王孫也考秦師襲鄭在襄王二十五年時頃王尚未即位果如鄭言則爾時王孫滿乃王曾孫也

謝道韞論語贊曰衛靈問陳於孔子孔子對曰刳豆之事則嘗聞之軍旅之事未之學也庶則大矣比德中庸斯言之善莫不歸宗範者乖本妙極令終嗟我懷矣與言攸同孔子曰民之於仁也甚於水火水火吾見蹈而死者矣右見藝文類聚然所贊似未必係此二章當更攷之
李善文選注云孟子雖往來屯難不見任用終亦為周威王師其事孟子及

尖陽叢筆卷四

張氏適園叢書

史記列傳未見

南宋孫觀內簡集蘇運除右司郎官制詞云具官某朕紹休鴻緒思用老成注相方深慙遺興歎懷人念遠知孤突之教忠崇德象賢庶阜陶之濟美以爾儒術之茂嗣其先人忠厚之資信於當世屬靖康之初政變元祐之舊臣故家尚存遺風如在肆予繼紹相見儀刑擢自臺郎延登宰屬益思勉勵光賁前人邈東坡子過之弟也世傳說為東坡微子果爾亦當時一佳話

漢淮南王謀反自殺民謠曰一尺布尚可縫一斗粟尚可舂兄弟二人不相容許慎淮南子注云一尺綸好童童一升粟春蓬蓬兄弟二人不能相容二書所載各不同
古字未有翻切但云讀若至高誘呂氏春秋注崔杼之子相與私閱讀近鴻

緩氣言之慎行許慎淮南子注蓋爾故民云蓋讀人謂蓋然無所知之蓋

籠口言乃得要又牛蹏之泔無尺之鯉注泔潦水也泔讀延話曷問急

氣閉口言也問不可解疑有語此華嚴字母開口閉口之權輿歟詩遠按于南釋

此文沈協乃林切今謂古人細緩不煩改字

此緩字蓋猶云相寬又非緩氣急氣之謂

嘉興府治頭門甃石為基高數十尺上蓋飛樓勢極高聳樓西一間中有古棺一鐵繩懸其四角前和右字云金花帖陸爾之板至今尚在樓中遇風則動搖

論語子貢問曰何如斯可謂之士矣章韓氏筆解次以子曰宗族稱孝二句行已有耻使於四方不辱君命可謂士矣四句次鄉黨稱弟焉下云行已有耻為上文簡編差失也唐去古未遠其言必有所據第惜漢石經已亡不知何如耳

尖陽叢筆卷四

張氏適園叢書

嘗見蔡忠惠一帖云澄心堂紙一幅闊狹厚薄堅實皆類此乃佳工者不願為又恐不能為之試與厚直莫得之見其緒細似可作也使人只求百幅

蓋宋時尚能造此紙故至百幅猶云只求今則金粟山宋藏經紙且不能仿明宣德內庫賤則略得其髣髴耳

論語楚狂接輿歌而過孔子曰日本山非鼎七經孟子攷異作歌而過孔子之

門初讀頗疑之及觀陸德明釋文云孔子下包氏曰下下車也鄭云下堂

出門也然則山非氏所據乃鄭注本此可補釋文所未備也

錢塘姚進士之駟少博學洽聞為諸生時嘗葉古今事為類林新詠三十六

卷藝林稱之又纂後漢書補逸東觀漢記八卷謝承後漢書四卷薛瑩後

漢書一卷張璠漢記一卷華嶠後漢書一卷謝沈後漢書一卷袁山松後

漢書一卷司馬彪續漢書四卷共二十一卷今類林新詠以便于檢習學

漢書一卷司馬彪續漢書四卷共二十一卷今類林新詠以便于檢習學

漢書一卷司馬彪續漢書四卷共二十一卷今類林新詠以便于檢習學

者幾于家置一編而後漢書竟不知其存亡可惜也

近俗孫曾在襁褓服祖父母若曾祖父母之喪輒曰花花孝按姚旅露書京師期功以下服孝帽頂心皆綴紅絨一朶曰花花孝莫知所自始俗稱蓋猶沿于此

雕漆器明時謂之剔紅乃永樂中果園廠始仿宋製宋剔紅多金銀為裏明則以錫木為胎漆朱至三十六遍為足或至七十二遍宣德器色較永樂剔紅而鮮妍過之

梁武帝嘗訓釋論語而梁書南史本紀皆不載經典釋文於事君數引鄭世至反謂數已之功勞也武帝音色具反注同皇氏義疏引一云數言計數同者蓋謂安國注中數字音同爾朱氏又按資暇集云梁武帝讀宰予畫寢畫胡卦反謂畫飾其寢也据此則昌黎筆解之說亦非自梁武矣附注

宋陽義筆卷四

三張氏通圖卷四

論語亦以

山陰楊處士以書法擅名家藏碑刻甚多嘗著鐵函齋題跋人競傳抄予得其墨跡數幅皆論書法其一云姜西溟少時學米董有名然至戊辰後方用第四指懸腕學晉人書丁丑後方聽余言用大指專工小楷是時年已七十餘矣使其少時即知筆法力學至老豈非豐考功之後一人哉蓋自負如此

賈公彥周禮正義叙燧皇始出握機矩表計其刻曰蒼牙通靈昌之成孔演命明道經學者往往不能句讀攷易緯通卦驗宜曰作白鄭康成注云矩法也燧人在宓義之前始王天下但持斗機運之法指天以施教令作其圖緯之計演時無書刻白蒼精牙肩之人能通靈之意謂宓義將作易也昌文王名也又將成之謂觀象而繫辭也

按馬融釋史引作燧皇始出握機矩表計其圖其刻曰蒼牙通靈孫穀古微書引作其刻曰蒼渠通靈又與此文異不知所據何本也

經書言顧命者凡三成王顧命見于尚書葉公顧命見禮記衣篇論語周公謂魯公曰孫綽注謂此乃周公顧命魯君之詞

晉蔡母遂世次行事不可攷嘗注孟子七卷見于隋書經籍志孟子正義見隋志梁有蔡母遂注之語遂以為梁人誤也隋志又載遂有列女傳七卷又注三都等今皆亡逸不可見所注孟子惟李善文選注引數條夫子當路于齊云當路居要地也伯夷隘柳下惠不恭隘與不恭君子不由也云隘謂疾惡太甚無所容不恭謂禽獸畜人不敬然此不為隘隘不為不恭秋陽以暴之云周之秋陽夏之盛陽也驅龍蛇而放之滄云澤生草曰滄列女傳則未見有引之者惟史記趙武靈王夢處女鼓琴而歌曰美人笑

宋陽義筆卷四

四張氏通圖卷四

笑兮顏若若之榮命乎命乎曾無我羸集解引蔡母遂曰陵若之草其莖紫又曰又言命祿生遇其時人莫已知貴盛羸滿也觀此似遂所作者乃列女傳注耳隋志或脫注字未可知也漢劉向著列女傳晉皇甫謐亦有列女傳遂殆在謐後也

嘉興譚聖俞太僕萬曆中為山東督餉參政與烏帥毛文龍不協為闖黨所扼憤懣嘔血卒于任居官風節尤表表子貞良孫吉璉竹垞皆為志其墓若太僕事祇畧見于靜志居詩話蓋語焉而不詳也予見吾鄉沈狀嚴太史珩未刻稿有明太僕譚公傳一篇載之甚悉可與五經進士墓表小譚大夫墓誌銘參觀因附錄于左聞讀漢紀至東漢永興延熹之年內則寺人執國之柄外則吏黷民流亂萌四起其時公忠亮達如朱公叔臯甫威明經理雍冀諸州官方肅清戎馬綏靖足以有為矣然皆觸忤奄豎橫權

宜綱威明以幾哲幸全公叔卒憤激發疽以死又讀晉紀永嘉建武間如祖士雅劉越石慷慨宏濟輯盜并豫皇綱有再興之望乃賊臣構難于上猘猶刃于下越石竟以禍終而士雅感激發病以死漢晉之亡其國事人才大率如此小雅篇南山之篇曰民言無嘉憚莫懲嗟又十月之篇曰不懲遣一老俾守我王皆嫉邪憫正之詞而國祚隨之噫何其傷也及近按明季喪亡其釁毒至天啟之璫禍極矣爪牙搏擊于外使材賢幾盡如漢晉之末數君子者其禍賊尤甚焉予因敘述明太僕譚公始末而不禁為之索歎而涕洟也太僕諱昌言字聖俞號凡同嘉興人萬曆甲午首解額辛丑成進士初知常熟縣有惠政調婺源刊朱子遺書千餘卷開金竺隄雙湖土人行旅皆便之呼譚公嶺復知欒城抑巨璫王進忠削其免役田什七諸閹欽迹而募民鑿井六百溉高邱四十餘村迄今成沃壤以課

天陽叢書卷四

張氏通國叢書

最選南兵曹補北車駕司出提學福建矢公慎首相葉向高孫應童子試勿錄也閩號真宗師先是策撫順不宜出師言果驗以知兵除山東督餉參政兼登萊海防監軍時山東事孔棘登萊于額兵外增召募兵八萬島帥毛文龍欲山海道濟師御史游士任招募淮兵無現糧而誰遠民航海避難者數萬巡撫陶元暉疑不納飄泊海濱將為亂登萊且夕糜泐公聞兼道赴官密擒譚兵為首者斬以徇餘悉不問分插遼人于登萊青三郡三千六百有奇編列戶籍給牛種流移得所居無何濰縣兵民相鬪濰令以遼衆反聞巡撫檄兵會剿公單騎入登營執遼將李進忠手曰遼民即我民遼將即我將誰言反者傳箭慰諭之將士皆感泣不煩兵而事解督撫上其功舉直省監司卓行第一詔不次擢用賜金加銜尋擢山東巡撫當是時島帥毛文龍之鎮膠東也籠海外織皮駝馬之饒括金貝以飽中

人之府其帳中擁觀軍容之虐威呼噓權輿捷于桴鼓外輸金綸數百萬而斬馘部民邀俘獻功謂且晚侯封可恃者自節鉞以下莫不怵息以承島帥之命公則每事必遏其姦帥掠平民毒其舌咽其喉詐為獻俘計公則多方全活之以顯斥其罔而朝鮮李倅謀篡請封帥甘其重寶導之來以介于璫公怒曰篡賊不討而封之何以示屬國拒不許登岸帥患事權不足以箝勒文臣私請勅使得兼舉刺公其揭力爭其非制不可于是璫與帥之疾怒次骨突會御史魏光緒給事中魏大中各疏其罪狀文龍疑出自公因搆盡語借一司餉同知翟棟詞連及公謀燬煉成獄公念一身不足惜痛權姦覆國莫可救止憤瀆嘔血卒于官邸山東百姓莫不哀其心而恨其事崇正即位忠賢伏誅錄以死勤事諸臣贈太僕寺卿賜祭葬復下禮部議諡法會明亡事遂寢公生平執義勁強公忠許國不以利害

天陽叢書卷四

張氏通國叢書

奪所守至應機緯務具深識遠略當其任南兵曹也時福藩遷延未就封特迫廷臣請詔來春之國而故索江南解艇五百艘為發裝時方秋度冰堅不及赴公虛內廷以舟之不集為藉口立遣官就北按辦速訖報聞福乃就藩隱然有安儲功識者趨之子四人貞默登進士貞良以五經登進士乙酉典粵東試貞良子瑄舉孝廉官給諫以文學直節著于時予昔以明史備員史館得繙燕廟實錄及志乘諸書未嘗不歎息嚮往于公今給諫君復出行狀暨諸行書介同里查聲山庶常請予為之傳予益有感于明季喪亡其養禍覆轍鮮不券合于漢晉淪滅之年當太僕經畧登萊間戢亂撫流定嗣敗于呼吸之間其于皇甫祖劉之威信權宜奚遜焉若夫欺詐倖之罔上拒逆節之獎奸爭侵官之悖制是朱公叔之所以尊國體而遏異萌也向使遇英辟為之驅除諸子匡主救時功業可勝道哉且公

死無何而撫臣李嵩李精白疏建忠賢景仁祠蓬萊閣與諸省響應報可設公未死安知無顧忌于強項使君之髮衝冠也乎鄭昌有言山有猛虎藜藿不採迫青齊之故迹孔北海死而後移鼎之迹形矣國其可以無人乎哉乃踟躕于權逆之鎖鑰既不能為威明之幸全同昔之二臣感憤以空歿僅不嬰匹碑處仲之毒特一聞耳嗚呼安得不悲其志而惜國事之日以殄瘁也

海鹽彭太僕殉節於江西公子孫貽在家聞變不避兵革往求父屍僧人指以墮垣之下發之弗識也刺臂血驗之得實遂奉歸葬焉右楊園言行見聞錄所紀按其後十餘年又有義士曾堯利送太僕骨歸海鹽歷言太僕殉節事甚悉舉家驚異以滴血法驗之良是始知前孫貽所葬者蓋猶未真也於是號慟幾絕楊園先生所記者殆在真骨未歸之前歟吾鄉陳乾

初先生確聞曾義士送太僕之骨歸特作彭觀民先生歸骨記然不及海鹽縣續圖經所記之詳也

梁中書侍郎劉臻少觀班史讀田青爲田肯元帝問之答曰家有舊本以唯黃塗之改青爲肯帝無以難之今漢書仍作田肯不作田肯按史稱臻就閱經史終日單思至于世事多所遺忘嘗欲詣劉訥誤至己家既扣門臻猶未悟大呼劉僕同可出矣其子趨迎臻驚曰此問汝亦來耶其子答曰此大人家願盼久之乃悟蓋臻雖好學而非明敏之士或偏信誤改之書未足深惡也

唐開成石經今在西安府學九經而外益以孝經論語爾雅凡十二經及九經字樣五經文字按池北偶談云喬三石作石經記恨獨無孟子自開成至今七百年無好事及此者近賈中丞復始爲補刻以成完書據漁洋

言蓋石經中有孟子者乃賈氏刻本也又康熙中西安方伯阿敏圖石刻大學中庸

陳際泰書論有云再一傳而賊射天遂太康而立仲康此與莽操何異其行義和之征稍能見武此適促其忌耳高貴鄉公之不免千載一揆焉在其不然也國統中絕少康嗣興而書無開焉豈遂奄奄不振乎按史紀夏本紀太康既崩弟仲康立時羲和湏淫廢時亂日允往征之作允征仲康崩子帝相立帝相崩子帝少康立攷傳記惟言太康爲羿所逐而仲康未聞有爲臣下弑逆之事今大士以高貴鄉公擬之未識有何所據也

卻掃篇引漢書食貨志官與半盆蘇林曰半價直也今世言顧手半如淳曰半稟食也古者名稟曰半盆器鹽盆也鬻古煮字今煎鹽之器謂之盤以鐵爲之廣袤數丈意盆之遺制也今鹽場所用皆元豐間所爲製作甚精

非官不能辦然亦有編竹爲之而泥其中者烈火燃其下而不焚物理有不可解至如此按今世煮鹽之盤鐵與竹並用之鐵盤廣不過數尺竹盤則編竹而塗以石灰不待其燥約旬日一易亦無甚大異也

尙書宅嵎夷陸明德云尙書攷靈耀及史記並作宅嵎鈇按鈇即夷又與鐵同集韻六脂有鈇字延知切注嵎鈇東表之地是鈇與夷音義俱通不過寫法不同耳近人作古今文尙書辨竟作宅嵎鐵是音義俱乖矣

世傳歐陽集古錄跋尾或云原書已亡乃文忠子裴撰集此語恐未然觀跋中題歲月多在公生時下每跋注見真迹及見集本蓋公藏金石文字千卷殆皆散跋卷尾未嘗編次成書至公沒後其子裴始從各卷編集爲一書耳不然如皇祐嘉祐治平熙寧等歲文忠尙無恙乃裴竟題跋以入公集無是理也

劉一清錢塘遺事載萬回哥哥神不問省部吏曹市肆及唱家無不奉祀一飯必祭其像蓬頭笑面身著綠衣手左擎鼓右執棒云是和合之神可使人萬里外亦回故名萬回隆興鐵柱觀側武當福地觀內皆祠之按唐徐彥伯有萬回神迹紀史惟則八分書開元二十五年作見金石錄不知此石今猶存否

京房易傳有一世至六世及遊魂歸魂此皆以卦變言之凡八卦一變者卦之始也謂之一世六變者卦之終也謂之遊魂七變而返者卦體復也謂之歸魂

婦初六繫于金柅趙汝梅周易輯聞柅所以運篋篋以繫絲絲有時而絕柅之運愈繫而愈不窮一陰初生故漸進而必壯九二繫之終不能出吾彌淪防範之外金柅之喻取象甚精按篋亦作篋王縛切方言云篋篋也竟

豫河濟之間謂之棖今江浙亦謂之篋子柅者女履以舊注止車木集韻又丑利切音咽篋柄也若依趙說當讀如後音

宋進士有免解免省特奏名等稱按明黃忠端公詳前宋科目攷今三年鄉試一省彙所屬郡邑而試之宋則諸州各自爲試各自發解與路分無與惟有官鑠應舉者及避嫌遠鄉之人試于轉運司反謂之別頭試今士人一經鄉舉則當會試之期徑借計吏不復取解宋則有恩例始得免解或減一舉而已其下第進士雖會中省試即今試來科仍復解試中格然後得上省試也今殿試不過名次升降無有黜落宋初于御試特重苟不中格則省試皆虛也所謂特奏名者凡士貢于鄉而屢縶于禮部或御試所不錄者積前後數舉參其半而差等之遇親策士徑可附試其薦舉者不試于州郡唯試禮部不中亦許赴御試故有免解免省之條

明泰和王文端公直博學有才辨嘗作夷齊十辨凡數千言一辨夷齊不死于首陽山二辨首陽所以有夷齊之跡三辨山中之食之故四辨夫子用齊景公對說之山五辨武王之世恐無夷齊六辨史記本傳不當削海濱避紂之事七辨道遇文王與周紀書來歸之年不合八辨父死不葬與周紀書祭文王墓而后行者不同九辨太史公之誤原于輕信逸詩十辨左氏春秋傳所載武王遷鼎義士非之說亦誤文端之說大抵主孟子而糾史記之譌曹田鄒守愚又有反夷齊十辨論者終以文端爲長

去余居里許濱海有捍沙廟相傳神姓張名祿或云張夏廟無碑記可考未知創自何時明貝清江上偶對日海岸有古祠奉捍沙神者余暇日過之循其垣則惡木糾然而烏鴛噪其窟入其戶則毒草蕪然而蛇虺蟠其中有屋焉仆而不支有像焉剝而不完老巫指而進曰是祠閱五百春秋矣

云云據清江五百春秋之說蓋創于宋時也談遷海昌外志謂咸淳間曾賜額今亦無可考

洋紅與洋青俱出大西洋國而洋紅特貴白銀一金易一兩四兩爲一金色殊鮮麗可久歲以供內庫見邱光任澳門紀畧

漢儒林傳歐陽生字和伯于乘人從濟南伏生受尚書蓋歐陽生字和伯而以其名歐陽永叔作家譜自言出于于乘歐陽欽生三子曰容述興並受業濟南伏生歐公疑容卽儒林傳之和伯述興無考夫和伯之名漢唐諸儒皆不知不應後來族譜翻有之而又不知其字且譜又曰容娶夏侯氏生子巨娶戴德之女生子遠遠娶兒寬女生子高高師古曰字子高娶孔安國女凡累世所娶悉皆儒林傳中人女亦可異矣按儒林傳云歐陽生授兒寬又授業孔安國則三人之年當不甚相懸據譜則歐陽生之

孫爲兒寬婿而曾孫又爲孔安國婿傳言安國早世安得有如是之少女何參錯之不倫耶蓋族譜之不可信雖歐陽公猶爾何況其他

明泰州周廷芳先生蕙得薛文清之傳門人酒埽設座跪而受教性至孝以父久客江南不返渡楊子江尋之舟覆溺死馬伯循先生理三原人學行醇篤與呂涇野並爲關中學者所宗以地震與其妻俱死天道之不可知如此

程淮伊川先生六世孫咸淳間爲安慶倅後居池陽元時其族尙蕃婦人不纏足不貫耳蓋其家教如此淮所著有大學中庸理粹一編見白珽湛淵靜語

渡海輿記一卷不著撰人雍正十年知將樂縣安岳周于仁序記臺灣及海外諸國風土甚悉其論字內形勢云中華之地道理雖廣以天樞揆之偏

在東南而東南半壁又皆海也自遼陽爲中國東北極際綠海而南爲天津次山東之登萊青三郡有沙門等五島與遼東朝鮮相望一帆可即次膠州次江北安東縣黃河之水山北入海次狼山揚子江出焉次崇明上海爲吳淞三泖震澤諸水所歸次浙江之乍浦海鹽次錢塘次溫波府有舟山廣八百里今爲定海縣又有普陀巖觀世音香刹在焉次台溫次沙城爲浙閩之交過此爲福寧州次閩安鎮是閩省門戶次興泉漳三郡泉漳間有金廈二門山各廣數百里商船通外洋諸國者悉由廈門出入漳與粵鄰漳之南曰南澳屬潮郡次惠州次香山澳次高雷廉渡海港爲瓊瓊之南爲崖爲岡皆粵東地自遼陽至此中國南而已盡瓊崖之間實爲東南隅綠海轉西則爲中國之南而矣盡粵東地而西爲粵西更西爲貴州省又更西爲雲南省雲南者中國西南隅也然雲貴盡處不盡于海而

盡于山崇山複嶺獠苗夷所居又有緬甸國皆瘴癘害人不能入而

海港亦斷於粵而未遠雲貴也自瓊崖間渡海港而南水程七更抵東京國名本交趾地明黎氏爲外家所據遂另爲一國東京又渡海港十二更抵安南安南即古交趾國東京安南西海港自港口橫渡雖甚廣漸西即隘而海亦止蓋海之支汶也故東京交趾山川實與雲南貴州連屬不斷漢伏波將軍征交趾立銅柱不以海爲限而以分茅嶺爲限則接壤可知交趾山南曰東浦寨曰暹羅曰六崑曰大年曰柔佛曰麻六甲凡六國皆與中國連中國以其鄙遠棄而不收麻六甲爲西面盡處惟北連中國餘三面皆海凡海船由廈門直指南離至東京水程七十更安南七十二更暹羅一百八十更漸偏而西歷六崑大年又轉北過柔佛始抵麻六甲水程二百更至此約已轉出雲南緬甸後矣雖曰海道皆依山而行實未嘗渡海也自麻六甲渡海

斜指西北四十更爲咬啣音葛始渡西海咬啣西北爲啞齊產黃金之其形方正不假鑄鍊其主無啞齊之外中國舟船不得往相傳尙有英嗣以女繼統迄今猶係女主吉黎名英吉立產西洋布嘉文席玻璃器荷蘭國即紅毛大西洋等國皆有西海外莫可究詰只就咬啣而言其山最大又最遠自咬啣以綿亘西南爲萬丹又極南萬里爲馬神皆產胡椒蘇木沉香黃檀諸香自馬神轉東迤北爲文萊一無所產爲蘇麻產大珠有重三五錢者然少爲呂宋山至此又在中國極東海外萬里矣又轉北爲文武樓山以迄呂宋海船欲至馬神者仍行安南水道既至咬啣依山而南過萬丹達馬神水程四百六十更非故行其途也以南海水道未請不敢渡耳往呂宋者由廈門渡澎湖循臺灣南沙馬磯斜指東巽方經謝昆尾山大小覆釜山繞出東北計水程七十二更往蘇落者從覆釜直至東南水程一百四十更自咬啣以從西北

海中至極南又轉極東再回東北迄於呂宋連山不斷蜿蜒數萬里較中國遼陽至雲南道遠過倍從借其割裂分據不能一統而城郭人民又無幾也以上諸國皆有商舶往來貿易其山川道里風景人物土產皆得悉知之惟荷蘭大西洋遠在四海外相傳有黑洋晝夜如墨人不能往商舶不通至咬嚼以而止咬嚼以本非荷蘭特為紅毛所占設官分土不知者因日為紅毛英圭黎亦然荷蘭人鷓悍狡猾大西洋又甚焉近歲呂宋亦為紅毛所據分土番為二十四郡紅毛與西洋人雜治之故荷蘭者大西洋之附庸也此書述海外諸國道里最悉可與神海紀游相為表裏

太平御覽引說苑曰齊王起九重之臺募國中能畫者賜之錢狂卒敬君居常飢寒妻端正敬君工書食賜畫臺去家日久思念其妻像向之語笑傍人瞻見之以白王王即設酒與敬君相樂謂敬君曰國中獻女無好者以

錢百萬易妻可乎不者殺汝敬君悼惶聽許考今說苑中無此條然文亦不甚似中壘筆世行御覽諺外特甚豈誤列他書之名

山非鼎作孟子考文謂原本趙注每章注末即繼以章旨孫奭作疏時去之譏其妄作不知作孟子疏者乃邵武士人偽托朱子嘗言之豈海外書少而神君蘇未知之耶

江都傅溪徐氏藏古銅一有銘三百餘言篆文皆完好略無損蝕歛汪肇龍稚川為釋文尤詳其不能釋者則仍其原文而揚州汪德量成嘉復考定釋文且為之章句錄其文于左

周大媿散邑迺即散用田禮自漕涉日南至大沽一表日陟二表至于過柳復涉漕寧嶺途隊日西表于鄰城鉢木表于孟若禾表于孟若衛內陟若登于尸源表都麻陵二剛麻表于單衛表于原表于衛魯衛

日東表于弊東疆右還表于禮衛日南表都禾衛日西至于鳩莫廣那邑田自稿木衛左至于那邑表衛日東一表還日西一表陟三表降日南表于成衛陟州劉登麻降藥二表大人有嗣廣田菲且敷或父西間襄豆人虞考祿貞師氏右酋小門人絲原人虞杰淮嗣工虎孝備豐父鳩人有嗣刑考闔十又五夫足禮大舍微田嗣士出奚嗣馬單衆那

人嗣工驗君宰德父散人學廣田戎微父教味人魁之有嗣藥州京攸從階凡微有嗣十夫唯王九月辰在乙卯大俾菲且與旅誓曰我既付微氏田器有爽實余有微氏心賊劇受千罰千傳襲之菲且與旅誓酒俾西宮襄或父誓曰我既付微氏田精田余又爽變受千罰千西宮襄或父刺誓舉為圖大王于豆新宮東庭原缺十字舉左親豐史足中原缺十字高高六寸逕一尺五寸半深三寸二分底徑一尺二寸深亦原缺十字

三寸二分耳高三尺並今之裁尺重四十斤六兩銘在腹花紋螭首繞其外德量云右周散邑高銘汪氏曰文凡六章章末繫以分題與文間連書之曰二表曰十又五夫曰十夫曰菲祖某旋則誓曰西宮襄武父則誓凡經傳篇內分題繫章下者題或別簡其或不別簡者如禮記文王世子篇文王之為世子也句鄭君注云題上事教世子及周公踐降句注亦皆云題上事又荀卿子賦篇雲禮等漢書禮樂志桂華美芳之屬並皆與文間連不別簡而俗儒乃謂誤衍字句今證以此銘益可以識古書而祛其未寤矣首二章繫以二表一題其下四章各一題第六行第十三字以下為第二章其上為首章第六章分題記為圖末行記樂史蓋小邦諸侯壤接而相與爭田亦若虞芮之為者既而得講于是正別疆城而盟焉盤則盤以歃血銘文篆跡遠古且記曰殷人作誓

其亦殷季物與量案文凡十章首五字一第五行至殷二降械三二表四十有五夫五十夫六鼎且某旅則誓七西宮襄武父則誓八東廷九末行十而第四章二表實總結上二章之義器有足四末復作鬲字實鬲非盤也篆法雖古然非商器觀魯原諸地名皆與周封建合且亦不類商器款識首標周而末繫以鬲因名之周大僕散邑鬲銘某旅西宮襄武父皆不類國君名且如周器齊侯鐘宋公二鼎皆稱名而必冠齊宋公侯之稱未有不繫國名者或小國而西宮則姓苑載之通志氏族譜謂以地爲氏者其非諸侯無疑以地考之在周魯之間殆周畿內采地王之卿士也成嘉既作章句十章復以意爲地圖凡銘所載陟降登陟之地及立表之處俱略可按識茲不具錄丁小正學博拓鬲銘寄予道失之爰據釋文載之如右

日本山井鼎輯七經孟子考文補遺三十二卷據所列彼國下毛足利所藏古經舊本有宋板五經正義正德板十三經注疏嘉靖板十三經注疏萬曆板十三經注疏永懷堂十三經注古本禮記足利禮記古本尚書古本周易三通足利本周易古本略例古本毛詩二通古本論語二通足利本論語皇侃義疏論語古本孟子足利本孟子古本孝經等皆據以攷證補遺其中古本間有唐以前所遺者惜獨少漢魏以來之石經耳

東京賦狹三王之趨越軼五帝之長駘或謂二句若乙之則韻叶見二初補遺

予疑長駘與越越四字舊本誤倒耳乙之不特韻叶而文義亦順越起小步也蓋湯武以征誅而得天下故曰長駘五帝時制作多未備故以小步爲比與下二皇遐武相應李善以爲越越局小貌猶未得其解也

元大一統志一千卷奏進者爲集賢大學士資善大夫同知宣徽院事李蘭

許昭文館大學士中奉大夫秘書監岳瑋等其書不知何時所進而二人姓名亦未見元史按元秘書志太祖至元二十三年命修大統志至成宗大德七年始成總六百册一千三百卷詔藏秘府李蘭許昭文志作卜蘭

元一統志卷帙既繁徵探亦博間有可疑者如彭州古跡九女塚下引舊經云唐則天朝劉元一統易從爲彭州長史決崇寧沱江水溉數縣鄉民獲利九女以斷絕地脉共訴于則天伏誅百姓思易從之德爲立廟後九女被理而誅九女事不見于史又官迹門云陳易從彭州古今集唐高宗儀鳳三年吐蕃寇涼州易從父工部尚書左衛大將軍爲吐蕃所掠諸子詣闕請入吐蕃贈其父勅聽次子省之卽易從也比至父已病卒易從晝夜號哭不絕聲吐蕃哀之還其尸易從徒步萬里負之以歸見者流涕其後

易從爲彭州長史決唐昌并沱江鑿派流合壩口岐水溉九隴唐昌口大獲其利後易從李敬業事就州被害民皆憐之爲立祠云云此二事時既相近而事跡亦略同一人耶二人耶要之攬擴宏廣書成衆手自不能無可疑處姑書以俟

宋仁宗御書天下昇平四民清七字作飛白行書石刻向在杭州府學藏府志中不知何時爲民居取作牆基己亥冬烏程陳焯映千權仁和訓導始訪得而搨本貽友人石有慶曆八年四月二十八日小字蓋書此時也又有皇三十九字陳疑南渡後刻列朝御筆所記石數也周松鶴大令謂飛白不用篆隸體而用行書體此飛白之變也下字昇字民字清字共七點點法奇絕殆歐陽公所謂于李唐卿三百點之外者乎

長安鎮覺皇寺後有三女堆舊傳爲吳大帝第三女談遷海昌外志曰吳志

孫權步夫人生二女長曰魯班字大虎前配周循後配全琮後與孫峻私通謀殺孫琳遷豫章前嘉靖志載全琮赤兔嶺事則三女堆卽琮妻無疑第班居長所云第三或琮之第三娶也此言甚謬按步夫人傳云步生二女長魯班前配周循後配全琮少曰魯育字小虎前配朱據後配劉藁裴松之注引吳錄云藁先尙權中女早卒故小虎爲繼室是權第三女實後夫劉藁而非全琮也

爾正草木鳥獸之名往往多合雙聲至于草之叩鉅木之拒抑獸之蛩蚺以二字相合爲一物大抵無甚音義不過取雙聲耳此亦天地自然之理

高唐州治庭中有石在階下偶歲大疫獄因赴讞者跪此石上疫良已他因爭求跪之皆驗既而州民聞之奔赴無不立瘳州守異之命發石蓋古碑半截也洗其背有文皆殘闕可辨者數字今錄于左右高二尺六寸闊一

尺二寸後移濟南署孟琢亮先生在州時曾拓之凡五行

口是口安口口口口

口口絕口口后口口

口口口都口口口口

神口口口口見功譽

口元口口口口口口

易頤之六四其欲遂遂陸氏釋文引子夏傳作攸攸蘇林音迪說文作攸音武六反按攸當作激卽滌字漢書叙傳云六世耽耽其欲激激師古曰激激欲利之貌

李贛與王鐸進士同年後俱得路嘗恐鐸之先相而已在其後也迨路巖出鎮益失其勢鐸弱易制中官愛焉泊章保衡將欲大拜不能先于恩地將

命鐸矣贛陰知之挈一壺家酒詣鐸曰公將登庸矣吾恐不可以攀附也願先事少接左右可乎卽命酒以飲鐸妻李氏疑其董焉使元奴傳言于鐸曰一身可矣願爲妻兒謀贛驚曰以吾斯酒爲鳩乎卽命一大爵自引滿飲之而去見玉泉子藥石林謂贛當時藩鎮名跡不少概見此亦其一端餘並詳于桃溪客話

尖陽叢筆卷四終

尖陽叢筆卷五

海靈吳憲棧客

元海鹽尹頤令君陳山廟龍君記墨跡嘉靖中系孫猶藏之今尚有後居上
背里徐子正諸公皆有題跋綺川王大猷安福臺南劉守謙陽山陳化此
三人爵里未詳子猷藏此卷首有朱西村題補今
付張已堂明經屬其仍歸顧氏
容齋隨筆秦碑凡二十三十四等皆有廿卅卅每四字為句史記輒分為
五字句太史公誤或後人傳寫之訛耳憲按雲麓漫抄載國山碑文其誤
正同

歸去來兮吾歸何處萬里家在岷峨百年強半來日苦無多坐見黃州再問
兒童盡楚語吳歌山中友雞豚社飲相勸老東坡云何當遠去人生底事
來往如梭待閑看秋風洛水清波好在堂前細柳應念我莫剪柔柯仍傳

尖陽叢筆卷五

張氏適園叢書

語江南父老時與囉漁叢右東坡滿庭芳詞乃將自黃移汝贈別李仲覽
者尤清警為東坡樂府之冠後將至陽羨復作滿庭芳詞惟畫樓東畔天

遠夕陽多句佳宜與邵民瞻遂取天遠以名其堂

壽夢之戈重十四兩 麤字戈重七兩七錢五分 四孔素戈重五兩三錢五分 五孔素戈重五兩八錢

商珣戈重四兩九錢 此諸古銅戈皆予所藏也

徽俗好稱小字雖卑幼于長老皆然曾不以為怪也按容齋隨筆王丞相拜
司空桓廷尉歎曰人言阿龍超阿龍故自超呼三公小字皆人浮虛之習
如此觀此則宋人亦嫌呼小字矣

西南湖 橫港橋 東關廟廟外有城 北關廟二 西關 唐家街 南

寺橋 洋北橋 長球 以上破石十關廟周孝廉

明世宗時有周桂善鑲嵌磁匣之類精妙絕倫時稱周展常為嚴氏所養嚴

敗被藉諸器皆入內府故人間流傳絕少

餘冬序錄載沈萬山妻麗娘死萬山作離思碑于墓上有云玉骨土融百形
皆幻紅脂塵化萬態俱空云云則萬山亦復情種非蠢然一富民而已
黃梨洲常戒弟子曰當以書明心無玩物喪志吾人置書亦當明此意
元貢玩齋墓在海寧河塘里墓碑現存海鹽續圖經云貢尚書墓在紫雲山
下似未可信

陳善捫虱新話云中庸本四十九篇今一篇獨存細讀似亦非全文
明大內各箋不如宣紙有楮皮者甚細而自有宣德五年造素馨紙印
右軍十七帖張彥遠帖載廿二則今 內府藏宋本三十則南宋修內司本
廿八則黃伯思謂南唐澄心堂十七帖廿七則明那子愿摹本缺十五行
秀登軒帖本吳江某氏刻石陳增城購置於玉烟堂中帖凡四册今皆散軼

尖陽叢筆卷五

張氏適園叢書

予見楮欄河褚姓殘石三塊

笠澤叢書今所行本皆分甲乙丙丁四弓者然予見數本有七弓有五弓殊
不遜于四弓者按宋元符庚辰鄉人樊開刊于蜀者七弓是為蜀本政和
政元毘陵朱袞又刊之蓋即分甲乙丙丁四弓者中吳紀聞云龜蒙為元
方七世孫著笠澤叢書若干弓是在宋時卷數亦無定也

宋令女年二十不待父母服除而嫁中吳紀聞述其祖姑許字順沂方居父
喪顧引此聞于朝得旨成禮

崑山學記張無垢作當時謂無垢有托諷朝士故不刻石而橫浦集亦不載
今具見中吳紀聞

西湖金鼓洞前峭壁甚高乾隆辛丑秋日有仙書飛來野鶴四字草書左行
大可徑尺極秀逸飛舞之狀是日顧廣州光適遊於寺中入門時尙素壁

留連俄頃迨出則四字儼然墨跡如新度其勢非人力可以猝成咸稱異事云

朱春圃非元有校正說文首一條云昔人有以五音韻譜作說文者故後刻說文者加解字二字乃有說文解字之目此說甚謬慎作說文解字十四卷明載後漢書本傳可得云後加耶

蓋屋趙子函孝廉有兩聲堂及偏園等集今不可見唯石墨鐫華後附載諸若干篇予嘗從趙氏竹庵藍見便面一律云姑懷秋色入長安鐵騎如霜曉更寒千里封疆新授鉞一時文武繼登壇黃金叱撥人爭羨碧海蒲桃我亦歡獨有耐恩三尺劍願從前拒斬呼韓送念東老師備兵西靈趙幅斯亦竹培所謂尙存康王遺格者與
奚廷珪墨詩云贈爾烏玉瑛清泉硯須潔避暑懸葛裳臨風度梅月

元時攻漆器者有張成楊茂二家擅名一時明隆慶時新安黃平沙造剔紅一合三千文

明初金陵楊填汪家彩皆擅漆技又有漂霞沙金蚶炭堆漆等製新安方信川尤有名

染宋箋法黃柏一斤捶用水四升浸一伏時煎至二升止聽用椽斗子一升如上法煎水聽用胭脂五錢深者方妙用湯四盃浸榨出紅三味各成濃汁用大盆盛汁每用觀音廉堅厚紙先用黃柏汁拖過一次後以椽斗汁拖一次再以胭脂汁拖一次再看深淺加減逐張晾乾可用

古人戈戟多通稱收誓稱爾戈比爾干注戈戟干盾也孔穎達曰方言云戟楚謂之干吳揚之間謂之戈是戈即戟也攷工記戈秘六尺有六寸車戟常鄭云八尺曰尋倍尋曰常然則戈戟長短異名而云戈即戟者戈戟長

短雖異其形制則同此云舉戈宜舉其長者故以戈爲戟也

武王伐商以正月三日行自周二十八日渡孟津蓋自陝西至河南凡廿五日見書武成注

尙書顧命釋文云顧

一人冕執戣立于東垂一人冕執翟立于西垂孔傳謂

戣翟皆戟屬疏曰戣翟蓋今三鋒矛云蓋者猶若意度之詞予家有古銅

器其形如劍而短闊下有把安邑宋葆淳謂此卽翟未審是否近黃小松

內有古戈字形微

呂刑其罰百鍰孔傳曰六兩曰鍰鍰黃鐵也正義謂古者金銀銅鐵總號爲

金今別之以爲四名此傳言黃鐵舜典傳言黃金皆是今之銅也

宋板書多稱麻沙者麻沙乃閩中坊名宋時麻沙崇化二坊皆閩中翻刻書

籍之所而麻沙本流傳尤多

杜牧之詩云人生只合揚州死禪智山光好墓田何義門謂禪智山光並揚州伽藍名予按徐騎省寄喬亞元歌云禪智寺山光橋風瑟瑟兮雨蕭蕭則山光乃橋名而非寺名也

說文婢女汗也漢律云見婢變不得侍祠婢音半

梁蕭莊魏元法僧并南詔陳友諒皆有天啟紀年見蔣之翹宮詞注

風俗通謂秦繆公殺賢臣百里奚以子車氏爲殉故諡曰繆其說與春秋異

朱家梅云凡學隸書當先雙鈎五七徧執筆要懸腕平移然後臨摹始得古

趣而易成按梅名誠之字耕可海鹽人

烟霞侶明構李陳氏所造墨名其精不在方聲亞今間有存者陳氏以厚資

置藥肆號大年堂此墨亦收入藥籠中也

東觀餘論云相鶴經今不傳惟馬總意林及李善注舞鶴賦抄出大畧

風俗通義孟子絕糧於鄒薛困殆甚退與萬章之徒序詩書仲尼之意作書

中外十一篇學生但以孔子絕糧于陳不知孟子亦嘗絕糧于鄒薛也

趙文華像在秀水項氏每歲除日楞嚴寺設茶菓祀各鄉賢遺像至今文華

像亦廁其間

予嘗得古銅器形如棗核長寸餘中圓兩頭銳一頭三棱如觚一頭圓皆自

腰而分青綠甚古不知何用按抱朴子云吳景帝時成將于廣陵掘諸塚

取板以治城一大塚內有重閣銅人立侍凡數十破其棺中一人髮已斑

白面如生籍以雲母及玉甚多兩耳及鼻孔中並有黃金如棗許大疑此

亦古人耳鼻所塞之物

洪容齋云魏銅爵瓦絕大艾城王文叔嘗得其一以為硯餉黃魯直東坡所

為作銘者也其後復歸王氏硯之長幾三尺闊半之先公自燕還亦得二

宋陽叢書卷五

五張氏適園叢書

硯大者長尺半寸闊八寸中為瓢形背有隱起六隸字甚清勁曰建安十

五年造小者規範全不逮而腹亦有六隸字曰大魏興和年造興和東魏

孝靜紀年也

漢元儒先生妻壽碑云大布之衣糲糲之食按糲與糲同糲不知何字洪氏

隸釋亦不釋隸辨入疑字類

古錢中有世高通寶無可攷錢同建元類聚亦云此號無攷

陳大武該問鍾毓曰臬陶何如人答曰君子周而不比羣而不黨也然則鍾

繇之繇當讀如爻今人作山聲者誤疑有脫誤

金樓子志惟篇曰重者應沈而有浮石之山輕者當浮而有沈羽之水今海

寧有浮石沈蘆二物同出于峽石之紫微山麓及鹽境之橫山

南齊書東昏紀後宮遭火後更起仙華神仙玉壽殿刻畫雕彩青葬金口帶

青萍未詳萍字書亦無攷疑是萍字然金口帶亦不解何物

凱風之詩孟子但謂親之過小者也亦未見其母定欲改適若失節是又安

得謂之小過乎按漢章帝與東平王書猶云今送光烈皇后假紵等物以

慰凱風寒泉之思夫欲改適之母豈可以引喻太后乎足徵古無是說也

孟宗有泣竹生筍事晉劉殷九歲曾祖母冬月思筍殷泣林中得以供饌孟

恭武事楚國先賢傳謂母思筍藝文類聚以為母泣林中得筍以祭二

說互異晉書殷傳謂是冬月思筍說即為類聚有疑筍說

注蘇詩者人但云施注不知吳中顧景範實預其事東坡長短句今皆無注

容齋隨筆云紹興初有傳洪秀才注坡詞鏤板錢塘今亦無傳

孟子非禮之禮非義之義趙氏注非禮之禮陳質娶婦而長拜之非義之義

如籍交報讐也邵武士正義云二事史傳有之卒不指實竟不知陳質事

宋陽叢書卷五

六張氏適園叢書

見何史傳也周勤補孝廉云陳質質嘗讀如贊蓋古婚禮川贊故曰陳質

娶婦

明永樂中監察御史劉有年獻儀禮逸經十有八篇後亦不顯有年杭州人

有學行尤為尚書黃福所重

東坡嘗醉中與陳季常書云一絕乞秀英君秀英君當是陳姬人名

朱子藏書閣書厨字號銘曰於穆元聖繼天溯靈出此謨訓惠我光明永言

寶之匪金厥籙含英咀實百世其承據此則朱子家藏書亦止三十二厨

昔崑山徐氏傳是樓藏書至百二十厨亦可云富矣

宋時有黃銅鑄牌長二寸餘廣約五六分規上面方下首有小圓孔可以繫

繩文楷書而曰臨安府行用背曰准五百文省亦有三百二百者餘未見

曰省者蓋宋時之省陌也按容齋三筆云皇朝因漢制其輸官者亦用八

十或八十五太平興國二年始詔民間繕錢定以七十七爲百自是以來天下承用公私出納皆然故各省錢銅鑄牌見于至正直記而宋史食貨志不載究不知何朝所作予疑是思陵初駐臨安時天下軍儲財幣俱未充權鑄此牌以當錢耳故但有臨安府行用而未見有他府者

名人書畫于岐縱處用合同印者始於南宋客齋三筆云南唐有內合同印陳振孫名淵湖州人見慎子評語厲鶚云安吉人字伯玉號直齋端平中爲浙西提舉移知嘉興府按直齋嘗著書錄解題最有名而明徐獻忠作吳興掌故鄉賢著述門中皆不及之殊不可解

祁奚辭於軍尉公問焉曰孰可對曰臣之子午可午之少也婉以從令遊有鄉處有所好學而不戲其壯也強志而用命守業而不淫其冠也和安而好靜柔惠小物而鎮定大事有直質而無流心非義不變非上不舉若臨

大事其可以賢于臣也此雖曰知子莫若父然亦譽兒之祖矣

揚子雲解嘲頌頌折頌頌漢書作頌北監文選作頌列子周穆王時得偃師

造木人頌其頌則能語頌與頌音義同

左傳鳥鳴于堯社如曰謔謔出出甲午宋宋伯姬卒此蓋與公治長相類知古之解鳥語者正不獨治長也

少陵詩每用雙聲疊韻夾于五七言句中使人乍讀之不覺細玩乃知其下句之巧文心雕龍聲律篇云雙聲隔字而每外聲韻雜句而必啖夫音韻之學莫盛于齊梁而彥和之言猶若是杜陵所以云老去漸於詩律細也傳芳略陳昉得蜀糖帆以蜜澆之曰與蜜本莫逆交按莫逆二字正切蜜字澆與交同音

馬行齋上舍居插花山下築道古樓藏書之富爲時所稱晚年業爲之消然

嗜古不少衰其生日寫懷詩有云近來常算郵翁富賣與山田得買書風致可想按周公謹稱其先人嗜嗜書至鬻其負郭以供筆札之用詩語本于此

漢西嶽華山碑郭香察書察書二字辨者紛紛明南溥董遐周云道安法師撰摩訶鉢若波羅蜜經抄序云阿難出經去佛未久尊者大迦葉令五百六通迭察迭書以證察書之說郭香見司馬彪續漢書律歷志詳馮景春集

容齋隨筆謂古莫愁有二一爲郢州石城人樂府所謂莫愁石城西艇子打兩槳者也一爲洛陽人梁武帝河中之歌所謂十五嫁爲盧家婦十六生兒名阿侯者也唐吳子華莫愁曲云聞歡下揚州相送楚山頭似爲郢州之莫愁沈佺期盧家少婦鬱金香海雙棲玳瑁梁似指洛陽之莫愁容齋評宋周美成西河一闋專咏金陵有莫愁艇子曾繫之語謂俱誤指石

頭爲石城然余按南畿志金陵亦有莫愁湖在三山門外豈復有三莫愁耶

余于吳中得古戈內之兩面並有蟲鳥文一戈字此古所謂琯也薛氏鐘鼎款識有夏琯戈然夏以後亦有之按扶風美陽鼎銘曰王命尸臣官此枸邑賜爾旂纛輔琯戈是也惟此戈篆與薛蔡商琯戈無異而鈿金猶隱隱可見薛謂是商初接虞夏之器故定爲商琯戈不疑耳

那子愚跋淳化帖云前代拓帖墨後漸以駱駝油少澤之其光可鑒而無卵清膠黏氣此本是其法也

米元章十紙說云唐人槩種六合漫麻紙書經明透歲久水滲不入按今流傳宋藏經紙光明瑩徹墨色若新以水浸之出復如故蓋本唐槩種法也那來禽與王百谷書云春中祝融不仁延及外藏一二研石化爲池魚煩公

爲購一枚值可十千而殺者子愿先生筆札抄天下得一十千而殺之研已足供其揮灑蓋時去宣德萬歷間端溪未久故佳硯猶易購今雖倍之不過下馴耳

歲首八日一雞二犬三豕四羊五牛六馬七人八穀本東方朔占書今吳下又增九天十地何叱嚙云浙中則曰九蠶十麥徽州則曰九麻十豆流俗相沿又不知其何所本

子路宿於石門石門魯城外門蓋郭門即今之子城又謂之月城也按太平寰宇記魯城凡七門次南第二曰石門子路之宿石門蓋孔子時在他國偶使子路歸省其家迨其將往復命于孔子不覺日晚甫出城而郭門已閉遂就宿於石門俟且過行晨門職司幾察出入當是時必見子路有汲汲之狀故疑而問之子從誰氏來耶子路答以自孔氏晨門非唯知孔氏

爲卽孔子卽孔子之出處行事無一不了于中是以聞子路之對輒曰是知其不可而爲之者與此乃士之避世而托迹于晨門者故當是楚狂接輿長沮溺荷蓑丈人荷蕢等一流人四書釋地謂子路宿于石門迨且門啟晨門訝子路早行始詢之云云似非實情蓋閻氏必以晨門爲專司啟門者耳其實司啟亦司閉也正如周禮閹人云幾其出入以時啟閉無晨昏之分也

孔子同時賢者避世若楚狂接輿長沮溺荷蓑丈人荷蕢晨門等並譏切孔子而聖人皆未嘗遠絕之拳拳焉務曉以大義此聖人之心也如聞接輿之歌則下車欲與之言荷蓑丈人則使子路往見之此皆在他國或歧路逆旅至無可物色然後已耳若夫晨門則近在鄉國石門又非僻處何以與子路一問答之後不聞更遇之者殊不可解豈晨門自此以後亦遁

而他往如徐福之變名乎

劉子成績吳錄黎瑤石內翰嘗爲予言秘閣書止可三大屋許亦往往爲竊出之

介葛盧公治長能知鳥獸語見元白琤澁淵靜語明董師張曰治長辨鳥語見史記注審按治長解獸語亦見皇侃論語疏又葛洪神仙傳成武丁聞羣雀鳴知市東車翻覆米相呼共食也

俗以桂花初放者連枝斷寸許鹹浦浸之用以點茶清芬可愛又有用橄欖子者此法並見于前人題咏韓偓詩云蜀紙磨煤添筆媚越甌犀液發茶香犀液卽醃桂也貢師泰詩海風舡候檣椰信溪雨茶煎橄欖香卽以橄欖子入茶也

古男女燕處之服內外皆直領故唐人詩有胸前瑞雪燈斜照之句但看流

傳舊畫可見至韓致光之粉著蘭胸雪壓梅則此地居然傳粉矣

論語車中不內顧陸德明釋文曰魯讀車中內顧今從古按李善注文選東京賦魯論語曰車中不內顧陸李皆唐人而考經不應不同疑文選注爲後人妄增不字

吳郡賦注曰孟浪猶莫緒也不委細之貌司馬彪注莊子孟浪鄙野之言莫緒字今人卻罕用

晉書王羲之傳羲之以骨鯁稱尤善隸書爲古今之冠論者稱其筆勢以爲飄若浮雲矯若驚龍按右軍隸頗少傳或謂隸書卽今眞字

唐王定保著摭言十五卷紀唐進士登科應舉各雜事同時何晦亦撰唐摭言十五卷陳振孫謂其序言太歲癸酉下第於金陵鳳臺旅舍癸酉者開寶六年也時唯江南未下晦蓋其國人與

娑羅樹唐天寶中進獻言出拔汗那國不花几草不止惡禽李北海楚州淮陰縣娑羅樹碑云非中土物產所宜有者惡禽翔而不集好鳥止而不巢洪容齋謂此樹宋時尙存今海寧安國寺之藏經閣前有一株不知何時物甚有古致種其子多不出歐陽公謂之七葉木

周禮大司徒五家爲比使之相保五比爲閭使之相受四閭爲族使之相葬五族爲黨使之相救五黨爲州使之相調五州爲鄉使之相賓鷓冠子云五家爲伍十伍爲里四里爲扁扁爲之長十扁爲鄉其上爲縣爲郡其不奉上令者以告扁長此與周官不同按鷓冠子楚人所言殆楚制與

葉子戲謂起于南唐周召然唐已有之鄭谷有龍州章郎中先夢六赤後因打葉子詩云紅蠟香煙撲畫楹梅花落盡灰樓清光輝圓魄街山冷彩鏤方牙著腕輕寶帖牽來獅子鎮金盆引出鳳凰傾微黃喜兆莊周夢六赤

重新擲印成寶帖一連直似今之弔馬矣

立信校尉吳時有此職茅山志云杜契杜陵人孫權川為立信校尉後學道入華陽能隱形孫皓封國山碑又有立信中郎將蘇建陸抗傳赤烏九年遷立節中郎將立信蓋其同類也

顧景怡歡鹽官人梁書高行傳云祖赴隆昌中避亂徙居南史謂其家世寒賤父祖並為農夫竊意趙之名載于史傳未必真一農夫或避亂而為農但始初爵里世系莫可攷耳

昔初作履者婦人員頭女子方頭員者順從之義所以別男女也晉太康初婦人皆履方頭識者以為去其員從之義見宋五行志蓋未纏足著弓鞋時婦人之履如此

尖陽叢筆卷六

張氏適國叢書

張南軒作經世紀年二卷其自序曰太史遷作十二國世表始紀甲子起于成周共和庚申之歲庚申而上則莫紀焉歷世浸遠其事雜見于諸書靡適折衷則亦傳疑而已本朝嘉祐中康節邵先生雍出于河南窮往知來精極于數作皇極經世書上稽堯受命甲辰之元為編年譜如外丙仲壬之紀康節以數知之乃合于尚書成湯既沒太甲元年之說成湯之後蓋實傳孫孟子所說特以太丁未立而卒方是時外丙生二年仲壬生四年耳又正武王伐商之年蓋武王嗣位十一年矣故書序稱十有一年而復稱十有三年者字之誤也是類皆自史遷以來傳習之謬一旦使學者曉然得其真萬世不可攷者也某不自揆輒因先生之歷攷自堯甲辰至皇上乾道改元之歲凡三千五百二十有三年列為六圖命之曰經世紀年以便觀覽蓋紀年之書自皇極經世出而后甲子始犁然可攷以前皆

不免傳誤雖司馬遷之說猶未可為據也

閻百詩徵君生平于宋人中最欽服者劉原父李仁父王伯厚馬貴與嘗為詩曰原父後仁父經奇史亦奇辭科推一手國論屬吾兒有宋雖煙海斯人獨羽儀網羅遺失盡異代即同時自注三句謂深寧著玉海為博學鴻詞科而設四句貴與父廷鸞卒後為冥官謂其鄉人曰可憐吾兒讀書將來有用處蓋自元迄今徵古者必于文獻通攷鬼固已先見之矣又余嘗集四公逸事為一帙足補宋史列傳之略及馬無傳故落句云然

梁書阮脩容傳云脩容諱令羸本名石會稽餘姚人齊始安王遙光納焉遙光敗入東晉宮建康城平高祖納為南女采史所載略同予考梁元帝金樓子內載脩容始末甚悉云隆昌元年齊世祖因荀昭華薦以入宮時值少主失德好為虐戲必欲容正色少主非直深加嚴憚乃反賜金錢及建

尖陽叢筆卷六

張氏適國叢書

武之時始安王遙光聘焉遙光敗天監元年選入為露采女賜姓阮進位脩容據此是脩容在宋曾入鬱林王宮亦屬一大節目不應抹煞此可箴二史之失金樓子又以脩容為會稽人其人而二史俱誤作餘姚人

凡古相傳寺觀名雖出于俚俗然未有確證不宜輕改杭城梅東巷有范明廟相傳以為宋范文正公仲淹然亦未見于前志康熙中嘗鼎新祠于海昌沈翰林珩適在那謂范明之名不典宜改稱范文正公昭澤祠并為作碑載于耿巖文集至今祠額大書范文正公廟而不知其誤也昔馮山公景居隣廟在少時每過之必入廟瞻拜意甚誠既而夢神告之曰予北齊范某也血食此土久矣今俗皆不知予名以他人代之君當為我白其誣也山公後檢隋書果得其名因載之于其所著解春集中

四忌銘見後耳目志云著書忌早處事忌擾立朝忌巧居室忌好長洲徐大

臨編修載于畏壘筆記蓋亦深有味乎其言也

鄭樵通志六藝略中有吳國山天篆一卷天篆不知何書國山在宜興縣西南五十里未知通志所云卽此國山否予嘗登此山拓孫皓封禪碑了不見有所謂天篆者亦不審天篆爲何物按東坡續集有天篆記云江淮間俗尙鬼歲正月必衣服篋帶爲子姑神或能數數畫字黃州郭氏神最奇異予去歲作何氏錄以記之今歲黃人汪若谷家神更奇以箸爲口置筆口中與人問答如響曰吾天人也名全字德通姓李氏以若谷再世爲人吾是以降焉箸篆字筆勢奇妙而字不可識曰此天篆也予余三十字云是天蓬呪使以隸字釋之不可所謂吳國山天篆者疑亦此類唐韋續五十六種書五十三曰鬼書宋元嘉中京口有人震死臂上有篆似八分也今日雷書按此卽宜興善卷寺及祠山廟柱上雷書之類

尖陽叢書卷六

張氏適園叢書

檀弓子貢曰泰山其頽則吾將安仰梁木其壞哲人其萎則吾將安做宋廬

陵劉尚書美中家有古本禮記梁木其壞下有則吾將安杖五字

晉司馬保嘗自稱重八百斤喜睡痿疾不能近婦人又永平府志載二人一重七百斤一重千三百斤觀此知安祿山之重三百三十斤不足異矣

明楊忠愍公以嘉靖丁未成進士選南京吏部驗封司主事時海鹽鄭端簡

爲考功司郎中一見深器重之遂相莫逆忠愍以諫馬市謫官復擢南京戶部雲南司主事不數月轉兵部武選司時端簡方爲南光祿卿臨別謂

忠愍曰俟時而動無蹈前車忠愍頷之至都竟以言事被禍其在繫時與端簡書云別後一路日食奏稿成日夜奔趨至京師十八日到任日食次

日賣本至端門聞擊內靈臺打一百知題目不合卽趨出連日快快至十八日故又有此奏二王事本後原有一段大意謂賊臣之得專權皆原於

皇上父子之不相見後俱削去止存此二句猶有此禍打後兩腿出血膿約四五十盃肉爛幾見骨今幸將平復逐日心亦坦然略無懼慄意南都之事主張贊成專望老先生言不盡意統惟鑒諒初會湖翁有欲老先生還朝之意並報二月十一日頓首具左地端簡手跋左方云癸丑三月五日應天府當該林居龍從京回附此信至得見椒山先生手書始知天相正人無恙喜甚嘉甚海上大笠生曉謹識右墨跡舊藏鄭氏今歸予家墨跡後名人題識甚多鄭履準跋謂丁丑四月三殿災人皆見忠愍青巾素服憑殿西角檻指搗若救護狀移時方隱此事又史籍碑狀所未及見者晉齊王攸就人借書必手刊其謬然後反之

太康二年汲郡人不准盜發魏襄王墓或言安釐王塚得竹書數十車其紀年十三篇記夏以來至周幽王爲犬戎所滅以事按之三家分仍述魏事

尖陽叢書卷六

張氏適園叢書

至安釐王之二十年蓋魏國之史書大略與春秋多相應其中經傳大異則云夏年多殷益于啟位啟殺之太甲殺伊尹文王殺季歷自周受命至穆王百年非穆王壽百歲也幽王既亡有共伯和者攝行天子事非二相共和也其易經二篇與周易上下經同易繇陰陽卦二篇與周易略同繇詞則異卦下易經一篇似說卦而異公孫段二篇公孫段與邵陟論易國語三篇言楚晉事名三篇似禮記又似爾雅論語師春一篇書左傳諸卜筮師春似是造書者姓名也瑣語十一篇諸國卜夢妖怪相書也梁邱藏一篇先叙魏之世數次言邱藏金玉事繳書二篇論弋射法生封一篇帝王所封大歷二篇鄒子談天類也穆天子傳五篇言周穆王游四海見帝臺西王母圖詩畫贊之屬也又雜書十九篇周食川法周書論楚事周穆王美人盛姬死事大凡七十五篇七篇簡書折壞不識名題塚中又得銅

劍一枚長二尺五寸漆書皆科斗字初發塚者燒策照取寶物及官收之多燼簡斷札文既殘缺不復詮次武帝以其書付秘書校綴次第尋考指歸而又以今文寫之見晉東晉傳杜預春秋後序不及此之詳故備錄之

今所傳汲冢紀年蓋又非當時原本

曹秋岳侍郎管輯學海類編哀集書凡三百二十餘種分經史子集四門予在桐鄉金雲莊主事家見其凡例一卷有門人陶越艾村按語艾村嘉興人聞原書二十冊今嘉興陶氏尙有藏本

毘陵志三十卷咸淳四年州守四明史能之修元祐祐丁巳教授三山李敏之重修予在吳門見舊刻本如此陳直齋書錄解題及文獻通考並云毘陵志十二卷教授三山鄒補之撰按明正德中張愷爲常州府志序云毘陵舊志助于宋教授鄒補之續于咸淳太守史能之又按能之毘陵志序

尖陽叢書卷六

五 張氏通圖叢書

亦云毘陵有志舊矣病其略而續之蓋鄒實勗于前而史續成三十焉于後明洪武初郡人謝應芳又續成十卷成化中朱昱又續修毘陵志四十卷

顏子髮早白竟天天年故世謂鬚髮早白者多不壽然攷晉書王彪之年二十鬚髮皓白時稱爲王白髮後至尙書令卒年七十三則亦有不盡然者晉書鍾雅傳元帝時有事于太廟雅奏曰陛下繼承世數於京兆府君爲元孫而今祝文稱曾孫恐此因循之失宜見改正詔曰禮事宗廟自曾孫以下皆稱曾孫此非因循之失義取于重孫可歷世其名無改也按此是曾孫之曾音當如層而世作增音爲非矣今新安俗多讀層音

吳趨陸紹曾處士有銅壁一逕五寸許厚半寸肉倍于好上有花紋微類蒲穀之象銅壁不見于考古博古二圖按漢書元后傳冠軍張永獸符命銅

壁文言太皇太后當爲新室文母太皇太后今此壁有花而無文又不知何代之物

通雅官制門枝官校官也下引趙彥衛云溧陽縣有東漢潘長史枝官碑疑其爲校官字按後漢書永平十年南巡狩祠章陵曰北至又祠舊宅召校官子弟作雅奏鹿鳴帝自御壇筵和之則東漢鄉縣有校官矣按校官碑明著于洪氏隸釋作枝官碑殊不可解此殆因商氏所刻雲麓漫抄中誤刻校官碑作枝官碑而方氏又誤記下文疑其爲校官作或疑其爲校官遂著此一條嘗得舊抄雲麓漫抄善本則枝官碑實校官碑通雅此條殊可刪也

應稟頂在海鹽縣南孤峯峻聳鶴鶴之所宅每當秋高風厲居民家事羅網捕獲以需四方其雛之下者以供庖謂之菜應歲以爲常不知始于何時

尖陽叢書卷六

六 張氏通圖叢書

按鄭文寶南唐近事云烈祖輔吳日群校多從禽聚飲近壁上欲糾之以法而方藉其材力思得酌中之計問于嚴求求曰無煩繩之易絕耳請勅泰興海鹽諸縣能探鷹鷂可不令而止由此觀之則海鹽出鷹其來尙矣而五季時海鹽屬吳又可補圖經之闕

杭董浦先生輯歷代藝文志用數十年之功搜羅記注誠鉅觀也稿存于家其子以半部質于維揚馬氏玉玲瓏館半部質武林孫氏壽松堂今馬氏藏書俱散知不歸誰何矣

崇文總目云三國典略二十卷唐汾州司戶參軍邱悅撰以關中鄴都江南爲三國起西魏終後周而東包魏北齊南總梁陳凡三十篇今卷第多遺自二十一篇以下卷闕據崇文總目所言則典略在宋時已闕而不全近有從永樂大典抄出者僅止一卷蓋闕佚又不止如總目所云矣

勅吏部侍郎兼太子左諭德聞人拱辰卿分六職政藉統于文昌吏掌三銓
事尤叢于武選倘非老成已試之舊曷稱小宰不次之除具官聞人拱辰
端亮不回誠明自得學以致道豈徒擣章繪句之爲事不辭難每有利物
愛人之志久徘徊于外服簡在于予衷肆旌持節之勞亟下予環之寵記
言丹陛敢沃者多嘉謨嘉猷識德青宮輔翼者皆正言正事自攝銓衡之
貳益高鑒裁之功朕每歎才難欲效唐虞之效績見諸法守求如裴馬之
知人爾其司我官簿扼其吏姦唱擬註聞無謂有司之事諭司獻納尙殫
許國之忠爾其體思益恢遠業勅如右牒到奉行紹定六年十一月廿一
日下右勅用白麻紙高一尺一寸長二尺一寸八分紙色微黃上下有花
紋書法蒼健如山谷體如右牒上璽一篆文八字曰受天之命皇帝壽昌
與輟耕錄所載畢景儒本傳國曆同十一月上亦有璽一文不可辨勅後

尖陽雜錄卷六

七 張氏適園叢書

附拱辰像自腰以上至頂凡高八寸其人豐頤廣額微有須冠烏巾兩脚
垂于肩無題字紙色與前牒相類然更堅厚末附文文山跋恐不足據
此卷今在洛溪許城分茂才家拱辰事跡未見于史傳姑識之以俟博學
如南村者攷焉

城分又藏淳化帖一內鍾繇宣示帖後有戎路帖他本皆無之昔王翦林司
勳云曾見海昌楊次也淳化帖內有戎路帖豈即此本耶每卷尾奉聖旨
德字他本與前

二行平而此
本高一字

鐘鼎款識摹秦聖文曰受天之命皇帝壽昌古篆八字以爲最古乃畢景儒
較耕錄
作其傳所傳予見紹定墨勅亦用此聖豈後世帝王所做摹耶然宋史與
服志及文獻通考等皆不載

安邑宋明經葆淳得銅虎符二一日賜男右五一曰五原左一按五原左一

蓋是五原太守之符賜男不知何時所設

嘗於吳門陸貫夫所見明張峻尙書聘子婦書辭旨既佳書法亦極道健有
宋元風格按古人聘書皆親爲之非若後世但據拾套語而已宋秦會之
報郭知運聘書云某人東第華宗南宮妙選乃肯不卑于作贊何詞可拒
于盟言其夫人欲去贊字秦曰如此方束縛得定亦此類也

貫夫又藏明魏濟自書虛白齋記行文頗得古意末一印曰湛虛劍閣豈湛
虛之劍至明猶在耶吾知其必不然矣

人之過也各於其黨孔安國解黨類也小人不能爲君子之行非小人之過
也當恕而無責之觀過使賢愚若當其所則爲仁也按應璩新語云十室
稱忠信觀過必黨里是應氏以里黨解黨字與諸儒釋異

張靈對酒詩云隱隱江城玉漏催勸君須盡掌中杯高樓明月清歌夜知是

尖陽雜錄卷六

八 張氏適園叢書

人生第幾回竹垞以爲絕唱

宅京記二十卷爲亭林晚年所成之書蓋踵肇域志及郡國利病書而成者
卒後崑山徐相國從遺書中檢讀始爲之序時庚午之春也末有亭林嗣
子衍生跋云先府君著書數種俱有自序載入集中茲編告成最晚甫脫
稿府君捐館徐相國遣人取去自念雲泥勢阻無能往索至相國歸田後
始獲檢還復錄二本一貽潘太史一贈靖逆侯不肖某泣血誌觀跋意似
有所不滿于相國者然予觀此記上自三皇而下訖于元有明一代皆不
及或疑爲亭林未成之書又按立齋序謂肇域志天下郡國利病書歷代
宅京記皆本之二十一史及一統志天下郡縣府州諸志是三書皆至元
而止初非未成也

長安志云漢瓦形製工妙工精極緻雖塵壤積蝕殘缺漫漶破之如新人有

得其瓦頭者皆作古篆盤屈隱起以爲華藻其文有曰長樂未央曰長生無極有曰漢并天下有曰儲胥未央有曰萬壽無疆有曰永奉無疆亦有作上林字者昔人有于東倉得秦瓦文曰羽陽千歲羽陽秦武王宮也是知古人製作不苟雖一瓦甃必有銘識不特甃鼎爲然耳又有得瓦作楚字者亦秦瓦也秦作六國宮室于咸陽北坂上意者必用其國號以別之歟又未央字瓦凡離宮故基亦皆有之今杜陵碎瓦中皆有未央長樂等字亦不知其何故也

又云古瓦陽面多作小窩沱狀如雨點亦有作繩痕者予嘗過巨鹿臺下見其敗瓦亦然乃知秦漢以前製皆作此但不知所以製之之意或曰蓋仰用者以固泥也說亦有理又唐瓦有如漆者蓋是碧瓦歲久而色變也漢瓦皆素獨故城中未央瓦皆黑堅如鐵錫今不多得其所傳者皆離宮瓦

也

吳守墨嘗在志館見朱稼翁出竹垞先生遺筆已五十餘年顏色不變用之

與新穎無異始知俗稱筆陳如草之說非篤論也

宋史王應麟傳載所著書卷帙多與今玉海所刻不同如詩攷五卷今一詩

地理攷五卷今同漢藝文志攷證十卷今無通鑑地理通釋十卷今同

鑑答問四卷今同集解踐阼篇補注急就篇六卷今同王會篇小學紺珠

十卷今同玉海二百卷詞學指南四卷姓氏急就章六卷今同漢

制攷四卷六經天文編六卷今同今未見者深寧集一百卷玉堂類稿

二十三卷掖垣類稿二十二卷通鑑地理攷一百卷蒙訓七十卷詞學題

苑四十卷小學諷咏四卷筆海四十卷而玉海又有周易集鄭注一卷本

傳未載

論語里仁爲美擇不處仁焉得知鄭康成注云居於仁者之里是爲善也皇侃疏云文云美而注云善者夫美未必善故鄭深明居仁者里必是善也今那詩論語正義誤以善爲美殊失本義李善文選注引鄭注亦作善

孟蜀石經今世所傳甚少予嘗從趙氏竹庵庵見左傳數葉凡經三百二十餘字有杜氏注唐開成石經及宋臨安府石經皆無注也晁公武云蜀石經左氏三十卷不題書人姓名亦無年月文中不缺唐諱及國朝諱而缺祥字當是孟知祥僭位後刻石也此石在成都府學不知何時散失考曹能始四川名勝志石經諸刻今皆不存所存者孔門七十二子象石經禮記有數段在合州賓館中然則趙藏左傳殘碑雖不全亦舊揚之可寶者矣

堯典正月上日鄭康成注曰帝王易代莫不改正建朔堯建丑舜建子此時

未改堯正故曰正月上日至歲二月東巡狩鄭注又云歲二月者建卯之月也按禮記王制疏云巡守皆以夏仲月者律歷得其中也二月八月晝夜分五月十一月陰陽終故取四仲月然則舜受終於文祖則用堯正建丑之月而巡守則用夏正建寅之月蓋唐虞之制如此非鄭自相矛盾也湖州府治頭門下有暗水頗深其色黑不知通何地相傳以有怪魚爲害州那有滕公郭公者鎮制之遂潛伏不出至今五更譙樓擊柝猶作滕公郭公在之聲云

宋太學石經爲高宗宸翰在今杭州府學文廟之兩廡階置壁間雖闕失漫漶而間有可讀左氏傳後有跋云聞之書曰天降下民作之君作之師自古聖王在上則君師之任歸于一故堯舜之世萬邦咸寧以屋可封者治教之功效大驗也伏維主上以天錫勇口撥亂世返之正又於口口之餘

親御翰墨盡書六經以及論語孟子左氏傳朝夕從事爲諸儒倡口因口
請刊石于國子監頌其本徧賜口官堯舜君師之任口幸獲親見之夫以
乾坤之清夷世道之興起一人專任其責所爲經綸於心表儀以身者勤
亦至矣所望於不應者豈淺哉詩不云乎思皇多士生此王國王國克生
維周之幹臣願與學者勉之紹興十有三年秋九月甲子太師尙書左僕
射同中書門下平章事兼樞密使監修國史提舉實錄院提舉詳定口句
勅令提舉編修玉牒所魏國公臣口檢謹記右跋不可識者僅九字餘尙
完好朱竹垞杭州府學宋石經跋謂秦檜一跋已爲明巡按吳訥樵碎者
殊誤跋引詩維周之楨以楨作幹蓋避仁宗嫌名也然此數句豈必不可
易乎檜之不工筆札也甚矣

忘也此可見子夏居喪之盡禮孔氏正義必欲据家語及詩傳以爲子夏
喪畢夫子與琴援琴而弦衍衍而樂以合于曾子喪爾親使民未有聞之
語過矣

海島有蟹其匡宛具一人而鬣眉鳳目隆準豐頤絕類漢前將軍海濱之人
呼爲關王蟹見明季穎續南華穎字考叔錢塘人諸生毛文龍守皮島時
穎常在其幕中尤長于詩

尖陽叢筆卷七

海寧吳審樓客

武林鳳山門外里餘有二石如人形一奮拳縱擊一俯跪作乞哀狀村民相傳稱秦岳石見續南華

高麗試士二場有律詩五首故士多能吟咏見李穎航海說

予于武林得漢厭勝錢一枚通長五寸七分廣一寸八分重三兩五錢上有

一龍一馬下加圭鏤空若符篆者兩面隱起粟文與博古圖所載第四品

照合博古圖以為漢武帝作而陸賈夫曰或言是夏龍馬幣此錢龍首微

折疑是錢塘莫雲卿舊藏物昔厲樊榭嘗借張祖望編同觀載于東城

雜記雲卿名如京文雅好事毛稚黃贈詩有昔字雲卿者君其伯仲間之

句

尖陽叢筆卷七

張氏適園叢書

張遂辰字卿子錢塘人博覽工詩為雲間陳眉公董思白所賞明末隱居里

巷為醫自給歲暮嘗誡子弟曰家足過年之用座無寒士之求不惟有愧

本心抑且無別庸俗斯語誠可書之座右杭人至今猶稱張卿去聲子巷

古人招魂而葬皆不作棺槨但以衣冠入壙蓋恐滋來者之感也其法起於

黃帝

錢塘黃小松官濟南新拓郭巨墓石室碑圖刊列人物與武梁祠像相似予

常見二幅蓋尚未全其高約三尺上廣二尺有餘下廣五尺形類覆斗臚

列人物舟車駝馬禽獸諸形左方有隸書數行多漫滅惟四月廿四日字

可辨右方有隸書安吉二字畫譜據金石錄謂巨墓在平陰縣東北官道

側據金石錄謂此圖似是後漢時人所為然予觀圖中人所執戈形皆以

援刃向上與後世之誤作考工記圖治氏為戈相同恐非東漢人所為又

攷王存九域志東平有郭巨墳穎昌有郭巨塚汾州有郭巨墓黃所拓究不知何處者趙綠生茂才謂是隴東王孝感記實非郭巨墓碑

載驅齊子豈弟箋此豈弟猶言發夕也豈讀當為閔弟古文尚書以弟為閔

閔明也孔穎達正義古文尚書即今鄭注尚書是也無以弟為閔之字唯

洪範稽疑論下兆有五曰閔注云閔者色澤光明蓋古文作悌今文作閔

賈逵以今文校之定以為閔故鄭依賈所奏從定為閔於古文則為悌故

云古文尚書以悌為閔審按箋云古文尚書以弟為閔而孔氏乃言今文

作閔明與鄭意相違蓋山古文尚書失傳孔氏信偽古文為真故強為此

說耳

華陽國志楊終字子山成都人也年十三已能作雷賦通屈原七諫章按傅

休奕七諫序云昔枚乘作七發而屬文之士若傅毅劉廣世崔駰之徒承

尖陽叢筆卷七

張氏適園叢書

其流而作者紛焉獨未及屈原之七諫

古人字取表德大抵嘉祥是尚後世乃有別號則惟意所之或故求奇別錢

塘丁處士敬身博攷金石通六書尤工篆刻人謂有斬丁截鐵之致因自

號鈍丁晚境頗屯窳後人俱不振且多無後鈍丁之稱若為之識者昔玉

川子生子名添丁及以王涯事下獄竟受獄卒添丁之禍曹爽從司馬懿

乞灰丁即日令自盡張洪靖節度盧龍叅佐常雍輩誥責將士曰爾輩挽

兩石弓不如識一丁字後遂殺雍何丁之不利于人也如是

復社姓氏

太倉

張溥 趙自新 王家顥 張誼 管士琬

王瑞圖 顧夢麟 胡周齋 吳偉業 孫以敬

張達孝	何南春	蔡仲	張濟	張王治
周群	張源	王啟榮		
吳縣				
楊廷樞	徐鳴時	錢禧	朱鑑	袁良弼
朱衰	邱民瞻	許元粥	許元愷	周茂蘭
章美				
長洲				
許元溥	顧企宗	劉曙	華渚	沈明掄
王家	戴之傑	陳性	管正傳	錢位坤
葉襄	薛宗廉	戴之俊	盧澤材	徐籛
張芭				

尖陽叢書卷七

三 張氏通國叢書

吳江	吳有涯	吳昌時	沈初馨	呂雲孚	沈自炳
張澤	吳昌迪	張蕘	吳晉錫	周燦	
孫紹奎	吳翹 <small>疑作翹</small>	龐承源	孫燾奎		
常熟					
楊驛	許士驥	蔣芬	趙士春	王日俞	
許瑞	祝謙吉	顏瓊先	祝升吉	祝泰吉	
朱鏞	許棊				
崑山					
王志慶	陸世鑿	王志長	陳言先	顧繼紳	
晉瓚	曹開遠	歸奉世	陸嘉允		

嘉定	朱三尚	曹訥	侯岐曾	徐時勉	陶士升
沈宏祖	陳舒徵	江貞泰			
松江					
夏允彝	朱灝	徐方廣	周室勳	周希文	
陶履僞	徐鳳彩	夏鼎	張壽孫		
華亭					
周立勳	徐孚遠	彭賓	余廷諧	顧開雍	
戴度遠	徐焯	徐桓鑾	徐致遠	徐繼若	
周李勳	吳炳	盛仲輝	趙候		
上海					

尖陽叢書卷七

四 張氏通國叢書

潘亘	馬元調	宋存標	朱在鎬	潘劍錡
范懿瓠	潘堯納	王元玄		
青浦				
陳子龍	宋存楠	杜麟徵	趙侗如	李雯
金山				
盛翳進	杜賦琪	姜爾珠	宋與琦	陳秉教
武進				
韓鍾勳	劉憲章	鄒嘉毅	徐法	徐洽
顧澹生				
宜興				
徐懋賢				

江陰

黃毓奇

徐時進

徐遵賜

袁珍

鎮江

周鈞

王重

談兆龍

賀王醇

丹徒

周鍾

周鎔

周鉉

張明弼

史宏謨

高遇

劉國欽

周欽

王士寧

蔣鳴玉

蔣煥

周而沛

周鉞

丹陽

荆良

荆廷實

荆廷璧

賀儒琛

盛順

賀裳

燕徵

大陽縣志卷七

五

張氏通國叢書

徽州

程允晉

江知默

朱泰陽

江調鼎

江靜

吳承中

宣城

沈壽民

沈壽國

徐貞一

孫文煌

梅郎中

涇縣

萬應隆

趙初浣

王徽

萬壽祺

貴池

劉城

詹政

吳應箕

劉廷燮

青陽

吳鍾

孫象壯

吳中美

吳介

孫象震

姜寅

張國救

太平

邵錦

邵鑛

邵晃

邵鑑

蕪湖

沈士桂

安慶

蔣巨

趙相如

范世鑑

潘映

婁左毅

方啟魯

江之水

吳過

淮安

夏日瑚

白受藻

鹽城

大陽縣志卷七

六

張氏通國叢書

張樹屏

安東

王啟運

劉符赤

齊日盛

蘇國美

桃源

王立身

宿遷

陸奮飛

姚禹命

陸奮武

江都

鄭元勳

李元介

顧聞

李樞

呂尙經

梁于淡

湯允中

高郵

尖陽叢書卷七

七 張氏適園叢書

楊先春

興化

許同銑

王允士

寶應

成明義

成明善

徐州

萬受祺

合肥

程以懋

程以德

舒城

郭士豪

杭州

張玄

宋瑤

鄭垣

沈受震

徐郭佐

錢塘

陸運昌

吳思穆

吳太沖

馮延年

趙德麟

陸鳴鑾

陸鳴時

俞時篤

蔣庸

嚴季榮

魏介

海寧

沈澹思

林泰業

孟應春

卓人月

陳濬

徐翹

卓霜回

潘魯綬

徐元燦

徐永平

餘杭

顧有斐

嘉興

孫淳

陳恂

徐那臣

趙汝璧

項聲國

張次柳

孫振

金維恭

程定國

沈嗣選

錢嘉徵

陳恪

馬玄錫

譚貞良

葉燦

孫耀祖

沈嗣徵

徐白

張宗一

秀水

常彝

朱茂暉

包鴻遠

卜昇

吳翔

錢昌

謝淵

朱茂鳴

徐天復

周禹錫

嘉善

錢旂

錢繼章

錢棻

魏學派

吳之錫

尖陽叢書卷七

八 張氏適園叢書

顧潛

戈川忠

支如增

郁素

夏緇

魏學洙

蔣詩

錢繼振

錢繼禧

錢格

陳舒

劉芳

呂龜

趙韓

徐鴻祚

陸文機

舒篋

陸上湖

屠象美

施洪烈

海鹽

張奇齡

蔡士奎

陳梁

張瞻韓

朱學章

桐鄉

馮景裕

湖州

盛涑

盛漪

朱萬鎰

朱萬欽

盛方涵

嚴啟隆

沈中台

閔中正

韓昌箕

盧遜階

潘基依 章年 嚴或 沈鍾兆
歸安 沈緒奎 李令哲 陸熙運 丘志吳 陳騶

沈緒來 韓曾駒 章上葵 閔自寅 沈維顯

閔元京 鍾錦如 吳振鯤 尹衡 尹任

凌爾翰 凌森美

烏程 溫以介 姚廷啟 黎樹聲 錢瀛選 沈蒨

潘基慶 韓千秋 韓奕祖 錢鶴 顧翰

嚴承寧 嚴狷 費景浣 沈光允 陶鑄

沈鈞 嚴思鏗 沈策

德清 章美瑾 章美瑜

武康 駱宏珪 卓漢魯

安吉 潘基衍 潘基新 沈建吳

紹興 李宗 閔銘 章重 徐騰 金增

孟稱堯 孟稱舜 趙之蘭 吳應芬 金倬

袁師孔 吳維修 顏綸揆

尖陽叢書卷七 九 張氏通國叢書

董守謙 陸符 錢玄錫 費隱 馮淵

金華 傅崑 葉幹 倪仁楨

衢州 翁祚 徐泰徵

南昌 劉斯陞 萬時華 余正垣 仇鑽 黃維藩

裴崇禧 黃國鎬 羅高俶 徐元明 楊昌

章士鴻 劉斯陞 楊耆 易道泰 喻周

喻士錦 熊文舉 吳奇杰 吳廷獻

新建

陳宏緒 鄧履石 萬日佳 徐世溥 甘元鼎

李奇 萬搏 郝思謙 姜之祥 陳宏綸

徐應芬 徐世清 楊鳳學 梁天爵

進賢 李光倬 陳維謙 朱徽 饒有政 陳維恭

熊人霖 饒有政 陶人疇 朱健

豐城 胡學洙

尖陽叢書卷七 十 張氏通國叢書

邱而旭	揭重熙	謝賓王	游爲光	舒嘉桂
湯開先	陳士鳳	謝廷簡	曾拭	邱而昶
吳程	陳才奇	曾益	劉鍾秀	陳士驥
謝李上	封誥	郝光曙	游爲龍	
宜黃				
徐黃				
南城				
吳兆	俞一經	邱時憲	吳觀之	鄭之元
姚光遠				
新城				
張之奇	曾汝亭	黃之香	江之望	
廣昌				
何三省	揭希周	劉大年	劉大常	劉大千
南豐				
曾升				
上饒				
徐自定	鄭仲燮	徐自寧		
玉山				
董思玉				
弋陽				
李調鼎				
鉛山				

尖陽叢書卷七

十一 張氏適園叢書

費兆甲	費映環			
泰和				
曾文饒	劉捷	龍起弘	楊嘉珩	楊學愿
蕭令甲	郭承珮	曾世冲	蕭秉正	梁天爵
康穀				
廬陵				
趙爾圻	黃象震			
吉水				
劉同升	李陳玉	劉孟欽		
安福				
傅鼎臣	伍以宏			
永新				
賀貽孫				
饒州				
羅伏龍				
袁州				
易嗣重				
新昌				
季之漑	潘嘉祉	黃國琦		
甯都				
楊文彬	楊文彩			
福州				

尖陽叢書卷七

十二 張氏適園叢書

陳敬曾	陳元綸	陳燕翼	周之變	董河
曾異撰	陳世溶	周恂	鄧壽	陳奎輝
韓廷錫	張利民	董謙吉	許彥	卓震
齊莊	林昕	陳知章	林兆清	張綸
邵錦文	葉有祿	曾人翰	陳金鉉	林逢經
莫爾清	陳兆桐	林正立	李時盛	

泉州

顏茂猷

興化

曾世衰

黃吉

徐允鉉

翁顯

林尊賓

周言

尖陽叢書卷七

十三

張氏通國叢書

延平	羅明佐	甯永齡
汀州	裴眷清	李世熊
武昌	劉敷仁	戴垣
	李楚生	劉日襄
嘉魚	任宏震	任喬年
		熊升元
漢陽	謝惇培	易道邇
		龍慎
		易道三
		程性學
		游明哲
		陳沂
		蔡仕
		孟登
		張仲

易為瑞	易為鼎	易為珺	易為璉	瞿然
朱泰宰	劉文運	胡世忠	胡有牧	何履順
何履吉				
蕪水	黃正色	馮雲路	金既	官撫極
官撫辰				
麻城	梅之煊	王都	俞楊魯	劉侗
	周應華	劉輝	曾之棟	耿應衡
寅安				周邦炳
耿如志	耿如思			

蕪州

張宿

邱三宗

江陵

徐養心

王南國

公安

袁祈年

石首

劉長慶

夏雲鼎

襄陽

歐陽化

景陵

尖陽叢書卷七

十四

張氏通國叢書

譚元春 譚元禮 譚元方 趙家棟

京山

王偶豐

孝感

辛昂

桃源

闕士奇

華容

張斯博

廣東

黃舜年

黎志陞

蔡承瑚

吳道坤

王學

黎遂球

尖陽叢書卷七

十五

張氏通國叢書

梁志勤

鍾新

陳士貴

陳象明

凌容勤

林佳桐

莊珩

陳衍慶

韓汝璜

河南

陳衷一

賈心明

張正誼

蔡琮

賈開宗

張光世

吳從周

鄭觀光

山東

宋繼澄

宋瑾

王茂泰

趙士驥

宋琮

孫鳳毛

宋璜

宋瑀

宋瑚

左懋第

趙爾汲

姜淵

宋璣

楊維楨

左良輔

任夢饒

楊藝

楊景

新城

王與雙 王賁

山西

韓霖

韓均

田二卿

陶世徵

四川

張尙章

章鉉

莊祖誼

陝西

田而欣

貴州

楊文驄

右張慎旃原本計之得七百人沈懋華云此當是崇正己巳復社初成尹山大會名籍次年金陵再會越二年壬申有國表之刻同社姓氏有上下

尖陽叢書卷七

十六

張氏通國叢書

二卷則皆孝廉諸生較此多數倍且皆著其表字蓋復社姓氏至是始備此特其略也

尖陽叢書卷七終

海寧吳憲棧客

皇甫謐高士傳摯物字季直伯陵十二世孫也按伯陵即峻漢武時人隱居
研山人稱研山居士順帝時人武帝至順帝相距僅二百餘年不應遽
歷十二世唐陸龜蒙漢三高士贊謂季直是伯陵之孫又不應止隔一世
疑兩說均為謬外當更攷之

昔人論鬱金有二種鬱金香出罽賓國色正黃若蓮花可以香酒古所謂鬱
鬱者蓋以此其一川廣產者形類薑即藥中所用也顧世醫言鬱金無真
藥佔多以薑黃履之則殊不然日觀山人嘗辨之曰天下偽之亂真也久
矣即以醫論一藥之投生人殺人其間不容以寸可不慎哉予行蜀道所
遇草無非良藥世多有故勿論獨于鬱金附子著為辨以其似是而非也

尖陽隨筆卷八

張氏適園叢書

按本草列薑黃為一種鬱金為一種曰薑黃葉青綠似紅蕉而小盤屈黃
色類生薑有節故名鬱金苗似姜黃根銳圓有橫紋如蟬腹是姜黃鬱金
明屬二種矣予至蜀按譜求之所得鬱金皆小姜黃也後寓成都遇老醫
細詰之老醫曰噫子固讀本草而誤者耶夫鬱金薑黃同本而異體也請
劇諸土中以示子因見薑黃狀果如本草言但其根駢生如掌之有指指
之有節節內又有根如絲芽入土或二三寸或尺許所結比薑實而大過
之即所謂鬱金也約薑黃在地一年則根抽漸深而鬱金之大因之歷年
久鬱金漸大而味全今人竟取小者非也其製法洗淨蒸熟烈火焙乾則
微黃縐紋如綺縠若不用火從風中候乾者色微黑其體凹凸不耐時日
然而俱佳也予因知本草之誤誤分兩種尤誤于橫紋如蟬腹一語遂使
鬱金不得自效其佐使而竄竊者多且謂天下無鬱金寃哉老醫曰未也

薑亦有二種一曰薑黃蜀人稱黃薑一曰白薑白薑之根苗比黃薑更大
下抽絲所結亦與鬱金不殊但色澤微白耳予因黃白二種同一製法黃
者味極甘香美異常白者味淡無香及焙乾切片黃者則有金井玉關望
之輝輝有光而香更馥郁白者如枯礬味加苦老醫曰此有毒不可用也
今肆中牟利輒以白者充之又搗薑汁入釜同煮則皮色硬黃故川鬱
金者須看有金井玉關嚼之味香為上若外皮硬黃而肉白味苦者則白
薑也右人遠所辨如是通雅述廣中言鬱金似紅蕉本根即薑黃旁附即
鬱金形似蟬腹其言尙存疑似之間故詳錄之

人遠又據老醫辨附子云附有二種曰川附曰西附本草云其根彷彿山芋
皮黑體圓頂正底八角者良此川附也別有一種色白而小此西附也川
附出成都彭明縣者為真然彭明產附之地不過數畝而贏數畝之外不

尖陽隨筆卷八

張氏適園叢書

能為良也今亂後自督撫將軍以下監司諸大僚瓜分其土種之限以牆
藩役看守故亦稱墻附俱分遺貴人得至民間蓋亦寡矣俗貴底平頂正
者皆西附也墻附則底不必平頂不必正皮色黑細視之上有微毛其角
疊地離奇因法製後天然無造作故體圓矣小者或八九錢大者或一兩
五六錢皆可用若西附則純乎人功不具錄

孟子對齊宣王述夏諺云云子友俞太學思謙疑今也不然至為諸侯愛皆
夏諺之辭以其皆有韻也周孝廉勤補取其說入孟子四攷

姚黃字黃谷海寧郭溪人也少補博士弟子晚歸浮屠氏號為庵朱爾邁故
友為庵姓日和尙塔銘略曰為庵姓姚氏名黃初字一變祖父治生起家
少個儻有大志不屑屑一切也六經子史諸書無不畢覽嘗遊學雲間從
陳臥子徐開公諸先生交倡和為詩古文辭遠近藉藉有聲邑令林子野

先生一見異之，處庵亦心識之。爲知己未幾，留都之變，作林乘官去。處庵泣數行下曰：正人去國，余將安仰？決志從之。其結褵甫二年，方舉一女。勿顧也。跪請于母，母許之。間關數千里，從林公于閩南者三年。以白衣參侍，多見信用。丁亥七月，林公死，處庵號泣奔赴，經紀其喪。癸巳元日，遂落髮。黃檗山更名性日，字獨耀。號處庵亦曰且巖。從其志也。所與遊者嚴給諫、甬之通吳高士子方楷、林孝廉小漁、勉林吏部孔碩之藩、茂才鄭爾政、秉衡林思讓、鍾爵陳季長、震皆一時有志之士。丙申，思歸省其母，以四月重至郭溪北堂宿。草生妻去，帷弱女已字于農家。昆弟見而莫識，乃掉頭去。嗚呼！處庵之志亦良苦矣。余與處庵交自辛丑春，從趙子秋崖始。猶憶蒼筠古柏之下一見，恨晚久之。語深爲相向，泣從詩歌往返者凡五年。乙巳，余遊京師，處庵走四方，余于途次作短句懷之，未寄也。孰知處庵竟先我。

而逝耶？余方與趙子謀于董子思東，將買龍山一笏地，招處庵之魂而葬。其衣冠題其碑曰：處士一雙姚子之墓。一日者少燈元，炤儼然造焉。曰：某處公之弟子也。處公受法于金粟，而某更受法于處公。已于某年月日親負其骨，建塔于平陽之化鹿山。以先生知吾師深，請塔銘以泐，不朽。余惟處庵之爲人，不必藉余文而傳。然非余文不足以明處庵之志。處庵之志，則大矣。惜乎當時無所用其才，而委諸草莽。吾儒不能究其學，而屬諸空門。可深悼哉。云云。按處庵所著詩文集及編輯昔賢詩文疏稿甚夥，略見予所輯海寧經籍備考。

子貢詩傳出于豐坊家，前輩多不之信。以爲卽坊所托沈耿巖嘗有子貢詩傳辨曰：自來辨詩序升降異同，鈎摘博引，從未有據子貢詩傳以爲言者。詩傳出于明之中季，廬陵郭相奎中丞得之黃文裕秘閣石本，鍾鼎篆書。

古法森然，摹篆書刻之蜀中。夫孔門高弟子傳詩之撰曠二千餘年之久，經各代諸儒搜攷之勤，從未有一發其藏者。乃至黃郭一二嗜古家者，而後顯噫亦奇矣。西蜀白下諸本已不得見，所見吳興凌濛初刻本，所載李本寧宗伯序謂嘗見人云得之外國，是其書似謬。悠不足信，而濛初云攷之國史經籍志，首列子貢詩傳一卷。既言國史載籍，濛初必有確証。寧或致誣第秘府之藏，往往淆雜失真，正亦未可恃也。然郭中丞李宗伯並用博雅擅名，豈其於聖賢經籍之文有不審真偽而姑爲市異以眩世者哉？第就詩傳之文可議者有三：一則十五國風之篇次與毛本不同也。一則三百篇之事義與小序不盡合也。而吾謂詩傳之不可棄，實則正在此。十五國風之次，諸儒據毛本抵隙索瘢，意見踵出，而小序之以事義見斥，指爲肆意妄說，正復不少。今以詩傳合之，往往有足以挂其舌而通其所未。

致思者。吾故曰真偽去存之間，君子安可以不慎焉？抑商賜同列聖門，宜乎聞見記註若一，而顧多異辭，何與？豈以子夏足不出乎其鄉，其末止教授西河而已，不過守一家之言，而子貢結駟連騎于齊魯吳越之區，所交遊當世名卿大夫，其采摭宏該如太史遷，作史記某地見其長老，或其子孫云云之類，正非列國序詩之文所能悉知，而綴述者與是殆未可知也。予故爲之論次如右，而稍撮其傳文之有當者標諸左方。俟言詩者別擇焉。按耿巖之爲此辨于詩傳之真贋，蓋猶疑信參半。至論凌濛初所云見國史經籍志首列子貢詩傳一卷，遂疑國史既有載籍，濛初必有確證云云，殊不知凌所云國史經籍志乃焦弱侯所著，首列子貢詩傳一卷，當卽豐坊之本。耿巖豈未覩此書耶？

古三墳書有宋毛漸正仲序，故後人疑卽漸所撰，或又以爲張商英然舊刻。

本有凶名氏後序云傳曰河圖隱于周初三墳凶于幽厲洛書火于凶秦治世之道不可復見余自天復中隱于青城之西因風雨石裂中有石匣得古文三篇皮簡斷脫皆篆字乃上古三皇之書也觀此是此書實出于唐末當即此人所造非毛漸亦非商英漸以元豐中得之泌陽民家而傳之好事耳然據後序謂是篆字而漸序則云墳乃古文傳乃隸書所說已自不同何也

閻何元子先生作周易訂詁徵引古經號稱詳博然其中亦間有訛舛如豐六二豐其蔀注鄭元薛仁貴本作蔀云小席蔀按陸氏釋文蔀鄭薛作蔀云小席陸所云蓋鄭元薛虞也中經簿錄有子夏易傳薛虞記陸所引鄭薛非一皆指虞仁貴著周易新注本義書久失傳且陸氏釋文未嘗引本朝人何氏何所依據抑偶記憶之誤耶

從來以傳國璽爲至寶或爲之圖或爲之攷或藉以梯榮取媚指不勝屈偶讀元郝文忠公傳國璽論真可祛千古之惑據其大略于此上古帝王所以立政傳信攷文議禮則有瑞玉章服節左契各爲一代法製而不以爲傳故唐虞夏殷周之制代各不同其受命也莫不革故而易新其所以爲傳受而守之而莫敢或置者在夫道而已矣至秦始皇并天下奮私智盡滅上世帝王之制以滅趙所得楚和氏璧詔丞相斯篆其文刻爲傳國璽其文謂受天之命既壽永昌將欲傳之萬世乃二世而凶子嬰降而漢得之漢之佐命如有意于三代陋秦而從周以爲是物既凶楚又凶趙又凶秦乃滅國所得與斬白蛇劍並藏之武庫傳示無窮如夏后氏之璜封父之繁弱并爲一代寶器取監川渾璞刻爲大漢受命之璽以示維新可也乃自比秦之子孫遂以爲傳國璽于是重神器偷國之盜莫不睥睨擲揄

欲以爲己有縮于周勃問于霍光而奪于王莽挈于王憲專于更始而上于盆子復歸于光武至使尉後之石誤張豐于死東漢之凶劫于董卓獲于孫堅拘于袁術卒入曹丕之手魏傳之晉愍懷之難入于劉石復歸于金陵天下之人遂以爲帝王之統不在乎道而在于璽以璽之得失爲天命之絕續或以之紀年或假之建號區區數寸之玉而爲萬世亂階矣厥後晉傳之宋宋傳之齊梁陳傳之隋隋傳之唐而五季更相爭奪宋靖康之禍爲金所有山漢以來始有傳國璽十餘代于有餘年竟不能復二帝三王之治所謂天命心性仁義禮樂與夫經紀法度治世之具而皆不傳始則雜于王霸終則盡爲苟且其篡弒奪攘蹂躪血肉污穢皇極者不可勝言嗚呼傳者而弗傳也弗傳者而傳其治亂相反也宜哉昔湯伐桀于三腰俘厥寶玉誼伯仲伯以爲非而作典寶言帝王自有常寶豈可以

凶國之寶爲寶也當新莽奪璽之日元后罵曰若自以有金匱符命爲新皇帝當自更作璽何用此凶國不祥璽雖爲一時忿激之言最爲得理者也孰謂後世帝王無是二臣一婦人之言哉近世金亡而獲秦璽以爲凶國不祥之物委而置之不以爲寶一帝一王各爲之寶不以爲傳雖曰變古乃所以復古也故著論以推其本云
朝廷之上尊君卑臣蓋自秦漢以來莫不皆然若周公所謂天子南鄉見諸侯士揖庶姓時揖異姓天揖同姓之禮已久不行獨明之思陵于時國事日紛胥吁憂勞嘗元且御朝東向揖輔臣稱先生一時侈爲未有之榮惟周挹齋退而不憚或詢其故曰主上優禮逾格將來責備愈深矣噫此真奸臣之尤也哉
錢塘王昭平職方道少日疎達不羈王詩文書法師董香光兼善曲天啟

辛酉以房首獲雉揭曉前一夕集梨園演西廂院本方傅粉登場而賀者踵至曰待畢草橋驚夢衆強促之不得已即服其冠履以赴鹿鳴時日爲狂乙酉六月殉國變妻某氏本出樂籍亦殉死詳查樸園國壽錄

息媯始末見于春秋左氏者詳矣按列女傳云息夫人者息君之夫人也楚伐息破之虜其君使守門將妻其夫人而納之于宮楚王出遊夫人遂出見息君曰人生要一死而已何至自苦妾無須火而忘君也終不以身更二醮生離于地上豈如死歸于地下哉乃作詩曰穀則異室死則同穴有如不信視于噉口息君止之夫人不聽遂自殺息君亦自殺同日俱死楚王賢其夫人守節有義乃以諸侯之禮合而葬之然則息夫人初未嘗失節而有所謂不言等事也壘父子皆崇左氏獨此異說蓋必有以知其誤歟予疑不言之息媯當別是一人或媯之弟妹而媯于息者實非夫人也

吳志孫皓天璽元年都陽言歷陽山石文理成字凡二十云楚九州渚吳九州都揚州士作天子四海治太平始云云予疑吳九州句似當在楚九州句上傳本誤倒其文耳易之則辭義俱協且裴注引江表傳云皓見石文大喜曰吳當爲九州作都渚乎益可見其誤矣

宜興善權三洞東曰乾洞大水洞西曰小水洞洞極穹窿窈窕宛如厦屋一泉自洞口流出其內深不可測大旱資以溉田可數千頃其上鍾乳下垂五色陸離點滴泉中瑋瑋作鐘磬音晝夜不絕洞口石極玲瓏刻昔人題名甚多其背卽董山孫皓封禪山碑在焉按吳志天璽元年吳郡言石室開皓修爲大瑞當卽此乾隆癸丑正月元日味爽小水洞忽崩塌聲若震雷數十里內雞犬皆驚逸今僅存峭壁而泉亦幾堙昔人題字無一存者亦異事也

鍾彝叙名調海寧諸生初究天文象緯之學嘗累几至十餘獨坐其上以觀天星間道機祥多驗又按杜氏通典之法欲求諸葛木牛遺製遂自運斤爲小木牛高二尺餘初未能行殫思又二年忽悟其機在舌更稍斲削果能動且躍過檻蓋亦一奇人也見張承之明經蟲獲軒筆記

黍離疏釋吳天蒼天鄭既言爾正不誤而又從歐陽尚書說鄭爾正與孫郭本異故許慎既載今尙書說卽言爾正亦云明見爾正與歐陽說同左傳女贄不過榛栗棗脩正義曰先儒以爲栗取其戰栗棗取其早起脩取其自修也疏釋云惟榛無說蓋以榛聲近虔取其虔于是也按司馬相如弔二世賦汨滅報以永遊兮注平泉之廣衍觀衆樹之蒼鬱兮覽竹林之榛榛衍平聲榛栗年切

詩幽風正義武王年九十三而崩成王十歲是武王八十四始生成王也又

以文王崩之明年而生成王夫八十餘之人又居喪而生子皆不可解也王肅以爲文王崩年成王已三歲武王崩之年成王年十三則庶乎近之禹貢厥篚元纁鄭注書亂征曰篚厥元黃孔穎達詩鹿鳴疏謂篚厥元黃當在古文武成篇康成不見古文而引張勣尙書故不用

孟春紀帝藉田高誘注天子藉田千畝以供上帝之粢盛故曰帝藉初學記引蔡邕月令章句天子藉田千畝以供上帝之粢盛借人力以成其功故曰帝藉二家之注相同高注少一句似不及蔡之明晰資暇集云月令蔡邕云周公所作予按孟夏命太尉贊傑俊鄭氏曰三王之官有司馬無太尉秦官則有太尉今俗人皆曰周公作月令未通于古正義云俗人謂賈逵馬融之徒皆云然故王肅用焉然則此語不始于伯喈也又馬季長乃康成受業之師亦不得言俗人

詩山僕疏新宮制禮所用必在禮前而作不知武王詩也成王詩也又曰左傳昭二十五年宋公享昭子賦新宮計孔子時年三十餘矣所以錄不得者詩已逸亡無疑自宋公賦新宮至孔子定詩三十餘年其間亡之也按昭公二十五年孔子年三十有五至哀公十一年孔子自衛返魯時年六十八矣然後正樂刪詩蓋自周初至宋公爲昭子賦新宮詩六百餘歲而猶存自昭公至哀公僅三十餘年而詩遂佚此夫子所以有宋不足徵之歎與

易城復于隍先儒云隍城下池也古城池皆相連春秋時惟齊國有城而無池左傳文十八年齊懿公遊于申池杜注齊南城西門名申門齊城無池惟此門左右有池據此則是齊城無池也懿爲桓子桓公蒞諸侯一匡天下而國有城無池是眞所謂守在四裔者與

左傳會于夷儀之歲齊人城郟一節宋本及舊本俱在後卷經襄公二十六年之前毛氏所刊注疏移居上卷二十五年傳之後非也

司馬法四井爲一邑而亦有以一乘爲一邑者襄二十七年衛公與免餘邑六十下注此一乘之邑非四井之邑正義引論語百乘之家爲說

左傳哀十年楚子期伐陳吳延州來季子救陳勸子期以務德安民杜氏疏其年謂季子時年九十餘矣孔穎達疏引孫毓以爲季子食邑於州來世稱延州來季子猶趙氏世稱知伯延州來季子或是札之子與孫也按古人六十不服戎季子雖賢豈有九十餘猶能將兵乎孫說近是設如其言季子亦可謂世濟其美矣

往年姑蘇重建渡僧橋得一石刻乃胡御璣書丹程鄒林少府云御璣未識何時人亦無年月可攷

東陽山水記晉陳留阮裕公之弟妻劉氏伶之小女性愛山水借隱于白陽山

王銍默記載宋平江南大將得李後主寵姬夜見燃燈輒閉目云煙氣易以燭則云煙氣愈甚問宮中不燃燈耶曰宮中每夕懸大寶珠光照一室如晝日也此蓋好事者之所附會耳按賢愚因緣經檀彌離緣云王昇七寶殿彌離夫人在其殿上所坐之床用紺流離更有妙床請王命坐彌離夫人答言王來大喜但王衣服有微煙氣令我泪出非是相憎王便問言今汝家內不燃火耶答曰不也王問曰以何煮食答曰欲食之時百味飲食自然在前王復問言冥暮之時以何爲明答言用摩尼珠即便閉戶及諸窗牖出摩尼珠明逾白晝默記云云似脫胎于此

仲尼錄詩次商頌于周魯之後非錄商也蓋錄已之所自出也宋自微子至

于戴公其間禮樂廢壞正考甫得商頌十二篇於周太師孔子正考甫七世孫也錄詩既畢復取商頌五篇附于周魯之後猶司馬遷作史記紀傳而後因以自序然噫聖人之旨微矣

外舅魏氏洪濤先生祖塋在海鹽南門外平家橋側有石牌坊題云海寧衛世襲冠帶總旗魏公墓餘不可識按王文祿海寧衛志職黃志云武職有公侯伯下指揮千戶視子男乃世襲指揮上有把總都指揮參將總兵都督乃流官不世襲指揮有使有同知有僉事千戶有正有副百戶有試有冠帶總旗衛鎮撫視千戶所鎮撫視百戶指揮使曰昭勇同知曰懷遠僉事曰明威正千戶曰武德副千戶曰武略俱將軍百戶俱曰昭信校尉有開國功有靖難功有征蠻功有平寇功有下西洋功有海運功有開屯功云云魏公不知以何功得封其名亦不見于志

宋沈丞相該著易小傳六卷專釋六爻兼論卦變多本春秋左氏傳占法直
齋書錄解題云又有繫詞補注十條則附之卷末今通志堂刊本無之不
知舊本猶有存者否

尖陽叢筆卷八

十一
張氏西園叢書

尖陽叢筆卷八終

海寧吳憲棧客

易有蜀才注王儉四部目錄不言姓名題云王弼後人謝吳夏侯該皆是
 譙周而李蜀書一名漢之書云姓范名長生自稱蜀才南方以晉渡江後
 北開傳記皆名爲僞書故罕傳也右略見顏氏家訓又陸德明經典叙錄
 易蜀才注十卷按李蜀書云姓范名長生一名賢隱居青城山自號蜀才
 李雄以爲丞相蜀才注易今多不傳惟李鼎祚集解中往往引其說
 宋有兩王炎並孝宗朝進士一字晦叔婺源人初除著作郎至軍器監奉正
 大夫與朱子友善著讀易筆記十卷學者稱雙溪先生其一爲四川宣撫
 加樞密使歷觀文殿大學士考亭與直卿書僞學之禁前此劉元秀薦王
 炎爲察官程道敏以爲晦叔未嘗爲察官疑別指一王炎豈卽爲樞密使

尖陽叢筆卷九

張氏適園叢書

者邪

楊繪字元素漢州綿竹人皇祐五年進士終天章閣待制長于易書春秋所
 著有易索蘊書九意陳后山云沛用郊以易傳樂安任奉古奉古傳廣凱
 凱傳楊繪繪所著索蘊乃其學也按索蘊今世罕見其書唐荆川稗編中
 有繪論坤卦不言方一篇意卽索蘊之文而書九意不知猶有存者否
 吳梅村嘗輯春秋氏族志十八卷予觀其書所載亦不止春秋氏族凡在春
 秋得姓之後史傳有名者往往續載其後蓋不純乎春秋之人也
 海鹽秦駐山有梁碑天監二年八月二十三日樹文多殘缺其可辨者云前
 賢灼灼後聖茂哉始皇承天越授帝命業超上古殲周滅鄭七雄靡餘六
 國是併功齊大古道深前王口塔炎吳美冠顛黃通靈七代敬構商堂縱
 聖擬賢將口百口奄藹餘輝畫壁萬祀右刺史敬素立石碑已不存此見

王文祿海寧衛志詳其文義似秦紀功德之碑而梁時重樹之也

世傳劉子五卷五十五篇袁孝政注謂是北齊劉晝孔昭著唐志劉子十卷
 以爲劉勰著固非而孔昭之書昔人頗多疑其不真黃東發謂書中多避
 唐諱如以世爲代之類宋景濂獨取其清神篇中萬人彎弧而向一鵠
 能無中乎萬目眩曜以惑一生生能無傷乎之語元會亦有所觸而云也
 范亨大令有抄本劉處玄集紙色甚舊細觀其書卽世所傳之劉子五十五
 篇不知何以寫作劉處玄集按道藏目錄有仙樂集五卷乃劉處玄造皆
 詩詞歌頌耳意者後人又以僞劉晝書託之處玄乎大令謂劉晝書乃實
 處玄作未知然否

翰府名談白龜年遇李太白遺書一卷曰讀之可辨九天禽語大地禽言龜
 年後遊潞州太守召問之庭有二雀啾唧而過守曰彼何言曰城西民家

尖陽叢筆卷九

張氏適園叢書

有虞餘粟在地相呼食之守使驗之果然又見廐馬仰首而嘶問此何言
 曰槽中料熟不可食時近清明將吏驅羊二十餘頭後一半鞭之不動守
 問羊不行有說乎曰羊言腹有羔將產然後就死乃留月餘果生子龜年
 樂天之姪也據此則周官辨獸之術唐人猶傳之

注爾疋之孫炎有二一魏人字叔然其一蓋唐時人不知其字那持爾疋疏
 序云其爲義疏者則俗間有孫炎高瓊皆淺近俗儒不經師匠觀那氏之
 說則此孫炎必非叔然矣疏中所引孫炎說蓋皆是叔然而非俗間之孫
 炎其既斥爲淺近俗儒斷不復引其說以與叔然相亂故高瓊亦無一語
 及之也

戎狄是膺荆舒是懲魯僖公未嘗有此事孟子曰周公方且膺之則明是周
 公事矣詩傳遺說乃云此是孟子讀詩不仔細處從來善說詩者莫過孟

子而謂其不仔細是何言與

王魯齋爲詩辨說謂秦火而後詩無獨全之理意夫子已刪去之篇容有存於闕巷之口漢儒復取以足三百篇之數而淫奔之詩三十有二篇當俟有力者請於朝而放黜之一洗千古之蕪穢云魯齋之學淵源出于何文定黃文肅二公本于考亭考亭既不信小序而斥之魯齋并欲刪詩亦可謂勇于自信者矣今列其可摘三十二篇之目于左

野有死鸞 靜女 桑中 氓 有狐 大車 邱中有麻 將仲子 遵大路 有女同車 山有扶蘇 採芣 狡童 采芣 東門之墀 采芣 東門之池 東門之楊 防有鵲巢 月出 株林 澤陂 王充之爲論衡可謂辨矣至于謂伯夷叔齊爲庶兄奪國餓死首陽山豈得

尖陽叢書卷九

張氏適園叢書

爲賢人鯉也死有棺而無槨孔子時爲大夫乘三馬何不貨兩馬以作椁乎昔孔子作士之時乘二馬尚脫一以聘舊館何重舊人之恩而輕父子禮不貨車以葬子豈不貪官仕乎此等議論尤爲悖理馬總顧探之入意林其鑿裁安在

晉孫毓嘗著毛詩同異評十卷春秋賈服異同畧口口口口口卷按陸氏釋文疏字休明北海平昌人晉豫州刺史隋書經籍志詩類云長沙太守又孫毓集六卷云汝南太守毓乃武帝咸寧間人所著今皆不傳惟孔穎達毛詩正義中引毓詩評頗多毓又有成敗志三卷亦不傳馬總意林存其二條云水性雖能流不導則不通人性雖智不教則不達學猶殖也不學將落又云密者天地之際會成敗之機要故陰陽不密則寒暑不能以成歲棟宇不密則九層不可以庇身

錢懋登厚語云崑山顧未齋閣老鼎臣子號慎齋自幼勤敏讀書后領鄉薦雖貴介不尚驕元如寒賤士王肅齊太守時禁漁戶入海網黃魚有以白金二十兩曲求弛禁排置桌上動之慎齋視如汚垢目不少睇噫宰相之子片辭可以反覆當路而峻節如此亦云難矣

骨牌之製不知實始何時陳乾初先生嘗爲骨牌頌云千古奇文河圖洛書兩儀四象八卦是殊因而重之以成變化遂申義畫以教天下死生有命富貴在天先師成訓誰曰不然委心任運四分有截其成其敗疇能懸決大以成大小以成小物各有主安用智巧理以制欲私不勝公展兮君子和而不同之同是爲大同無成之成乃爲大成相得而合無往不利人和之功以參天地

尖陽叢書卷九

張氏適園叢書

家國天下之爲末

陳乾初先生作大學辨謂大學宜還之戴記又祭告山陰先生文曰葬書非古大學非經若謂此本山陰先生之意然予觀山陰先生書中無一處不尊崇大學之旨至詔其子以讀書之法則曰先之小學以立其基進之大學以提其綱次以中庸以究其蘊繼以論語以踐其實終之孟子以約其旨云云恐山陰先生實未嘗有此意

張舜民畫墁錄云唐印文如絲髮今印文如筋開封府印文尤脆猶且歲易以此可見事之繁簡也予得宋十都虞侯朱記端拱二年鑄其文瘦勁如絲蓋宋初猶沿唐制又得南宋招撫使印則粗頑與後時官印無異矣孔穎達曰皇甫侃傳禮經是木落不歸其本

鄭氏詩譜序一篇文獻通考曰或云此序宋均作予按唐劉子元上孝經注

議辨孝經可疑者十二條內有云宋均於詩譜序云先師則均是傳業弟子也今詩譜序中並不見有先師二字然則均別有詩譜序耶

明葉培恕序王平仲周禮刪翼云孔子因諸侯之去冬官籍作春秋以輔之嚴氏詩緝大明篇引李氏曰國語鄭語云前河後莘按鄭語作春秋以輔之國也左傳僖公二十八年城濮之戰晉侯登有莘之墟杜元凱注云莘故

國名今此詩云在洽之陽在渭之涘則是馮翊之間與鄭衛之地全不相干涉當以此詩為證左傳國語闕之可也按太任乃有莘國女據此則莘國當在洽渭之間又困學紀聞云鄭語依疇歷華史記鄭世家注莘作華水經注黃水巡華城西史伯曰華君之上也章昭曰華國名秦白起攻魏拔華陽司馬彪曰華陽在憲縣括地志華陽城在鄭州管城縣南可以證今本之誤據深寧此說則莘字乃傳刻之誤非章注之失也今鄭氏詩譜

尖陽叢書卷九

五 張氏適園叢書

亦作依疇歷華與史記注合

歐陽公作詩本義自謂于鄭氏一家之學可謂盡心焉爾然鄭夾漈論歐公深析鄭學以為多喜改字如吉蠲為饒鄭以蠲為圭吉圭為儲則韓詩之言也素衣朱襟鄭以襟為綃素衣朱綃則齊詩之言也其耕澤澤鄭以澤為釋其耕釋釋亦爾雅之言也舟人之子鄭以舟為問問人之子則朱育集字之言也艷妻嬭方處鄭以艷為閭閭妻嬭方處則漢杜欽傳之言也鄭改字初未嘗出于臆見然則水叔之于鄭氏正坐只究康成一家之學而未及博求他說故爾

古文尙書昔人皆以為至東晉始出近程廷祚晚書訂疑謂實至劉宋方顯按金仁山尙書表注序云至蕭齊始備蕭梁始行

顧亭林菴中隨筆云關公唐以前未之有聞唐以前崇奉朱虛侯劉章家祠

戶禱若今之關公云迨宋以鹽池一事關公遂著威靈而朱虛之祀廢矣然其事亦有不可解者張道陵于漢季為黃巾妖賊關公以破黃巾起家而冥冥之中又聽天使號令其偽耶則當顯戮之使其真耶吾未見道陵之賢于關公也

黃氏日鈔云薛榮甫謂其伯父尙書嘗聞前輩言有處者敢同姓之國見堯舜皆與賢而敢乃繼禹履不服一戰于甘自是終夏之四百年不臣夏至湯伐夏而後履來臣於商故作臣履之書成湯放桀于南巢巢國不義之終商六百年不來朝至武王伐商而後巢伯來朝於周故作旅巢命之書是說也嘗於經筵奏進 理宗以上皆日抄之言觀此知武庚祿父之背周亦未為不違惜不能修德以光復舊業併欲求有如履南巢之國而依之且不可得也

尖陽叢書卷九

六 張氏適園叢書

明皇之壁自稱閉關潛夫嘗有贈陳廣野太常詩云雞林鹿苑為誰降歲宴懷君不隔邦東國詞華已寡二兩京諫學况無雙抱書閣上觀滄海泚筆臨池賦大江問道元龍高臥好披帷容與對南窗詩甚工穩明詩錄不錄一首豈皆散失歟

蔡允恭仕後梁為著作佐郎梁亡入陳拜尙書庫部郎復入隋唐著後梁春秋今亡明姚士彝復撰後梁春秋二卷世多傳之

近黃小松司馬拓得郭石巨室畫像已見或謂即北齊隴東王胡長仁感孝頌然但有畫像而未見有所謂頌者按趙德甫跋感孝頌云濟洲平陰山頂有古塚隧道尙存塞其後而空其前類杜預所見邢山鄭大夫塚上有石室制作工巧其內鐫刻人物車馬似是後漢時人所為水經謂之孝子堂隴東訪之者舊以為郭巨墓此段亦見觀此言蓋長仁見此畫像以訪者

老知爲郭巨之墓後人誤指石室畫像爲隴東王感孝頌者似皆失于深

汝游研堂金石文跋尾開隴東王感孝頌今在泰安府肥城縣孝堂山因孝子而名

今里俗細人每有阿某之稱考漢韓勅後碑所列名姓有徐阿道徐阿欵吳

阿櫻徐阿仍吳阿歐吳阿綬吳阿虎諸人蓋漢時已如此

嘗得方林宗寥天一墨每笏重四兩形如牛舌旁著太監陳煇監製攷明史

宦官傳陳煇萬歷中爲永稅太監貪橫不法後以事伏誅此蓋當時貢墨

製作頗精好那子墨墨談云向見江南奉使大璫製進御墨多龍紋采翠

塗金屑珠色奪朝曦芬溢九竅正如內法醞濃郁饒舌然乏清遠那所論

蓋指此種然林宗名手終非近日墨工所能企及也

黃氏曰抄云蔣榮甫謂其伯父尙書嘗開前輩言有扈不服一戰于甘自是

終夏之四百年不臣夏至湯伐夏而後扈來臣於商故作臣扈之書審按

淮南齊俗訓云有扈氏爲知義而不知宜也高誘注有扈夏啟庶兄也以堯舜與賢禹獨與子故伐啟啟之據此是扈不第夏同姓國且亦禹子矣曰抄又以爲扈至湯伐桀始來臣而淮南注曰啟亡之亡之者蓋絕之非滅其國也此亦見啟親親之義也

方宓之通雅號爲詳博然亦有失于深考者如器用門辨畫繪云幘今作幘

陸放翁有跋畫燈作燈考渭南集跋畫燈云茶罷偶展此軸摩抄久之覺

指爪皆香計此物著霜時予歸鏡湖小園久矣是陸所跋者實是畫燈而

牽合作幘類于竹格琴絃之屬何耶閩潛邱多不滿藥地殆謂此類歟

往在吳門購得汲古閣精抄毛詩闡秘書不分卷乃魏叔子所著自序謂在

毛氏授經奏叔輔季兄弟爲闡發經義著此書時在天啟四年告成後奏

叔輔季各有手跋輔季跋云商邱宋漫堂撫吳日嘗遊虞山登汲古閣留

信宿徧觀藏書見闡秘書嘆賞欲捐俸爲刻之輔季以其師所秘授不

忍割愛卒不果從誠其後人當什襲珍護時康熙辛卯歲也輔季跋後又

有休寧令虞山丁斌跋稱爲程生而題程未詳何人蓋此書毛氏散出又

歸于休寧之程也

硤石有人夜宿逆旅值大雨夢一人冠矮烏巾而鬚丈餘眉兩道色青而赤

細視之皆蜈蚣雙目則赤蠅蛇也聖其人出戶外俄而室內牆崩床榻悉

成齏粉始知所夢見蓋牆神也周松濤說

予嘗從倪氏六十四硯齋所藏宋刻淵明集羣刊靖節墓圖及祠堂圖祠旁

餘地皆有畝數按宋曾達臣敏行獨醒雜志云江州德化縣楚城鄉乃陶

淵明所居之地詩中所謂柴桑者宜和初都刺史即其地立陶淵明祠洪

芻駒父爲之記祠前橫小溪溪中盤屹一石人謂淵明醉石也土人遇重

九日卽携酒擷菊酌奠祠下歲以爲常集中所刻淵明祠圖豈卽宣和時所建乎

臨平山宋時有宰堵波東坡詞有謂不見臨平山上塔亭亭迎客東來送客

行是也蔡京祖墓在山今亦無考昔方臘作亂攻陷發歛等州嘗入錢塘

觀燈遣人發掘蔡氏祖墓露其骸骨則臨平之墓殆亦毀于方臘耶

海寧吳憲棧客

孔子主司城貞子為陳侯周臣趙注以為陳侯名周郝楚望駁之云考史記年表夫子來陳當湣公之六年湣公懷公子名越孔子居陳三年復去適衛則湣公之八年也湣公在位二十四年楚惠王伐陳殺湣公滅陳貞子與陳侯同死者故曰陳侯周臣即忠也春秋傳衛宗魯與齊豹云吾將死之事子以周與此同義可證周之即忠也黃太沖孟子師說取之云但郝氏言貞子先在宋後去仕陳此仍注疏之誤只因司城為宋官名司城不過掌營城邑安知陳無是名乎既已仕陳而叙宋之官名亦無謂也

古文尚書序全不似西漢文字且字字周到如今人作呈狀惟恐露一閒隙

尖陽叢筆卷十

張氏適園叢書

為人所指駁者此豈出于安國之手哉至後云奉詔為五十九篇作傳而又曰既畢會國有巫蠱事經籍道息用不復以聞傳之子孫以貽後代夫安國既奉詔作傳則書成當即奏上亦豈有因他事而併廢此詔耶此皆於理上說不去

祝文彥聞見厄言石門勞卷星家有鐵蕉樹幹高不過四五尺層層剝嚼若蠶蝨多葉如鳳尾草以手拂之堅勁欲刺不敢近須時時以鐵釘密插其幹月餘則銷蝕殆盡一次須鐵十餘斤後其家貧不能具鐵蕉乃枯萎垂絕鐵蕉產滇中五行金克木今木乃克金此反克之義也

又曰永樂大典勅儒臣胡廣王洪等所編計二萬二千八百七十卷因卷帙浩繁未得刻板只有寫本於文樓安貯嘉靖間火幸未至災閣臣徐階復命儒臣照式摹抄一部自嘉靖四十一年至隆慶元年始竣日川官生一

百八名每名日抄三百古今書之大部無出于此者八百七十卷義經十一翼明慈谿傅文兆著分太初易古周易玩詞觀變觀象玩占等篇推明古易序次辨論漢儒亂易根因為學者所推

厄言謂唐書能挽兩石弓不如識一丁字丁當是今字之訛本意謂兩石弓不如一個字也續世說亦曾辨之

銀河棹六壬書也不見于經籍志或以為劉伯溫著予嘗見其書率淺鄙不經疑非真本按聞見厄言余少館友人家見有抄本術書今忘其名其中天文地理飛昇黃白以至行兵劫陣及取物呪人之事無所不具友人篤信之值世亂欲藉以倡事不成而死今此書不知落在何處因思劉誠意當年得銀河棹一書亦大約相似所以江南卜者用為課命之秘劉得此遂為行兵之機据此則非誠意所著可知已

尖陽叢筆卷十

張氏適園叢書

楓窗小牘載汴京閨宣和已後多梳雲尖小額鬢撐金鳳小家至為剪紙襯髮膏沐芳香今武林俗尚有此風蓋山沿東京遺風歟

宋理宗朝閩貴妃攢所在顯慈集慶寺載咸淳臨安志按寺在西湖九里松淳祐中勅建今杭城鹽橋人家後圃有古塚或云閩妃墓且時見靚妝婦人豈別一閩妃耶閩妃在理宗朝寵擅一時山房隨筆及隨隱漫抄錢塘遺事中俱有其事

海鹽金粟寺法堂有獨桑鼓相傳孫吳時戰鼓也近人頗著于題咏子細察之殊不似于五六百年物疑未可信昔錢武肅王嘗過金粟寺留題道場或者曾捨此鼓于寺後人傳訛以吳越為東吳未可知耳

明馬后嘗以銅床炙死碩妃吳越錢元珣驕縱不法川鐵床炙尉吏吳滿城郭凶人作事大都有本故君子惡夫始作俑者碩妃見南京太常寺志

乾隆初年海寧南門外有海馬二乘潮而至潮退遊于沙岸色黃而精風襟
霧鬣神駿超卓異于凡馬有時戲于浪中出沒如遊龍觀者日數千人或
投以瓦礫然終莫能近旬餘始去昔徐鉉嘗入直澄心堂至飛虹橋馬輒
不進發裂鞍斷轡掣轡卻立鉉遣信咨僧贊寧曰下有海馬骨水火俱不
能毀惟瀝以腐糟隨毀者是也鉉斷土果得巨獸骨若段柱然積薪焚三
日不動以腐糟瀝之遂爛焉

朱文公至臨安嘗寓于李博士橋按在今中河與棚橋千勝橋相近李博士
名性傳字曰成之宋宗正寺主簿李舜臣之子寧宗嘉定四年進士歷轉
運幹辦行在諸軍審計司進遷武學博士寓居于此以修武志故名其橋
曰武志橋曰博士橋最低小國朝康熙中重建
人家牆壁間有虫不見其形聲隱隱如以筋頭叩几案一呼吸間常十餘聲

移時不絕此殆所謂竊虫也按封演聞見記人家有小虫至微而響甚細
尋之卒不可見俗人以爲難見號竊虫云有此者不祥余曾親此虫大如
半胡麻形類鼠婦有兩角白色振其頭則有聲或時暫止須臾復振床壁
窗戶之間暗黑之處多有之拾遺孟匡朝貶賀州作竊虫賦比之鬼蜮似
都不識此虫

鶴林玉露載周益公洪容齋嘗侍壽皇宴因談看核上問容齋卿鄉里所產
容齋番陽人也對曰沙地馬蹄隨雪天牛尾狸又問益公公廬陵人也對
曰金相玉板笄銀杏水精葱又問一侍從浙人也對曰螺頭新婦臂龜脚
老婆牙上爲之一笑羅以爲四者皆海鮮也余亦浙人生長海濱至今不
知此四者爲何物當俟博聞者而叩之

王梅溪嘗上疏劾史浩世傳荆釵記乃浩門客所作以蠅龜齡不知然否予

嘗觀螢雪叢說曰金人有致祭仁宗皇后文楊大年捧讀空紙無一字隨
白撰文曰惟靈巫山一片雲閨苑一團雪桃源一枝花秋空一輪月豈期
雲散雪消花殘月缺伏惟尙饗仁廟大喜今荆釵祭江亦有是語如果史
氏客所爲則非特名節所關且欲陷夫子于大逆其意亦甚酷哉

世以靈飛經爲鍾可大書此因董文敏所定也金壇王翦林云是唐經生手
筆其言曰靈飛經自宋元來不著至有明萬歷中始有名于時董思自深
愛此書以爲鍾可大每欲寫法華經必縱觀許時而後書之余按後款稱
大洞三景弟子玉真長公主可大生平未有斯號則知非可大書余得唐
經書三彌底論於淮陰與此書字形筆法毫髮無異其非可大書無疑可
大人固無取思自位高名重妄以己意題署百餘年來無敢有異論故特
正其謬據翦林所謂唐經生書雖亦出於臆度之辭然吾鄉陳氏刻渤海

藏真帖中靈飛經直刻鍾紹京書則亦乖闕疑之道矣

宋鄧襄文作靈牖閣平中駁洪慶善解論語云魯人爲長府閔子騫曰仍舊
貫如之何何必改作謂魯因子騫一言遂不作長府以春秋不書知之也
然左傳昭公二十五年魯欲逐季氏而昭公居于長府則是魯已作長府
矣非因子騫一言而不作慶善失之予謂魯人作長府蓋魯人見長府或
偶有傾頹遂欲搆而更新之閔子以其勞民傷財故勸其不若就現在規
模稍爲修治所謂繕完葺牆而已魯人亦未嘗因閔子一言而竟棄長府
于不顧又安見昭公倉卒避亂必居改作之長府而不居仍舊貫之長府
耶又按長府本魯藏名魯雖空乏當不至并府藏之所皆無之閔子之告
以何必改作亦是貴德而賤貨之意袁氏云云殊昧本旨

續筆

昔人云草食押不蘆雖死元不死押不蘆古本草所不載按志雅堂雜抄回國之西數千里地產一物極毒全似人形如人參之狀其名押不蘆生于地中深數丈或從傷其皮則瘡毒之氣著人必死取之之法則先開大坑令四傍可容人然後輕手以皮條結絡之其皮條之首則繫于大犬之尾用杖打犬犬奔逸則此物拔起犬感此氣則斃然後別埋他土中經歲後取出暴乾別用藥以製之其性以少許磨酒飲人即通身麻痺而死雖刀斧加之不知也然三日別以少藥投之即活蓋古華陀能剗腸滌臟治疾者皆用此藥也聞今御藥院中有二枚此神藥也白廷玉聞之盧松崖云

吾邑陳樹屏子蕃藏銀爵五傳爲仁和沈開平太史故物太史名筠康熙己未以庶常舉鴻博除編修值其父蓮翁生日同年共製銀爵以介壽每一

爵中錢四人姓名施開章尤侗彭孫遜袁佑爲一爵秦私齡汪楫朱彝尊沈珩爲一爵李來泰毛奇齡錢中諧黎塞爲一爵方象瑛龍焚周慶曾龐壇爲一爵曹禾李澄中喬萊曹宜溥爲一爵凡二十人未及其半也樹屏祖巨高祠部爲太史婿當時以充益具物餘惜無攷矣爵皆有舟製極精雅樹屏珍之與商鳳琴器等周范分大令亦嘗侍工繪圖而歌咏之與陳徵貞葉孝俞秉淵思謙沈呂黃開勳陳仲魚隨俞雲章寶華及樹屏並有作頗爲好事所傳謂之詞科餘韻云

昔先大父聚書萬卷手不停披潛志探討兼好網羅遺事軼聞搜剔名蹟古器多所表著平居嗜記所及間復參以論說隨時筆之積久成卷家近海上之尖山因名曰尖陽叢筆是本初出鈔胥字多誤舛晚年審定時尙有增損塗乙及引舊存疑之處朱墨燦然皆大父手筆也因其中論詩諸條已載拜經樓詩話故未梓藏之篋衍傳示後人而已今秋校正亥豕擬錄其副謹書數語於後以志執硯之感云道光丙申歲九月望日孫之淳敬識於竹下書

堂
錢泰吉海
昌備志

是書攷訂經史辨別名義幾與日知養新諸錄相伯仲然其中談詩紀事諸條或已散見拜經樓詩話及桃溪容語諸書今與先生文孫鱸香茂才共相商榷節去復見者十之二原本後又附續筆一卷僅二條今刪存一條附十卷之末譬如百川支流皆歸於海不敢妄爲淆混也蓋先生自少至耄無日

尖陽叢筆跋

張氏適園叢書

不以卷帙自娛心有所得卽涉筆以識雖因早年著述尙未付梓而潛研之勤實非時流所可企及者至署曰尖陽蓋先生家尖山之陽故以名其書云
時癸卯六月管庭芬跋



冷廬雜識節錄

冷廬雜識節錄

桐鄉陸以湑敬安著

首飾

毛詩副笈六珈傳云。副者后夫人之首飾。編髮爲之。首飾二字始此。劉熙釋名有首飾篇。凡冠冕弁幘簪纓笄瑱之屬皆列焉。是統男婦而通名曰首飾矣。今獨以號婦人釵鈿等物。蓋猶沿詩傳之說。

漢口竹枝詞

餘姚葉茂才調元漢口竹枝詞三百首。述人情風土。俚語居多。其賦後湖詞有云。散步人來遠市閑。一回心境得寬閒。眼光直到天窮處。夕照黃陂數點山。筆意獨俊逸可喜。

勺藥椒

勺藥香草也。而贈之于相諱之日。椒芳物也。而貽之于禮遇之時。人汨其情。物亦違其用矣。世之治也。禮教隆而婦職修。草木皆得其所。周南所以次采芣苢。

卷二 冷廬雜識節錄

一 二十二 香 鮑 叢 書 六

南所以次采芣也。

湘江竹枝詞

吾邑費春帆中丞。由明經起家。歷官至湖南巡撫。自幼即耽吟咏。在長沙節署時。樂校經堂課士。嘗以湘江竹枝詞命題。自賦十二絕。極綿邈悱惻之致。錄二首于此。斑竹涓涓淚尚零。望湘亭上吊湘靈。孤篷聽雨巴陵岸。一夜愁心滿洞庭。三十六灣蘆荻秋。飛花如雪撲郎舟。請看今夜灣灣月。雙宿鴛鴦已白頭。

虞鳳娘

明義烏虞鳳娘。姊嫁徐明輝而卒。明輝聞鳳娘賢。恐其父欲聘爲繼室。女知泣謂父母曰。兄弟未嘗同妻。姊妹可知。父執不聽。女絕口不言。自經死。余謂女之死。徒以傷親之心。史傳載之。豈但以其志之潔。而末俗所難能。而書以示風歟。

露筋祠詩

王阮亭題露筋祠詩云。翠羽明璫尚儼然。湖雲祠樹碧于煙。行人繫纜月初墮。門外野風開白漣。論者推爲此題絕唱。按米襄陽露筋祠碑云。神姓蕭。名荷花。詩不即不離。天然入妙。故後來作者。皆莫之及。

卷面題詩

咸豐壬子浙江鄉試第二場。山陰某生闈中發狂病。曳白而出。卷面題二絕句云。記否花前月下時。倚闌偷賦定情詩。者番新試秋風冷。露濕羅鞋君未知。黃土叢深白骨眠。淒涼情事渺秋煙。何須更作登科記。修到鴛鴦便是仙。欸書山陰胡佃娘。某生旋卒于廬所。輕薄之報。可不畏歟。

顧亭林母

顧亭林先生之母王氏。崇禎時旌表節孝。即明史列女傳所稱王貞女也。先生有與葉詵菴書辭薦舉云。先妣國亡絕粒。以女子而蹈首陽之列。臨終遺命。有無什異代之言。載于誌狀。故人人可出而炎武。必不可出矣。記曰。必貽父母令名。必果。將貽父母羞。辱必不果。七十老翁何所求。正欠一死。若必相逼。則以身殉之矣。一死而先妣之大節。愈彰于天下。使不類之子。得附以成名。此亦人生難得之遭逢也。蓋其辭決而其志彌可哀矣。

卷二 冷廬雜識節錄

一 二十三 香 鮑 叢 書 六

白衣送子觀音殿聯

天竺白衣送子觀音殿。楹聯甚多。皆庸淺不足道。惟錢塘魏春松侍御成憲所題。裁對自然。不失讀書人吐屬。句云。白衣仙人。瓶中水楊柳。朱蒂男子。天上石麒麟。

朱綠筠女史

錢塘朱綠筠女史。聰慧能文。矢志不嫁。當代聞人。欲見一面不可得。家貧。售詩畫以自給。余嘗見其扇頭畫菊題詩云。無心開爾後。風雨已重陽。醒却繁華夢。甘爲冷淡妝。有心難向日。無骨不凌霜。底事驅羅蝶。猶思挹晚香。是真能孤芳自賞者。

醜錢啓

同邑沈芝岩秀才達源。天才亮特。爲督學山陽汪文端公廷珍所賞拔。少訂姻。

於張氏家資力學。銳志進取。誓不登科不娶。年逾三十。猶未售。親戚勸其舉。姻為似續計。而子然一身。家無擔石。乃為醮錢以成婚焉。既履不得志于有司。益縱于酒。每富夜深人靜。持杯獨酌。狂呼恸哭。輒驚其四隣。遂以是得病。卒年三十有六。無子。遺囑散佚。錄其醮錢散云。伏以納幣無過。五兩判于周官。有財振人。八厨茂于漢紀。謝公移帳。助隱之為周旋。僕射營婚。致子琮無暇日。蓋合獨以時者禮也。假人以德者義也。自來逸軌。多載前聞。源東髮受經。早諳旨義。弱冠弄翰。間肆閨辭。慕鮑宣之風流。企何曾之酬酢。素門合牓。訂兩姓于朱絲。張姓連天。繫一紗於玉臂。固已姻聯白建。喜得勝流。緣合老人。即期報板矣。然以為情繁兒女。懼累英雄。則繁香蕤。恐妨書史。求鳳有曲。不驚在御之聲。特雉無媒。未設早婚之令。以故涼宵。弋雁星剩。匏瓜春社。飛鴛風虛。少女乃者。仲卿龍具。京師棄其無才。昭諫白衣。雲英笑其未脫。十年不字。負此韶華。三星在天。歌殘邂逅。歷姹紫嫣紅之候。春事已闌。聞口脂面藥之頰。癡情漸悔。滿身風露。識季迪之欲婚。一闌朝飛。笑牧子為未達。夢已徵于桑下。曲待奏夫房中。所慮緣

卷二 冷廬雜識節錄

一二十四 香艷 叢山

練繭綢。難捐嘉飾。方標半燭。不少門財。在戴良有布被之將。亦希高隱。而斐航無杵臼之聘。終隔仙源。庫乏男錢。罌乾女酒。蓋幾幾乎泥中有絮。春風徒吹。洞口無挑。胡麻空熟矣。于是草元弟子。戴笠故人。將使見不單行。心成一袂。集于狐之腋。暖到鴛幃。分一葉之陰。春回鸞樹。烏瑤十事。不令貽笑純材。玉鏡一枚。即可相攸溫嶠。是則長源迎婦。供帳遍于北軍。輿敗欲妻。平章待乎管子。阮修婚費。歛自名流。黃姑聘錢。貴從天帝。以今擬古。足可軒渠。故乃灑墨管城。命詞側理。杼予結約。告爾苔岑。類某卿索花粉之需。異吳市競金錢之擲。行見兩行花燭。悉有耀之自他。一色祿紗。等解衣之惠我。有情誰能遣此。且慰目前介特之心。此事使卿有功。預防他日椰榆之語。

一日不見如三月兮。采葛詠之。見讒謗交構之際。猶不忘君也。讀之。可以怨。子衿詠之。見學業廢衰之時。尤亟須友也。讀之。可以群。

梳銘

明詩綜七十一卷。項真名下。靜志居詩話云。予嘗見其為閩人。銘梳篋曰。人之有髮。且且思理。有身有心。奚不如是。筆法極其飛舞。繹其語。殆亦非真狂生也。予按銘乃虛全所作。見唐文粹云。人之有髮兮。且且思理。有身兮。有心兮。胡不如是。項蓋減易其字而書之耳。

七夕詩

餘杭陳燁卿女史爾士。錢新梧給諫之室也。習經史。工吟咏。賦七夕詩。命意最高。梧桐金井露華秋。瓜果聊因節物酬。却語中庭小兒女。人間何事可干求。

周孟侯先生宮詞

吾邑周孟侯先生拱辰。明季貢生。吾母之七世祖也。先世累著清德。母夫人夢祝生花。而生公比長。聰穎絕人。又勵志于學。嘗坐小樓去梯三年。讀古今文五千篇。有奇由是才藻艷傳。名噪一時。吳興莊廷鉞。將刊明史。以厚幣聘公。先一夕。公夢其父昇以一合。啟視之。則赫然一人頭也。驚而寤。適莊使至。有警。于是夢峻辭却之。及明史禍發。諸名士株連被戮者多。公獨脫然無累。識者謂世德

卷二 冷廬雜識節錄

一二十五 香艷 叢山

之報。履不得志于有司。半駭抑塞之氣。悉寓于文辭。著有聖雨齋集。其宮詞入十首。香與無端。尤足令才士讀之。同聲感喟。摘錄五首。以當膏鼎一燭。露痕高。涼月痕低。六院笙歌五院迷。莫道襄王惜。香夢巫山只在畫欄西。垂楊深閉畫樓春。花送黃昏鶯送晨。三十六宮閒似水。平明催送鏡夫人。金鈴獨踏落花泥。聲路苔痕旋欲迷。誰道舉頭剛見日。鳳樓疑在十洲西。碧簫吹破思依依。聽盡宮鶯半掩扉。最是無聊看不得。桃花片片背儂飛。翠鬢寶鬢玉膏新。一對菱花一情神。無恨蛾眉綠如許。不如影裡李夫人。

何問婦傳

柳子厚河間婦傳。遺詞猥褻。昔人曾譏之。然其文固有為而作。其記遊戲之所。一則曰浮圖。再則曰浮圖。可知佛慮之胎害甚烈。而婦人之喜人嘲者。可以警矣。

琵琶亭

琵琶亭在九江府城外江邊。乾隆癸亥。觀察潘陽唐公英重修。增建高樓。題額

曰江天遺韻。壁刊白傳遺像。是南燕殿本。嘉慶中欽人方體所摹。登樓四望。前臨大江。後對廬山。左則古木千重。右則人烟萬井。樓上迴廊。旋繞境極幽曠。遊人題詠甚多。觀察有句云。今古商船多少婦。更誰重此聽琵琶。殊寓感慨。

錫奴銅婢

溫足瓶名錫奴。蘇州薛一瓢。雪鏤銅杖字曰銅婢。此可以為對。

李易安朱淑真

德州盧雅雨。使見曾作金石錄序。力辨李易安再適之謬。謂德父沒時。易安年四十六矣。又六年始為是書。作跋是時年已五十有二。匪似之。三少等季隗之就木。以如是之年而猶嫁。嫁而猶望其才地之美。和好之情。亦如德父昔日。至大失所望。而後悔之。又不肯飲恨自悼。輒謀謀然形諸簡牘。此常人所不肯為。而謂易安之明達為之乎。觀其泔經喪亂。猶復愛惜一二不全卷軸。如護頭目。如見故人。其惓惓德父不忘若是。安有一旦忍相背負之理。此子輿氏所謂好事者為之。或造謗如碧雲殿之類。其又可信乎。陳雲伯大令亦云。宋人小說。

卷二 一 冷廬雜識節錄

一二十六

香 鮑 叢 書 六

往往污穢賢者。如四朝聞見錄之于朱子。東軒筆錄之于歐陽公。比比皆是。又謂去年元夜一詞。本歐陽公作。後人誤編入斷腸集。漁陽山人亦嘗辨之。遂疑朱淑真為泚女。皆不可不辨。按去年元夜詞。非朱淑真作信矣。李易安再適趙汝舟事。詳趙彥衛雲麓漫抄。諸家皆沿其說。盧氏獨力為辨。其意良厚。特錄之以俟論世者取裁焉。

金史猥褻

昔人謂金史叙次明淨。勝于遼元。然如后妃傳後所載海陵私其從姊妹莎里古真。餘都莎里古真。在外為淫佚。海陵聞之大怒曰。爾愛貴官。有貴如天子者乎。爾愛人才。有才兼文武如我者乎。爾愛娛樂。有豐富偉岸過于我者乎。又海陵嘗曰。餘都貌雖不揚。而肌膚潔白可愛。此等猥褻語。亦皆采述。殊失體裁。

明公主郡主

明公主郡主。無再嫁者。即此可見宮幃禮法之肅。視唐世迥殊矣。

昭君詩

詩人之思。日出不窮。即如詠昭君者。唐宋以來。佳篇不少。近代更有翻新制勝者。略識所見于此。天低海水西流處。獨有琵琶堪解語。斷絲枯木本無情。猶勝人心千百許。胡琴。君王重信不重色。玉貌三千替不得。穹廬若使詔留行。金屋歡娛豈終極。一傳禍水入後宮。燕燕盡味皇孫空。自謀則過君謀。忠畫工母乃真。國工。沈一辭官闕。秦關長得丹青識。舊顏為報君王休。愛惜漢家征戍幾人還。敏。光。漢主曾聞殺畫師。畫師何足定妍媸。宮中多少如花女。不嫁單于君不知。劉。廷。遠嫁呼韓。豈素期。請行似怨不逢時。出宮始覺君恩重。臨去猶為斬畫師。趙。胭脂零落倍銷魂。急雪嚴霜泣暗吞。敢向琵琶傳怨語。至今青塚亦君恩。那。成。戰骨填沙草不春。封侯命將漫紛紛。當時合把毛延壽。畫作麟台第一勳。許。宗。無金贈延壽。妾自誤平生。沈。編。

子衿非淫詩

子衿非淫詩。蕭山沈補堂。豫引晉書左貴嬪離思賦。彼城闕之作詩兮。亦以日而喻月。如謂果襄狎之什。豈有椒壁之寵。而寫諸彤管者乎。證據甚確。

卷二 一 冷廬雜識節錄

一二十七

香 鮑 叢 書 六

房暉遠

隋高祖嘗謂羣臣曰。自古天子有女樂乎。楊素以下。莫知所出。遂言無女樂。房暉遠進曰。臣聞窈窕淑女。鐘鼓樂之。此即房中之樂。著于雅頌。不得言無高祖大悅。暉遠此言。根據經術。又能導君以正。深得獻替之義。五經庫之譽。良不虛也。

趙儀吉女史

上海趙儀吉女史。葵。歸安汪參軍延澤之配也。天性高朗。有丈夫風骨。博習經史。兼工吟咏。著有澹月軒詩集。句如殘紅盡落啼鶯老。衆綠新生好雨多。五夜懷親空有夢。十年遺日只憑詩。春晚云。纔脫春衫換夾紗。東皇何事便思家。杜鵑聲裡斜陽暮。深閉幽牕避落花。俱娟妙。

顧橫波小像

程春廬京丞。博雅嗜古。所蓄畫畫甚多。余常于其任銀灣參軍世樾處。見顧橫波小像一幅。丰姿嫣然。呼之欲出。上幅右方款二行云。崇禎己卯。七夕後二日。

寫于眉生樓。玉樞生王樸左方詩二首云。腰妬楊枝髮妬雲。斷魂驚語夜深聞。秦樓應被東風誤。未遣羅敷嫁使君。淮南鼎鼎學題。識盡飄零苦。而今始得家。燈煤知妾喜。特著兩頭花。庚辰正月廿三日。燈下眉生顧媚書。

山田錢錢

女子雙名最多。獨辛稼軒妾田田錢錢。因其姓而名之。與其他雙名者異。

竹夫人

保抱携持。朕不忘五夜之寵。輾轉反側。爾尙動四方之風。宋李公甫所作竹夫人封詞也。工妙鮮匹。朱熹香同年。又仿毛穎之例。作倚玉山房夫人鮑瓊瓏傳。有云。夫人撰有抱青集。子夜歌云。感那綢繆意。許儂情久長。那意雖云熱。儂心祇自涼。肯以雨露濃。而忘抱冰雪。郎自悔耶。儂自盡儂節。闌蕙有幽香。桃李多點姿。阿儂無他好。虛心是耶。儂。寓意深婉。得風人旨。

麗詞

趙清獻公詩。有春牕惱春思。一枕杜鵑啼之句。司馬溫公詞。有相見爭如不見。

卷二 一 冷廬雜識節錄

二一十八 香 鮑 蕙 書

無情還似有情之句。范文正詞。有眉間心上無計正迴避之句。韓文公詞。有愁無際武陵凝睇人。遠波空翠之句。林和靖詞。有羅帶同心結未成之句。後學每以之藉口。競作麗辭。不知惟立品如數公。乃可偶一為之。若後生小子。沾沾焉于此求工。鮮不為心術之累。

採芳集

平湖錢孝廉步曾。曾刻其五世祖起隆制藝一卷。名採芳集。皆摘四書中艷麗字句。游戲成文。嘻笑怒罵。無所不有。如約一字。題文云。宿瘤也。以為仙姬。校僮也。以為嬌客。在媒或以眾見共聞。尙存廉恥。而約乃備極其形容。優隸也。以為俊秀。貧窶也。以為豪華。在媒早以微言溫語。任意相欺。而約乃更從而點綴。又云。本以婦人輕信之耳。約復鼓彼如簧。遂使母氏專權。父雖欲禁之。而不得。本以深閨獨處之嬌。約竟誘諸覲面。遂使高堂未許。女先遙慕之。而如迷。約之巧者。意儻切于肥囊。約之拙者。幻亦生于閱歷。偷以彼列諸冠蓋。即是蘇張游說之傳。約之老者。口舌既堪恐女。約之少者。容貌并可悅男。故以彼略試逢迎。遂

諸秦晉婚姻之好。描寫若輩情狀。如鑄鼎象形。又專辟繼題。云。竊慨今天下之多不廉。大抵皆其妻為之也。其母題云。且天下容有不愛親之子。斷無不愛子之親。一妾題云。且三代以上多丈夫。三代以下多妾婦。上競諸媚而妾在朝。下掛逢迎而妾在野。持論奇快。皆可作富頭棒喝。

黃韻珊詞

海鹽黃韻珊。孝廉憲清。才調備。著有茂陵校帝女花。凌波影等院本。為時所稱。小詞亦工。浪淘沙一闕。尤饒情韻。云。秋意入芭蕉。不雨瀟瀟。閒庭如此好。涼宵。自自纏綿。花自媚人。自無聊。別恨幾時銷。認取紅精。風箏音苦。雁書遙醒。著欲眠。眠著醒。燈也。心焦。

顧媚柳是

其鼎娶顧媚。錢益謙娶柳。是皆名妓也。其以兵科給事中降闖賊。授偽直指使。每謂人曰。我原欲死。奈小妾不肯。何。小妾者。即顧媚也。見馮見龍紳志略。顧芥河東君傳。謂乙酉五月之變。君勸錢死。錢謝不能。戊子五月錢死後。君自經。死然則顧不及柳遠矣。

卷二 一 冷廬雜識節錄

二一十九 香 鮑 蕙 書

六 香 鮑 蕙 書

雲南叢書子部之二十八

冷宮餘談

共三卷

雲南圖書館藏板
甲寅年刊

昔永昌張南園先生致仕家居著有南園漫錄十卷蓋仿宋洪邁容齋隨筆羅大經鶴林玉露而為之者也明史藝文志編入小說家至前清乾隆時纂四庫書目提要乃列之子部雜家類允矣自南園後鄉先正著述如南園漫錄之屬者蓋不少概見民國三年七月唐冀唐將軍就圖書館附設輯刻雲南叢書處蒐採舊藏書不遺餘力於是石屏袁氏以銘泉先生所著冷官餘談進付李君厚安審查厚安謂銘泉學有根柢筆亦雅潔所記雖近瑣細然有關邑乘地志可刻也趙德村先生陳

冷官餘談

序

後圃師均避其說先付鈔鈔訖時銘泉弟樹五以清史館纂修休假在籍因持以示玉玉讀之歎曰此南園漫錄之屬也雖其間不無識大識小之殊然亦視所遇之境何如南園宦京朝久故漫錄所記多追述朱明掌故及當時公卿大夫遺事足以為正史參攷者甚夥銘泉里居時久故餘談所述多雜記古碑山川水利人物古蹟名勝軼事遺文異聞等項足以為邑志資料者亦復不世所遇之境不同故所摛之思不同而筆之於書以發為文章者亦遂因之不同且況民生莫重於粒食民德莫大於忠節餘談中如三田倉許首臣諸條皆醇厚

民生正民德之關係又安得概以為瑣細而忽之他日雲南叢書告成分別部居以銘泉之冷官餘談置諸南園漫錄之後不亦可乎質之樹五未識以為何如民國五年五月呈貢秦光玉序

冷官餘談

序

二

石屏袁廣文先生墓誌銘

先生嘉謨名銘泉字晚號叟泉石屏袁氏壬子十月初九日疾卒於家春秋五十有六十二月三十葬城南郊倒撲金鐘山石屏州長昆明周汝釗題墓曰廣文先生且爲序曰先生孝於親友於兄弟和於鄉里行不可謂不敦下筆千言工聯咏著冷官餘談等書文不可謂不敏官訓導嵩明一年巧家六日開化永昌會澤皆辭不赴品不可謂不超歸養田園內斑絲外錦衣封二品訓四子或舉孝廉或專實業福不可謂不厚論人生百年究經幾瞬庸庸泯泯胡可勝言如先生者夫復何憾余冷官餘談

墓誌銘

三

躬赴先生葬地山蔚而厚林深而茂泉清而秀先生之封翁瑩域在焉三廬卽先生舊廬墓處表回景仰雖不文能無文哉爰取杜甫稱鄭廣文詩義題而傳之其弟嘉穀繫之銘銘曰一邑高山茲山爲主生居之廬死藏之士嗚呼千古

石屏袁嘉謨銘泉著

五弟閱陳存菴文有曰陳檢討世箕以石屏翰苑州志府志省志均言自許侍講賀來始何以言陳檢討乎余告之曰此永歷時所取之檢討曾見陳氏家譜詳載之因檢示之果然此當補入志書不可畧之

張一甲為四川學政士林爭頌今張本寨有張太僕讀書處碑乃月槎書又有月槎為孝廉時所書之一碑字體皆妙其地即古柏山房州志未詳

家族祖漢翁名思暉貢生余隨大兄從之學宋樾軒亦

冷官餘談

卷一

其高第有下第詩云風聲鶴唳難休寒到蒼松滿眼愁名士無情同滿淚老農會意也搔頭時清還抱隆中膝運蹇聊同水上鷗流水高山猶古調何堪琴碎伯牙

馮幼白名家馮范晉先生之子有文才余記其賦句云

三村雨村燈火十里五里人同試者皆嘆為不可及

后孝廉告余曰石屏三十年前書聲盈耳二十年來僅

樹五弟一人書聲自樹五遠出十年來竟不聞一書聲

余謂書聲固少即機聲亦漸少乃綿紗之故也可懼

許星葵先生重光潔清自好文章爾雅余與大兄從之

學真儒者氣象也記其遺詩有半山斜月竹雞啼之句時人傳誦之

異龍湖水初本有汎濫之患直下建水知州蔣振械籌歲修之費年年疏通屏人立蔣公祠以祀之同治光緒中有人盛傳白浪青魚灣有落水洞湖水洩之較下建水為好因大事開鑿卒不得通余見文廟儒學前有碑云禁止鑿青魚灣古人不為無益有損之事今人則反是雖有碑而不考矣

石屏城隍州志謂鄭公相死節之人也光緒中失火旋修復之余念此祠為明代南海蘇公兆印所修又光緒

冷官餘談

卷一

二

中遂安毛公誦芬亦有德政于民因別為賢侯祠祀蘇毛二公族祖子程先生為楹聯曰龍湖萬頃清想見神君懷抱鸞峰千古祀常綿此地馨香三弟書之得歐陽率更法可謂寫作俱佳

庚戌秋余題關隍繆祠聯云強哉矯養吾浩然以含忍勝南方柔弱以果敢勝北方剛勁義之實從是也為高祖延西泮社稷為光武延東漢山河獨志云恩若兄弟非用演義也適年反正之初以光復漢土為名次聯若識語云

三國演義文字不高不低頗能引人入勝商賈尤喜聞

之惟是多雜以附會之詞為雅人所譏謂然周倉之有其人則見于元人碑云乘赤兔弓從周倉火燒葫蘆谷則見于楊慎之廿一史彈詞葫蘆谷天燒不著義釋曹操則見于袁了凡綱鑑云華容道之釋非歟七擒孟獲之種種則見倪輓之滇雲歷年傳落鳳坡則見于王漁洋之集有落鳳坡弔雁士元詩既生瑜何生亮則見于唐宋詩醇序之瑜亮並生未易軒輊大約元人作演義時所據之書尚不少不止據正史亦不可盡以為附會而忽之也空城退司馬事則見正史泮裴松之已駁正之

冷官餘談

卷一

三

茨壩頭有沐氏大墳數塚其碑有名晟者或即沐西平之族歟

余祖為七伍人與沐西平同來滇七伍人所建之三台閣余題其額云木本水源人以為巧合

西準提為石屏名勝余濬喜客泉中有髑髏蓋亂時所戰沒之人當口有謠曰好個西準提圍成小館驛乃苦戰之地也

樊東塘即倒撲金鐘山前之塘冬春之間必關水清明年農田方有可望惜不能各家聯合以蓄水也水滿之時一碧如鏡實勝景也

北山有屏海激波四字以灰寫于石上歲久模糊須細看之乃見俗謂為洞賓所書府志云異湖激波明明屏海二字不知何以改之

裸色灣有廟祀裸色即馬黑奴也裸色據此山萬中攻之湖山燈明如畫裸色乃敗相傳灣之前有溪泥埂一道亦萬氏一夜所成者

州志載乾隆辛丑矣立勳之亂全屬管未亭自誇之詞續志載陳存菴文又太詆管事余見陳莫續家書敘述始得其平因檢示五弟史品之難如此

喜客泉有板刻聯乃塗暉書僅存下一聯云佛法顯二

冷官餘談

卷一

四

洲余遍訪不獲乃取煦菴所書之諸天寺西準提諸聯集為上一句云心經持半偈遂成完璧

先兄云書經文兼六經洪範似易五子之歌似詩周官似禮記

世傳四詩風雅頌以對三才天地人為東坡事殆未必然然亦甚巧又傳鄭板橋以一官歸去來對三絕詩書畫亦佳余得一對云三聖王禹湯文武五夫子周程朱張兩句皆不露四字似尤工力悉敵

癸卯夏王顯申入城城中均避之余命家人奉母遊土老冲而已則居家中無事則誦詩書自娛彼黨相戒不

入門余非鄭公鄉而彼黨相敬如此事定後問之他人則城中亦未遭大掠蓋紳力也

石屏磚城爲陳虛白造亦有官款屢次修增咸豐丁巳又增修一次其外城以土壘爲之余時尙少往觀察城者適梁總兵士美躬自督工謂眾人曰此土城成後力量加厚可勿恐矣同人攻之數次果不克入

梁士美頗英雄其誘殺蔡必能在諸天寺樓上席間梁僞作腹痛入廁眾以戈自後擊蔡投屍樓下因恐蔡跋扈也蔡驍勇能戰與黃春亮齊名平心論之皆有衛屏之功又高四林亦勇敢有才兵亂時之表表者

冷官餘談

卷一

五

公米店豐備倉始于丁未成于己酉乃地方開彩及勸捐五弟由京集滙之數千金余題店聯云公田雨雨人餘一餘三那有饑民有餓芋米團食食我求千求萬願勿伐善勿施勞題倉聯曰豐其盈有幹有年廩三百困三百備無患多黍多稌耦十千歲十千店中祀神農后稷又祀朱子取其社倉法也

許名臣爲明末忠臣石屏人之傑出者自州志詆毀之後無人敢爲表章者不可不一正之

張月槎先生全集刊于其裔張孝詩板存萬壽科太史第之大門樓上余登樓見其殘做甚惜焉

余因秉鐸至楊林蘭隱君祠瞻仰流風令人興起惟滇繫載隱君幾若仙佛甚至傳其託墓于李澄中殆以澄中修其墓而附會也志又稱隱君爲元朝遺民亦恐未確隱君有正統乙丑子年四十九用太白紫極宮感新詩韵一首則不得謂爲元遺民也

石屏大楊家營有都督城隍州縣何以有都督之名且又不在于城而在鄉何耶余往觀廟中碑文乃知其地爲龍在田故營因有都督之名

銅元甚便利然以最輕之量而抵舊錢十文本不值也其濫必矣

冷官餘談

卷一

六

昔年見利用大順等錢較康熙等尤大利用吳三桂年號大順李自成年號洪化吳世璠年號今省城有洪化府後改爲承華圃

化龍橋本極高近已淤塞橋低于水余幼時尙見水低于橋橋洞尺許此爲異湖之極西處也其極東處有鎖龍橋近亦橋平于路甚者沙埋橋上見路不見橋陵谷之變遷如此夫

滇中塔廟有唐匠尉遲恭修者土人多訛爲鄂公石屏土主廟祀尉遲恭蓋亦沿誤志言係掘地得尉遲恭像故祀之乃附會之詞也尉遲恭封鄂國公見唐書府

志謂此祠爲褒公祠未考褒公爲段志玄非尉遲恭是府志之再誤也

石屏人民多江南籍惟段氏爲大理國之後然今之俗語皆稱大理國王曰段白王白王者猶言白子國王也宋氏乃宋濂之後濂得罪後子孫徙於此

三弟臨九成宮醴泉銘極肖余先大夫所購醴泉銘帖寶不可多得者

五弟仕浙余寄之信曰阮文達兩浙輶軒錄潘暉琴續之子何不續三錄乎其宦京日余寄之信曰推賢讓能庶官乃和

冷官餘談

卷一

七

雲水亭在石屏東鄉龍泉特六石屏龍潭可與相匹者惟西鄉之石林寺龍潭石林寺有來爽亭月槎所書相傳月槎乃石林寺龍所化也余代五弟題雲水亭聯六雲氣隨龍化泉聲咽石流命弟書之

塗暉字煦菴石屏書法第一也官昆明訓導而昆明不見其遺跡余于光緒中臨暉書是觀堂額貝葉本無一個字雨花飛作萬家春聯摹刊于省城海心亭觀者皆驚嘆其印文則有石屏茶幫四字茶幫關係觀者其勿忽之

余家藏昆明介菴和尚湛福鐵筆印本一册文二橋之

比也節山師極賞之李世倬題序云前缺爲窮常見隔只

應嫌酒不相過相對一喚來則快聆高言究讀辨難必

物格而理晰然後已也至若楷偏晉人而隸偏漢唐又其餘事耳有謂入龍威洞中觀金書琳篆赤文瓊字神

化莫測此正師之所能也然不以此較可否作立幟揚

鏢之意亦幾若永師之頂鉄門矣竊窺其奧在無所思

心得大自在力直使湯盤孔鼎岐陽之鼓岱宗瑯邪之石悻然而復還觀矣小矢之喻此特近耳能無懷然也

冷官餘談

卷一

八

那謹爲序若中吳應枚題詞五華山高雲吐吞蔚藍天
梁明朝皦紅光朶朶態屢變紛飛忽向圖中屯介菴禪
師好古土擺脫塵網飯空門貝多情徹大小篆才缺屈
曲鏡霧根遠追漢秦周而上直挾斯播頡之藩務參眾
體現萬象窠窠中有精光存初疑天花散几席倏若蟬
鳳相騰騫懸針垂露殊草草餘事作隸珍文圍吁嗟乎
岐陽石鼓人罕識漉漉莫辨苦痕蝕貌爲詭異既亂眞
強事描摹終鮮則趨時恐被後人嗤守舊誰從稽古得
縱能博取畫目妍那知枉費雕鎔力舉斯二者苦較量
坐使名流自摧抑維師不愛作近裝一逞高風遯難卽
偶攜瓢笠到人間藝苑嬉遊亦時或無端身價動公卿
朱邸喧傳爭物色妙於文字了眞詮同龕未免驚彌勒

羌余曩作萬里遊迄今遲訪維摩室點蒼面壁十年餘
鴻爪曾留非劍刻待拖節杖訪支公烟霄共話波羅蠻
云何出岫本無心此語煩師轉相詰乾隆壬戌歲杪介
菴禪兄以印譜索序爲作長歌贈請正之宣統庚戌冬
余命樹五弟題云釋通于儒今通于古六詔之英三橋
之伍

丁亥冬月初二日石屏地大震斃二千餘人傷者不知
其幾古今中外未有也余時在省城往商張竹軒先生
設法善後函稟各處以劉樹坊先生頂詞以蘇佑民先
生結寫聚于不冷堂中幾達旦矣及投呈督院院反大
冷官餘談 卷一 九
怒曰平日不爲善遭此大劫我知大震之時必是滿街
跪哭告天求饒了于是藩司曾公以下相戒不敢私捐
曾公出銀一千乃託名其母好善樂施司以下捐款亦
半託名流離之苦乃幸免然而幸灾樂禍者亦太忍也
石屏于乾嘉年間曾經大震滇繫載之想亦火山伊邇
之故歟

冷官餘談卷二

石屏袁嘉謨銘泉著

少從楊恒字先生學詩詠蕉云窻裏二分竹窻前三尺
陰學書誇種紙移榻好眠琴先生賞其有吐屬同學劉
某拙于詩府縣試皆倩余為之余院試入庠劉愷曰吾
不以下第為恨但惜袁已入庠今而後無助我者此
亦前二十年之諧趣也

北極宮古柏數株漢回爭鬪之時某踈其內將紳士十
動人縛于柏上相傳雅南子恕諸先生多受某之屈辱
某詩先生有院夜書懷柬子程先生詩云不作因人慘

冷官餘談卷二

淡容鬚眉未見愧書幄橫秋影閒推月屋籬濤聲靜
聽松露布今番看倚馬雲程何日付拳龍同心欲訴灰
心事對燭寒燈與已慵即指其事次句乃雅南先生自
言掌書記于書院籌防之事也先生又有句云為喜西
窻同剪燭日倍南郭濤吹等當時文人學士為時所厭
如此

余見市上有楷書易經百篇字徑寸許無款識蓋書義
周亦園先生書先生在京刻聽雨樓帖余曾見題跋中
有立崖侍御有古癖欲為藝苑留瓊葩之句其人之好
書法可謂篤矣

通海秀山滇中名勝宋開禧元年段氏就秀山建宮較

吾屏秀山尤勝余題吾屏秀山聯云奇峰秀嶺迎三寶
山色湖光聚七盤命姪丕鈞書通海秀山丹祖閣額曰

蓬萊第一峯命弟書

朱次民先生寓府城府城亂先生逃避背負丹木詩稿
與舊拓九成宮帖三種而已不計其他也前輩胸次如
此

萊山上有鏡湖洞水月寺廣反和尚嘗移居之洞窻而
深天光一綫廣度乃建水舉人曾倬出家後之名地以
大傳也

冷官餘談卷二

余隨先大兄讀書兄最慧過巨不忘族祖繪山先生嘗
曰宋某乃弟子最誠篤用功亦然天分不及兄也先兄
偶誦王郎中一賦次日默寫不遺一字余十歲後始能
記憶至今而所讀過之羣經猶不遺一字也長遊昆明
先兄寄詩末句云金馬碧雞看仔細昆明風景又如何
思之黯然

蕭翰林崇業出使琉球著有使琉球錄二卷當日尚無
輪船而往來大海真屬萬難該鄉人有遺說云蕭乃呂
洞賓後身洞賓偶語其徒風搖程云我將下界徒曰我
往事之蕭赴琉球無危難皆風搖程服事之力也今臨

安府人無不知風搖程仙人者姑爲記而傳之州志仙釋中有風搖頭殆卽一人歟

余方外交有先妙者河西人住持秀山往來必步行不與夫愛人也不騎馬愛物也先妙乃筇竹寺僧夢佛弟子夢佛率之游緬甸時值緬入于英先妙述其事甚詳夢佛能詩文且能作文餘大書秀山龍虎二大字卽其跡也每年刻其弟子姓氏爲一錄若鄉會試齒錄者

魏太平眞君五年詔諸州坑沙門南齊書又載齊顯祖以佛道二教不同欲去其一集二家論難于前遂敕道士皆剃髮爲沙門不從者殺四人當日僧道各遭大劫

冷官餘談

卷二

三

所見之不廣也周武帝時並毀沙門道士尤爲同時大劫云

余應童子試時學使以拔茶滌桑爲賦題余賦中以張詠爲不盡然頗多新意謂茶亦可以富民學使賞之拔

第一三弟入庠時亦以秧針賦列經古第一五弟連列經古第一數次後考特科亦第一開其先者余也

唐古河水漲民灾行人裹足光緒中箴與先生等成梁行人利之小河底河水尤多每年必有漂沒尤宜造橋以利行人余有志焉而未之建也

壬午鄉試有友人以廟諱被黜考宋周必大文苑英華

序云廟諱未祧止當闕筆友人實已缺筆也而文網之密乃不及宋時之寬也

高坡爲我祖舊居兵燹之後斷垣僅存老杉參天喬木蔚然雪樵兄詩云高坡半畝田云自先人留卽紀世澤也

五弟自杭寄我函云兄不肯來游西湖乃自古帝王英雄聖賢僧道兒女薈萃之所也湖山之美更不待言因寄西湖照像數十幅與我宗少文卧遊之圖不是過也

五弟寄詩鐘二册其一題乃龍黑二字嵌字格其格以二字分作七聯一曰鶴頂二曰燕領三曰蟾領四曰蜂

冷官餘談

卷二

四

腰五曰鶴膝六曰鳧脰七曰雁足又一聯曰轆轤又一聯曰常山蛇共九聯乃完卷有一卷十八句皆集唐最出色其二題乃關尺二字五弟一卷亦頗可觀錄記于

此眞消遣之良法也鶴頂曰關塞秦中尋鳥道尺書江上問漁人燕領曰玉關柳怨唐天寶銅尺昔斑漢建初

蟾領曰詩興關雎眞好色易占尺蠖待求伸蜂腰曰星月秦關歌竹堦黍銖漢尺訂薦泉鶴膝曰豈有闍闔節到最憐名士尺書空鳧脰曰斑剝血花三尺劍

隸草八闍齋雁足曰西去武功天一尺東來函谷地重關雉曰文帝鵲鶴謠一尺關侯熊虎霜三分常山蛇

曰尺天入貢誇銀幾寸地爭雄出玉關聞同作者皆海內知名未知取列何等

高祖母楊氏守節六十年曾祖母楊氏守節六十一年

伯母高氏守節逾六十年今尙康強皆大壽也余敬報

節孝於朝廷敬製高曾祖母神牌祀于節孝祠中又從

叔德峻公從軍迤南卒于軍余敬製神牌祀昭忠祠中

昨見宋元祐移石經碑拓本寫作俱工尤妙于刻手讀

至碑末乃安民二字知爲安民所刻也當蔡京翻案時

榜元祐奸黨於朝以司馬溫公爲首潞公以下次之安

民不忍刻碑刻亦願勿留名即係此人也彼不留名而

冷宮餘談

卷二

五

此獨留名其名真千古矣

甲午之棄朝鮮朝鮮孤臣曹寅承字東谷官判有詩云

東人加額曰望清經歲遼陽阻使旌自注三百年貢風

勁滄溟鵬欲徙自注指大天寒碣石雁無聲自注天兵

曠者無端敗歸鳥獸散歸東人莫不忿那將趙蓋相望

道妄謂秦關未出兵自注傲那之君子曰天兵箕坦穎

清何處是傷心不復對殘杯作詩之後卽以身殉眞箕

子之遺風也

癸卯之歲王顯申入城旋退洋池水紅如丹砂挹之不

清撓之不濁四時如一人皆以爲祥瑞云

余聞居無事奉親教子時作楹聯以消遣題石觀音曰

無眼耳鼻舌是諸空相依般若波羅究竟涅槃奎星閣

日維南有箕維北有斗在天成象在地成形準提閣曰

準繩開萬善法門大慈大悲非色非空觀自在提挈正

眾生覺路千手千眼所指所視戒勿欺三官曰天無窮

地無疆水無不下堯九恭舜九塞禹九若茲杭州阮文

達祠曰文學泰山北斗達尊浙水西湖石屏忠孝坊曰

孝莫大於尊親義實從兄忠精報國光常昭乎晝夜祥

開鳳闕彩綉龍湖子孫娘娘豆神云厥初生民克禋克

祀誕降嘉種于豆于登九子太婆云盼盼然爲民父母

冷宮餘談

卷二

六

振振兮宜爾子孫皇經會云室極之敷言蕩蕩巍巍靈

承于旅卽靈承于帝經正無邪隱熙熙皞皞無疆惟恤

亦無疆惟休嵩明訓導大門云嵩生嶽降開黃甲明倫

教稼秉元辰題蘭茂祠云嵩陽居士今安在天末君子

意如何閒對云壯者以暇曰君子之德風又云我則異

於是吾何慊乎哉來鶴亭云清斯濯纓濁斯濯足知者

樂水仁者樂山任開化教授門聯開誠布公師道立化

行俗美賢才多土主云東人子杼柚其空土爰稼穡商

方原婆娑于市主盟山川明倫堂云道爲人所共由好

學近乎知力行近乎仁知恥近乎勇誠者物之終始博

厚所以載高明所以覆悠久所以成題柱云言而民莫不信行而民莫不悅古之學者爲己今之學者爲人又云言不顧行行不顧言君子胡不慥慥爾厚其所薄薄其所厚大人視其巍巍然玉光齋云欽若昊天惟至聖聰明睿智皇矣上帝故曰乾元亨利貞任永昌教授云永和九年蘭亭序昌黎百世原道篇雖非工對彙錄存之

少凝弟任四川鄰水縣以爲民疲命自誓設因利局三十餘民尤感之其卒也鄰縣之民醵金建專祠每年設袁公社祭之仿樂社也又爲立碑城門卽書爲民疲命

冷官錄談

卷二

七

四大字余輓之云鶴原躬寡兒雁序分行一腔熱血酒鄰水囑季離老母鶴琴往逝兩眶乾淚凍雪門京師浙江滇南各處輓聯尤多佳章元和陸相國潤庠題曰古之遺愛帝有恩言包掃一切矣

黑龍坡之南有村風景絕勝商雨先生之居也先生題曰柳村先生官莘縣丁葆堂先生送之詩有曰使君莅莘邑陽春信有腳下車頌來暮折獄無前語秀詞絃歌隴畝聚菑穰陌有馴雉訟庭可羅雀可以想見其政聲

許五塘先生老而還鄉日與余談舊事三十年親炙之

味耿耿不忘也先生疾篤日醫來診視先生曰尚可活否醫曰無憂將愈矣先生曰吾問汝非畏死也不過果然危而不救我尙有友數人弟子數人欲舉心中託付之事勉強一揮而告之耳醫止之遂卒真今之古人哉家居十年簪組久謝陶公脚疾吾竊比焉未幾而教育改制鄉士蹙額矣又未幾而師範設矣又未幾而學警察者學實業者畢業歸矣鄉人方驚而訝之未幾而自治者又跨而上之也噫朝天暮淵轉綠迴黃五光十色遂成今日新世界蓋一轉瞬間事矣

冷官錄談

卷二

八

黑龍山有墓碑曰劉某者大書榜眼及第或曰是吳三桂所取者

戊子過江川關索嶺有廟廟前碑王廷表文大似升庵禹出力攀弓左之作幾幾不可句讀
省城建狀元樓張學使題曰聚奎余弟捐香資名勒最後碑文爲羅星垣先生作其末句云大魁天下可拭目俟之矣弟考特科第一黔中錢登熙先生果書大魁天下四字立于樓上事固有不然然而然者
石屏白馬廟後石壁苔封刻有洞口長春四大字蒼勁類宋元人筆

六弟北上歸而告我曰河南南北男婦皆左衽也余考

范成大攬轡錄云北使金經故都衣冠盡易胡服居民亦相安之蓋自靖康之後卽已淪于左衽矣屏城居磐石之上而魁閣喻宅兩處石筍拔地而出魁閣最多而爲蕭知州廷對所碎惟喻氏之石猶存高約六尺共四十餘眼米老見之定當百拜臨安在滇自漢已著响町王亡波易侯而王見漢西南夷傳其裔曰禹曰承曰邯皆世稱王檀萃補作世家不爲夸也

元史莊躋王于休臘今河西也河西之開蓋在臨府各屬之前漢時則响町賁古元時則思陀步雄皆著名段思平之興乃通海節度使也歷史可謂有光矣


舒

藝

室

餘

筆



舒執室餘筆

南匯 張文虎 孟彪

姜堯章白石道人歌曲六卷卷一皇朝饒歌鼓吹曲十
四首琴曲一首卷二越九歌十首卷三令三十二首卷
四慢二十首卷五自度曲十首卷六自製曲四首又別
集一卷十八首乾隆己巳我郡張奕樞所刊自序言壬
子春客都門與周子耕餘過澹慮汪君見陶南邨手鈔
本為樓觀察敬思所珍藏者因錄副焉戊午秋耕餘以
鈔本見屬質之黃宮允唐堂厲孝廉樊榭陸大令恬浦
重加點勘而與姚徵士鱸香商定付梓全編字畫放宋
頗端秀琴曲旁箸指法越九歌旁箸律呂卷三鬲溪梅

令杏花天影醉吟商小品玉梅令卷四霓裳中序第一
卷五自度曲卷六秋宵吟淒涼犯翠樓吟皆箸譜字凡
箸旁譜者皆宮調名此板後入南蕩張氏書三味樓
飽白蟻矣同時又有揚州鉅商陸鍾輝刻本亦云出自
樓敬思大略相同而歌曲之外增輯白石詩三卷詩說
一卷大樂議一卷當時唱酬詩一卷亦放宋板而其譜
式以意改竄每失故步此板後入江鶴亭奉宸家再歸
阮文達公道光癸卯燬於火揚州別有知足不足齋
刊本字形較寬止有歌曲又有戴氏長庚所箸律話全
載姜詞旁譜易以正字歲乙巳文達以陸本寄示屬刊
入指海乃合各本校之覺總不如張刻之善然張刻亦

不能無舛誤聞世間尚有宋嘉泰刻本欲求得一校因
循未遂逃難出走書沒賊中壬戌夏夏君貫甫今得此
本於滬市以見詒猶張刻也攜之行篋憶前所見隨手
錄記不忍忍置姑存之

卷一聖宋目作皇朝吹上脫鼓字當依目補
製詞曰導引曲十二時六州案宋史樂志自天聖以來
帝郊祀躬耕籍田皇太后恭謝宗廟悉用正宮導引六
州十二時凡四曲其後祫享太廟亦用之大享明堂用
黃鍾宮凡山陵導引靈駕獻章懿皇后用正平調仁宗
用黃鍾羽神主還宮用大石調凡迎奉祖宗御容赴宮
觀寺院并神主耐廟悉用正宮惟神宗御容赴景靈宮

改用道調熙甯中親祠南郊曲五奏正宮導引奉禮降
仙臺祠明堂曲四奏黃鍾宮導引合宮歌皆以六州十
二時然則導引十二時六州不皆用羽調與姜此序不
合
上帝命十世之案高宗養孝宗於宮中為太祖七世孫
後乃復其天此云十世疑字形相近而譌
淮海案歌云淮海濁老將戾濁字不誤宋志作淮海清
誤
皇威暢百溥濯疑躍字之譌
愁鱗濯春水乃以慢角案琴正宮調以一弦為倍徵二
轉弦取變宮變徵散聲案琴正宮調以一弦為倍徵二
弦為倍羽三弦為宮四弦為商五弦為角六弦為少徵

七弦為少羽乃變之遞繁五七四六各弦至第四變而
六弦皆緊惟第三弦未緊謂之慢角調者琴家蓋以第
三弦為角弦故也慢四一慢六一慢四一慢十一應琴家
以四弦為黃鍾正徵林鍾今慢一暉則退位為黃鍾變
宮應鍾也側商即二十八調之大石調乃黃鍾一均之
商調而云側商之調久亡蓋據琴曲而言故自不同
案左上角六字乃左手指法當作大今作六者字形
相近而謬凡譜中楚蕩琴瑟瑟瑟瑟瑟瑟瑟瑟瑟瑟
勤勤勤勤諸字左上角六字皆依此論 案此疑當
作索乃索鈴也本或作索律話以為一下八吟恐非
此字誤當作體乃從頭再作也案此下有泛聲一段

所記字大略與首段同但取淨音耳蓋即此所謂從頭
再作陸本誤以此字對首段末顧字謬甚
案此字上有正字則泛聲已止此字既用散聲則非
泛聲當移對下段世字而下段世字所對英字以下皆
當降一格今因英字誤入泛聲之末下段遂遞佔上一
字而末段歡字所對筵又移對素字歡旁譜字遂空重
校刊者宜移正
右帝舜 案此章旁譜用黃太姑蕤林南應七律依後諸
楚調 歌例題下當有黃鍾宮三字於二十八調為正宮
在 文選靈光殿賦窈窕垂珠善注說文窈物在穴中
貌窈亦窈也案窈窕蓋連語說文無窈字疑祇作吡因

窈而加穴今窈又因窈而增口矣右王馬吳案此調
用夾仲林南無黃太七律於二十八調為中呂宮
案此用無黃太姑仲
林南七律於二十八調為越調
載南此載字誤近番禹陳氏聲律通考作應是右越
商調黃 案此調用律與帝舜章同於二十八調為大石
調 右項王古平 案此調與越王章同於二十八調為黃鍾
宮 白馬馱兮 馱當作馱陳本不誤馱子從天汨當作汨
素修舞 案此調用夾仲林南無黃太七律題下當有
神雙調之案

夾鍾商三字於二十八調為雙調
右曹娥側 案此用夷無黃太夾仲林七律於二十八
調為仙呂調
右龍鍾案此常用林南應大太姑蕤七律而譜無
大字是去變徵聲也沈存中筆談記林鍾均四調亦不
及大呂而有下五則有清變徵陸本於第二句躍旁太
字作大豈別有所攷邪此於二十八調為高平調
右旌忠中管 案中管商調者以南呂一均為夷則之中
商調南呂商 案中管商調者以南呂一均為夷則之中
管也當用南應大夾姑蕤夷七律而譜有太清疑誤
子青衿兮 子當作子陳本不誤右蔡孝子中管般瞻
隋志作般瞻即般涉調也曰中管般瞻調者案張叔夏

詞源列八十四調以大呂一均為高宮而太簇一均為
其中管堯章大樂議則以大呂一均為黃鍾均之中管
故此調用大夾仲林夷無黃七律則太簇一均轉為高
宮其實一也

譜法今案刻譜諸字合作△乃詞源同疑木作△西四立作
之詞源西作×又×一立作一詞源一作上作么亦或作
乃上疑木作也勾作一詞源同案此字當時樂工以詞源
故合其字艸形也為記號然姜詞有譜中者惟高平調之
乃上疑木作也勾作一詞源同案此字當時樂工以詞源
而合其字艸形也為記號然姜詞有譜中者惟高平調之
玉梅令及角招皆用疑號勾字餘譜中者惟高平調之
乃上疑木作也勾作一詞源同案此字當時樂工以詞源
故合其字艸形也為記號然姜詞有譜中者惟高平調之

指譜有狀大力小等記與凡五工等諸字相亂不能
少口以力大力小等記與凡五工等諸字相亂不能
悉正以待知音

近前舞繞紅樓案近有上去二音無平聲此音疑誤
仙呂調乃夷則一均之羽與越九歌曹娥
章同用瓦合四上尺六五五好列案么乃本調
殺聲以乃拍號非川字凡有譜有皆字者放此

此即一字折後放此
天影花案此詞不注宮調以其所用字及殺聲推之則中

呂調也是為夾鍾一均之羽用上上尺工瓦合四六五
五風疑當如後段歸旁作可舞無此式疑當

雙調也與越九歌濤之神同是為夾鍾一均之商用字
與杏花天同吳垞五總志馬氏南平王時有王姓者
善琵琶忽夢異人傳之數曲仙家紫雲之流亞也又云
此譜請元昆刊石於甲寅之方與人世異者有獨指泛
清商醉吟商鳳鳴羽應聖羽之類案如姜序不過舊譜
失傳偶得之於老樂工耳吳說近於妖妄
高平調此與越九歌龐將軍章同為林鍾一均之羽用

尺工川西四一勾五五香案林鍾均不用合疑當
如後段花菊作人梅案林鍾均不用五疑誤

又第五蠟蠟我友汪曰楨云不當作共
又第五蠟蠟我友汪曰楨云不當作共
又第五蠟蠟我友汪曰楨云不當作共

齊天樂候候
齊天樂候候
齊天樂候候

佩字固去聲而後結影字乃上聲然則叶平韻可不拘

耶風與筆馱馱馱

一粵紅想垂楊一本作柳與前段語字合

還鳥薄絲金楊月下節多情趙閨禮陽春白雪本上作閒與前段莫字

合須倩梁上燕清波引新案與字叶韻與起處同前齊天樂漫作謾杜

詩漫與

下詩

琵琶仙吳都賦云戶顧千里云此李庾西都賦見唐文

粹煙浦家具畫船

玲瓏四犯漫贏論贏下探春慢摸魚兒兩闕同誤

喬連環小案移乃擲字之謔

仙更教誰列此與前段秦淮貴人宅第句同而缺一字

或移下句首做字轉韻不知此句本不須韻文義又不

通而下句仍缺一字雖宋人亦有六字句者而與本詞

前後又不合

揚州慢案此與越九歌王禹章同是為夾鍾一均之宮

中呂宮

用一上尺工凡合四六五疑久字爛文

兩結么此可疑非五字蓋一下拍後長亭怨慢兩結皆

同又凡旁譜上下各兩字者放此

淡黃柳正案此為仲呂一均之羽用上尺工凡合四一

六五

石湖仙此與越九歌越王章同為無射一均之商用尺

合四一上尺工六五

暗香仙此與下疏影皆夷則一均之宮用至瓦合四一

上尺六五五

無射宮案此即黃鍾宮也與越九歌項王章同為無射

一均之宮用字與石湖仙同

角招黃案二十八調之七角乃借用變宮此則黃鍾之

正角用合四一勾尺工凡六五宋仁宗樂隨新經及詞

源所列八十四調有之薄人案史晨後碑吹作尔故

謔為吹然疑吹乃冷字誤也吟洞此吟當為吹

更繞西湖汪曰楨云西字衍校者誤以旁譜各升一字

柳旁遂缺譜趙虛齋此句作首枝上翦成萬點冰等止

作九字可證也

徵案此亦黃鍾正徵不在二十八調中用字與角招同

凡字五用勾字不為少矣然無清聲只此詞又屢用

六五蔡條鐵圍山叢談時燕樂告備因作徵招角招

有曲名黃河清壽星明者極韶美次鷹作一詞云云案

此即丁仙現所譏落韻者也晁端禮黃河清詞今見彼

集與此詞句調亦略近然則姜雖自度曲實藍本舊腔

耳今附於此晴景初升風細細雲疏天淡如洗檻外鳳

皇雙闕蔥蔥佳氣朝罷香煙滿袖近臣報天顏有喜夜

來連得封章葵大河澈底清泚君王壽與天齊馨香動

上宮頻降嘉瑞大屣奏功六樂初調角徵合殿薰風乍
轉萬花覆千官盡醉內家傳敕重開宴未央宮裏
曲製案自製曲與自度曲何所異必分二卷若如卷末
湘月則仍舊調過腔非特撰也
越調青吟霄當作宵越調見前案此詞乃雙拽頭自古
簾空至箭壺催曉為一疊自引涼颺至暮帆煙草為一
疊旁譜皆同復說同
同故道調曲中犯雙調或於雙調曲中犯道調案雙
字誤所謂道調曲中犯雙調或於雙調曲中犯道調者
雙調是夾鍾之商道調是仲呂之宮夾鍾用上尺工
瓦合四六五五仲呂用上尺工凡合四一六五而皆住

聲於上字所不同者惟凡與瓦耳故可相犯亦曰瑞
此與瑞鶴仙句調亦大同小異
情旁當如前段樓旁作
引味下脫拍當移仗旁之補之么又人各當移上一格
對仗酒祓三字愁旁約誤合二字為一當移么對清勻
對愁與前看檻曲紫紅五字同案凡前後徧除換頭外
多相同或脫落或錯互致不可辨耳姑發凡於此
湘月即念奴嬌之商指案雙調者夾鍾之商住聲於上
聲也於雙調中吹之商指案雙調者夾鍾之商住聲於上
字大食調者黃鍾之商住聲於四字今云高指聲者方
成培云上四之閒高一字也觀所著案卷四目錄玲瓏
四犯注云此曲雙調世別有大石一調今卷內玲瓏四

犯下無此注而說與此序相合蓋當在此調傳者誤耳
又案碧雞漫志念奴嬌又轉道調宮高宮高指亦謂
觀集案無咎琴趣外篇消息注自過腔即越調永遇
樂不知度入何調過腔蓋即曲家翻調
嘉泰壬辰至日刻于東巖案宋甯宗嘉泰元年辛酉四
年甲子其明年改元開禧凡三年又明年改元嘉定以
迄十七年甲申無壬辰豈壬戌之誤耶錢希武雲間志
無攷張奕樞亦我雲間人陶南村樓敬思皆曾作寓公
此本之流傳蓋有因也
小算子七拆得折論拆
宋人詞集存於今者惟張子野柳耆卿分箸宮調其有

旁譜者惟堯章此集耳據張叔夏詞源言其父斗南
有寄閒集亦旁綴音譜今已不傳則此集實吉光之片
羽矣其中雖錯亂脫落就其可辨處尋之猶稍能領其
音節安得好事者重刊之庶不與寄閒集同歸泯滅乎
宋人歌詞以合四四工一上勾尺至工凡配十二律
以六五五五配四清聲凡十六聲今人度曲以上尺工
六五配五聲以乙凡配二變而各有低聲高聲凡二十
一聲然皆不能盡用也之以配字各有條理故即依旁
譜歌堯章詞必不能相合也
趙彥肅所傳開元鄉飲酒十二詩譜皆一字一聲朱子
譏之然堯章旁譜亦復如是今之水磨腔則有一字數

聲者取其曲折盡致意即宋人所云纏聲然則朱子所謂疊字散聲者當時蓋亦有之殆以其近於絃手淫聲故不取歟

今樂七字不知始於何時或舉大招四上競氣極聲變只謂卽宮逐羽音之意然競氣自屬吹唱宮逐羽音見段安節琵琶錄則爲弦音恐非同義案隋志蘇祇婆論琵琶七聲六曰般贍華言五聲卽羽聲也般贍卽般涉五卽四之高聲於次第六則以五配羽此其一證

舒

五

舒執室白石詞校語跋

張獻山舒藝室餘筆第三卷有白石道人歌曲校語謂同治壬戌夏買甫貽張奕樞刻本因憶道光乙巳爲阮文達校陸鍾微本重復錄記者推求聲律至爲精審誠番陽功臣也今年夏彊邨又從滬上得一校語鈔本据自跋在同治建元閏月上弦亦云夏買甫貽張本秋涼無俚隨手覆校疑此鈔本卽餘筆初稿然視餘筆守律尤嚴卽以越九歌旁譜而論如林之於黃也黃之於黃清也姑之於南也蕤之於應也夷之於黃也太之於太清也夷之於夾也皆謂不當連屬者也於是不謂其誤卽謂其不可解竊謂以言樂律是也若以繩白石則似

不盡然雖白石去今將七百年無從知陶南邨寫本之誤否而元初曲譜尚存一二猶沿宋時宮調尙可藉以考證今按熊與可瑟譜有孔子廟釋奠樂章卽宋史樂志所載而與可補定其譜者也其迎神凝安之曲本黃鍾宮俗呼正宮者以林黃連用次章大呂爲角俗呼高大石調者以黃夷連用四章應鍾爲羽俗呼中管黃鍾羽者以夾夷連用奠幣明安之曲酌獻成安之曲秋丁用南呂宮俗呼中管仙呂宮者以應蕤連用南姑連用與可宋咸淳甲戌進士見元史儒學本傳其所爲譜猶南宋樂也又元史樂志稱樂音王隊奏萬年歡之曲今見明集禮所載元樂曲有黃鍾宮四季萬年歡以林黃

連用夷黃連用黃黃清連用又有萬歲樂正黃鍾宮者以姑南連用大呂宮俗呼高宮者以夷黃連用太簇宮俗呼中管高宮者以蕤應連用應鍾宮俗呼中管黃鍾宮者以夷夾連用雖皆俗樂意必宋舊樂工所爲則亦南宋遺聲也顧於鈔本所謂不當連屬者皆一一連用惟太與太清未之見耳要亦可舉黃與黃清爲例宜刻餘筆時盡去其前說也則鈔本校語非定本明矣彊邨旣取餘筆刊江研南本白石道人歌曲後復屬爲之說冀當世審音知樂者正之焉乙卯七月吳曹元忠時客嶧縣寫記

消暑隨筆



吳縣潘世恩芝軒輯

李肇國史補曰進士為時所向久矣由此而出者終身為文人其都會謂之舉場通稱謂之秀才投刺謂之鄉貢得第謂之前進士互相推敬謂之先輩俱捷謂之同年有司謂之座主京兆府考而陞者謂之等第外府不試而貢者謂之拔解將試相保謂之合保羣居而賦謂之私試造請權要謂之關節激揚聲價謂之還往既捷列名於慈恩露謂

筆一

一

之題名大燕於曲江謂之曲江會籍而入選謂之春關不捷而醉飽謂之打盹瞌匿名造謗謂之無名子退而肄業謂之過夏執業以往謂之夏課挾

藏入試謂之書策

唐王保定撫言

進士科始於隋大業中盛於貞觀搢紳雖位極人臣不由進士者終不為美歲貢常八九百人謂之白衣公卿又曰一品白衫其艱難謂之三十老明經五十少進士時有詩云太宗皇帝真長策賺得英雄盡白頭

白樂天守杭州江東進士多奔杭取解時張祐

謹案

張祐字承吉從全唐詩本徐凝俱至祐曰僕為解元宜矣凝曰

君有何佳句祐曰甘露寺詩有日月光先到山河勢盡來金山寺詩有樹影中流見鐘聲兩岸聞凝曰善則善矣奈無野人句云千古長如白練飛一條界破青山色祐愕然凝果獲選

盧肇開成中就江西解末肇送啟謝曰巨鼈負鼎首冠蓬山試官曰昨以人數擠排深慚名第奉免焉得首冠之語肇曰頑石處上巨鼈戴之豈非首

筆一

二

冠耶

狀元以下到主司宅下馬綬行而立斂名紙通呈與主司對拜主事云請狀元謝名第第幾人謝衣鉢

識名有九一日大相識主司有具慶者二曰次相識主司有偏侍者三曰小相識主司有兄弟者四曰聞喜敕下宴五日櫻桃六日月橙七日牡丹八曰看佛牙九日開宴最大即離筵也
崔沆為主罰錄事同年盧彖俯近關宴請假往洛

及同年宴於曲江亭子豕以雕幃載妓徽服鞞
縱觀爲團司所發沈判曰深撓席帽密映璽車紫
陌尋春便隔同年之面青雲得路可知異日之心
寶厯中楊相嗣復具慶下繼放兩榜時先僕射自
東洛入覲嗣復率生徒迎於潼關既回大宴新昌
里第諸生翼坐元白俱在賦詩唯楊汝士詩後成
最佳元白歎伏汝士醉歸曰我今日壓倒元白其
詩警句云文章舊價畱鸞掖桃李新陰在鯉庭
曹汾尙書鎮許下其子希幹及第用錢二十萬榜

卷一

三

至鎮開賀宴日張之於側進士胡錡賀啟程枝折
處著萊子之綵衣楊葉穿時用魯連之舊箭又曰
一千里外觀上國之風光十萬軍前展長安之春
色

盧肇宜春人與同郡黃頗赴舉頗富肇貧郡牧餞
頗甚盛肇策蹇而過明年肇狀元及第歸刺史以
下迎接因看競渡肇席上賦詩曰向道是龍剛不
信果然銜得錦標歸

薛逢晚年厄於宦途嘗策羸赴朝值新進士綴行

而出團司所由輩見逢斥令回避逢遣一介日報
道莫乞相阿婆三五少年時也曾東塗西抹來
神龍以來杏園宴後皆於慈恩寺塔下題名同年
中推善書者紀之他時有將相則朱書之及第後
知聞或遇未及第時題名則爲添前進士字或詩
曰曾題名處添前字送出城人乞舊詩

裴晉公質狀眇小有相者曰郎君形神不入相書
若不至貴卽當餓死今殊未見貴處一日游香山
寺有貴相婦人致一緹繒於僧伽蘭楯祈祝擲筊

卷一

四

瞻拜而去度見其所致收取至暮婦人竟不至詰
旦復攜來向者婦人疾趨撫膺曰阿父無罪被繫
昨告人假得玉帶二犀帶一以賂津要不幸遺失
老父之禍無所逃矣度因授之婦人拜泣請畱其
一度不答而去後見相者曰必有陰德及物前途
萬里非某所知也度果位極人臣

劉虛白與太平裴公早同研席及公主文虛白猶
舉進士簾前獻詩曰二十年前此夜中一般燈燭
一般風不知歲月能多少猶著麻衣待至公

王播少孤貧嘗客揚州木蘭院隨僧齋僧厭之播
至已飯矣後二紀來鎮是邦向題字已碧紗幕其
上播作詩曰二十年前此院游木蘭花發院新修
而今再到經行處樹老無花僧白頭上堂已了各
西東慚愧闍黎飯後鐘二十年來塵撲面如今始
得碧紗籠

元和中李涼公下三十三人皆取寒素時有詩曰
元和天子丙申年三十三人同得仙袍似爛銀文
似錦相將白日上青天

筆一

五

杜紫微覽趙渭南詩卷云殘星幾點鴈橫塞長笛
一聲人倚樓因曰蝦為趙倚樓復贈詩曰今代風
騷將誰登李杜壇灞陵鯨海動翰苑鶴天寒

鄭薰侍郎主文誤謂顏標乃魯公之後時徐方未
寧意在激勸忠烈即以標為狀元謝日問及廟院
標曰寒峻未嘗有也始知誤取或嘲曰主司頭腦
太冬烘錯認顏標作魯公

李紳鎮揚州章孝標賦春雪詩云六出花飛處處
飄黏窗拂砌上寒條朱門到晚難盈尺盡是三軍

喜氣消謹案李紳字公垂潤州人舊書本傳作毫州人元和元年進士武宗時為中書侍郎
同中書門下平章事與李德裕元稹號三俊為人
短小亦號短李白居易會以笑勸迂辛酒間吟短
李詩屬對即其明證開成四年節度淮南章孝標
及第後寄淮南李相詩有馬頭漸入揚州郭為報
詩人洗眼看之句稗海偶于鎮字上俟紳字其下
衍知字遂作李鎮知揚州惟細檢當時並無其人
今從雅
兩堂本

李賀年七歲名動京師韓退之皇甫湜覽其文曰
若是古人吾曾不知若是今人豈有不知之理二
公因詣其門賀總角荷衣而出二公令面賦一篇
目為高軒過

筆一

六

王僕射起再主禮闈遠邇稱揚皆以文德聿興望
之也武宗皇帝詔至殿陛曰朕近見二字一刃一
宀莫能詳焉特詢於卿王公對曰臣於三教經典
竊嘗徧覽向者二字羣書未之見也未審天顏於
何文而得周穆王傳有齊角二字經百儒宗但言
古馬名不敢分於飛兔騶裏於今靡有詳之者也
上笑曰知卿夙儒學綜朝野偶為此二字相試非
於經籍中得之遂賜金綵等乃知王公三教之中
無不通曉其我唐之孔鄭乎唐范摅雲
溪友議

梁張僧繇善畫為吳興太守武帝每思諸王在外
藩者即令僧繇乘傳往寫其貌如對其面嘗於江
陵天皇寺畫佛并仲尼及十哲帝曰釋門之內畫
此何也對曰異日賴之至後周焚滅佛教以此殿
有儒聖獨不焚之又於金陵安樂寺畫四龍不點
睛人問之答曰點則飛去衆人以為虛誕固請點
之頃刻雷霆二龍乘雲騰上其二不點者猶在畫
之通神若此李冗獨異志
衛玠為性通恕常自戒曰人之不逮可以情恕非

筆一

七

意相干可以理遣故終身無怨怒

漢陰丈人抱甕入井負水灌園有人教其為桔槔
用力寡而利用多丈人曰吾寧自倦敗不可以機
為用有傷真性

漢武帝自甘泉至渭橋有女浴於渭水者乳長七
尺上怪問之答曰後第七車當知我時侍中張寬
在第七車使問之寬曰祭天星齋不嚴即此女見
太宗以魏徵為人鏡謂左右曰以古為鏡見成敗
以銅為鏡知美醜以人為鏡知善惡吾用此三鏡

以辨興衰今魏徵死吾失一鏡

上還宮闕圖功臣於凌煙閣上因謂子儀曰安祿
山僭亂中原是卿再安皇祚昨朕蒙塵卿復戮力
今日天下乃卿與我也雖圖券不足以衰元老因
泣下霑衣子儀伏於上前嗚咽流涕曰老臣無復
致命久矣但慮衰耄不堪王事賴仗陛下宗廟社
稷之靈以成微績上因命御馬九花虬并紫玉鞭
轡以賜子儀知九花之異固陳讓者久之上曰此
馬高大稱卿儀質不必讓也九花虬即范陽節度

筆一

八

李德山所貢額高九寸毛拳如麟頭頸鬃鬣真虬
龍也每一嘶則羣馬聳耳以身被九花文故號為
九花虬上東幸觀獵於田不覺日暮忽顧謂左右
曰行宮去此幾里奏曰四十里上遂令速鞭恐闕
夜而九花虬緩緩然若行五里而已侍從奔驟無
及者上以為超光趨影之匹也自是益加鍾愛既
復京師特賜子儀崇功臣也唐蘇鸞杜陽雜編
上寬厚之德出於天然為兒時常為元宗器之每
坐於玉案前熟視上貌謂武惠妃曰此兒甚有異

相他日亦是吾家一有福天子也因命取上清珠以絳紗裹之繫於頸上上清珠卽開元初尉賓國所貢其珠光明潔白可照一室視之則出仙人玉女雲鶴絳節之象搖動於其中及上卽位寶庫中往往有神光異氣掌庫者具以事告上曰豈非上清珠耶遂令出之絳紗猶在乃泣然流涕徧示近臣曰此我爲兒時明皇所賜也遂令貯之於翠玉函置之於臥內忽有水旱兵革之災上每虔祝之無不應驗

筆一

九

順宗皇帝卽位歲拘弭國貢郤火雀一雄一雌履水珠常堅冰變晝草其郤火雀純黑大小似鷓其聲清殆不類尋常禽鳥置於火中火自散去上嘉其異遂盛於水精籠懸於寢殿夜則宮人持蠟炬以燒之終不能損其毛羽履水珠色黑類鐵大於雞卵其上鱗皴其中有竅云持入江海內可行於洪波之上下始不謂之寶遂命善浮者以五色絲貫之繫於左臂毒龍畏五色絲遣入龍池其人則步驟於波上若在地亦潛於水中良久復出而徧體

略無霑溼上奇之因以御饌賜使人至長慶中嬪御試弄於海池上遂化爲黑龍入於池內俄而雲煙暴起不復追討矣常堅冰云其國有大凝山中
有冰千年不釋及賁至京師潔冷如故雖盛暑赭日終不消嚼之卽與中國者無異變晝草有類芭蕉可長三尺而一莖千葉樹之則百步內昏黑如夜始藏於百寶匣中其上緘以胡書上見而怒曰背明向暗之物是何貴也遂命并匣焚之於使前使初不爲樂及退謂鴻臚曰本國以變晝爲異今

筆一

十

皇帝以向暗爲非可謂明德也

永貞元年南海貢奇女盧眉娘年十羈本北祖帝

師之裔自大足中流落於嶺表後漢盧景祚景裕

人皆爲帝師幼而慧悟工巧無比能於一尺絹上

繡法華經七卷字之大小不逾粟粒而點畫分明

細於毛髮其品題章句無有遺闕更善作飛仙蓋

以絲一縷分爲三縷染成五彩於掌中結爲傘蓋

五重其中有十洲三島天人玉女臺殿麟鳳之象

而外列執幢捧節之童亦不啻千數其蓋闊一丈

秤之無三數兩自煎靈香膏傅之則虬硬不斷上
歎其工謂之神助因令止於宮中每日但食胡麻
飯二三合至元和中憲宗皇帝嘉其聰慧而奇巧
遂賜金鳳環以束其腕知眉娘不願住禁中遂度
以黃冠放歸南海仍賜號曰逍遙及後神遷香氣
滿室弟子將葬舉棺覺輕即徹其蓋惟有藕屨而
已後入海人往往見乘紫雲遊於海上是時羅浮
處士李象先作盧逍遙傳而象先之名無聞故不
爲世人傳焉

筆一

十一

飛龍衛士韓志和本倭國人也善雕木作鸞鶴鷓
鵲之狀飲啄動靜與真無異以關振置於腹內發
之則凌雲奮飛可高三尺謹案唐宋叢書作百尺至一二百
步外方始卻下兼刻木作貓兒以捕鼠雀飛龍使
異其機巧遂以事奏上觀而悅之志和更雕踏牀
高數尺其上飾之以金銀綵繒謂之見龍牀置之
則不見龍形踏之則鱗鬣爪牙俱出及始進上以
足履之而龍夭矯若得雲雨上怖畏遂令撤去志
和伏於上前曰臣愚昧致有驚忤聖躬臣願別進

薄伎稍娛至尊耳目以贖死罪上笑曰所解伎何
試爲我作之志和遂於懷中出一桐木合子方數
寸中有物名蠅虎子數不啻一二百焉其形皆赤
云以丹砂啗之故也乃分爲五隊令舞涼州上令
召國樂以舉其曲而虎子盤迴宛轉無不中節每
遇致詞處則隱隱如蠅聲及曲終纍纍而退若有
尊卑等級志和臂虎子令於上前獵蠅於數百步
之內如鷓捕雀罕有不獲者上嘉其小有可觀即
賜以雜綵銀椀志和出宮門悉轉施於他人不逾

筆一

十二

年竟不知志和之所在

文宗皇帝尙賢樂善罕有倫比每與宰臣學士論
政事之暇未嘗不話才術文學之士故當時以文
進者無不諤諤焉於是上每視朝後即閱羣書見
無道之君行狀則必扼腕歔歔讀堯舜禹湯傳則
歡呼歛衽謂左右曰若不甲夜視事乙夜觀書何
以爲人君耶每試進士及諸科舉人上多自出題
目及所司進所試卷披覽吟誦終日忘倦常延學
士於內庭討論經義較量文章令宮女已下侍茶

湯飲饌而李訓講周易微義頗叶於上意時方盛夏遂命取水玉腰帶及辟暑犀如意以賜訓訓謝之上曰如意足以與卿為談柄也上讀高郢無聲樂賦白居易求元珠賦謂之元祖

上好食蛤蜊一日左右方盈盤而進中有擘之不一裂者上疑其異乃焚香祝之俄頃自開中有二人形眉端秀體質悉備螺髻瓔珞足履茵苔謂之菩薩上遂置之於金粟檀香合以玉屑覆之賜與善寺令致敬禮至會昌中毀佛舍遂不知所在

筆一

十三

上延英聽政問宰臣白敏中曰憲宗遷座景陵龍輻行次忽值風雨六宮百官盡避去惟有一山陵使鬚而長攀靈駕不動其人姓氏為誰為我言之敏中奏景陵山陵使令狐楚上曰有兒否敏中奏長子緒見任隨州刺史上曰可任宰相否敏中曰緒小患風痺不任大用次子絢見任湖州刺史有台輔之器上曰追來翌日授考功郎中知制誥到關召充翰林學士間歲遂立為相時人感歎敏中亮直無隱不掩人於上

唐裴庭裕
東觀奏記

上因讀元和實錄見故江西觀察使韋丹政事卓異問宰臣孰為丹後宰臣周墀奏臣近任江西觀察使見丹行事餘風遺愛至今在人其子宙見任河陽觀察判官上曰速與好官持憲者聞之奏為侍御史

上將命令孤絢為相夜半幸含春亭召對盡蠟燭一炬方許歸學士院乃賜金蓮花燭送之院吏忽見驚報院中曰駕來俄而趙公至吏謂趙公曰金蓮花乃引駕燭學士用之莫折是否頃刻而聞傳

筆一

十四

說之命

上雅尚文學聽政之暇常賦詩尤重科名大中十年鄭顥知舉後宣索科名記顥表曰自武德已後便有進士諸科出鶯谷而飛鳴聲華雖茂經鳳池而閱視史策不書所傳前代姓名皆是私家記錄虔承聖旨敢不討論臣尋委當行祠部員外趙璘採訪諸家科目記撰成十三卷自武德元年至朝謹專上進方俟無疆敕宜付翰林自今放榜後並寫及第人姓名及所試詩賦題目進入內仍仰所

司逐年編次

韋澳為京兆尹豪右斂手國舅鄭光莊不納租澳
繫其主者期以五日不足必抵法太后為言之上
延英問澳澳具奏本末上曰今日納租足放否曰
尚在限內來日即不得矣澳既出半廷上連召之
曰國舅莊租今日納足放主者否澳曰必放上入
告太后曰韋澳不可犯且與送錢納卻頃刻而放
李藩自司勳郎中遷駕部郎中知制誥衣綠如故
鄭裔綽自給事中以論駁楊漢公忤旨出商州刺

筆一

五

史始賜緋衣銀魚沈珣自禮部侍郎為浙東觀察
使方賜金綬苗恪自司勳員外郎除洛陽令藍衫
赴任裴處權自司封郎中出河南少尹到任本府
奏薦賜緋給事中崔罕駁還上手詔褒獎曰有事
不當卿能駁還職業既修朕何所慮

上校獵城西漸入渭水見父老一二十人於村佛
祠設齋上問之父老曰臣醴泉縣百姓本縣令李
君爽有異政考秩已滿百姓借留詣府乞未替兼
此祈佛力也上默然還宮後於御展上大書君爽

名中書兩擬醴泉令上皆抹去之踰歲以懷州刺
史闕請用人御筆曰醴泉縣令李君爽可懷州刺
史莫測也君爽中謝宸旨獎勵始聞其事

杜如晦少聰悟精彩絕人太宗引為秦府兵曹俄
改陝州長史房元齡聞於太宗曰餘人不足惜杜
如晦聰明識達王佐之才若大王守藩無用之必
欲經營四方非此人不可太宗乃請為秦府掾封
建平縣男補文學館學士令文學褚亮為之贊曰
建平文雅休有烈光懷忠履義身立名揚貞觀初

筆一

六

為右僕射元齡為左僕射太宗謂之曰公為僕射
當須大開耳目求訪賢哲此乃宰相之宏益比聞
聽受詞訴日不暇給安能為朕求賢哉自是臺閣
規模皆二人所定其法令意在寬平不求備以取
人不以己長格物如晦元齡引進之如不及也太
宗每與元齡圖事則曰非如晦莫能籌之及如晦
至卒用元齡之策二人相須以斷大事迄今言良
相者稱房杜焉及如晦薨太宗謂虞世南曰吾與
如晦君臣義重不幸物化實痛於懷卿體吾意為

製碑也後太宗嘗新瓜美愴然悼之輟其半使置之靈座及賜元齡黃銀帶因謂之曰如晦與公同心輔朕今日所賜惟獨見公泣然流涕以黃銀帶辟惡爲鬼神所畏命取金帶使元齡送之於其家也

唐劉肅大
唐新語

景雲二年二月睿宗謂侍臣曰有術士上言五日內有急兵入宮卿等爲朕備之左右失色莫敢對張說進曰此有讒人設計擬搖動東宮耳陛下若使太子監國則君臣分定自然窺覷路絕災難不

筆一

七

生姚崇宋璟郭元振進曰如說所言睿宗大悅即日詔皇太子監國時太平公主將有奪宗之計於光範門內乘步輦俟執政以諷之衆皆恐懼宋璟昌言曰太子有大功於天下真社稷主安敢妄有異議遂與姚崇奏公主就東都出寧王已下爲刺史以息人心睿宗曰朕更無兄弟唯有太平一妹朝夕欲得相見卿勿言餘並依卿所奏公主聞之大怒元宗懼乃奏崇璟離間骨肉請加罪黜悉停寧王已下外授崇貶申州刺史璟楚州刺史

蘇頌神龍中給事中并修宏文館學士轉中書舍人時父瓌爲宰相父子同掌樞密時人榮之屬機事填委制誥皆出其手中書令李嶠歎曰舍人思如泉涌嶠所不及也後爲中書侍郎與宋璟同知政事璟剛正多所裁斷頌皆順從其美璟甚悅之嘗謂人曰吾與父子前後皆同時爲宰相僕射長厚誠爲國器獻可替否罄盡臣節頌過其父也後罷政事拜禮部尙書而薨及葬日元宗游咸宜宮將舉獵聞頌喪出愴然曰蘇頌今日葬吾寧忍娛

筆一

六

游乎遂中路還宮初姚崇引璟爲中丞再引之入相崇善應變故能成天下之務璟善守文故能持天下之政二人執性不同同歸於道叶心翼贊以致刑措焉

姚崇以拒太平公主出爲申州刺史元宗深德之太平既誅徵爲同州刺史素與張說不叶說諷趙彥昭彈之元宗不納俄校獵於渭濱密召會於行所元宗謂曰卿頗知獵乎崇對曰此臣少所習也臣年三十居澤中以呼鷹逐兔爲樂猶不知書宋

環謂臣曰君當位極人臣毋自棄也爾來折節讀書以至將相臣少爲獵師老而猶能元宗大悅與之偕馬臂鷹遲速在手動必稱旨元宗權甚樂則割鮮閑則咨以政事備陳古今理亂之本上之可行者必委曲言之元宗心益開聽之亶亶忘倦軍國之務咸訪於崇崇罷冗職修舊章內外有敘又請無赦宥無度僧無數遷吏無任功臣以政元宗悉從之而天下大理

開元中陸堅爲中書舍人以麗正學士或非其人

筆一

十九

而所司供擬過爲豐贍謂朝列曰此亦何益國家空致如此費損將議罷之張說聞之謂諸宰相曰說聞自古帝王功成則有奢縱之失或興造池臺或耽翫聲色聖上崇儒重德親自講論刊校圖書詳延學者今之麗正卽是聖主禮樂之司永代規模不易之道所費者細所益者大陸子之言爲未達也元宗後聞其言堅之恩眄從此而減

張九齡開元中爲中書令范陽節度使張守珪奏裨將安祿山頻失利送就戮於京師九齡批曰穰

苴出軍必誅莊賈孫武行令亦斬宮嬪守珪軍令若行祿山不宜免死及到中書九齡與語久之因奏曰祿山狼子野心而有逆相臣請因罪戮之冀絕後患元宗曰卿勿以王夷甫識石勒之意誤害忠良更加官爵放歸本道至武德初謹案武德爲唐高祖年號肅宗卽位靈武改元至德今誤武德似稗海衍武字元宗在成都思九齡之先覺詔曰正大厦者柱石之力昌帝業者輔相之臣生則保其雄名歿則稱其盛德飾終未允於人望加贈實存於國章故中書令張九齡維嶽降神

筆一

二十

濟川作相開元之際寅亮成功讜言定於社稷先覺合於著龜永懷賢弼可謂大臣竹帛猶存樵蘇必禁爰從八命之秩更重三台之位可賜司徒仍令遣使就韶州致祭者

太宗射猛獸於苑內有羣豕突出林中太宗引弓射之四發殪四豕有一雄豕直來衝馬吏部尙書唐儉下馬搏之太宗拔劍斷豕顧而笑曰天策長史不見上將擊賊耶何懼之甚儉對曰漢祖以馬上得之不以馬上理之陛下以神武定四方豈復

逞雄心於一獸太宗善之因命罷獵

太宗嘗罷朝自言殺卻此田舍漢文德皇后問誰觸忤陛下太宗曰魏徵每庭辱我使我嘗不得自由皇后退朝服立於庭太宗驚曰何爲若是對曰妾聞主聖臣忠今陛下聖明故魏徵得盡直言妾備後宮焉敢不賀於是太宗意乃釋

張元素貞觀初太宗聞其名召見訪以理道元素曰臣觀自古已來未有如隋室喪亂之甚豈非其君自專其法日亂向使君虛受於上臣弼違於下

筆一

三

豈至於此且萬乘之主欲使自專庶務日斷十事而有五條不中者何況萬務乎以日繼月乃至累年乖繆既多不亡何待陛下若近鑒危亡日慎一日堯舜之道何以加之太宗深納之

太宗幸九成宮還京有宮人憩漳川縣官舍俄而李靖王珪至縣官移宮人於別所而舍靖珪太宗聞之怒曰威福豈由靖等何爲禮靖等而輕我宮人卽令按驗漳川官屬魏徵諫曰靖等陛下心膂大臣宮人皇后賤隸論其委任事理不同又靖等

出外官吏做闕庭法式朝覲陛下問人間疾苦靖等自當與官吏相見官吏亦不可不謁也至於宮人供養之外不合參承若以此加罪恐不益德音駭天下耳目太宗曰公言是遂捨不問

谷邠律貞觀中爲諫議大夫褚遂良呼爲九經庫永徽中嘗從獵途中遇雨高宗問雨衣若爲得不漏邠律曰能以瓦爲之不漏也意不爲畋獵高宗深賞焉賜邠律絹帛二百疋

筆一

三

月二日幸九成宮臣竊惟太上皇春秋已高陛下宜朝夕侍膳晨昏起居今所幸宮去京二百餘里鑾輿動輒俄經旬日非可朝行暮至也脫上皇情或思感欲見陛下者將何以赴之且車駕今行本意只爲避暑則上皇尙畱熱處而陛下自遂涼處溫清之道臣切不安文多不載太宗稱善

貞觀中太宗謂褚遂良曰卿知起居注記何事大抵人君得觀之否遂良對曰今之起居古之左右史書人君言事且記善惡以爲檢戒庶乎人主不

爲非法不聞帝王躬自觀史太宗曰朕有不善卿必記之耶遂良曰守道不如守官臣職當載筆君舉必記劉洎進曰設令遂良不記天下之人皆記之矣

長安末諸酷吏並誅死則天悔於枉濫謂侍臣曰近者朝臣多被周興來俊臣推勘遞相牽引咸自承伏國家有法朕豈能違中間疑有濫者更使近臣就獄推問得報皆自承引朕不以爲疑即可其奏自周興俊臣死更不聞有反逆者然已前就戮

筆一

三

者豈不有冤濫耶夏官侍郎姚崇對曰自垂拱已後被告身死破家者皆枉酷自誣而死告事者特以爲功天下號爲羅織甚於漢之黨錮陛下令近臣就獄問者近臣亦不自保何敢輒有動搖賴上天降靈聖情發寤誅滅凶豎朝廷宴安今日已後微軀及一門百口保見在內外官吏無反逆者則天大悅曰已前宰相皆順成其事陷朕爲淫刑之主聞卿所說甚合朕心乃賜銀一千兩

景龍末朝綱失敘風教既替公卿大臣初拜命者

例許獻食號爲燒尾時蘇瓌拜僕射獨不獻食後因侍讌宗晉卿謂瓌曰拜僕射竟不燒尾豈不熹乎中宗默然瓌奏曰臣聞宰相主調陰陽代天理物今粒食湧貴百姓不足臣見宿衛兵至有三日不得食者臣愚不稱職所以不敢燒尾耳晉卿無以對

元宗命宋璟製諸王及公主邑號續遣中使宣詔令更作一佳號璟奏曰七子均養鳴鳩之德至錫名號不宜有殊今奉此旨恐母寵子異非正家國

筆一

四

之大訓王化之所宜不敢奉詔元宗從之

蘇瓌開元七年五月己丑朔日有蝕之元宗素服候變撤樂減膳省囚徒多所原放水旱州皆定賑恤不急之務一切停罷瓌與宋璟諫曰陛下頻降德音勤卹人隱令徒已下刑盡責保放惟流死等色則情不可寬此古人所以慎赦也恐言事者直以月蝕修刑日蝕修德或云分野應災祥冀合上旨臣以爲君子道長小人道消女謁不行讒夫漸遠此所謂修德固圉不擾甲兵不黷理官不以深

苛軍將不以輕進此所謂修刑也若陛下常以此
畱念縱日月盈虧將因此而致福又何患乎且君
子恥言浮於行故曰子欲無言又曰天何言哉四
時行焉百物生焉要以至誠動天不在制書頒下
元宗深納之

太宗問大理卿劉德威曰近來刑網稍密何也對
曰誠在君上不由臣下主好寬則寬好急則急律
文失入減三等失出減五等今則反是失入無辜
失出則獲戾所以吏各自愛競執深文畏罪之所

筆一

三五

致也太宗深納其言

張元素爲侍御史彈樂蟠令叱奴隲盜官糧太宗
大怒特令處斬中書舍人張文瓘執據律不當死
太宗曰倉糧事重不斬恐犯者衆魏徵進曰陛下
設法與天下共之今若改張人將法外畏罪且復
有重於此者何以加之隲遂免死

明崇儼爲正諫大夫以奇術承恩夜遇刺客救三
司推鞠其妄承引連坐者衆高宗怒促法司行刑
刑部郎中趙仁恭奏曰此輩必死之囚願假數日

之命高宗曰卿以爲枉也仁恭曰臣識慮淺短非
的以爲枉恐萬一非實則怨氣生焉緩之旬餘果
獲賊高宗善之遷刑部侍郎

權善才高宗朝爲將軍中郎將范懷義宿衛昭陵
有飛騎犯法善才繩之飛騎因番請見先涕泣不
自勝言善才等伐陵柏大不敬高宗悲泣不自勝
命殺之大理丞狄仁傑斷善才罪止免官高宗大
怒命促刑仁傑曰法是陛下法臣僅守之奈何以
數株小柏而殺大臣請不奉詔高宗涕泣曰善才

筆一

三六

斫我父陵上柏我爲子不孝以至是知卿好法官
善才等終須死仁傑固諫侍中張文瓘以笏揮令
出仁傑乃引張釋之高廟辛毗牽裾之例曰臣聞
逆龍鱗忤人主自古以爲難臣以爲不難居桀紂
時則難堯舜時則不難臣今幸逢堯舜不懼比干
之誅陛下不納臣言臣瞑目之後羞見釋之辛毗
於地下高宗曰善才情不可容法雖不死朕之恨
深矣須法外殺之仁傑曰陛下作法懸諸象魏徒
流及死具有等差豈有罪非極刑特令賜死法旣

無恒萬方何所措其手足陛下必欲變法請今日
爲始高宗意乃解曰卿能守法朕有法官命編入
史又曰仁傑爲善才正朕豈不能爲朕正天下耶
授侍御史後因諫事高宗笑曰卿得權善才便也
時左司郎中王本立恃寵用事朝廷懼之仁傑按
之請付法高宗特原之仁傑奏曰雖國之英秀豈
少本立之類陛下何惜罪人而虧王法必不欲推
問請曲赦之棄臣於無人之境以爲忠貞將來之
戒高宗乃許之由是朝廷肅然

筆一

二七

狄仁傑因使岐州遇背軍士卒數百人夜縱剽掠
豈潛山谷州縣擒捕繫獄者數十人仁傑曰此途
窮者不輯之當爲患乃明榜要路許以陳首仍出
繫獄者廩而給遣之高宗喜曰仁傑識國家大體
乃頒示天下宥其同類潛竄畢首矣
李遜爲貝州刺史甘露遍於庭中樹其邑人曰美
政所致請以聞遜謙退寢其事歷官十七政俸祿
先兄弟嫂姪謂其子曰吾厚爾曹以衣食不如厚
之以仁義勿辭敝也天下莫不嗟尙

狄仁傑爲兒童時門人被害者縣吏就詰之衆咸
移對仁傑堅坐讀書吏責之仁傑曰黃卷之中聖
賢備在猶未對接何暇偶俗人而見耶以資授汴
州判佐工部尙書閣立本黜陟河南仁傑爲吏人
誣告立本驚謝曰仲尼云觀過斯知仁矣足下可
謂海曲明珠東南遺寶特薦爲并州法曹其親在
河陽別業仁傑赴任於并州登太行南望白雲孤
飛謂左右曰吾親所居近此雲下悲泣佇立久之
候雲移乃行

筆一

二八

張柬之進士擢第爲清源丞年且七十餘永昌初
勉復應制策試畢有傳柬之考入下課者柬之歎
曰余之命也乃委歸襄陽時中書舍人劉允濟重
考自下第昇甲科爲天下第一擢第拜監察累遷
荊州長史長安中則天問狄仁傑曰朕要一好漢
使有乎仁傑對曰臣料陛下若求文章資歷則今
之宰臣李嶠蘇味道亦足爲之使矣豈非文士齷
齷思大才用之以成天下之務者乎則天悅曰此
朕心也仁傑曰荊州長史張柬之其人雖老真宰

相材也且久不遇若用之必盡於國家則天乃召以爲洛州司馬他日又求賢仁傑曰臣前言張柬之猶未用也則天曰已遷之矣仁傑曰臣薦之請爲相也今爲洛州司馬非用之也乃遷秋官侍郎及姚崇將赴靈武則天令舉外司堪爲宰相者姚崇曰張柬之沈厚有謀能斷大事且其人年老陛下急用之登時召見以爲同鳳閣鸞臺平章事年已八十矣與桓彥範敬暉袁恕己崔元暉等誅討二張興復社稷忠冠千古功格皇天云

筆一

二九

大理卿孫伏伽自萬年縣法曹上書論事擢侍書御史卽御史中丞也雖承內旨而制命未下伏伽自朝還家而臥不見顏色斯須侍御史已下造門子孫驚喜以報伏伽徐起以見之時人方之顧雍伏伽與張元素隋末俱爲尙書令史旣官達後伏伽談論之際了不諱之太宗嘗問元素元素以實對旣出神彩沮喪如有所失衆咸推伏伽之宏量高麗莫離支蓋蘇文貢白金褚遂良進曰莫離支弒其君陛下以之興兵將弔伐爲遼東之人報主

之恥古者討弒君之賊不受其賂昔宋督遺魯君以郕鼎桓公受之於太廟臧哀伯諫以爲不可春秋書之百王所法受不臣之筐篚納弒逆之朝貢不以爲愆何以示後臣謂莫離支所獻不宜受太宗從之

徐有功爲秋官郎中司刑少卿歷居法官數折大獄持平守正不以生死易節全活者數千百家有鹿城主簿潘好禮者慕其爲人乃著論稱有功斷獄賢於張釋之其略曰釋之爲廷尉天下無冤人

筆一

三十

有功之斷獄亦天下無冤人然釋之所行甚易徐公所行甚難難易之間優劣可知矣君子以爲知言

狄仁傑爲內史則天謂之曰卿在汝南甚有善政欲知譖卿者乎仁傑謝曰陛下以臣爲過臣當改之陛下明臣臣之幸也若臣不知譖者並爲友善臣請不知則天深加歎異

張文瓘爲侍中同列宰相以政事堂供饌珍美請減其料文瓘曰此食天子所以重樞機待賢才也

若不任其職當自陳乞以避賢路不宜減削公膳以邀虛名國家所貴不在於此苟有益於公道斯不爲多也初爲大理卿旬日決遣疑獄四百餘條無一人稱屈文瓘嘗臥疾繫囚設齋以禱焉及遷侍中諸囚一時慟哭其得人心如此四子潛沛洽涉皆至三品時人呼爲萬石張家咸以爲福善之應也

張說拜集賢學士於院廳譙會舉酒說推讓不肯先飲謂諸學士曰學士之禮以道義相高不以官

筆一

三

班爲前後說聞高宗朝修史學士有十八九人時長孫太尉以元舅之尊不肯先飲其守九品官者亦不許在後乃取十九盃一時舉飲長安中說修三教珠英當時學士亦高卑懸隔至於行立前後不以品秩爲限也遂命數盃一時同飲時議深賞之

皇甫文備與徐有功同案制獄誣有功黨逆人奏成其罪後文備爲人所告有功訊之在寬或謂有功曰彼曩將陷公於死今公反欲出之何也有功

曰爾所言者私忿我所守者公法安得以私害公乎

陸象先爲蒲州刺史有小吏犯罪但慰勉而遣之錄事曰此例皆合與杖象先曰人情相去不遠此豈不解吾意若論必須行杖當自汝始錄事慙懼而退常謂人曰天下本自無事只是愚人擾之始爲煩耳但靜其源何憂不簡前後歷典數州其政如一人吏咸思之

筆一

三

然正視良久降階抗禮延入內齋共食謂之曰二賢當興王佐命位極人臣杜年稍減於房耳願以子孫爲託因謂裴矩曰僕閱人多矣未見此賢嗟仰不已貞觀初如晦終右僕射元齡至司空咸如構言

裴行儉少聰敏多藝立功邊陲屢尅凶醜及爲吏部侍郎賞拔蘇味道王勳曰二公後當相次掌鈞衡之任勳勃之兄也時李敬元盛稱王勃楊炯等四人以示行儉曰士之致遠先器識而後文藝也

勃等雖有才名而浮躁淺露豈享爵祿者楊稍似沈靜應至今長並鮮克令終卒如其言

秦府倉曹李守素尤諳氏族時人號爲內譜虞世南語人曰昔任彥昇善談經籍稱爲五經笥今宜改倉曹爲人物志

太宗嘗出行有司請載書以從太宗曰不須虞世南在此行祕書也南爲祕書監於省後堂集羣書中與義皆應用者號北堂書鈔今此堂猶存其書盛行於代

筆一

三

太宗在洛陽宴羣臣於積翠池酒酣各賦一事太宗賦尙書曰日昃翫百篇臨燈披五典夏康旣逸怠商辛亦沈湎恣情昏主多克己明君鮮滅身資累惡成名由積善魏徵賦西漢曰受降臨軹道爭長趣鴻門驅傳渭橋上觀兵細柳屯夜燕經柏谷朝游出杜原終藉叔孫禮方知天子尊太宗曰魏徵每言必約我以禮

呂太一遷戶部員外戶部與吏部鄰司吏部移牒戶部令牆宇悉堅棘以防令史交通太一牒報曰

眷彼吏部銓綜之司當須簡要清通何必堅籬插棘省中賞其俊拔

神龍之際京城正月望日盛飾燈影之會金吾弛禁特許夜行貴游戚屬及下隸工賈無不夜游車馬駢闐人不得顧王主之家馬上作樂以相誇競文士皆賦詩一章以紀其事作者數百人惟中書侍郎蘇味道吏部員外郭利貞殿中侍御史崔液三人爲絕唱味道詩曰火樹銀花合星橋鐵鎖開暗塵隨馬去明月逐人來游妓皆穠李行歌盡落

筆一

三

梅金吾不禁夜玉漏莫相催利貞曰九陌連燈影千門度月華傾城出寶騎匝路轉香車爛漫唯愁曉周旋不問家更逢清管發處處落梅花液曰今年春色勝常年此夜風光正可憐鳩鵲樓前新月滿鳳凰臺上寶燈燃文多不盡載

張說徐堅同爲集賢學士十餘年好尙頗同情契相得時諸學士凋落者衆惟說堅二人存焉說手疏諸人名與堅同觀之堅謂說曰諸公昔年皆擅一時之美敢問孰爲先後說曰李嶠崔融薛稷宋

之問皆如良金美玉無施不可富嘉謨之文如孤
峯絕岸壁立萬仞叢雲鬱興震雷俱發誠可畏乎
若施於廊廟則為駭矣閭朝隱之文則如麗色艷
妝衣之綺繡燕歌趙舞觀者忘憂然類之風雅則
為罪矣堅又曰今之後進文詞孰賢說曰韓休之
文有如太美元酒雖雅有典則而薄於滋味許景
先之文有如豐肌膩體雖穠華可愛而乏風骨張
九齡之文有如輕縑素練雖濟時適用而窘於邊
幅王翰之文有如瓊林玉笋雖爛然可珍而多有

筆一

三五

玷缺若能箴其所闕濟其所長亦一時之秀也

太宗欲見前代帝王事得失以為鑒戒魏徵乃以
虞世南褚遂良蕭德言等采經史百家之內嘉言
善語明王暗君之跡為五十卷號羣書理要上之
太宗手詔曰朕少尙威武不精學業先王之道茫
若涉海覽所撰書博而且要見所未見聞所未聞
使朕致治稽古臨事不惑其為勞也不亦大哉賜
徵等絹千疋絲物五百段太子諸王各賜一本
開元十年元宗詔書院撰六典以進時張說為麗

正學士以其事委徐堅沈吟歲餘謂人曰堅承乏
已曾七度修書有憑準皆似不難唯六典歷年措
思未知所從說又令學士毋嬰等檢前史職官以
今式分人六司以今朝六典象周官之制然用功
艱難綿歷數載其後張九齡委陸善經李林甫委
苑咸至二十六年始奏上百寮陳賀迄今行之
舊制宰相臣常於門下省議事謂之政事堂故長
孫無忌魏徵房元齡等以他官兼政事者皆云知
門下省事宏道初裴炎自侍中轉中書令執朝政

筆一

三六

始移政事堂於中書省至今以為故事

貞觀十七年太宗圖畫太原倡義及秦府功臣趙
公長孫無忌河間王孝恭蔡公杜如晦鄭公魏徵
梁公房元齡申公高士廉鄂公尉遲敬德鄖公張
亮陳公侯君集盧公程知節永興公虞世南渝公
劉政會莒公唐儉英公李勣胡公秦叔寶等二十
四人於凌煙閣太宗親為之贊褚遂良題閣閣立
本畫及侯君集謀反伏誅太宗與之決流涕謂之
曰吾為卿不復上凌煙閣矣

賀知章自太常少卿遷禮部侍郎兼集賢學士一日併謝二恩時源乾曜與張說同秉政乾曜問說曰賀公久著盛名今日一時兩加榮命足爲學者光耀然學士與侍郎何者爲美說對曰侍郎自皇朝已來爲衣冠之華選自非望實具美無以居之雖然終是具員之英又非往賢所慕學士者懷先王之道爲搢紳軌儀蘊楊班之詞彩兼游夏之文學始可處之無愧二美之中此爲最矣

韓思彥以御史巡察於蜀成都富商積財巨萬兄

筆一

三七

弟三人分資不平爭訴長吏受其財賄不決與奪思彥推案數日令厨者奉乳自飲訖以其餘乳賜爭財者謂之曰汝兄弟久禁當饑渴可飲此乳纔遍兄弟竊相語遂號哭攀援相咬肩膊良久不解但言曰鬻夷不識孝義惡妻兒離間以至是侍御豈不以兄弟同母乳耶復擗踊悲號不自勝左右莫不流涕請同居如初思彥以狀聞敕付史官時議美之

憲宗初徵柳宗元劉禹錫至京俄而以柳爲柳州

刺史劉爲播州刺史柳以劉須侍親播州最爲惡處請以柳州換上不許宰相對曰禹錫有老親上曰但要與惡郡豈繫母在裴晉公進曰陛下方侍太后不合發此言上有愧色旣而語左右曰裴度終愛我切劉遂改授連州

唐趙璘因話錄

筆一

三

使朝廷疑之以致如此今子儀奏一屬官不下不過是所請不當聖意上恩親厚不以武臣待子儀諸公可以見賀矣聞者服其公忠焉王在河中禁無故走馬犯者死南陽夫人乳母之子抵禁都虞候杖殺諸子泣告於王言虞候縱橫之狀王叱而遣之明日對賓僚吁歎者數四衆皆不曉徐問之王曰某之諸子皆奴材也遂告以故曰伊不賞父之都虞候而惜母之阿嬌兒非奴材而何

僕射柳元公家行爲士林儀表居大官奉繼親薛

太夫人盡孝敬之道凡事不異布衣時薛夫人左右僕使至有連小字呼公者性嚴重居外下輦常惕懼在薛夫人之側未嘗以毅顏待家人恂恂如小子弟敦睦內外當世無比宗族窮苦無告因公而存立優泰者不知其數在方鎮子弟有事他適所經境內人不知之族子應規爲水部員外郎求公爲市宅公不與潛語所親曰柳應規以儒素進身始入省便坐新宅殊不若且稅居之爲善也及水部歿公撫視孤幼恩意加厚特爲置居處諸子

筆一

三九

皆與身名族孫立疾病以兒女託公及廉察夏口嫁其孤女雖箱篋刀尺微物悉手自閱視以付之公出自清河崔氏繼外族薛氏前後與舅能從同時領方鎮居省闈又與繼舅萃同時爲觀察使妻父韓僕射同時居大僚未嘗敢以爵位自高減卑下之敬其行己如此

權文公德興身不由科第掌貢舉三年門下所出諸生相繼爲公相得人之盛時論居多

李太師逢吉知貢舉榜成未放而入相禮部王尙

書播代放榜及第人就中書見座主時謂好腳跡門生前世未有

韓文公與孟東野友善韓公文至高孟長於五言時號孟詩韓筆元和中後進師匠韓公文體大變又柳柳州宗元李尙書翺皇甫郎中湜馮詹事定祭酒楊公余座主李公皆以高文爲諸生所宗而韓柳皇甫李公皆以引接後學爲務楊公尤深於獎善遇得一句終日在口人以爲癖終不易初心長慶以來李封州甘爲文至精獎拔公心亦類數

筆一

四

公甘出於李相國武都公門下時以爲得人惜其命運湮厄不得在掄鑿之地又元和以來詞翰兼奇者有柳柳州宗元劉尙書禹錫及楊公劉楊二人詞翰之外別精篇什又張司業籍善歌行李賀能爲新樂府當時言歌篇者宗此二人李相國程王僕射起白少傅居易兄弟張舍人仲素爲場中詞賦之最言程式者宗此五人伯仲昆弟以史筆繼業家藏書最多者蘇少常景澈堂弟尙書滌諸家無比而皆以清標雅範爲後來所重少卿登第

與堂兄特並時亦士林之美

楊僕射於陵在考功時與李師稷及第至其子相國嗣復知舉門生集候僕射而李公在座時人謂之楊家上下門生

李相國武都公知貢舉門生多清秀俊茂唐冲薛庠袁都輩時謂之玉筍

都堂南門東道有古槐垂陰至廣相傳夜深聞絲竹之音省中即有入相者俗謂之音聲樹祠部呼為冰廳言其清且冷也

筆一

四二

裴先德泊在中書有故人官亦不卑自遠相訪裴公給恤優厚從容款洽在其第無所不為乘間求京府判司裴公曰公誠佳士但此官與公不相當不敢以故人之私而曠朝廷綱紀他日有害眼宰相憐公者不妨卻得某必不可其執守如此嗚呼上不慎名器是以廝養待賢也下不慎名器是以嬰孩奉君而削弱朝廷也遂致猥濫訛弊流蕩可憂不知誰之咎也

裴晉公在中書左右忽白以印失所在聞之者莫

不失色度即命張筵舉樂人不曉其故竊怪之夜

半飲酣左右復白以印存焉度不答極歡而罷或問度以其故度曰此出於胥徒盜印書券耳緩之則存急之則沒諸水火不復更得之矣時人服其宏量臨事不撓

唐缺名玉泉子

唐相國李太尉德裕抑退浮薄獎拔孤寒于時朝貴朋黨掌武破之由是結怨而絕於附會門無賓客唯進士盧肇宜春人有奇才每謁見許脫衫從容舊例禮部放榜先稟朝廷恐有親屬言薦會昌

筆一

四二

三年王相國起知舉先白掌武乃曰某不薦人然奉賀今年榜中得一狀元也起未諭其旨復遣親吏於相門偵問吏曰相公於舉子中獨有盧肇久接從容起相曰果在此也其年盧肇為狀頭及第時論曰盧雖受知於掌武無妨主司之公道也

孫光憲北夢瑣言

沈詢侍郎清粹端美神仙中人也制除山北節旄京城誦曹唐游仙詩云玉詔新除沈侍即便分茅上領東方不知今夜游何處侍從皆騎白鳳凰即

風姿可知也蔣凝侍郎亦有人物每到朝士家人
以爲祥瑞號水月觀音前代潘安仁衛叔寶何以
加此唐末朝士中有人物者時號玉笋班
太傅致仕趙光逢仕唐及梁薨於天成中文學德
行風神秀異號曰玉界尺敷厯臺省入翰林御史
中丞梁時同平章事時以兩登廊廟四退邱園百
行五常不欺暗室縉紳仰之

吳縣潘世恩芝軒輯

韓魏公在相曾為畫錦堂記於歐公云仕宦至將相富貴歸故鄉韓公得之愛賞後數日歐復遣介別以本至云前有未是可換此本韓再三玩之無異前者但於仕宦富貴下各添一而字文義尤暢先子云前輩為文不易如此宋范公稱過庭錄宣和間景靈宮落成御製有詩用萊字韻應制者牽強不叶獨鄭達甫所作云殿上神光瞻舜禹壁

筆二

間俊氣識伊萊為冠絕諸臣矣

先子自許展省河南及境駐馬少憩村店頃有翁從家出注視先子問曰明公頤容上類丞相非其家子乎曰然翁不語入所居具冠帶出拜先子愕然不受翁曰某有欲言拜訖謂先子曰昔丞相尹洛某年四十二矣平生粗知守分畏法偶以意外爭鬪事至官得杖罪丞相晚坐吏引某褰裳行刑丞相見某容貌循謹膚體素完命至廡前問曰吾察爾非惡人膚體無傷而何為至此某以情告且

致欲自新之意丞相曰爾果能自悔乎某感泣應命即命罰放出非特某得為完人此鄉化之至今無鬪爭者

李克子美洛人家業賣餅好學不倦從程正叔游忠宣招館下隨仕五六年歸見正叔正叔曰子久從范何所聞見克曰范公與蘊妙用某固難測相從累年但見貴者見之忘其貴賤者見之忘其賤爾正叔首肯回謂門人曰李生非常才也二三子速往見之

筆二

崔豫忠宣長外孫也為長安縣尉為人自負厚於責物忠宣守洛崔以書求教忠宣答之其略曰我平生所學唯忠恕二字一生用不盡至立朝事君接待僚友未嘗頃刻離此又云人雖至愚責人則明雖有聰明恕己則昏爾曹但以責人之心責己恕己之心恕人不患不到聖賢地位也

雷德驤判大理寺因便殿奏事太祖方燕服見之因問曰古者以官奴婢賜臣下遂與本家姓其意安在德驤曰古人制貴賤之分使不可賣恐後世

譜牒不明有以奴主爲婚者太祖大喜曰卿深得古人立法意由是歎重久之自後每德驥奏事雖在燕處必御袍帶以見

宋魏泰東軒筆錄

太祖幸西都肆赦張文定公齊賢時以布衣獻策太祖召至便坐令面陳其事文定以手畫地條陳十策內四說稱旨文定堅執其六說皆善太祖怒令武士拽出及車駕還京語太宗曰我幸西都唯得一張齊賢耳我不欲爵之以官異時汝可收之使輔汝爲相也至太宗初卽位放進士榜決欲置

筆二

三

於高等而有司偶失掄選真第三甲之末太宗不悅及注官有旨一榜盡與京官通判文定釋褐將作監丞通判衡州十年果爲相

仁宗聖性仁恕尤惡深文獄官有失入人罪者終身不復進用至於仁民愛物孜孜唯恐不及一日晨興語近臣曰昨夕因不寐而甚饑思食燒羊侍臣曰何不降旨取索仁宗曰比聞禁中每有取索外面遂以爲例誠恐自此逐夜宰殺以備非時供應則歲月之久害物多矣豈可不忍一夕之餒而

啟無窮之殺也時左右皆呼萬歲至有感泣者

寇萊公始與丁晉公善嘗以丁之才薦於李文靖公沆屢矣而終未用一日萊公語文靖曰準屢言丁謂之才而相公終不用豈其才不足用耶抑鄙言不足聽耶文靖曰如斯人者才則才矣顧其爲人可使之在人上乎萊公曰如謂者相公終能抑之使在人下乎文靖笑曰他日後悔當思吾言也晚年與寇權寵相軋交至傾奪竟有海康之禍始伏文靖之識

筆二

四

鞠詠爲進士以文受知於王公化基及王公知杭州詠擢第釋褐爲大理評事知杭州仁和縣將之官先以書及所作詩寄王公以謝平昔獎進今復爲吏得以文字相樂之意王公不答及至任略不加禮課其職事甚急鞠大失望於是不復冀其相知而專修吏幹矣其後王公入爲參知政事首以詠薦人或問其故答曰鞠詠之才不患不達所憂者氣峻而驕我故抑之以成其德耳鞠聞之始以王公爲真相知也

張文定公齊賢以右拾遺爲江南轉運使一日家宴一奴竊銀器數事於懷中文定自簾下熟視不問爾後文定三爲宰相門下廝役往往皆得班行而此奴竟不霑祿奴乘間再拜而告曰某事相公最久凡後於某者皆得官矣相公獨遺某何也因泣下不止文定憫然語曰我欲不言爾乃怨我爾憶江南日盜吾銀器數事乎我懷之三十年不以告人雖爾亦不知也吾備位宰相進退百官志在激濁揚清安敢以盜賊薦耶念汝事我久今予汝

筆二

五

錢三百千汝其去吾門下自擇所安蓋吾旣發汝平昔之事汝宜有愧於吾而不可復留也奴震駭泣拜而去

錢文僖公惟演生貴家而文雅樂善出於天性晚年以使相畱守西京時通判謝絳掌書記尹洙畱府推官歐陽修皆一時文士遊宴吟詠未嘗不同洛下多水竹奇花凡園囿之勝無不到者有郭延卿者居水南少與張文定公呂文穆公游累舉不第以文行稱於鄉閭張呂相繼作相更薦之得職

官然延卿亦未嘗出仕葺幽亭藝花足迹不及城市至是年八十餘矣一日文僖率僚屬往游去其居一里外卽屏騎從腰輿張蓋而訪之不以告名氏洛下士族多過客衆延卿未始出蓋莫知其何人也但欣然相接道服對談而已數公疎爽闓朗天下之選延卿笑曰陋居罕有過從而平日所接之人亦無若數君者老夫甚愜願少畱對花小酌也於是陶樽果藪而進文僖愛其野逸爲引滿不辭旣而吏報申脾府史牙兵列庭中延卿徐曰公等何官而從吏之多也尹洙指而告曰畱守相公也延卿笑曰不圖相國肯顧野人遂相與大笑又曰尙能飲否文僖欣然從之又數盃延客之禮數盃盤無少加於前而談笑自若日入辭去延卿送之門顧曰老病不能造謝希勿訝也文僖登車茫然自失翊日語僚屬曰此真隱者也彼視富貴爲何等物耶歎息累日不止

筆二

六

呂許公夷簡爲郡守上言乞不稅農器眞宗知其可爲宰相記名殿壁後果正台席莊肅爲郡守上

言應天下疑獄並具事節奏取救裁仁宗知其有仁心後至龍圖閣直學士王安石爲翰林學士萊州阿芸謀殺夫以爲案問欲舉免所因之罪主上決意用爲輔相自莊肅之說進歷仁宗英宗神宗三朝之中凡有奏疑未始不免死案問之律行凡臨劾而首陳者皆得原減所謂仁人之言其利溥也

范文正公仲淹少貧悴依睢陽朱氏家常與一術者游會術者病篤使人呼文正而告曰吾善煉水

筆二

七

銀爲白金吾兒幼不足以付今以付子卽以其方與所成白金一筋封誌內文正懷中文正方辭避而術者已絕後十餘年文正爲諫官遇術者之子長呼而告之曰而父有神術昔之死也以汝尙幼故俾我收之今汝成立當以還汝出其方并白金授之封識宛然

御史有閹吏隸臺中四十餘年事二十餘中丞矣頗能道其事尤善評其優劣每聲諾之時以所執之挺待中丞之賢否中丞賢則橫其挺中丞不賢

則直其挺此語諠於縉紳凡爲中丞者唯恐其挺之直也范諷爲中丞聞望甚峻閹吏每聲諾必橫其挺一日范視事次閹吏報事范視之其挺直矣范大驚立召問曰爾挺忽直豈覩我之失耶吏初諱之苦問乃言曰昨日見中丞召客親諭庖人以造食中丞指揮者數四庖人去又呼之復丁寧教誠者又數四大凡役人者受以法而觀其成苟不如法有常刑矣何事喋喋之繁若使中丞宰天下之事不止一庖人之任皆欲如此喋喋不亦勞而

筆二

八

可厭乎某心鄙之不知其挺之直也范大笑慙謝明日視之挺復橫矣

仁宗時西戎方熾韓魏公琦爲經略招討副使欲五路進兵以襲平夏時范文正公仲淹守慶州堅持不可是時尹洙爲秦州通判兼經略判官一日將魏公命至慶州約范公以進兵范公曰我師新敗士卒氣沮當自謹守以觀其變豈可輕兵深入耶以今觀之但見敗形未見勝勢也洙歎曰公於此乃不及韓公也韓公嘗云大凡用兵當先置勝

敗於度外今公乃區區過慎此所以不及韓公也
范公曰大軍一動萬命所懸而乃置於度外仲淹
未見其可洙議不合遽還魏公遂舉兵入界既而
師次好水川元昊設覆全師陷沒大將任福死之
魏公遽還至半塗而亡卒父兄妻子號於馬首者
幾千人皆持故衣紙錢招魂而哭曰汝昔從招討
出征今招討歸而汝死矣汝之魂識亦能從招討
以歸乎既而哀慟聲震天地魏公不勝悲憤掩泣
駐馬不能前者數刻范公聞而歎曰當是時難置

筆二

九

勝敗於度外也

陳恭公初罷政判亳州年六十九遇生日親族徒
獻老人星圖以爲壽獨其姪世修獻范蠡游五湖
圖且贊曰賢哉陶朱霸越平吳名遂身退扁舟五
湖恭公甚喜即日表納節明年累表求退遂以司
徒致仕

有范延貴者爲殿直押兵過金陵張忠定公見爲
守因問曰天使沿路來還曾見好官員否延貴曰
昨過袁州萍鄉縣邑宰張希顏著作雖不識之

知其好官員也忠定曰何以言之延貴曰自入萍
鄉縣境驛傳橋道皆完葺田萊墾闢野無惰農及
至邑則屬肆無賭博市易不敢喧爭夜宿邸中聞
更鼓分明以是知其必善政也忠定大笑曰希顏
固善矣天使亦好官員也即日同薦於朝希顏後
爲發運使延貴亦閤門祗候皆號能吏也

范文正公在睢陽掌學有孫秀才者索遊上謁文
正贈錢十千明年孫生復道睢陽謁文正又贈十
千因問何爲汲汲於道路孫秀才戚然動色曰老

筆二

十

母無以養若日得百錢則甘旨足矣文正曰吾觀
子辭氣非乞客也二年僕僕所得幾何而廢學多
矣吾今補子爲學職月可得三千以供養子能安
於爲學乎孫生再拜大喜於是授以春秋而孫生
篤學不舍晝夜行復修謹文正甚愛之明年文正
去睢陽孫亦辭歸後十年聞泰山下有孫明復先
生以春秋教授學者道德高邁朝廷召至太學乃
昔日索遊孫秀才也文正嘆曰貧之爲累亦大矣
儻因循索米至老則雖人才如孫明復者猶將汨

沒而不見也

王沂公會青州發解及南省程試皆為首冠中山
劉子儀為翰林學士戲語之曰狀元試三場一生
喫著不盡沂公正色對曰曾平生之志不在温飽
宋子京博學能文章天資蘊藉好遊宴以矜持自
喜晚年知成都府帶唐書於本任刊修每宴罷盥
漱畢開寢門垂簾燃二椽燭媵婢夾侍和墨伸紙
遠近觀者皆知尚書修唐書矣望之如神仙焉
唐盧氏逸史載裴晉公夔郎中庚威同生於甲辰

筆二

十一

裴嘗戲威曰郎中乃雌甲辰也程文惠公與龐穎
公同生於戊子程已貴而龐尚為小官嘗戲龐曰
君乃小戊子耳後穎公大拜文惠致書賀曰今日
小戊子却為大戊子矣穎公笑之

李文正公昉深州饒陽人太祖在周朝已知其名
及卽位用以為相常語昉曰卿在先朝未嘗傾陷
一人可謂善人君子故太宗遇昉亦厚年老罷相
每曲宴必宣赴賜坐昉嘗獻詩曰微臣自愧頭如
雪也向鈞天侍玉皇昉詩務淺切效白樂天體晚

年與叅政李公至為唱和友而李公詩格亦相類
今世傳二李唱和集是也 宋吳處厚青箱雜記
世傳真宗任旦為相常倚以決事故歐陽少師撰
旦神道碑銘曰國有大事事有大疑匪卜匪筮公
為著龜公雖荷真宗眷委之重每慎密遠權以自
防故君臣之間略無纖隙可窺

張文定公齊賢洛陽人少時家貧父死無以葬有
河南縣史某甲為辦棺斂公深德之遂展兄事雖
貴不替後趙普密薦齊賢於太宗太宗未用普卽

筆二

十二

具列前事以為陛下若擢齊賢則齊賢他日感恩
過於此太宗大悅未幾擢齊賢為相

范文正公幼孤隨母適朱氏因冒朱姓名說後復
本姓以啓謝時宰曰志在投秦入境遂稱於張祿
名非霸越乘舟乃效於陶朱以范睢范蠡亦嘗改
姓名故也又偽蜀翰林學士范禹偁亦嘗冒張姓
謝啓云昔年上第誤標張祿之名今日故園復作
范睢之裔然不若文正公之精切

王禹偁老精四六有同時與之在翰林而大拜者

王以啓賀之曰三神山上曾陪鶴駕之游六學士中獨有漁翁之歎白樂天嘗有詩云元和六學士五相一漁翁故也

文之神妙莫過於詩賦見人之志非特詩也而賦亦可以見焉唐裴晉公作鑄劍戟爲農器賦云我皇帝嗣位三十載也寰海鏡清方隅砥平驅域中盡歸力穡示天下弗復用兵則平淮西一天下已見於此賦矣

筆二

十三

范文正公作金在鎔賦云儻令區別妍媸願爲軒鑑若使削平禍亂請就干將則公負將相器業文武全才亦見於此賦矣公又爲水車賦其末云方今聖人在上五日一風十日一雨則斯車也吾其不取意謂水車唯施於旱歲歲不早則無所施則公之用捨進退亦見於此賦矣蓋公在寶元康定間遇邊鄙震聳則驟加進擢及後晏靜則置而不用斯亦與水車何異

王沂公有物混成賦云不縮不盈賦象寧窮於廣狹匪離匪斲流形罔滯於盈虛則宰相陶鈞運用

之意已見於此賦矣又云得我之小者散而爲草木得我之大者聚而爲山川則宰相擇任羣材使小大各得其所又見於此賦矣

宋莒公兄弟平時分題課賦莒公多屈於子京及作鷺鳥不雙賦則子京去兄遠甚莒公遂擅場賦曰天地始肅我則振羽而獨來燕鳥焉知我則凌雲而自致又曰將翱將翔詎比海鷗之翼自南自北若專霜隼之誅則莒公之特立獨行魁多士登元宰亦見於此賦矣

筆二

十四

楊朴魏野皆咸平景德間隱士朴居鄭州魏野居陝皆號能詩朴性癖常騎驢往來鄭圃每欲作詩卽伏草中冥搜或得之則躍而出適遇之者無不驚真宗祀汾陰過鄭召朴欲命之官卽問卿來得毋以詩送行者乎朴揣知帝意謬云無有惟臣妻一篇覆誦之曰便休落鳧貪杯酒更莫猖狂愛做詩今日捉將官裏去這回斷送老頭皮帝大笑賜束帛遣還山野和易通俗人樂從之遊王魏公當國尤愛之野亦數相聞無間天禧末魏公屢求退

不許適野寄以詩曰人間宰相惟三載君在中書

四十年西祀東封俱已了好來平地作神仙

謹案青箱

雜記王文正公旦相真宗僅二十年時值四夷納款海內無事天書薦降祥瑞沓臻而大駕封岱祠

汾皆爲儀衛使扈蹕處士魏野獻詩曰太平宰相

年年出君在中書十四秋西祀東封俱已畢可能

來伴赤

魏公亟袖以聞遂得謝政

宋鄭景望蒙齋筆談

文潞公洛陽居第袁象先舊基屋雖不甚宏大晚

得其旁羨地數畝爲園號東田日挾家童數輩肩

輿與賓客姻戚共遊無虛時既罷遣聲妓取營籍

十餘人月賦以金每行必命之執事人以爲適然

時公年已高捨家居而適別館且未免平昔之好

則猶若有少勞者杜岐公謝政不造宅假官舍迴

車院居之積十年薨於其中余守宋時嘗往觀湫

隘與編民不遠耆老猶指廢屋三間爲公之書室

公未嘗出亦不甚飲酒客至粟飯一盂雜以餅餌

他品不過兩種無客卽靜坐不聞人聲有矚之者

或賦詩作草書未嘗不滿也一等貴人奢儉所享

雖各適其性然亦必自有賦之者如潞公出入將

相窮極奉養而能安於約如此固自不可及若岐

筆二

十五

公則尤人之所難然此但以俗人論爾稍知道者

則何有於是潞公必不以其約自矜岐公必不以

其廉自異晉人記有比王逸少蘭亭於金谷而逸

少喜者彼自道其所知恐未嘗夢見逸少也

李文饒平泉草木記云以吾平泉一草一木與人

者非吾子孫也歐陽永叔嘗笑之余謂文饒之惑

何止平泉草木而已哉後讀五代史至張全義監

軍與其孫延古爭醒酒石事全義殺之延古可謂

克家之子矣然以與監軍則違其戒守其戒則或

筆二

十六

因之以至於殺身一石亦何足言使文饒而先悟

此豈直無以累後人亦當自免其身矣好石良是

一癖古今文士每見於詩詠者未必真好也其好

者正自不能解余紹聖間春試下第歸道靈璧縣

世以爲出奇石余時病卧舟中行橐蕭然聞茶肆

多有求售公私未乏貴亦不甚重亟得其一長四

尺許價當八百取之以歸探所有僅得七百錢假

之同舍而足不覺病頓愈夜抱之以眠知余之好

石不特其言也自此行壑剝剔巖洞與藏於土中

者愈得愈奇今巖洞殆十餘處而奇石林立左右不可以數計心猶愛之不已豈非余之癖哉賴晚粗知道文饒之病則無復有客欲得者皆聽其自取以去未嘗較嘗戲謂兒輩云此不但吾無所累汝亦可以免矣天下事何嘗不類爾每以文饒之言觀之世間安得更有一物也

司馬溫公曰茶墨正相反茶欲白墨欲黑茶欲新

墨欲陳茶欲重墨欲輕如君子小人不同

謹案東坡志林

溫公曰茶與墨正相反予曰二物之質誠然矣然亦有同者公曰何謂予曰奇茶妙墨皆香是其德

筆二

七

同也皆堅是其操同也譬如賢人君子妍醜黜至哲之不同其德操蘊藏實無以異公笑以為是

如喜乾而惡溼襲之以囊水之以色皆君子所好

宋張舜民畫墁錄

玩則同也
太祖少親戎事性樂藝文即位未幾召山人郭無為於崇政殿說書至今講官銜謂之崇政殿說書云

太祖朝進講為難每遇疑義必面加詰難往反久之爾後累朝但端默諦聽得有商確仁宗尤所耽味日昃不倦每及祖宗彙訓及二典政實必拱手

上加肅敬

熙寧以前凡郊祀大駕還內至朱雀門外忽有綠衣人出道蹣跚潦倒如醉狀乘輿為之少抵謂之天子避酒客及門兩扇遽闔門內抗聲曰從南來者是何人門外應曰是趙家第幾朝天子又曰是也不是應曰是開門乘輿乃進謂之勘箭此近司門符節之制然蹈襲鄙俗至是果命罷之

筆二

十八

之梅聖俞以為碧玉在潁州時嘗以示僚屬坐有兵馬鈴轄鄧保吉者真宗朝老內臣也識之曰此寶器也謂之翡翠寶物皆藏宜春庫有翡翠琰一雙所以識也其後偶以金環於罍腹信手磨之金屑紛紛而落如硯中磨墨始知翡翠之能屑金也諸藥中犀最難細搗必先鏟屑乃入眾藥中已而眾藥篩盡犀屑猶存偶見一醫僧元達者解犀為小塊子方一寸半許以極薄紙裹置懷中近肉以人氣蒸之候氣薰蒸浹洽乘熱投臼中急搗應手

如粉因知人氣之能粉犀也今醫工冀有知者

宋張

世南游
宦紀聞

陳文忠公堯叟字唐夫端拱二年狀元及第文惠公堯佐字希元端拱二年舉進士第十六人康肅公堯咨字嘉謀咸平三年狀元及第三人皆秦國公省華之子也方仲弟希元登第之明年賜緋與父省華同日改秘書丞故唐夫有啓事云蟾桂驪珠連歲有弟兄之美魚章象簡同時聯父子之榮吾鄉三洪皆忠宣公皓之子也兄弟連中詞科紹

筆二

十九

興十三年忠宣以徽猷學士直翰苑紹興二十九年其仲子文安公遵始入西省隆興二年文惠公適繼之乾道二年文敏公邁又繼之相距首尾二十二年故景廬有謝表云父子相承四上巒坡之直弟兄在望三陪鳳閣之游二事實爲本朝儒林榮觀之盛

沙隨先生嘗蓄一歛硯後有蔡忠惠題詩曰玉質純蒼理綴精鋒鉞都盡墨無聲相如聞道還持去肯要秦人十五城後以送汪書季路又汪書寓三

衢以五千得一硯後刻東坡銘曰東坡硯龍尾石開鵝卵見蒼壁與居士同出入更寒暑就燥溼今何者獨先逸同叅寥老空寂二硯皆佳物也

學士院玉堂太宗皇帝會親幸至今唯學士上日許正坐他日皆不敢獨坐故事堂中設視草臺每草制則具衣冠據臺而坐今不復如此但存空臺而已玉堂東承旨閣子窗格上有火燃處太宗嘗夜幸玉堂蘇易簡爲學士已寢遽起無燭具衣冠官嬪自窗格引燭入照之至今不欲更易以爲玉

筆二

三

堂一盛事

宋沈括夢溪筆談

景德中河北用兵車駕欲幸澶淵中外之論不一獨寇忠愍贊成上意乘輿方渡河虜騎充斥至於城下人情恟恟上使人微覘準所爲而準方酣寢於中書鼻息如雷人以其一時鎮物比之謝安鄭毅夫自負時名國子監以第五人送意甚不平謝主司啓事有李廣事業自謂無雙杜牧文章止得第五之句又云騏驥已老甘駑馬以先之巨鰲不靈因頑石之在上主司深銜之他日廷策主司

復爲考官必欲黜落以報其不遜有試業似解者
枉遭斥逐旣而發考卷則解乃第一人及第又嘉
祐中士人劉幾累爲國學第一人驟爲怪嶮之語
學者翕然效之遂成風俗歐陽公深惡之會公主
文決意痛懲凡爲新文者一切棄黜時體爲之一
變歐陽之功也有一舉人論曰天地軋萬物茁聖
人發公曰此必劉幾也戲續之曰秀才刺試官刷
乃以大朱筆橫抹之自首至尾謂之紅勒帛判大
紕繆字榜之旣而果幾也復數年公爲御試考官

筆二

三

而幾在庭公曰除惡務本今必痛斥輕薄子以除
文章之害有一士人論曰主上收精藏明於冕旒
之下公曰吾已得劉幾矣旣黜乃吳人蕭稷也是
時試堯舜性之賦有曰故得靜而延年獨高五帝
之壽動而有勇形爲四罪之誅公大稱賞擢爲第
一人及唱名乃劉輝人有識之者曰此劉幾也易
名矣公愕然久之因欲成就其名小賦有內積安
行之德蓋稟於天公以謂積近於學改爲蘊人莫
不以公爲知言

古人謂貴人多知人以其閱人物多也張鄧公爲
殿中丞一見王東城遂厚遇之語必移時王公素
所厚唯楊大年公有一茶囊唯大年至則取茶囊
具茶他客莫與也公之子弟但聞取茶囊則知大
年至一日公命取茶囊羣弟子皆出窺大年及至
乃鄧公也一日公復取茶囊又往窺之亦鄧公也
子弟乃問公張殿中者何人公待之如此公曰張
有貴人法不十年當據吾座後果如其言又文潞
公爲太常博士通判兗州回謁呂許公公一見器

筆二

三

之間潞公太博曾在東魯必當別墨令取一丸墨
瀕階磨之揖潞公就觀此墨何如乃是欲從後相
其背旣而密語潞公曰異日必大貴達卽日擢爲
監察御史不十年入相潞公自慶厯八年登相至
七十九歲以太師致仕凡帶平章事三十七年未
嘗改易名位隆重福壽康寧近世未有其比
王文正太尉局量寬厚未嘗見其怒飲食有不精
潔者但不食而已家人欲試其量以少埃墨投羹
中公唯啖飯而已問其何以不食羹曰我偶不喜

肉一日又墨其飯公視之曰吾今日不喜飯可具
粥其子弟愬於公曰庖肉爲養人所私食肉不飽
乞治之公曰汝輩人料肉幾何曰一斤今但得半
斤羹半爲養人所瘦公曰盡一斤可得飽乎曰盡
一斤固當飽曰此後人料一斤半可也其不發人
過皆類此嘗宅門壞主者徹屋新之暫於廊廡下
啓一門以出入公至側門低據鞍俯伏而過都不
問畢復行正門亦不問有控馬卒歲滿辭公公問
汝控馬幾時曰五年矣公曰吾不省有汝旣去復

筆二

三

呼回曰汝乃某人乎於是厚贈之乃是逐日控馬
但見背未嘗視其面因去見其背方省也
王文正太尉氣羸多病真宗面賜藥酒一注瓶令
空腹飲之可以 and 氣血辟外邪文正飲之大覺安
健因對稱謝上曰此蘇合香酒也每一斗酒以蘇
合香丸一兩同煮極能調五臟却腹中諸疾每冒
寒風興則飲一盃因各出數盃賜近臣自此臣庶
之家皆做爲之蘇合香丸盛行於時此方本出廣
濟方謂之白朮丸後人亦編入千金外臺治疾有

殊效予於良方敘之甚詳然昔人未知用之錢文
信公集篋中方蘇合香丸注云此藥本出禁中祥
符中嘗賜近臣卽謂此也

孫之翰人嘗與一研直三十千孫曰硯有何異而
如此之價也客曰硯以石潤爲貴此石呵之則水
流孫曰一日呵得一擔水纔直三錢買此何用竟
不受

筆二

四

趙閣道爲成都轉運使出行部內唯攜一琴一龜
坐則看龜鼓琴嘗過青城山遇雪舍於逆旅逆旅
之人不知其使者也或慢狎之公頽然鼓琴不問
真宗皇帝時向文簡拜右僕射麻下日李昌武爲
翰林學士當對上謂之曰朕自卽位以來未嘗除
僕射今日以命敏中此殊命也敏中應甚喜對曰
臣今自早候對亦未知宣麻不知敏中何如上日
敏中門下今日賀客必多卿往觀之明日却對來
勿言朕意也昌武侯丞相歸乃往見丞相相謝問曰
聞降麻士大夫莫不歡慰朝野相慶公但唯唯又
曰自上卽位未嘗除端揆此非常之命自非勲德

01281 0016

隆重眷倚殊越何以至此公復唯唯終未測其意
又歷陳前世爲僕射者勲勞德業之盛禮命之重
公亦唯唯卒無一言既退復使人至庖厨中問今
日有無親戚賓客飲食宴會亦寂無一人明日再
對上問昨日見敏中否對曰見之敏中之意何如
乃具以所見對上笑曰向敏中大耐官職

晏元獻公爲童子時張文節薦之於朝廷召至闕
下適值御試進士便令公就試公一見試題曰臣
十日前已作此賦有賦草尙在乞別命題上極愛

筆二

三五

其不隱及爲館職時天下無事許臣寮擇勝燕飲
當時侍從文館士大夫爲燕集以至市樓酒肆往
往皆供張爲遊息之地公是時貧甚不能出獨家
居與昆弟講習一日選東宮官忽自中批除晏殊
執政莫諭所因次日進覆上諭之曰近聞館閣臣
寮無不嬉遊燕賞彌日繼夕唯殊杜門與兄弟讀
書如此謹厚正可爲東宮官公既受命得對上面
諭除授之意公語言質野則曰臣非不樂燕遊者
直以貧無可爲之臣若有錢亦須往但無錢不能

出耳上益嘉其誠實知事君體眷注日深仁宗朝
卒至大用

蔣堂侍郎爲淮南轉運使日屬縣例致賀冬至書
皆投書卽還有一縣令使人獨不肯去須責回書
左右諭之皆不聽以至呵逐亦不去曰寧得罪不
得書不敢回邑時蘇子美在坐頗駭怪曰阜隸如
此野狠其令可知蔣曰不然令必健者能使人不
敢慢其命令如此乃爲一簡答之方去子美歸吳
中月餘得蔣書曰縣令果健者遂爲之延譽後卒

筆二

三六

爲名臣或云天章閣待制杜杞也

林逋隱居杭州孤山常畜兩鶴縱之則飛入雲霄
盤旋久之復入籠中逋常汎小艇遊西湖諸寺有
客至逋所居則一童子出應門延客坐爲開籠縱
鶴良久逋必棹小船而歸蓋常以鶴飛爲驗也
慶歷中有近侍犯法罪不至死執政以其情重請
殺之范希文獨無言退而謂同列曰諸公勸人主
法外殺近臣一時雖快意不宜教手滑諸公默然
皇祐二年吳中大饑殍殣枕路是時范文正領浙

西發粟乃募民存餉爲術甚備吳人喜競渡好爲佛事希文乃縱民競渡太守日出宴於湖上自春至夏居民空巷出遊又召諸佛寺主首論之曰饑歲工價至賤可以大興土木之役於是諸寺工作鼎興又新敖倉吏舍日役千夫監司奏劾杭州不恤荒政嬉遊不節及公私興造傷耗民力文正乃自條叙所以宴遊及興造皆欲以發有餘之財以惠貧者貿易飲食工技服力之人仰食於公私者月無慮數萬人荒政之施莫此爲大是歲兩浙唯

筆二

三

杭州晏然民不流徙皆公之惠也歲饑發司農之粟募民興利近歲遂著爲令旣已恤饑因之以成就民利此先王之美澤也

狄青爲樞密副使宣撫廣西時儂智高守崑崙關青至賓州值上元令節大張燈燭首夜燕將佐次夜燕從軍官三夜饗軍校首夜樂飲徹曉次夜二鼓時青忽稱疾暫起如內久之使人諭孫元規令暫主行酒少服藥乃出數使人勤勞座客至曉各未敢退忽有馳報者云是夜三鼓青奪崑崙矣

曹南院知鎮戎軍日嘗出戰小捷虜兵引去瑋值虜兵去已遠乃驅所掠牛羊輜重緩驅而還頗失部伍其下憂之言於瑋言牛羊無用徒糜軍不若棄之整衆而歸瑋不答使人候虜兵去數十里聞瑋利牛羊而師不整遽襲之瑋愈緩行得地利處乃止以待之虜軍將至迎使人謂之曰蕃軍遠來必甚疲我不欲乘人之怠請休憩士馬少選決戰虜方苦疲甚皆忻然嚴軍歇良久瑋又使人諭之歇定可相馳矣於是各鼓軍而進一戰大破虜師

筆二

三

遂棄牛羊而還徐謂其下曰吾知虜已疲故爲貪利以誘之比其復來幾行百里矣若乘銳便戰猶有勝負遠行之人若小憩則足痺不能立人氣亦闕吾以此取之

狄青戍涇原日嘗與虜戰大勝追奔數里虜忽塞遏山路知其前必遇險士卒皆奮擊青遽鳴鉦止之虜得引去驗其處果臨深澗將佐皆悔不擊青獨曰不然奔亡之虜忽止而拒我安知非謀軍已大勝殘寇不足利得之無所加重萬一落其術中

存亡不可知寧悔不擊不可悔不止青後平嶺寇賊帥儂智高兵敗奔邕州其下皆欲窮其窟穴青亦不從以爲趨利乘危入不測之域非大將事智高因而獲免天下皆罪青不入邕州脫智高於垂死然青之用兵主勝而已不求奇功故未嘗大敗計功最多卒爲名將譬如弈碁已勝敵可止矣然猶攻擊不已往往大敗此青之所戒也臨利而能戒乃青之過人處也

筆二

元

術漸密觀古人諧聲有不可解者如玖字有字多與李字協用慶字正字多與章字平字協用如詩或羣或友以燕天子彼留之子貽我佩玖投我以木李報之以瓊玖終三十里十千維耦自今而後歲其有君子有穀貽孫子陟降左右令聞不已膳夫左右無不能止魚麗於罍鯉君子有酒旨且有如此極多又如孝孫有慶萬壽無疆黍稷稻粱農夫之慶唯其有章矣是以有慶矣則篤其慶載錫之光我田旣臧農夫之慶萬舞洋洋孝孫有慶

易曰西南得朋乃與類行東北喪朋乃終有慶積善之家必有餘慶積不善之家必有餘殃班固東都賦彰皇德兮侔周成永延長兮膺天慶如此亦多今廣韻中慶一音卿然如詩之未見君子憂心忼忼旣見君子庶幾式臧誰秉國成卒勞百姓我王不寧覆怨其正亦是忼正與寧平協用不止慶而已恐別有理也

筆二

三

文潞公歸洛日年七十八同時有中散大夫程昞朝議大夫司馬且司封郎中致仕席汝言皆年七十八嘗爲同甲會各賦詩一首潞公詩曰四人三百十二歲况是同生丙午年招得梁園爲賦客合成商嶺採芝仙清譚疊疊風盈席素髮飄飄雪滿肩此會從來誠未有洛中應作畫圖傳書畫之妙當以神會難可以形器求也世觀畫者多能指摘其間形象位置彩色瑕疵而已至於奧理冥造者罕見其人如彥遠畫評言王維畫物多不問四時如畫花往往以桃杏芙蓉蓮花同畫一景子家所藏摩詰畫袁安卧雪圖有雪中芭蕉此

乃得心應手意到便成故其理入神迥得天意此
難可與俗人論也謝赫云衛協之畫雖不該備形
妙而有氣韻陵跨羣雄曠代絕筆又歐文忠盤車
圖詩云古畫畫意不畫形古詩詠物無隱情忘形
得意知者寡不若見詩如見畫此真爲識者
王仲至閱吾家畫最愛王維畫黃梅出山圖蓋其
所圖黃梅曹溪二人氣韻神檢皆如其爲人讀二
人事跡還觀所畫可以想見其人

度支員外郎宋廸工畫尤善爲平遠山水其得意

筆上

三

者有平沙鴈落遠浦帆歸山市晴嵐江天暮雪洞
庭秋月瀟湘夜雨烟寺晚鐘漁村落照謂之八景
好事者多傳之往歲小窰村陳用之善畫迪見其
畫山水謂用之曰汝畫信工但少天趣用之深伏
其言曰常患其不及古人者正在於此迪曰此不
難耳汝先當求一敗牆張絹素訖倚之敗牆之上
朝夕觀之觀之既久隔素見敗牆之上高平曲折
皆成山水之象心存目想高者爲山下者爲水坎
者爲谷缺者爲澗顯者爲近晦者爲遠神領意造

恍然見其有人禽草木飛動往來之象了然在目
則隨意命筆默以神會自然境皆天就不類人爲
是謂活筆用之自此畫格得進

江南徐鉉善小篆映日視之畫之中心有一縷濃
墨正當其中至於屈折處亦當中無有偏側處乃
筆鋒直下不倒側故鋒常在畫中此用筆之法也
鉉嘗自謂吾晚年始得扁匾之法凡小篆喜瘦而
長扁匾之法非老筆不能也

王羲之書舊傳唯樂毅論乃羲之親書於石其他

筆二

三

皆紙素所傳唐太宗哀聚二王墨跡唯樂毅論石
本其後隨太宗入昭陵朱梁時耀州節度使溫韜
發昭陵得之復傳人間或曰公主以僞本易之元
不曾入壙本朝入高紳學士家皇祐中紳之子高
安世爲錢塘主簿樂毅論在其家子嘗見之時石
已破缺末後獨有一海字者是也其家後十餘年
安世在蘇州石已破爲數片以鐵束之後安世死
石不知所在或云蘇州一富家得之亦不復見今
傳樂毅論皆摹本也筆畫無復昔之清勁羲之小

楷字於此殆絕遺教經之類皆非其比也

江南中主時有北苑使董源善畫尤工秋嵐遠景多寫江南真山不爲奇峭之筆其後建業僧巨然祖述源法皆臻妙理大體源及巨然畫筆皆宜遠觀其用筆甚草草近視之幾不類物象遠觀則景物粲然幽情遠思如覩異境如源畫落照圖近視無功遠觀村落杳然深遠悉是晚景遠峯之頂宛有反照之色此妙處也

古人以散筆作隸書謂之散隸近歲蔡君謨又以

筆二

三

散筆作草書謂之散草或曰飛草其法皆生於飛白亦自成一家

梅詢爲翰林學士一日書詔頗多屬思甚苦操觚循階而行忽見一老卒卧於日中欠伸甚適梅忽嘆曰暢哉徐問之曰汝識字乎曰不識字梅曰更快活也

陳文忠堯叟爲樞密一日日欲沒時忽有中人宣召既入右掖已昏黑遂引入禁中屈曲行甚久時見有簾幃燈燭皆莫知何處已而到一小殿前有

兩花檻已有數人先至皆立延中殿上垂簾蠟燭十餘炬而已相繼而至者凡七人中使乃奏班齊唯記文忠丁謂杜鎬三人其四人忘之杜鎬時尙爲館職良久乘輿自宮中出燈燭亦不過數十而已宴具甚盛卷簾令不拜升殿就坐御座設於席東設文忠之坐於席西如常人賓上之位堯叟等皆惶恐不敢就位上宣諭不已堯叟懇陳自古未有君臣齊列之禮至於再三上作色曰本爲天下太平朝廷無事思與卿等共樂之若如此何如就

筆二

三

外朝開宴今日只是宮中供辦未嘗命有司亦不召中書輔臣以卿等機密及文館職任侍臣無嫌且欲促坐語笑不須多辭堯叟等皆趨下稱謝上急止之曰此等禮數且皆置之堯叟悚慄危坐上語笑極歡酒五六行膳具中各出兩絳囊置羣臣之前皆大珠也上曰時和歲豐中外康富恨不得與卿等日夕相會太平難遇此物助卿等燕集之費羣臣欲起謝上云且坐更有如是酒三行皆有所賜悉良金重寶酒罷已四鼓時人謂之天子請

客文忠之子述古得於文忠頗能道其詳此畧記
其一二耳

范文正言史稱諸葛亮能用度外人用人者莫
不欲盡天下之才常患近己之好惡而不自知也
能用度外人然後能周大事

熙寧三年召對翰林學士承旨王禹玉於內東門
小殿夜深賜銀臺燭雙引歸院補筆談

梓榆南人謂之樸齊魯間人謂之駁馬駁馬卽梓
榆也南人謂之樸樸亦言駁也但聲之訛耳詩隰

筆二

五

有六駁是也陸璣毛詩疏檀木皮似繫迷又似駁
馬蓋三木相似也今梓榆皮似檀以其斑駁似馬
之駁者今解詩用爾雅之說以爲獸鋸牙食虎豹
恐非也獸動物豈常止於隰者又與苞櫟苞棗樹
槎非類直是當時梓榆耳

有一朝士與王沂公有舊欲得齊州沂公曰齊州
已差人乃與廬州不就曰齊州地望卑於廬州但
於私便耳相公不使一物失所改易前命當亦不
難公正色曰不使一物失所惟是均平若奪一與

一此一物不失所則彼一物必失所其人慚沮而
退

祥符中禁中火時丁晉公主營復宮室患取土遠
公乃令鑿通衢取土不日皆成巨塹乃決汴水入
塹中引諸道竹木排筏及船運雜材盡自塹中入
至宮門事畢却以斥棄瓦礫灰壤實於塹中復爲
街衢一舉而三役濟計省費以億萬計

筆二

五

蕊間之當時揚州芍藥未有此一品今謂之金纏
腰者是也公異之開一會欲招四客以賞之以應
四花之瑞時王岐公爲大理寺評事通判王荆公
爲大理評事僉判皆召之尙少一客以州鈐轄諸
司使忘其名官最長遂取以充數明日早衙鈐轄
者申狀暴泄不至尙少一客命取過客歷求一朝
官足之過客中無朝官唯有陳秀公時爲大理寺
丞遂命同會至中筵剪四花四客各簪一枝甚爲
盛集後三十年間四人皆爲宰相謹案清波雜志
紅藥而黃腰號

金帶圍初無種有時而出則城中當有幸相

寇忠愍拜相白麻楊大年之詞其間四句曰能斷大事不拘小節有干將之器不露鋒銜懷照物之明而能包納寇得之甚喜曰正得我胷中事例外別贈白金百兩

王荆公書清勁峭拔飄飄不凡世謂之橫風疾雨黃魯直謂學王濛米元章謂學楊凝式以余觀之乃天然如此

宋張邦基墨莊漫錄

香泛釣筒萍雨夜綠搖花塢柳風春舒直信道詩

筆二

三

也信道清才而詩刻削有如此者又有云空外水光風動月暗中花氣雪藏梅又云宿雨閣雲千嶂碧野花弄日一村香萬壑水澄知月白千林霜重見松高皆警句也

杜子美元都壇歌云子規夜啼山竹裂王母晝下雲旗翻說者多不曉王母或以爲瑤池之金母也中官陳彥和言頃在宣和間掌禽苑四方所貢珍禽不可殫舉蜀中貢一種鳥狀如燕色紺翠尾甚多而長飛則尾開裊裊如兩旗名曰王母則子美

所言乃此禽也蓋遐方異種人罕識者子規夜啼山竹裂言其聲清越如竹裂也

宿州靈璧縣張氏蘭皋園一石甚奇所謂小蓬萊也蘓子瞻愛之題其上曰東坡居士醉中觀此灑然而醒子瞻之意蓋取李德裕平泉莊有醒醉石醉則踞之乃醒也蔣穎叔過見之復題曰荆溪居士暑中觀此爽然而涼吳右司師禮安中爲宿守題其後云紫溪翁大暑醉中讀二題一笑而去張氏皆刻之其石後歸禁中

筆二

三

崇寧三年邦基伯父文簡公賓老自翰苑拜左丞而伯父倪老後除內相宣和八年文粹中自翰苑拜右丞而其季虛中除內相皆兄弟相代於北扉亦盛事也

仁宗嘗問孝肅包公拯歷代編戶多少之數公悉考以對謂三代雖盛其戶莫得而詳前漢元始二年人戶千二百二十三萬三千後漢光武兵革之後戶四百二十七萬六百三十永壽三年增至一千六十七萬九百六十三國鼎峙版籍歲減才百

四十餘萬晉武帝平吳之後戶二百四十五萬九千八百南北朝少者不盈百萬多者不過三倍隋文帝謹案當作煬帝大業二年戶八百九十萬七千五百三十六唐初戶不滿二百萬高宗永徽元年增至三百八十萬明皇天寶十三年只及九百六萬九千一百五十四自安史之亂乾元已後僅滿一百二萬武宗會昌中增至四百九十五萬五千一百五十一降及五代四方竊據大約各有數十萬太祖建隆之初有戶九十六萬七千三百五十三開

筆二

三九

寶九年漸加至三百九萬五百四戶太宗至道二年增至四百五十一萬四千二百五十七眞宗天禧五年又增至八百六十七萬七千六百七十七陛下御宇以來天聖七年戶一千一十六萬二千六百八十九慶歷二年增至一千三十萬七千六百四十八年又增至一千九十萬四千四百三十四拯以爲自三代以降跨唐越漢未有若今之盛者拯又言蚩蚩之生聚蕃息衰耗一出於時政之所關明主知其然也必薄賦斂寬力役救荒歉三

者不失然後幼有所養老有所終此乃陛下日慎一日以致其盛遂與之休養則可封之俗不祗二帝之盛矣宣和乙巳十二月四日夜讀公奏錄節出嗚呼盛德之語哉

崇寧中初興書畫學米芾元章方爲太常博士奉詔以黃庭小楷作千文以獻繼以所藏法書名畫來上賜白金十八笏是時禁中萃前代筆蹟號宣和御覽宸翰序之詔丞相蔡京跋尾芾亦被旨預觀已而出知無爲軍復召爲書學博士便殿賜詢

筆二

四

逮移晷因上其子友仁楚山清曉圖旣退賜御書畫扇各二遂除春官外郎人以爲榮十八笏蓋戲之耳

洛中花工宣和中以藥壅培於白牡丹如玉千葉一百五玉樓春等根下次年花作淺碧色號歐家碧歲貢禁府價在姚黃上嘗賜近臣外廷所未識也

歐陽文忠公與韓子華吳長文王禹玉同直玉堂嘗約五十八歲卽致仕子華書于柱上其後過限

七年方踐前志作詩寄子華曰俗諺云也賣弄得
過裏其詩曰人事從來無處定世途多故踐言難
誰知潁水閒居士十頃西湖一釣竿

元祐六年七夕東坡時知揚州與發運使晁端彥
吳倅晁無咎大明寺汲塔院西廊井與下院蜀井
二水校其高下以塔院水爲勝

蔡肇天啓久官京師日有藪澤之思常于尺素作
平岡老木極有清思因授李伯時令于餘地加遠
水歸鴈作扁舟以載天啓及題小詩曰鴻鴈歸時

畫二

四

水拍天平岡老木尙寒烟付君餘地安漁艇乞我
寒江聽雨眠伯時嬾不能竟他日王漁之彥舟取
去以示宗子令戩卽取筆點染如詩中意天啓見
之愛其佳後天啓汎舟宿橫塘遇雨閉蓬而卧夜
分不寢聞歸鴈聲因復爲詩云平野風烟入夢思
殷勤作畫更題詩扁舟卧聽橫塘雨恰遇江南歸
鴈時此畫後入貴家子嘗見之渺然有江湖之思
裴鉶傳奇載成都古仙人吳彩鸞善書小字嘗書
唐韻鬻之今蜀中導江迎祥院經藏世稱藏中佛

本行經六十卷乃彩鸞所書亦異物也今世間所
傳唐韻猶有旋風葉字畫清勁人家往往有之
王禹玉丞相寄程公闕詩云舞急錦腰迎十八酒
酣玉觥照東西樂府六么曲有花十八古有玉東
西杯其對甚新也

東北冬月寒甚夜氣塞空如霧著於林木凝結如
珠玉旦起視之眞薄雪也見峴乃消釋因風飄落
齊魯人謂之霧淞諺云霧淞重霧淞窮漢置飯糞
蓋歲稔之兆也曾子固之齊州有冬夜詩云香清

畫二

四

一榻氍毹暖月淡千門霧淞寒又有霧淞詩云園
林初日靜無風霧淞開花處處同記得集英深殿
裏舞人齊插玉籠鬆蓋謂是也東坡在定武送曹
仲錫詩亦云斷蓬飛葉落黃沙祇有千林鬢鬆花
應謂王孫朝上國珠幢玉節與排衙亦謂此也霧
淞音夢送鬢鬆皆同音

東坡自僑耳北歸臨行以詩留別黎子雲秀才云
我本僑州人寄生西蜀州忽然跨海上譬如事遠
遊平生生死夢三者無劣優知見不再見欲去且

少留後批云新釀甚佳求一具理臨行寫此以折
菜錢宣和中予在京相藍見南州一士人携此帖
來粗厚楮紙行書塗抹一二字類顏魯公祭姪文
甚奇偉也具理南荒人餅罌

文潞公丞相出鎮西京詔於瓊林苑燕餞從列皆
預賦詩送行王禹玉爲內相詩云都門秋色滿旌
旗祖帳容陪醉御卮功業迴高嘉祐末精神如破
貝州時匣中寶劍騰霜鏑海上仙桃壓露枝昨日
更聞褒詔下別刊名姓入周彝白居易獻裴度丞

筆二

四三

相詩云聞說風情筋力在只如初破蔡州時禹玉
用此事也

金釵雙捧玉纖纖星宿光芒動滿匳解笑詩人誇
博物祇知紅果味酸甜曾子固荔枝詩也白樂天
荔枝詩曰津液甘酸如醴酪杜子美詩云紅顆甜
酸祇自知故前詩譏二公也政和初閩中貢連株
者移植禁中次年結實不減土出道君御製詩云
玉液乍凝仙掌露絳紗初脫水晶丸蓋體物之工
矣時羣臣皆應制焉

郭熙河陽温縣人以畫得名其子思後登科熙喜
甚乃於縣庠宣聖殿內圖山水窠石四壁雄偉清
潤妙絕一時自云平生所得極意於此筆矣熙能
爲遠景意趣益新畧不相雜亦名手也貴人家收
熙一景山水二十四幅掛高堂上森然若在林壑
間未易得也思後爲待制乃重資以收父畫欲晦
其迹也

筆二

四四

文潞公爲相日赴祕書省曝書宴令堂吏視閣下
芸草乃公往守蜀日以此草寄植館中也因問蠹
出何書一坐默然蘇子容對以魚豢典畧公喜甚
卽借以歸

荆公退居鍾山常獨遊山寺有人擁數卒按膝據
牀而坐驕氣滿容慢罵左右爲之辟易公問爲誰
僧云押綱張殿侍也公卽索筆題一詩於扉云口
銜天憲手持鈞已是龍墀第一人回首三千大千
界此身猶是一微塵

李端叔云樂毅論高紳爲湖北轉運使道中聞砧
聲清遠因視之乃樂毅論石刻覆於下也而已斷

裂矣遂載歸完理緝綴積以木箱所可辨者如此
故世之傳布皆止於海字則其碎而不可緝者良
可惜也端叔之說如是子又嘗見一本在章申公
家聞今尚存是唐人臨本不知卽高紳所得者否
或別本也

七言絕句唐人之作往往皆妙頃時王荆公多喜
爲之極爲清婉無以加焉近人亦多佳句其可喜
者不可槩舉子每愛俞紫芝秀老歲杪山中云石
亂雲深客到稀鶴和殘雪在高枝小軒日午貪濃

筆二

四五

睡門外春風過不知舒亶信道村居云水遠陂田
竹遠籬榆錢落盡槿花稀夕陽牛背無人卧帶得
寒鴉兩兩歸崔鷗德符秋日卽事云秋草門前已
沒靴更無人過野人家離離疎竹時聞雨淡淡輕
煙不隔花又黃州道中云莫愁微雨落輕雲十里
長亭未墊巾流水小橋山下路馬頭無處不逢春
劉次莊中叟桃花云桃花雨過碎紅飛半逐溪流
半染泥何處飛來雙燕子一時銜在畫梁西僧如
壁德操偶成云松下柴門久不開只有蝴蝶雙飛

來密蜂兩脾大如蠶應是山前花又開吳可思道
病酒云無聊病酒對殘春簾幙重重更掩門惡雨
斜風花落盡小樓人下欲黃昏又春霽云南國春
光一半歸杏花零落淡胭脂新晴院宇寒猶在曉
絮欺風不肯飛趙士揆才孺登天清閣云夕陽低
盡已西紅百尺樓高萬里風白髮年年何處得只
應多在倚欄中李慰去言春晚云花瘦煙羸可奈
何不關渠事鳥聲和無人掃地驚春晚分付輕紅
上碧莎趙鹹之子雍春日云拂牀欹枕晝初長好

筆二

四

夢驚回燕語忙深竹有花人不見直應風轉得幽
香曾紆公衮江樾軒書事云卧聽灘聲瀉瀉流冷
風淒雨是深秋江邊石上烏柏樹一夜水長到梢
頭胡直孺少汲春日云風雲吹絮柳飛花睡起鈎
簾日半斜四海隨人雙燕子相逢處處作生涯會
繹仲成還家塗中云疎林殘嶺起昏鴉臘盡行人
喜近家江北江南春信早傍籬穿竹見梅花劉無
極希顏漾花池云一池春水綠如苔水上新紅次
第開閒倚東風看魚樂動搖花片却驚猜王銍性

之山村云家依溪口破殘邨身伴渡頭零落雲更
向空山拾黃葉姓名那有世人間陳與義去非秋
夜云中庭淡月照三更白露洗空河漢明莫遣西
風吹葉落只愁無處著秋聲如此之類甚多不愧
前人

翟公與謝對衣金帶鞍馬表云顧臣非緇衣之宜
微子又改以臣從大夫之後不可徒行葉少蘊謝
賜歷日表云豈特千歲之日可坐而致將使百畝
之田勿奪其時汪彥章賀進築隆兗二州及城寨

筆二

四

表云我陵我阿不以山谿之險有民有社在吾邦
域之中皆用經史全語而工者

紹聖初元東坡帥中山得黑石白脈如孫知微所
畫石間奔流盡水之變又作白石大盆以盛之激
水其上名其室曰雪浪齋

歐陽文忠於修唐書最後至局專修紀志而已列
傳則宋尙書祁所修也朝廷以一書出於兩手體
不能一遂詔公看詳列傳令刪修爲一體公雖受
命退而歎曰宋公於我爲前輩且人所見多不同

豈可悉如已意於是一無所易及書成奏御史局
舊例修書只列書局中官高者一人姓名云某等
奉敕撰而公官高當書公曰宋公於列傳亦功深
者爲日且久豈可掩其名而奪其功乎於是紀志
書公姓名列傳書宋姓名此例皆前未有自公爲
始也宋公聞而喜曰自古文人不相讓而好相陵
掩此事前所未聞也

筆二

四

術以進博曰陛下盛德廣淵睿智日新學有緝熙
於光明臣雖不學敢以誠對謹領聖訓容臣具術
以聞明日乃進曰臣聞內觀所以存其心也外觀
所以養其氣也存其心養其氣則真火爐鼎日炎
神水華池日盛矣長生久視上下與天地同流天
道運而不積聖人知而行之大道甚易知其易行
以簡以簡易而天下之理得也人之所恃以生者
氣也氣住則神住神住則形住形住則長生久視
自此始矣蓋日月運轉寒暑往來天地所以長久

吹噓呼吸吐故納新真人所以住世故丹元子曰形以神住神以氣集氣體之充也形神之舍也氣實則成氣虛則敗氣住則生氣耗則滅此廣成子所以保氣而烟蘿子所以煉氣也然則一言而盡保煉之妙者其唯嚙納乎故曰一嚙二嚙雲蒸雨至三嚙四嚙內景充實七嚙八嚙心火下降腎水上昇水火既濟則內丹成可以已疾可以保生可以延年可以超昇臣謹刪其繁紊撮其樞要直書其妙以著於篇上篇曰進火候每日子後午前若

筆二

四九

於五更初陽盛時尤佳就坐榻上面東或南握固盤足合目主腰而坐澄思靜慮內藏五藏仰面合口鼻中引出清氣氣極則生要而嚙之每一嚙縮穀道一縮再引則如之至再至三若氣極不能任則低頭微開口以吹寧出之勿令耳聞出氣之聲如此凡三次是爲進火候一周天俟氣調勻然後行水下篇曰進水候口火鼻中取鼻涕口中取液聚爲一處多多益辦俟甘而熱卽閉口仰面亞腰左顧一嚙正中一嚙分三嚙而下內想一直下丹

田每一嚙亦縮穀道一縮如此一遍是爲行水一周天每進火行水畢然後下榻行履自如後叙曰五行水火爲初人生水火爲急此是極易之要法上奪天地造化學道修真之士初行頗覺臍下如火飲食添進四肢輕快是其驗也行而久之則髮白再黑齒落重生精神全具復歸嬰兒寒暑不能侵鬼神不能寇千二百歲壽比彭老漸爲真人矣徽宗見而嘉納之梁師成錄其說以示人乃簡易之道第行之者不能悠久耳或云虞謨君明修養有得亦祇行此法也

筆二

五十一

翰苑歲供禁中立春端午貼子前後多矣率多擬效舊語故少新意惟能道宮禁一時之事者爲妙王履道皇帝閣云彤霞靄霧繞觚稜樓雪融銀滴半層別院擬開延福宴夾城先試景龍燈妃嬪閣云玉燕翩翩入鬢雲花風初掠縷金裙神霄宮裏驂鸞侶來侍長生大帝君政和七年所進也有皇后閣云藥笈琅函受祕文清虛道合玉晨君瑤臺夜靜朝眞久金屋春寒閨籙勤妃嬪閣云瞳矐曉

日上金鋪的皦春水泮玉壺繡戶綠窗塵不到凝
酥點就輞川圖重和二年所進也不惟才思清麗
皆紀當時事也

寇萊公有妾曰蒨桃公因會贈歌姬以束綾蒨桃
作二詩呈公曰一曲清歌一束綾美人猶自意嫌
輕不知織女螢窗下幾度拋梭織得成風勁衣單
手屢呵幽窗軋軋度寒梭臘天日短不盈尺何似
妖姬一曲歌公和曰將相功名終若何不堪急景
似奔梭人間萬事何須問且向樽前聽艷歌

宋張邦基

筆二

五

侍兒小
名錄

東坡寄柳子玉云聞道床頭惟竹几夫人應不解
卿卿又送竹几與謝秀才云畱我同行木上座贈
君無語竹夫人蓋俗謂竹几爲夫人也山谷云竹
夫人乃涼寢竹器憩臂休膝非夫人之職而冬夏
青青竹之所長故名曰青奴嘗作詩曰穠李四絃
風掃席昭華三弄月侵床我無紅袖堪娛夜正要
青奴一味涼穠李昭華貴人家兩女奴也張文潛
後作竹夫人傳

吳縣潘世恩芝軒輯

溫公之任崇福春夏多在洛秋冬在夏縣每日與本縣從學者十許人講書用一大竹筒筒中貯竹簽上書學生姓名講後一日卽抽簽令講講不通則公微數責之公每五日作一暖講一盃一飯一麵一肉一菜而已溫公先壙在鳴條山墳所有餘慶寺公一日省墳止寺中有父老五六輩上謁云欲獻薄禮乃用瓦盆盛粟米飯瓦罐盛菜羹眞飯

筆三

士益啜土劍也公享之如太牢既畢復前啓曰某等聞端明在縣日爲諸生講書村人不及往聽今幸畧說公卽取紙筆書庶人章講之既已復前白曰自天子章以下各有毛詩兩句此獨無有何也公默然少許謝曰某平生慮不及此當思其所以奉答村父笑而去每見人曰我講書會難倒司馬端明公聞之不介意宋馬永卿王禹玉年二十許就揚州秋解試珊瑚璉賦官韻端木賜爲宗廟之器滿場中多第二韻用木字云唯

彼聖人粵有端木而禹玉獨於第六韻用之上睇顏氏願爲可鑄之金下笑宰子恥作不雕之木則其奇巧亦異矣哉

杜工部送重表姪王珣評事詩云秦王時在坐眞氣驚戶牖又云次問最少年虬鬚十八九然十八九三字乃出於丙吉傳云武帝曾孫在掖庭外家者至今十八九矣其語蓋出於此始信杜老用事若出天成其大畧如此今特舉此一篇

筆三

坐左右夏至宜節嗜欲冬至宜禁嗜欲蓋一陽初生其氣微矣如草木萌生易於傷伐故當禁之不特節也且嗜欲四時皆損人但冬夏二至陰陽爭之時大損人耳僕曰不獨月令如此唐柳公度年八十有強力人問其術對曰吾平生未嘗以脾胃熟生物暖冷物以元氣佐喜怒此亦可爲座右銘也耕道曰然

洛中邵康節先生術數既高而心術亦自過人所居有圭竇甕牖圭竇者牆上鑿門上銳下方如圭

之狀夔臚者以敗糞口安於室之東西用赤白紙糊之象日月也其所居謂之安樂窩先生以春秋天色溫涼之時乘安車駕黃牛出遊於諸公家諸公者欲其來各置安樂窩一所先生將至其家無老少婦女良賤咸迓於門迎入窩爭前問勞且聽先生之言凡其家婦姑妯娌婢妾有爭競經時不能決者自陳於前先生逐一爲分別之人人皆得其歡心於是酒殺競進厭飲數日徐遊一家月餘乃歸非獨見其心術之妙亦可想見洛中士風之

筆三

三

美聞之於司馬文仲揖

前漢百官表少府之屬官凡五十餘人有導官掌米穀以奉至尊然學者多疑導字之義僕考唐百官志導官令掌導擇米麥凡九穀皆隨精粗考其耗損而供然漢導字下從寸唐導字下從禾今按韻畧瑞禾一莖六穗謂之導恐唐以瑞禾名官也僕嘗以此問舅氏笑曰此蓋讀司馬長卿封禪書誤耳書云導一莖六穗於庖注云導擇也一莖六穗謂加禾之米也後人誤以瑞禾爲導遂併官名

失之可一笑也曩斐林相養莠不徧卒於簪

唐人字畫見於經幢碑刻文字者其楷法往往多造精妙非今人所能及蓋唐世以此取士而吏部以此爲選官之法故世競學之遂至於妙唐選舉志云凡擇人之法有四一曰身體貌豐偉二曰言言詞辯正三曰書楷法適美四曰判文理優長或曰此做政也豈可以字畫取人乎難之者曰今之士人于此狀貌奇偉言詞辯博判斷公事既及優長而更加以字畫適美有歐虞褚薛顏柳之法士

筆三

四

大夫能全此美者亦自難得况銓選之間乎聞之者皆服

本朝取士之路多矣得人之盛無如進士蓋有一榜有宰相數人者古無有也太平五年蘇易簡下李沆向敏中寇準王旦咸平五年王曾下王隨章得象淳化三年孫何下丁謂王欽若張士遜慶歷三年楊實下王珪韓絳王安石呂公著韓縝蘇頌元豐八年焦蹈下白時中鄭居中劉正夫其餘名臣不可勝數此進士得人之明效大驗也或曰不

然以本朝崇尚進士故天下英才皆入此科若云非此科不得人則失之矣唐開元以前未嘗尚進士科故天下名士雜出他途開元以後始尊崇之故當時名士中此科者十常七八以此卜之可以見矣

蘭亭序在南朝文章中少其倫比或云絲卽是絃竹卽是管今疊四字故遺之然此四字乃出張禹傳云身居大第後堂理絲竹管絃始知右軍之言有所本也且文選中在蘭亭下者多矣此蓋昭明

筆三

五

之誤耳

李百藥父與友陸父等共讀徐陵文有刈琅邪之稻之語歎不得其事百藥進曰春秋邠子籍稻杜預謂在琅邪客大驚號奇童今按昭公十八年傳邠人籍稻注云邠妘姓國也其君自籍稻蓋履行之昭公十八年經書邾人入邠注云邠國今琅邪開陽縣也蓋籍當呼爲典籍之籍謂履行之而計其數也周之六月夏之四月稻方生也而徐陵以爲刈非矣

溫公私第在縣宇之西北數十里質朴而嚴潔去市不遠如在山林中廳事前有棣華齋乃諸弟子肄業之所也轉齋而東有柳塢水四環之待月亭及竹閣西東水亭也巫咸榭乃附縣城爲之正對巫咸山後有賜書閣貯三朝所賜之書籍諸處榜額皆公染指書其法以第二指尖抵第一指頭指頭上節微屈染墨書之字亦尺許大如世所見公生明字惟巫咸榭字差大爾園圃在宅之東溫公嘗宿于閣下東畔小閣侍吏惟一老僕一更二點

筆三

六

卽令老僕先睡看書至夜分乃自燂火滅燭而睡至五更初公卽自起發燭點燈著述夜夜如此天明卽入宅起居其兄且或坐于牀前問勞話畢卽回閣下

太祖建隆六年將議改元語宰相勿用前世舊號於是改元乾德其後因於禁中見內人鏡背有乾德之號以問學士陶穀穀曰此僞蜀時年號也因問內人乃是故蜀王時人太祖由是益重儒士而歎宰相寡聞也

宋歐陽修歸田錄

王文正公爲人方正持重在中書最爲賢相嘗謂大臣執政不當收恩避怨公嘗語尹師魯曰恩欲歸己怨使誰當聞者歎服以爲名言

李文靖公爲相沈正厚重有大臣體嘗曰吾爲相無他能唯不改朝廷法制用此以報國士大夫初聞此言以爲不切于事及其後當國者或不思事體或收恩取譽屢更祖宗舊制遂至官兵冗濫不可勝紀而用度無節財用匱乏公私困弊推迹其事皆因執政不能遵守舊規妄有更改所致至此

筆三

七

始知公言簡而得其要由是服其識慮之精

陳康肅公善射當世無雙公亦以此自矜嘗射于家圃有賣油翁釋擔而立睨之久而不去見其發矢十中八九但微頷之康肅問曰汝亦知射乎吾射不亦精乎翁曰無他但手熟爾康肅忿然曰爾安敢輕吾射翁曰以我酌油知之乃取一葫蘆置於地以錢覆其口徐以杓酌油瀝之自錢孔入而錢不礙因曰我亦無他唯手熟爾康肅笑而遣之此與莊生所謂解牛斲輪者何異

至和初陳恭公罷相而並用文富二公正衙宣麻之際上遣小黃門密於百官班中聽其議論而二公久有人望一旦復用朝士往往相賀黃門具奏上大悅余時爲學士後數日奏事垂拱殿上問新除彥博等外議如何余以朝士相賀爲對上曰自古人君用人或以夢卜苟不知人當從人望夢卜豈足憑哉故余作文公批答云永惟商周之所記至以夢卜而求賢孰若用搢紳之公言從中外之人望者具述上語也

筆三

八

太宗時宋白賈黃中李至呂蒙正蘇易簡五人同時拜翰林學士承旨扈蒙贈之以詩云五鳳齊飛入翰林其後呂蒙正爲宰相賈黃中李至蘇易簡皆至參知政事宋白官至尙書老子承旨皆爲名臣

曹武惠王國朝名將勲業之盛無與爲比嘗曰自吾爲將殺人多矣然未嘗以私喜怒輒戮一人其所居堂室弊壞子弟請加修葺公曰時方大冬牆壁瓦石之間百蟲所蟄不可傷其生其仁心愛物

蓋如此既平江南回詣閣門入見膀子稱奉勅江
南句當公事回其謙恭不伐又如此

真宗好文雖以文辭取士然必視其器識每御崇
政賜進士及第必名其高第三四人並列於庭更
察其形神磊落者始賜第一人及第或取其所試
文辭有理趣者徐奭鑄鼎象物賦云足惟下正詎
聞公餽之歆傾鉉乃上居實取王臣之威重遂以
爲第一蔡齊置器賦云安天下於覆盂其功可大
遂以爲第一人

筆三

九

鄧州花蠟燭名著天下雖京師不能造相傳云是
寇萊公燭法公嘗知鄧州而自少年富貴不點油
燈尤好夜宴劇飲雖寢室亦燃燭達旦每罷官去
後人至官舍見厠溷間燭淚在地往往成堆杜祁
公爲人清儉在官未嘗燃官燭油燈一炷熒然欲
滅與客相對清談而已二公皆爲名臣而奢儉不
同如此然祁公壽考終吉萊公晚有南遷之禍遂
沒不返雖其不幸亦可以爲戒

謹案亦見釋海第
三函宋李昌齡樂

善錄

故事學士在內中院吏朱衣雙引太祖朝李昉爲
學士太宗在南衙朱衣一人前引而已昉亦去其
一人至今如此

揚大年每欲作文則與門人賓客飲博投壺奕棋
語笑諠譁而不妨構思以小方紙細書揮翰如飛
文不加點每盈一幅則命門人傳錄門人疲於應
命頃刻之際成數千言真一代之文豪也

筆三

十

與惟上元一夕祇賜中書樞密院雖前兩府見任
使相皆不得與也是歲昭文韓相集賢曾公樞密
張太尉皆在假不赴惟余與西廳趙侍鬻副樞胡
諫議真諫議喬人在席酒半相顧四人者皆同時
翰林學士相繼登二府前此未有也因相與道玉
堂舊事爲笑樂遂皆引滿劇飲亦一時之盛事也
蔡君謨既爲予書集古錄目序刻石其字尤精勁
爲世所珍余以鼠鬚栗尾筆銅綠筆格大小龍茶
惠山泉等物爲潤筆君謨大笑以爲太清而不俗

後月餘有人遺余以清泉香餅一篋者君謨聞之
歎曰香餅來遲使我潤筆獨無此一種佳物茲又
可笑也清泉地名香餅石炭也用以焚香一餅之
火終日不滅

仁宗初立今上為皇子令中書召學士草詔學士
王珪當直詔至中書諭之王曰此大事也必須面
奉聖旨於是求對明日面稟得旨乃草詔羣公皆
以王為真得學士體也

呂文穆公以寬厚為宰相太宗尤所眷遇有一朝

筆三

十一

士家藏古鑑自言能照二百里欲因公弟獻以求
知其弟伺間從容言之公笑曰吾面不過碟子大
安用照二百里其弟遂不復敢言聞者歎服以為
賢於李衛公遠矣蓋寡好而不為物累者昔賢之
所難也

嘉祐二年余與端明韓子華翰長王禹玉侍讀范
景仁龍圖梅公儀同知禮部貢舉辟梅聖俞為小
試官凡鎖院五十日六人者相與唱和為古律歌
詩一百七十餘篇集為三卷禹玉余為校理時武

成王廟所解進士也至此新入翰林與余同院又
同知貢舉故禹玉贈余曰十五年前出門下最榮
今日預東堂余答云昔時叨入武成宮曾看揮毫
氣吐虹夢寐閑思十年事笑談今此一樽同喜君

新賜黃金帶顧我宜為白髮翁也

謹案石林燕語蘇參政易簡登

科時宋尚書白為南省主文後七年宋嘗贈詩云昔
士承旨而蘇相繼入院同為學士宋嘗贈詩云昔
日曾為尺木階今朝真是青雲友歐陽文忠亦王
禹玉南廟主文相距十六年亦同為學士故歐公
詩有喜君新賜黃金帶顧我今為白髮翁之句二事誠一時文物之盛也天聖中余舉
進士國學南省皆忝第一人薦名其後景仁相繼

筆三

十二

亦然故景仁贈余云澹墨題名第一人孤生何幸
繼前塵也聖俞自天聖中與余為詩友余嘗贈以
蟠桃詩有韓孟之戲故至此梅贈余云猶喜共量
天下士亦勝東野亦勝韓而子華筆力豪贍公儀
文思溫雅而敏捷皆勅敵也前此為南省試官者
多窘束條制不少放懷余六人者懽然相得羣居
終日長篇險韻眾製交作筆吏疲於寫錄僮史奔
走往來間以滑稽嘲謔形於諷刺更相酬酢往往
烘堂絕倒目為一時盛事前此未之有也

韓退之青龍寺詩終篇言赤色莫曉其故嘗見小
說鄭虔寓青龍寺貧無紙取柿葉書九月柿葉赤
而實紅則退之詩乃謂此也

宋蘇軾東坡志林

柳子厚詩云盛時一失貴反賤桃笙葵扇安可常
不知桃笙爲何物偶閱方言簞宋魏之間謂之笙
乃悟桃笙以桃竹爲簞也梁簡文答南平王書云
五離九折出桃枝之翠筍乃謂桃枝竹簞也桃竹
出巴渝間杜子美有桃竹杖引

舊讀子美六和寺詩云松橋待金鯽竟日獨遲留

筆三

十三

初不喻此語及倅錢塘乃知寺後池中有此魚如
金色昨日復遊池上投餅餌久之乃畧出不食復
入不可復見自子美作詩至今四百餘年已有遲
留之語則此魚自珍貴蓋久矣苟非難進易退而
不妄食安能如此壽耶

陶靖節云倚南窗以寄傲審容膝之易安故常欲
作小軒以容安名之

柳公權論研甚貴青州石末云墨易冷世莫曉其
語此研青州甚易得凡物爾無足珍者蓋出陶甞

中無潤澤理唐人以此作羯鼓鞞與定州花瓷作
對豈研材乎研當用石鏡當用銅此其材本性也
以瓦爲研如使鐵鏡耳人之待瓦研鐵鏡也微而
責之也輕粗能磨墨照影便稱奇物其實豈可與
真材本性者同日而語哉

子由作栖賢僧堂記讀之便如在堂中見水石陰
森草木膠葛也僕當爲書之刻石堂上且欲與廬
山結緣予他日入山不爲生客也

楊州芍藥爲天下冠蔡繁卿爲守始作萬花會用

筆三

十四

花十餘萬枝旣殘諸園又吏因緣爲奸民大病之
余始至問民疾苦以此爲首遂罷之萬花本洛陽
故事亦必爲民害也會當有罷之者錢惟演爲留
守始置驛貢洛花識者鄙之此宮妾愛君之意也
謹案墨莊漫錄西京牡丹聞于天下花盛時太守
作萬花會宴集之所以花爲屏帳至于梁棟柱拱
悉以竹筒貯水簪花釘挂舉目皆花也揚州產芍
藥其妙者不減于姚黃魏紫蔡元長知淮揚日亦
效洛陽作萬花會其後歲歲循習而爲人頗病之
元祐七年東坡來知揚州正遇花時吏白舊例公
判罷之人皆鼓舞欣悅作書報王定國云花會檢
舊案用花千萬朵吏緣爲姦乃揚州大害已罷之
矣雖殺風景免造業也公爲政之惠
利于民率皆類此民到于今稱之蔡君謨始加

法造小團茶貢之富彥國歎曰君謨乃爲此耶
退之詩曰百年未滿不得死且可勲買拋青春國
史補云酒有郢之富春烏程之若下春滎陽之士
窟春富平之石凍春劍南之燒春杜子美亦云聞
道雲安麴米春才傾一盞便醺人裴劍作傳奇記
裴航事亦有酒名松醪春乃知唐人名酒多以春
則拋青春亦是酒名也

近聞黃州小民貧者生子多不舉初生便於水盆
中浸殺之江南尤甚聞之不忍會故人朱壽昌康

筆三
五

叔守鄂州某以書遺之乃立賞罰以變此風而黃
之士石耕道雖椎魯無他長然頗誠實喜爲善乃
使率黃人之富者歲出十千如願過此者亦聽使
耕道掌之多買米布絹絮使安國寺僧繼連書其
出入訪閭里田野有貧甚不舉子者輒少遺之若
歲活得百箇小兒亦閒居一樂事也吾雖貧亦當
出十千

東坡居士移守文登五日而去官眷戀山海之勝
與同僚飲酒日賓樓上酒酣作此木石一紙投筆

而歎自謂此來之絕河內史全叔取而藏之

某倅武林日夢神宗召入禁中宮女圍侍一紅衣
女童捧紅靴一隻命某銘之覺而記其一聯云寒
女之絲絳積寸累天步所臨雲蒸雷起既畢進御
上極歎其敏使宮女送出睇眎裙帶間有六言詩
一首云百疊漪漪風皺六絳縱縱雲輕植立含風
廣殿微聞環珮搖聲

子嘗夢客有携詩相過者覺而記其一詩云道惡
賊其身忠先愛厥親誰知畏九折亦自是忠臣又

筆三
六

有數句若銘贊者云道之所以成不害其耕德之
所以修不賊其牛

王中令既平蜀捕逐餘寇與步隊相遠饑甚入一
村寺中一僧醉甚箕踞公怒欲斬之僧應對不懼
公奇而赦之問求蔬食僧云有肉無蔬公益奇之
餽以一蒸豬頭食之甚美公喜問僧止能飲酒食
肉耶抑有他技也僧自言能詩公令賦蒸豚援筆
立成詩云嘴長毛短淺含臙久向山中食藥苗蒸
處已將蕉葉裹熟時更用杏漿澆紅鮮雅稱金盤

釘軟熟真堪玉筋挑若把羶根來比並羶根只合
喫藤條公大喜與紫衣

七言之偉麗者杜子美云旌旗日暖龍蛇動宮殿
風微燕雀高五更鼓角聲悲壯三峽星河影動搖
爾後寂寥無聞焉直至歐陽永叔蒼波萬古流不
盡白鶴雙飛意自閒萬馬不嘶聽號令諸番無事
樂耕耘可以並驅爭先矣小生亦云令嚴鐘鼓三
更月野宿貔貅萬竈烟又云露布朝馳玉關塞捷
書夜到甘泉宮亦庶幾焉耳

筆三

十七

世人見古有見桃花而悟道者爭頌桃花便將桃
花作飯五十年轉沒交涉正如張長史見擔夫與
公主爭道而得草書之氣欲學長史書便日就擔
夫求之豈可得哉

歐陽文忠公言晉無文章唯陶淵明歸去來辭一
篇而已予亦謂唐無文章惟韓退之送李愿歸盤
谷序一篇而已平生欲效此作一文每執筆輒罷
因自笑曰不若且放教退之獨步

予來汝南地平無山清潁之外無以娛予者而地

近亳坡特宜檜栢自拱把而上輒有樛枝紐紋治
事堂二栢與薦福兩檜尤爲殊絕孰爲使子安此
寂寞而忘歸者非此君也歟

吾嘗疑米元章用筆妙一時而所藏書真偽相半
元祐四年六月十二日與章致平同過元章致平
謂吾公嘗見親發鎖兩手捉書去人文餘近輒掣
去者乎元章笑遂出二王長史懷素輩十許帖子
然後知平時所出皆苟以適衆目而已

筆三

十六

唐末五代文章藻麗字畫隨之而楊公凝式筆蹟
獨雄強往往與顏柳相上下甚可怪也今世多稱
李建中宋宣獻此二人書僕所不要宋寒而李俗
殆是浪得名惟近日蔡君謨天資既高學識亦至
當爲本朝第一

歐陽文忠公論書云蔡君謨獨步當世此爲至言
君謨行書第一小楷第二草書第三就其所長而
求其所短大字爲少疎也天資既高又輔以篤學
其獨步當世宜哉近歲論君謨書者頗有異論故
特爲明之

黃州守居之數百步爲赤壁或言卽周瑜破曹公處不知果是否斷崖壁立江水深碧二鶴巢其上有一蛟或見之遇風浪靜輒乘小舟至其下捨舟登岸入徐公洞非有洞穴也但山崦深邃耳圖經云是徐邈不知何時人非魏之徐邈也岸多細石往往有溫瑩如玉者深淺紅黃之色或細紋如人手指螺文也旣數游得二百七十枚大者如棗栗小者如芡實又得一古銅盆盛之注水粲然有一枚如虎豹者有口鼻眼處以爲羣石之長

筆三

十九

吳道子始見張僧繇畫而曰虛得名耳已而坐臥其下三日不能去

昔人以海苔爲紙今無復有今人以竹爲紙亦古所無有也王逸少竹葉帖長安水邱氏傳寶之今不知所在三十年前見其摹本於雷壽

湘中老人讀黃老手援紫蘂坐碧草春至不知湘水深日暮忘却巴陵道唐末有見人作是詩者辭氣殆是李謫仙都下見有人攜一紙文書字則顏魯公也墨迹如未乾紙亦新健其首兩句云朝披

夢澤雲笠釣青茫茫此語亦非太白不能道也

前日與歐陽叔弼晁無咎張文潛同在戒壇予病目昏將以熱水洗之文潛曰目忌點洗目有病當有之齒有病當勞之不可同也又記魯直語云治日當如治民治齒當如治軍治民當如曹參之治齊治軍當如商鞅之治秦頗有理故追錄之

導引家云心不離田手不離宅此語極有理又云眞人之心如珠在淵衆人之心如泡在水此善譬喻者

筆三

三

慈湖陳氏草堂瀑流出兩山間落於堂後如懸布崩雪如風中雲如羣鶴舞參寥子問主人乞此地養老主人許之東坡居士投名作供養主龍邱子欲作庫頭參寥子不納云待汝一口吸盡此水令汝作

司空表聖自論其詩以爲得味外味綠樹連村暗黃花入麥稀此句最善又曰棋聲花院閉簷影石壇高吾嘗獨遊五老峯入白鶴觀松陰滿地不見一人唯聞棋聲然後知此句之工也但恨其寒儉

有僧態若杜子美云暗飛螢自照水宿鳥相呼四
更山吐月殘夜水明樓則材力富健去表聖之流
遠矣

臨皋亭下八十餘步便是大江其半是峩眉雪水
吾飲食沐浴皆取焉何必歸鄉哉江山風月本無
常主問者便是主人

僕嘗問荔枝何所似或曰荔枝似龍眼坐客皆笑
其陋荔枝實無所似也僕云荔枝似江瑤柱應者
皆憮然僕亦不辨昨日見畢仲游問杜甫似何人

筆三

三

仲游曰司馬遷僕喜而不答蓋與曩言會也

耳如芭蕉心如蓮花百節疏通萬竅玲瓏來時一
去時八萬四千此義出楞嚴世未有知之者也元
符三年九月二十一日書贈都嶠邵道士

作字要手熟則神氣完實而有餘於靜坐中自是
一樂

祥符末每有大禮輒奉天書以行王且爲天書使
常悒悒不樂上之初卽位李沆爲相且參知政事
沆取四方水旱盜賊奏之且以爲細事不足煩上

聽沆曰人主少年當使知四方艱難不然血氣方
剛若不留意聲色犬馬則土木甲兵禱祠之事作
矣吾老不及見此此參政他日之憂也及旦親見
王欽若丁謂等所爲諫則業已同之欲去則上遇
之厚不忍去乃歎曰李文靖眞聖人也旣寢疾欲
削髮披緇以殮素善大年死後諸子欲從之大年
以爲不可乃止雖以富貴終身而實不得志也

宋蘇

轍龍川別志

眞宗初卽位李沆爲相帝雅敬沆嘗問治道所宜

筆三

三

先沆曰不用浮薄新進喜事之人此最爲先帝問
其人曰如梅詢曾致堯等是矣帝深以爲然故終
帝之世數人者皆不見用是時梅曾皆以才名自
負嘗遣致堯副温仲舒安撫陝西致堯於閣門疏
論仲舒言不足與共事輕銳之黨無不稱快然沆
在中書不喜也因用他人副仲舒而罷致堯故自
眞宗之世至仁宗初年多得厚重之士由沆力也
祥符末王沂公知制誥朝望日重一日至中書見
王文正公公問君識呂夷簡否沂公曰不識也退

而訪之呂公時爲太常博士通判濱州人多稱其
才者他日復見文正復問如初沂公曰公前及此
人退而訪之具所聞以告文正曰此人異日與舍
人對秉鈞軸沂公曰公何以知之曰余亦不識但
以其奏請得之沂公曰奏請何事曰如不稅農器
等數事時沂公自待亦不淺聞文正之言不信也
姑應之曰諾既而許公自濱罷擢提點兩浙刑獄
未幾置之侍從及丁晉公敗沂公引爲執政卒與
公並相沂公從容道文正語二公皆嗟嘆以爲非

筆三

三

所及其後張公安道道其事於許公神道碑略敘

一二

晁文元公迴在翰林以文章德行爲仁宗所優異
帝以君子長者稱之天禧初因草詔得對命坐賜
茶既退已昏夕真宗顧左右取燭與學士中使就
御前取燭執以前導之出內門傳付從史後世宴
宜春殿出牡丹百餘盤千葉者纔十餘朶所賜止
親王宰臣真宗顧文元及錢文僖各賜一朶又常
侍宴賜禁中名花故事惟親王宰相卽中使爲插

花餘皆自戴上忽顧公令內侍爲戴花觀者榮之
其孫端稟常爲余言

宋王闢之澠水燕談錄

仁宗朝司天奏月朔日當食而陰雲不見事同不
食故事當賀司馬光曰日食四方皆見而京師獨
不見天意若曰人君爲陰邪所蔽天下皆知而朝
廷獨不知其爲災尤甚不當賀詔嘉其言後以爲
例

宰相王溥父祚少爲太原掾屬宿州防禦使既老
溥勸其退居洛陽居常怏怏及溥爲相客或候祚

筆三

四

溥常朝服侍立客不安席求去祚曰學生勞賢者
起避耶

曹冀王彬前後帥師征討諸國凡降四國主江南
西川廣南湖南也未嘗殺一無辜功名顯著爲諸
將之首諸子賢令璋瓌繼領旄鉞陶弼觀王畫
像有詩曰蒐兵四解降王縛教子三登上將臺其
後少子玘追封王爵實生光憲太后輔佐仁宗母
儀天下累朝聖功仁德天下懷慕以至濟陰生享
王爵子孫昌熾世世無比非元功陰德享報深厚

何以及此雖漢之馬郭迨無以過此嗚呼盛哉

諫議大夫陳省華生三子皆登進士第而伯仲皆為天下第一晚年燕國夫人馮氏俱康寧長子堯叟知樞密院次子堯佐直史館少子堯咨知制誥每對客三子列侍客不自安求去省華曰學生輩侍立常也士大夫以陳氏為榮

景祐末西鄙用兵大將劉平死之議者以朝廷使宦官監軍主帥節制有不得專者故平失利詔誅監軍黃德和或乞罷諸帥監軍仁宗以問宰臣文

筆三

三五

靖公曰不必罷但擇謹厚者為之仁宗委公擇之對曰臣待罪宰相不與中貴私交無由知其賢否願詔都知押班保舉有不職與同罪仁宗從之翊日都知叩首乞罷諸監軍士大夫嘉公有謀

狄武襄公青初以散直為延州指使是時西邊用兵公以才勇智畧頻立戰功常披髮面銅具馳突賊圍敵人畏懼無敢當者公識度宏遠士大夫翕然稱之而尤為韓公范文正公所深知稱為國器文正以春秋漢書授之曰將不知古今匹夫之勇

不足尚也公於是博覽書史通究古今已而立大功登輔弼書史策配享宗廟為宋名將天下稱其

賢公初為延州指使後顯貴天下獨呼公為狄天

謹案石林燕語狄武襄狀貌奇偉初隸拱聖籍中為延州指使范文正一見知其後必為名將授以左氏春秋遂折節讀書自春秋戰國至秦漢用兵成敗貫通如出掌中與尹師魯尤善師魯與論兵法終不能屈連立戰功驟至涇原經畧招討副使仁宗聞其名欲召見會寇入平涼詔圖形以進於是天下始

司馬文正公以高才全德大得中外之望故公之

退十有餘年而天下之人日冀其復用熙寧末余

筆三

三五

夜宿青州北溜河馬鋪晨起行見村民百人歡呼踴躍自北而南余驚問之皆曰傳司馬為宰相矣余以為雖出於野人妄傳亦其情之所素欲也故子瞻為公獨樂園詩曰先生獨何事四海望陶冶兒童誦君實走卒知司馬蓋紀實也

元豐七年春文太師既告老奏乞赴闕親辭天陛庶盡臣子之誠既見即日對御錫宴顧問溫渥上酌御盞親勸數日朝辭上遣中使以手劄諭公畱清明飭有司與公備二舟泝汴還洛清明日錫宴

玉津園公作詩示同席翊日上用公韻屬和親灑
宸翰就第賜公特命三省以上赴瓊林苑宴餞復
賜御詩送行公畱京師一月凡對上者五錫宴者
三錫詩者再顧問不名稱曰太師寵數優異

韓魏公元勳舊德夷夏具瞻熙寧畱守北都遼使
每過境必先戒其下曰韓丞相在此無得過有呼
索遼使與京尹書故事紙尾止押字是時悉書名
其爲遼人尊畏如此每使至必問侍中安否其後
公子忠彥奉使遼王問嘗使中國者曰國使類丞

筆三

二七

相否曰類卽命工圖之

慶曆二年仁宗用范文正公參知政事韓魏公富
韓公爲樞密副使天下人心莫不懽快徂徠石守
道作聖德詩曰惟仲淹弼一夔一高又曰琦以魁
礪豈視店楔可屬大事重厚如勃其後富范爲宋
之名臣而魏公定冊兩朝措天下於太山之安人
始嘆石之知人也

王沂公當軸以厚重鎮天下尤抑奔競張師德久
次館閣博學有時望而不事造請最爲魯肅簡所

知一日中書議除知制誥者魯盛稱張才德沂公
以未識爲詞魯密諷張見沂公張辭不往魯屢諷
之張重違魯意始緣職事一往沂公辭不見張大
悔恨他日中書復議魯無以易張曰向已爲公言
之矣沂公曰張君器識行義足以爲此然尙有請
謁耳逾年方命掌誥沂公之取人如此

孫宣公夷以太子少傅致仕居於鄆一日置宴詩
廳語客曰白傳有言多少朱門鎖空宅主人到老
不曾歸今老夫歸矣喜動於色復顧石守道諷易

筆三

二八

離卦九三爻且曰樂以妄憂自得小人之志歌而
鼓在不興大耋之嗟公以淳德奧學勸講禁中二
十餘年晚節勇退優游里中終始全德近世少匹
初歐文忠公與趙少師槩同在中書嘗約還政後
再相會及告老趙自南京訪文忠公於穎上文忠
公所居之西堂曰會老仍賦詩以志一時盛事時
翰林呂學士公著方牧穎職兼侍讀及龍圖特置
酒于堂宴二公文忠親作口號有金馬玉堂三學
士清風明月兩閒人之句

蒲中李績好學有高志廬中條山以泉石吟詠自樂未嘗造州縣真宗祀汾陰詔赴行在績不起有表稱謝云十行溫詔初聞丹鳳銜來一片閒心已被白雲畱住

進士之舉至本朝尤盛而沿革不同開寶六年因徐士廉伐鼓訴訟帝御講武殿覆試覆試自此始賜詩自興國二年呂蒙正榜始分甲次自興國八年王世則榜始賜袍笏自祥符中姚暉榜始宴自呂蒙正榜始賜同出身自王世則榜始賜別科出

筆三

二九

身自咸平三年陳堯咨榜始唱名自雍熙二年梁顥榜始彌封謄錄覆考編排皆始於景德祥符之間雍熙中著作佐郎樂史特賜進士及第詔附於興國五年第一等之下賜第附榜始於此

真宗朝錢希白賢良方正擢第慶厯中子明逸子飛彥遠子高相繼制舉登科嘉祐末蘇軾弟轍同年制策入等衣冠以爲盛事故子高謝啟云兩朝之間相繼者父子十年之間並進者兄弟子瞻汝州謝表曰兄弟並竊於賢科衣冠或以爲盛事而

子瞻入等尤高故謝啟曰誤玷久虛之等謹案石仁宗初復制科立等甚嚴首得富鄭公吳春卿張安道蘇儀甫惟吳春卿入三等富公而下皆第四等自是訖蘇子瞻方再入第三等設科以來希白兩人而已故子瞻謝啟云誤占久虛之等

從孫藻皇祐五年登進士第是年晚書中選後十年復登科舉謝啟曰十年三第屢玷于主司一門四人無替于祖烈

和魯公疑梁貞明三年薛廷珪下第十三人及第後唐長興四年知貢舉獨愛范魯公質程文語范曰君文合在第一輒屈居第十三人用傳老夫衣

筆三

三

鉢時以爲榮其後相繼爲相當時有贈詩者曰從此廟堂添故事登庸衣鉢盡相傳謹案石林燕語唐末禮部知貢舉有得程文優者即以己登第時名次處之不以甲乙爲高下也謂之傳衣鉢和疑登第名在十三後得范魯公質遂處以十三其後范登相位官至太子太傅封國于魯與疑皆同世以爲異也

劉原父文章敏贍嘗直舍人院一日追封王子公主九人方下直爲之立馬却坐一揮九制成文辭典麗各得其體真天才也歐陽文忠公聞而嘆曰昔王勃一日草五王策未足尙也

楊侍讀徽之以能詩聞太宗知其名索其所著以

百篇獻上卒章曰少年牢落今何幸叨遇君王問
姓名太宗和賜且語近臣曰徽之文雅可尙操履
端正拜禮部侍郎選十聯寫於御屏梁周翰之詩
曰誰似金華楊學士十聯詩在御屏風江行云犬
吠竹籬沽酒客鶴隨苔岸洗衣僧寒食云天寒酒
薄難成醉地迴樓高易斷魂塞上云戍樓烟自直
戰地雨長腥嘉陽川云青帝已教春不老素娥何
惜月長圓又云浮花水入瞿塘峽帶雨雲歸越雋
川哭江爲云廢宅寒塘水荒墳宿草烟元夜云春

筆三

三

歸萬年樹月滿九重城僧舍云偶題巖石雲生筆
閒繞庭松露溼衣湘江舟行云新霜染楓葉皓月
借蘆花宿東林云開盡菊花秋色老落遲桐葉雨
聲寒

楊文公初爲光祿丞太宗頗愛其才一日後苑賞
花宴詞臣不得預以詩貽諸館閣曰聞帶宮花滿
鬢紅上林絃管侍重瞳蓬萊咫尺無因到始信仙
凡迴不同諸公不敢匿以詩進呈上詰有司所以
不召左右以未貼職例不得預卽命直言院免謝

令預晚宴時以爲榮

海陵西溪鹽場初文靖公嘗官於此手植牡丹一
本有詩刻石後范文正公亦嘗臨蒞復題一絕陽
和不擇地海角亦逢春憶得上林色相看如故人
後人以二公詩筆故題詠極多而花亦爲人貴重
護欄歲久茂盛每歲花開百朶爲海濱之奇觀
歐陽文忠公文章道義天下宗師凡世俗所嗜一
無畱意獨好古石刻自岐陽石鼓岱山鄒繹之篆
下及漢魏以來碑刻山崖川谷荒林破塚莫不皆

筆三

三

取以爲集古錄因其石本軸而藏之撮其大要列
爲目錄并載可以正史學之缺謬者以傳後學跋
尾多公自題復爲之序請蔡君謨書之眞一代之
絕筆也

陳文惠公善八分書變古之法自成一家雖點畫
肥重而筆力勁健能爲方丈字謂之堆墨目爲八
分凡天下名山勝處碑刻題榜多公親蹟
建茶盛於江南近歲制作尤精龍團茶最爲上品
一斤八餅慶厯中蔡君謨爲福建運使始造小團

以充歲貢一斤二十餅所爲上品龍茶者也仁宗尤所珍惜雖宰相未嘗輒賜惟郊禮致齋之夕兩府各四人共賜一餅宮人剪金爲龍鳳花貼其上八人分蓄之以爲奇玩不敢自試有佳客出爲傳玩歐陽文忠公云茶爲物之至精而小團又其精者也嘉祐中小團初出時也今小團易得何至如此多貴

筆三

三

謹案歸田錄茶之品莫貴于龍鳳謂之團茶凡八餅重一斤慶曆中蔡君謨爲福建路轉運使始造小片龍茶以進其品絕精謂之小團凡二十餅重一斤其價直金二兩然金可有而茶不可得每因南郊致齋中書樞密院各賜一餅四人分之宮人往往縷金花于其上蓋其貴重如此
皇祐中范文正公鎮青興龍僧舍西南洋溪中有醴泉湧出公構一亭泉上刻石紀之其後青人思公之德目之曰范公泉環泉古木叢密塵迹不到去市塵纔數百步而如在深山中自是幽人逋客往往賦詩鳴琴烹茶其上日光玲瓏珍禽上下真物外之遊似非人間世也歐陽文忠公劉翰林貢父及諸名公多賦詩刻石而文忠公及張禹功蘇唐卿篆石榜之亭中最爲營邱佳處

司馬溫公既居洛每對客賦詩談文或投壺以娛賓公以舊格不合禮意更定新格以爲傾邪險詖不足爲善而舊圖反爲奇箭多與之筭如倚竿帶劍之類今皆廢其算以罰之顛倒反覆惡之大者奈何以爲上當如倒中之類今當盡廢壺中算以明逆順大抵以精審者爲上偶中者爲下使夫用機微幸者無所措手此足以見公之志雖嬉戲之間亦不忘于正也

筆三

三

然終日默坐惟吟詩臨書烹茶試墨以此度日嘉祐中守青得絲石于黑山琢爲研其理紅黃相參文如林木或如月暈或如山峯或如雲霧花卉石自有膏潤泛墨色覆之以匝數日不乾彥猷作研錄品爲第一以爲自得此石端溪龍尾皆置不復視矣
李尚書公擇少讀書于廬山五老峯白石庵之僧舍書幾萬卷公擇既去思以遺後之學者不欲獨有其書乃藏于僧舍其後山中之人思之目其居

云李氏藏書山房而子瞻爲之記

張廷老名珙唐安江原人年七十餘步趨拜起健

甚自言夙興必拜數十老人氣血多滯拜則支體

屈伸氣血流暢可終身無手足之疾

宋陸游老學庵筆記

慎東美字伯筠秋夜待潮於錢塘江沙上露坐設

大酒樽及一盃對月獨飲意象傲逸吟嘯自若顧

子敦適遇之亦懷一盃就其樽對酌伯筠不問子

敦亦不與之語酒盡各散去

唐仲俊年八十五六極康寧自言少時因讀千字

筆三

三五

文有所悟謂心動神疲四字也平生遇事未嘗動

心故老而不衰

歐陽公梅宛陵王文恭集皆有小桃詩歐詩云雪

裏花開人未知摘來相顧共驚疑便當索酒花前

醉初見今年第一枝初但謂桃花有一種早開者

耳及遊成都始識所謂小桃者上元前後卽着花

狀如垂絲海棠曾子固雜識云正月二十間天章

閣賞小桃正爲此也

唐彦猷硯錄言青州紅絲石硯覆之以匣數日墨

色不乾經夜卽其氣上下蒸濡着於匣中有如雨

露又云紅絲硯必用銀作匣凡石硯若置銀匣中

卽未乾之墨氣蒸上騰其墨乃着蓋上久之蓋上

之墨復滴硯中亦不必經夜也銅錫皆然而銀尤

甚雖漆匣亦時有之但少耳彦猷貴重紅絲硯以

銀爲匣見其蒸潤而未嘗試它硯也

四月十九日成都謂之浣花遨頭宴于杜子美草

堂滄浪亭傾城皆出錦繡夾道自開歲宴遊至是

而止故最盛於它時予客蜀數年屢赴此集未嘗

筆三

三五

不晴蜀人云雖戴白之老未嘗見浣花日雨也

南朝詞人謂文爲筆故沈約傳云謝元暉善爲詩

任彦昇工於筆約兼而有之又庾肩吾傳梁簡文

與湘東王書論文章之弊曰詩旣若此筆又如之

又曰謝眺沈約之詩任昉陸倕之筆任昉傳又有

沈詩任筆之語老杜寄賈至嚴武詩云賈筆論孤

憤嚴詩賦幾篇杜牧之亦云杜詩韓筆愁來讀似

倩麻姑癢處抓亦襲南朝語爾往時諸晁謂詩爲

詩筆亦非也

凌霄花未有不依木而能生者惟西京富鄭公園中一株挺然獨立高四丈圍三尺餘花大如盃旁無所附宣和初景華苑成移植於芳林殿前畫圖進御

仁宗慶厯初嘗詔儒臣檢討唐故事日進五條數喻近臣以爲有補其後久廢元祐間蘇子容爲承旨任經筵復請如故事史官學士採新舊唐書諸帝所行及羣臣獻納日進數事因詔講讀官遇不講日各進漢唐故實三事子容仍於逐事後畧論

筆三

得失大旨當時遂以爲例

宋葉夢得石林燕語

國朝經筵講讀官皆坐乾興後始立蓋仁宗時年尙幼坐讀不相聞故起立欲其近爾後遂爲故事熙寧初呂申公王荊公爲翰林學士吳冲卿知諫院皆兼侍講始建議以爲六經言先王之道講者當賜坐因復請行故事下太常禮院詳定當時韓持國刁景純胡宇夫爲判院是申公等言蘇子容龔鼎臣周孟陽及禮官王汾劉放韓忠彥以爲講讀官曰侍蓋侍天子非師道也且講讀官一等待

讀仍班侍講上今侍講坐而侍讀立不應爲二申公等議遂格今講讀官初入皆坐賜茶唯當講官起就案立講畢復就坐賜湯而退侍讀亦如之蓋乾興之制也

神宗初欲爲韓魏公神道碑王禹玉爲學士密詔禹玉具故事有無禹玉以唐太宗作魏徵碑高宗作李勣碑明皇作張說碑德宗作段秀實碑及本朝太宗作趙普碑仁宗作李用和碑六事以聞于是御製碑賜魏公家或云卽禹玉之辭也

筆三

三

官制行內兩省諸廳照壁自僕射而下皆郭熙畫樹石外尙書諸廳照壁自令僕而下皆待詔書周官蘇子容時爲吏部侍郎謝幸省進官表云三朝漢省已叨過輦之恩六典周官願謹書屏之戒太宗畱意字書淳化中嘗出內府及士大夫家所藏漢晉以下古帖集爲十卷刻石于秘閣世傳爲閣帖是也中間晉宋帖多出王貽永家貽永祁公之子國初藏名書畫最多眞蹟今猶有爲李駙馬公昭家所得者實爲奇蹟而當時摹勒出待詔手

筆多疑滯間亦有偽本如李斯書乃李陽冰王密德政碑石本也石後禁中被火焚絳人潘師旦取閣本再摹藏于家爲絳本慶厯間劉丞相沆知潭州亦令僧希白摹刻于州解爲潭本絳本雜以五代近世人書微出潭下希白自善書潭本差能得其行筆意元祐間徐王府又取閣本刻于木板無甚精彩建中靖國初曾丞相布當國命劉燾爲館職取淳化所遺與近出者別爲續法帖十卷字多作燾體又每下矣

筆三

三元

張僕射齊賢爲相其母晉國夫人年八十餘尙康強太宗方眷張時召其母入內親欵如家人余嘗于張氏家見賜其母詩云往日貧儒母年高壽太平齊賢行孝侍神理甚分明又一手詔云張齊賢拜相不是今生宿世遭逢本性於家孝事君忠婆娑老福見兒榮貴祖宗誠意待大臣簡質不爲飾蓋如此也

元豐末文潞公致仕歸洛入對時年幾八十矣神宗見其康強問卿攝生亦有道乎潞公對無他臣

但能任意自適不以外物傷和氣不敢做過當事酌中恰好卽止上以爲名言

唐制降敕有所更改以紙貼之謂之貼黃蓋敕書用黃紙則貼者亦黃紙也今奏狀劄子皆白紙有意所未盡揭其要處以黃紙別書于後乃謂之貼黃蓋失之矣其表章略舉事目與日月道里見于前及封皮者又謂之引黃

筆三

四上

曾宣靖公提舉修英宗實錄成將上故事當遷一官曾官已左僕射乃預辭于上曰臣官進一等則爲司空此三公之職坐而論道不可以賞勞神宗以爲誠遂從其請書上曾獨不遷官人以爲得體咸平三年王魏公知舉數日卽院中拜同知樞密院事當時以爲科舉盛事余紹聖試禮部時鄧安惠公溫伯以翰林學士承旨知舉不就拜尙書右丞時試已第二場鄧公自廳事上馬揚鞭左右揖諸生而去自魏公後繼之者惟鄧公也

舊制學士以上賜御仙花帶而不佩魚雖翰林學士亦然惟二府服笏頭帶佩魚謂之重金元豐官

制行始詔六曹尚書翰林學士雜學士皆得佩魚

故蘇子瞻謝翰林學士表云玉堂賜篆仰淳化之

彌文寶帶重金佩元豐之新渥謹案歸田錄國朝

賜命帶者例不佩魚若奉使契丹及侂侂北使則

佩事已復去之惟兩府之臣則賜佩謂之重金初

太宗嘗曰玉不離石犀不離角可貴者惟金也乃

創為金鈔之制以賜羣臣方圍毬路以賜兩府御

能花以賜學士以上今俗謂毬路為

笏頭御僊花為荔枝皆失其本號也

國初取進士循唐故事每歲多不過三十人太宗

初即位天下已定有意於修文嘗語宰相薛文惠

公治道長久之術因曰莫若參用文武之士吾欲

子科場中廣求俊彥但十得一二亦可以致治居

正曰善是歲御試題以訓練將為賦主聖臣賢為

詩蓋以示參用之意特取一百九人自唐以來未

有也遂得呂文穆公為狀頭李叅政至第二人張

僕射齊賢王叅政化基等數人皆在其間自是連

放五榜通取八百一人一時名臣悉自此出矣

唐詔令雖一出於翰林學士然遇有邊防機要大

事學士所不能盡知者則多宰相以其處分之要

者自為之辭而付學士院使增其首尾常式之言

筆三

四

而已謂之詔意故無所更易增損今猶見于李德

裕鄭畋集中近歲或盡出于宰相進呈詔但召待

詔即私第書寫或詔學士宰相面授意使退而具

艸然不能無改定也

國朝狀元為相者四人呂文穆公王文正公李文

定公宋元憲公文穆登第十二年拜文正二十一

年文定二十九年元憲二十七年文正文定皆再

入而文穆三入為尤盛初文正行卷見薛簡肅公

其首篇早梅云如今未說和羹事且向百花頭上

筆三

四

開簡肅讀之喜曰足下殆將作狀元了做宰相耶

謹案避暑錄後百餘年間未有繼

者至靖康元年何丞相文績始為之

王伯庸名堯榜韓魏公第二趙康靖公第三嘉祐

末魏公為相康靖為叅知政事伯庸雖先罷去而

魏公與康靖同在政府當時號為盛事熙寧末王

荆公相韓康公王禹玉為叅知政事三人亦皆同

年仍在第甲連名禹玉第一康公第二荆公第三

公再入仍與康公並相尤為難得時陸子履作詩

云須信君王重儒術一時同榜用三人

國初天下始定更崇文士自殿試親放榜狀元往往遂見峻用呂文穆公太平興國七年登科八年已爲叅知政事李文正昉乃座主于是爲相與文穆同在二府後五年文正罷文穆遂代爲相李文定公景德二年登科天禧元年爲叅知政事後三年爲相距登第亦纔十六年登第時寇萊公已爲相馮魏公已爲叅知政事後亦代萊公爲相而魏公尙樞密使其後王文正公以咸平五年登科大中祥符九年爲叅知政事乾興元年爲相距登第

筆三

四三

二十一年登第時馮魏公爲同知樞密院事王冀公爲叅知政事亦代魏公爲相而冀公方自江寧再入爲首相自是無復繼者

國朝知制誥必召試而後除唐故事也歐陽文忠記不試而除者惟三人陳文惠楊文公與文忠此乃異禮自是繼之者惟元祐間蘇子瞻一人而已近例凡自起居舍人除中書舍人者皆不試蓋起居舍人遇中書舍人闕或在告則多權行辭而已試之矣故不再試遂爲故事

故事生日賜禮物惟親王見任執政官使相然亦無外賜者元豐中王荆公罷相居金陵除使相辭未拜官止特進神宗特遣內侍賜之蓋異恩也國朝宰相執政未有兼東宮職事者天禧末仁宗初立爲皇太子因命宰相丁謂馮拯兼少師少傅樞密使曹利用兼少保而任中正王曾爲叅知政事錢惟演爲樞密副使皆兼賓客前此所無也謂等因請師傅十日一赴資善賓客以下隻日互陪侍講從之

筆三

四四

寇萊公初入相王沂公時登第後爲濟州通判滿歲當召試館職萊公猶未識之以問楊文公曰王君何如人文公曰與之亦無素但見其兩賦志業實宏遠因爲萊公誦之不遺一字萊公大驚曰有此人乎卽召之故事館職皆試于學士院或舍人院是歲沂公特試于中書

太祖與符彥卿有舊常推其善用兵知大名十餘年有告謀叛者亟徙之鳳翔而以王晉公祐爲代且委以密訪其事戒曰得實吾當以趙普所居命

汝面授旨徑使上道祐到察知其妄數月無所聞
驛召面問因力爲辯曰臣請以百日保之太祖不
樂徙祐知襄州彥卿竟亦無他祐後創居第于曹
門外手植三槐于庭曰吾雖不爲趙普後世子孫
必有登三公者已而魏公果爲太保歐陽文忠作
王魏公神道碑略載此語而國史本傳不書余嘗
親聞其家子弟言之

學士院正廳曰玉堂蓋道家之名初李肇翰林誌
末言居翰苑者皆謂凌玉清遡紫霄豈止于登瀛

筆三

四五

洲哉亦曰登玉堂焉自是遂以玉堂爲學士院之
稱而不爲榜太宗時蘇易簡爲學士上嘗語呈堂
之設但虛傳其說終未有正名乃以紅羅飛白玉
堂之署四字賜之易簡卽扁鐫置堂上每學士上
事始得一開視最爲翰林盛事紹聖間蔡魯公爲
承旨始奏乞摹就杭州刻榜揭之以避英廟諱去
下二字止曰玉堂云

天聖三年錢思公除中書門下平章事錢希白爲
學士當制希白于思公從父兄也兄艸弟麻當時

以爲盛事建中靖國元年曾子宣自樞府入相子
開適草制本朝惟此二人而已

仁宗畱意科舉由是禮闈知舉任人極艱天聖五
年春榜王沂公當國欲差知舉官從臣中無可意
者因以劉中山筠爲言時劉知潁州仁宗卽命驛
召之是歲廷試王文安公堯臣第一韓魏公第二
趙康靖公第三

筆三

吳

李文定公在場屋有盛名景德二年預省試主司
皆欲得之以置高第已而乃不在選主司意其失
考取所試卷覆視之則以賦落韻而黜也遂奏乞
特取之王魏公時爲相從其請既廷試遂爲第一
蘇子瞻自在場屋筆力豪騁不能屈折于作賦省
試時歐陽文忠公銳意欲革文弊初未之識梅聖
俞作考官得其刑賞忠厚之至論以爲似孟子然
中引臯陶曰殺之三堯曰宥之三事不見所據亟
以示文忠大喜往取其賦則以爲他考官所落矣
卽擢第二及放榜聖俞終以前所引爲疑遂以問
之子瞻徐曰想當然耳何必須要有出處聖俞大

駭然人已無不服其雄俊

范文正公以晏元獻薦入館終身以門生事之後雖名位相亞亦不敢少變慶歷末晏公守宛邱文正赴南陽道過特畱歡飲數日其書題門狀猶皆稱門生將別以詩敘殷勤投元獻而去有曾入黃扉陪國論却來絳帳就師資之句聞者無不歎服王禹玉歷仁宗英宗神宗三朝爲翰林學士其家自太平興國至元豐十榜皆有人登科熙寧初葉尙書祖洽榜聞喜燕席上和范景仁詩云三朝遇

筆三

四七

主惟文翰十榜傳家有姓名此事他人所無有也王沂公初就殿試時固已有盛名李文靖公沆爲相適求壻語其夫人曰吾得壻矣乃舉公姓名曰此人今次不第後亦當爲公軸是時呂文穆公家亦求姻于沂公公聞文靖言曰李公知我遂從李氏唱名果爲第一晏元獻公嘗屬范文正公擇壻久之文正言有二人其一富高一張爲善公曰二人孰優曰富君器業尤遠大遂納富卽富公也時猶未改名以宰相得宰相衣冠以爲盛事爲善亦

安道舊名

趙清獻公每夜嘗燒天香必擎爐默告若有所秘祝者數客有疑而問公公曰無他吾自少晝日所爲夜必哀斂奏知上帝已而復曰蒼蒼眇真吾一夫區區之誠安知必能盡達姑亦自防檢使不可奏者知有所畏不敢爲耳有周竦者嘗爲公門客爲余言之

王禹玉作龐穎公神道碑其家送潤筆金帛外叅以古書名畫三十種杜荀鶴公及第時試卷亦是

筆三

四八

一種

米芾知無爲軍初入州廨見立石頗竒喜曰此足以當吾拜遂命左右取袍笏拜之每呼曰石丈裴晉公詩云飽食緩行初睡覺一甌新茗侍兒煎脫巾斜倚繩床坐風送水聲來耳邊公爲此詩必自以爲得志然吾山居七年享此多矣今歲新茶適佳夏初作小池導安樂泉注之得常熟破山重臺白蓮植其間葉已覆水雖無淙潺之聲然亦澄澈可喜此晉公之所誦詠而吾得之可不爲幸乎

宋葉夢得
避暑錄話

歐陽文忠公在揚州作平山堂壯麗爲淮南第一
堂據蜀岡下臨江南數百里真潤金陵三州隱隱
若可見公每暑時輒凌晨攜客往遊遣人走邵伯
取荷花千餘朶以畫盆分插百許盆與客相間遇
酒行卽遣妓取一花傳客以次摘其葉盡處則飲
酒往往侵夜載月而歸予紹聖初始登第嘗以六
七月之間館于此堂者幾月是歲大暑環堂左右
老木參天後有竹千餘竿大如椽不復見日色蘇

筆三

四

子瞻詩所謂稚節可專車是也寺有一僧年八十
餘及見公猶能道公時事甚詳邇來幾四十年念
之猶在目今余小池植蓮雖不多來歲花開當與
山中一二客修此故事

白樂天集自載李浙東言海上有仙館待其來之
說作詩云吾學空門非學仙恐君此說是虛傳海
山不是吾歸處歸則須歸兜率天頃讀盧肇逸史
記此事差詳李浙東李君稷也會昌初爲浙東觀
察使言有海賈遭風飄海中一大山視其殿榜曰

蓬萊旁有一院局鎖甚嚴花木盈庭中設几案或
人告之曰此白樂天院在中國未來耳唐小說事
多誕此旣自見于樂天詩當不謬近世多傳王平
甫館宿夢至靈芝宮亦自爲詩紀之曰萬頃波濤
木葉飛笙歌宮殿號靈芝揮毫不似人間世長樂
鐘聲夢覺時與白樂天院絕相類乃知天地間英
靈之氣亦無幾爲人爲仙不在此則在彼更去迭
來無足怪者

筆三

五

入吾境不可勝計余盡發常平所儲奏乞越常制
賑之幾十餘萬人稍能全活惟遺棄小兒無由皆
得之一日詢左右曰人之無子者何不收以自畜
乎曰人固願得之但患旣長或來歲稔父母來識
認爾余爲閱法例凡因災傷遺棄小兒父母不得
復出乃知爲此法者亦仁人也夫彼旣棄而不育
父母之恩則已絕若人不收之其誰與活乎遂作
空券數千具載本法印給內外廂界保伍凡得兒
者使自言所從來明書於券付之畧爲籍記使以

時上其數給多者賞且分常平餘粟貧者量授以爲資事定按籍給券凡三千八百人皆奪之溝壑置之襁褓此雖細事不足道然每以告臨民者恐緩急不知有此法或不能出此術也

古方治暑無他法但用辛甘發散疏導心氣與水流行則無能害之矣因記崇寧己酉歲余爲書局時一養僕爲馳馬至局中忽仆地氣卽絕急以五苓大順散等灌之皆不驗已踰時同舍王相使取大蒜一握道上熟土雜研爛以新水和之濾去滓

筆三

五

荆其齒灌之有頃卽蘇至暮此僕復爲余御而歸乃知藥病相對有如此者此方本徐州沛縣城門忽有板書釘其上或傳神仙欲以救人者沈存中王聖美皆著其說而余親驗之

祖宗故事進士廷試第一人及制科一任回必入館然須用人薦且試而後除進士聲律固其習而制科亦多由進士故皆試詩賦一篇惟富鄭公以茂材異等起布衣未嘗應進士既召試乃以不能爲詩賦懇辭詔試策論各一自是遂爲故事制科

不試詩賦自富公始至子瞻復不試策而試論三篇

歐文忠內制集序歷詳其爲學士時事幸藏其藁以爲退居談笑之資略云涼竹簟之暑風曝茅簷之冬日睡餘支枕顧瞻玉堂如在天上時覽所載以誇田夫野老士大夫爭誦之蓋願欲爲公而不可得也

筆三

五

文潞公知成都偶大雪意喜之連夕會客達旦帳下卒倦於應待有違言忿起拆其井亭共燒以禦寒守衙軍將以問公曰今夜誠寒更有一亭可拆以付餘卒復飲至常時而罷翌日徐問先拆亭者何人皆杖脊配之

前輩作四六不肯多用全經語惡其近賦也然意有適會亦有不得避者但不得強用之爾子瞻作呂申公制云旣得天下之大老彼將安歸乃至國人皆曰賢夫然後用氣象雄傑格律超然固不可及劉丞相莘老舊以詩賦知名晚爲表章尤溫潤閑雅青州謝上表云雖進退必由其道每願學於

古人然功烈如此其卑終難收於士論何傷其用
經語也自大觀後時流爭以用經句爲工於是相
與衰次排比預蓄以待問不問其如何粗可牽合
則必用之雖有甚工者而文氣掃地矣

孫龍圖莘老喜讀書晚年病目乃擇卒伍中識字
稍解事者二人使其子端取西漢左氏等數書授
以句讀每瞑目危坐室中命二人更讀於傍終一
策則易一人飲之酒一杯使退卒亦自喜不難今
吾雖力屏俗事然至書帙則習氣未除亦不能遽

筆三

五

忘此累幸左右無此黥者以益其疾每願一二村
童殆是良藥也

國初猶右武廷試進士多不過二十人少或六七
人自建隆至太平興國二年更十五榜所得宰相
畢文簡公一人而已自後太宗始欲廣致天下之
士以文治是歲一百九人遂得呂文穆公爲舉首
與張僕射齊賢宰相二人自是取人益廣得士益
多百餘年間得六人者一榜楊實榜王岐公韓康
公王荆公蘇子容呂晦叔韓師樸得四人者二榜

蘇參政易簡榜李文正向文簡冠萊公王魏公而
岐公康公荆公皆連名得三人者三榜王沂公榜
沂公王文惠章郇公劉輝榜劉莘老章子厚蔡持
正改科後焦韜榜徐擇之白蒙亨鄭達夫畢漸榜
杜欽美唐欽叟呂元直中間或一人兩人而劉輝
劉莘老章子厚二人榜亦連名蓋莫多於蘇楊二
榜而王岐公等三人皆第一甲而連名尤爲盛也
古者舉大事皆避月晦說者以陰之窮爲諱春秋
晉楚鄢陵之戰特書甲午晦以見譏魯震夷伯之

筆三

五

廟書乙卯晦以見異是也南郊必用冬至之日周
禮也皇祐四年當郊而日至適在晦宋元憲公爲
相預以爲言遂改爲明堂議者以爲得禮有國信
不可無儒臣藝祖四年郊日至亦在晦先無知之
者至期實儼始上聞不得已乃用十六日甲子非
日至而郊惟此一舉講之不素也

晏元憲公雖早富貴而奉養極約惟喜賓客未嘗
一日不燕飲而盤饌皆不預辦客至旋營之頃有
蘇丞相子容嘗在公幕府見每有嘉客必留但人

設一空案一杯既命酒果實蔬茹漸至亦必以歌樂相佐談笑雜出數行之後案上已燦然矣稍闌卽罷遣歌樂曰汝曹呈藝已徧吾當呈藝乃具筆札相與賦詩率以爲常前輩風流未之有比

王荆公初未識歐文忠公會子固力薦之公願得游其門而荆公終不肯自通至和初爲郡牧判官文忠還朝始見之遂有翰林風月三千首吏部文章二百年之句然荆公猶以爲非知己也故酬之曰它日儻能窺孟子此身安敢望韓公自期以孟

筆三

五五

子處公以爲韓愈公亦不以爲嫌及在政府薦可爲宰相者三人同一劄子呂司空晦叔司馬温公與荆公也呂申公本嫉公爲范文正黨滁州之謫實有力温公議濮廟不同力排公而佐呂獻可荆公又以經術自任而不從公然公於晦叔則忘其嫌隙於温公則忘其議論於荆公則忘其學術不如此安能真見三公之爲宰相耶世不高公能薦人而服其能知人苟一毫有蔽於中雖欲薦之亦不能知也

趙康靖公槩厚德長者口未嘗言人短與歐文忠公同爲知制誥後亦同秉政及文忠被謗康靖密申辦理至欲納平生誥敕以保之而文忠不知也中歲常置黃黑二豆於几案間自旦數之每興一善念爲一善事則投一黃豆於別器暮發視之初黑豆多於黃豆漸久反之既謝事歸南京二念不興遂徹豆無可數人強於爲善亦要在造次之間每日防檢此與趙清獻公焚香日告其所行之事於上帝同

筆三

五六

富鄭公爲樞密副使坐石守道詩自河北宣諭使還道除知鄆州徙青州讒者不已人皆爲公危懼會河北大饑流民轉徙東下者六七十萬人公皆招納之勸民出粟自爲區畫散處境內屋廬飲食醫藥纖悉無不備從者如歸市有勸公非所以處疑弭謗禍且不測公傲然弗顧曰吾豈以一身易此六七十萬人之命哉卒行之愈力明年河北二麥大熟始皆襁負而歸則公所全活也於是雖讒公者亦莫不畏服知不可撓而疑亦因是浸釋公

在政府不久而青州適當此變嘗見其與一所厚

書云在青州二年偶能全活得數萬人勝二十四

考中書令遠矣張侍郎舜民嘗刻之石余舊有模

本今忘之不復見

謹案澠水燕談慶歷末富文忠公鎮青州會河決商胡北方大

水流民各因坊村擇寺廟及公私空舍又因山崖為

窟室以處流離擇廟居官無職事者各給以俸即

民所贊聚藉而受券以時給之器物薪芻無不完

具不幸死者為叢塚收瘞自為文遣使祭之明年

夏大稔計其道里資遣還八州之間所活無慮五

十餘萬人其募為兵者又萬餘人仁宗嘉之拜公

禮部侍郎公曰郵災賑乏臣之職也辭不受○龍

川別志富公知青州歲穰而河朔大饑民東流公

以為從來拯饑多聚之州縣人既饑多倉廩不能

筆三

五七

供散以粥飯欺弊百端由是人多饑死死氣薰蒸
疫疾隨起居人亦致病斃是時方春野有青菜公
出勝要路令饑民散入村落使富民不得固陂澤
之利而等級出米以待之民重公令米穀大積分
遣寄居閑官往主其事問有健吏募民中有曾為
吏胥走隸者皆倍給其食令供簿書給納守禦之
役借民倉以貯擇地為場掘溝為限與流民約三
日一支出納之詳一如官府公推其法于境內吏
胥所在手書酒炙之餽日至人人忻戴為之盡力
比麥熟人給路糧遣歸餓死者無幾作叢冢葬之
其間強壯堪為禁卒者募得數千人刺指揮二字
奏乞撥充諸軍時中有與公不相能者持之不報
人為公憂之公連上章懇請且待罪乃
得報自是天下流民處多以青州為法

張友正鄧公之季子少喜學書不出仕有別業價

三百萬盡鬻以買紙筆蹟高簡有晉宋人風味尤

工於草書故廬在甜水巷一日棄去從水櫃街僦

小屋與染工為隣或問其故答曰吾欲假其縑素

學書耳於是與約凡有欲染皂者先假之一端酌

二百金如是日書數端米元章書自得於天資然

自少至老筆未嘗停有以紙餉之者不問多寡入

手即書至盡乃已元祐末知雍邱縣蘇子瞻自揚

州召還乃具飯邀之既至則對設長案各以精筆

佳墨紙三百列其上而置饌其旁子瞻見之大笑

就坐每酒一行即申紙共作字一二小史磨墨幾

筆三

五六

不能供薄暮酒行既終紙亦盡乃更相易攜去俱

自以為平日書莫及也友正既未嘗仕其性介不

多與人通故其書知之者少但不逮元章耳

唐御膳以紅綾餅餤為重昭宗光化中放進士榜

得裴格等二十八人以為得人會燕曲江乃令大

官特作二十八餅餤賜之盧延讓在其間後入蜀

為學士既老頗為蜀人所易延讓詩素平易近俳

乃作詩云莫欺零落殘牙齒曾喫紅綾餅餤來王

衍聞知遂命供膳亦以餅餤為上品以紅羅裹之

至今蜀人工爲餅餠而紅羅裹其外公厨大燕設爲第一

張文孝公觀一生未嘗作草字杜祁公一生未嘗作真字文孝嘗自作詩云觀心如止水爲行見真書可見其志也祁公多爲監司及帥在外公家文移書判皆作草字人初不能辯不敢白必求能草書者問焉久之乃稍盡解世言書札多如其爲人三公皆號重德而不同如此或者疑之余謂文孝謹於治身秋毫不敢越繩墨自應不解作草字祁

筆三

五九

公雖剛方清簡而洞曉世故所至政事號神明迎刃而解則疏通變化意之所鄉發於書者宜亦似之也

國朝宰相致事從容進退享有高壽其最著者六人張鄧公八十六陳文惠八十二富韓公八十一杜祁公八十李文定七十七龐穎公七十六文潞公雖九十二而晚節不終士論惜之張鄧公仍自

相位得謝尤爲可貴

謹案青箱雜記云本朝大官最享高年者凡三人曰太傅

張公士遜樞相張公昇少師趙公槩皆壽至八十又二人次之曰陳文惠公堯佐至八十二杜祁

公衍至八十一又一人次之曰富文忠公弼壽至八十餘皆不及焉故文惠致政以詩寄太傅曰青雲歧路游將遍白髮光陰得最多蓋謂是也

本朝宰相以三師致仕者元豐以前惟三人趙韓王太師張鄧公太傅王魏公太保元豐末文潞公始以太師繼之

將侍郎堂家藏楊文公與王魏公一帖用半幅紙有折痕記其畧云昨夜有進士蔣堂携所作文來極可喜不敢不布聞謹封拜呈後有蘇子瞻跋云夜得一士旦而告人察其情若喜而不寐者蔣氏

筆三

全

不知何從得之在其孫彞處也世言文公爲魏公客公經國大謀人所不知者獨文公得與觀此帖不特見文公好賢樂士之意且得一士必亟告之其補於公者亦固多矣片紙折封尤見前人至誠相與簡易平實不爲虛文安得復有隱情不盡不得已而苟從者皆可爲後法也

故事制科必先用從官二人舉上其所爲文五十篇考於學士院中選而後召試得召者不過三之一惟歐陽文忠公爲學士時所薦皆天下名士無

有不在高選者蘇子瞻兄弟李中書邦直孫翰林巨源是也世遂稱歐陽善舉賢良

崔唐臣閩人也與蘇子容呂晉叔同學相好二公先登第唐臣遂罷舉久不相聞嘉祐中二公在館下一日忽見艤舟汴岸坐於船窗者唐臣也亟就見之邀與歸不可問其別後事曰初倒篋中有錢百千以其半買此舟往來江湖間意所欲往則從之初不爲定止以其半居貨間取其贏以自給粗足卽已不求有餘差愈於應舉覓官時也二公相

筆三

六

顧太息而去翌日自局中還唐臣有畱刺乃攜酒具再往謁之則舟已不知所在矣歸視其刺之末有細字小詩一絕云集賢僊客問生涯買得漁舟度歲華案有黃庭尊有酒少風波處便爲家訖不復再見頃見王仲弓說此

顏魯公眞蹟宣和間存者猶可數十本其最著者與郭英文論坐位書在永興安師文家祭姪季明文病妻乞鹿脯帖在李觀察士衡家乞米帖在天章閣待制王質家寒食帖在錢穆甫家其餘蔡明

遠帖盧八倉曹帖送劉太真序等不知在誰氏皆有石本坐位帖安氏初析居分爲二人多見其前段師文後乃併得之相繼皆入內府世間無復遺矣

國朝配享功臣於太廟橫街南東西相向設位太祖室趙普曹彬太宗室薛居正石熙載眞宗室李沈王旦李繼隆仁宗室王曾呂夷簡英宗室韓琦曾公亮神宗室富弼曹瑋哲宗室司馬光徽宗室韓宗彥高宗室呂頤浩趙鼎韓世忠張俊視祖宗

筆三

六

文武臣各用二人侑食葢中興將相勲烈之盛不得而遺也

宋周輝清波雜志

神慮澹則血氣和嗜欲勝則疾疹作唐處士張臯云是爲養身之要范忠宣公親族間子弟有請教于公者公曰惟儉可以助廉惟恕可以成德是爲修身之要皆可銘于座右

翰林書待詔請春詞以立春日剪貼于禁中門帳皇帝閣六篇其一曰漠然天造與時新根著浮流一氣均萬物不須彫琢巧正如恭己布深仁皇后

閤五篇其一曰春衣不用蕙蘭薰領綠無煩刺繡
文曾在蠶宮親織就方知縷縷盡辛勤夫人閤四
篇其一曰聖主終朝勤萬幾燕居專事養希夷千
門永晝春岑寂不用車前插柳枝春端帖子不特
詠景物爲觀美歐陽文忠公嘗寓規諷其間蘇東
坡亦然司馬溫公自著目錄特書此四詩蓋爲玉
堂之楷式自政宣以後第形容太平盛事語言工
麗以相夸殆若唐人宮詞耳近時楊誠齋廷秀詩
有玉堂著句轉春風諸老從前亦寓忠誰爲君王

筆三

三

供帖子丁寧綺語不須工之句是亦此意頃得玉
堂集分爲八帙或云李漢老所編者亦有皇太子
府春端帖子

吳縣潘世恩芝軒輯

太和中鄭仁本表弟不記姓名常與一王秀才遊嵩山捫蘿越澗境極幽夤遂迷歸路將暮不知所之徙倚間忽覺叢中鼾睡聲披榛窺之見一人布衣甚潔白枕一襪物方眠熟即呼之某偶入此徑迷路君知向官道否其人舉首睨視不應復寢又再三呼之乃起坐顧曰來此二人因就之且問其所自其人笑曰君知月乃七寶合成乎月勢如丸

筆四

其影日爍其凸處也常有八萬二千戶修之子即一數因開襪有斤鑿數事玉屑飯兩裹授與二人曰分食此雖不足長生可一生無疾耳乃起二人指一支徑但由此自合官道矣言已不見

唐段成式酉陽

雜俎

于頔在襄州嘗有山人王固謁見于于性快見其拜伏遲緩不甚知書生別日遊讌不復得進王殊快快因至使院造判官會叔政頗禮接之王謂會曰予以相公好奇故不遠而來今實垂望矣子有

一藝自古無者今將歸且荷公見待之厚今為一設遂詣會所居懷中出竹一節及小鼓規纒運寸良久去竹之塞折枝連擊鼓子筒中有蠅虎子數十行而出分為二隊如對陣勢每擊鼓或三或五隨鼓音變陣天衡地軸魚麗鶴列無弗備也進退離附人所不及凡變陣數十乃行入筒中曾觀之大駭方言于于公王已潛去于悔恨令物色求之不獲

筆四

二

李叔詹常識一范陽山人停于私第時語休咎必中兼善推步禁咒止半年謂李曰某有一藝將去欲以為別所謂水畫也乃請後廳上掘地為池方丈深尺餘泥以麻灰日沒水滿之候水不耗具丹青墨研先援筆叩齒良久乃縱筆毫水上就視水色渾渾耳經二日揭以禪絹四幅食頃舉出觀之古松怪石人物屋木無不備也李驚異苦詰之惟言善能禁彩色不令沉散而已

咸陽宮中有鑄銅人十二枚坐皆三五尺列在一筵上琴筑笙竽各有所執皆組綬花彩儼若生人

筵下有銅管吐口高數尺其一管空內有繩大如指使一人吹空管一人紉繩則琴瑟竽筑皆作與真樂不異有琴長六尺安十三絃二十六徽皆七寶飾之銘曰璵璠之樂玉笛長二尺三寸二十六孔吹之則見車馬出山林隱相次息亦不見銘曰昭華之管

謹案此條不始於雜俎已見稗海第
一函西京雜記之三卷中惟七函以
下卽稗海續編爲振鷺堂重訂商氏本既因未登
晉人小說于例自以雜俎爲主而附識其出處

蜀將軍皇甫直別音律擊陶器能知時月好彈琵琶元和中嘗造一調乘涼臨水池彈之本黃鐘而

筆四

三

聲入蕤賓因更絃再三奏之聲猶蕤賓也直甚或不悅自意爲不祥隔日又奏于池上聲如故試彈于他處則黃鐘也直因調蕤賓夜復鳴彈于池上覺近岸波動有物激水如魚躍及下絃則沒矣直遂集客車水竭池窮池索之數日泥下文餘得鐵一片乃方響蕤賓鐵也

歷城北有使君林魏正始中鄭公愨三伏之際每率賓僚避暑于此取大蓮葉置研格下盛酒二升以簪刺葉令與柄通屈莖上輪困如象鼻傳喻之

名爲碧筒杯歷下學之言酒味襍蓮氣香冷勝于冰

漢積翠池中珊瑚高一丈二尺一本三柯上有四百六十二條是南越王趙佗所獻號爲烽火樹夜有光影常似欲然

歷城北二里有蓮子湖周環二十里湖中多蓮花紅綠間明乍疑濯錦又漁船掩映罟罾疎布遠望之者若蛛網浮杯也魏袁翻曾在湖醮集叅軍張伯瑜諮公言向爲血羹頻不能就公曰取洛水必

筆四

四

成也遂如公語果成時清河王怪而異焉乃諮公未審何義得耳公曰可思湖目清河笑而然之而實未解坐散語主簿房叔道曰湖目之事吾實未曉叔道對曰藕能散血湖目蓮子故令公思清河歎曰人不讀書其猶夜行二毛之叟不如白面書生

王勃每爲碑頌先磨墨數升引被覆面而卧忽起一筆書之初不點竄時人謂之腹藁少夢人遺以丸墨盈袖

隋開皇中趙師雄遷羅浮一日天寒日暮在醉醒
間因憩僕車於松林間酒肆傍舍見一女人淡粧
素服出迓師雄時已昏黑殘雪對月色微明師雄
喜之與之語但覺芳香襲人語言極清麗因與之
扣酒家門得數盃相與飲少頃有一綠衣童來笑
歌戲舞亦自可觀頃醉寢師雄亦懵然但覺風寒
相襲久之時東方已白師雄起視乃在大梅花樹
下上有翠羽啾嘈相顧月落參橫但惆悵而已
唐柳宗元龍城錄

筆四

五

開元六年上皇與申天師道士鴻都客八月望日
夜因天師作術三人同在雲上遊月中過一大門
在玉光中飛浮宮殿往來無定寒氣逼人露濡衣
袖皆溼頃見一大宮府榜曰廣寒清虛之府其守
門兵衛甚嚴白刃粲然望之如凝雪時三人皆止
其下不得入天師引上皇起躍身如在烟霧中下
視玉城崔峩但聞清香藹鬱下若萬里琉璃之田
其間見有仙人道士乘雲駕鶴往來若遊戲少焉
步向前覺翠色冷光相射目眩極寒不可進下見

有素娥十餘人皆皓衣乘白鸞往來舞笑於廣寒
大桂樹之下又聽樂音嘈雜亦甚清麗上皇素解
音律熟覽而意已傳頃天師亟欲歸三人下若旋
風忽悟若醉夢中迴爾次夜上皇欲再求往天師
但笑謝而不允上皇因想素娥風中飛舞袖被編
律成音製霓裳羽衣舞曲自古洎今清麗無復加
於是矣

宋景文公曰夢得嘗作九日詩欲用餒字思六經
中無此字遂止故景文九日詩曰劉郎不敢題餒

筆四

六

字虛負人生一世豪僕讀周禮疏羞邊之實糗餌
粉餈鄭箋今之餈餈安謂六經中無此字耶又觀
揚雄方言亦有此字

宋王楙野客叢書

劉禹錫嘗曰詩用僻字須有來處宋考功詩云馬
上逢寒食春來不見餈疑此字僻因讀毛詩有瞽
注乃知六經中惟此注有餈字僕觀揚雄方言有
此一餈字觀樊榭傳三歲獻甘醪膏餈知漢人嘗有
此語又考周禮少師掌教簫注亦有餈字則是餈
字六經中不但詩注有此一字又見於周禮注矣

禹錫所言是未深考因觀唐人詩集有曰馬上逢
寒食途中屬暮春可憐江浦望不見洛橋人此宋
考功途中寒食詩也有曰嶺表逢寒食春來不見
錫洛中新甲子何日是清明此沈佺期詩也禹錫
舉考功馬上逢寒食之言而綴以佺期春來不見
錫之句是又誤以二詩爲一詩言耳然則春來不
見錫乃佺期之句非考功之作也

細素雜記云永叔代王狀元謝啟陸機閱史尙靡
識於撐犁枚臯屬文徒自成於翫斲沈元用啟讀

筆四

七

撐犁而靡識敢謂知書問祈招而不知尙慙寡學
陸機不識撐犁事竟不知載何書僕謂此見元晏
春秋曰子讀匈奴傳不識撐犁孤塗之事有胡奴
執燭顧而問之奴曰撐犁天子也言匈奴號撐犁
猶漢人稱天子也於是曠然發寤其事亦著藝文
類聚類要諸書然則不識撐犁者乃皇甫謐非陸
機也歐公謂陸機得非別有所據乎

郭璞注爾雅謂豹文鼯鼠漢武帝時得此孝廉郎
終軍知之賜絹百匹其後如崔嵬佗劉士元之徒

皆知其說唐藝文類聚亦云終軍知豹文鼯鼠武
帝賜絹百匹僕考前漢諸書不聞終軍有此事讀
後漢竇攸家傳光武宴百僚於雲臺得豹文之鼠
問羣臣莫知之惟竇攸曰此鼯鼠也詔問所出曰
見爾雅驗之果然賜絹百匹詔公卿子弟就攸學
爾雅是以徐陵謝啟曰雖賈逵之頌神雀竇攸之
對鼯鼠方其寵錫獨有光前得非卽此事而誤以
爲終軍乎摯虞三輔決錄亦謂竇攸

前輩謂尙書紫荷囊事案晉志八坐尙書荷紫以

筆四

八

生紫爲袷綴之外服加於肩上又梁史周舍問劉
杳尙書著紫荷囊竟何所出杳曰張安世傳持囊
囊也荷乃負荷之荷人讀爲平聲遂有此誤雖歐
陽文忠公宋景文公有所不免僕謂不然紫荷囊
事其說已久非歐宋之誤也觀唐類表有云佩蒼
玉負紫荷歐宋之語豈無自邪僕因考之沈約宋
志蕭子顯齊志皆謂紫袷俗呼曰紫荷或曰負
荷以行隋志曰朝服綴紫荷錄令左僕射左荷右
僕射尙書右荷是則紫荷之說自晉宋以來有之

劉沓謂持橐籥筆出張安世傳不知出於趙充國傳漫錄謂左荷右荷出隋樂志不知出於禮志孟子題辭曰孟姓也子者男子之通稱也名軻字則未聞也前漢志顏師古注曰聖證論云軻字子車而此志無字只曰孟子未詳其所得僕謂孟子之字見於孔叢子夫豈未之見耶因知古人名字隱而不彰者何可勝數往往見於傳注碑刻雜說姑表一二出之楚狂接輿姓陸名通伯樂姓孫名陽許由字仲武並見莊子釋文伯夷姓墨名智字

筆四

九

公達叔齊名允字公信夷齊乃謚也見論語注臯陶字廷堅見左傳孔安國字子國見孔叢子漢高祖父太公名端字執嘉見皇甫謐帝王世紀高祖兄仲名喜曹參字敬伯漢申公名培見史記逢蒙之弟名鴻超楊朱之弟名布見列子鄭子真名樸叔孫通名何見楚漢春秋項伯名纏字伯見漢書注楊王孫名貴見西京雜記陳仲子字子終見高士傳商山四皓園公姓園名秉字宣明見陳畱志夏黃公姓崔名廓字少通見崔氏譜箕子名餘胥

見司馬彪注易牙名垂字易牙見孔穎達左氏疏伏生名勝字子賤叔敖名饒字叔敖並見碑彭祖姓篋名鏗見姓苑篋音剪見論語竊比老彭疏胡如村乃作賤字用干姓編亦然非也

沈約製郊居賦其間曰駕雌霓之連蜷泛大江之悠永出示王筠筠讀雌霓爲雌鴟約喜謂曰霓字惟恐人讀作平聲司馬溫公謂非霓字不可讀爲平聲也蓋約賦協側聲故爾僕考之雌霓二字東方朔七諫中已嘗用之矣張衡七辯亦曰建雌霓以爲旗

筆四

十

陶宏景詩云山中何所有嶺上多白雲只可自怡悅不堪持贈君雲固非可持贈之物也坡翁一日還自山中見雲氣如羣馬奔突自山中來遂以手撥開籠收於其中及歸白雲盈籠開而放之遂作攬雲篇云道逢南山雲歛吸如電過竟誰使令之袞袞從空下又云或飛入吾車偏透人肘膊搏取置笥中提攜返茅舍開緘仍放之掣去仍變化然則雲真可以持贈矣宣和中艮嶽初成令近山多

造油絹囊以水濕之曉張於絕巘危巒之間既而雲盡入遂括囊以獻名曰貢雲每車駕所臨則盡縱之須臾滂然充塞如在千巖萬壑間然則不特可以贈又可以貢矣併資一笑

宋周密齊東野語

張鑑功甫號約齋循忠烈王諸孫能詩一時名士大夫莫不交游其園池聲妓服玩之麗甲天下嘗於南湖園作駕霄亭於四古松間以巨鐵組懸之空中而羈之松身當風月清夜與客梯登之飄搖雲表真有挾飛仙遡紫清之意王簡卿侍郎嘗赴

畫四

十一

其牡丹會云衆賓既集坐一虛堂寂無所有俄問左右云香已發未答云已發命捲簾則異香自內出郁然滿座羣妓以酒肴絲竹次第而至別有名姬十輩皆衣白凡首飾衣領皆牡丹首帶照殿紅一枝執板奏歌侑觴歌罷樂作乃退復垂簾談論自如良久香起捲簾如前別十姬易服與花而出大抵簪白花則衣紫紫花則衣鵝黃黃花則衣紅如是十盃衣與花凡十易所謳者皆前輩牡丹名詞酒竟歌者樂者無慮數百人列行送客燭光

香霧歌吹雜作客皆恍然如仙遊也功甫於誅韓有力賞不滿意又欲以故智去史事泄謫象臺而殂

昔傳江西一士求見楊誠齋頗以該洽自負越數日誠齋簡之云聞公自江西來配鹽幽菽欲求少許士人茫然莫曉亟往謝曰某讀書不多實不知爲何物誠齋徐檢禮部韻畧豉字示之注云配鹽幽菽也然其義亦未可深曉楚辭曰大苦鹹酸辛甘行說者曰大苦豉也言取豉汁調以鹹酢椒薑

筆四

十一

飴密則辛甘之味皆發而行然古無豉豉史急就篇乃有蕪夷鹽豉史記貨殖傳有藁麴鹽豉中荅三輔決錄曰前對大夫范仲公鹽豉蒜果其一箭蓋秦漢以來始有之

紗之至輕者有所謂輕容出唐類苑云輕容無花薄紗也王建宮詞云嫌羅不著愛輕容元微之有寄白樂天輕容樂天製而爲衣而詩中容字乃爲流俗妄改爲庸又作榕蓋不知其所出元豐九域志越州歲貢輕容紗五疋是也又有所謂方空者

漢元帝紀罷齊三服官註云春獻冠幘縱為首服
紈素為冬服輕綃為夏服凡三師古曰縱與纒同
音山爾反即今之方目紗也又後漢建初二年詔
齊相省冰紈方空穀吹綸絮紈素也冰言色鮮潔
如水釋名曰穀緩方空者紗薄如空也或曰空孔
也即今方目紗也綸如絮而細吹者言吹噓可成
此紗也荆公詩云春衫猶未著方空者是也二紗
名世少知故表出之

筆四

十三

凡視二十餘草事竟小步庭間見老叟負暄花陰
誰何之云京師人也累世為院吏今八十餘幼時
及識元祐間諸學士今子孫復為吏故養老於此
因言聞今日文書甚多學士必大勞神也洪喜其
言曰今日草二十餘制皆已畢事矣老者復頌云
學士才思敏捷真不多見洪矜之云蘇學士想亦
不過如此速耳復首肯咨嗟曰蘇學士敏捷亦不
過如此但不曾檢閱書冊耳洪為赧然自恨失言
嘗對客自言如此且云人不可自矜是時使有地

縱亦當入矣

諸王孫趙孟堅字子固號彝齋居嘉禾之廣陳脩
雅博識善筆札工詩文酷嗜法書多藏三代以來
金石名蹟遇其會意時遂傾家易之不靳也又善
作梅竹往往得逃禪石室之妙蔡僊為尤奇時人
珍之襟度瀟爽有六朝諸賢風氣時比之米南宮
而子固亦自以為不歉也東西薄遊必挾所有以
自隨一舟橫陳僅畱一席為偃息之地隨意左右
取之撫摩吟諷至忘寢食所至識不識望而知為

筆四

十四

米家書畫船也庚申歲客輦下會菖蒲節余偕一
時好事者邀子固各攜所藏買舟湖山相與評賞
飲酌子固脫帽以酒晞髮箕踞歌離騷傍若無人
薄暮入西冷橋孤山艤櫂茂樹間指林麓最幽處
瞪目絕叫曰此真洪谷子董北苑得意筆也鄰舟
數十皆驚駭絕歎以為真謫僊人異時蕭千巖姝
之滾得白石舊藏五字不損本契叙後歸之俞壽
翁家子固復從壽翁善價得之喜甚乘舟夜汎而
歸至雪之弁山風作舟覆幸值支港行李衣衾皆

澣溺無餘子固方被濕衣立淺水中手持襖帖示
人曰蘭亭在此餘不足介意也因題八言于卷首
云性命可輕至寶是保蓋其酷嗜雅尚出于天性
如此後終于提轄左帑身後有嚴陵之命其後帖
歸之悅生堂今復出人間矣噫近世欲求好事博
雅如子固者豈可得哉
前輩耆年碩德間居里社游從詩酒之樂流風雅
韻一時歆羨後世想慕繪而為圖傳之好事蓋不
可一二數也今姑摭其表表者于此以致景行仰

筆四

十五

止之意云唐香山九老則集于洛陽樂天序之胡
杲懷州司馬 吉皎空衛尉卿致仕 劉真磁州刺史 鄭
據龍武軍長史 盧貞侍御史內供奉 張渾永州刺史 白
居易刑部尚書致仕 所謂七人五百八十四者是也
又繪續會者二人李元爽洛中遺老 僧如滿九
五 或又云狄兼謨秘書監 盧貞河南 二人以年未七
十雖與會而不及列云宋至道九老則集于京師
張好問太子中允 李運太常少卿 宋琪丞相 武成
允唐州節度副史 吳僧贊寧七十 魏石鄧州刺史 楊

徽之諫議大夫 朱昂水部郎中 李昉故相 然此
集竟不成至和五老則杜衍丞相 王渙禮部
九畢世長司農卿 朱貫兵部郎中 馮平禮部郎中
時錢明逸畱鑰睢陽為之圖像而序之燕談慶歷
未杜祁公告老退居南京與太子賓客致仕王渙
光祿卿致仕畢世長兵部郎中分司米實尚書郎
致仕馮平為五老會吟醉相勸士大夫高之祁公
以故相耆德尤為天下傾慕兵部詩云九老且無
元老貴莫將西洛一般看五人年皆八十餘康寧
爽健相與甚歡故祈公詩云五人四百有餘歲深
稱分曹與挂冠而畢年最高時九十餘故其詩云
非才忝預最高年是時歐文忠留守睢陽而歎慕
借其詩觀之用次韻卒章云聞說 元豐洛陽耆英
優游多唱和新詩何惜借傳看

筆四

十六

會凡十有二人富弼丞相 韓國文彥博丞相 路國
席汝言司封郎中 王尚恭朝議大夫 趙丙太常少
五 劉几秘書監 馮行己衛州防禦使 楚建中天章待
二 王謹言司農少卿 王拱辰檢校太尉判大名府
七十 張問太中大夫 張燾龍圖直學士 司馬光端明學士
讀學士六十四用唐 温公序之圖形妙覺僧舍謹
狄兼謨故事預焉 温公序之圖形妙覺僧舍謹
八是年司馬端明不拜樞密副使求判西臺時
元豐五年文潞公安居西京慕唐白居易九老會
於是悉聚洛中大夫賢而老自逸者韓公置酒相
樂凡十二人又命鄭奭圖形妙覺僧舍各賦詩時

人呼之曰洛陽耆英會而司馬為之序其相聚也
用洛中舊俗序齒不尚官時韓公年七十九潞公
與司封席汝言皆七十七朝議大夫王尚恭七十
六太常卿趙丙秘書監劉几衛州防禦使馮行已
皆七十五天章閣待制建中七十三朝議大夫
王慎言七十二大故張公詩云當年尚齒尤
壽皆七十司馬六十四故潞公詩云當年尚齒尤
多幸十二人中第二人韓公贈潞公詩云顧我年
齡雖第一在公勲德自無雙潞再答韓公詩云惟
公福祿并功德台是人間第一人是時宣徽使王
公拱宸年七十一畱守大名貽詩二公預其數凡
十三人夢溪筆談唐白樂天居洛與高年者八
人為九老之會者再矣元豐五年文路公守洛又為
考年會人為一詩命畫工鄭英圖于妙覺佛寺凡
十三人守司徒致仕韓國公富弼年七十九守太
尉判河南府潞國公文彥博年七十七致仕王尚恭年
致仕席汝言年七十七朝議大夫致仕王尚恭年

筆四

七

七十六太常少寺致仕趙丙年七十五秘書監劉
幾年七十五衛州防禦使馮行已年七十五大
大夫充天章閣待制建中七年七月十三朝議大夫
致仕王慎言年七十二宣徽南院使檢校太尉判
大名府王拱辰年七十一大中大夫張燾年七十
龍圖閣直學士通議大夫張燾年七十端明殿學
士兼翰林侍讀學士大中其後又改為真率會云
大夫司馬光年六十四其在洛下與諸故老時
謹案避暑錄話司馬文正公在洛下與諸故老時
游集相約酒行菓實食品皆不得過五謂之真率
會嘗見於詩子瞻在黃州與鄰里往還子瞻既絕
俸而往還者亦多貧復而為三自言有三養曰
安分以養還者亦多貧復而為三自言有三養曰
氣省費以養財云云吳興六老之會則慶歷六
年集於南郡郎簡工部侍郎范說司封員外張維
衛尉寺丞九十一劉餘慶殿中丞九十六周守中
都官張先之父

頌之父 吳玠 大理寺丞七十 時太守馬尋主之胡

安定教授湖學為之序焉吳中則元豐有十老之

集為廬革 太中大夫 黃挺 奉議郎 程師孟 正議大

修撰七 鄭方平 朝散大夫 閻邱孝終 朝議大夫 章

七 蘇州太守 徐九思 朝請大夫 徐師閔 朝議大夫

崇大年 丞議郎 張詵 龍圖直學 米芾 元章為之序焉

筆四

六

卷一

唐王保定摭言 稗海一

唐范攄雲溪友議

唐李冗獨異志

唐蘇鶚杜陽雜編 二

唐裴庭裕東觀奏記

唐劉肅大唐新語

唐趙璘因話錄

筆總目一

唐玉泉子

五代孫光憲北夢瑣言

卷二

宋范公稱過庭錄 三

宋魏泰東軒筆錄

宋吳處厚青箱雜記

宋鄭景望蒙齋筆談

宋張舜民畫墁錄

宋張世南游宦紀聞 四

宋沈括夢溪筆談補筆談

宋張邦基墨莊漫錄

宋張邦基侍兒小名錄拾遺

卷三

宋馬永卿嬾真子 五

宋歐陽修歸田錄

宋蘇軾東坡志林

宋蘇轍龍川別志

宋王闢之澠水燕談錄

筆總目二

宋陸游老學庵筆記

宋葉夢得石林燕語 六

宋葉夢得避暑錄話

宋周輝清波雜志

卷四

唐段成式酉陽雜俎 續稗海七

唐柳宗元龍城錄

宋王楙野客叢書 九

宋周密齊東野語 十

十二年狀元盧肇四年進士二十五年狀元元
鄭言五年狀元張漬六年進士二十六人狀元
狄思慎七年狀元盧深五年進士二十七人狀元
元李邵十一年進士三十人狀元崔鏞十人狀元
懿宗咸通二年進士三十人狀元劉蒙九人狀元
狀元孫龍七人進士二十人狀元薛邁二年狀元
狀元八人進士三十人狀元鄭宏業九年狀元
十三年進士三十人狀元鄭昌符九年狀元
昭元許祐孫昭宗龍紀元狀元孫渥中和五年
大順元許祐孫昭宗龍紀元狀元孫渥中和五年
狀元許祐孫昭宗龍紀元狀元孫渥中和五年
福二年狀元觀文三年狀元崔寧二年狀元張曙鶴景
年年狀元楊贊圖光化三年狀元裴格四年狀元

筆子目上三

元歸係之天祐元年狀元裴說四年狀元崔德祥二年狀元
元歸係之天祐元年狀元裴說四年狀元崔德祥二年狀元
狀元陳逖后唐開平二年狀元裴說四年狀元崔德祥二年狀元
王歸璞人廟狀元寇湘黃仁中狀元王徽趙貞明狀元
峻唱名御狀元寇湘黃仁中狀元王徽趙貞明狀元
始唱名御狀元寇湘黃仁中狀元王徽趙貞明狀元
世則身元孫何三出端拱元年狀元葉齊淳化
三年則身元孫何三出端拱元年狀元葉齊淳化
始唱名御狀元寇湘黃仁中狀元王徽趙貞明狀元
元孫何三出端拱元年狀元葉齊淳化

元年狀元呂溱慶歷二年狀元楊實六年狀元
元賈駿皇祐元年狀元馮京五年狀元鄭麟
嘉祐二年狀元章衡四年狀元劉焯六年狀元
元王侁民八年狀元許將開禧元年狀元
元彭汝礪四年狀元許安世熙寧元年狀元
葉祖洽六年狀元許安世熙寧元年狀元
聖元李銓大觀二年狀元霍滿友五年狀元
元蔡嶷大觀二年狀元霍滿友五年狀元
元莫儔五年狀元何卓重和元年沈晦建炎二
宣和三年狀元易紹興二年狀元張孝祥二
元汪應辰八年狀元劉章十八年狀元王佐二
誠之十五年狀元趙造二十四年狀元張孝祥二
十七年狀元王十朋三十四年狀元梁克家隆

筆子目上四

與元年狀元木待問乾道二年狀元蕭國梁
五年狀元鄭僑八年狀元姚穎八年狀元黃由十
元詹駸五年狀元鄭僑八年狀元姚穎八年狀元黃由十
元詹駸五年狀元鄭僑八年狀元姚穎八年狀元黃由十
元詹駸五年狀元鄭僑八年狀元姚穎八年狀元黃由十
元詹駸五年狀元鄭僑八年狀元姚穎八年狀元黃由十
元詹駸五年狀元鄭僑八年狀元姚穎八年狀元黃由十
元詹駸五年狀元鄭僑八年狀元姚穎八年狀元黃由十
元詹駸五年狀元鄭僑八年狀元姚穎八年狀元黃由十

李輔元統二年狀元李齊至正二年狀元陳祖仁八年狀元王宗哲十四年狀元朱繼志二十年狀元魏元禮二十三年狀元楊軼

燕九狗覺寮雜記劉覃及第櫻桃初出和以糖酪

崔沆判同年

撫言屢用關宴二字慈恩寺題名云自神龍之後過關宴後皆期集於慈恩寺塔下題名又盧文煥光化二年狀元及第頗以宴醪為急務常俯關宴同年皆患貧無以致之又曲江亭子進士關宴常寄其間又羅介貞元五年及第關宴曲江又乾符丁酉歲關宴甲於常年又盧知猷於西溪亭子赴進士關宴蓋關宴二字已注于述進士下篇云曲江大會見許孟容傳

筆子目上五

壓倒元白

與話錄上下門生俱稱復事 香祖筆記洛中裴晉公夜宴楊汝士詩言日蘭亭無

開賀

果然銜得錦標歸

隨園詩話據唐鄭谷詩言登第後宿平康里詩好是五更殘醉醒耳邊聞喚狀元聲谷登趙昌翰榜名在第八則狀元是唐進士通稱不必第一名矣且十國春秋載南漢劉龔有例狀元必受宮刑即羅履先宮詞所云莫怪宮人誇對食尚衣多半狀元郎是也並不使以第三名為探花天中記唐進士杏園初會使少俊二人探花遊園若他人先折名花則二人被罰是凡新進士皆可探花矣至宋時尚不以第二名為榜眼見于李燾長編陳

若拙中進士第三名以貌陋人稱瞎榜

東塗西抹

避暑錄話有盧延讓紅綾餅事近之

慈恩塔題名

陰德貴相

樂善錄仿此世說補裴晉公不信術數每語人曰雞猪魚蒜逢著則喫生老病死時至則行見玉泉子還帶陰德拜相裴中令外初名一即晉公有二裴度一後魏刺史德歡

簾前獻詩

筆子目上六

碧紗籠

北夢瑣言唐段相文昌家寓江陵少以貧窶進修常患口食不給每聽曾口寺齋鐘動輒詣謁餐為寺僧所厭自此乃齋後扣鐘冀其晚至而不逮食也後入登台座遠出大鎮拜荆南節度有詩題曾口寺云曾遇閣黎飯後鐘蓋為此也監戒錄羅使君向廬州人不事產業以至於困窮常遊福泉寺隨僧飯而業未嘗廢二十年間持節歸鄉里及境書僧故壁曰二十年間此布衣鹿鳴西上虎符歸故時賓從論前事到處松杉長舊園野老共遮官路拜沙鷗遙認隼旟飛春風一宿琉璃殿惟有泉聲愜素機青箱雜記魏野嘗從萊公游陝府僧舍各有留題後復同游見萊公之詩已用碧紗籠護而野詩塵昏滿壁時有從行官妓即以袂就拂之野徐曰若得常將紅袖拂也應勝似碧紗籠山野徐曰若得常將

取寒素

趙倚樓

冬烘

避暑錄話唐人言冬烘是不了了之語故有主司頭惱太冬烘之言崇寧末詹某上章云謹按某官人材闕冗臨事冬烘安國性隱而口吃每執手躍于眾曰吾不辭遣逐但冬烘為何等語遂目為冬烘公

春雪詩

唐書張祐謁李紳稱釣鰲客李怒曰既解釣鰲以何為竿曰以虹以何為釣曰以日月以何為餌曰以短李相為餌紳默然厚贈之侯鯖錄釣鰲客作李白雲溪友議僧見李

筆子目上七

紳黑蛇上樹食李有五李紳一父稱一父容俱太宗系一順宗子袁王一趙城系廬江令一即公垂均見唐書癸辛雜識短小如史記郭解前漢嚴延年

高軒過

據言韓愈皇甫湜一代龍門牛僧孺攜所業謁之大稱賞俟其他適訪之大書其門曰韓愈皇甫湜同訪翌日遺闕以下咸往投刺因此名振

雲溪友議

齊簡

列子周穆王篇作簡簡為右據殷敬順釋文音泰簡音丙自張湛有上齊下合之注後遂訛簡為齊穆天子傳造父為御簡簡為右字彙補簡音泰簡音丙是齊亦簡字之訛既

曰為右即人名非馬名矣淮南子有三證一原道訓昔者馮夷大丙之御大音泰一覽冥訓若夫鉗且大丙之御又曰夫鉗且大丙不施轡銜而以善御聞於天下

獨異志

畫龍點睛

談薈宣和畫譜張僧繇又嘗于天皇寺畫龍不點睛道俗請之捨錢數萬落筆之後雷雨晦冥失龍所在願凱之畫龍不點睛人強共點睛龍竟飛去拾遺記始皇元年騫霄國獻刻玉工名裔刻玉為百獸之形皆銘其臆前記以日月皆不點睛或點之必飛走始皇以淳漆各點兩虎一眼旬日失之明年西方獻兩虎各無一目疑是先所失者檢其臆果是元年所刻玉虎

筆子目上八

衛玠通恕

世說補衛洗馬常以人有不及可以情恕非意相干可以理遣故終身不見喜愠之色

漢陰抱甕

莊子子貢過漢陰見一丈夫方將為圃畦鑿隧而入井抱甕而出沽子貢曰有機于此日浸百畦園者笑曰夫有機事必有機心吾羞不為劉向說苑衛有五丈夫負缶入井灌非終日一區鄧析過下車教曰為機事後輕前重命曰桔槔終日灌百區五丈夫曰吾師言有機智之巧必有機智之心我不為也乃知惡機心者不獨漢陰丈人也蒙齋筆談以漢陰丈人識其一不識其二

第七車

張寬一作倪寬又作獨服
娥碑不能曉有婦人浣于汾
謂離合義合即黃絹正平衡
車解既而至乃黃絹外孫合義
婦人即娥靈也世說作魏武問
作魏文問楊修也孔子知羊
羊知魏文問楊修也孔子知羊
子晉年知諫詞騏驎方知
雀知藻葉長林知東都短人
知雀知藻葉長林知東都短人
山雀知藻葉長林知東都短人
鸞鳥賈逵知諸葛恪知奚囊
厭王氣物諸葛恪知奚囊
龜陸敬叔知彭侯知毛知桐
鮐以敬叔知彭侯知毛知桐
鼓以敬叔知彭侯知毛知桐

筆子目上九

知九龍洞知燃石以賦知蛇化維知
庫火以積油知玉泉荀見家王榮野
節陵科斗策賈淵知荀見家王榮野
人冢不生承天知漢時玉珮遺製
白題國何承天知漢時玉珮遺製
知古長城知古儀樽許敬宗知黃
雌豸公卿知蘇明池李西漢故倉
秦哀公卿知蘇明池李西漢故倉
三斗沈約知東雀餞李章知西漢
澄知服約知東雀餞李章知西漢
石孟銑知藥金燒之有禮門鼓
報時鐵有金字報盧若虛知董
知贊寧知畫中隱見劉鄭知龍
僧周惡夫知印為亞夫印張策
知年無正月知甘泉鼎為策年
元非齊桓公物解斯徵知錞于
盛非齊桓公物解斯徵知錞于

瑩知于闐故玉印徐鉉知海馬骨高裕知
經元行沖知峇陽古鐘為姑洗之角劉敬
所作楊收知徑路漢傳毅知西域金人胡
知昆池劫灰蔡邕知焦尾琴柯亭竹魏嵇
知石髓晉荀勗知勞薪一雞琴虞東晉論
水知羽高允知秦時五星聚東井金水二
無緣背日而行齊徐之才知蛤精知趙昭
梁武帝答月支王所見巨龜知仲昭儀以
數殺帝王至今不死知化劉杳知張師張
騫毘王至不罰所化劉杳知張師張
知蛇鶴二珠知火浣布知桑高安國鹽知
國鏡知八風谷酒知扶桑爾絲知六女國
魏趙逸知晉時寺址知宋時浮圖觀與隋
崔順知藍田玉人影蛾池法善知白蝙蝠
皮脂羊維知東之影蛾池法善知白蝙蝠

筆子目上十一

精果青城五老知太元仙衣鄭欽悅知山
石銘賈馳知風癡惟黃龍浴水及千木梳
可療知火尼知蕪粟望又春秋陳章知胡
鑿建中時道者知脈望又春秋陳章知胡
折齒浮游公得見之公孫僑知實沈臺
人續子公得見之公孫僑知實沈臺
知浮游公得見之公孫僑知實沈臺
縣神小伊尹射父知重黎鄉子知史官蔡
知參龍氏介萬虛知牛鳴展禽知爰居張
知宣帝時美陽偽鼎魏管輅知宋無忌妖
易中九事六朝雷煥知枯木照妖知豐城
氣劉顯知獅子何色樂藹知積油為灰王
儒野知古人以石為針范雲知白鳥所至
子野知古人以石為針范雲知白鳥所至
陽坂魏收知續人日張文收知潤州中玉
有十三枝知古岳濟經曠元方頃知離合
祥周焦君知古岳濟經曠元方頃知離合

朱子奢知燒尾事張果知漢武時鹿張魚海
知蝦蟇齒時人伊祁元解知龍虎玉尹
拙知白馬祠舊典宋史劉恕知五代別將行
履王介甫知虹玉圍腰語尤延之知河鮪原
起王之仲行知天吳字音葉寔知玉柳婦許
敬徐鉉知順天得一錢知嵐州牡獸為麟元
處律楚材知角端郭璞知延陵軀鼠為妖
耶彌制胡僧無畏知大蛇出芒山欲決水補
洛城孫盛知會孝秀而麈見為吉祥何厥知
漢時鳳見為羽孳王高知雉集漢署為成聽
之不聰佛圖澄知契丹異獸為駁陳彭年知墨
之將及劉厥知契丹異獸為駁陳彭年知墨
智墨允為伯夷叔齊

杜陽雜編

筆子自上十一

九花虬

杜陽雜編上還宮闕之前原文尚有代宗幸
陝紫氣如車蓋鐵牛黃衣各兆副元帥郭子
儀與大將李忠義渭北節度使王仲昇克復
京師吐蕃大潰計共一百七十四字注十八
字故號不必讓也句下原注子儀身長六尺餘
其類故號上以九花虬句下原注亦有師子
王類年拾遺記周穆王有八駿超光超影逐
日者號雜編又云上西幸有八駿超光超影
驄一號如意驪皆耳中有毛引之可長一尺
侍者進瑞鞭上指二駿曰今獲此鞭可謂三
絕被後漢李忠傳世祖即以此乘大驪馬及
有獻五百里馬者南史宋江夏王義恭傳時
會梁入寇詔弼為軍司攝行台左丞臨發文
襄賜馬一匹曰此廐中第二馬孤恒自乘聊

以為贈 又李景傳帝令景營遼東戰具于
北平賜御馬一匹名師子駘

上清珠

即開元初尉賓國所貢句下原注尉賓國在
西海

焚燹畫草

盧眉娘

年十四句下原注眉娘生而眉如綠細長也
成拾遺記吳主趙夫人能于指間以彩絲織
寫五岳河海城邑行陣之形謂之鍼絕

蠅虎舞涼州

酉陽雜俎蠅虎陣與此相類 池北偶談引
作舞梁州

筆二自上十二

乙夜觀書

篇末原注傳於水部賈嵩員外 觀此知不
惟石林燕語經筵賜茶

蛤蜊菩薩

篇末原注傳之涇州從事陳納 酉陽雜俎
隋煬帝嗜蛤蜊中有一佛立菩薩像帝悔不
食蛤此外續夷堅志史丞相蛤中有二佛像
送入佛寺藝苑雖黃張宗益剖蚌將食有珠
現羅漢像以歸慈恩寺

東觀奏記

令狐兒

韋丹後

金蓮燭

乃賜金蓮花燭句下原注一作炬見世說
補又夢溪筆談王禹玉賜銀臺燭歸院
門水燕談晁迥中使就御前取燭前導出內
抵暮送以外玉堂雜記史少保浩錫宴澄碧殿
召知制誥鄭毅夫對內東門小殿命草制賜
雙炬送歸舍人院元祐間東坡為學士草制
夜對撤御前金蓮炬送歸院乾道間周益公
權直學士院草制晚對選德殿退御藥司自
復道秉燭鎖院

科名記

佛名經也
韋澳不可犯
東觀記所言韋事不一而足

筆子目上十三

賜緋樂府雜錄雷琴賀若夷對文宗彈賜朱
衣為賜緋調
此條駁還外府奏薦與大唐新語宋璟不奉
詔製佳號一類游宦紀聞今之作倅者皆
借緋堂除知縣亦借緋太守則借紫謂已經
賜緋則借軍監則仍緋邊郡節鎮不俟賜緋
可借紫謂之隔借先作州曾借紫後得軍則
仍服緋張嵩先知嘉興府後知建昌軍遂申
朝廷云前任已蒙恩借紫今任欲乞仍舊旨
從之遂為例石林燕語給事中中書舍人
雖皆四品給事中自服緋除受告日便自易
服惟中書舍人必俟後殿正謝而賜乃易服
後殿不常坐或待數日則或緋或綠蓋雜識類
詩稽紫閣諸書樂美詩注夢以雁銜紫為之

御辰書名

東觀奏記崔鉉秉政時人語曰炙手可熱楊
鄭段薛欲得命通魯紹瓌蒙晉為刑部侍郎

鉉欲引以為相聖旨授河南尹不測其事赴
後上問曰鄭魯發後除改卿還自由否鉉驚
密以此事訪於左右云御辰上題此四句

大唐新語

與李屋續世說合刻者亦名唐世說
肅一見宋史任福傳一見宋史劉清之傳一見
金史石抹世勣傳又見元史一見唐書藝文志
元和中江都主簿即撰大唐新語者

房謀杜斷

後漢楊賜傳拜太常詔賜自所服冠績綬革
帶金錯鈎佩隋書柳裘傳以奉使功賜金
九環帶一腰北史薛道衡傳出檢校襄州
總管帝賚九環金帶又楊表傳優詔賜及
萬鈎寶帶又侯莫陳順傳魏文帝並解所
服金鏤玉梁帶賜之唐書李彥方傳靖破

筆子目上十四

蕭銑時所賜于闐玉帶十三疋七方六刃勝
各附環以金固之所以佩物者宋史藥元
福傳詔自晉州率所部入朝賜六銖袍帶
又寇準傳太宗嘗得通天犀命工為二帶一
以賜準老學庵筆記王荆公所賜玉帶號
玉抱肚真宗朝趙德明所貢玉壺清話極
密直學士劉綜少孤依外兄通遠軍使董遵
晦遵晦遺綜賚賜馬于朝還日太祖解珍珠盤
龍帶遺綜賚賜馬于朝還日太祖解珍珠盤
時賜笏頭毬路金帶佩魚如兩府之所服者
懿恪以表謝曰橫金三紀未佩隨身之魚賜
帶萬釘改觀在廷之目能改齋漫錄唐杜
如晦傳太宗嘗賜房喬黃銀帶曰如晦與公
同輔朕今獨見公泣然流涕曰世傳黃銀鬼
神畏之更取金帶送如晦家子按唐慎微證
類本草載青霞子曰丹砂伏火化為黃銀能
重能輕能神能靈萬斤遇火輕速上騰鬼神
尋求莫知所存又按唐日華寶藏論云銀有

十六件真水銀白錫銀會青銀土碌銀丹陽
生鐵銀生銅銀硫黃銀砒霜銀雄黃銀雌黃
銀礪石銀惟至藥銀山澤銀草砂銀丹砂
銀黑鉛銀伍件是真餘則假本草正文丹砂
雄黃雌黃皆殺精魅惡鬼邪氣所謂黃銀者
非丹砂銀則雌黃雄黃銀也太宗所賜黃銀
帶者以黃銀為帶耳時如晦已死矣而丹砂
雄黃雌黃皆殺精魅惡鬼邪氣所謂黃銀者
神畏之也考唐顯慶中監門衛長史蘇恭撰
唐本草其中一條稱黃銀作器辟惡瑞物也
屬其殆鎔石也余攷之若以鎔為帶而賜大
臣何足貴者按禮斗威儀君乘金而王則黃
銀見當是瑞物北史辛公義為牟州刺史時
山東霖雨自陳汝至於滄海皆苦水災境內
大麥獨無所損山產黃銀獲之以獻益知其
為異物虞世南書夫子廟堂碑太宗賜之王
羲之黃銀印一枚有表以謝若以黃銀為鎔

筆子目上十五

是恐不然按唐書高宗上元元年詔九品服
淺碧並鎔石帶入跨唐固自有鎔帶也方勺
泊宅編曰黃銀出蜀中南人罕識朝散郎顏
京監在京抵當庫有以十釵質錢者其色重
與上金無異上石則正白此說尤分明談
蒼庚信歌詞山無藏於紫玉地不愛於黃銀
山海經阜塗之山其陰多銀黃晉書若廣
不假岳之筆岳不取廣之旨無以成斯美也

宋璟昌言

開元遺事帝以所用金筋令內臣賜環璟受
賜莫知其由帝曰非賜汝金蓋表卿之直也

頌過其父

姚崇應變以下又一事 舊唐書姚崇本名
元崇字元之避開元尊號改名崇又天文志
後漢典星待詔姓名同 秦將亦有姚崇見
晉載記 世說補蘇頌年五歲裴談常過其

父頌方誦庾信枯樹賦避談字諱因易其韻
曰昔年移柳依依漢陰今看搖落悽愴江潯
樹猶如此人何以任皆歎異之唐詩紀事頌
字廷碩一覽至千言吏侍馬載曰古稱一日
千里蘇生是矣開天傳信記環初未知頌處
頌于馬廐中與傭僕雜作一日有客詣環頌
擁篲趨庭遺墜文書客取視之乃詠崑崙奴
詩也環出客問何人非足下宗族庶孽耶若
加禮收舉必蘇氏之令子也環自是稍親之
適有人獻免環乃召頌詠之立呈詩環大驚
驟加敬禮由是學問日新文章益代及上平
內難制詔無非頌出代稱小許公也松窗雜
記唐中宗嘗召宰相蘇瓌李嶠子進見二子
皆童年上曰爾自憶所通書可奏者為吾言
之頌應曰木從繩則直后從諫則聖嶠子曰
斯朝涉之脛剖賢人之心上曰蘇瓌有子李
嶠無兒

筆子目上十六

折節讀書

大唐新語姚崇初不悅學年逾弱冠常過所
親見修文殿御覽閱之憲遂耽玩墳史 崇
之導獵不如儉之諫獵

張說不惜細費

唐元宗改麗正書院為集賢院置集賢侍讀
學士侍講直學士褚無量馬懷素為侍講每
入闕門令乘肩輿親自迎送以申師禮

九齡先覺

唐儉諫獵

元宗亦曾聞頌葬罷獵

田舍漢

獨異志比此加詳

聞名召見

張元素不如孫伏伽宏量

心膂大臣

九經庫

唐書世說補均與此有詳畧 談薈李堯及第俯逼起居宴霖雨不止因遣賃油幕以張之舊居昇平里凡用錢七百緡自所居連亘通衢參御輩不啻千人往來無有霑濡者張崇師廣從者數千人出遇雨雪皆頂蓮花帽琥珀衫所費油絹不知紀極市人號曰雨仙

筆子目上十七

諫避暑

大唐新語岑文本曰馬周鸞肩火色騰上必速恐不能久本唐書 有兩馬周一見宋史胡旦傳崔頴改姓名一即此

起居注

本褚遂良傳 野客叢書葛洪引漢禁中起居注驗董仲舒所撰李少君家錄云知漢起居注在宮為女史之職自魏晉以來皆近侍之人不復女職矣今考隋志自漢獻帝至隋開皇間所謂起居注凡有十四部隋志謂汲冢書有穆天子傳體制與今起居注同蓋周時內史所記又謂禁中起居注零落觀葛筆隨宰相入殿夾香案分立殿下直第二螭首和墨濡筆皆即切處時號螭頭 國史補

兩省誌起居郎為螭頭以其立近石螭也雲麓漫鈔唐殿多于陛之四角出石螭首不應史云殿下第二螭首也 石林燕語唐自高宗後前殿不奏事則二史固無所書矣本朝記注初不侍立但于前後殿為次使候上殿臣僚退面問所嘗言書之然未嘗有敢告之也後始詔後殿皆入立侍鄭丞相達夫為史復建言併前殿皆入立侍于朵殿而奏對語畧不相聞惟經筵得與講讀官並列 舊唐書

羅織對 大唐新語有羅織經一卷 或曰宰相有狄公在豈亦順成必待姚崇之對耶不知狄公方自承反違恤其他 談薈漢賞賜多用黃金晉賞賜多用絹帛各因其時所有耳漢初以黃金四萬斤與陳平間楚周勃賜五千金霍光前後所賜七千斤廣陵王前後五千斤

筆子目上十八

武帝時衛青北擊胡斬捕首虜之士前後賜黃金二十餘萬斤丞相平將軍嬰各二千斤朱虛侯章襄平侯通典調各千金昭帝賜蔡義元帝賜孔霸成帝賜許嘉各二百斤成帝賜王根哀帝賜王莽各五百斤昌邑王賜侍中君卿千斤他如黃霸各五百斤昌邑王賜等動與百斤梁孝王臨死府庫尚有黃金四十餘萬斤吳國懸賞斬大將者黃金五十斤高帝賜太子家令叔孫通各黃金五百斤王莽敗后省中黃金萬斤為一櫃尚餘六十櫃積六十萬斤董卓積金成塢又漢制天子聘后輒用黃金三萬斤王莽徵杜陵史氏女為賞賜絹布如阮瞻二千疋溫嶠庾亮荀崧楊珧等皆至五千疋周復唐彬瑯琊王仲等皆六千疋王濬杜預等皆八千疋賈充前後至九千疋王濬張華何舉等皆至十萬疋王導前後近二萬疋桓溫前後近三十萬疋

蘇峻之亂臺城燬燼時尚有布二十萬疋絹數萬疋王弼州曰按志黃金方寸爲斤又云一斤卽一金也四兩爲一斤又云一斤十六兩思謂漢書明有賜千金及賜金千斤之異則一金當爲四兩而一斤爲十六兩也按漢食貨志武帝制白金三品其一曰重八兩環之其文龍名曰白撰直三千二百以重差小方三百是其時昂銀以爲幣而八兩直三千八百錢止直三百也王莽時銀貨二品黃金一斤直錢二萬銀八兩謂一流朱提銀一千一流直錢一千五百八十他銀一流直錢一千以他銀與黃金較計之金一斤當直他銀五斤金一兩直他銀五兩也若金四兩爲斤計之則金一兩當直銀二十兩也漢黃金賤而白金貴不必懸絕乃爾又王莽傳故事聘皇后黃金二萬斤爲錢二萬萬則一斤萬錢之說合矣漢賜霍光黃金七千斤當爲錢七千萬周勃

筆子目上十九

五千斤錢五千萬也漢書武帝得周鼎吾邱壽王曰乃漢寶非周寶也賜黃金十斤晉書武帝嘗問贊虞三日曲水之義東晉進曰虞小庄不足知臣請言之賜金五十斤漢書疏廣爲太傅兄子受爲少傅俱移病賜黃金二十斤皇太子贈五十斤梁書陸罩爲太子中庶子以母老求去皇太子賜黃金五十斤猗覺察雜記以百口保人凡七事拜僕射不燒尾

談薈談賓錄蘇瓊除尙書僕射時公卿大臣初拜官者例許獻食名曰燒尾宴瓊竟不燒尾帝問之瓊奏曰臣聞宰相者主陰陽助天理物今粒食涌貴百姓不足宿衛有三日不食者臣愚誠不稱職所以不敢燒尾然韋嗣立入三品趙彥昭假金紫崔湜復舊官中宗皆令與慶池燒尾則非獻食天子也又士人登第必展歡宴亦謂之燒尾說者謂虎化爲

人惟尾不化須爲燒之乃得成人貞觀中太宗嘗以燒尾事問朱子奢子奢曰新羊入羣衆羊羣觸之必燒其尾乃定故士人登進遷除設宴謂之燒尾又說魚化爲龍者必有雷燒其尾清異錄有章巨源拜尙書令燒尾食單唐人啟霧能蔚豹雷可燒龍蓋卽本之石林燕語與侯鯖錄雷可燒龍蓋卽本之昭假金紫吏部侍郎崔湜復舊官上命燒尾而問吏部船何在崔湜遇戶部雙舸卽呼至以紙作吏部船字帖牌上引御前大悅以爲兵部不逮也俄風吹動所帖之紙見戶字嗣立請科湜罪上但罰酒而已

筆子目上二十

宋璟不奉詔

大唐新語宋璟則天朝按揚州按幽州使蜀皆不奉制

談薈邵博聞見錄唐制惟給事中得封還制書康定間富弼知制誥封還詞富弼知制誥封還國夫人詞頭朝論謂無近比然多是弼請波羅志願克九節不數

人除刺史詞頭云臣獨孤朗溫造李肇王鎰四舍人白居易續通典中所載長慶元年中書人已有封還詞頭故事非始於鄭公也吳曾漫錄仁宗朝胡宿武平知制誥封還楊懷敏詞頭上問宰相故事則唐典故給事中制耶又韓渥金鑿密記崔貽範于鳳翔圍城中挾李茂貞起復作相渥當草制抗疏論其不可夜半中人以詞頭投渥曰學士毋以性命爲戲渥不答局戶而寢明日無制宣讀昭宗曰鄉薦下命相學士不肯草制與反何異拒其如道理分明何

為諫議大夫帝欲相裴延齡城曰晚以裴延齡為相吾當取白麻壞之會要延齡儻相吾惟抱白麻勸哭世說李甘為侍御史鄭注求入相甘言于朝白麻若出吾必壞之會要李稷為相宜制日知制誥劉崇魯抱其麻而哭之乃授稷太子少師東觀奏記李遂除嶺南節度給事中蕭傲封上詔書上正聽樂不暇別召中使謂優人曰汝可就李遂宅卻喚使來旌節及璫門而反舊唐書有醫工崔懷自淮南小將為黃州司馬救至南省鄭餘慶執之封還新羅人金忠義以機巧進至少府監蔭其子為兩館生韋貫之持其籍不與李藩為給事中制敕有不可遂于黃敕後批之為門下侍郎同平章事時河東節度王鏐求兼宰相有密旨即擬來藩遂以筆塗兼相字石林燕語王荆公驟用李資深以秀州軍事判官特除太子中允權監察御史裡行命下宋次道當制封還詞頭已而次命

筆子目上廿一

李才元蘇子容皆不奉詔元城語錄無李才元有呂大臨

慎赦三國志相亮曰匡衡陳元方饒康盛曾不語赦孟光責禱曰赦者偏精

與拜僕射不燒尾此則壞過其子矣通鑑

失出減五等

張文瓘據律

趙仁恭緩刑

守法入史

張文瓘亦據律者何於狄公守法乃揮之使出北史劉行本曰臣言若是安得輕臣而不願因置笏于地而退遂原所答者唐書高帝將立武昭儀褚遂良因致笏殿階叩頭

流血日還陛下此笏

狄仁傑識大體

談晉武后夢雙陸不勝以無子諶而召還廬陸王新唐書以為狄仁傑大唐說纂則以為王方慶

美政謙退

東觀記沈豐為零陵太守到官一年甘露降北史房豹為樂陵太守遂得甘泉

海曲明珠

野客叢書引北史元樹奔南每見嵩山雲未嘗不引領歎欷又梁瑄不歸弟璟每見東南白雲立望慘然久之

筆子目上廿二

好漢

能改齋漫錄東坡餞願子敦詩人間一好漢誰似張長史舊史張柬之為荊州長史則天謂狄仁傑曰安得一好漢用之狄因薦柬之新史易好漢為奇男子

孫伏伽宏量

本唐書亦如夢溪筆談向敏中之耐官職吳志願雍封陽遂鄉侯還寺而家人不知

諫受貢金

張徐斷獄優劣

請不知譖

厚德錄呂蒙正初參知政事入朝堂士于簾內指之曰是小子亦參政耶蒙正佯為不聞

而過之其同列怒令詰其官位姓名蒙正曰若一知其姓名則終身不能復忘固不如不知也 宋史亦見

萬石張家

新語張說不能正所實者細荷疑雜記張鎰奏感堂錄

文確據律之報 野客叢書引漢書石奮及長子建次甲次乙次慶皆官至二千石景帝號為萬石君嚴延年兄弟五人皆至大官東海號其母曰萬石嚴姬後漢馮勤傳曾祖場宣帝時為宏農太守有子八人皆為二千石趙魏間號曰萬石君幾二萬石矣

張說讓飲

東觀奏記侍御史馬絨與三院退朝入臺路遇集賢校理楊收不為之卻絨為朝長拉收僕臺答之集賢大學士馬植奏論元宗開元中幸麗正殿賜酒大學士張說學士副知院

筆子目上廿三

事徐堅以下十八人不知先舉酒者說言學士以德行相先非具員吏遂十八爵齊舉今馬絨答收僕者是答植僕隸一般乞黜之御史中丞令狐綯又引故事論救之上兩釋之始著令三館學士不避行臺

徐有功忘私忿

袁枚曰有功三坐大辟

大唐新語徐文遠曰李密君子能受讞生之揖王公小人有殺故人之義孫有功為司刑卿持法寬平 野客叢書徐昉為并州錄事參軍人誣姚元之反詔按詰昉表直之則天大怒終能辨正而出唐史不載昉即有功從弟也 避暑錄話歐陽公薦相忘舊隙

陸象先不杖吏

野客叢書後漢戴宏為郡督郵曾以職事見詰府君欲撻之二國志黃蓋為守長署兩椽

教曰若有奸欺終不加以鞭杖世說太子劉淮杖主簿向雄後同在政府不交言北史庫狄連為鄭州刺史開府參軍皆加授魏收為中外府主簿頻被筆楚書邕州經略使陳曇怒判官劉綏杖之二十五而卒浙西觀察使韓皋封杖決安吉令孫解臂杖十下而死劉晏考所部官六品以上杖詔而奏杜牧之謂尹坐堂上階下拜兩赤縣令屬官將百人悉可笞辱

典選識房杜

士先器識

裴所拔蘇味道模稜語女主賀三月雲為瑞雪亦無器識新唐書裴光庭因行儉長名榜為循資格

人物志

本舊唐書李守素號為行諧嘗與虞世南共談人物江左山東世南猶相酬對及言北地

筆子目上廿四

世南不復能答隋唐嘉話作肉諧 宋韓漣詳練臺閣故事多知唐朝氏族人號為近世肉諧 大唐新語谷那律為九經庫 野客叢書引後漢書邊韶曰腹便便五經笥又引唐書殷踐猷與賀知章相善知章嘗號為五總龜 北夢瑣言李浩尚書福相之子以開元禮及第時號為周禮庫 隋房暉遠傳武帝平齊首應辟命牛宏稱為五經庫

行秘書

見世說補 北堂者秘書省之後堂蓋在隋為秘書郎時所作詳嘉話錄

積翠池賦事

西陽雜俎烽火樹即出漢積翠池

呂太乙俊拔

新語呂太乙句下尚有拜監察御史裏行自負才華而不即真因咏院中竹葉以寄意焉其詩曰濯濯當軒竹青青重歲寒心貞徒見賞籜小未成竿同列張沈和之曰問君庭竹詠幽意歲寒多歎息為冠小良工將奈何又見世說補東坡志林執政欲于舍人聽後作露籜余白諸公應須簡要清通何必裁籜插棘明年竟作之讀樂天集乃知害時得西掖作窗以通東省而今日本省不得往來池北偶談詩法有中官呂太一與唐會要魏知古慶嘉貞慶各呂太一無涉

燈影噲

洛陽人家以燈影多者為上其相勝之詞曰千影萬影據宋野史俱以錢王入賀疏買兩夜初用七十二至崇甯初以兩夜皆國忌展至十七十八貽謀錄載乾德五年正月詔書上元張燈舊止兩夜其令開封府更放十七十八兩夜燈則非關錢王也菊坡叢話

筆子目上廿五

明皇移仗上陽宮為燈樓初止三五夜又增十七十八兩夜似自唐已然宋太宗太平興國五年十月下元京城始張燈如上元之夕至淳化元年詔罷中下元張燈然則張燈亦不止上元此段本之搜采異聞錄

張徐同好

見唐書文藝傳

羣書理要

唐會要貞觀五年九月二十七日秘書監魏徵撰羣書治要上之又云太宗欲覽前王得失爰自六經訖于諸子上始五帝下盡晉年書成諸王各賜一本唐書蕭德言傳太宗詔魏徵虞世南褚亮及德言哀次經史百氏帝王所以興衰者上之帝愛其書博而要曰使

我稽古臨事不惑者卿等力也德言賚賜尤渥然則書實成于德言之手故唐書于魏虞褚三傳皆不及也宋史藝文志已不著錄今日本國尚有擺印本

六典

唐明皇御撰李林甫奉勅註其書以三師三公三省九寺五監十二衛列其職司官佐敘其品秩以擬周禮書錄解題引韋述集賢記註曰開元十年起居舍人陸堅被旨修是書帝手寫白麻紙六條曰理教禮政刑事令以類相從撰錄以進張說以其事委徐堅思之經歲莫能定又委母喪徐欽韋述始以令式入六司其沿革並入註中後張九齡又委苑咸二十六年奏草上迄今在直院亦不行用程大昌雍錄則曰唐世制度凡最皆在六典或曰書成未嘗頒用今案會要則牛僧孺奏升諫議為三品用六典也貞元二年定著朝

筆子目上廿六

班次序每班以尚書省官為首用六典也又其年竇參論祠祭當以監察泣之亦援六典也此類殆不勝道草制之官每入院必首索六典則時制盡在故也二說截然不同考呂溫集有代陳相公請刪定施行六典開元禮狀一篇稱宣示中外星紀六周未有明詔施行遂使喪祭冠昏家猶疑禮之等威名分國廢成規請于常參官內選學藝優敏者三五人就集賢院各盡異同量加刪定然後特降德音明下有司云與韋述之言相合唐人所謂說當無譌誤雜錄所引諸事疑當時討論典章亦相引據而公私科律則未嘗事事遵用如明代之會典云爾范祖禹唐鑑論其既有大尉司徒司空又有尚書省是政出于二也既有尚書省又有九寺是政出于三也蓋自唐虞至周有六官而無寺監自秦迄陳有寺監而無六官獨此書兼之故官多重復今考是書如林甫註中以諸州祥瑞預立條格

以待奏報之類誠為可嗤然一代典章釐然
具備唐鑑所論或以元豐官制全祖是書有
所激而云然歟又唐會要載開元二十三年
九齡等撰是書而唐書載九齡以開元二十
四年罷知政事則書成時九齡猶在位後至
二十七年林甫乃註成獨上之宋陳騭館閣
錄載書局有經修經進經不經進經不
經修三格說與九齡皆所謂經修不經進者
卷首獨著林甫蓋即此例

中書省故事

凌煙閣

大唐新語蕭瑀圖形凌煙閣西溪叢語河
間元王孝恭碑作戢武閣豈凌煙先名戢武
而後改之耶又段志元碑亦云圖形戢武閣
舊唐書德宗紀貞元五年詔以褚遂良以

筆子目上廿七

下至李晟等二十七人圖形于凌煙閣以繼
國初功臣之像唐書李勣傳永徽四年冊
進司空始太宗時勣已畫像凌煙閣至是復
命圖其形序之又高宗命圖長孫無忌
形像親為畫贊以賜之褚亮傳太宗為天
策上將軍宮城西作文學館收聘賢才凡分
三番遞宿于閣下悉給珍膳命閣立本圖像
使亮為之贊題名字爵里號等十人于麟
宣帝紀圖功臣霍光張安世等十一人于麟
麟閣後漢永平中顯宗追感前世功臣乃
圖畫二十八將南宮雲臺五代史光化元
年加錢鏐檢太師詔圖形凌煙閣

一日謝二恩

唐元宗賜秘書監賀知章盤湖一曲名賀監
湖或云鏡湖本慶湖避作鏡野客叢書據
許鼎撰碑云賀監不死賣藥於台州上昇

飲乳息爭

因話錄

柳換播

見世說補

汾陽公忠

有兩郭汾陽一郭淮字伯濟封汾陽子見魏
志一即郭子儀

士林儀表

柳元公稅居為善與蒙齋筆談杜岐公不造
宅假官舍居皆為貴人能以儉適其性者
東觀奏記柳珪擢右拾遺蕭傲鄭裔綽駁還
柳仲郢詣閣進表稱子珪不合塵玷諫垣柳

筆子目上十八

公權又訟侵毀之枉上令免珪官貞元元和
以來士林家禮法嚴整以韓皋柳公綽柳仲
郢為稱首香龜筆記蒙齋不府侍實緝牙郎而負國賊柳璨生其族

權文公不由科第

好腳跡門生

孟詩韓筆

老學庵筆記有沈詩任筆

上下門生

篇末原注代有姑之婿與姪之婿謂之上下
同門蓋以此况也本唐書玉泉子劉蕡
對策忤時中官仇士良謂嗣復曰奈何以國
家科第放此風漢耶懼而答曰嗣復昔與及

第時猶未風耳 裴諱詩三主禮闈年八
門生門下見門生 灑水燕款王元之二
蘇易簡知舉適放榜奏曰禹偁翰院名傳今
將全勝諸生送于郊上可其奏諸生別元之
占一絕付狀元孫何曰為我多謝蘇易簡云
綴行相送我何榮老鶴乘軒愧谷鶯三入承
明不知舉看人門下放門生

玉筍門生

西溪叢語唐書載李宗閔知貢舉門生多清
秀俊茂唐仲薛舉袁郁輩時謂之玉筍玉筍
班恐因此而得名列 癸辛雜識禮部長貳乃
云知舉餘官雖在禮部上皆稱權知舉
音聲樹
原注冰去聲

筆子目上廿九

慎名器

篇末原注有十七字

玉泉子

玉泉子有兩本

失印張筵

齊東野語王佐寧字告命置臥內失之從容白上異時從吏部求一
公據足矣

避暑錄話漢丞相太尉皆金印紫綬御史大
夫銀印青綬此三府官之極崇者夏侯勝云
取青紫如拾地芥顏師古誤以為卿大夫之
佩古者官必佩印有印必有綬魏晉後既無
佩印之法唐為此名而品又在光祿大夫之
下 石林燕語劉凡知保州方春大集賓客
飲至夜分忽告有卒謀變凡不問益令折花
勸坐客盡戴有頃皆摘至號戴花劉使

北夢瑣言

主司公道

即燕言奪標之盧肇 玉泉子李相德裕抑
退浮薄獎拔孤寒於詩朝貴朋黨德裕破之
由是結怨而絕于附會門無賓客惟進士盧
肇宜春人有奇才德裕嘗左宦宜陽肇投以
文卷由此見知後隨計京師每謁見待以優
禮舊制禮部放榜先呈宰相會昌年王起
知舉問德裕所欲答曰安問所欲如盧肇丁
稜姚鵠豈可不與及第耶起于是依其次而
放 姚鵠豈可不與及第耶起于是依其次而
盛德為天下師表雖壽生八十四而及見嘉
靖丙辰狀元諸大綬 徐應秋曰韓退之子
縮衮皆擢第衮為狀元退之名著山斗而世
不知有狀元衮吳與弼父吳溥洪武庚辰會
元而與弼之名特著王新建守仁父王華成

筆子目上三十

化辛丑狀元而新建之名亦遠在海日上故
不朽有三在此不在彼也

玉笋班

篇末原注沈詢字仁偉官至丞郎人物酷似
先德所謂世濟其美又外郎班者榮不雜亦
號玉笋班也 因話錄已謂門生為玉笋
儒林公議謝絳吳人雅秀有詞藻景祐中知
制誥然輕黠利唇吻人罕測其心時謂之士
面觀音與范諷同年素為諷所薄

玉界尺

本傳亦載

過庭錄

畫錦堂記

冠絕諸臣

免杖自新

厚德錄曹彬嘗知徐州有小吏犯罪既立案逾年然後杖之曰吾聞此人新娶婦若杖之彼其舅姑必以此婦為不利而惡之朝夕詈罵使不能自存吾緩其事而法亦不可赦也

賣餅好學

避暑錄話賣宅隣染亦好學者

聖賢地位
張子曰以愛己之心愛人則盡仁以責人之心責己則盡道

東軒筆錄

筆子目上卅一

法意

一榜盡與京判

善問西漢郡伯溫聞後十五年文帝乃拜相明太祖解方孝為子孫輔太平僅除法中教授丁學若判三司請免補進下除備員宗問先帝何弗知對曰

北史齊神武謂世子曰堪敵侯景者唯有慕容紹宗我故不貴之留以與汝 舊唐書太宗謂高宗曰汝與李勣無恩我今將責出之我死後汝當授以僕射

燒羊

言行錄邇英讀三朝寶訓至真宗祀汾陰見一羊自蹕道左怪問之曰今日尚食殺其羔真宗自是不殺羔資政殿學士韓維讀畢奏言此特小善明顯帝食嘗自賜到光緒禁離營自勿復進

寇薦丁

真相知

激濁揚清

一見厚德錄

真隱者

不稅農器

呂夷簡記名殿壁與東觀記李君奭御宸書名及灑水燕談揚徽之十聯書在御屏風此外唐書魏徵傳帝曰朕方以所上疏列為屏障庶朝夕見之唐書循吏傳太宗曰治人之本莫重刺史故錄姓名于屏風臥興對之得才否狀輒疏之下方以擬廢置能改齋漫錄真宗書魯宗道剛直于殿柱

出方還金

筆子目上卅二

厚德錄載此少略凡兩見一係轉引談圃青箱雜記復木姓即指范文正改姓朱 撫言晉公還帶尙在未貴時為尤難

橫挺

韓范戰守

鶴林玉露小有異同係引東軒筆錄並及富公欲誅晁仲約其見亦不逮范公嘗有詩奮髯要斬高郵守攘臂甘驅好水軍到得繞牀停轡日始知心服范希文

生日獻圖

見世說補

天使亦好官

非乞客

灑水燕談孫先生退居太山之湯李文定公
守充就見之曰先生年五十吾女不妻先生
不過為一小官人妻復先生德高天下幸靖李
氏編中丞國子監直講治春秋既被疾樞密
長韓琦言于上選書吏給紙札命其門人祖
使韓琦言于上選書吏給紙札命其門人祖
無擇即其家錄之得書十五卷然今春秋尊
王發微實十二卷合之中與書曰總論三卷
為十五卷總論已失別有三傳辨失解是王
日休駁復之書程端學誤以為復作耳其論
上祖陸淳下開胡安國謂春秋有貶無褒

志不在温飽

舊聞證誤劉子儀為學士沂公
齊東野語掄魁省元同郡自昔以為盛事
寧癸丑省元邵剛狀元余中旨毗陵人淳熙

筆子目上卅三

丁未省元湯鑄狀元王容皆長沙人紹熙癸
丑省元徐邦憲狀元陳亮皆婺州人紹熙庚
戌省元趙時觀狀元王會龍皆天台人紹熙
己丑省元陳松龍狀元黃朴皆福人至淳祐
甲辰省元徐霖狀元留夢炎皆三衢人時外
舅楊彥瞻以工部郎守衢遂大書狀元坊以
表其閭既以為道學名則又揭雙元坊以誇大
之其後徐以道學名則又揭雙元坊以誇大
話唐制用進士明經二科本朝雅用進士其
罷明經不知何時仁宗忠進士詩賦浮淺始
復明經科而限以問歲取士舊進士工於詩
賦有聲場屋者往往一時皆莫與之敵如王
沂公鄭毅夫數人取解首試皆為第一請之
三元王簽書巖叟記問絕人首應明經鄉貢
及南省殿試亦皆第一復沙宋三元一人而已
謂之明經三元文海波沙宋三元一人而已
王曾馮京宋庠而不知有湯實孫何明三元

人知有尚輅而不知有許觀揚則修六
在宋世三元三人陳堯叟揚實何演也
嘗唐有四元崔延翰又為制科首也宋三元
則王丞相曾楊學士真馮樞使京金三元則
孟學士宗獻王僉憲宗哲若歐陽少師修則
本川及太學禮部試稱三元而廷試在第五
非真三元也盛聯續話歷代登三元者唐
有張又新崔元翰宋有王曾宋庠馮京王巖
叟孫何楊實金有孟宗獻元有王宗哲明有
商輅然張又新在當時實稱為張三頭謂進
士狀頭宏詞狀頭京兆解頭見撫言崔元翰
為京兆解頭禮部狀頭宏詞狀頭見撫言崔元翰
救頭則是四元見說儲王巖叟以明經科鄉
舉省試廷對皆第一則是明經非進士科見
宋史本傳金史楊伯仁傳謂孟宗獻發解第
一伯仁讀其程文謂當成大名是歲宗獻府
試省試廷試皆第一則當時稱為孟四元蓋
金時尚多一府試耳見歸潛志及中州集按

筆二目上廿四

雜窗刻言記黃觀洪武甲子南京解元辛未
會試第一廷對禦策太理羅置狀元後殉
建文之難亦見傳維麟明書忠節傳似三元
不獨商文毅一人然明史黃觀傳但云以貢
入太學洪武二十四年會試廷對皆第一而
選舉志亦謂三試第一者明代准商輅一人
爽按黃觀榜姓許洪武甲子應天解元係廖
孟瞻非黃觀

宋子京修唐書

篇末原載半臂事凡五十五字 墨莊漫錄
百歐陽公修唐書事可互證負喧雜錄亦載
此 有 二 宋 祁 一 見 舊 唐 書 陳 夷 行 傳 文 宗
時 左 拾 遺 一 部 景 文

雌甲辰

青箱雜記

二李唱和

四李昉一宋司徒見南史一唐人善畫一
代漢李崧族子為秘書郎見通鑑一

慎密遠權

龍川別志王且歎文靖聖人

密薦

據東軒錄一榜盡與京判可見
齊賢久矣雖無趙普之薦豈忘太祖
兩張齊賢一見唐書中宗諫議大夫一
定兩趙普一見宋史卷十五神宗紀三川
皆巡檢一見卷二百五十六本傳即韓

復本姓

筆子目上卅五

清波雜志引陶岳五代史補成滿嘗授人改
姓郭氏既貴令鄭準草表歸本姓其畧曰
名非伯越乘舟難效于陶朱志切投秦入境
遂稱于張祿則前已有此聯特文正公拈出
尤切談蒼姓名並變者如史記范雎入秦
稱張祿范蠡入齊稱陶朱漢書劉文伯即盧
芳運期曜即梁鴻三國志馬忠即孤薦晉書
李辰即張昌劉尼即郭況唐書張忠志李
亮李國昌即朱邪赤心李寶章即張忠志李
忠臣即董秦李抱玉即安重璋李全畧即王
日簡成泗即郭禹揚守立即胡宏又改姓
名李順節五代史崇義即湯悅宋友即康
勤李紹虔即晏球李茂文即宗濂華洪朱
即閻珪王宗阮即文武聖王宗濂華洪朱
友恭即李彥成李繼崇即宗濂華洪朱
張文禮李繼麟即朱友謙李繼瑄即康巡李
李紹安即袁象先李紹冲即温翰李紹宏即
李紹一孔德即趙衡李紹英即房知宋人

陶穀即唐彥謙趙保忠即李繼昭即孫德昭李
李繼遷李良嗣即馬植李繼昭即朱子未說
繼弼即董彥弼鄒訥註參同契即朱子未說
即范仲淹蜀才即范長生云范長生即范
桶蜀池北偶談成汭復姓表見鈞磯古談范
禹偁復姓啟見蜀檣杪在文正前

老精四六

詩賦見志

因話錄載賦首句無也字

范公兩賦

賦占相度

兄弟分題

筆子目上卅六

蒙齋筆談此書商維濬入稗海誤作鄭景望
其實即葉夢得巖下放言

楊魏皆隱士

遂得謝政句下原有八十二字係言野子能
襲父風東坡志林亦載朴詩侯鯖錄楊
朴作楊璞東坡志林亦載朴詩侯鯖錄楊
魏野隱居不仕宦以詩著名卜居陝州東門
之外有平陸縣詩寒食花藏縣重陽菊繞灣
一聲離岸橋數點別川山最為警句皆自贈
寇忠愍詩好向上天辭富貴卻來平地作神
仙後忠愍鎮北都召野坐門下有妓女美色
而舉止生硬士人謂之庄張八因府台忠
令乞詩于野野贈之詩君為北道生強八
是西州熟蕪三莫怪尊前無笑語半生半
未相識吳正憲憶陳郊詩南郭迎天使東郊
詔隱人謂野而野有子名開亦有清譽
林玉露野詩野王王文正詩君在中書十二

宋史隱逸傳魏野字仲先眉州人野字仲先眉州人野字仲先眉州人野字仲先眉州人

貴人奢儉各適

與歸田錄名臣奢儉一條互有發明

奇石愈病

書壇錄

茶墨相反

蘇東坡志林司馬溫公曰茶與墨正相反茶欲白墨欲黑茶欲重墨欲輕茶欲新墨欲

陳子曰二物之質誠然矣然亦有同者公曰何謂子曰奇茶妙墨皆香是其德同也皆堅是其操同也譬如賢人君子妍醜黔皙之不同其德操蘊藏實無以異公笑以為是侯

崇政殿說書

右林燕語賈文元初以晉陵縣主簿為國子監說書孫宜公為判監始見因會學官各講經既退講宜公為判監始見因會學官各講經既退講宜公為判監始見因會學官各講經既退講宜公為判監始見因會學官各講

崇政殿講書至今講官所領階銜猶曰崇政殿說書云據所言則崇政殿說書不始於仁宗景祐元年矣豈中嘗罷之而至是再建耶

拱手聽講

以上條說書皆經筵掌故

勤請

夢溪筆談如古之勒契也灑水燕談郊祀禮或為還關門有勒契之儀其制以割為箭

筆子目上廿八

帝奏請行勒箭之儀交勒奏曰勒訖又審曰是不贊者齊聲曰是三審乃啟扉列班起居

游宦紀聞

翡翠屑金

大端田錄前半尚有摸撻熟柿阜茨藏蟹薄粉足我盪入石解性解漆州塵尾留紅羊脂系

人可... 羊角... 腦髓... 遺枯... 引爛... 風... 止濁... 蠅... 犬... 石... 風... 而... 羊... 毛... 可... 辟... 水... 毒... 猴... 皮... 可... 辟... 馬... 疫... 栗... 木... 爲... 爲... 可... 遠... 驚...

筆子目上卅九

盜青... 可去... 鬚... 之... 續... 龜... 甄... 人... 飲... 健... 火... 能... 菓... 而... 而... 磨... 日... 光... 燬... 死... 于... 隙... 光... 破... 錫... 以... 茹... 畫... 量... 以... 盪... 洗... 油...

以... 域... 生... 而... 鼓... 蚶... 龜... 尸... 疾... 不... 而... 米... 水... 布... 不... 海... 自... 然... 灰... 則... 軟... 而... 可... 刻... 橄... 欖... 落... 地... 中... 魚... 盡... 死... 南...

筆子目上四十

番... 水... 大... 熱... 不... 沙... 納... 若... 之... 則... 敢... 中... 不... 兒... 龜... 夜... 外... 物... 蒼... 鷹... 之... 精... 注... 眼... 見... 碧... 霄... 中... 物... 象... 胸... 前... 小...

橫骨灰之酒服令人能浮水出沒丹魚之血
 塗足上可行水上霍血塗金丹以指物隨口
 變化狼糞黑犬皮焚之可召鼠狝狝血飲之
 可以見鬼楓天棗地置之槽則馬駭置之轍
 則車覆狗孫毛置之網四角則多魚以鹿
 胎香懸餌下網則魚畢聚鴻毛為囊渡江
 不瀉車渠為杯酒滿不溢井口邊草止小兒
 口啼鵝脛血塗鵝頭鵝不能起僵蠶未塗馬
 盡脫亦不能鬻人雀骨入沐湯中下少許毛髮
 塗熱釜釜即復生犀角置狐穴中狐不歸牛膽
 中自相憎門冬赤黍薏苡為丸令婦人不妬
 孝子衣灰傅面酏東家鶴棲木治失音鴟腦
 和酒令人健忘風生獸死向風使活以石
 上首蒲塞鼻則死蟬蛇以婦人衣投之則蟠
 而不起龜見鏡中影即淫發而失湯橄欖為
 楫撥魚則浮骨鯁以玉簪花根汁滴之則化
 魚食楊花則病牛羊驢馬諸乳置一器中以

筆子目上卅一

獅子乳一滴投之悉化為水花菓樹如曾經
 孝子及孕婦手折則數年不著花魚遭鴿糞
 則泛食鵝鴨卵之黃則中寒而子甜瓜生
 者以鯨魚骨插頂上則蒂落而易熟桃樹社
 日椿其根則結實牢橫公魚刺之則足見牛
 梅二枚煮之則死蛇以桑柴燒之則三倍桃李
 踐瓠苗則瓠子苦桐花飼猪肥大三倍桃李
 蛙者以煮猪頭汁冷澆之即不蛙種香草常
 以洗魚水澆之則香而茂雷火所及金石銷
 鎔而漆器不壞鮭魚塗樹立致焦枯而灌以
 大膽榮盛如故蜻蜒五月五日埋于戶下則
 化為青珠積艾草三年後燒津液下流成鉛
 錫新造物柱下四隅以敗扇埋其下蚊不入
 屋元旦鶴鳴以火炤桑樹無蟲辰日將斧駁
 斫樹則結子不落以磚放石李樹岐枝多結
 子園圃四旁種決明草蛇不敢入樹岐方之
 氣噴筆端書欽深淵默漆五字置于牀帳之
 間則虱盡除以黑犬血灌蟹三日燒之諸鼠

畢集竹木刺人肉以羊糞燒灰和猪脂塗之
 自出取蟹黃以塗久疽則立差為游蜂所毒
 以井泉調蚯蚓糞塗之則痛立止以胡麻麵
 啖犬則光黑而駿使獵必大獲狐兔兼得
 十餘歲麝香以蛇蛻則彌香折梅花插盤中
 開花酷有肥態椒目可以來香梅液可以膠
 丹裡灰可以鎔銅地榆金鹽可以煮石植楮
 可以已瘋辛茗可以已瘧文無已聾躬餘禦
 火大菽礮蔗剛桐稿荷阿魏稿柚草銷玉
 阜茨碎鐵皂芡腐桐合桃來鳥櫨梨來蜂割
 柏來鼠人子之藤來象降真之香來鶴蘇割
 刺之椒來鳳鼠都林之藤澳盡訶梨勒之實
 化涎無蓀毒鼠葶甯毒魚杏核毒豕桂毒蠟
 鷓鴣畏柳薪河豚畏葭魚畏鵲豕桂毒蠟
 畏糟石乳酪得狡狴之潼則化為水相思子
 得酸則相趁馬得僵蠶而齧干支列宿之號
 去天鳥狝血見鬼魅龜脂察蛟蟻鱉宿拔刺
 蛛絲去疣蜘蛛畏蕪菁羊畏躑躅雲母制汞

筆子目上卅二

修天拒火紫背制金淬鐵以膽礬則變而為
 銅燒銀以硫黃則化而為鐵塗錫以水銀則
 腐而為泥印毒之潤產金剛焉可以割玉蕃
 積之中有聖鐵焉可以辟兵烏場之國有消
 石焉能消金石為水滑石可制雌雄黃伏龍
 肝可伏沙而縮錫石灰伏硫黃而制礪砂曼
 陀羅花令人昏醉決明實能令人跛莖若令
 人見鬼杏實能令人盲黃實能令人小兒弗長
 燕糞貂鬣集鼠胡桐之淚針金銀枕椰之材
 斷水蟲磨鐵矢鷲毛脫鷲居谿蠶蠶除燒雄黃
 致水蟲磨鐵致蠶毛脫鷲居谿蠶蠶除燒雄黃
 草熏庶蟲磨鐵致蠶毛脫鷲居谿蠶蠶除燒雄黃
 蓮菜服解麥毒蠟花解砒毒蠶菜解治葛石
 蠶蛾冬藍消蠶疥實粉蘇

三陳三洪

墨莊漫錄有兄弟相代北屏事

二硯

游宦紀聞沙隨先生寓鄱陽買得米元暉小
端硯後又得張無垢遺樊茂實硯

夢溪筆談

夜幸玉堂

唐書韋綬為翰林學士德宗嘗幸其院韋妃
從會綬方寢時大寒以妃蜀襪袍覆之而去

澶淵鎮物

東軒筆錄澶淵之役王超傳潛兵力弗支寇
萊公首乞親征李沆宋湜贊之陳堯叟請幸
蜀王欽若乞幸江南真宗曰天雄軍何人可
守萊公曰王欽若福祿未艾遽酌大白飲之

筆子目上卅三

命曰上馬孟參政勉之週日即為同列魏
能守安肅軍楊延朗守廣信軍時日二軍為
銅梁門鐵遂城

紅勒帛

貴人相法

北夢瑣言李德裕門無賓客惟盧肇許脫衫
齊東野語如馬尚書亮之於呂許公陳恭
公會諫議致堯之於晏元獻呂許公之于文
潞公夏英公之於龐穎公東軒筆錄馬尚
書亮以尚書員外郎直史館使淮南時呂許
公夷簡尚書布衣方侍其父罷江外縣令亦
至淮南尚書求見馬公一閱知其必貴遂以
女妻之後許公果為宰相馬公知江寧府時
陳恭公執中以光祿寺丞經過馬接之極厚
且謂曰寺丞他日必至真宰令其數子出拜

曰願以老夫之故他日稍在陶鑄之末會計
議致堯性剛介少許可一日在李侍郎虛己
坐上見晏元獻公晏李之婿也時方為奉禮
郎諫議熟視之曰晏奉禮他日貴甚但老夫
豈矣不及見子為相也呂許公夷簡為相日
文潞公彥博為太常博士進謁許公改容禮
接因語之曰太博此去十年當踐某位夏英
公竦謫守黃州時龐穎公司理參軍英公曰
龐司理他日富貴遠過于我既而四公皆至
元宰古云貴人多識貴人青箱雜記官至
三品不讀相書自識貴人以其閱多故也本
朝李文靖夏文莊楊大年馬尚書其賞罰未
嘗妄謬而任使之際亦多成功李勣曰無福
之人不可與共事此外袁宏漢記陳蕃為
徐穉獨設一榻去則懸之雲麓漫鈔陳蕃
為豫章太守則下徐孺之榻為樂安太守則
下周璆之榻世說補孔休源為晉安王長
史王深相倚仗嘗于齋中別施一榻云此是

筆子目上卅四

孔長史坐王丞相常懸一塵尾著帳中後
殷中軍來乃取之與中軍曰今日遺汝陳
後主有玉柄塵尾至佳手執之曰當今雖復
士如林堪執此者獨張譏耳即授譏

局量寬厚

墨客揮犀視此稍增減數字

蘇合香酒

作墨客揮犀之彭乘非此沈氏本有良方乃
載此段亦稱子於良方云云即此可見路襲
之迹西陽雜俎蘇合香師子糞也 晁公
武讀書志列沈存中良方蘇沈良方

一研三十千

墨客揮犀所載與此一字無訛

一琴一龜

墨客揮犀作鼓琴不顧趙抃傳神宗立召知諫院及謝帝曰問卿匹馬入蜀以一琴一鶴自隨為政簡易亦稱是乎石林燕語燒天香亦清獻事厚德錄載清獻軼事尤多耐官職

源注向文簡拜僕射年月未曾著于國史熙寧中因見中書題名記天禧元年八月敏中加右僕射然樞密院題名記天禧元年二月王欽若加僕射亦載言行錄

請試他題

墨客揮犀與此字句小異避暑錄話晏元獻十四歲楊文公十一歲貞宗皆親試以九經不遺一字神童不試文字二公既警絕乃復命試以詩賦元獻題出適其素嘗習者自

筆子目上卅五

陳請易文公初試一賦立成繼又請至五賦乃已

健令

墨客揮犀較此稍省數字賀節信此為最

孤山放鶴

篇末尚有三十一字言不能著某墨客揮犀全類此又見世說補詩話總龜林逋隱于武林之西湖不娶無子所居多植梅者鶴泛舟湖中客至則放鶴致之因謂梅妻鶴子云

手滑

能改齋漫錄龍川別志慶曆中劫盜張海將過高郵知軍姚仲約度不能禦喻軍中富民

出金帛市牛酒使人迎勞且厚遣之海悅徑去不為暴富鄭公議欲誅仲約范文正公欲

宥之爭於上前仁宗從之富公温曰方今患法不舉而多方沮之何以整眾范公密告之曰祖宗以來未嘗輕殺臣下此盛德事奈何欲輕壞之且吾與公在此同僚之間同心者有幾雖上意亦未知所定也而輕導人主以誅戮臣下他日手滑雖吾輩亦未敢自保也

富公終不以為然及二公跡不安范公出按陝西富公出按河北范公因自乞守邊富公自河北還及國門不許入未測朝廷意比夜

傍徨不能寐遶牀嘆曰范六丈聖人也驟作唐武宗賜劉宏逸薛季稜死又遣使就潭州誅楊嗣復及李珣杜棕奔馬而見李德裕曰天子少年新即位茲事不宜手滑德裕因與崔琪崔鄴陳夷行三上奏乃釋之乃知范公所言者楊嗣復等公案耳鶴林玉露于杜

筆子目上卅六

綜范文正事兩載之惟杜事作唐懿宗使楊公慶殺宰相

以工代賑

鶴林玉露與此正同並及陳正仲塔役救荒避暑錄話富公全活青州事與此相發明

元夜張燈奪崑崙

又見東軒筆錄

緩行取勝

名將過人

夢溪筆談有持梁公畫像及告身謂青之遠祖青謝之比郭崇簡哭于儀之墓所得多矣黨項犯塞新募萬勝軍遇寇多北狄青盡取萬勝旗付虎翼軍虜望其旗為虎翼所破

青在涇原預戒遇敵未接戰遠聲鉦士卒皆
止再聲皆御虜大笑鉦聲止忽前突之虜兵
亂 過庭錄神廟大長公主哲宗朝並於求
配帶御器械狄詠頗美丰姿哲宗曰人物要
好狄詠者天下謂詠爲人樣子狄詠狄子
也 宋史狄青破儂智高見孔明紀功碑云
後有功在吾上者立石于右青果立于其右
爲雷所擊

韻學諧聲

齊東野語雖多艱多音最不便以聲音中替音天雖用
才老之說然移長太息以掩涕在良民之多艱則弟與善正協

野客叢書既引筆談復謂似此甚多如野字
多與羽字協家字多與居字協如詩吉日庚
午既差我馬獸之所同鹿鹿慶慶鶴鳴于九
皋聲聞于野魚潛于淵或在于渚鴻雁于飛
肅肅其羽之子于征劬勞于野燕燕于飛差
池其羽之子于歸遠送于野是野與羽協之
例也山有扶蘇隰有荷華不見子都乃見狂
且祁父子王之爪牙胡轉于子恤靡所止居

筆子目上卅七

昏姻之故言就爾居爾不我育復我邦家是
家與居協之例也且有字協李字者不但毛
詩漢刻中如吳仲山碑亦然慶字協章字不
勝其多

同甲會

墨客揮犀與此略同惟程昉作和昉 齊東
野語載香山九老至道九老至和五老耆英
真率吳興六老元豐十老各會

雪中芭蕉

冷齋夜話詩雪裏芭蕉失寒暑眼中騷騷元黃 倚覺察辨記嶺外曲江大雪芭蕉自
若紅蕉方開花 香廬筆記過嶺芭蕉隆冬不凋特雪不易得

黃梅出山圖

八景

塢原法

義之小楷

與墨莊漫錄樂毅論石刻參看 唐書藝文
志一王羲之宋史五行志又一王羲之
秋嵐遠景

散隸散草

陸深書輯庾元威造爲散隸 書斷李綽云
飛白始于蔡邕在鴻都門見匠人施墨成
字梁蕭子雲能用帚筆輕拂或有帶行者其
體若白而勢若飛武帝謂曰獻之白而不飛
卿書飛而不白王僧虔云飛白八分之輕者
不識字快活

筆子目上卅八

歸田錄梅詢每晨起將視事必焚香兩爐以
公服罩之撮其袖以出坐定撒開兩袖郁然
滿室濃香時人語曰盛肥丁瘦梅香竇矣

天子請客

談薈王岐公在翰苑時中秋有月上問當直
學士爲誰左右以姓名對命小殿對設二位
召來賜酒公至殿側侍班俄頃女童小樂引
步輦至宣學士就坐公奏無君臣對坐之禮
聞上云天下無事月色清美與君臣對坐何如
再拜就坐夜漏下三鼓上悅甚命左右宮嬪
各取領巾裙帶或團扇手帕求詩內侍舉牙
牀以金相水晶硯或團扇手帕求詩內侍舉
用者于公前來者應之上云豈可虛辱皆須與
學士潤筆遂各取頭上珠花一朶裝公幞頭
簪不盡者置公服袖中宴罷月將西沉上命

輟金蓮燭令內付扶掖歸院翌日都下盛傳天子請客

諸葛用度外人

補筆談

銀臺燭

六駁

以駁為駁見歐公所撰志

毛詩正義爾雅釋音駁如馬郭璞注引山海經有獸名駁王肅云言六博所見而言也言山有木隰有獸喻國君宜有賢也陸璣疏梓榆也其樹皮青白駁犖遠視似駁馬下章云山有苞棣隰有樹隄皆山隰之木相配不宜云獸

一物不失所

筆子目上卅九

因話錄裴伯慎名器亦然

一舉濟三役

金纏腰

紅藥而黃腰號金帶圍初無種有時而出則城中當有宰相韓魏公為守一出四枝公自當其一選客具樂賞之時王岐公為倅王荆公為屬皆在席其其一莫有當之者會報過客陳太博入門詎謂之乃秀公也酒半折花歌以插之四公後皆為首相後山陳師道云輝嘗詢于楊之故老皆云初不識謂金帶圍者豈花與人物亦相為榮悴乎見詩波雜志一見墨客揮犀又鐵圍山叢談雜揚勺藥甲天下其間一花若紫袍而中有黃綠者名金腰帶不偶得之維揚傳一開則為世瑞且管是花者位必至宰相蓋數數驗音等

魏公以樞密副使出鎮維揚一日金腰帶忽出四葉魏公異之乃宴半日所期望者三人

與共賞焉時王丞相禹至為監郡王丞相介甫同一人俱在幕下及將宴而一客以病方謝不赴及旦日呂司空晦叔為過客來魏公

九喜因留呂司空合四人者咸簪金腰帶其後四人果皆輔相矣或謂過客乃陳丞相秀公然吾舊聞此又得是說于呂司空疑非陳

承相也是後魯公守維揚金腰帶一枝又出則魯公簪之而魯公亦位極未幾蔡文正公守維揚一旦金腰帶又出而維揚人大喜也文正公為之重望亟折以獻然花適開未全也公獨為樞密使後加使相檢校少保視宰相恩數隱一花之異有曲折與人台乃若造物戲人乎名勝志引孔武仲勺藥譜韓魏公琦于郡圃得金帶圍花四朶分簪王岐公珪王荆公安石陳秀公叔之因建四并堂

筆子目上五十

輿勝覽韓公琦于郡圃建四并堂取美景辰賞心樂事四者難并之義後記慶元中趙鞏于郡圃復古名曰杏村重建堂取韓公舊名題扁兼有柳徑竹波等景有兩韓琦一唐書襄十世孫左監門大將軍一即魏公

寇相例外贈金

隋書鄭譯拜爵沛國公位上柱國高顯為制戲之日筆乾答曰出為方伯杖策言歸不得一文何以潤筆唐書柳世善書東川節度使顯彥瑄請書德政碑玘曰若以潤筆為贈即不敢從命戒庵漫錄有人求文于桑思元託以親暱無潤色思元曰吾生平未嘗白作文字可暫將白銀一定置吾案間鼓吾與致待文作完並銀送還可也玉堂書話李翰于和凝榜及第後與座主同任學士凝作相翰為承旨適當批詔次日開疑舊閣悉取

圖書器玩留詩云座主登庸歸鳳閣門生此
詔立鰲頭玉堂舊閣多珍玩可作西齋潤筆
不

墨莊漫錄

荆公書不凡

信道警句

王母

齊郡函山有鳥名王母使者見西陽雜俎
邱南有蒲萄曰王母亦見雜俎華林園有
人桃曰王母見雜俎又見伽藍記石虎園
棗曰西王母皇后浴室有長生柳亦曰西
母並見鄴中記虎鬚草江東織為席曰西
母苦歲有裏形如皮弁有實正圓如珠亦曰

筆子目上五一

王母並見古今注

小蓬萊石

廬山記栗里有大石淵明常醉眠其上名曰
醉石唐餘錄李德裕有醒酒石醉即踞之
石 蒙齋筆談奇石愈病條下亦引文饒醒酒

兄弟盛事

舊聞證誤本朝父子狀元三家引
揮塵前錄又猗覺寮雜記

談蒼自古父子狀元宋梁灝及子梁固安德
裕及子安守亮張去華及子張師德止三家
耳講錄柳誦兄弟狀元者唐貞元七年閻
州尹樞元和八年尹極乾符二年崔昭緯景
福二年崔昭炬光化二年歸修天祐二年歸
係及宋陳堯叟堯咨淳化三年孫何咸平元
年孫僅朱祁廷試第一兄郊第三而唱名太
后改郊第一亦兄弟狀元

歷代編戶數

侯鯖錄天下生齒之數前漢一千二百二十
三萬舉其減數後漢一千六百七萬魏九
四萬晉二百四十五萬宋九百七十五萬
隋八百九十萬北齊三百三萬後周三百
五十萬太宗九百九十七萬真宗八百六
萬仁宗一千九百九十七萬英宗一千三
萬神宗一千七百二十七萬徽宗一千三
萬國初杭粵蜀漢未入版圖總戶九十六
萬八千五百五十三至開寶未增至二百
五十七萬六千五百五十七此後遞增至
廟有一千八百七十八萬之多及乘輿南
江淮以北悉入虜廷今上主戶亦至一千
百七十萬五千六百有奇生息之繁視宣
以前僅減七百萬耳

筆子目上五一

十八笏

與志林藏書半真偽石林燕語拜石合著

歐家碧

賣弄

塔院水

歐陽修大明寺水記世傳陸羽茶經其論水
云山水上江水下井水次又云山水乳泉石
池漫流者上瀑湧湍激勿食久令人有頸
疾江水取去人遠者井汲多者其說止此
而未嘗品第天下之水味也至張又新為煎
茶水記始云劉伯芻謂水之宜茶者有七等
又載羽為李季卿論水次第有二十種今考
二說與羽茶經皆不合謂山水上乳前石池

又上江石泉而井水下伯... 井第四揚州大明寺井第五而松江為六淮... 山第七與羽說皆相反季卿所說二十水廬... 蘭谿石下水第一無錫惠山石泉第二漸州... 邱寺井水第五廬山招賢寺下方橋潭水第... 六楊子江源第九廬山龍池山頂水第十二... 寺井第十一揚州大明寺井第十二漢江中... 水第十七五松江水第十八嚴陵灘水第十九... 第水第七郴州圓泉第十八嚴陵灘水第十九... 丈水布皆戒人勿食食之生疾其餘江水居... 山不當二說以自異使誠羽說何足信也得非... 又新妄附益之耶其述羽辨南滯岸下水怪

筆子目上五三

誕尤甚夫水味有美惡而已欲求天下之水... 同如次然此井為水之美者也故其所說前後不... 淳浸而喜泉源故井取汲者江雖長然眾水... 雜聚故次山水惟此說近物理云罷又云濟南歷山... 蔡天啟藪澤思

彩鸞唐韻

宣和書譜吳彩鸞自言西山吳真君之女太... 和中進士文蕭客廬鍾陵中秋婦人相持踏... 歌蕭往觀焉彩鸞在歌場戲蕭遂請為蕭妻... 彩鸞以小楷書唐韻一部市五千錢糊口然... 一南昌府了十數萬字明一統志寫韻亭... 在南昌府了十數萬字明一統志寫韻亭... 祥寺有唐女真吳彩鸞書記永康軍導江縣迎

花十八

談蒼王岐公宮詞碧桃花下試枰棋誤算籌... 先一著低輪卻細釵雙翡翠可勝重勸玉東... 西曾南豐詩舞人齊插玉龍髻高九萬弔韓... 侂胄詩拂曉官家簿錄時未會吹徹玉參差... 傍人不忍聽鸚鵡猶向金籠喚太師元張思... 蕪太真明皇並笛圖黑奴絃索花奴鼓譚奴... 撫掌闍奴舞阿嬌自品玉靈瓏御手夷猶親... 可對金跳脫錦屠蘇銀鑿落玉太古金巨羅... 玉道遙紫都勝銀合稜紅叱撥金腰裏金僕... 姑綠莊嚴紫風流廬山僧舍有麝囊花一叢... 色正紫如丁香號紫風流

霧淞

談蒼春秋成公十六年正月雨木冰木冰亦... 曰樹介亦曰樹稼寒盛而木冰如樹著介胄

筆子目上五四

也或曰木介兵象也晉書魏文帝黃初六年... 正月雨木冰元帝太興三年二月辛未雨木... 冰穆帝永和八年正月乙巳雨木冰其占不... 元十四年十二月乙巳雨木冰其占不... 日樹若稼達官怕唐書寧王憲疾時京城寒... 甚疑霜封樹時學以爲春秋雨木冰即此... 是亦名樹介樹時學以爲春秋雨木冰即此... 也吾其死矣此應見而歎曰此俗所謂樹稼者... 已汴梁二月月中雨木冰狀如樓閣人物冠帶... 鳥獸奔木百熊具備殆非人工高林大樹帶... 葆羽幢彌望不絕凡五日始解自汴至中澗... 皆然不一歲盜陷汴據之此應在甲兵也... 南豐集齊地寒甚夜霧凝于木上日出飄滿... 庭階尤爲可愛遂作詩齊地以爲豐年之兆... 諺云霜淞如霧淞貧兒備飯食蓋寒淺則為... 務淞寒甚則爲木冰樹介霧淞兆豐而木冰... 兆凶也李獻吉詩大寒冰雨何紛紛曉行日... 臨江吐雲蓋詠木冰也今朝走白霧南枝

東軒筆錄花女騎龍下崑崙蓋詠霧淞也
上荆公作挽詞曰水稼嘗聞達官怕靖康
細素雜記

具理

冷齋夜話亦記其事

送詩用事

東軒筆錄上作詩送行有報主不言功之句
王丞相詩亦載於未亦見老學庵筆記白
樂天寄裴晉公詩云聞說風情筋力在只如
初破蔡州時王禹玉送文太師詩云精神如
貝州時用白語而加工信乎善用事也

荔枝詩

筆子目上五五

與東坡志林荔枝支似江瑤柱皆成故實

重資收父畫

曝書宴

容齋四筆國朝儒館至崇甯政宣不復貴重
然除此職者必詣館下拜閣乃具盛筵邀見
在三館者宴集秋日曝書宴皆得預續博
物志引魚參典略芸香辟蠹用芸今人謂之七
稱芸臺夢溪筆談辟蠹用芸今人謂之七
里香能去蚤虱子曾得數株于潞公家移置
秘閣

退居游山

帖覆帖

道園學古錄國子監石鼓十枚其一不知何
代人鑿為曰

七絕佳句

謝表用經史全語

雪浪齋

修史新例

石林燕語慶歷五年賈文元為相始建議重
修唐書詔以判館閣王文安宋景文楊宣懿
察趙康靖槩及張文定余襄公為史館修撰
刊修未幾諸人皆以故去獨景文下筆已而
景文亦補外乃許以史稿自隨是時歐陽文
忠公非文元所喜且方貶出獨不得與嘉祐
初文忠還范蜀公為諫官乃請以紀志屬文
忠至五年書始成初文元以宰相自領提舉

筆子目上五六

官及罷去陳恭公相辭不領乃命叅知政事
王文安訖奏書亦曾魯公以叅知政事領也
畫墁錄仁宗深患七史讀之不成文嘉祐
中有詔重修唯唐書卒業所費緡錢十萬有
奇既進御翌日有舊唐書不得毀久之諭執
政云當時何不令歐陽修為之魏公對曰修
分作帝紀表志既退語曰爾應其父病也
歸田錄梅聖俞與修唐書語其妻刁氏曰吾
之修書可謂獼猴入布袋矣刁氏對曰君於
仕宦亦何與鮎魚上竹竿耶其監修者則
曾公亮故書首進表以公亮為首陳振孫書
錄解題舊例修書止署官高一人名銜歐公
曰宋公于我為前輩且于此書用力久何可
沒也故書中列傳題祁名本紀志表題修名
然考隋書諸志已有此例又宋史呂夏卿傳
稱宰相世系表夏卿所撰而書中亦題修名
則仍以官高者為主特諸史多用一人此用
二人為異耳

內丹術

癸辛雜識開卷即載東坡胎息孫真人鼻端
鴻毛不動張安道閉息陳彥真寄心臍中
避暑錄話論養生子午氣升降許彥周詩
話白英聚而雪慚黃酥凝而金醜漢陰真人
丹法

擬貼子

清波雜志有春詞楷式

侍兒小名錄

舊桃

原註出翰府名談 石林燕語寇萊公燕會
常至三十酸舞用二十四人謂之柘枝顛

筆子印上五七

竹夫人

篇末原注出王直方詩話 鶴林玉露李公
甫謁真西山丐詞科文字西山留飲指竹夫
人為題斬春縣君祝氏可封衛國夫人公甫
援筆立成未聯云於戲保抱攜持朕不忘兩
夜之寢展轉反側爾尚形四方之風 此外
有陸龜蒙竹夾膝詩楊維禎竹夫人傳

消暑筆千目下

清頌堂叢書

門人黃爽謹案

娜真子

暖講 池北偶談古本庶人章末有詩二句書爾于茅膏爾素紉

試賦官韻

杜老用事

晁公武讀書志詔王斌卽註素問者然唐宋志皆作冰新唐書宰相世系表稱爲京兆府參軍宋林億等援引人物志以冰爲太僕令警家遂乎王太僕月令置左右

筆二自六一

安樂窩

避暑錄話有安樂泉

樂

字畫取人

一榜數宰相

石林燕語一榜三宰相避暑錄話宰相得六人者一榜得四人者二榜得三人者三榜

絲竹管絃

清波雜志亦云 齊東野語襍序不入選或謂絲竹管絃天朗氣清累之不知絲竹管絃不特見前漢張禹傳而東都賦亦有絲竹管絃語張衡賦仲冬令月時和氣清又晉褚爽

樸賦况清明爲三月節氣清朗若以筆墨之妙不待列官法帖中豈以其表自應別出不可與諸在荷耶亦選詩不入李杜之意耳 野客叢書引選詩以天朗氣清自是秋景無竹筵亦重復集讀三春之季下氣肅清見蔡邕終南山賦三春寒往六合清朗見潘安仁問居賦安可謂春間無天朗氣清之時後觀吳會漫錄亦引張禹傳謂右軍承漢書讀漢書豈誤

琅邪稻

世說補李百藥七歲時中書舍人陸又嘗過其父德林有讀徐陵文者云琅邪之稻坐客並不讀其事百藥進曰傳稱人藉稻注云郡國在琅邪開陽縣人皆服其機獲染指書

筆子目下二

歸田錄

乾德舊號 李心傳舊聞證誤引劉貢父詩話見宋史太祖本紀 石林燕語盧相多遜素與趙韓王不睦上初改元乾德韓王從弟稱贊廬曰此爲蜀時號也帝遣令檢史視之果然遂怒以筆抹韓王面經宿不敢洗 談薈晉之建興同乎孫劉魏晉惠之至德永泰同乎陳齊魏一魏孝武之永興魏晉元魏魏元順帝之至元皆自重本代之號乾德蜀號建興因宮人盤背而後知隆其號德宗因會布日錄而後見建中靖國之紀元會肇以唐建中韓位年號太平太宗不忌云然重德謂梁末韓位年號太平太宗不忌云然重德

相祀契丹市號之號三月即收宣和高孝欲

則友與乾統謂劉契丹已用而此則
重復之疑也至和三年改嘉祐以迄末
年為疑三號至熙寧或云同宗陵
名宜和或云同契丹宮門名其避忌及不止
重復而已五代保太中後秦准得石刻有
大宋乾德二年凡六字乃請公祐反江東時
號別又並國號年號而不同獨西蜀王衍
矣事載宋朝類苑明永樂乃請向明京張
重華登張遇賢宋方臘所僭年號天順則元
武宗太子阿速急入即位上郡年號正德為
西貢王天祐借國年號隆慶不獨山西州名
實係金寶宮名永昌始祥佐德草定而理孝
武先已有之後乃改永熙耳法僧梁蕭莊
南詔晨豐祐先已用之又郭子章傳草績記
萬曆間邑人掘地得一法馬王廟三年
造背有吉安路三字考天啟乃梁王立永
嘉王蕭莊帝改元也然時不稱吉安路稱
路自元德考太和舊志至正戊戌紅市徐貞

筆子目下三

一陳友諒陷江西下吉安泰和稱天啟三年
法馬正其時物觀此則天啟之號前代已四
見矣太平真君唐武后天冊萬歲萬歲通天宋
武宗太平真君唐武后天冊萬歲萬歲通天宋
國以三字為年號者夏趙秉常天賜禮盛國慶
夏氏四字為年號尤多

賢相名言

儒林公議王會僕射有台宰之量每進擢時
材不欲人歸思在已初參大政嘗薦蘇惟甫
者可當煩使惟甫至京師屢造其門不敢輕
語以私語餘遂及身計公答以他辭惟甫退
旦請公語餘遂及身計公答以他辭惟甫退
所館已有特物者在門乃新命江淮都大發
運使實朝行之極選乃王公日所署勅也惟
甫慙歎久之其他事多類此范仲淹被遇極

深嘗贊之日久當朝柄未嘗樹私恩此人之
所難也公曰恩若自樹怨使誰當

遵守舊規

即不用浮薄意

射比手熟

此與志林作字要手熟相通

文富並用

見富弼傳

五鳳齊飛

舊聞證誤實李文恭穆與宋賈呂
李五公後二年蘇始為學士

名將仁心

原三事

厚德錄多載武惠軼事亦有此段係引歸田
錄更見清波雜誌

取士器識

江隣幾雜志蕭貫當作狀元萊公進日南方
下國不宜冠多士遂用蔡齊出院願同列日
又與中原奪得一狀元東齋遺事宋真宗
策士夢殿下茶甚盛與殿基齊拆卷第一人
乃蔡齊也

名臣奢儉

亦見李昌齡樂善堂定萊公自少年富貴不
點油燈之好夜宴劇飲雖寢室亦燃燭達旦
杜祁公為人清儉在官未嘗燃官燭油燈一
燈然於減與容相對清談而已二公皆名
臣而奢儉不同然公壽考終吉萊公晚年
自南而北遂沒不送其不幸亦可為戒

朱衣前引

東軒筆錄學士以上並有一人朱衣引馬
所服帶用黃金而無魚至入兩府則朱衣二
人引馬謂之雙引金帶懸魚謂之重金矣世
傳館閣望為學士者賦詩云眼裏何時赤腰
間甚日黃及為學士又作詩曰眼赤何時兩
腰黃幾日重

文豪

談蒼梁唐邕每有軍事手作文書口且處分
耳又聽受三事並舉宋劉穆之內總朝政外
世軍旅決斷如流賓客輻輳內外諮稟目覽
詞頌手答賤牘耳行聽受口並酬應不相參
方口誦目數耳聽五事同舉無有遺失朝野
兼載元嘉少聰俊左手畫圖右手畫方口誦
經史日數羣羊兼成四十字詩一時而就足

筆子目下五

書五言絕六事齊舉號神童子南唐近事
處士史虛白北海人清太中遊江表嘗對客
奕棋旁令學徒四五輩各乘紙筆先令題目
或為書啟表章或詩賦禱頌隨口而書畧不
停綴數食之頃眾製皆就 對民賢記張唐詩紀事

賜宴四學士

夢溪筆談有天子請客

香餅

石林燕語王禹玉潤筆有杜荀鶴試卷此外
高似孫續畧薛紹彭書米元章會稽公襄陽
公母陽二夫人告以知承臨右軍帖為潤筆
世說補南唐嚴續嘗請韓熙載撰其父神
道碑以珍貨幾萬緡仍較一歌鬢篸冠洞房
者為潤筆之贈韓納其請文既成但敘諧誼

品秩畧不道續事業績懶之封還尚書
熙載直以向所贈及歌姬悉還之臨登車止
寫一闕於泥金雙帶而去 癸辛雜識張子
湖知京口王宣子代之多景樓落成于湖為
大書樓扁公廬送銀二百兩為潤筆卻之但
需紅羅百匹於是大宴命妓逐以稿之王
士正香祖筆記白樂天與元微之至交白作
元誌銘潤筆亦至五六萬

得體

古鑑照二百里

吾面不過襟子大襟一作鏡 夢溪筆談一
研三十千而不買亦是不玩物
鎖院倡和

筆子目下六

冷齋夜話作當年叨入武成宮

東坡志林

柿葉書

晉書鄭虔好書嘗苦無紙于是慈恩寺貯柿
葉數屋遂往山好書苦無紙于是慈恩寺貯
虞傳善圖山水好書苦無紙于是慈恩寺貯
柿葉數屋遂往山好書苦無紙于是慈恩寺貯
客嘉話錄鄭虔廣文知慈恩寺有柿葉遂借
僧房學書 鄭虔廣文知慈恩寺有柿葉遂借
舊讀以為喻畫壁之狀後見長安志云寺有
柿萬株此蓋言柿熟之狀也長安諸寺多柿
沖融九龍照燭皆其似也 野客叢書書紅
鄭虔知慈恩寺有柿葉數屋取之學書僕仕
於關陝常見柿連數里 白居易詩紅袖曉窗
之鄭前有虔後有谷 白居易詩紅袖曉窗

書林苑 李行簡傳家於木葉學書 江夏玉鋒傳無紙札乃倚井欄寫書
又農興不拂樹屋先畫屋上

桃笙

談蒼方言宋魏之間簞謂之笙自關而東或謂之蓋拔自關而東周洛楚魏之間謂之倚伴梁簡文答湘東王獻簞書云五離九折出桃枝之翠筍詩話云按唐萬年尉段公路北戶錄云瓊州紅藤簞方言謂之笙或曰蓮藤亦曰行唐沈約奏彈欵令仲文秀恣橫云令吏輸六尺笙四十領何東坡忘此耶左太冲吳都賦云桃笙象簞藉于筒中注云桃笙桃枝筍也吳人謂簞為笙劉夢得有詩云蕙風香塵尾月露濡桃笙梅聖俞詩誰知廣文直桃簞冷如冰 猗覺寮雜記

金鯽

筆子目下七

程史今中都有奈魚者能變魚以金色鯽為上問其術秘不肯言或云以剛市海菜之小紅蟲飼凡魚百日皆然初白如銀次漸黃久則金矣又別有玳瑁魚蘇子美詩松橋扣金鯽竟日獨遲留東坡詩我識南屏金鯽魚冷齋夜話亦記金鯽魚

容安軒

東籬南村西疇北窗皆見陶集

公權論研錄

狗覺寮雜記引公權論並東軒筆選暑錄於公權記青州石末事較詳續博志引研譜天下之研四十餘品以青州紅絲石研為第一有兩部公權一見金史交聘表高麗禮部侍郎一即唐柳公綽弟與處山結緣

萬花會

篇末本有六十三字係言饒州陶器及太平廣記

拋青春

侯鯖錄引退之詩百年未滿不免死且可勸買拋青春 野客叢書鄒谷贈富平宰詩易博通宵醉千缸石棗春白樂天詩青旗沽酒聽梨花注梳俗釀酒梨花時熟號梨花春李白詩囊中百斛金陵春劉夢得詩鬢鴉杯中苦下春

閒居一樂

避暑錄話葉夢得在許昌活小兒三千八百人

日賓樓

筆子目下八

紅靴銘

冷齋夜話即本此

夢客攜詩

有肉無蔬

墨客揮犀視此惟末多數字 冷齋夜話同書漫錄僧惠明善炙肉一頓五筋揚大年日遠近皆呼燒豬院安乎不若呼燒豬院泊宅編終年有僧嗜燒豬頭數枚俗呼豬頭和尚是定光佛 蘇詩佛口燒豬待子瞻

七言偉麗

桃花悟道

退之獨步

二柏兩檜

藏書半真偽

清波雜志米元章少年作楚山清曉圖上御府戴松牛圖元章以摸本易之客曰牛目中他畫易之未允欲赴水亟昇之元章得一硯會祖以唾點磨研元章色變為公駭初但以其好潔會祖字仁熟守京口唾硯吳虎皮漫錄書為東坡

宋寒李俗

又載仇池筆記

筆子目下九

行書第一

徐公洞石

蘇公龍井題名記去中秋十日與兒子過神舟至赤壁元豐三年庚申越二年壬戌據此尚在前後兩游之前

墨莊漫錄小蓬萊石雪浪齋石石林燕語米顛石皆石癖蒲圻縣西北烏林與赤壁相對乃周郎破曹處蘇公前後游皆黃州赤壁與曹無涉江夏辨疑有三赤壁一在漢水之側竟陵之東一在齊安郡之步下一在江夏西南二百里

坐臥畫下

世說補闕立本善畫至荆州見張僧繇舊迹曰定虛得名耳明日又往曰猶近代佳手明日又往曰名下定無虛士因坐臥觀之留宿其下馭觀講歐陽率更行見古碑是索靖所書駐馬觀之良久而去數百步復還下馬時立疲倦則布毯坐觀三日乃去國史補

絳州有篆字李陽冰見之寢臥其下數日不能去碑有碧落二字謂之碧落碑

竹葉帖

拾遺記張華博物志四百卷武帝詔分十卷後人言陟里與側理相亂南人以海苔為紙其理縱橫邪側因以為名

謫仙語

治目如治民

導引

與墨莊漫錄內丹術嬾真子月令置左右石林燕語攝生相表裡

草堂瀑布

筆子目下十

味外吟

詩品不著一字盡得風流與嚴滄浪詩話拾羊挂角無迹可求開後來神韻一派

江山風月主人

蘇才尚有二十七字係問范子豐新笈

荔枝似江瑤柱

蘇詩題廉州龍眼質味殊絕可敵荔枝

義出楞嚴

作字手熟

龍川別志

文靖聖人

見澠水燕談李文靖為相王魏公且方參預政府時西北向用兵或至計食魏公嘆我輩安能坐致太平得優游無事耶文靖公少無事其後北戎講和西戎納款而封禪祠祀蒐講墜典靡有虛日魏公始歎文靖之先識過人遠矣 兩李沆一見唐書元哲七世孫一即文靖 舊聞證誤

不習浮薄

錄話亦謂文靖公鎮服浮躁 北夢瑣言李德裕抑退浮薄此外張昌齡傳與王公齊名皆為考功員外郎王師旦所編太宗同其故答曰昌齡等華而少實其文浮薄非器也取之則後生勸慕亂陛下風雅存然

筆子目下十一

對秉鈞軸

東軒筆錄亦載呂許公為郡守上言不稔農器

澠水燕談錄

宋藝文志作王闕之

戴花

能改齋漫錄真宗東封命樞密使陳公亮與為東京留守馬公知節為大內都巡檢使駕未行宣入後苑亭中賜宴出宮人為侍真宗與二公皆戴牡丹而行續有旨令陳盡去所戴者召近御座真宗親取頭上一朵為陳簪之陳跪受拜舞謝宴罷二公出風吹陳花一葉墮地陳急呼從者拾來此乃官家所賜不可棄置陳補中馬乃戲陳云今日之真木

大內都巡檢使陳云若為大內都巡檢使則上何不親為太尉戴花也二公各大笑 寇萊公為參政侍宴上賜異花上曰寇準年少正是戴花喫酒時眾皆榮之 宋史司馬光中甲科年甫冠性不喜華靡聞喜宴獨不簪花同年日君賜不可違也乃簪一枝

不賀

夢溪筆談熙寧六年百官入賀蔡子正為樞密副使獻詩昨夜薰風入舜韶君王未御正衙朝陽輝已得前星助陰沍潛隨夜雨消其敘四月一日避殿皇子慶誕雲陰不見日蝕四句盡之

朝服侍立

與下條陳氏三子列侍同為美談

筆子目下十二

元功陰德

補田錄名將仁心亦曹武惠王事

三子列侍

厚德錄載此稱陳秦國公又稱秦公並引晉公談錄實儀尚書家法整肅每對客坐即二侍郎三起居四參政五補闕皆侍立焉能改齋漫錄吳侍郎待問建安人其父曰長者平生惟訓童稚以自晦里人以其長厚目為吳觀音所生四子參政育樞密充又京方並登進士為朝臣諸孫十皆京秩侍郎于京師遇鄉人至必命子孫出見而列侍焉

謀罷監軍

面其 琴雅識武藝以錦連柳破魯智高非信承也

清波雜誌武襄銅面具及所佩牌上刻
像世言武襄乃真武神也 能改齋漫錄
武襄自拱聖長行至節度使平章事世多
狄之隸籍與參政王堯臣作狀元之年同
亦為兩府仁宗以其然命王諭狄去其
狄謂之曰青若無此兩行字何由致身
斷不敢去要使天下健兒知國家有此
待之也議者避其言 泊宅編石林燕語
有不面文事 東軒筆錄王文安及第
狄武襄投營同在天聖五年

走卒知司馬
齊東野語亦引獨樂園詩并云遠宴羣臣劇
戲亦知司馬馬端明豈止兒童走卒哉 灑水
燕談民刻畫其像家祠一本畫工有致富者

宴餞賜詩

筆子目下十三

與墨莊漫錄送詩用事不同時而同為宴餞
文潞公事

遼人尊畏

鶴林玉露胡澹庵上書乞斬秦檜金虜以干
金求其書乾道初虜使來猶問胡銓今安在
上相明日是中元又贈詩云有官居無
地起樓臺當有北使語問誰譯者曰班固
無地起樓臺的宰相幾公方居散地真宗自
召還

聖德詩

通水燕談太山孫明復見之日子禍起矣
遊畧錄石守道與歐文忠同年進士名相
稍自出已意守道師之始倡為闡佛老之說

不事造請

李沈不用浮薄同意

相參天竺三乘也相去五年

晚節勇退

置宴詩應句下原注仁宗嘗賜詩刻石所
之廳壁上 兩孫奭一見唐書度支職方
中一即宣公 兩石介一見明史林瀚傳止
德初言官一即守道

金馬玉堂

許彥周詩話亦有會老堂口號謂用南史
謔傳 是青箱雜記引白樂天詩元和六年
士五相一漁翁強對 青箱亦記口號
而稍有不同處

筆子目下十四

李績高志

進士沿革

此條與按言所引國史補進士時尚一條參
看賜宴自太平二年呂蒙正榜始梁灝
瓊林院蒙正宴于開寶寺遂為定制給金吾
衛士送歸第自蔡齊榜始刻登科錄自霍端
友榜始開成中高誥知舉內出寬裳羽衣曲
賦太學創置石經詩進士試詩賦自此始
衣冠盛事

石林燕語又曰制科分五等上二等皆虛
以下三等取人然中選者亦皆第四等
正肅公嘗入第三等後未有繼者至嘉祐
蘇子瞻子由乃始皆入第三等已而子由
言太直為考官胡武平所駁欲黜落復降
第四等設科以來止吳正肅與子瞻入第

等而已
子俱為宰相

衡伊尹左相伊賈

亞夫吳丞相荆州

牧叟侯陸抗北齊

孟相咸陽王斛律

鄧李因袁安袁敞王

韓混李吉甫李德裕

時在大位為三公者

騎將軍上官安大將

太宰司馬孚子大司

子徒馮諼太師元繼

后唐中書令趙德鈞

徐知誥子司徒徐景

子檢校太師侍中錢

子太保塔刺海太子

子右丞相脫脫父子

朝同修國史子敏求

遺史館修撰父補開

真元中為史館修撰

馬談子遷劉向子景

筆子目下十五

子象先寶德元子懷

子絢崔鉉子讓能徐

章仁約子承慶鄭瑞

宋初至靖康元父子

獻化基子安簡舉正

弼正獻公著石元懿

事恕子恭公執中韓

維門下侍郎莊敏范

仁政參純禮曹武惠

傳衣鉢
西溪叢語較此略多

舉揮彭器資為首後

衣鉢蓋媿猶為食肉

部銓第十三外翼楊

邵氏見聞錄亦載之

一揮九制

十聯詩在御屏風

進士預宴

海濱奇觀

集古錄

古人法書惟重真蹟

尾龍首之名其妙者有蓮花鏡西京雜記郭舍人一箭能七十餘鏡顏光祿載汝南周嘖會稽賀徽並四十餘鏡古傳投壺之工者王胡之閉日賀革置障石崇放箭射屏風薛春或背坐反投而無不中今之投壺名最多有春睡聽琴倒酒等類筆在衙堂都胡等項不下三十餘種三國志鄒靖著整器千餘

硯錄 分餘諸書山全書西魏硯發墨而損筆

唐積歛州硯譜米芾硯史洪适歛硯說詳歛石說失名端溪硯譜高似孫硯箋

藏書山房

老學庵筆記

七十健拜

筆二目下一九

就樽對酌

酒盡各散去句下原有七十五字言伯筠工書

千字文

御覽引梁書取鍾王真迹授周興嗣令選不重複者千字韻而文之興嗣一宿而上鬢髮皆白賈氏談錄進士周述改次千字更撰天寶應道千文右相陳希烈問曰樞杷二字如何翻破述曰唯此兩字依舊北史秦王後閻潘徽名合為萬字文與七十健拜亦養生家之一端

小桃

紅絲硯

澗水燕談唐彥歛品硯及志林柳公權論研皆主青州西溪叢語王建宮詞延英引對綠衣郎紅硯宣毫各別床恐是用紅絲硯江南李氏時猶重之歐公硯譜以青州紅絲石為第一王建集中有作工研又作洪研皆非也

遨頭宴

歲華記龐成都太守歲時宴集四方奇技序進于前士女以坐具列于廣廷謂之遨牀謂太守為遨頭

沈詩任筆

倚覺寮雜記兩引杜詩韓筆

南史顏延之曰竣得臣筆測得臣文文心雖龍今之常言有文有筆以為無韻者筆也有韻者文也梁書劉潛字孝儀秘書監孝綽弟也孝綽常曰三筆六詩三郎孝儀六孝威也

筆子目下二十一

富園凌霄花

石林燕語

日進故實

經筵

宋太祖召趙宇後毀講周易詔王昭素便殿講乾卦真宗召崔順正講尚書于景福殿於苑中說大禹謨崇政殿西有延義閣迎陽門北有延英閣仁宗初御延義每講讀宣二府大臣內聽賜飛白書賜宴英宗御適英閣講經史蘇軾有適英殿講論語謝賜書詩元制宣文閣大明殿之西北御閣閣經史以左右儒臣為經筵官黃縉除翰林直學士兼經筵官賜緞綉天順八年始開經筵歲以二八月月中旬始十月下旬止

賜碑

大君新語出如晦嘉太宗謂虞世南曰

吾意製碑墨客揮犀韓侍中莞差內

邵知督葬事一切用度皆出于官上曰

確起其額曰兩朝顧命定刑元勳之碑明年

晉侍中莞上題其墓碑額曰兩朝顧命贊册

五勳之碑

壁書畫

野客叢書魯直言唐省中皆青壁畫雪考漢

省中皆粉壁畫古列士列女見漢官典職而

沈約宋志亦曰邸官奏事明光殿以胡粉畫

古列賢唐翰苑粉壁畫海中曲龍山憲示臨

幸權而後之皆畫松鶴見李德裕詩秘閣

中畫松石于左省廳壁集賢注記集賢院南壁

畫陰鏗詩圖北壁畫叢竹雙鶴四庫當門畫

筆子目下廿一

夫子坐於元帳左右諸弟子執經問道東觀

漢記靈帝詔蔡邕畫赤泉侯五代將相於省唐

錄文宗自撰集尚書中君臣事蹟命畫于太

液亭應劭謂畫堂畫九子母因話錄秘書書

省內有落星石薛少保畫鶴賀監草書郎餘

合畫風號四絕元和韓公武挾彈中鶴景

眼謂五絕墨莊漫錄重資收父畫亦即郭熙畫

尤工閣帖

野客叢書閣帖多弔喪問疾李涪刊誤短放

出于晉宋兵革之際時國禁書疏非弔喪問

疾不得輒行尺牘故義之書首死罪非違令

也僕觀漢魏已多如此不但義之恐非冒禁

晉宋如阮嗣宗謝元暉任彥昇之徒亦然又

以不祥故多在人間

初米芾取淳化閣帖一評其真偽多以

刊斷制罕所考證黃伯思甚多或偽蹟甚著

而誤前有所謂李懷琳所衛夫人書逸少

知伯英夫諸人諸草帖為唐人書而不知

能辨者若以田疇字為非李斯書而不知

李陽冰明州碑中字之類有誤著其主名

若以晉人章草諸葛亮傳中語遂以為亮

之類論多確湯屋作法帖正誤專指黃長

臨江戲魚堂帖元祐間劉次莊以家藏淳化

閣帖十卷摹刻其上除去卷尾篆題而增釋

文會敏行獨醒雜志劉殿院嘗寓於新淦所

居民屋題寫殆徧臨江郡庫有法帖十卷釋

筆子目下廿二

以小楷他法帖之所無也劉作法帖釋文本

附註石刻之中未嘗別為一集後人於鈔

堂帖中鈔合武取人嘗傳刻終州潘氏帖

錄解題又稱武取本分入二十卷中官帖

定中注立中武取本分入二十卷中官帖

所無者亦謂之莊釋文而廣之故立

法帖釋文亦謂之莊釋文而廣之故立

以官帖自刻者世稱潘馬帖又稱潘

氏析居帖自刻者世稱潘馬帖又稱潘

得其一於是補刻餘帖是名東庫本逐卷

分字號以日月光天德山帝居太

以報願以日月光天德山帝居太

武書評語武書帝武書帝武書帝

考武帝之世去梁武帝甚遠則考論

墨法漫其書本二十卷舊正鈔本未刻

藏字號止於山字其河字以下之伏十四
曹士法帖諸系上卷淳化法帖以下為
二王府帖紹興國子監本淳熙修內閣本大
觀太清樓帖臨江戲魚堂帖利州麻慶歷長
沙帖劉丞相私第本長沙碑匠家本長沙新
刻本三山木版點江帖北方印成本為蘇本
福清本豐陽帖鼎帖不知處本長沙別本蜀
本廬陵蕭氏本凡二十二種下卷絳本舊帖
以下為東庫本亮字不全本新絳本北本又
一本武岡舊本武岡新本福清本烏鎮本彭
州本資州本木木前十卷又木本前十卷凡
十四種蓋以淳化閣帖為大宗而絳帖此
子諸本皆其支派也古今法帖皆揭本此
書載有印本法帖施宿願從義何焯徐深
光於閣帖之得失異同漸以明備王澐作法
帖考正以史傳正譌誤以筆蹟辨依託而行
款標目以及釋文之類亦一一考核仍依法
帖原目分為十卷

卷二目下廿三

老福

清波雜誌張公布衣游嵩夢人驅羣羊于前
日此相公食料羊也與唐贊皇李德裕夢人
謂平生享萬羊合避暑錄話朝散郎仲容
其會孫也詩與詔其家有石刻

攝生

貼黃 莫子亭錄引國史補一作撰黃

修實錄不遷官

鶴林玉露張無垢在館中進書不肯轉官

知舉盛事

因話錄好朋跡門生類此

重金

頗真子唐人用袋盛魚今人以魚為袋之飾
三品以上飾金五品以上飾銀景雲中詔衣
紫者以金衣緋者以銀 舊聞證誤

參用文武

詔意

狀元宰相

並見避暑錄話國朝狀元為宰相自呂文穆
公蒙正後五十年間相繼得者三人王沂公
李文定宋元憲元憲後百餘年間未有繼者
至靖康元年何丞相文績始為之梓州臨潼
有廟凡蜀之舉子必禱于祠下文績夢神在
簾中以詩授文績發視之 宋末留夢炎文

卷二目下廿四

天祥 談薈宋趙丞相鼎庚申生繼業者韓
平原王中書生繼平原者史衛王甲申生繼衛
王者鄭太傅清之丙申生每一相各長一紀
東軒筆錄本朝狀元多同歲徐義渠固皆
生于乙酉王曾張師德皆生于戊寅呂溱楊
實皆生于甲寅賈黯鄭鮮皆生于壬戌彭汝
壽許安世皆生于辛巳陳堯咨王整皆生于
庚午

一榜三相

頗真子淳化二年均州武當山道士鄧若拙
善出神嘗至一處見二仙官談曰來者進士
榜有宰相三人而一人極低如何一人曰不
若以第二甲為第一甲明年舉者上請近臣
曰第一甲多放幾人言止即止遂用第一甲
上意亦忽忽忘之至三百人方悟是年孫
榜三百五十三人而第三甲三百二人第
甲五十一人丁謂第四甲六十三人第

張士遜第二百六十八人歸田錄蓋太平興
國二年至天聖八年二十三榜由呂文穆公
蒙正而下大用二十七人而三人並登兩府
惟天聖十五年一榜而已是歲王文安公堯
臣第一今昭文相公韓僕射琦第二西廳參
政趙侍郎繁第三人也子忞與二公同府每
見語此以為科場盛事自景祐元年前後至
今治平三年三十餘年十二榜五人以上未
有一人登兩府者

狀元峻用

此即上條狀元宰相注脚

不再試 舊聞證誤引李齊長編駁之

歸田錄知制誥必先試而後命有國以來百
年不試而命者纔三人陳堯佐楊億及修忝

筆子目下廿五

與其一爾 避暑錄話唐制誥以掌進畫翰
林學士初但為文辭不專詔命自校書郎以
上皆得為之班次各視其官亦無定員故學
士入皆試五題麻詔勅詩賦而舍人不試蓋
舍人乃其本職且多自學士遷也學士未滿
一年猶未得為知制誥不與為文歲滿遷知
制誥然後始並直本朝既重學士之選率自
知制誥遷故不試而制誥始亦循唐制不
試為之化基上章薛不能乃始中書并召試
制誥二首遂為故事其後梁周翰薛映梁鼎
亦或不試而用歐陽文忠公記唯公與楊文
公陳文惠公三人者誤也 夢溪筆談館職
自校勘以上非特除舊皆先試惟檢討不試
初置檢討只作差遣示此館職後檢討給職
錢同帶職在校勘上亦承例不試
賜生日

宋史禮志大中祥符五年十一月宰相王
旦生日詔賜羊三十口酒五十壺米各二
十斛令諸司供帳京府具衙前樂許其親
友且遂會近列及丞郎給諫修史屬官俄又
賜樞密使副參知政事羊三十口酒三十壺
米各二十斛其後以廢務非便奏罷會而
賜如故此大臣生日宴會之始也攷容齋三
筆載馮道在晉天福中為上相詔賜生日器
幣道以幼屬流離早喪父母不記生日懇辭
不受則宰相生日有賜不始於宋矣王明清
揮塵錄賜生辰器幣起於唐以寵藩鎮五代
至遣使命周世宗嘗遇魏宣懿始以賜自是
執政為例禮志載紹興十三年十二月二十
三日賜宰臣秦檜辭免生日賜宴詔是南渡
復有生日賜宴之例也

宰相兼師傅

齊聞證誤引李齊長編駁之

筆子目下廿六

特試中書

青箱雜記沂公有物混成賦見兄弟分課條

三槐

舊聞證誤引邵伯溫聞見錄作太祖曰使與卿王溥官職彥卿太宗夫人

別見清波雜志 玉泉子相國李石庭槐一
本抽三枝同堂昆弟三人曰石日程皆登宰
執唯福一人歷七鎮使相而已蓋一枝稍短
爾

紅羅飛白

莫于亭雜錄引黃氏曰抄玉堂之虞出漢書李善傳玉堂名

石林燕語凡兩見一詳一略 宋史蘇易簡
傳帝嘗以輕綃飛白大書玉堂之署四字令
易簡榜于廳額 又何執中傳初賜第信陵
坊以為淺隘更徙金順坊甲第建嘉會成功
蜀帝親書鉅額以示寵 又楊存中傳高宗
為書水月二字所居建閣以藏御書孝宗題

日風雲慶會之... 筆子目下十七... 淨二字賜之其六點又出三百點外

兄草弟麻

留意知舉

卽一榜三相專

賦落韻

東軒筆錄歐陽文忠公... 南省試當仁不讓于師... 賦時賈邊李迥皆有...

重留用韻... 帳漢書乃作幄... 語周益公公曰史記正是帷

想當然

老學庵筆記載此加詳... 想當然耳... 筆子目下廿八

門生名位相亞

湘山野錄呂申公乞致仕... 可代申公引陳堯佐送大拜... 爲誰來主人恩重珠簾捲...

十榜傳家

談薈古入子姓貴盛可記者... 安世七葉珥貂楊震至彪... 九公人所共知他若漢明帝...

帝侍講會孫濟位至司空亦...
弟喜亦為司空俱封侯東漢...
建安未大將軍九人卿十三...
列侯十百與漢興衰魏太尉...
數季向主者又十餘人七世...
公二代封王陸凱家同時在...
軍十餘人隋高祖受禪朱穆...
孫雖在襁褓拜儀同禪朱穆...
後漢應樞神光照社探得黃...
應初應奉應邵應瑒應亨七...
王洽王詢王曇首王僧虔王...
通顯宋謝莊子肅孫濕四代...
尚書宋何尚之子偃偃子戢...
子敬容祖孫五世為吏部尚...
道劉齊賢三世典選王彪之...
納之納之相四代掌綸詔又...
貞三代為相四代掌綸詔又...
胡宿胡...
胡嘉

筆子目下廿九

文修胡世將四世掌詔李德...
期徐齊聘徐堅徐嶠孫遜孫...
均張濛李昉李諤李昭述並...
崔邠崔暉崔暉兄弟三人並...
安至孫昆三世並為僕射宋...
子曦三世節度使鄭紳鄭成...
四世為節度使張儉張文張...
世為節度使張儉張文張...
並兄弟同列三戟唐崔琳與...
祿卿瑤俱列三戟唐崔琳與...
官每調大明官冠蓋相望...
笏猶重疊其王儉子暕暕子...
子師孔穎達孔志孔惠元三...
顯子適適子美三世為京兆...
道與子皎三州牧李宗諤子...
三世為益州牧李宗諤子...
及第昭邁子杲卿杲卿子士...
三世為探花郎若父子貴顯...
三世為探花郎若父子貴顯...

師陳去非子贈侍中文忠公...
康肅公堯咨一相中書一長...
俱登甲第而堯叟堯咨兄弟...
徽猷閣學士忠宣公洪皓子...
適知樞密院文安公遵端明...
邁父丹九子俱登制科知制...
漢史相五子並為侍中唐博...
登輔相五子並為侍中唐博...
尚書郎廷尉卿執金吾左僕...
及鄧少師韓億子太傅絳太...
太武惠公贈中書曹彬子河...
燦鄧武節度瑋中書曹彬子...
彬子武節度瑋中書曹彬子...
入子而顯者四代國公耀趙...
顯者亦四河節度使原嶺南...
國公愬太子太保聽宋之五...
宋之五寶端明學士儀

筆子目下三十

禮部侍郎儼起居郎侃參知...
皆諫議大夫竇禹均之子唐...
酒常司業牟容管經畧羣...
節度使華皆左拾遺竇叔向...
武后朝宰相石泉公王方慶...
以下至僧虔智承禪師二十...
卷命崔融作序謂之寶章集...
梁書劉孝綽兄弟及羣從諸...
十人並能屬文晉王祥弟覽...
孫褒歷兩晉宋齊梁陳后周...
有列傳如羲之獻之徽之宏...
僧虔儉皆有孫裔及河東裴...
相婿
並見東軒筆錄晏元獻判西...
理寺丞丁憂權掌西監一日...
女及笄仗君為我擇婿范日...
舉張為善皆有文行它日皆...
至卿輔並可

也吳曰然則熟優范曰富修謹張疎俊吳曰
唯即取富舉為婿舉後改名即丞相鄭國富
公孫談圖晏元獻公門下王青自號
王黃頭傳相術夫人呼相其女曰此國夫人
也夫人笑曰富須做宰相明年狀元及第使人
一秀才富姓富須做宰相明年狀元及第使人
通好富黜于春官以青為妾未幾富中大科
即大丞相鄭公也青有婿時秀才來以青善
相必得非非常人青曰吾女命薄安敢適富貴
人時生亦非遠到果及第而卒又馮亮善相
人為夔路監司日呂文靖父為州職官一見
文靖即許以女嫁之其妻怒曰君嘗以此女
為國夫人何為與選人子亮曰此所以為國
夫人也

燒天香
避暑錄話趙清獻公好焚香又喜薰衣

筆子目下卅一

書畫潤筆

唐書裴度修福先寺將求白居易為碑皇甫
湜怒曰近舍湜而遠徵居易信獲戾于門下
矣裴因請之湜飲酒揮毫立就裴因以車馬
器物酬之湜怒曰何待之薄也其碑三千字
每字三匹絹更減不得裴笑依數酬之湜受
之無愧
內能改齋漫錄楊文公億以文章幸
于真宗作內外制當時辭蓋少其比朝之
近臣凡有除命顯出其手俟其當直即乞降
命故潤筆之入最多于衆人蓋故事為常筆
者專得楊以傷廉遂乞與同列均給談待制
為令 夢溪筆談凡草制除官自給談待制
以上皆有潤筆物太宗時立潤筆錢數降詔
刻石于舍人院每除官則移文督之在院官
下至吏人院驛皆分需元豐中改官制內外
制皆有添給潤筆之物 滄水燕談上元
之嘗草李繼遷制繼遷送馬五十匹潤筆公

卻之 歸田錄近時舍人院神制有送潤筆
物物後送潤筆者必遣院子詣門催索而當送者
往往不送 野客叢書引容齋續筆李崖云
下多齋金帛求其文

米顛拜石

世說補米元章守澗水地接靈壁著石甚富
一一品目入玩則終日不出楊次公為察使
因往廉焉正色言曰朝廷以千里郡邑付公
那得終日弄石都不省錄郡事米徑前于左
袖中取一石嵌空玲瓏峯巒洞穴皆具色極
清潤宛轉翻覆以示楊曰如此石安得不愛
楊殊不願乃納之袖後又出一石疊嶂層巒奇
巧尤勝又納之袖最後出一石盡天劃神鏤
之巧願楊曰如此石安得不愛楊忽曰非獨
公愛我亦愛也 石林燕語亦載拜石兼及求
帖投江事

筆子目下卅二

避暑錄話

兩葉夢得一見明史熹宗紀一印少燕作避暑
錄話者

安樂宮

齊東野語作丁崖州詩不云裴

荷花盆

志林有萬花會

樂天院

清波雜誌侯鯖錄並載靈芝宮樂天院二事
東軒筆錄冷齋夜話墨客揮犀則專 靈芝
宮

小兒券

厚德錄引此政簡 清波雜誌有常平法

治暑方

古方治暑句上本有六十二字

制科不試詩賦

亦載石林燕語富公以茂才異等登科後召
試館職以不習詩賦求免仁宗特命試以策
論後遂為故事制科不試詩賦自富公始至
蘇子瞻又去策止試論三篇熙寧初罷制舉
其事皆廢 又國朝以館閣齊集賢院為三館
皆屬崇文院其實別無舍但各以庫藏書直
館直院謂之館職以他官兼者謂之兼職元
豐以前凡狀元制科一任還即試詩賦各一

筆子目下卅三

而入否則用大臣薦而試請之入館官制行
廢崇文館為秘書監罷直館直院之名而書
庫仍在以直秘閣為貼職之首皆不試而
除蓋特以為恩數而已

談資

篇末尚有一百十九字自言暑風冬日享之
十有一年 夢溪筆談太宗幸玉堂石林燕
語太宗賜玉堂之署四字皆玉堂書院筆
談唐翰林院在禁中自學士已下工役羣官
司隸籍其間者皆稱翰林學士院在禁中
便於應召唐宜召學士日東門入後時院在
西掖雖院吏亦止于玉堂門外今學士院在
外亦設給索悉皆文具故事而已 唐
翰林院去內供奉藝能技術雜居之詞
臣侍書其間乃藝能之一爾 唐翰林
院在銀臺門內德殿西重廊之後為侍詔
之所新唐書百官志謂乘輿所在必有文詞

經學之士下至卜醫伎術之流皆直學別院
以備燕見者是也 韋執誼於翰林院故事亦謂
其地乃天下以藝能伎術見言者之所處蓋
其始本以延引雜流原非為文學侍從而設
至明皇置翰林待詔供奉集賢院學士分
掌制誥其職始重後又改為學士別置學士
院謂之東翰林院于是舊翰林院雖尚有以
伎能入直如德宗時衛士桑道茂之類而翰
林之名實盡歸于學士院歷代相沿遂為儒
館定職

拆亭

翰林玉露載此事兼及類此者

四六用經語

墨莊漫錄翟公異葉少蘊謝表皆用經史全
語

筆子目下卅四

老喜讀書

蘇楊二榜

南郊用冬至

呈藝

一劄薦三相

黃黑豆

青州全活

侯鯖錄富鄭公與歐公書云大勝如二十四
考在中書也又作書與執政云伏念人生好
事難得入手今方遇之 厚德錄引之傳富
韓公

史大夫為行軍元帥侯射尚書令司徒司空
太子太師出入將相二十七年劉涇夏義恭
自都督荊州進司馬太宰三十四年長孫施公無
太傅領大司馬太宰三十四年長孫施公無
忌以尚書左僕射罷政為開府司空後去尚
書門下省加司徒太子太師後同三公加太
尉檢校中書令知門下省加太尉任公輔者
三十六年李英公勣初授大將軍至左僕射
司空太子太師出入將相垂五十年郭汾陽
子儀以使相進司空司徒副元帥尚父太尉
二十六年滿中書令二十四考裴晉公度四
為同平章事三建節一留守官司空司徒侍
中中書令凡二十五年張齊王全義自河南
尹建節加太師尚書令天下兵馬副元帥凡
四十年馬楚王殷建武安四鎮節加太師天
策上將凡三十八年趙韓王普三為首相三
建節一為西京留守左僕射太子太保少保
司空司徒侍中太保中書令凡二十九年文

三師致仕
晉書裴頠為太師三師三公者天雄節度符魏王
談嘗宋時歷三師三公者天雄節度符魏王
彥卿自守太尉為太師定難節度西平王李
中令彝興自守太傅為太尉荆南節度使南
平王高中令保融自守太保為太傅趙令以
司徒太保侍中在中書以太保中書令留守
西京又以太師西京養疾王文正以司空司

筆子目下廿七

徒太保在中書以太尉罷為王清昭應宮使
漢世五為三公者胡廣四為三公者楊賜三
為三公者黃瓊楊彪唐五入相者蕭瑒裴度
崔允四入相者韋巨源姚崇章安石三入相
者武承嗣武承寧豆盧欽望李嶠李懷遠崔
湜劉幽求張說張延賞王鐸鄭畋五季三入
相者馮道宋三入相者趙普呂蒙正呂夷簡
張士遜文彥博春明退朝錄載學士三入者
李文正劉中山子儀宋景文范景仁四入者
李邯鄲五入而一不上拜凡出入將相最
久者絳侯周勃從入漢為威武侯相國太尉
再為丞相就國凡三十四年穎陰侯灌嬰為
昌文侯御史大夫車騎將軍太尉丞相凡三
十年鄼齊數將兵有功不當侯十二年用父
食其故封高梁侯凡六十三年張北平蒼以
代相封侯為計相四歲淮南相十四歲御史
大夫六歲丞相十四歲比卒凡五十五年司
馬孚自司空至太宰三十年楊越公素以御

筆子目下廿八

潞公彥博再首相一平章軍國一首元樞五
換節令兩鎮加侍中司空司徒太尉太師垂
五十年史魏王浩一為右僕射右丞相樞密
使三領祠加少保少傅太保太師凡三十二
年安童三為中書右丞相一鎮北邊垂四十
年春秋戰國時管仲以桓公元年執齊政至
卒凡四十一一年魏冉以昭襄王元年為將軍
執秦政封侯十二年為相至罷凡三十六年
白起以昭襄十三年為大將至五十六年為
凡三十七年廉頗以趙孝成王十六年為將
四十年宰相秉政之久者漢蕭鄴侯何漢元
年為丞相進相國至惠二年卒凡十四年張
北平蒼文帝前四年為丞相至後四年免凡
十四年霍博陸光以後元二年為大司馬大
將軍秉政至地節二年卒凡二十年王陽平
鳳以竟寧元年如光官秉政至陽朔三年卒
凡十一年吳廣平漢以建武元年為大司馬

章武二年為丞相秉政至建興十一年卒凡十四年晉王始興導以建武元年為驃騎將軍錄尚書事進司空司徒太保丞相以康五年卒凡二十二年謝靈運安以寧康元年為僕射秉政進衛將軍太保以太元十二年卒凡十二年宋劉彭城義康以元嘉六年為司徒秉政十七年以天監元年為司徒輔政進太尉孫北平嵩以天監元年為司徒輔政進太尉柱國大將軍以太元元年為司徒輔政進隋高齊公穎以開皇元年為左僕射輔政至罷凡十九年唐房梁公元齡以貞觀元年為右僕射輔政進司空至元九二十一年

夜得一士
鶴林玉露魏鶴山云其嘗以呂文穆夾袋冊韓忠獻甲乙丙丁集呂正獻掌記曾宣靖雖黃公譚司馬公薦士編陳密子章蔡范文獻手記近世莫忠肅趙希館錄之類萃為一編

名達賢錄 夢溪筆談健令亦蔣堂侍郎事

善舉賢良

如陸宣公之舉韓愈歐陽詹李愬王伯厚之得文天祥

罷舉買舟

魯公真蹟

清波雜誌

配享功臣

談齋宛委編記父子配享廟廷者唐太師西平王李晟太尉涼國公李愬宋中書令濟陽王曹彬侍中曹瑋尚書令魏瓘王琦琦太師

儉可助廉

本宋史范純仁傳 南史陸慧曉傳儉以養性又格言儉以養廉大法小廉監鐵論儒為雞廉

春詞格式

清波雜誌尚有趙野春帖子

酉陽雜俎

修月戶

蠅虎陣

水畫

卷二目六十一

輿璠樂

本西京雜記而首尾較彼少詩玉燈照膽方鏡兩事 談薈舜帝在位三十三母使獻白玉環益地國舜遂廣九州為十二復獻白玉瑤以和八風故章帝時零陵文舉矣景于冷道舜祠下得白玉之管集仙錄華賜舜以昭華玉昭華玉者律琯也西京雜記曰昭華管秦府庫中玉管也長二尺三寸六孔吹之則見車馬山林隱鱗相次息血不復見其上銘曰昭華之管使信詩更愛昭華玉還披蘭葉圖胡文恭詩仙致昭華玉神亦弱水香爐夏英公詩延喜錄上昭華玉瑤瑤中乃用瑤字杜牧之出宮人詩聞吹玉殿昭華瑤帶黎園縹帶花十年一夢歸人世絳縷猶封繫臂紗又延喜玉宋書王孝道行則至尚書璇璣鈴曰禹開龍門石元圭出刻日延喜玉受德天賜佩玉融三月三日山水詩序幽明獻焉

雷風通響昭華之珍既徙延喜之玉復歸

蕤賓鐵

談管樂工廉郊嘗池上彈蕤賓調必蜀芝荷
間有物焉其聲上為太常丞嘗一日早于
賓鐵也其聲上為太常丞嘗一日早于
光宅寺待游問塔上風聲便覺其朝
退復止寺舍問土僧曰上人塔聲昔知所自
乎曰不能知沈曰其間有一是古製某請一
登塔歷扣以辨之僧言往往無風自搖洋
有聞非此耶沈曰是耳必因祠祭考本懸鐘
而應之也固求摘取觀之曰此姑蘇之編鐘
耳請且獨撥于庭歸太常令樂工與僧同臨
之約其時彼扣本懸此果遂購而獲焉獨
異志唐承隋亂樂懸散失獨無徵音國姓所
闕知者不敢言天后末御史大夫李嗣真密
求之不得一旦秋爽聞砧聲在今營是當

筆子目下冊一

附英公宅又數年無錄得之其後徐敬業反
天后諸其宮嗣真乃求得喪車一入振之
于東南隅果有應者遂掘之得石一其裁為
四具補樂懸之闕宗時洛陽耕者得古鐘
高尺餘楊收扣之曰此姑洗角也無刻有
刻在兩鑿果然北史長孫詔傳為太常造樂
器惟黃鐘不調嘗經韓使君傳為太常造樂
層上鐸鳴其音雅合宮調晉荀勗傳于路逢
趙賈人牛鐸識其聲

碧筒杯

因話錄靖安李少師與賓僚飲宴以荷為杯
滿酌密繫持近人口以筋刺之王謙唐語
林李宗閱暑月以荷為杯留青日札解語
杯者陶九成命美人捧荷花擎杯花心而飲
本較耕錄

烽火樹

與璠璣樂一條本皆西京雜記亦裨海所有
非如國史補為所本無惟裨海雖上採晉人
而是筆則專取唐以下小說既舍雜記應從
雜俎再葛記積翠作積艸又三黃圖

湖目

腹稿
談管陳繼達本武夫不知書夢人以墨水升
餘飲之遂識字王肅注易東齋夜有女子從
地中出贈墨一丸且用此墨便覺才思開敏
李白少時夢所用筆頭上生花才思瞻逸和
疑夢人以五色筆一束與之才思敏瞻紀少
瑜夢陸佳以一束青鏤筆管授之文因道進
李嶠夢人以雙筆相贈文曰有名王珣為桓
溫椽嘗夢人以大筆如椽與之既覺曰此當

筆子目下冊二

有大手筆俄而武帝哀冊謚議皆珣所草馬
裔孫夢神授筆二枝後入中書吏奉二筆大
小如夢中所授元史楊奐母夢日光射身旁
一神以筆授之已而生奐范質母張氏夢人
授五色筆而九歲善屬文今人但知江淹
夢筆耳淹夢張景陽寄錦取還文章日躡
夢郭景純索舊筆還為詩才盡

龍城錄

非子厚作乃王銍偽託見墨莊漫錄

羅浮梅花

又宋史有五趙師雄一伯運子一伯聰子
伯昌子一伯郁子一伯思子

霓裳羽衣

蔣帝逸吏器公遠
橋其色如銀請元宗同登游月宮
薛同
集異記明皇與葉法善游月宮聽樂問曲
紫雲曲也帝默記其聲歸傳其名曰霓裳羽
衣 竝見癸辛雜識

野客叢書

題糕

王氏本書卷六引茗溪漁隱九日詩用糕字
惟崔無符和呂居仁詩有之 鶴林玉露白
樂天詩移坐就菊叢酒前羅列則固已用
之矣劉白倡和之時不知曾談及此否

錫

野客叢書張衡七辯沙錫石蜜白樂天詩
頭竹葉經春熟 錫氣味綠黏臺又春搗酒

錫子目下冊三

客過綠錫黏蓋杓 石林燕語白樂天詩三
杯藍尾酒一椽膠牙錫 嬾真子唐人作寒
食詩欲辨錫字以無出處遂不用殊不知出
于六經及楚辭也周禮小師掌教籥註云籥
編小竹管如今賣節者所吹也招魂曰糗
糗蜜餌有餽餽些注云餽餽也 靖康細
素雜記宋子京寒食詩草色引開盤馬路簫
聲吹暖賣錫天嘉話所載春來不見錫云是
宋考功詩比因閏沈雲卿詠驪州不作寒食
詩云海外無寒食春來不見錫洛陽新甲子
何日是清明花柳爭朝發軒車滿路迎帝鄉
遙可念腸斷報親情是時沈沈調驪州故有是
詩但未見宋全篇耳蓋沈宋俱仕武后朝故
所傳容有訛謬所未詳也李義山詩云粥香
餽白杏花天省對流鶯坐綺筵又宋子京途
中清明詩云漠漠輕花著早桐客甌餽粥對
禹中寒食清明多用餽粥事

撰

紫荷囊

初潭集謂裴休亦辨之 唐書盧若虛謂是
鼯鼠本說文讀鼯鼠豹文為句鼯鼠屬下

紫荷囊

石家語重金亦可考見舊儀 西溪叢語
荷囊即持荷之荷也或以為紫荷囊非也宋
子京云猥挈荷囊預從豹乘皆緣習之誤南
史劉杏傳言簪筆持囊事甚詳

古人名字

能改齋漫錄箕子名胥余見司馬彪注莊子
于他書不見易牙名巫易牙其字也見孔穎
達左傳疏 二陸通一楚狂人一後周人字
仲明一伯夷一舜典作秩宗一顓頊師一孤

錫子目下冊四

行君之子一鄰伯夷見抱朴子一武德中竹
帛書一漢人注論語者一晉餘不亭侯孔愉
一曾參一西漢相一淮南王一壽者一孤竹
一孤山也史記不知孤竹君有三子元子
中允一公遠一作信中子伯遠名憑嫡
一見春秋少陽篇伯遠見周翼詠史
一見仲見吾衍閒居錄初欲立夷不
一齊之弟一借異去之北海於定立憑或曰
一守虞翻夢人曰子伯夷為清惠侯叔夷
一宋元符三年封伯夷為清惠侯叔夷
一怡而伯遠則無傳後漢石氏改為暹
一怡而伯遠則無傳後漢石氏改為暹
一怡而伯遠則無傳後漢石氏改為暹
一怡而伯遠則無傳後漢石氏改為暹

青日札 談蒼父子同字者晉張老字孟其
子趨亦字孟齊管夷吾字仲其父名山亦字
仲父字同稱管仲晉大夫御克字駒伯御克
子御錡亦字駒伯孫兄弟同名字者少吳
名摯其孫顛頊之子亦名摯是為帝堯湯名
天乙紂父亦名天乙湯長子名太丁武乙之
子亦名太丁周仲雍曰虞仲仲之裔周章孫
亦曰虞仲蔡文侯名申其元孫昭侯亦名申
魯莊公之孫仲嬰齊者從祖也又同時衛穆
之孫亦曰公孫嬰齊者從祖也又同時衛穆
公名邀其裔孫成侯亦名邀晉范宣子士句
其同族伯瑕文伯亦曰士句楚有公子申字
子西乃平王子昭王兄也又有右司馬公子
申而闕宜申又字子西

雌霓

齊東野語

商維藩原刻神海誤刪齊東野語後半部作癸辛雜識前集今從毛晉澤
述秘書為完本

筆子目下卅五

貢雲

駕霄亭

簾為伎衣與此奢儉各殊

韓

原之敗功

配鹽幽菽

鶴林玉露載此極略

二紗

老學庵筆記亳州出輕紗一州推兩家能織
相與世世為婚姻懼他人家得其法也

翻草敏捷

蘇溪筆談梅詢書詔屬思甚苦灑水燕談劉
九制與此遲速各別

手持契帖

癸辛雜識子固善墨戲於水仙尤得意嘗於
梅蘭亭二詩云逃禪祖花光開庵紹述禪俞
松蘭亭續考定武蘭亭在定州熙寧中薛向
師正為帥其子紹彭竊歸洛陽斷損湍流帶
右天五字宣和間入于御府建炎初宗澤送
之惟揚金人焚揚州乃不知所在或云金攜
以去得二石乃蘭亭舊刻運使何士英命丁
截齊合為一致仕載歸金華

里社詩酒

愛日齋叢鈔司馬光為耆英會序云樂天在
洛與高年者八人游時人慕之圖傳於世宋
興洛中諸公繼而為之再矣圖形著明僧舍
樂天之故第也筆談亦謂樂天居洛與高年

筆子目下卅六

者八人游謂之九老洛中士大夫至今居者
繼而為九老之會者再矣今考修香山故事
惟至道初李文正公罷相後以司空致事年
七十思樂天洛中之會適交游中有此數
欲繼其事為宴集故相宋惠安公吳僧贊寧
預焉會蜀寇起而罷其事當在京師至和間
杜正獻公亦已致仕與凡老未詳後是為五
老會其事又在南都謂再會洛未詳後是為
光元章九雋老會序云中散大夫河間公靖
鎮吳章九雋老會序云中散大夫河間公靖
氏且未悉著獨濬公以元豐五年尹洛為耆
年會凡十三人可踐唐賢遺躅而過之矣
又元豐初趙清獻守杭趙康靖自南都來
八十一豐初趙清獻守杭趙康靖自南都來
程給事師孟游湖山為二老圖清獻時七十
清獻謝事過之因增程公為三老圖盛哉承
平典型也渡江以來有若史忠定六老圖
益公二老堂會清時勝事各擅一門豈惟家

應之慶又有劉炳名嘉谷字伯元號山陰士
必正楊文節身三老圖平圖齋榮有詩亦
嘉陵佳話也

輿校是書凡用六例初以是書皆從裨海

入選即以裨海校出為末西峯太史手鈔

時脫落者補之如兩官職脫去原注亦有雖脫落而

實為師相所刪節不可以脫落論者仍之

如孤山放鶴節去尾數行此初例也繼就已入選各條

彼此有可互證者使以類從如衣鉢既見

水燕此再例也或其條雖未入選而其書

筆子目下卅一

已由他條入選即係已入選之書就其事

之可相觸發者連類及之如銅面具固清

此三例也有其書即未入選然為裨海本

有之書如金鯽亦為程史理宜參觀勢難

割愛此四例也並有神海所本無之書而

關乎事之源流非推廣無由窺其全豹者

如金帶圍又見鐵圍山明知蔓衍然而猶

賢乎已此五例也其有一事數見止字句

小有增損或竟不差一字者無論是否重

見裨海亟登之以充類至盡如芝宮並

東軒筆錄侯鯖錄冷此六例也雖然或更

有九州之外或失諸眉睫之前蛇足徒添

雞肋可棄既成而後悔之姑識其坐荒蕪

月如左

道光乙巳孟陬上元門人黃爽

筆子目下卅八



同書四卷

江南糧儲道周亮工撰

金蓮燭送歸院

唐令狐綯在翰林日夜對禁中帝令以乘輿金蓮寶燭送還院吏望見以為天子來俄傳呼曰學士歸院

世說

孝宗召侍讀史少保浩錫宴澄碧殿抵暮送以金蓮燭直廬史進古詩三十韻有金蓮引雙燭再拜離階

凡之句上亦合韻答之又命周必大和以進

玉堂雜記

同書卷之一

王岐公在禁院中秋有月上問當直學士為誰左右以姓名對遂召公賜對坐上引謝莊賦李白詩美其才又出御製詩示公公起謝敕內侍挾持不令下拜夜漏下三鼓上悅甚令宮嬪各取領巾裙帶或團扇手帕求詩內侍舉牙床以金相水晶硯珊瑚筆格玉管筆皆上所用者至於公前來者應之畧不停綴人得其歡心悉以進呈上云須與學士潤筆遂各取頭上珠花一朶裝公幞頭簪不盡者置公服袖中旋取針線縫連袖口宴罷月將西沈上命內侍撥金蓮

燭扶掖歸院詔日上問夜來醉否奏云雖有酒不醉到玉堂不解帶便上床取幞頭在面前抱兩公服袖坐睡恐失花也

錢氏私志

蘇軾嘗鎖宿禁中召見便殿太皇太后問曰今卿為何官對曰待罪翰林學士曰何以遽至此對曰遭遇太皇太后皇帝陛下曰非也對曰豈大臣論薦乎曰亦非也軾驚曰臣雖無狀不敢自他途以進曰此先帝意也先帝每誦卿文必嘆曰奇才奇才但未及進用卿耳軾不覺哭失聲太皇太后與帝亦泣左右皆

同書卷之一

感涕已而命坐賜茶撤御前金蓮燭送歸院

竇氏五子

唐竇叔向有五子牟鞏庠常羣皆有詩名宋竇禹鈞亦有五子儀儼侃僖偁皆位通顯謂之燕山五桂

噤火

漢樊英字季齊習京氏易明五經又善風角算河洛七緯推步災異隱於壺山之陽嘗有暴風從西方起英謂學者曰成都市火甚盛因含水向西漱之乃令記其日時刻後有從蜀來云是日大火有黑雲卒從

東起須臾大雨火遂得滅於是天下稱其藝術東漢

郭憲字子橫光武拜為光祿勳從駕南郊憲在位忽

向東北含酒三噀執法奏為不敬詔問其故對曰齊

國失火故以此厭之後齊果上火災正與郊同時汝

南先賢傳

樂巴徵為尚書郎正旦大會巴後至有酒容賜百官

酒又不飲而西南向噀之有司奏巴不敬詔問巴巴

曰臣鄉里以臣能治鬼護病生為臣立廟今日有耆

老皆來臣廟享臣是以有酒容臣適見成都市上火

同書卷之一

三

故漱酒救之非敢不敬當請詔問虛則抵罪乃發驛

書問成都已奏言正旦食後失火須臾有大雨三陣

從東北來火乃止雨著人皆有酒氣神仙傳

後漢成仙公者諱武丁桂陽人初為縣司小吏久之

署為文學主簿年初元會之日三百餘人令武丁行

酒酒巡徧訖武丁忽以酒杯向東南噀之眾客愕然

怪之武丁曰臨武縣火以此救之眾客皆笑明日司

儀上事稱武丁不敬即遣使臨武縣驗之縣人張濟

上書稱元日慶集飲酒晡時火忽延燒廳事從西北

起時天氣清澄南風極烈見雲自西北直聳而上經

縣大雨火即滅雨中皆有酒氣眾疑異之乃知武丁

蓋非凡人也神仙傳

拔幟

韓信以兵數萬東擊趙乃使萬人先行出背水陣趙

軍望見大笑平旦信建大將旗鼓行至井陘口趙

開壁擊之大戰良久信與張耳佯棄旗鼓走水上軍

趙果空壁爭漢旗鼓逐信耳信耳已入水上軍軍皆

殊死戰不可敗信所出奇兵二千遂馳入趙壁皆拔

同書卷之一

四

趙幟立漢赤幟趙軍已不能得信等還歸壁壁皆漢

幟見而大驚兵皆遁走漢兵夾擊大破趙軍

延岑及更始將軍李寶合兵數萬人與逢安戰於杜

陵岑等大敗死者萬餘人寶遂降安而延岑收散卒

走寶乃密使人謂岑曰子努力還戰吾當於內反之

表裏合勢可大破也岑即還挑戰安等空營擊之寶

從後悉拔赤眉旌幟更立以旛旗安等戰疲還營見

旗幟皆白大驚亂走自投川谷後漢

乳生潼

李善字次孫李元蒼頭也元家疫疾相繼死沒惟孤兒續始生數旬而貲財千萬諸奴婢謀殺續分其財產善傷之而力不能制乃潛負續逃隱瑕丘界中親自哺養乳爲生湏續生十歲善與歸本縣修理舊業歸奴婢於長吏悉收殺之瑕丘令鐘離意上書薦其狀並辟公府善遷九江太守續至河間相東漢元紫芝德秀貧時其兄早亡有遺孤幾月其嫂又喪無乳哺之紫芝晝夜哀號抱其子以已乳含之涉旬湏流遂長大兄子能食其乳方止唐

同書卷之一

五

想當然耳

五官將既納袁熙妻孔文舉與曹公書曰武王伐紂以妣已賜周公曹公以文舉博學真謂書傳所記後見文舉問之答曰以今度之想當然耳

蘇文忠刑賞忠厚之至論有泉陶曰殺之三堯曰宥之三語歐公問其出處答曰想當然耳公大笑

出言不當舉琴撞之

晉平公出言而不當師曠舉琴而撞之跌衽宮壁至平公衣左右欲塗之欲塗師曠平公曰舍之以此衽

爲寡人失孔子聞之曰平公非不痛其體也欲來諫者也淮南子

師經鼓琴魏文侯起舞賦曰使我言而無見違師經援琴而撞之文侯不中中旒潰之文侯謂左右曰爲人臣而撞其君其罪如何左右曰罪當烹提師經下堂一等師經曰臣可一言而死乎文侯曰可師經曰昔堯舜之爲君也惟恐言而人不違桀紂之爲君也惟恐言而人違臣撞桀紂非撞吾君也文侯曰釋之是寡人之過也懸琴於城門以爲寡人符不補旒以

同書卷之一

六

爲寡人戒

吞珠給吏

齊人張丑爲質於燕燕王欲殺之走且出境境吏得丑丑曰燕王所爲將殺我者人言我有寶珠也王欲得之今我已亡之矣而燕王不信今子且致我我且言子奪我珠而吞之燕王必將殺子剗子腹及子之腸矣夫欲得之君不可說以利吾要且死子腸亦且寸絕吏恐而赦之

子胥奔吳夜行晝伏出到昭關關吏欲執之胥詐曰

上之所以索我者以我有美珠也今我已亡之矣我將告子取吞之關吏因舍焉吳越春秋

名下定無虛士

唐率更令歐陽詢出行見古碑索靖所書駐馬觀之曰浪得虛名次日看曰名下定無虛士下馬伫立疲則布毯坐觀因宿其旁十日不能去國史異纂
闔立本家代善畫至荊州視張僧繇舊迹曰定虛得名耳明日又往曰猶是近代佳手明日又往曰名下定無虛士坐視觀之留宿其下十日不能去

同書卷之一

七

此中何所有

王丞相指周伯仁腹曰此中何所有答曰此中空洞無物但可容卿輩數百人

周伯仁見顧和搏蝨不動指其腹問曰此中何所有答曰此中最是難測也

唐明皇指安祿山腹曰此中何所有答曰更無餘物止有赤心耳

蘇子瞻坦腹問諸姬曰知吾此中何所有朝雲對曰學士一肚皮不合時宜

看竹不問主人

袁粲字景倩為丹陽縣尹郡南一家頗有竹石粲率爾步往亦不通主人直造竹所嘯咏自得主人出語笑欵然俄而車騎羽儀并至門方知是袁尹

王子猷常行過吳中見一士大夫家極有好竹已知子猷常往乃灑掃地設在廳事坐相待王肩輿往造竹下諷嘯良久主已失望猶冀還當通遂直欲出門主人大不堪便令左右閉門不聽出王更以是賞主人乃留坐盡歡而去世說

同書卷之一

八

異僧絮室

石勒時有佛圖澄者左乳旁有一穴恒就水洗濯腸肺以絮室之夜欲讀書輒拔絮則光自穴出一室洞明

唐時西域僧伽住京師之薦福寺常獨居一室頂上有穴恒以絮室之夜以出絮烟氣從頂穴中出芬芳滿室

被甲上馬以示可用

廉頗奔魏趙思復得頗使使者視頗尙可用否頗仇

郭開多與使者金令毀之使者即見頗頗為之一飯
斗米肉十斤被甲上馬以示何可用使還復王曰廉
將軍雖老尚善飯然與臣坐頃之三遺矢焉趙王以
老遂不召

馬援謂孟冀曰方今匈奴烏桓尚擾北邊欲自請擊
之男兒要當死於邊野以馬革裹尸何能臥床上在
兒女子手中也時武威將軍劉尚擊武陵五溪蠻夷
軍沒援年六十二復請行帝愍其老未許之援自請
曰臣尚能被甲上馬帝合試之援據鞍顧盼以示可

同書卷之二

九

用帝笑曰嬰鑠哉是翁遂遣行

乘羊車後宮以鹽水灑地

宋文帝好乘羊車經諸妃房潘淑妃每粧飾褰幃以
俟並密令左右以鹽水灑地帝每至戶羊輒舐地不
去帝曰羊乃為汝徘徊况於人乎於此愛傾後宮南
晉武帝內寵萬人莫知所適常乘羊車恣其所之便
宴寢宮人乃取竹葉插戶以鹽汁灑地而引帝車晉書

殺孝婦大旱

于定國字曼倩東海郯人也其父于公為縣獄吏郡

決曹決獄平羅文法者于公所決皆不恨郡中為之
主立祠號曰于公祠東海有孝婦少寡亡子養姑甚
謹姑欲嫁之始終不肯姑謂鄰人曰孝婦事我勤苦
哀其亡子守寡我老久累丁壯奈何其後姑自經死
姑女告吏婦殺我母吏捕孝婦孝婦辭不殺姑吏驗
治孝婦自誣服具獄上府于公以為此婦養姑十餘
年以孝聞必不殺也太守不聽于公爭之不能得乃
抱其具獄哭於府上因辭疾去太守竟論殺孝婦郡
中枯旱三年後太守至卜筮其故于公曰孝婦不當

同書卷之二

十

死前太守彊斷之咎儻在是乎於是太守殺牛自祭
孝婦冢因表其墓天立大雨歲熟郡中以此大敬重
于公漢書

上虞有寡婦至孝養姑姑年老壽終夫女弟先懷嫌
忌乃誣婦厭苦供養加醜其母列訟縣庭郡不加尋
察遂結竟其罪孟嘗字伯周為戶曹先知枉狀備言
之於太守太守不為理嘗哀泣外門因謝病去婦竟
冤死自是郡中連旱二年禱請無所獲後太守殷丹
到官訪問其故嘗詣府具陳孝婦冤誣之事因曰昔

東海孝婦感天至旱于公一言甘雨時降宜截訟者以謝冤魂丹從之卽刑訟女而祭婦墓天應澍雨後漢孟嘗傳

陝婦人嫠居事叔姑甚謹家欲嫁之毀面自誓後叔姑病死有女在夫家從婦乞假不得因誣殺其母有司誅之烏哀鳴其上盛夏暴之十日不腐虫獸亦不敗境內經年不雨呼延謀為太守謁其墓謚曰貞烈婦其日大雨白帖

杯中蛇影

同書卷之一

十二

應斌為汲令以夏至日見主簿杜宣賜酒時北壁上有懸赤弩照於杯形如蛇宣畏惡之然不敢不飲其日便得胸腹痛切妨損飲食大用羸露攻治萬端不愈後斌因事過至宣家闚視問其變故云畏此蛇蛇入腹中斌還聽事思維良久顧見懸弩必是也則使門下吏將鈴下侍徐扶輦載宣於故處設酒杯中故復有蛇因謂宣此壁上弩影耳非有他怪宣遂解其夷憚風俗通

晉樂廣遷河南尹有親客久不來廣問故答曰前蒙

賜酒見杯中有蛇影而疾時廳掛有角漆弓廣意弓影如蛇復置前處謂客有所見否客曰如初乃告所以客病遂豁然而愈

食糠而肥

王戎子萬有美名而大肥戎令食糠而肥愈甚晉書陳丞相平少時家貧好讀書有田三十畝獨與兄伯居伯嘗耕田縱平使游學平為人長美色人或謂陳平曰貧何食而肥若是其嫂疾平之不視家生產曰亦食糠覈耳有叔如此不如無有陳丞相世家

同書卷之一

讀書不知流麥

朱買臣孳孳修學不知雨之流粟鄒子高鳳讀書晝夜不絕聲妻之田曝麥以竿授鳳令護雞天暴雨而意不在不覺流麥東觀漢記

目姪為千里駒

苻朗字文達堅從兄子也堅嘗目之曰吾家千里駒晉書

魏曹休字文烈太祖姪子太祖曰吾家千里駒也

焚券

馮煖約車治裝載券契而行辭曰責畢收以何市而
反孟嘗君曰視吾家所寡有者驅而之薛使吏召諸
民當償者悉來合券券徧合矯命以責賜諸民因焚
其券 戰國策

晉顧愷之姪綽私財甚豐鄉里士庶多負其責愷之
性好賙助禁不能及止為本郡誘出諸券悉燒之綽
為之懊嘆

王弘父珣好積聚財物布在人間珣薨弘悉燔燒券
書不收債舊業悉委諸弟 沈約宋書

同書卷之一

十三

樊童年八十餘終其所假貸人間數百萬遺令焚削
文契債家皆慚爭往償之諸子從教竟不受 東觀漢書
邵君仲臨終求貸人錢物書券自子目前焚之曰吾
不能以德教子孫不欲復以賄利累之

憾不與人同時

有韓非者韓之諸公子也喜刑名法術之學而其歸
本於黃老非為人口吃不能道說而善著書人或傳
其書至秦秦王見孤憤五蠹之書曰嗟乎寡人得見
此人與之游死不恨矣

蜀人楊得意為狗監侍上上讀子虛賦而善之曰朕
獨不得與此人同時哉得意曰臣邑人司馬相如自
言為此賦上驚乃召問相如

以鮓奉母母責之

吳光祿勳孟仁本名宗字恭武為監魚池司馬罷職
還道作兩器鮓以奉母母怒曰吾老為母戒言惟聽
飲彼水何吾言之不從也宗曰於道作之非池魚也
母曰爾為主魚吏而獲鮓以歸豈可家至戶告也乃
還鮓於宗宗伏謝罪遂沈鮓於江 列女後傳

同書卷之一

十四

陶侃少時作魚梁吏以坵 坵音堪土器也 鮓餉母母封鮓反
書責侃曰汝為吏以物見餉非惟不能益吾反以增
吾憂

張盾父曰世之為吏者往往累于父母妻子所以父
母但知喜悅竟不問物從何來若二母者可以為法
也

題樹射敵

龐涓追孫臏臏量其暮當至馬陵道狹可伏兵乃砍
大樹白而書之曰龐涓死此樹下令萬弩夾道而伏

期日暮見火舉而俱發靡涓夜至砍木下見白書乃鑽火燒之萬弩俱發靡涓自知智窮乃自刎曰遂成
聖子之名 史記

蜀丞相亮出軍圍祁山始以木牛運糧司馬宣王命張郃救祁山夏六月糧盡引去郃追之至木門道亮駐軍削大樹題曰張郃死此樹下郃軍到亮預令軍士夾道而伏弓弩亂發中郃而死

殿前鐘自鳴

漢武帝時未央宮殿前鐘自鳴無故三日三夜不止

同書卷之一

十五

大怪之召待詔王朔問之曰有兵氣上更問東方朔朔對曰王朔知其一未知其二臣聞銅者土之子也以陰陽氣類言之子母相感山恐有崩弛者故鐘先鳴易曰鳴鶴在陰其子和之上曰應在幾日朔曰在五日内居三日南郡太守上言山崩延袤二十餘里上大笑賜帛三十疋 東方朔傳

漢樊英善圖緯洞達幽微永建時殿上鐘自鳴帝甚憂之公卿莫能解乃問英英曰蜀岷山崩鐘故鳴非聖朝災也尋奏蜀山崩 太平廣記出英別傳

魏時殿前鐘無故自鳴張華曰蜀銅山崩已而果然 異苑

同時嚴酷

宋越御眾嚴酷好行刑誅眊眊之間動用軍法時王玄謨御下亦少恩將士為之語曰寧作五年徒不見王玄謨玄謨尚可宋越殺我 宋書

隋崔恒度性嚴酷時有屈突蓋亦嚴刻長安為之語曰寧飲三升醋不見崔恒度寧茹三升艾不逢屈突蓋

同書卷之二

十六

青蠅傳赦

晉明帝嘗欲肆眚乃屏曲室去左右下帷作詔有大蒼蠅觸帷而入萃於筆端有頃皆出帝竊異焉令人尋之即蠅所集處輒傳有赦喧然已徧 異苑

苻堅將赦屏人作赦文有大蠅赤頭聲甚厲入室驅之復來俄而人皆知有赦書於是詰其所得皆云有青衣童子呼於市中堅曰是前青蠅也

牛犯禾

朱冲字巨容有牛犯冲禾數畝持芻送而無恨色主

媿之乃不復爲暴

管寧字幼安鄰有牛犯寧禾者寧牽着涼處飲食過其主主乃六慚如犯嚴刑也魏志

冬無袴

賈逵世爲著姓少孤家貧冬常無袴過其妻兄柳孚

宿其明無何著孚袴去故時人謂之通達魏畧

孟嘗君食客三千廚有三列上客食魚下士食菜齊

客有乞食馮驩者經冬無袴面有飢色列士傳

黃香字文疆父兄舉孝廉家貧無僕香躬執勤苦盡

同書卷之一

十七

心奉養冬無袴被而親極滋味東觀漢記

吳良字大儀齊國臨淄人以清白方正稱爲郡儀曹

掾正旦吏人賀太守良跪曰門下掾侮詔明府無受

其觴盜賊未弭人民困乏未能家給人足今曹掾尙

無袴太守曰此生言是東觀漢記

織履給食

陳仲字子終齊人適楚楚欲以爲相妻曰子爲履以

爲食恬澹而無爲樂在其中矣乃謝使者皇甫謐高士傳

翟方進遊學於京師後母憐其幼隨之長安織履以

給其用列女傳

倒屣

王粲字仲宣山陽人蔡邕見而奇之時賓客盈坐聞

粲至倒屣迎之魏志

何晏爲吏部尙書王弼未弱冠往見晏卽倒屣迎之

重席

戴憑字次仲汝南人郡舉明經徵博士詔公卿大會

羣臣皆就席憑獨立世祖問其意對曰博士說經皆

不如臣而坐居臣上是以不得就席帝令與諸儒難

同書卷之一

十八

說甚善之後正旦朝賀令羣臣說經更相難詰義有

不通輒奪其席以與通者憑遂重坐五十餘席京師

語曰解經不窮戴侍中謝承後漢書

殷亮爲博士講學大夫諸儒論勝者賜席亮坐以八

九重席帝曰學士不當如是也殷氏家傳

七大夫

禹政第六禹得皋陶伯益杜子業得旣子黥得季子

甯得然子堪子玉得七大夫以佐其身而天下治

湯政第七湯得慶誦伊尹涅里且東門虛南門蠕西

門疵北門側得七大夫佐以治天下而天下治齊子

陳蕃下榻

陳蕃為樂安太守郡人周璆字孟玉清潔之士前後郡守招命莫肯至惟蕃能致焉字而不名特為置一榻去則懸之

陳蕃遷守豫章不接賓客惟徐穉來特設一榻去則懸之

五月五日生

齊田嬰賤妾有子名文五月五日生嬰告母曰勿舉

同書卷之一

十九

也其母妾舉之及長其母因兄弟而見其子嬰怒曰吾令若去其子而取之何也文頓首因曰君所以不舉五月子者何故嬰曰五月子者長與戶齊將不利其父母文曰人生受命於天乎受命於戶乎嬰默然文曰必受命於戶則可高其戶耳人誰至者嬰曰子休矣後文立是為孟嘗君

王鳳以五月五日生父欲不舉曰俗諺舉五月子及戶則自害不則害父母其叔父曰昔田文以此日生後為孟嘗君非不祥也西京雜記

胡廣字伯始本姓黃以五月五日生惡之獲盛棄江

中胡公收養之為己子後登台司世說

王鎮惡以五月五日生家人欲去之祖猛曰昔孟嘗君以此日生相齊此兒必興吾宗乃以鎮惡為名宋書

唐崔信明五月五日生日方中有異雀鳴集庭柱太史令史良占曰五日為火火生離離為文日中文之盛也雀五色而鳴此兒將以文顯本傳

孝母湧泉出魚

姜詩妻龐盛女也夫婦事母至孝母好飲江水去舍

同書卷之一

二十五

六七里妻嘗泝流而汲後值風不時得還母渴詩責而遣之妻乃寄止鄰舍晝夜紡績市珍羞使鄰母以意自遺其姑如是者久之姑怪問鄰母具對姑感慚呼還恩養愈謹其子後因遠汲溺死妻恐姑哀傷不敢言而託以行學不在姑嗜魚膾又不能獨食夫婦嘗力作供膾呼鄰母共之舍側忽有湧泉味如江水每日輒出雙鯉魚常以供二母之膳赤眉賊經詩里弛兵而過曰驚大孝必觸鬼神復遺詩米肉受而埋之比落蒙其安全後察孝廉除江陽令卒於官東漢

王祥字休徵性至孝繼母米氏不慈祥愈恭謹母嘗欲生魚時天寒冰凍祥解衣將剖冰求之冰忽自解雙魚躍出

致和中濟南府南城縣孝義村崔志有女母臥病久冬思魚食而不可得其女曰相聞古有王祥臥冰得魚想不難也兄弟皆曰盡信書則不如無書汝女子何妄論古今女曰不然父母有兒女者本要養生送死兄何曰不能耶乃同乳媪焚香誓天即往河中臥冰凡十日果得魚二尾鱗鬣稍異歸以饋母食之所

同書卷之一

三十一

病頓愈人或問方臥冰時以身試冰殊不覺寒也白獮

此非臣所為

張湯間即奏事上善知曰臣非知為此奏乃監掾吏某所為其欲薦吏揚人之善如此兒寬千乘人也補廷尉文學卒史時張湯為廷尉廷尉盡用文史法律之吏而寬以儒生在其間見為不習事不署曹除為從史之北地視畜數年還至府上畜簿會廷尉時有疑奏已再見卻矣掾吏莫知所為寬為言其意掾吏因使寬為奏奏成讀之皆服以白廷尉湯湯大驚召寬

與語乃奇其才以為掾上寬所作奏即時得可異日湯見上問曰前奏非俗吏所及誰為之者湯言兒寬上曰吾固聞之久矣湯由是鄉學以寬為奏讞掾以古法義決疑獄上甚重之及湯為御史大夫以寬為掾舉侍御史見上語經學上悅之從問尚書一篇權為中大夫漢書

同書卷之一

三十二

上遣使者徵遂議曹王生願從功曹以為王生素嗜酒亡節度不可使遂不忍逆從至京師王生日飲酒不視太守會遂引入宮王生醉從後呼曰明府且止願有所白遂還問其故王生日天子即問君何以治渤海君不可有所陳對宜曰皆聖主之德非小臣之力也遂受其言既至前上果問以治狀遂對如王生言天子說其有讓笑曰君安得長者之言而稱之遂因前曰臣非知此臣議曹教戒臣也上以遂年老不任公卿拜為水軍都尉議曹王生為水衡丞以褒顯

遂云漢書

趙廣漢為二千石以和顏接士其尉薦待遇吏殷勤甚備事推功善歸之於下曰某掾卿所為非二千石

所及行之發於至誠吏見者皆輸寫心腹無所隱匿
咸願為用僵仆無所避

漢書

馬周舍中郎將何武家時詔百官言得失周為條二
十餘事皆當世所切太宗怪問何何曰此非臣所能
家客馬周教臣臣之客忠孝人也帝即詔之問未至
遣使者四輩敦促及謁見與語乃大悅岑文本曰馬
賓王為眉火色其發必速果然

唐書

張嘉貞字嘉貞蒲州人以五經舉坐事免長安中張
循憲使河東事有未決病之問吏曰若知有佳客乎

同書卷之一

三三

吏以嘉貞對循憲召見咨以事嘉貞條析理分莫不
洒然循憲大驚試令草奏皆意所未及他日武后以
為能循憲奏皆嘉貞所為因請以官讓之后召見內
殿以簾自蔽嘉貞儀止秀偉奏對侃侃后異之因請
曰臣草莽之人未覩朝廷儀今天威咫尺若隔雲霧
恐君臣之道有未盡也詔上簾引拜監察御史擢循
憲司勳郎中醜其得人

新唐書

聞婦人哭聲不哀辨其姦

鄭子產晨出過東匠之間聞婦人之哭也撫其車而

聽之有間遣吏執而問之則手絞其夫者也異日其
御者問曰夫子何以知之子產曰其聲懼凡人於其
親愛也始病則憂臨死而懼已死而哀今哭夫已死
不哀而懼是以知其有姦也

論衡

嚴遵為揚州刺史行部聞道旁女子哭而聲不哀問
之亡夫遭燒死遵勅令輿尸到令人守之曰當有物
往吏曰有蠅聚頭所遵令披視鐵錐貫頂考問以淫
殺夫

益都耆舊傳

張大節字信之章宗朝徙知太原府近郭有男女被

同書卷之一

三四

殺者聞其妻哭聲不哀召而審之果為姦夫所殺人
以為神

金史

披裘負薪豈取遺金者

披裘公者吳人也延陵季子出遊見道中有遺金顧
裘公曰取彼金公投鎌瞑目拂手而言曰何子自處
之高而視人之卑五月披裘而負薪豈取遺金者哉
季子大驚既謝而問姓名公曰吾子皮相之士何足
語姓名也

高士傳

甄斌中山人常以一束苧就長沙寺質錢後取苧中

得五兩金送還寺道人以半酬斌斌不受謂曰五月披羊裘而負薪豈拾遺金哉

妻勸隱

陸通字接輿楚王使使聘曰請先生治江南通笑而不應妻子市來曰門外車馬跡何深也通曰王遣使持金百鎰令治江南妻曰妾事先生躬耕以食親績為衣據義而動樂亦足矣今受人重祿乘人良駒食人肥濃將何以待之通曰吾不許也妻曰君使不從非忠從之又違不如去之于是變易姓名隱居於蜀

同書卷之一

三五

峨眉山

高士傳

陳仲子字子終楚王遣使持金百鎰聘以為相仲子乃謂妻曰今日為相明日結駟連騎食方丈於前妻曰左琴右書樂在其中矣結駟連騎所安不過容膝食方丈於前所甘不過一肉今以容膝之安一肉之味而懷楚國之憂亂世多害恐先生不保命也仲子夫婦逃去為人灌園

高士傳

老萊子者楚人也當時世亂逃世耕於蒙山之陽莖葭為牆蓬蒿為室枝木為牀蓍艾為席飲水食菽墾

山播種人或言於楚王王於是駕至萊子之門萊子方織春王曰守國之政孤願守先生老萊子曰諾王去其妻樵還曰子許之乎老萊子曰然妻曰妾聞之可食以酒肉者可隨而鞭捶可擬以官祿者可隨而鈇鉞妾不能為人所制者妻投其春而去老萊子亦隨其妻至于江南而止曰鳥獸之毛可績而衣其遺粒足食也仲尼嘗聞其論而蹙然改容焉著書十五篇言道家用人莫知其所終也

晉皇甫謐高士傳

同書卷之一

三六

入計之即謂婦曰楚欲以我為相今日相則結駟連騎食方丈于前如何婦曰夫子以織履為食食粥鬻履無怵惕之憂者何哉與物無治也今如結駟列騎所安不過容膝食方丈于前所甘不過一肉以容膝之安一肉之味而殉楚國之憂可乎於是隨不應聘而與婦去之

北堂書鈔

賜妬婦鳩

唐房玄齡夫人至妬太宗時賜公美人屢辭不受帝乃令皇后召夫人告以媵妾之流今有常制且司空

年暮帝有優詔之意夫人執心不迴帝乃令謂之曰
若寧不妬而生寧妬而死乃遣酌卮酒與之曰若然
可飲此鳩一舉而盡無所留難

唐初兵部尙書任瓌敕賜宮女皆國色妻妬爛二女
頭髮禿盡太宗聞之令上官齎金胡瓶酒賜之云飲
之立死瓌三品合置姬媵爾不妬不須飲之若妬卽
飲柳氏拜敕訖曰妾與瓌結髮夫婦俱出微賤更相
翼遂至榮官瓌今多嬖誠不如死遂飲盡然非酖也
既睡醒帝謂瓌曰其性如此朕亦當畏之因詔二女

同書卷之一

三七

令別宅安置

大山小山

淮南王安與蘇飛李尙左吳田由雷被毛技伍被晉
昌等八人及諸儒大山小山之徒共講論道德而著
鴻烈解 漢河東高誘鴻烈解序

梁何允爲中書令後去職居會稽若耶山雲門寺初
允二兄求點并悽逸求先卒至是允又隱世號點爲

大山允爲小山 本傳

子孫多不能盡識

郭令公投中書考二十四八子七婿皆貴顯朝廷諸
孫數十不能盡識至問安但領之而已富貴壽考哀
榮始終人臣之道無闕焉 本傳

後周李遷哲嘗除真州刺史卽本州也遷哲妾媵百
數男女六十九人緣漢十餘里第宅相次姬媵之有
子者分處其中遷哲鳴笳導從往來其間縱酒歡譫
子孫參見或忘其年披簿以審之 本傳

青牛道士

老子李耳字伯陽周道衰乃乘青牛車去入秦過函

同書卷之一

三六

關關令尹喜望氣先知焉 神仙傳

皇甫隆遇青牛道士姓封名君達 博物志

恥不與黨人

時黨人獄所染逮者皆天下名賢度遼將軍皇甫規
自以西川豪傑恥不得與乃自上言臣前薦故大司
農張奐是附黨也又臣昔論輸左校時太學生張鳳
等上書訟臣爲黨人所附也臣宜坐之朝廷知而不問
宋范希文貶饒州朝廷方禁朋黨莫敢送王待制獨
扶病出餞或讓之曰君何自陷朋黨王曰范公天下

賢者質何敢望之若得為范公黨人公之賜質厚矣
聞者嘆服

縱囚

虞延字子大光武時為淄陽令每至歲時伏臘輒休
遣徒繫各使歸家並感恩德應期而還有囚於家被
病自載詣獄既至而死延率掾吏殯於門外百姓感
悅之 本傳

鍾離意字子阿少為郡督郵太守賢之遂任以縣事
當光武建武十四年會稽大疫死者萬數意獨身親

同書卷之一

五

往給醫藥所部多蒙全濟遷辟大司徒侯霸府詔部
送徒詣河內時冬寒徒病不行路過宏農意輒移屬
縣使作徒衣縣不得已與之而上書言狀意亦具以
聞光武見霸曰君所用掾何乃仁于用心誠良史也
意遂解徒桎梏恣所欲過與尅期俱至無或違者
後漢戴封為中山相諸縣囚四百餘人辭狀已定當
行刑封哀之皆遣歸家與尅期日皆無違者詔書策
美焉

王長文字德備初試守江原令縣收得盜賊長文引

見誘慰時適臘晦皆遣歸家獄先有繫囚亦遣之謂
曰教化不厚使汝等如此長吏之過也蜡節慶賞宜
就汝歸上下善相懽樂過節來還當為思他理羣吏
違遽爭請不許尋有赦令無不感恩所有人輒不為
惡曰不敢負王君將喪去官民思其政 後賢志

晉范廣字仲將為棠邑令丞劉榮坐事當死郡以付
縣家有老母至節廣輒遣還榮如期還

曹攄字顧遠為臨淄令獄有死囚歲夕攄行獄愍之
曰新歲人情所重豈不欲暫還家乎開獄出之刻日

同書卷之一

三

令還掾吏固爭攄曰此雖小人義不見負至期並來
一縣嘆服號曰聖君也

王志字次道僧虔子也弱冠尚宋孝武女安固公主
拜駙馬都尉後為東陽太守郡獄有重囚十餘冬至
日悉遣還家過節皆返惟一人失期志曰此自太守
事主者勿憂明日果至以婦孕吏人益嘆服 南史

謝方明宋武時為南郡相年終江陵縣獄囚悉放還
主簿宏季威等固諫不納至期有重罪一人醉不能
歸違二日乃返餘一囚十日不來遂巡墟里鄉村責

讓率領將送竟無逃者

南史

何允仕齊武帝時為建安太守政有恩信人不忍欺每伏臘放囚還家依期而還

南史

張華原字國滿代州人初為齊神武驃騎府法曹參軍後遷驃騎大將軍華原有幹略達政體至秀州乃廣布耳目以威禁境內於是人懷感服盜賊寢息獄先有繫囚千餘人華原料簡輕重隨事決遣至年暮惟有重罪者數十人華原各給假五日日期盡速還也囚等曰有君如是何忍背之依期畢至

北史本傳

同書卷之二

三

傅岐字景平梁武帝除始新令縣人有因鬪相毆而死死家訴郡郡錄其仇人拷掠備至終不引咎郡乃移獄於縣岐即令脫械以和言問之便即首服法當償命會冬節至岐乃放其還家獄曹掾固爭曰古者有此今不可行岐曰其若負信縣令當坐竟如期而還太守深相嘆異遂以狀聞岐後去縣人無老少皆出境拜送哀哭聞數里

王伽河間章武人開皇末為齊州行參軍送流囚李參等七十餘人詣京師悉脫其枷與期曰某日當至

京師依期而至一無離叛上聞驚異之召見與語稱善久之於是悉召流人而赦之擢伽為雍令政有能名隋書唐太宗親錄繫囚見應死者憫之縱使歸家期以來秋來就死仍赦天下繫囚皆縱遣至期來詣京師至是九月去歲所縱天下死囚凡三百九十八人無人督率如期自詣朝堂無一人亡匿者上皆赦之

唐臨為萬泉丞縣有輕囚數十人會春暮時雨臨白令請出之令不許臨曰明公若有所疑臨請自當其罪令因請假召囚悉令歸家耕種與之約令歸繫所

同書卷之二

三

囚等皆感恩義至時畢集詣獄臨由是知名唐書鍾離意為棠邑令民防廣為父報仇繫獄母死廣哭不食意憐傷之聽廣歸殯殮丞掾皆爭意曰罪自歸我義不累下遂遣殯母訖果還入獄意密以狀聞廣得減罪死論

認履

劉凝之為人認所著履即與之後得所失履復還之不肯取

沈麟士為人認所著履麟士曰是卿履耶即與之後

得所失履復還之麟士笑曰非卿履耶復受之

芙蓉城主

慶祿中有朝士晚赴朝見美女三十餘兩兩並馬而行觀之丁度按轡于後朝士驚問有一人最後曰迎芙蓉館主俄聞丁卒

張師古括異志

石曼卿卒後有人見之者恍惚如夢言我今為仙所主芙蓉城欲其人與遊不得忿然乘一青驃去如飛

歐公詩話

求見龍鳳

同書卷之一

三五

宋武帝嘗稱謝超宗殊有鳳毛右衛將軍劉道隆在坐出候超宗曰聞君有異物欲覓一見謝謙言無有道隆武人正觸其父諱曰方侍宴至尊說君有鳳毛謝徒跌還內道隆謂檢覓鳳毛待至暗而去

齊高阿那肱錄尚書事屬孟夏源師攝部以龍見請雲那肱驚喜問龍所在作何顏色師曰此是龍星初見理當雲祭非謂真龍也那肱曰漢兒強知星宿

夢筆

王珣為桓溫掾嘗夢人以大筆如椽與之既覺曰此

當有大手筆事俄而武帝崩哀冊謚議皆珣所草

紀少瑜字幼瑒嘗夢陸倕以一束青縷管筆授之云此筆猶可用卿自擇其善者其文因此迺進

梁書

李白少時嘗夢筆頭生花自是才思瞻逸

天寶遺事

唐李嶠字巨山趙州人為兒時夢人遺雙筆自是有

文辭

本傳

五代馬裔孫初為河中從事因赴闕宿選店其池上有邏神祠夜夢神人授二筆一大一小為翰林學士洎為相入中書治事吏奉二筆大小如夢者

同書卷之一

三五

范質字文素母張氏夢人授五色筆而質生九歲善屬文

代醉

沈江負父

孝女曹娥父盱五月五日於縣江泝濤迎婆婆神溺死不得屍骸娥年十四乃沿江號哭晝夜不絕聲旬有七日投衣於水祝曰父屍所在衣當沈衣隨流至一處而沈娥遂隨衣而沒負父屍出上虞長度尚葬娥於江南道旁邯鄲滄字子禮為碑文蔡邕題八字曰黃絹幼婦外甥壻曰

健爲叔先泥和其女名雄承建三年泥和爲縣功曹
長趙祉遺泥和拜檄謁巴郡太守以十月乘船於城
湍墮水死屍喪不得雄哀痛號咷告弟賢及夫人令
勤覓父屍若求不得吾欲自沈覓之時雄年二十七
有子男貢年五歲貢二歲乃各作繡香囊收盛金珠
環預嬰二子哀號之聲不絕于口昆族私憂至十二
月十五日屍猶未得雄乘小船于父墮處哭泣數聲
竟自投水中旋流沒底見告弟至二十一日與父俱
出及期如夢與父相持並浮出江縣長表言郡太守

同書卷之一

三五

蕭登承上尚書遺尸曹掾爲雄立碑圖像其形令知
其孝 搜神記

問祖

齊桓公立管仲爲仲父令諸大夫曰善吾者入門而
右不善者入門而左
吳人入楚召陳懷公懷公召國人曰欲與荆者左不
與荆者右
王孫賈入市曰淖齒殺閔王欲與我誅者袒右市人
從者四百人遂誅淖齒

陳勝召令徒屬曰公等遇雨皆以失期當斬藉第令
毋斬而戍死者固什六七且壯士不死則已死則舉
大名耳侯王將相寧有種乎徒屬皆曰敬受命乃詐
稱公子扶蘇項燕從民望也袒右稱大楚勝自立爲
大將軍
呂祿呂產欲作亂憚絳侯朱虛等猶豫未決絳侯使
酈寄給說呂祿以兵屬太尉太尉入軍門行令曰爲
呂氏右袒爲劉氏左袒軍中皆左袒太尉遂將北軍
分部悉捕諸呂男女無少長皆斬之

同書卷之一

三六

同書卷之一終

江南糧儲道周亮工撰

飲馬投錢

安陵清者項仲山飲馬渭水每投三錢

三輔決錄

太原郝子廉一介不取諸人每行飲水則一錢井中

投之

風俗通

三戟家

唐張儉兄弟三人皆立戟時號三戟張家

本傳

唐崔琳羣從數十人自興寧里謁大明宮冠蓋騶呼

同書卷之二

相望每歲時宴于家以一榻置笏猶重積其上琳與

弟太子詹事珪光祿卿瑤俱列祭戟時號三戟崔家

本傳

埋兒郭氏

東漢郭氏隆慮人家貧奉母盡孝每供饌母必分與

孫巨謂妻曰兒分母饌貧乏不能供子可再有母不

可再得乃埋其子掘地三尺得黃金一釜上有丹書

曰賜孝子郭巨官不得奪人不得取

統志

劉宋郭世通家貧傭力以養繼母婦生一男恐廢侍

養乃捶瘞之文帝敕榜表門為孝行焉

徙木

衛鞅卒定變法之令令既具未布恐民之不信乃立

三丈之木于國都市南門募有能徙者予五十金有

一人徙之輒予五十金

吳起為西河守欲攻徙秦亭乃倚一車輒于北門之

外而令之曰徙此南門之外賜之上田上宅人莫之

徙也及有徙之者還賜之如令又置一石於菽門之

外令之如初人爭徙之乃令攻亭

同書卷之二

碧紗籠詩

王播少孤家貧題詩揚州水蘭院後出鎮是邦向之

題者皆以碧紗幕其詩播繼以二絕句有三十年來

塵撲面而今始得碧紗籠之句

撫言

魏野字仲先居郊架草堂有水竹之勝無貴賤皆白

衣紗帽見之號草堂居士喜賦詩與寇萊公相得甚

歡嘗同遊陝郊僧寺各有題詠後同再至則萊公詩

用碧紗籠魏詩塵滿從行官妓以袖拂之仲先云若

得時將紅袖拂也應勝着碧紗籠

諫資

臨刑得釋後至大臣

韓信為連敖坐法當斬其儔十三人皆已斬至信乃仰視適見滕公曰上不欲就天下乎而斬壯士滕公奇其言壯其貌釋弗斬與語大悅之言于漢王漢王以為治粟都尉是滕公活信而又知信也漢書張蒼好書算律厯從沛公攻南陽坐法當斬解衣伏質身長大肥白如瓠王陵見而怪其美士乃言沛公赦勿斬後遷為計相歷御史大夫免相後老口中無齒食乳女子為乳母妻妾以百數富孕者不復幸年

同書卷之二

百餘歲而卒

史記

武帝時王訡為被陽令暴勝之欲斬訡已解衣伏質矣勝之壯其言得不誅後為丞相

郭子儀當斬李白救之後為汾陽王

安祿山營州柳城人也張守珪節度幽州祿山盜卒而獲守珪將殺之壯其語因釋不殺後遂封王終於叛逆

畫龍點睛飛去

顧愷之畫龍不敢點睛後人強其點睛龍竟飛去宣和畫譜曰張僧繇吳人天監中官右將軍以丹青

馳譽於時嘗于金陵安樂寺畫四龍不點目睛謂點之則驤騰而去人以為誕落墨纔及二龍果雷電破壁徐觀畫已失矣獨二龍未點睛者在焉又嘗于天皇寺畫龍不敢點睛道俗為之捨錢數萬落筆之後雷雨晦冥忽失龍不知所在

女子反

漢交趾女子徵貳徵則反擾嶺外六十餘城

唐睦州女子陳碩貞反破睦歙二州

沒字碑

同書卷之二

趙崇凝重清介門無雜賓慕王濛劉真長之風也標

格清峻不為文章號沒字碑唐馮贛記事珠

安叔千字文宗狀貌堂堂不通文字所為鄙陋時人

謂之沒字碑五代周

水鏡

蜀龐德公以司馬德操為水鏡鷄肋

晉衛瓘奇樂廣曰此人之水鏡鷄肋

北史蔡大寶見柳莊嘆曰襄陽水鏡復見於茲鷄肋

飯後鐘

唐段相文昌家寓江陵少貧嘗患口食不給每聽
會口寺齋鐘動輒詣謁餐爲寺僧所厭自此乃齋後
扣鐘後入登台座連出大鎮拜荆南節度有詩題會
口寺云曾過閭黎飯後鐘蓋爲此也富貴後金蓮花
盆盛水濯足徐相商致書規之鄒平曰人生幾何要
酬平生不足也

王播少孤貧嘗客揚州惠照寺木蘭院隨僧齋餐僧
忘乃齋罷而後擊鐘後二紀播自重位出鎮是邦因
訪舊遊向之題者皆以碧紗幕其詩播繼以二絕句

同書卷之三

五

曰三十年來此院遊木蘭花發院新修如今再到經
行處老樹無花僧白頭又上堂已了各西東慚愧闕
黎飯後鐘三十年來塵撲面而今始得碧紗籠

出撫言

獨弈

李訥僕射性下急酷尚弈棋每下子安詳極于寬緩
往往躁怒作家人輩則密以棋具陳于前訥一觀便
欣然改容取子布算忘其志矣

鄭价夫名俠自號一拂居士好弈棋遇客必強之有
辭不能者則留使旁觀而自以左右手對局左白右

黑精思如真敵白勝則左手酌酒右手引滿黑勝反
是

陸放翁渭南集

白虹貫日

戰國策曰唐雎謂秦王曰聶政刺韓傀白虹貫日
烈士傳曰荆軻爲燕太子謀刺秦王白虹貫日

廢蓼莪

王裒傳讀詩至哀哀父母生我劬勞未嘗不三復流
涕門人爲廢蓼莪之篇

史系記孟元方誦詩至蓼莪篇必哀咽不已

同書卷之三

六

南齊書顧歡早孤讀詩至哀哀父母生我劬勞輒執
書慟哭由是學者廢蓼莪篇

不窺園

董仲舒三年不窺園

後漢桓榮十五年不窺園

魏閔謙傳趙昱歷年不窺園

賜行酒人炙

晉顧榮宴見執炙者有欲炙之色割炙啗之客問其
故曰豈有終日執之而不知其味後榮爲趙王倫長

史將誅而執爨者為督率救之得免

南史陰鏗飲見行觴者回酒爨以授之坐者笑鏗曰吾儕終日酣酒而執爵者不知其味非人情也及侯景亂擒鏗行觴者救之得免

飲醇酒近婦人

魏王使人代信陵君將信陵君自知再以毀廢乃謝病不朝與賓客為長夜飲飲醇酒近婦人日夜為樂飲者四歲竟病酒而卒

呂須常以前陳平為高帝謀執樊噲數譏曰陳平為

同書卷之三

相非治事日飲醇酒戲婦人陳平聞日益甚呂太后聞之私獨喜史記

宅相

晉李膺神情朗俊宴日宅相之寄良在三甥三國典要

魏舒少孤為外家甯氏所養甯氏起宅相者日當出

貴甥舒日當為外氏成此宅相晉書

王褒七歲外祖袁昂愛之曰此兒當成吾宅相北史

畫馬通神

北齊楊子華畫馬於壁每夕必踈齧長鳴一時號為

畫聖 李嗣真畫品

有人牽馬訪馬醫稱患脚疾醫曰大似韓幹所畫者忽值幹日真是吾設色者歸視所畫馬脚有一點黑缺方知是畫通靈矣

畫王畫馬開元興慶池南華萼樓於下壁上有六馬滾塵圖畫王最愛玉面花驄謂無纖悉不備風鬃霧鬣信偉如也後壁惟有五馬其玉面者失去龍城錄

械鬼彈琴

嵇中散夜彈琴忽有一鬼械而長嘆舉其手袂曰君

同書卷之三

一絃一調中散與琴彈之聲清冷遙問不對疑是蔡邕邕死之日身著桎梏職官分紀

會稽賀思令善彈琴嘗夜坐月中臨風鳴絃忽有一

人形貌甚偉著械有慘色在中庭稱善便與交語自

云是稽中散謂賀云卿下手極快但於古法未備因

授以廣陵散賀遂傳之於今不絕

御屏隔座

御屏隔座

漢鄭弘為太尉舉第五倫為司空班次在下每見弘曲躬自卑上遂聽置雲母屏分隔其座

吳尚書令紀亮與子中書令儻朝會以御屏隔座

鳳毛

宋謝鳳子超宗為新安王子鸞常侍王母殷淑儀卒

超宗作誄帝大嘆賞謂謝莊曰超宗殊有鳳毛

王邵風姿似其父導桓溫曰大奴固自有鳳毛

陳喬張似之子秋晚并游立武湖羣鷗游泛似子曰

一輪活水瀟湘浦喬子俄顧吏卒曰此白色水禽可

作脯否人謂似子牛莖鳳毛喬男一堆牛糞陶穀清異錄

鳳雛

同書卷之三

九

龐德公目龐士元為鳳雛

閔鴻見陸士龍小時即奇之曰此兒若非龍駒即是鳳雛

王邵清貴簡素研味玄頤桓溫稱為鳳雛

雙鳳

北齊崔陵與弟仲文同日受拜時號兩雙聯鳳代醉篇

齊郡賈思伯與弟思同師事北海陰鳳業竟無資酬

之鳳質其衣物時人為之語曰陰生讀書不免癡不

雙鳳脫人衣北史

蔡邕崔寔號并鳳玉箱雜記

三鳳

秦和徐川與弟貢威時號徐氏三鳳瑣綴錄

羅欽順與欽德欽忠時號羅氏三鳳同上

唐河東薛元敬與從弟收從兄德音收為長離德音

為鸞鷟元敬年最少為鸞雛號河東三鳳

婦人為夫作誄

柳下惠死門人將誄之妻曰將誄夫子之德耶則一

三子不如妾知之也乃誄曰夫子不伐兮夫子不竭

兮夫子之誠信而人無害兮柔屈從俗不强察兮蒙

同書卷之三

十

恥救民德彌大兮雖遇三黜終不弊兮豈弟君子永

能厲兮吁嗟惜哉乃下世兮庶幾遐年今遂逝兮嗚

呼哀哉魂神泄兮夫子之謚宜為惠兮

黔婁死曾子與門人往弔之見其屍在牖下覆以布

被手足不盡斂覆頭則足見覆足則頭見曾子曰斜

引其被則斂矣妻妻曰斜而有餘不若正而不足也

生而不斜死而斜之非其意也曾子曰先生之終何

以為謚妻曰以康為謚曾子曰先生何樂於此而謚

為康乎妻妻曰昔君嘗欲授之政先生辭而不為是

有餘貴也君嘗賜之粟先生辭而不受是有餘富也
先生甘天下之淡味安天下之卑位不戚戚于貧賤
不欣欣于富貴其謚曰康不亦宜乎曾子曰唯斯人
也而有斯婦 魯史

司馬相如初與卓文君還成都居貧愁懣以所著鷓
鷃裘就市人陽昌贖酒與文君為歡既而文君抱頸
而泣曰我平生富足今乃以衣裘贖酒遂相與謀於
成都賣酒相如親著犢鼻裋褌器以恥王孫王孫果
以為病乃厚給文君文君遂為富人文君姣好眉色

同書卷之三

十二

如望遠山臉際常若芙蓉肌膚柔滑如脂十七而寡
為人放誕風流故越長卿之才而越禮焉長卿素有
消渴疾及還成都悅文君之色遂以發痼疾乃作美
人賦欲以自刺而終不能改卒以此疾死文君為誄
曰嗟嗟夫子兮亶通儒少好學兮綜羣書縱橫劍伎
兮英敏有餘尚慕往哲兮更名相如落魄遠遊兮賦
子虛畢爾壯志兮駟馬高車憶昔初好兮雍容孔都
憐才仰德兮琴心兩娛永託為妃兮不恥當壚生年
淺促兮命也難扶長夜思君兮形影孤步中庭兮霜

草枯雁鳴哀兮吾將安如仰天太息兮抑鬱不舒
此悽惻兮疇忍聽予泉穴可從兮願殞其軀 形管遺

曹禮卒妻周氏誌其墓於鳳凰山下曰曹禮字禮夫
世為番陽人祖父皆仕於唐高祖之朝惟公三年不
第居家以禮義自守及卒於長安之道朝廷公卿鄉
鄰耆舊無不太息惟予獨不然謂其母曰家有南畝
足以養其親室有遺文足以訓其子肖形天地間範
為陰陽內死生聚散特世態耳何憂喜之有哉予姓
周氏公之妻室也歸公八載恩義有加故贈之銘曰

同書卷之三

十二

其生也天其死也天苟達此理哀復何言其生也休
其死也休又何為哉其母何憂 慶元三年信州上饒尉陳莊發土得唐碑

乃婦為夫所作
古文品外
通馬語

廣漢陽翁偉能通鳥獸之音乘蹇馬之野田間有放
馬者去數里鳴聲相聞翁偉謂其御曰彼放馬目眇
其御曰何以知之曰罵此轅中馬曰蹇馬蹇馬亦罵
之曰眇馬御者不信往視之馬目果眇 論衡
李南乘赤馬行道逢他人乘白馬者白馬先鳴而南

赤馬應之南謂從者曰彼馬言汝當見一黃馬左目
盲者是吾子可爲使駛行相及也從者不信行二里
所果逢黃馬左目盲南馬先鳴而黃馬應之問其主
果向白馬子也抱樸子

白龜年遊潞州太守見廢馬仰首而嘶問曰此何言
曰槽中料熱不可食

聞牛鳴

左傳載介葛盧來朝聞牛鳴曰是生三犧皆用之矣
詹何坐弟子侍有牛鳴于門外弟子曰是黑牛也而

同書卷之二

十三

白蹄詹何曰然是黑牛也而白其蹄使人視之果黑
牛也而以布裹其蹄

五月五日溺死

屈原以五月五日自投汨羅死後人以舟楫救之遂
成俗爲競渡也

曹娥父以五月五日溺死異苑

通鳥語

蔡邕云伯益綜聲於鳥語

世傳公冶長能通鳥語或言公冶長貧而閒居無以

給食有雀飛鳴其舍呼之曰南山有虎駝羊當亟取
之冶長如其言往山中果得大羊及亡羊者縱之索
得其角以爲偷訟之魯君繫之獄孔子爲之白於魯
君不解嘆曰雖在縲云云未幾雀復鳴於獄舍曰齊
人侵疆當亟禦之獄吏白於魯君弗信姑如其言跡
之齊師果至命冶長發兵奮敵獲勝因釋之欲爵以
大夫冶長不受蓋恥因禽獸以得祿也後世遂廢其
學華夷考

張詹父曰楊用修云世傳公冶長通鳥語未見所出

同書卷之二

十四

然宋之問詩不如黃雀語能免冶長災樂天禽蟲詩
序予非冶長不能通其意則似實有之焦弱侯曰按
冶長辨鳥雀語云啾啾嘖嘖白蓮水邊有車覆米車
脚淪泥犢牛折角收之不盡相呼共啄人驗之果然
此具論語疏而用脩未見之也然愚讀論語疏未見
有此語但言相傳長以解鳥語得罪其說不經故不
錄弱侯不知何據當出別書耳代醉

魏尚字文仲高帝時爲太史通鳥語謝承後漢書

安德令劉長仁聞管輅通鳥語初不信須臾有鳴鵲

來閣屋上聲甚急輅曰鵲言東北有婦昨殺夫牽引西家人夫離妻侯不過日在虞淵之際告者至矣時果有東北同伍民來告鄰婦手殺其夫詐言西家人與夫有嫌來殺我婿長仁乃服輅嘗至郭恩家聞飛鳩在梁頭鳴曰當有老公攜朮酒來候主人雖喜當有人見血果有客如言而射雞作食箭中女子血流驚怖魏志

成子為郡主簿聞雀鳴謂在坐人曰東市輦粟車覆雀相呼往食之眾人遣視信然桂陽朱賢畫贊

同書卷之二

十五

楊宣為河內太守行縣有羣鵲鳴桑樹上宣曰前有覆米車粟此鵲相隨欲往食行數里果有覆車粟益都耆舊傳

武衛奚永洛與河內人張子信坐鵲鳴庭樹鬪而墮子信曰鵲言不善向夕有口舌事有人喚必不得往及夜高儼使召永洛且云敕喚永洛稱墜馬折脚遂免北齊書

白龜年得李太白遺書一卷曰讀之可辨九天禽語大地獸言龜年後游潞太守召而問之庭下有一鳥

嗽噴太守曰彼何言也曰城西民有廩餘粟在地呼食之守使人視之果然

孫守榮嘗出入丞相史嵩之門一日值庭鵲噪曰來日晡時當有寶物至及期李全以玉柱斧為貢宋史

嫂無恩

蘇秦顛顛而歸兄嫂姊妹皆笑之妻不下機嫂不為炊及秦為相佩六國相印歸昆弟妻嫂側目不敢視秦秦笑曰何前倨而後恭嫂謝曰見季子位高多金也史記

同書卷之二

十六

漢高祖微時嘗與賓客過其兄嫂嫂厭叔佯為羹盡輾金客去而視釜中有羹由是怨嫂及立獨不封其子太上皇為言高祖曰非敢忘也為其母不長者故封其子為頡羹侯

陳平與兄伯居伯嘗縱平游學人或謂平何食而肥其嫂嫉平不視家產曰食糠覈耳有叔如此不如無伯聞之遂棄其婦

戶牖著筆硯

王充貧無書往市中省所賣書一見便憶門牆屋柱

皆施筆硯著論衡謝承後漢書

左思作三都賦門庭戶牖皆著筆硯

書過百萬之眾

昔魯連以書下聊城是分毫之力過百萬之眾也抱樸子

荀勗與裴秀年祐共管機密時將發使聘吳並遣當時文士作書與孫皓帝用勗所作皓既報命和親帝謂勗曰君前作書使吳思順勝十萬之眾也晉書

因色墮術

同書卷之三

十七

紹興中王鐵帥番禺有狼藉聲朝廷除司諫韓璜為廣東提刑令往廉按憲治在韶陽韓纔建臺即行部指番禺王憂甚寢食幾廢有妾故錢塘娼也問主公何憂王告之故妾曰不足憂也璜即韓九字叔明舊遊妾家最歡好須其來強邀之飲妾當有以敗其守已而韓至王郊迎不見入城乃見岸上不交一談次日報謁王宿治具於別館茶罷邀遊郡圃不許固請乃可至別館水陸畢陳伎樂大作韓蹶蹶不安王麾去伎樂陰命諸娼淡粧詐作姬侍迎入後堂劇飲酒

半妾于簾內歌韓昔日所贈之詞韓聞之心動狂不自制曰汝乃在此耶即欲見之妾隔簾故邀其滿飲至再至三終不肯出韓心益急妾乃曰司諫曩在妾家最善舞今日能為妾舞一曲即當出也韓醉甚不知所以即索舞衫塗抹粉墨踉蹌而起忽跌于地王亟命索輿諸姬扶掖而登歸船昏然醉寢五更酒醒覺衣衫拘絆索燭覽鏡羞愧無以自容即解舟還臺不敢復有所問此聲流播旋遭彈劾王迄善罷

周世宗時陶穀奉使江南李谷以書抵韓熙載云五

同書卷之三

十八

柳公驕甚穀至果如其言熙載曰陶奉使非清介者其守可墮也乃密遣歌兒秦弱蘭詐為驛卒女竹衣竹釵擁帚洒掃穀因與通作風光好詞贈之有好因緣惡因緣祇得郵亭一夜眠之句後數日李主宴于澄心堂命玻璃巨鍾滿酌之陶毅然不顧乃命弱蘭歌前詞勸酒陶大沮即日北歸

文彥博慶厯間知益州多燕集有飛語至京師御史何邨聖從謁告歸里上遣因便伺察之張愈少愚潞公客也迎見聖從于漢州有營妓楊姓者善舞聖從

曹之少愚因取項帕題詩曰蜀國佳人號細腰東臺御史惜妖嬌從今喚作楊臺柳舞盡東風萬萬條後數日聖從至成都頗嚴重一日潞公大作樂以宴之迎此妓禳府妓中歌少愚之詩以酌聖從每爲之醉及還朝潞公之謗乃息

圍棋賭墅

魏軍至費禕率軍往禦之光祿大夫來敏與禕別求奕棋時羽檄交馳人馬擐甲巖鷲已訖禕與敏對戲色無厭倦敏曰向所觀者試君耳君信可人必能辦

同書卷之三

十九

賊禕行賊遂退

甲子堅發長安戎卒六十餘萬騎一十七萬旗鼓相望前後千里詔謝石謝玄帥眾八萬拒之秦兵至頽口兵旣盛都下震恐玄入問計于安安夷然答曰已別有旨旣而寂然玄不敢復言乃令張玄重請安遂出遊山墅親朋畢集與玄圍棋賭墅安棋嘗劣於玄是日玄懼便爲敵手而立又不勝安安遂遊陟至夜乃還

死生有命

唐甘露之禍符元與王涯有門客其一終日伺侯門

牆未得一官至賂嬖奴求見稍有援引之意在其宅中禍作竟遭腰斬其一素蒙接遇一旦以微過逐之策蹇出關時卽聞變作

宋苗劉之禍內侍有秦同老者自揚州被命至荊州前一日還行在未得對遽死焉有蕭中道者日侍左右忽得罪黜爲外郡監當前一日出城遂免

獲盜侍兒人以侍兒賜之

袁盎字絲初爲吳相時有從史嘗盜盎侍兒盎知之弗泄遇之如故人有告從史君知爾與侍兒通乃亡

同書卷之三

二十一

歸盜自追之遂以侍兒賜之復爲從史盜歸國吳王反盎以太常使吳吳王欲使將不肯欲殺之使一都尉以五百人圍守盎軍中前從史適爲守盎校尉司馬悉以其裝齎置二石醇醪會天寒士卒飢渴飲醉西南陬卒皆臥司馬夜引盜起曰君可以去矣吳王期旦日斬君盎弗信曰公何爲者曰臣故從史盜君侍兒者盎乃驚謝曰公幸有親吾不足以累公司馬曰君第去臣亦且亡避吾親君何患乃以刀決張道從醉卒直隄出司馬與分背解節旄懷之杖步行七

八里明見梁騎馳歸

張說家有教授書生通於說侍兒最寵者會擒得姦
狀說怒甚將窮獄於京兆書生厲聲曰覩色不能禁
人之常情緩急有用人處公爲何靳于一婢女耶說
奇其言而釋之兼以侍兒歸書生一去數月忽然一
日訪說憂色滿面言曰某感公恩思報者久矣今聞
公爲姚相所構外獄將具公不知之危將至矣願得
公平生所寶者用計于九公主能立釋之說因歷指
所寶書生皆云未足又凝思久之曰近有雞林郡以

同書卷之二

三十一

夜明簾爲寄者書生日事濟矣因請說手札數行懇
以情言遂趨去迨夜始及九公主第書生具以說事
言兼用夜明簾爲贊且謂主曰上獨不念在東宮時
而今反用讒即明早公主上謁具爲奏之上感動因
急命高力士就御史臺宣前奏按事並罷之書生亦
不復再見矣

霹靂震柱讀書自若

夏侯玄倚柱讀書將暴雨霹靂破所倚柱衣服焦然
之色無變

諸葛誕以氣邁稱嘗倚柱讀書霹靂震其柱誕自若

墾田稻

承宮字子少避地于象陰山耕種禾黍將熟人有認
之者宮不爭推與之也

鍾離牧字子幹墾田二十畝臨熟縣民認之遂以稻
與之縣長召民繫獄牧爲之請長曰君慕承宮僕自
行法牧遂出裝還山陰長釋民自止之民慚春稻得
六十斛米還牧牧不受民置於道傍無取者 白帖

郭翻字長翔少有志操家貧無業墾荒田先立標題

同書卷之二

三十二

經年無主然後化及將熟有認之者翻悉推與之宰
令聞以稻還翻翻不受 晉中興書

萬石君

石奮趙人漢景帝朝爲九卿子四人官至二千石以
其一門五人皆二千石故號爲萬石云

漢馮揚魏郡人宣帝時爲弘農太守子八人皆爲二

千石趙魏間號曰萬石君

漢秦襲與羣從五人同時爲二千石三輔號萬石秦
氏

嚴延年兄弟五人至大官號萬石嚴嫗

唐張文瓘字稚圭四子皆至三品時號為萬石張家

娶瞽女

宋劉廷式娶瞽女及死哭之甚哀坡公高其義

呂華陰娶瞽女生五男皆舉進士

張孝純永錫微時依吉氏許妻以女登第巨室求為

婚者甚眾皆拒絕歸娶吉氏無何卒有妹雙瞽無問

之者永錫欲娶之吉固辭永錫曰某荷公德令女非

某娶則終無人娶矣意極誠確竟娶之禮待有加生

同書卷之二

三五

二子皆顯

宋周公叔自太學早年登科幼議母黨之女登科後

其女雙瞽遂娶之愛過常人程伊川曰某年未三十

時亦做不得此事

賃春

漢公孫穆來遊太學無資乃變服為傭為吳佑賃春

與語大驚遂定交杵臼之間

梁鴻與臧伯通家賃春為事歸其妻具食舉案常齊

眉伯通察而異之

逆旅人言時難得而易失

太公之封齊營邱東就國道宿行遲逆旅之人曰吾

聞時難得而易失客寢甚安殆非就國者也太公聞

之夜衣而行黎明至國萊公來伐與之爭營邱史記

鄭桓公東會封於鄭暮舍於宋東之逆旅逆旅之叟

曰吾聞之時難得而易失今客寢安殆非封也鄭桓

公聞之援轡自駕行十日夜而至釐何與之爭封說苑

戲言殺身

宋萬歸宋宋公斬之曰始吾愛子今子魯囚也吾不

同書卷之二

二四

愛子矣萬病之遂殺宋公左傳

孝武帝耽於酒色張貴人有寵年及三十帝戲之曰

汝以年當廢矣吾已屬諸妹少矣貴人潛怒帝醉貴

人遂令其婢蒙之以被暮崩晉史

取人之言而棄其身

齊桓公出遊見亡國之墟問於野人而知郭氏之所

以為墟者歸以語管仲管仲曰其人為誰曰不知也

管仲曰君亦一郭氏矣於是桓公召野人而賞之

晉文公逐麋失之間農夫老古之言歸遇樂武子有

悅色樂武子問其人安在曰吾未與來也樂武子曰
取人之言而棄其身盜也文公乃還載老古與俱歸
而賞之

晉文公田於虢遇一老夫爲言虢亡之故歸遇趙衰
而告之趙衰問其人安在曰吾未與來也趙衰曰聽
其言而棄其身盜也文公乃還載老夫與俱歸而賞
之

不以此時爲利

蕭何請上林空地民得人田高帝怒曰相國多受賈

同書卷之二

三五

人財物乃爲請吾苑遂械繫之王衛尉曰陛下距楚
數歲陳豨黥布反陛下自將而往當是時相國守關
中搖足則關以西非陛下有也相國不以此時爲利
今乃利賈人金乎帝於是赦出相國

周勃就國人告勃欲反下廷尉逮捕勃治之文帝朝
太后太后曰絳侯始誅諸呂綰皇帝璽將兵於北軍
不以此時反今居一小縣顧欲反耶帝於是赦絳侯
復爵邑

生男勿喜

漢武帝立衛子夫爲后三弟封侯貴震天下天下歌
之曰生男無喜生女無怒獨不見衛子夫霸天下

唐玄宗寵貴如楊氏三姊並爲國夫人出入宮掖勢
傾天下天下歌之曰男不封侯女作妃君看女郤作
門楣

不用其言恥爲所笑殺之

袁紹進軍攻許田豐以曹操既破劉備許下非復空
虛不宜便行紹不從豐強諫廷紹官渡之敗或謂豐
曰君必見重豐曰公貌寬而內忌不亮吾忠而吾以

同書卷之三

三六

至廷言之若勝而喜必能赦我戰敗而怨內忌將發
吾不望生紹還曰吾不用田豐言果爲所笑殺之
趙染軍次新豐有輕敵色其長史魯徽諫曰困獸猶
鬪况于國乎不聽與索琳戰敗績悔曰吾不用魯徽
之言以至於此遂殺徽

得天下喜不自勝

魏文帝既立爲嗣喜因抱辛毗頸曰辛君知吾喜否
唐莊宗入梁喜不自勝手引李嗣源衣以頭觸之曰
吾有天下卿父子之功也天下與爾共之

子孫自感

晉明帝問王導晉所以得天下導為陳宣帝創業之始及文帝弒高貴鄉公事明帝以面覆床曰若如卿言晉祚復安得長

齊明帝遣華伯茂殺巴陵王子倫子倫曰積不善之家必有餘殃昔高皇帝殘害劉氏今日之事理固宜然

羣臣各效技藝

南齊王儉傳載高祖曲宴羣臣數人各效技藝褚淵

同書卷之二

二十七

彈琵琶王僧虔彈琴沈季文歌子夜張敬兒舞王敬則拍王儉曰臣無所解惟知誦書因跪上前誦相如封禪書上笑曰此盛德事吾何以堪之

中宗引近臣宴集令各獻伎為樂張錫為談客娘舞宗晉卿舞渾脫張洽舞黃麕杜元珍誦婆羅門咒李行言唱駕車西河盧藏用效道士上章郭山暉誦古詩兩篇誦鹿鳴蟋蟀未畢李嶠以詩有好樂無荒之語止之

非禮不可以養

北齊邢峙以經授皇太子廚宰進太子食有菜曰邪蒿令去之曰此菜有不正之名非太子所宜養顯宗聞而嘉之

周文王使太公望傅太子發太子嗜鮑魚而公弗與太公曰鮑魚不登於俎豈有非禮而可以養太子哉今日無我明日豈有汝

東魏邙山之戰彭樂以數千騎衝入衛軍既敗高歡使樂追宇文泰泰窘謂樂曰痴男子今日無我明日豈有汝耶樂從其言遂歸

同書卷之三

二十八

渦水之戰慕容紹宗以騎五千夾擊侯景景眾大潰以數騎自破石濟淮使人謂紹宗曰景若就擒公復何有紹宗乃縱之

不貴異物

東坡硯銘或謂居士吾往端溪可為公購硯居士曰吾兩手其一解字而有三硯何以多為曰以備損壞居士曰吾身或先硯壞

呂蒙正為相有士藏古鏡能照二百里欲獻以求知公曰吾面不過碟子大安用照二百里

女憂園葵

魯監門女嬰相從績中夜泣曰衛世子不肖是以泣其偶問其故曰宋司馬得罪於宋出奔於魯馬佚食吾園葵是歲亡利一半由是觀之禍福相及也

魯漆室女倚柱而嘯鄰婦曰欲嫁乎吾憂魯君老而太子少也婦曰此魯大夫之憂女曰昔晉客舍吾家繫馬於園馬佚踐吾園葵使吾終歲不厭葵味

智囊

樛里子者名疾秦惠王之弟也滑稽多智秦人號曰

同書卷之二

三五

智囊

史記

龍錯潁川人初為太子舍人門大夫家令以其辯得

幸太子太子家號曰智囊

史記

東漢魯匡王莽時為義和有權數號智囊

唐王德儉許敬宗之甥也瘦而多智號智囊

支謙字恭明月氏國優婆塞也該覽經籍及諸伎藝

善諸國語時人諺曰支郎眼中黃形軀雖小是智囊

桓範出赴曹爽宣王謂蔣濟曰智囊往矣濟曰範則

智矣驚馬戀棧豆必不能用也

千寶晉記

如志

漢司馬相如字長卿蜀郡北有昇仙橋相如往長安乃題橋柱曰丈夫不乘駟馬車不復過此遷中郎果如志漢郭丹字少卿入關而嘆曰不乘使者車不復出門後奉使南陽果乘高車

城郭是人民非

蘇耽去後忽有白鶴十數隻夜集郡東門樓上一隻口畫作書字言曰城郭是人民非三百甲子當復歸咸謂是耽

列仙傳

同書卷之二

三五

遼東城門有華表柱忽有一鶴集徘徊空中言曰有鳥有鳥丁令威去家千歲今來歸城郭如故人民非何不學仙去空伴冢壘壘遂上冲天

續搜神記

枯魚之肆

莊周往貸粟於監河侯監河侯曰諾我將得邑金貸子三百金可乎周忿然曰若乃言此不如早索我枯魚之肆

高平王遣使者從後魏文侯貸粟文侯曰須吾租收邑粟至乃得也使者曰臣初來時見瀆中有魚張口

謂臣曰吾窮水魚命在呼吸可得灌乎臣謂之曰待吾南見河伯之君決江淮之水灌汝口魚曰爲命在須臾及須決江淮之水比至還必求吾於枯魚之肆今高平貧窮故遣臣謁君貸粟乃須租收粟至者大王必求臣死人之墓也

乘馬虎伏

桓公乘馬虎望見而伏公問管仲仲曰意者君乘駮馬公曰然仲曰駮馬食虎豹故伏焉管子

晉平公出田見乳虎伏而不動平公顧謂師曠曰聞

同書卷之二

三

之霸王君出猛獸伏而不敢起今者寡人出乳虎伏而不動此猛獸乎師曠對曰鵲食猖猖食鷄鷄食鷄食駮食虎夫駮之狀似駮馬今者吾君當駮駮馬以出乎平公曰然說苑

白馬非馬

兒說宋人善辯者也持白馬之非馬也服齊稷下之辯者乘白馬而過關則顧白馬之賦故藉空詞則能勝於一國按實形不能誇于一人韓子

公孫龍以白馬爲非馬或曰此辯而毀大道子高適

趙謂龍曰願受業久矣所不取先生者以白馬爲非馬耳誠能去之則高請爲弟子龍曰若使去之無教矣孔叢子

以鄰家婦諷

晉文公出會欲伐衛公子鉏仰而笑之公問何故笑對曰笑臣之鄰人也臣之鄰人有送其妻適私家者道見桑婦悅而與之言顧視其妻亦有招之者臣竊笑之也公乃止列子

趙簡子舉兵伐齊有被甲士笑簡子曰子何笑對曰

同書卷之二

三

臣乃有宿笑當桑之時臣鄰家夫與妻俱之田見桑中女因追之不能得還反其妻怒而去之臣笑其曠也簡子曰今吾伐國失國是吾曠也還師而歸說苑

同書卷之二終

江南糧儲道周亮玉撰

暗記詩文戲非彼作

魏奉古授封邱尉常九日公宴有客草序五百言奉古言此舊文援筆倒疏之草序者默然自失奉古徐笑曰適覽記之非舊習也因是知名小史

柳芳開元中有李幼奇對芳念百韻芳暗誦便題之於壁不差一字曰此吾之詩也李不平芳徐云聊相戲耳因請幼奇更誦所著文章皆一遍便能寫錄尚書

同書卷之三

故事

讀碑背誦不失一字

禰衡見蔡伯喈所遺碑一過視之援筆書之無所遺

失惟第四行中石磨滅兩字不分明別傳

王粲字仲宣常與人共行讀道邊碑人問曰卿能聞

誦乎曰能因使背而誦之不失一字魏書

蕭頴士與李華陸據游洛龍門共讀路傍古碑頴士

一閱即能誦華再閱據三閱方能誦之議者以三人

才格高下如此本傳

肅王與沈元甫同使假館於燕山憫忠寺寺中有一

唐人碑凡三千言元甫素強記即朗誦一再肅王不

視且聽且行若不經意元甫歸欲矜其敏取紙追書

之不能記者凡闕十四字書畢肅王視之即取筆盡

補其所闕又改元甫謬誤四五處置筆他語略無矜

色元甫駭服老學菴筆記

半面即識終身不忘

應奉凡所經歷莫不暗記嘗詣彭城相袁賀家有車

匠於門內開扇出半面視奉後數十年於路見車匠

同書卷之三

識而呼之見謝承漢書

楊愔聰記強識半面不忘每有召問單稱姓或單稱

名罔有悞者後有選人魚漫漢自言猥賤獨不見識

愔曰卿前在元子思坊騎禿尾草驢經見我不下以

方趨障面我何不識耶本傳

張巡初守睢陽時士卒僅萬人城中居人戶亦且數

萬巡因一見問姓名其後無不識者韓昌黎張中丞

傳後敘

徵事多取忌

劉孝標與梁武帝策錦被事多十餘事帝失色遂不復引見

沈約與帝徵粟事約少帝三事出語人曰此公護短不讓卽羞死後帝聞之亦怒

蔡居安夏日會食瓜令坐客徵瓜事各疏所憶每一條食一片最後校書郎董彥遠連徵數事皆所未聞

坐客咸服不過數日卽補外
喪妻不復娶

曾子出妻不娶子元請焉曰高宗以後妻殺孝已尹

同書卷之三

吉甫以後妻放伯奇吾上不及高宗下不比吉甫庸知其得免於非乎

漢王吉子駿爲少喪妻不復娶或問之曰德非曾參子非華元亦何敢娶

魏管寧妻卒知故勸其再娶曰每念曾參王駿之言意常嘉之豈違本心哉

口說人姓名無差
應奉爲郡決曹史行部四十二縣口說罪繫姓名坐

狀輕重無所遺脫見謝承漢書

陸續爲郡曹史饑荒太守使於都亭賑民饋粥事畢說六百餘人分別名姓無有謬誤後漢書

夏侯榮賓客百餘人人一奏刺悉書其鄉里名氏世所未爵里刺也客示榮一寓目使之便談不謬一人見世語

顏其卿調犀浦主簿常送徒益州忘其籍至延口記物色凡千人無所差長史陸象先異之唐史

敗軍之將不可言勇

吳王謂范蠡曰寡人間貞婦不嫁破亡之家仁賢不

同書卷之三

官絕滅之國吾欲赦子之罪子能改心自新棄越歸吳乎范蠡對曰臣聞亡國之臣不敢語政敗軍之將不敢語勇吳越春秋

韓信擒趙王歇信乃令中軍毋殺廣武君致戲下者信問廣武君曰僕欲北攻燕東伐齊何若而有功廣

武君辭謝曰臣聞敗軍之將不可以言勇亡國之大夫不可與圖存今臣敗亡之虜何足以權大事乎史記

使我成輕薄

孔廣美容止善談論張緒數巾車過之每歎曰孔廣

使吾成輕薄祭酒

南史

許玄度停都一月劉尹無日不往乃歎曰卿復少時不去使我成輕薄京尹

世說

殺蛟

周室東海之上有勇士留邱訢以勇聞於天下過神泉令飲馬其僕曰飲馬於此馬必死訢曰以邱訢之言飲之其馬果死邱訢乃去其衣拔劍而入三日三夜殺二蛟一龍以出雷隨擊之七日七夜眇其左目

獨異志

周處字子義膂力絕人縱情肆慾州曲患之處謂父

同書卷之三

五

老曰今時和歲豐何苦而不樂耶父老嘆曰三害未除何樂之有處曰何謂也答曰南山白額猛獸長橋下蛟并子為三矣處曰若此為患吾能除之父老曰子若除之則一郡之大慶非徒去害而已處乃入山射殺猛獸因投水搏蛟蛟或浮或沈行數十里而處與之俱經三日夜人謂死皆相慶賀處果殺蛟而反聞鄉里相慶始知人患己之甚乃入吳尋二陸勵志好學為伏波將軍力戰而沒澹臺子羽渡河齎千金之璧河伯欲之至陽侯波起

兩蛟挾船子羽左操璧右擊劍擊蛟皆死既渡二投璧於河伯河伯躍而歸之子羽毀璧而去

荆軻字次非渡蛟挾船次非不奏斷其頭而風波靜除

周日用註曰余嘗行經荆將軍墓墓與羊角哀冢鄰昔安伯施曰為荆將軍所伐乃在此也其他在苑陵之源求見其墓碑將軍石乃作次飛字也

趙仲明昱隱青城山從道士李珪隨煬帝徵不起益州太守臧賸強起之乞為蜀太守時健為有蛟為害

同書卷之三

六

昱泄政五月會使人往青城山置藥渡江溺使者沒舟航七百艘昱大怒率甲士千人及州屬男子萬人夾江鼓噪聲震天地昱乃持刀投水頃之江水盡赤石崖半崩吼聲如雷左手執蛟首右手持刀奮波而出州人感戴事為神明隋末隱去不知所之

月令季秋伐蛟取鼉以明蛟可伐而不可觸也蛟之為物不識其形狀或曰虬蜺蝮蛟狀如蛇也南僧說蛟形如馬蝗卽水蛭也涎沫腥粘掉尾纏人而噬其血蜀人號為馬絆蛇頭如貓鼠有一點白漢州古渾

潭內馬絆蛇往往害人鄉里募勇者伐之身塗藥游
泳潭底蛟乃躍於沙汭蟠蛇方困里人謹諫以助竟
斃之 北夢錄言

飲不死之酒

武帝時有獻不死之酒者東方朔竊飲之帝怒欲殺
朔朔曰臣所飲不死之酒也殺臣臣亦不死臣死酒
亦不驗

楚荆王時有獻不死之藥於王者謁者操以入中射
之士問曰可食乎曰可因奪而食之王怒使人殺中

同書卷之三

七

射之士使人說曰臣問謁者謁者曰可食臣故食
之是臣無罪而罪在謁者也且客獻不死之藥臣食
之而王殺臣是死藥也王殺無罪之臣而明人之欺
王王乃不殺

徐孺子弔喪倏忽去

郭林宗有母憂徐樾往弔之置生芻一束於間而去
之眾怪不知其故林宗曰此必南州徐孺子也詩不
云平生芻一束其人如玉吾無德以當之

公車徵士豫章徐孺子比爲太尉黃瓊所辟禮文有

加孺子隱者初不答命瓊甕既葬負肉并酒齎一盤
醞哭於墳前孫子琰故五官中郎將以長孫制杖聞
有哭者不知其誰亦於倚廬哀泣而已孺子無有謁
刺事訖便去子琰大怪其故遣瓊門生茅季璋追請
辭謝終不肯還 風俗通

裂餅緣被呵責

英公李勣爲宰相有鄉人嘗過宅爲設食客裂却餅
緣英公曰君大少年此餅犁地兩遍方下種鋤時收
刈打颺磴羅作麩然後爲餅少年裂却緣是何道理

同書卷之三

八

此處猶可若對至尊前作如此事斫却你頭客大慚
悚 朝野僉載

宇文朝華州刺史王罷有客裂餅緣罷曰此餅大有
功力然後入口公裂之當是未飢且擊去客愕然 上

高鳥盡良弓藏狡兔死良犬烹

越兵圍吳范蠡在中行左手提鼓右手操袍而鼓之
吳王書其失射范蠡之軍辭曰吾聞狡兔已死良犬
就烹敵國若滅謀臣必亡今吳病矣大夫何慮乎 吳
越春秋

范蠡去越因遺大夫種書曰蜚鳥盡良弓藏狡兔死走狗烹越王爲人長頸鳥喙可與共患難不可與共歡樂子何不去種見書稱病不朝人或讒種且作難越王乃賜種劍曰子教寡人伐吳七術用其三而敗吳其四在子子爲我從先王試之種遂自殺史記韓信初之國有告信欲反上患之用陳平謀僞遊雲夢令武士縛信載後車信曰果若人言狡兔死走狗烹高鳥盡良弓藏敵國破謀臣亡天下已定我固當烹史記

同書卷之三

九

妻棄夫

太公先娶馬氏家貧馬氏求去後封營邱馬氏復來太公覆水於地令收之曰覆水已難收矣琅琊代醉太公少婿馬氏老而見去賣漿水孟津天涼不售改圖販麵復值大風屠牛朝歌天熱肉敗遂釣魚於渭濱文王出獵載歸以師事之武王伐紂封侯於齊道遇婦人其前妻也再拜求合公取盤水傾地令其收之惟得少泥公曰若言離更合覆水定難收婦人遂抱恨而死今日有馬母冢類林

朱買臣字翁子家貧好讀書常艾薪樵賣以自給且擔且誦其妻亦負相隨數止買臣毋歌謳道中買臣愈益疾歌妻羞之求去買臣笑曰我年五十當富貴今已四十餘矣女苦日久待我富貴報女功妻恚怒曰如公等終餓死於溝中耳又何能富貴買臣不能留卽聽去其後買臣獨行歌道中負薪墓間故妻與夫家俱上冢見買臣饑寒呼飯飲之後數歲爲會稽太守上謂買臣曰富貴不歸故鄉如衣繡夜行今子何如買臣頓首辭謝乘傳入吳界見其故妻妻夫治道買臣駐車呼令後車載其夫妻到太守舍置園中給食之居一月妻自經死買臣乞其夫錢令葬悉召見故人與飲食諸嘗有恩者皆報復焉

同書卷之三

十

嘗穢

越王問吳王疾取其便與惡而嘗之惡大因入曰下囚臣勾踐賀大王王之疾至已巳日有瘳至三月王申病愈王曰何以知之越王曰下臣嘗事師聞糞順穀味逆時氣者死順時氣者生今者臣竊嘗大王之糞其惡味苦且楚酸是味也應春夏之氣臣以是知

之吳王大悅曰仁人也乃赦越王得離其石室去就其宮室執牧養之事如故越王從嘗糞惡之後遂病口臭范蠡令左右皆食岑草以亂其氣

魏王忠病御史郭弘霸往候視便溺即染指嘗賀曰甘者病不瘳今味苦當愈喜甚魏惡而暴之又嘗來俊臣糞本傳

和士開為尚書威權日盛偶患傷醫云應服黃龍湯士開有難色有候之者請先嘗一舉而盡

軾鼃辟螳螂

同書卷之三

十一

勾踐還越自謂未能得士之死力道見鼃張腹而怒將有戰爭之氣即為之軾其士卒有問於王曰君何為敬鼃而為之軾勾踐曰吾思士卒之怒久矣而未有稱吾意者今鼃無知之物見敵而有怒氣故為之軾於是軍士聞之莫不懷心樂死人致其命齊莊公出獵有一蟲舉足將搏其輪問其御曰此何蟲也對曰此謂螳螂者也其為蟲也知進而不知却不自量力而輕敵公曰此為人而必為天下武勇矣迴車而辟之勇武聞之知所盡死矣

異能

宋劉穆之目覽詞訟手答牋記耳兼聽受口並辭對不相參錯悉皆瞻舉

隋劉炫左手畫方右手畫圓口誦目數耳聽五事並舉無所遺失

元嘉左手畫圓右手畫方口誦經史目數羣羊兼成四十字詩一時而就書五言一絕六事齊舉代號神仙童子

梁唐邕每有軍事手作文書口且處分耳又聽受三事並舉

同書卷之三

十一

飲千日酒至期發冢而醒

劉玄石從中山酒家與之千日酒而忘語其節歸日向醉而家人莫知以為死也棺殮葬之酒家經千日忽悟而往告之發冢適醒張華博物志

齊人田及之能為千日酒飲過一升醉臥千日有故人趙英飲之踰壘而去其家以尸埋之及之計千日當醒往至其家破冢出之尚有酒氣

水神求物

呂端奉使高麗祝曰回日無虞當以金書維摩經爲謝比回風濤輒作遂取經沉之聞絲竹之聲起於舟下

陳舜咨泊舟三山磯下夢一老叟曰來日當覆舟慎勿渡翌日果然夜復夢曰我江中遊奕神也公當大貴故來相報願求金光明經一部公與之三拜謝而去

王榮老過揚子江風濤暴作投玉塵端硯虎帳諸物皆不應有黃山谷書韋應物詩視之曰我尙不知鬼能識之即取以投之香火未燒水光如鏡嘉祐中一貴人攜韓幹畫馬渡采石風大作數日不得行禱於水夢神求畫獻之風乃止

治阿譽聞而阿不治

齊威王召阿大夫語之曰自子守阿譽言日至吾使人視阿田野不闢人民貧餒昔日趙攻鄆子不救衛取薛陵子不知是子厚幣事吾左右以求譽也是日烹阿大夫及左右嘗譽者齊晏子治東阿三年景公召而數之曰吾以子爲可

而使之治東阿今子治而亂子退而自察也寡人將加大誅於子晏子對曰臣請改道易行而治東阿三年不治臣請死之景公許之於是明年上計景公迎而賀之曰甚善矣子之治東阿也晏子對曰前臣之治東阿也屬託不行貨賂不至陂池之魚以利貧民當此之時民無飢者而君反以罪今臣之後治東阿也屬託行貨賂至并會賦斂倉庫少內便事左右陂池之魚入於豪家當此之時飢者過半矣君乃反迎而賀臣愚不能復治東阿願避賢者之路再拜便辟

景公乃下席而謝之曰子強復治東阿者子之東阿也寡人無復與焉

火在斗中柄熱

韓康伯數歲時母與作襦令康伯持熨斗謂之曰且作襦行作復袴康伯曰火在斗中而柄熱今旣著襦下亦當煖

張蕪少時母謂其寒欲作襦蕪曰且作袴如熨斗著火其柄自熱

日暮途遠倒行逆施

伍子胥名員父奢兄尚俱爲楚平王所殺子胥奔吳謀伐楚昭王出奔乃掘平王墓出其尸鞭之二百申包胥亡於山中使人謂子胥日子之報仇其以甚乎吾聞之人眾者勝天天定亦能勝人今子故平王之臣親北面而事之今至於慘死人此豈其無天道之極乎子胥曰爲我謝申包胥曰吾日暮途遠吾故倒行而逆施之

主父偃既貴大臣皆畏其口賂遺累千金人或說偃曰太橫矣主父曰臣結髮遊學四十餘年身不得遂

同書卷之三

十五

親不以爲子昆弟不收賓客棄我我阨日久矣吾日暮途遠故倒行而暴施之乃可及耳

史記

人妖

宋卿家九代祖如小兒在雞窠中不飲不食不知年歲子孫朔望羅拜垂頭下視

太原王仁裕遠祖母約二百歲形纔三四尺飲食甚少往來無迹惟床頭有柳箱戒子孫勿啓一日無賴孫醉啓之惟一鐵篋自此竟不回

池州村祖翁媪二人各長三尺綿衾擁體坐佛龕中

兩眼能動蘸酒口中亦能舐之皮皆粘骨不知年歲胡瑄寓金城人家有七代祖姑爲魅內鐵檻中伺間得出飛走竊食

愛官甚於生

陳武帝將受禪范雲忽有疾延徐文伯視之曰可速愈但二年後不救雲曰朝聞道夕死可矣遂汗愈之得與册立迨二歲果死

宋劉粲微時夢人語之曰仕宦遇中則死如是數四比仕至朝儀大夫積勞不敢求遷秩其妻趣之不得

同書卷之三

十六

已自列命將下謂人曰中散至矣萬一如夢奈何拜中散大夫不兩月得病死

棄子存姪

劉平字公子更始時天下大亂平弟劉仲爲賊所殺其後賊復至平扶持其母逃難仲遺腹女始一歲平抱仲女而棄其子母欲還取之平不聽曰力不兩活仲不可以絕類遂去不顧後拜議郎明帝永平三年拜宗正

後漢

鄧攸字伯道仕晉爲右僕射懷帝永嘉末石勒過泗

水攸乃斫壞車以牛馬負妻子而逃又遇賊掠其牛馬步走擔其兒及其弟子緩度不能兩全乃謂其妻曰吾弟早亡惟有一息理不可絕止應自棄我兒耳幸而得存我後當有子妻泣而從之乃棄之其子朝繫而暮及明日攸繫之於樹而去卒以無嗣時人義而哀之爲之語曰天道無知使鄧伯道無兒

武康有兄弟二人妻各有孕弟遠行未返遇歲荒不能兩全棄其子而活弟之子孔嚴遂褒薦之論者美焉白帖

同書卷之三

十七

晉孔嚴字彭祖爲吳興太守時餘杭婦人經年荒賣其子以活夫之兄子嚴褒薦之也白帖

碑工不忍刻元祐黨籍

徽宗親書元祐黨籍在文德殿門州郡立廳事開封府推官呼碑工安民刻之辭曰民愚人故不知立碑之意但如司馬相公者海內稱其正直今謂之奸邪民不忍刻也府官怒欲加之罪民泣曰服役不敢辭乞免安民二字於石末恐得罪後世聞者愧之

江州碑工李仲宣山谷名其居曰琢玉坊太守呼其

刻黨籍碑辭曰小人固鸞蘇黃二學士詞翰溫飽今日以姦人爲名誠不忍下手守義之曰賢哉士大夫所不及也遂餽以酒肉從其請

臨刑謂子語

范滂臨刑謂其子曰吾勸汝爲惡則惡不可爲勸汝爲善則我不爲惡

宋詹事劉湛以義康黨被收謂其子曰相勸爲惡惡不可爲相勸爲善政見今日

盜賊三十六人

同書卷之三

十八

宋徽宗時山東賊宋江等三十六人聚眾橫行官軍莫敢撻其鋒

元順帝時花山賊畢四等亦三十六人聚集茅山出入無忌官軍不能收捕

不爲機事

漢陰丈人者楚人也子貢適楚過漢陰見丈人持圃入井抱甕而灌用力甚多而見功少子貢曰有機於此前重後輕挈水若抽其名爲橈用力少而見功多丈人作色而笑曰聞之吾師有機械者必有機事有

機事者必有機心機心存於胸中則純白不備純白不備則神生不定神生不定者道之所不載也吾非不知羞而不爲也子貢愕然慚伏而不對有問丈人曰子奚爲者即曰孔丘之徒也丈人曰子非夫博學以擬聖智絃歌以賣名聲於天下乎汝方將忘汝神氣墮汝形骸而何暇治天下乎子往矣無妨吾事子貢卑陬失色瑣瑣然不自得行三十里而後愈

同書卷之三

十九

莊百區不倦五丈夫曰吾師言曰有機智之巧必有機智之敗我非不知也不欲爲也子其往矣我一心慨之不知改已鄧析去行數十里顏色不悅憚自病弟子曰是何人也而恨我君請爲我君殺之鄧析曰釋之是所謂真人者也可令守國

說苑

乞食歌姬院中

北夢瑣言曰唐裴休常被毳衲于歌姬院持鉢乞食以爲不爲俗情所染可以說法爲人

韓匪載肆情坦率不持名檢售妓樂數百人日與荒

樂所得月俸散與諸姬熙載敝衣垢履作瞽者持獨絃琴俾舒雅執板挽之隨房乞食以爲笑樂

世說

爲法自斃

秦孝公卒太子立公子虔之徒告商君欲反發吏捕商君商君亡至關下欲舍客舍客舍人不知其是商君也曰商君之法舍人無驗者坐之商君喟然嘆曰嗟乎爲法之敝一至此哉

唐趙公長孫無忌奏制敕長流以爲永例後趙公犯事敕長流嶺南至死不復回

同書卷之三

二十

唐洛州司馬張嗣業洛陽令張嗣明造大枷長六尺濶四尺厚五寸人莫之犯後嗣明及嗣業資遣逆賊徐真北投突厥事敗業等自著此枷百姓快之

唐魚思嘔有巧思上欲造匱召工匠無作得者思應制爲之甚合規矩遂用之無何有人投匱言思云徐敬業在揚州反思爲敬業作刀輪以衝陣殺傷官軍其眾推思承誅之

唐索元禮爲鐵籠頭以訊囚後坐贓賄不承使人曰取公鐵籠頭禮卽承伏

唐京兆尹崔日知處分長安萬年及諸縣左降流移人不許暫停有違晷刻所由決杖無何日知貶歙縣丞被縣家催求與妻子別不得以上俱朝野僉載

周興有罪詔來俊臣鞠之俊臣方與興對食謂興曰囚多不承奈何興曰此易耳囚大甕中熾炭周之何事不承俊臣命取甕熾炭徐起揖興曰有內詔推兄請入甕

薛文傑為閩王鱗造檻車謂古制疎闊乃更其制令上下通中以鐵芒內向動輒觸之文傑首被其毒

同書卷之三

三

盧多遜之貶朱崖也李符白趙普請改竄春州普不答及符被貶竟得春州不浹旬死

子厚又以為強奪民居追究治之後以儻券甚明乃已後二年子厚乃謫雷州亦問舍於民曰前蘇公來為章丞相幾破我家今不可也其報如此

寇忠愍公累貶雷州司戶時丁謂與馮丞相同在中書丁當筆欲貶崖州拯曰雷州可後謂亦受貶馮遂擬崖州時語曰若見雷州寇司戶人生何處不相逢

歸田錄

始謂令宋綬草寇準責詞令用春秋無將漢法不道綬雖從謂指然卒改易及謂貶綬即草詞曰無將之戒舊典甚明不道之辜當刑罔赦朝論快焉

賭射牛馬殺之

王濟氣蓋一時善弓馬愷以帝舅奢豪有牛名八百里駁常瑩其蹄角濟請以錢千萬與牛對射而賭之愷亦自恃其能令濟先射一發破的因據胡牀叱左右速探牛心來須臾而至一割便去

朱文略以好婢與高歸彥賭射千里馬一勝而截馬

同書卷之三

三

頭北齊書

河漸冰合

光武南走傳聞王郎兵在後眾恐及至滹沱河候吏還報曰河水流漸無船不可渡官屬大恐光武令王霸往視之霸恐眾驚欲且前即詭言冰堅可渡眾皆喜光武曰候吏果妄言也比至適遇冰合得過未畢數騎而陷光武謂霸曰安吾眾得濟免者卿之力也霸謝曰此明公至德神靈之佑雖武王白魚之應無以加此光武謂官屬曰王霸權以濟事始天瑞也

南燕王慕容德晉安帝隆安二年乃率戶自鄴將徙於滑臺遇風船沒魏軍垂至眾懼議欲退保黎陽其時流澌凍合是夜濟師旦魏師至而冰泮若有神焉

晉書

飯姊家留錢

太原郝子廉飢不得食寒不得衣一介不取諸人常

過姊飯留十五錢默置席下去

風俗通

范丹往看姊病設食丹出門留錢百文姊追送之丹見里中芻蕘僮監相怒曰言汝清高豈范子雲輩乎

同書卷之三

三三

丹嘆曰吾之微志乃在童豎之口不可不免遂棄錢而去

後漢

不忍棄老牛馬

魏人田子方出見老馬於野喟然有志焉以問其御者曰此何馬御者曰此公家畜也老罷而不爲出用而鬻之子方曰少盡其力而老棄其身仁者不爲也以束帛贖歸食之

淮南子

後周孟信家貧惟一老牛其從子賣供薪粟信適從外來謂其從子曰少用其力老則賣之豈仁人也

鸚鵡夢

廣東進白鸚鵡洞曉言詞呼爲雪衣女一朝飛上妃鏡臺上自語雪衣女昨夜夢爲鸞鳥所搏上令妃授以多心經記誦精熟後與妃游別殿置雪衣女於步輦竿上瞥有鷹至搏之而斃上與妃嘆息久之遂瘞於苑中呼爲鸚鵡冢

太真外傳

張華有鸚鵡每出還輒說僮僕好惡一日寂無言華問其故曰被禁甕中無由得知外事忽云夜夢不佳所忌外出強呼之至廷果爲飛鸚所搏僅而獲免

晉書

同書卷之三

三四

小說

放龜得報

晉毛寶見人釣得白龜贖放之於江後二十年與敵戰敗投江躡物至岸視之乃昔所放龜也雖至江中猶回頭數視寶

唐劉彥回父爲湖州刺史有下僚於銀坑得一龜長一尺持獻刺史羣官畢賀云得此龜者壽一千歲使君謝已非其人自以騎馬送龜至於坑所後十餘年刺史亡彥回爲房州司士將家屬之官適山水泛溢

平地盡沒一家惶懼不知所適俄有大龜來引路似相導者彥回意其神三十餘口隨龜而行悉是淺處歷十餘里乃至平地得免水難舉家驚喜亦不知其由其夕彥回夢龜云昔在銀坑蒙先使君之惠故此報恩廣異記

王氏好驢鳴

王濟字武子卒年四十六時賢無不畢弔孫楚後來哭之甚悲哭畢向靈牀曰卿嘗好我作驢鳴我爲卿作之體似聲直客皆笑楚顧曰諸君不死而令王濟

同書卷之三

三五

死乎

王粲字仲宣好驢鳴既葬文帝臨其喪語同遊曰王好驢鳴可各作一聲以送之客皆一作驢鳴

富人投錢願載其名

揚子雲懷鉛提槩從計吏訪四方語作方言及撰法言蜀有富人齎錢千萬願載一名子雲曰富人無義正如圈中之鹿欄中之牛安得妄載乎抱樸子

張知白守毫富人建佛廟成白使穆修爲記富人遺五百金求修削名修投金庭下曰吾不忍以匪人

汚吾文也

貧富相形

陶穀得黨家姬取雪水烹茶曰黨家亦有此否曰彼粗人但知銷金帳裡羊羔美酒淺斟低唱耳陶默然慚

唐貞觀初天下又安百姓富贍公私少事時屬除夜太宗盛飾宮掖殿內諸房金翠煥爛設庭燎於階下其明如晝盛奏歌樂乃延蕭后同觀樂闕帝謂蕭曰朕施設孰與隋主蕭后笑而不答固問之后曰彼乃

同書卷之三

三六

亡國之君陛下開基之主奢儉之事固不同矣帝曰隋主何如后曰隋主享國十有餘年妾嘗侍從見其淫奢隋主每當除夜殿前諸院設火山數十盡沈香木根也每一山焚沈香數車火光暗則以甲煎沃之焰起數丈沈香甲煎之香旁聞數十里一夜之中則用沉香二百餘乘甲煎二百石又殿內房中不然膏火懸大珠一百二十以照之光比白日又有明月寶夜光珠大者六七寸小者三寸二物之價值數千萬妾觀陛下所施都無此物所焚之盡是柴木燭皆膏

油但覺烟氣薰人實未見其華麗然亡國之事亦願
陛下遠之太宗良久不言口刺其奢而心服其盛
宣宗宮中用龍涎沈腦屑和臘爲燭兩行列數百枝
豔明而香溢鈞天所無有也南渡後久絕此惟太后
回鑾沙漠復值稱壽上極天下之奉用龍涎沈腦屑
和蠟爲燭列十數炬而太后若不侍上奉卮問此燭
頗愜聖意否后曰你爹爹每夜嘗設數百枝諸閣皆
然上因后起更衣微謂憲聖曰如何比得爹爹富貴
以意教太守

同書卷之三

二七

後漢書漢陽太守龐參字仲達候郡教授任棠棠不
與言但以薤一本水一盃致於庭前自抱孫兒伏於
戶下參曰水者欲吾清也拔大本薤欲吾擊強宗也
抱兒當戶欲吾開門恤孤也嘆息而還參任職果能
抑強扶弱以惠政得人
語林魏郡太守陳異嘗詣郡民尹方方披頭以水洗
盤抱小兒出更無餘言異曰披頭者欲吾治民如理
髮也洗盤者欲吾清如水也抱小兒者欲使吾愛民
如赤子也因遂行其志焉

請代友行

狄仁傑爲并州法曹與同僚鄭崇友善崇當使絕域
其母老且病仁狄曰彼母如此豈可使之有萬里之
憂詣長史蘭仁基請代之行時蘭仁基素與司馬李
孝廉不協因相謂曰吾輩豈可不自愧乎遂相與輯
睦大善之感人有如此者

柳宗元初選柳州刺史其友劉禹錫得播州宗元曰
播州非人所居而夢得老親在堂萬無母子俱往之
理請於朝願以柳易播上曰但要與惡郡豈繫母在

同書卷之三

二六

裴度徐進曰陛下方侍太后不合發此言上有媿色
旣而語曰裴度終愛我切禹錫改授以連州

見詩贈姬

崔郊秀才者寓居於漢上蘊積文藝而物產罄懸無
何與姑婢通每有阮咸之縱其婢端麗饒音伎之能
漢南之最姝也姑貧鬻婢於連帥連帥愛之給錢四
十萬寵盼彌深郊思慕無已卽強親府署願一見焉
其婢寒食果出值郊立於柳陰馬上連泣誓若山河
郊贈以詩曰公子王孫逐後塵綠珠垂淚滴羅巾侯

門一入深如海從此蕭郎是路人是以嫉妬者寫詩於座于公觀詩令召崔生左右莫之測也郊甚憂悔無處潛遁及見握郊手曰侯門一入深如海從此蕭郎是路人便是公製作耶四百千少哉何惜一書不早相示遂命婢同歸至幃幄匳匣悉為增飾之小阜崔生矣

初有客自零陵來稱戎是使君席上有善歌者于公遽命召焉戎使君不敢違命逾月而至及至令唱歌歌乃戎使君送伎之什也公曰丈夫不能立功業為

同書卷之三

三五

異代之所稱豈奪人姬愛為已嬉娛遂多以繒帛贈行於書遜謝焉戎使君詩曰寶鈿香娥翡翠裙粧成掩泣欲行雲殷勤好取襄王意莫向陽台夢使君

御炙有髮自數其罪赦之

陳正為大官令與黃門有隙因進御食以髮貫炙中光武見之怒將斬正正曰臣當死者三炭炙焦膚爛肉而髮不銷臣罪一也匣出佩刀砥礪而刎肌截骨曾不能斷髮臣罪二也臣少時卽月書章表猶讀五經具御食臣與丞及庖人六目齊見豈不如黃門兩

目臣罪三也制赦之謝承後漢書

晉平公時進炙而髮繞之平公使殺庖人庖人呼天曰嗟乎臣有三罪而死不自知乎平公曰何謂也對曰臣刀之利風靡骨斷而髮不截是臣之一死也炭炙之肉腐而髮不燒是臣之二死也炙熟又重睫而視之髮繞而目不見是臣之三死也意者堂下有譖臣乎殺臣不亦枉乎韓子

願公無忘

齊桓公令飲羣臣鮑叔牙奉觴起曰願公無忘在莒

同書卷之三

三十

時使管仲無忌束縛於魯時

管仲謂桓公曰願公無忘射鈎臣無忘檻車

漢馮異告光武曰願國家無忘河北之難小臣無忘巾車之恩

唐魏徵告太宗曰願陛下無忘布衣徵不忘叔牙之為人也

宋權邦彥告高宗曰願陛下無忘在濟時臣無忘渡江時

亡國之由

桓公出遊見亡國郭氏之墟而問於野人野人曰郭氏善善而惡惡桓公曰善善而惡惡人之美行也其為墟何也野人曰郭氏善善而不能行惡惡而不去去是以墟也

子路問孔子治國之道孔子曰在於尊賢而賤不肖中行氏尊賢而不能去也雖欲無亡得乎

諷諫

同書卷之三

三五

齊景公養所愛馬暴死景公怒欲殺養馬者晏子曰請數其罪然後殺之於是數之曰爾有罪三公使汝養馬汝殺之當死罪一又殺公所愛馬當死罪二使公以愛馬之故而殺人百姓聞之怨吾君諸侯聞之輕吾國汝一殺馬使公怨積於百姓兵弱於鄰國當死罪三公喟然曰赦之

晏子春秋

景公好弋使燭鄒主鳥亡之公怒欲殺之晏子曰請數之以其罪乃殺之於是召燭鄒於上前曰汝為君而亡之一罪也使吾君以鳥之故而殺人二罪也使

諸侯聞之以吾君重鳥輕士三罪也公止勿殺而謝之

劉向說苑

武帝時人有殺上林鹿者帝怒下有司殺之朔曰是人罪當死者三使陛下以鹿故殺人一當死使天下聞之皆以陛下重鹿賤人二當死匈奴即有急惟鹿觸之三當死帝默然釋殺鹿者罪

東方朔別傳

反間

吳伐楚子胥陰令宣言於楚曰楚用子期為將吾即得而殺之子常用兵吾即去之楚聞之因用子常退

同書卷之三

三五

子期吳拔六與潛破楚入郢

秦攻趙使人行反間於趙曰秦之所惡獨畏馬服子趙括將耳廉頗易與且降矣趙王因使括代頗將以擊秦秦大破趙軍于長平降其卒四十萬人

神仙所謫

李泌少時幾欲白日昇天為其父母以穢惡蒜齏潑之仙樂頓散

盧杞隨麻姬乘葫蘆至水晶宮見太陰夫人約定欲為地仙至期杞忽厲聲曰為中國宰相主者失色

李林甫少逢道士告以已列仙籍不則二十年宰相
林甫竟欲宰相既貴之後頓忘教戒之語

楊收小時讀書廬山遇一道者謂曰子若學道卽有
仙分不然位至三公終有禍收不從雖登台甫終殛
南荒、

夏竦兒時有道士欲乞爲子曰是兒有仙骨不爾位
極人臣但可惜墮落耳

張士遜讀書武當山有道士見之曰子有道氣可隨
我學仙公不欲道士曰不爾位極人臣

同書卷之三

軍中有女子

漢李陵與單于戰陵曰士氣少衰而鼓不起者何也
軍中豈有女子乎始軍出時關中羣盜妻徙邊者隨
軍爲卒妻婦盡匿軍陵搜得皆斬之 漢書

王智興破姚海獲美妾二人智興曰軍中有女子安
得不敗卽斬以狗 雜助

神娶婦

李冰爲蜀郡太守江神歲取童女二以爲婦冰以人
與神爲婦不可徑至神前責之因忽不見良久有蒼

牛鬪于岸傍有間水還流汗謂官屬曰吾鬪疲極當
相助南向腰中正白者我綬也北面者江神也主簿因
刺北面者江神遂死後蜀人生子名冰兒

西門豹爲鄴令俗苦爲河伯娶婦豹因請至期往送
爲言女子不好使巫媼入報河伯少頃復投弟子又
復投三老廷掾豪長乃叩頭破額出血是後不敢復
言河伯娶婦

同書卷之三

九江遂道有唐居山名有神眾巫共爲娶公媼歲易
男不得娶女不得嫁百姓苦之太守宋均到官主者
白出錢給聘男女均曰眾巫與神合契知其旨欲卒
取小民不相當於是敕條巫家男女以備公媼巫叩
頭服罪乃殺之是後遂絕 風俗通

帝王禁酒

晉元帝渡江之初時以酒廢政務王導諫之遂覆杯
終身不飲

唐玄宗初卽位常以醉誤傷一人遂四十餘年永絕
此味

煮弩

耿恭在疎勒城救兵不至恭食盡窮困士卒乃煮鐵
弩食其筋革恭與士推誠同死生故無二心東觀漢記
西羌寇叛唯狄道爲國固守然民飢餓噉弩煮履宜
救倒懸之急

負弩前驅

霍去病爲驃騎將軍過河東太守郊迎負弩先驅
司馬相如爲中郎將建節往使因巴蜀吏幣物以賂
西南蠻至蜀太守以下郊迎縣令負矢弩先驅蜀人
以爲寵

同書卷之三

三五

雙鳥

漢王喬爲葉縣令每朝雙鳥飛來網之得雙鳥
盧耽爲州治中元會不及朝化爲白鶴迴翔威儀以
帝擲之得雙履

南海太守鮑靚常夜訪葛洪達旦乃去人訝其往來
之頻而不見車騎密伺見雙燕飛來網之得雙履

同書卷之三終

同書卷之四

江南糧儲道周亮工撰

事有當倒行逆施者

楚公子微服過宋門者難之其僕操箠而罵曰隸也不力門者出之

晉元帝為瑯琊王至河津為吏所止從來者宋典後來鞭帝馬而笑曰舍長官禁貴人汝亦被拘耶吏乃聽過

宋王厥討王恭敗走少子華隨沙門曇冰逃匿使提

同書卷之四

衣襪從津邏疑焉冰罵華曰奴子怠行不及我以杖捶之數十竟由是得免

袁顛起兵襄陽不成而死子昂藏於沙門將以出關關吏疑非常人沙門杖而語之遂免

後周宇文泰與侯景戰河上馬逆墮地李穆見之以策抉泰背曰籠凍軍士爾曹主何在爾獨在此追者不疑其為貴人與之馬俱還

掘石槨得銘

衛靈公死卜葬于故墓不吉卜葬沙邱掘之數仞得

石槨洗而視之有銘曰不憑其子靈公奪而埋之夫靈公之為靈久矣莊子

漢滕公夏侯嬰死送葬至東都門外駟馬不行踣地悲鳴即掘馬蹄下得石槨其銘曰佳城鬱鬱三千年見白日吁嗟滕公居此室乃葬斯地謂之馬冢博物志

昔日猶今

燕昭王封樂毅為昌國君惠王不快於毅毅奔趙趙惠文王欲與樂毅謀伐燕毅泣曰臣昔事昭王猶今

同書卷之四

之事大王也若復得罪在他國終身不敢謀趙之奴隸况子孫乎趙王乃止

劉備嘗舉袁煥為茂才煥為呂布所留布欲使煥作書辱罵劉備再三強之不肯布怒以兵脅煥曰為之則生不為則死煥曰煥他日之事劉將軍猶今日之事將軍也如一旦去此復罵將軍可乎布慚而止

巧妒

戰國魏王遣楚王美人楚王悅之夫人鄭襄知王之愛新人也其愛新人衣服玩好宮室臥具擇其所

喜而爲之愛之甚於王王曰婦人所以事夫者色也而妒者其情也今鄭褒知寡人之悅新人而愛之甚於寡人鄭褒知王以已爲不妒也因謂新人曰王愛子美矣然惡子之舅子見王則必掩子鼻新人見王而掩鼻王以問鄭褒褒曰其似惡王之舅也王曰悍哉今剿之無使逆命

漢司隸馮方女避亂揚州袁術見而悅之遂納焉甚愛幸諸婦思害其寵語之曰將軍貴人也有氣節當時涕泣憂愁以長見欽重馮氏從之後諸婦共絞殺

同書卷之四

馮氏繫之廁術誠以爲不得志而死也遂不問

炎涼世態

廉頗爲趙將賓客盡至及其免歸賓客盡去後復爲將客又至頗曰客退矣客曰吁君何見之晚也夫以市道交君有勢我卽從君無勢我卽去此其理也又何怨焉頗無以應

孟嘗君爲齊相賓客盡至及其廢黜賓客盡去後復爲齊相客又至孟嘗曰何面目見文乎客曰生必有死物必有至富貴多士貧賤寡友事之固然君獨不

見夫朝趨市者乎明旦側肩爭門而入日暮之後過市者掉臂不顧非好朝而惡暮所期物亡其中也孟嘗君卒善遇之

以殺止殺

西門豹爲鄴令會長問民疾苦父老曰若爲河伯娶婦鄴三老廷掾常歲賦歛百姓收其錢得數百萬用其二三十萬爲河伯娶婦與祝巫共分其餘錢持歸其人家有好女者恐大巫祝爲河伯娶之多持女逃遁城中益空又因貧所從來久矣豹曰至爲河伯

同書卷之四

娶婦時顧三老巫祝父老送女河上幸來告我亦送女至其時豹之河上三老官屬豪長者里父老皆會豹呼河伯歸來視之顧三老巫祝父老曰是女子不好煩巫媪入報河伯更求得好女後日送之卽使吏卒共抱大巫媪投入河中有頃曰何久也弟子趣之復以弟子一人投入河中有頃復使弟子一人趣之凡投三弟子豹曰巫媪弟子是女子也不能白事煩三老白之復投三老河中豹向河立良久復欲使廷掾與豪長入趣之皆叩頭背破頗流血須臾豹曰廷

掾起無狀河伯留客之久若能罷去歸矣鄴吏民大恐是後不敢復言爲河伯娶婦

陳子車死于衛其妻與其家大夫謀以殉葬定而後陳子亢至以告曰夫子疾莫養于下請以殉葬亢曰殉葬非禮也雖然則彼疾當養者孰若妻與宰得已則吾欲已不得已則吾欲以二子者爲之也於是弗果用

以娶婦喻

楚人有兩妻者人挑其長者長者詈之挑其少者少

同書卷之四

五

者和之居無何有兩妻者死客謂挑者汝娶長者乎少者乎曰娶長者既爲我妻則願其詈人也

戰國策

蒯通見曹相國曰婦人有夫死三日而求嫁者有幽居守寡不出門者足下卽欲求婦何取曰取不出門者此固人情也通曰求臣亦猶是也

史記

以兩全說

漢書朱建傳辟陽侯行不正得幸呂太后或毀辟陽侯惠帝欲誅之建乃求見孝惠臣閱籍孺說曰君所以得幸帝天下莫不聞今辟陽侯幸太后而下吏辟

陽侯誅太后含怒亦誅君君何不爲辟陽侯言帝帝聽君出辟陽侯太后大驩兩主俱幸君君富貴益倍矣於是閱籍孺從其計言帝果出辟陽侯

鄒陽傳梁孝王朝求爲漢嗣上書願朝太后議臣爰盎等不可王令人刺殺盎事敗恐誅陽至長安因客見長君曰長君弟得幸後官天下無有長君行迹多不循道理者今爰盎事卽窮王恐誅如此則太后切齒側目於貴臣矣長君誠爲言之毋竟梁事太后厚德長君而長君之弟幸於兩宮金城之固也長君曰諾乘間入言之果得不治

同書卷之四

六

持法

文帝行出中渭橋一人犯蹕釋之奏當罰金文帝怒其罪輕釋之曰方其時上使使誅之則已今旣下廷尉廷尉天下之平不可傾上從之

唐柳渾爲相玉工爲德宗作帶誤毀一跨工私市他玉足之帝識不類怒其欺詔京兆論死渾曰陛下遽殺之則已若委有司詳讞乃可於法當杖請論如律由是不死

源師煬帝時拜大理少卿帝敕宮外衛士不得輒離所守有一主師私令衛士出外帝付大理司據法奏徒帝令斬之師奏曰若陛下初便殺之自可不關文墨既付有司義歸恒典脫有宿衛禁侍者更有此犯將何以加之帝乃止

周世宗時幾縣令因部夫犯贓受絹數百還欲置之死宰相范質以具獄上奏世宗怒曰法者自古帝王所制本以防奸朕立法殺二賊吏非酷刑也質曰陛下殺之即可若付有司臣不敢署敕遂貸其命

國老談苑

同書卷之四

七

誠不可揜

漢潁川有富室兄弟同居婦皆懷妊長婦妊傷弟婦生男長婦遂盜取之爭訟三年州郡不能決丞相黃霸令卒抱兒去兩婦各十步叱令自取長婦抱持甚急兒大啼叫弟婦恐致傷害因而放與而心甚懷愴霸曰此弟子也責問乃服

後魏李崇爲揚州刺史先是壽春縣人苟泰有子三歲遇賊亡失數年始見在同縣趙奉伯家泰以狀告各言己子並無鄰證郡縣不能決崇以二父兒又另

禁一處數旬遣人告曰君兒遇患向已暴死有令解禁可出奔哀也泰聞卽號咷悲不自勝奉伯咨嗟而已崇察知之以兒還泰遂詰奉伯詐狀奉伯歎服隋于仲文遷固安太守有任杜兩家各失牛後得一牛及兩家俱認州郡不能決請於仲文於是令兩家各驅羣牛至乃放所認者遂向任氏羣中又陰使人微傷其牛任氏嗟惋杜氏自若仲文呵詰杜氏服罪而去

善惡之報

同書卷之四

八

漢丙吉傳地節三年掖庭宮婢則令民上書自陳嘗有阿保之功宣帝親問然後知吉有舊恩而終不言大賢之制詔丞相封吉爲博陽侯臨當封吉疾病上憂吉疾不起夏侯勝曰有陰德者必享其樂以及子孫今吉未獲報而疾甚非其死疾也後病果愈後五載爲丞相

宋陸務觀舊聞云宣和末蔡京病篤人皆謂必死矣獨晁冲之叔用謂先君曰未死也此老敗壞至此若使晏然死牖下備極哀榮豈謂有天道哉已而果不

死至儋州之竄而死於潭

若其無知訴之何益

趙飛燕讒班婕妤祝詛於成帝婕妤曰鬼神有知不受邪佞之訴若其無知訴之何益

范滂繫獄吏俾祭皋陶滂曰皋陶賢者知滂無罪將理之於帝若其有罪祭之何益

外戚戒盈

光武封陰貴人弟就為侯復召就兄興欲封之興固辭貴人問故興曰外戚家若不知謙退嫁女欲配王

同書卷之四

九

侯取婦盼盼公主愚心實不安也富貴已極人當知足夸奢益為觀聽所譏貴人感其言深自降挹卒不為宗親求位然至顯宗時就子豐尚酈邑公主公主驕如豐殺之被誅父母皆自殺興之言卒驗于其家樊儵弟鮪為子求楚王英女儵聞而止之曰建武中吾家並受榮寵一家五侯時特進一言女可配王男可尚主但以貴寵過盛即為禍患故不為也爾止一子奈何棄之楚乎鮪不從及後楚謀逆事覺儵已卒顯宗合儵故諸子不得坐然儵之言卒驗於其家

觀過知仁

後漢吳祐為酒泉太守吏人懷而不欺嗇夫孫性私賦民錢市衣以進其父父得而怒曰有君如是何忍欺之促歸伏罪性慚懼詣閣持衣自首祐曰掾以親故受污辱之名所謂觀過斯知仁矣使歸謝其父還以衣遺之

韓卓臘日奴竊食祭其先卓義而免之

孔文舉為北海相有人母病差思食新麥家無乃盜鄰熟麥而進之文舉聞特賞之

同書卷之四

十

名不可掩

范丹往看姊病設食丹出門留錢而去姊追送里芻藁僮豎相怒曰言汝清高豈范史雲輩而云不盜我菜乎丹歎曰吾之微志乃在僮豎之口不可不勉遂棄錢而去

程堅清潔居貧諸嫗共漂更相呼食或不食者相謂曰汝非程謀甫何為不食人食

吳攻樊城兵人作食有先熟者呼使食答曰否也呼者曰汝欲作沐德信耶沐並嘗過姊姊為設食而不

留其名流播異域如此

漢書韓康嘗採藥名山賣於長安市口不二價三十餘年有女子從康買藥守藥價不移女子怒曰公是韓伯休耶乃不二價乎康歎曰我本欲避名今女子皆知有我遂入霸陵山中

執政仁恕

袁安爲河南尹政尚嚴明然未嘗以贓罪鞠人嘗稱曰凡學者高則望宰相下則希牧守綱人於聖世吾所不忍爲也

同書卷之四

十二

韓公億執政每見天下諸路有奏擡拾官吏小官者輒顏色不悅曰天下太平聖主之心雖昆蟲草木皆欲使之得所今仕者大則望公卿次則望爲侍從職司二千石其下亦望京朝幕官奈何錮之於聖世杜祈公衍常言今之在上者多摘發下位小節是不恕也衍歷任知州提轉安輔未嘗壞一官員其間不職者卽委以事使之不惰不愼者諭以禍福俾之自新從善者甚眾不必以法繩也

疎於待小人

漢何進等謀誅宦者諸常侍小黃門已悉罷還里舍詣進謝罪不卽決張遜向其子爲太后妹者叩頭願得入辭太后於是詔諸常侍皆復入直進遂被害

北齊趙王叡等謀出和士開爲兗州刺史山陰畢當就道士開重賂于婁定遠願一辭觀二官於是得見後主及太后出定遠爲青州刺史責趙王叡以不臣殺之儉德足以動人

公議休爲魯相無所變更百官自正食祿者不敢與百姓爭利

同書卷之四

十二

毛玠典選舉天下之士莫不以廉節自勵雖貴寵之臣輿服不敢過度魏武嘆曰用人如此使天下自治吾何爲哉

唐楊綰始同平章事御史中丞崔寬本豪侈城南別墅池觀堂皇爲當時第一卽日遣人毀之京兆黎幹出入從騶馭數百省損才留十餘騎中書令郭于儀在邠州行營方大會除書至音樂散五之四他聞見靡然自化者不可勝紀

非百里才

劉備以龐統守耒陽在縣不治免官魯肅遺書曰
龐士元非百里才也使處治中別駕之任始當展其
驥足耳諸葛亮亦言之備見統與談大器之遂用治
中與亮並爲軍師中郎將

劉備以蔣琬爲廣都長備嘗因遊觀奄至廣都見琬
眾事不治時又沈醉備大怒將加罪戮亮曰蔣琬社
稷之器非百里之才願重察之備乃不加罪但免爲
丞相長史亮死推以自代遂爲大將軍錄尚書事

立身自有本末

同書卷之四

十三

魏明帝時劉放孫資制斷時政大臣莫不加好而辛
毗不與往來毗子做諫曰劉孫用事眾皆影附大人
小降意不然必有謗言毗正色曰吾之立身自有本
末就與劉孫不平不過不爲三公大丈夫欲爲公而
毀其高節耶

孝武時戴法興戴明寶巢尚之三人權重當時凡所
薦達言無不行天下輻輳門外成市顧顓之獨不降
意蔡興宗與顓之善嫌其風節太峻顓之曰辛毗有
言劉孫不過使吾不爲三公耳顓之常以爲稟命有

定分非智力可移惟應恭已守道而闇者不達妄意
僥倖徒虧雅道無關得喪乃以其意命弟子原著定
命論以釋之

王僧虔徙會稽太守阮佃夫家在東請假歸客勸僧
虔以佃夫要幸宜加禮接僧虔曰我立身有素豈能
曲意此輩彼若見惡當拂衣去爾佃夫言於宋明帝
使御史中丞孫寶奏僧虔坐免官尋以白衣領侍中
陳蕭引後主卽位爲中庶子建康令時官者李善度
蔡脫兒等多所請屬引一皆不許引族子密諫引曰
李蔡之權在位皆憚亦宜少爲身計引曰吾之立身
自有本末亦安能爲李蔡致屈就令不平不過免職
耳吳棟竟作飛書李蔡證之坐免官卒於家

同書卷之四

十四

趙宋李垂累修起居注丁謂執政未嘗往謁或問其
故垂曰謂爲宰相不以公道副天下望而恃權怙勢
觀其所爲必遊朱崖吾不欲在其黨中謂聞而惡之
罷知亳州罷頴晉絳三州明道中還朝李康伯謂曰
舜工文學議論稱於天下諸公欲用爲知制誥但宰
相以舜工未嘗相識蓋一見往見之垂曰我若昔謁

丁崖州則乾興初已爲翰林學士矣今已老大見大臣不公常欲面折之焉能趨炎附勢看人眉睫以冀推挽乎道之不行命也執政知之出知均州卒

恩不欲自己出

晉羊祜在位多所進達而人不知所由或謂祜慎密太過祜曰拜爵公朝受恩私室吾所不取
宋王曾在中書嘗謂大臣執政不當收恩避怨每薦用人不求人知尹師嘗面言蓋少收門下士曾曰恩欲已出怨使誰當

同書卷之四

十五

勞薪

隋王劭以上古有鑽燧改火之義上表請變火云昔師曠食飯云是勞薪所爨晉平公使視之果然車輪晉武帝時荀勗常在帝坐進飯謂在坐人曰此是勞薪炊咸未之信帝遣問膳夫乃云實用故車脚舉坐服其明識

不見幾

晉室梁趙之亂首執張華華曰式乾之議諫事具存可覆按也收者曰諫而不從何不去位華無以對

石崇被收崇曰奴輩利吾家財爾收者曰知財爲禍何不早散之崇不能答

教民農殖

陶侃爲荊州刺史嘗出遊見人持一把未熟稻侃問用此何爲人云行道所見聊取之耳侃大怒曰汝旣不田而戲賊人稻執而鞭之
張詠爲崇陽令嘗坐城門下見里人有負菜而歸者問從何得之曰買之市詠怒曰汝居田里不自種而食何情也笞而遣之

同書卷之四

十六

用賢人主之事

劉宋王宏自領選及當朝總錄將加榮爵於人必先訶責譴辱之若美相盼接語欣懽者必無所諧人問其故答曰爵旣加於人又相撫勞使成於王分功此所謂奸以事君者也若求者絕官敘之分旣無以爲惠又不微假顏色卽成大怨亦鄙薄所不任

趙宋李昉爲相有求進用者雖知其材可取必正色拒之已而推用或不欲用必和顏溫語待之子弟問故曰用賢人主之事我若受其請是市私恩也故峻

絕之使恩歸於上若不用者既失所望又無美辭是取怨之道也

為逆旅主人殺負心僕

宋人記柳仲塗赴舉時宿驛中夜聞婦人私哭聲婉而哀曉起詢之乃臨淮令女也令在任貪墨委一僕主獻納及代還為僕所持逼其女為室令度勢難免因許之女故哭柳往見令詰之得其實怒曰願假此僕一日為子除害僕至柳室即令往市酒果等物俟夜闌呼僕入叱問曰督主人女為婦是汝耶即奮匕

同書卷之四

十七

殺而烹之翌日召令及同舍飲云共食衛肉飲散亟行令追謝問僕安在柳曰適共食者乃其肉也

張乖崖為布衣時客長安旅次聞鄰家至夜聚哭訊之其家無他故詣其主人力問之以實告曰某在官失不自慎嘗私用官錢為家僕所持欲娶長女拒之則畏禍與之則女子失身約在朝夕所以舉家悲泣也乖崖明日至門首候其僕出即曰我白汝主人假汝至親家僕遲遲強之而去出城導馬首問即疏其罪僕倉皇間以袖推揮乖崖而死歸告其鄰曰盛价

已不復來矣速歸汝鄉後當謹於事也

警枕

吳越志載錢王鏐自少在軍中夜未嘗寐倦極則就圓木小枕大鈴寐熟則欬而寤名曰警枕

范滂甫記司馬公君實以圓木為警枕少睡則枕轉而覺乃起讀書

不妄笑

包孝肅拯笑比黃河清時人謂其難得笑也

南朝宋王玄謨惟精惟嚴未嘗妄笑時人言玄謨眉

同書卷之四

十八

頭未嘗伸

北朝魏元萇性剛毅雖有吉慶事未嘗開口而笑孝文遷都萇以代尹留鎮因別賜萇酒曰聞公一生不笑今方隔山當為朕笑竟不能得

為爾寂寞

晉桓溫有大志不時就歎曰為爾寂寂為文景所笑王融年三十急欲為公輔嘗嘆曰為爾寂寂鄧禹殺人

排毀前賢受報

王弼數侮鄭康成忽夜聞履聲見一人入閣中自稱鄭玄數弼曰君年少何以穿鑿文句而妄譏老子也弼惡俄病卒

魏劉蘭排毀董仲舒忽有人葛巾野服直入蘭讀書處謂曰君自是學士何爲苦相排毀義理長短竟誰在而無禮見陵也今召親往蘭尋死

不能殺袁劉焉免寒士

齊劉祥遇褚淵入朝以腰扇障面祥曰作如此舉止羞面見人扇障何益淵怒曰寒士不遜祥曰不能殺

同書卷之四

十九

袁劉焉免寒士

謝超宗遇褚淵送客隳水超宗大笑曰投畀河伯河伯不受淵嗔曰寒士不遜超宗曰不能賣袁劉焉免寒士

耕問奴織問婢

宋沈慶之不肯北伐文帝強之曰耕當問奴織當問婢陛下謀白面書生事何由濟師竟無功

魏邢巒不欲圍鍾離魏主詰之對曰耕則問田奴組則問織婢臣既謂難必無克理城果不拔

幾作盧

宋顏師伯與孝武搏菹擲得雉謂必勝師伯次得盧亟取子歛之曰幾作盧遂輸直百萬

梁韋叡與曹景宗搏菹景宗擲得雉叡次得盧遂取子反曰異事幾作盧亦輸直百萬

昔與汝爲鄰

吳孫皓勸晉武帝酒曰昔與汝爲鄰今與汝爲臣上汝一杯酒願汝壽萬春

宋王歆之贈劉邕歌昔與汝爲鄰今與汝比肩既不

同書卷之四

三十

願汝酒亦不願汝年

移我坐遠客

宋中書舍人狄當周赴詣張敷先旁設二牀去壁三四尺二客就席數呼左右曰移我牀遠客赴等失色而去

齊中書舍人紀僧真以武帝命詣江墩登榻坐定敷便命左右曰移我榻遠客僧真喪氣而去

書背加點

齊侯景出鎮河南謂神武曰今握兵在遠人易爲詐

所賜書背乞加微點神武卒世子澄以書徵之書背無點遂不至發兵反

隋高祖與漢王諒約几璽書徵召勅字旁別加一點高祖崩太子廣以書徵之以勅字無點遂不至發兵反

聚沙爲米

宋檀道濟伐魏叔孫建以輕騎邀其運道道濟夜聚沙覆之米唱籌量之魏謀以爲糧也因殺告者道濟全軍而返

周賀若敦伐陳侯瑱以舟師斷其糧援敦聚土營內

同書卷之四

以米覆之集諸營軍士各持囊詣官司若請給者陳人信之全軍而返

君有古人之風

齊高帝以白羽扇遺孔靈產曰君有古人之風故贈君耳

齊明帝以漆燭盤賜傅昭也曰君有古人之風賜君古人之物

梁昭明以匏食器賜劉杳曰卿有古人之風故賜卿古人之器

賊至賦詩

梁賊宋子仙破會稽得庾肩吾欲殺之先謂曰吾聞汝能作詩今可卽作若能將貸汝命肩吾操筆便成辭采甚美賊釋之

齊獠賊執張融將殺之融神色不動方作洛生詠賊異之而不害

此人不可得也

齊何恢有妓張耀華美而有寵阮佃夫求之恢曰恢可得此人不可得也阮遂諷有司以公事彈恢罷之

同書卷之四

晉石崇妾綠珠美孫秀命使求之崇悉出諸妾數十使者曰奉命求綠珠他非所欲崇勃然曰此人不可得也秀遂以事害崇

以物喻人

范蔚宗作合香序曰麝本多忌過分必害沈實易和盈斤無傷零藿虛燥詹唐黏濕甘松蘇合安息鬱金之屬並被珍於外國無取于中土又棗膏昏鈍甲煎淺俗非唯無助於馨烈乃當彌增於血疾也所言悉以此類朝士麝本多忌比庾仲文零藿虛燥比何尚

之詹唐黏濕比沈縝之棗膏昏鈍比羊玄保甲煎淺俗比徐湛之甘松蘇合比慧琳道人沈實易和自況卞斌爲禽獸決錄目禽獸云羊性淫而狼猪性卑而率鷲性頑而傲狗性險而出皆指斥貴勢其羊淫狼謂呂文顯猪卑率謂朱隆之鷲頑傲謂潘做狗險出謂呂文度其險詖如此又蝦蟆賦云紆青拖紫名爲蛤魚比合僕也又云蝌斗唯唯羣浮閭水謂合史也

徐娘雖老

湘東王徐妃以王眇一目嘗作半面粧其臣暨季江

同書卷之四

三五

語人云蕭深陽馬雖老猶駿可騎徐娘雖老猶尙多情

齊祖挺乘老馬嘗自號騮駒又與寡婦某通常令左右呼娘子其友人謂之曰老馬十歲尙號騮駒一妻耳順強呼娘子

置橋渡盜筍者

齊范元琰以園蔬爲業常出行見人盜其菘元琰遽退走母問其故具以實告母問盜者爲誰答曰向所以退畏其愧恥今啟其名願不泄也於是秘之或有

涉溝盜其筍者元琰因伐木爲橋以渡之自是盜者大慚一鄉無復草竊

郭原平宅上種竹夜有盜其筍者原平遇見之盜者奔走墜溝原平乃於所植竹處溝上立小橋令通人采筍置籬外鄰里慚愧無復取者

孝稱曾子

滕曇恭年五歲母陽氏患熱思食寒瓜土俗所不產曇恭銜悲哀切俄遇一桑門問其故曇恭具告桑門曰我有兩瓜分一相遺還以與母舉室驚異尋訪桑

同書卷之四

三四

門莫知所在

王儉時從僧虔在郡號爲滕曾子

宗元卿有至行鄉里宗事號宗曾子

蔡曇智鄉里號爲蔡曾子

埋婢更生

晉于寶父瑩有寵婢母甚妬之及瑩亡遂生持婢葬於墓寶兄弟尙幼不知後十餘年母喪開墓而婢伏棺如生載還經日乃蘇言其父恩情如舊旣而嫁之生子義熙四年瑯琊人陳朗婢已葬府史夏假歸行冢前

聞土中有人聲怪視之婢曰我今更活爲我報家是日已暮且方開土取疆健如常

漢杜錫家葬兩婢誤不得出後十餘年開冢附葬而婢尙生問之曰其始如瞑目自謂常一再宿耳初婢埋時年十五六及開冢後姿質如故更生十五年嫁之有子

筮吉龜凶

宋浦陽江有琵琶圻圻有古冢墮水甃有隱起字云筮吉龜凶八百年墮江中謝靈運取甃詣京咸傳視

同書卷之四

焉乃驗龜繇古冢已八百年矣

東京豐都市掘得冢得銘曰筮道居朝龜言近市五百年間于斯見矣當時達者參驗是魏黃初二年所葬也

梁任昉得古冢銘曰龜言土筮言水旬服黃鐘啓靈趾瘞在山庚墮遇七中已六千三百浹辰交二九重

三四百地歷代無知者至唐鄭欽悅始辨之

書淫

晉皇甫謐隱居不仕耽翫典籍至忘寢與食時人方

之好色謂之書淫

梁劉峻從桑乾還自謂所見不博更求異書聞京師有者必往祈借清河崔慰祖謂之書淫

入王弼冢

晉陸機初入洛次河南偃師時值結陰望道左人居因往投宿見一少年置易投壺與機談機無以抗既曉便去脫驂逆旅問嫗嫗曰此東數十里無村落正是山陽王家冢墓耳機還睇昨路空野霾雲拱木蔽日知所遇者信王弼也

同書卷之四

陸雲獨行偃師中忽見一家牆垣整峻雲時飢乏因而請前正行時見一少年二十餘風姿可嘉迎入論敘平生不異於人尋共說老子極有辭致雲出臨別語云我山陽王輔嗣也雲出門還望向處正是一家比至家已經三日

特授玉璧

陳後主在東宮集官僚置宴時造玉柄塵尾新成後主親執之曰當今雖復多士如林至于堪捉此者獨張譏耳卽手授譏

後主嗣位譏爲東宮學士後主常幸鍾山開善寺召從臣坐於寺西南松林下敕譏談義時索麈尾未至後主敕松枝手以屬譏曰此枝可代麈尾顧羣臣曰是卽張譏後事

折臂三公

梁劉之遴在告嘗寄居南郡忽夢前太守袁某謂曰卿後當爲折臂太守卽居此中之遴後奔牛墮車右臂偏直不復得屈伸旣而連典此郡

晉羊祐葬親遇術者云墓于法當出天子祐惡之遂

同書卷之四

二七

掘損其墓術者再過之云尙當出折臂三公祐後墮馬折臂果至三公

欲擊半渡

晉謝玄與苻堅相拒肥水玄使謂堅請退軍濟師以決勝負諸將不可堅曰俟彼半渡我以鐵騎蹙之蔑不濟矣軍旣退不可止遂大敗秦由是亡

後周尉遲迥伐楊堅使于惇與韋孝寬相拒沁水惇布陣二十餘里麾兵小却欲俟孝寬眾半渡而擊之孝寬等乘其兵却鳴鼓齊進士皆一當百惇眾大敗

迥由是遂亡

風聲鶴唳

苻堅伐晉至淝水大敗聞風聲鶴唳皆以爲晉兵齊沈攸之率眾東下戰敗其子元琰奔還聞城外鶴唳皆以爲軍聲

誤鳴進鼓

晉桓溫伐李勢戰於笮橋不利將退兵適軍中誤鳴進鼓士殊死鬪遂克之

宋世祖伐元凶劭不利適劭將魯秀誤鳴進鼓遂克

同書卷之四

二八

之

董狐

晉干寶撰搜神記時人稱之曰卿可謂鬼之鬼狐

元魏使李騫入梁見佛寺旁執板筆者謂之屍頭窻曰此僧之董狐也

六朝人撰酒經時謂酒之南董黃長睿號書之董狐

刻女作愛姬

吳孫皓寵姬張氏死思其色使巧工刻木作美人形像嘗置坐側

隋煬帝愛柳絮刻木作其形每飲酒必置坐隅

精誠動物

魏公子無忌方食有鵠逐鳩鳩逃案下鵠去縱鳩出
鵠逐殺之公子暮為不食曰避患鳩歸無忌竟為鵠
所得吾負之為吾捕得鵠者無忌無所愛於是左右
宣聲捕得二百餘鵠以奉公子欲盡殺恐無辜乃自
按劍至籠問曰誰獲罪無忌者一鵠獨低頭不敢仰
視乃取殺之盡放其餘聲名布聞天下歸焉列士傳
董恢為不其令民嘗為虎所害乃設檻捕之生獲二

同書卷之四

三九

虎恢聞而出視虎曰天生萬物惟人為貴虎狼當食
六畜而殘暴於人王法殺人者死傷人則論法你若
是殺人當垂頭服罪自知非者當號呼稱冤一虎低
頭閉目狀如震懼即時殺之其一視恢嗚吼踴躍自
奮令放釋吏人為之歌頌後漢書

齧指心動

曾子從仲尼在楚而心痛辭歸問母母曰思爾爾指
孔子曰參之孝真感萬里
蔡順少孤養母嘗出求薪有客卒至母望順不還乃

噬其指順即動心棄薪馳歸跪問其故母曰有急客
來吾噬指以悟汝耳後漢書

賣宅不欺

魏陳元方東郡賣小宅家人將就直矣元方曰此宅
甚好但無出水處買者因辭不賣
北齊皇甫亮所居宅洿下標榜賣之買者問故亮每
答為宅中水淹不泄雨即流入牀下宅終不售

夢虎

蔡君謨常夢為虎所逼有一人救之虎既去與之坐
曰公貴人也但頭角不正手為按之曰骨已正矣翌
日李士靈道人謁君謨謂曰夜來夢頗驚惶否君謨
愕然視其狀乃夢中所逐虎正骨者遂異之江寧志

同書卷之四

三十

東坡先生知揚州一夕夢在山林間忽見一虎來噬
公方驚怖有一紫袍黃冠以袖障公叱虎去及旦有
道士投謁曰昨夜不驚怖否公叱曰鼠子敢爾本欲
杖汝弄吾豈不知子夜來術耶道士慚懼而退墨莊漫錄
火將然烟先起

麴紹善占候景欲試之使與郭生俱卜二伏牛何者

先起卜得火兆郭生曰赤牛先起紹曰青牛先起景
問其故郭生曰火色赤故知赤牛先起紹曰火將然
烟上色青故知青牛先起乃如紹言北史

魏麟以下名世遼太宗得于汴天祿元年上命馳馬
較遲急以爲勝負問王白及麟孰勝奏曰赤者勝麟
曰馳馬當勝上異而問之白曰今日火王故知赤者
勝麟曰火雖王而上有烟以烟察之青者必勝馳果
如麟言遼史

君相不能造命

同書卷之四

三

魏徵爲僕射有二典事之長參時徵方寢一人窺下
平章一人曰我等官職總由此老翁一人曰總由天上
徵聞之作書遣由此老翁者送至侍郎處云與此人
人一好官其人不知出門心痛憑由天上者送書朋
日引注由老翁者被放由天上者被留徵問知其故
歎曰官職祿科由天信不誣也朝野僉載

仁宗嘗御便殿有二近侍爭辯聲聞御前仁宗問之
曰甲言貴賤在命乙言貴賤在至尊帝默然即以二
小金合各書數字藏于中曰先到者保奏給事有勞

推恩封秘甚嚴先命乙攜一往內東門司約及半道
命甲攜一繼往無何內東門司保奏甲推恩問之乃
是乙至半道足跌傷甚莫能行甲遂先到能改齋漫錄
海陵時有護衛二人私語一曰富貴在天一曰由君
所賜海陵竊聞之詔授言由君所賜者以五品職意
謂誠由已也而其人以疾竟不及授金史

同書卷之四

三

同書卷之四終

山中問答



甌寧楊士美在中著

避亂窮山中緝荆爲室倚石爲几燒笋煮薺以佐糲
 食每陟巔四望烽煙竟日唐子酉云山靜如太古恐
 此時無深處矣犬吠籬間有客穿林來告以屠城之
 慘予始聞而驚既而悲終而嗒然若失也呼童掃葉
 煮茗延客客曰今天下之亂漸以平矣閩處一隅前
 既倒戈後復舉旗以自干於天討茲何足怪予曰噫
 嫠婦之憂今嗟何及矣且汝亦知吾鄉舊事乎自古

昭代叢書

庚集

山中問答
卷第十五

世楷堂
藏板

兵爭之慘多在中州閩方負山阻海周官隸七閩之
 名漢武以來始入職方兩越相攻事無足述唐末王
 氏竊據自相攻戰民始被其毒宋祚三閩然考諸郡
 中曾罹慘禍者獨莆吾郡亦遭范氏之亂矣韓世忠
 將屠之賴伯紀李公之言而止公鄰產也又郡誌章
 夫人全城事俎豆于今建土生靈蓋千萬年傳育之
 遺黎也夫人生于五行死于五行蓋棺木死覆冢土
 死死之善也今刀鋸者死于兵矣且閩室自焚巷無
 虛井又死于火死于水城春草木深此豈尋常之變

哉客曰去秋發難以來泯泯焚焚實繁有徒茲固甘
 心待斃者子復何悲予曰十步之地必有芳草冒彌

天之禍豈無激于有所迫與窮于無所逃者乎昔殷
 既亡矣遺民蠢動至三紀而風移甚矣民之難變也
 至今讀多士多方諸誥亦何勤也事已去矣士大夫
 各行其志義熙甲子前有其人而強從希幸之舉玉
 石俱焚豈不哀哉天之將雨也埤蟻出穴野之將霜
 也草蟲入蟄以遠害也危邦如此而落魄書生寄筆
 無所綺紈公子棄甌不能鉗于籠阱之中幸恩及襁

昭代叢書

庚集

山中問答
卷第十五

世楷堂
藏板

襁爲我心惻已客曰建當明初與宦業著于天下今
 地運衰矣何從再造茲土乎子曰吾鄉山川丹碧先
 儒之遺教存焉非若阻江障嶺之陋于荒徼也然上
 游諸郡風存樸鄙而建不然綰綬而臨者侈爲金穴
 憑軾而過者豔爲錦城吏胥之人太滿而苞苴濫也
 優伎之人太滿而聲色靡也叢祠之鬼太滿而妖異
 興也每觀屠酷之岸張燎夜市而今安在乎山圍故
 國潮打空城金粟珠囊今日之集灰飛磔矣歌樓飲
 館今日之啼鵲泣蟬矣花雨香雲今日之幽燐穢骨

矣自茲以往如衛之遺民渡河而泣憂深思遠以反
于唐魏之風建其庶幾乎客復問曰前史民用短錢
以爲不祥今建錢短矣又有鐘梁自折獄像生髯之
異治亂之來人事乎亦天意也子曰天人相因也天
未厭亂則人不悔禍夫革命之際必有芟除是以自
北而南殺運極于閩海茲猶五元六紀之末運也客
曰吾今而後知入林者之樂矣子曰頻年被兵以來
數百里間店無炊烟雖深谷村煙亦未聞雞犬聲蓋
人彫而物亦耗矣今春疇半燕而耕犁尚依壁都人
昭代叢書 庚集 山中問答 卷第十五 三 世楷堂 藏板

魏石生原評 感時花濺淚恨別鳥驚心其意中

固有無窮悲憫

昭代叢書 庚集 山中問答 卷第十五

四

世楷堂 藏板

山中問答跋

悲者不可為彙歛思者不可為歎息況身丁離亂固
宜其憂從中來不可斷絕也哀猿斷腸子規啼血山
中人豈非窮士乎乙未夏日震澤楊復吉識

孫
貞起允升校字

昭代叢書

庚集

山中問答跋
卷第十五

五

世楷堂
藏板



仁恕堂筆記

1. The first part of the document discusses the importance of maintaining accurate records of all transactions and activities. It emphasizes that this is crucial for ensuring transparency and accountability in the organization's operations.

2. The second part of the document outlines the various methods and tools used to collect and analyze data. It highlights the need for a systematic approach to data collection and the importance of using reliable sources of information.

3. The third part of the document focuses on the analysis of the collected data. It discusses the various techniques used to identify trends, patterns, and anomalies in the data, and how these insights can be used to inform decision-making.

4. The fourth part of the document discusses the importance of communication and reporting. It emphasizes that the results of the data analysis must be clearly and concisely communicated to the relevant stakeholders, and that regular reports should be provided to keep them informed of the organization's performance.

5. The fifth part of the document discusses the importance of continuous improvement. It emphasizes that the organization should regularly review its processes and procedures to identify areas for improvement and implement changes to enhance its overall performance.

仁恕堂筆記

黃編卷第

十五

長汀黎士宏媿曾著

余還轡而西重留張掖卽儲備忙人指畫易竟
衙鼓旣罷殊苦思家與兩兒子謀爲銷日之計
餽粥之餘輒寫新舊事一兩通言語旣長遂成
卷帙孟東野曰耿耿蓄良思遙遙仰嘉話蓄思
雖多但不知能當夫嘉話否也時爲康熙乙卯
秋媿曾識

康熙乙卯春余已拜分巡洮岷之命值河東變起當

昭代叢書

已集

仁恕堂筆記
卷第二十五

世楷堂
藏板

事復檄余攝理甘山顧茲淺才恐乖措置記晉辛憲
英語子羊琇曰軍旅之間可以濟者惟仁與恕因取
以名其堂庶勉思企及且志宏八千里外仰承慈訓
猶斯也三月望日

歐陽公五代史四彝傳載自甘州涉磧磧無水載水
以行甘州人教晉使者作馬蹄木澀木澀四竅馬蹄
亦鑿四竅而綴之駝蹄則包以鼈皮始可行今甘州
郭外卽黑河自甘州九驛而達酒泉如甘之高臺肅
之鎮彝種宜稻宜秫宜麻宜菽春夏之交綠樹清泉

灤洄衢路稻鍼鳧雁阡陌成行遠遊者不知其爲塞
上所謂載水鑿蹄事絕無之蓋在趙宋時自枹罕以
西地爲元夏其執筆者旣未親至其地而傳述者又
詳不詳焉以歐公一代史才而見聞有盡不盡今車
書萬里而予得親至其地且見古人之所不見焉所
謂士生三代後未始非幸也

甘州誌載萬歷三年修城至南面剷削垣牆有小木
樞五百餘具形骸各長二尺餘男女衣冠貴賤老少
一一可數極爲駭異或謂爲外國焦僥之類不應有

昭代叢書

已集

仁恕堂筆記
卷第二十五

二

世楷堂
藏板

五百樞之多博識者又測爲前代厭鎮之術然或削
木斲石爲之何乃骸骨儼爾天下事理外意外不可
知者真不知其幾

唐書寧寇軍東北有居延海又北三百里有花門山
堡杜工部詩其題曰畱花門是時回紇畱兵花門故
杜詩云花門旣須畱原野轉蕭瑟意義甚明而甘州
誌中竟云古蹟有畱花門則不考之誤

甘州人謂筆曰生活謂陝以東人曰豹子姊妹之夫
曰挑擔異父之昆曰隔山名其子女多曰倉曰庫不

慧之子曰瓜子殊不解所謂後讀唐書賀知章有子請名於上上曰可名為孚知章久乃悟上謔之曰以不慧故破孚字為瓜子也則是瓜子之呼自唐以前已有之

魏晉以來取才門閥而李唐尤重氏族非崔盧裴李

八姓不以擇相若前明取士多起孤寒而宰輔大學

士楊姓者遂至七人如文定公溥文敏公榮文貞公

士奇文襄公一清文忠公廷和至後而又有閭學晉

江公景辰閣部武陵公嗣昌即諫諍不乏人而如忠

昨代叢書已集卷第二十五世楷堂三藏板

愍公繼盛忠介公爵太僕公最修撰公慎忠烈公漣

御史公瑄五官候正源下而至漆工楊墳能雪李文

達之冤此皆俊才人傑標炳丹青豈不為一姓之榮乎

枸杞以甘州得名河以西徧地皆產不獨甘州有也

惟涼州鎮番衛瞭江石所產獨佳瞭江石在邊外數

百里為番彝住牧地土人取之者率邀結數十人晝

伏夜行採之不數掬即返少畱則恐番彝劫畧也道

遠而得之艱故獨貴乾者大如豆赤如硃即當事貴

人歲所得亦僅升合而止余曾兩見之真奇種也近

甘州王生迪簡家畜一株曾摘生者百粒見貽大如

指頂甘香之味沁入心脾七載窮邊得嘗異味蘇子

瞻云日啖荔枝三百顆不妨長作嶺南民此固不足

自慰耶枸杞根金光明經曰苦彌附記此

前明典制甘肅一鎮歲用糧料六十九萬七千六百

零草五百二十萬三千八百五十零又巡撫都御史

楊公博區畫邊事疏內開甘州一鎮歲合用糧一十

三萬八千九百九十九石零料八萬八千五百九十

昭代叢書已集卷第二十五世楷堂四藏板

五石零草二百八萬三千八百零今自裁兵之議下

一歲所支糧料曾不滿十萬一線單微之路番彝雜

種在在宜防憂盛危明恐不當以減兵為勝算也

河西月氏地故仍習俗尊事喇嘛僧其外國僧實未

嘗一至此開學於彼而歸者則尊之云羅漢從其教

者皆曰喇嘛又有弄子抱妻頭然肉食黃衫袒脊塞

院填途大率無賴子及不謀衣食者充之官法呼之

曰黃衣僧其參禪素食者舉國三四人而已曰青衣

僧吞鐵羅什未見一人而蹈臂踏肩影影皆是亦怪

也

甘州木屬多柳草之屬多馬蘭果之屬多杏多白榆多楸子白榆類蘋果而小味亦差減楸花如海棠子酸土人取其肉為果單糜泥澄濾薄如油紙南人多識也惟雲楸乃堪作器非此種洮岷諸州始有之張臘邊即明初所稱三丰道人永樂中住甘州張指揮園最久乃適西域所住小庵在城西隅耆老云庵中故有草鞋坐具狃亂後庵焚并失之今其像乃新塑者然道貌清肅猶足令人思西域入貢者來云三

昭代叢書

已集

仁恕堂筆記

卷第二十五

五

世楷堂藏板

耳 丰現在為某台吉所供養仙迹奇蹤固非常情所測 邊人以畜牧為富畜牛至數百蹄羊至萬蹄牛以耕羊則取皮毛利更侈不獨供食也惟馮牛不可耕專為食備番彝多畜之且日落其乳刺其血以熬茶伴炒麪又不獨食其肉矣然率皆馮者考別后經云馬曰馮牛曰官羊曰馮猪曰馮雞曰馮狗曰善猫曰淨海篇謂古無馮字然後唐書載郭崇韜惡闔宦橫暴謂魏王繼岌曰他日殿下即扇馬亦不可騎則馮之

名舊矣

甘無魚鯽數寸者閒有之溪澗中無鱗者不可食嗅之作泥氣且暴下鄉堡中民有老死未經見魚者傳一悍婦數咎其夫他日夫偶持一魚至門婦望見惶恐叩頭夫因給之若不更所為且為厲收若魂魄婦自誓改過遂為善良癸丑夏子遣役鄭璜伴兒輩入都門見市蟹郭索滿筐鄭役惶怖睥睨不敢正視繼至五涼與客話其事有畫士李印在座曰是水裏大蜘蛛也那得不怕一座闕堂絕倒

昭代叢書

已集

仁恕堂筆記

卷第二十五

六

世楷堂藏板

漢郡張掖為縣十日纒得昭武剛丹氏池屋蘭日勒驪軒番和居延顯美內惟剛丹即今山丹餘皆不考在何地誌固不詳且纒得日勒驪軒諸名率就番彝所名名之年久音訛故應湮沒耳 魏明帝青龍元年張掖柳谷水溢涌寶石負圖狀似靈龜立於川西有石馬七及鳳麟牛白虎獾瑣玦八卦列宿字彗之象又有文曰大討曹時魏以為瑞頒示天下夫既謂大討曹不知當時何以稱瑞且魏晉纂繼事在中原與邊隅何與而朕兆乃先見於此

金剛鑽若塵砂出西域在萬山深谷中非人力可取
土人先驅駝馬墮谷中使其肉潰爛沾濡烏鳶飛下
食之人乃取鳥糞淘汰閒有得者以其得之艱故換
價比於黃金者且倍

南昌宿儒鍾君維紳爲余言乃祖太僕公家素貧太
僕公父求館南都住陳公沂幸舍適陳公舉子太僕
公父亦粗學星家言爲推其命裝卷以進陳公固知
命者見其推算失度笑曰若何知命但若儀狀甚偉
若有子乎是何甲子吾爲若推算太僕父遂舉太僕

昭代叢書

已集

仁恕堂筆記
卷第二十五

七

世楷堂
藏板

命以進陳公視之曰大奇大奇若命與吾命不異可
以吾名吾字名字若子他日貴無相忘也故鍾公名
沂亦字魯南陳公以文章碩德著白下不知其精於
推測若此子嘗謂維紳此事入公家傳亦一段佳話
也

福清張大木曾從容泛海所至地爲東浦寨大約係
日本支國也其國在極南夜中不睹奎宿呼中國人
爲唐人猶之西北以中國人爲漢人也國雖有王專
政者爲將軍三儂讀如馬惟元日三儂朝其國王受酒

肉賞云不受賞則一年不吉若他政事王不得問擁
虛位而已國人多騎象地至熱宜麥稻四時皆熟纔
收穫旋即播種中國貨至必先進國王與三儂乃許
市其餘俗至潔男女著白布衫長垂至足大小遺皆
急走水中無一人遺於衢路者又言中國所得奇楠
皆沈速耳真奇楠彼國亦不易得取奇楠之法國人
先期割牲密禱卜有無走密林中聽樹頭有如小兒
語者便急數斧而返遲則有鬼搏人隔年始一往取
先上其王及三儂重加洗剔視上者留之厚酬其值

昭代叢書

已集

仁恕堂筆記
卷第二十五

八

世楷堂
藏板

次者下者乃聽別售也又言將至東浦過黑海洋最
險吹沙無刻停若無風緩渡則沙壓舟沈萬無活理
矣又言國亦有狀元名色所取視人才衆寡或數年
方得一人不似中國每科必置一人爲冠冕也
傳聞李滄溟居盛名時四方賓客檣進滄溟簡貴不
甚延客其裁荅箋疏每日揭水牌懸戶上聽期津遣
有山右賈人子住歷下一年無從就謁知滄溟外家
兒得出入滄溟宅因餽外家兒多金且以意請曰神
仙易名士難千里來止欲得一面巨公顏色耳外家

兒許之曰公某日往某園爾可一望之戒毋得前也
遲數日滄溟果出賈人子先匿左右忽突出長跪道
間滄溟驚問若何為者外家兒以情告滄溟顧笑曰
一見斯可已矣賈人子聲淚俱下曰小民望公如天
上人父某經商數年不幸死道路倘得公一言誌石
上即碎首階下不敢辭出懷中黃金數錠請為脂筆
費滄溟笑領之曰是亦足以銘矣賈人子固不凡而
滄溟文章驕貴之狀更可想見餘聞錄載湖州一進
士吳姓任工部主政時李西涯為學士盛有文名為
略代叢書 已集 仁恕堂筆記 卷第二十五 九 世楷堂 藏板

父乞詩詞西涯不許吳因謂友人曰今有爵位大於
西涯者乎友云英國公太師左柱國張輔也吳具幣
求英公英公令門官作詩與之吳得詩誇耀於人云
說甚麼學士英國公當朝第一人乃為我作詩眾皆
笑之賈人子惜不記姓名願不勝此郎耶

閩福清老詩人林古度述其先孝廉初文先生負奇
任俠數上書言事及後廓落無聊走塞上客大將軍
戚繼光所一日將軍率諸將校獵雪中列幕平沙擊
鮮行酒材官詞客填滿座問將軍曰能即席作賦者

當厚贈先生操筆立就千言文不加點成固知文歎
賞不置隨昇先生千金令兩馬駝兩姬隨先生以歸
風流快事當不使王子安滕王一序擅名千載序特
奇麗余家有抄本

張逍遙中州人原軍官其住江西新建西山虎井洞
不知自何年相傳有奇迹入山時羣虎隨左右子丁
酉年同瑞金謝怡古入山訪之山路陡絕舍騎而徒
逍遙從山頂望見迎子輩門外笑曰諸公應為貧道
虛名誤來也坐次談論俱如常人宅不立垣堂不設
略代叢書 已集 仁恕堂筆記 卷第二十五 十 世楷堂 藏板

戶經卷牀竈隨石壁水泉而安頗極幽人之致略叩
所以云貧道向入山結茅於洪崖井辟穀經年嚼黃
精菖蒲徧體白毫數寸能飛越數十步亦自謂沖舉
不遠山下人憐子苦各饋鹽米相餉白毫遂漸脫落
大約學道者貴能度人若自了一身終屬小乘指其
門下數人曰此輩碌碌皆不足語隨貧道住山虛糜
歲月耳出菖蒲數節相啖雖苦辣久之味殊甘因置
子輩飯又言山中有異鹿一年三四來絕不避人頷
下有懸罈是趙宋時放生物及日西側子隨下山執

手悵然意不忍釋聞以丙午年化去令其弟子以二瓦瓊合而瘞之云待五年後起視倘如故則爲少聞如腐化則舉骨棄之今相去數年不識其弟子曾起視否亦復有異否大約平實學道人非妄爲做作者逍遙之後有丁棲霞新建人敢爲大言駭俗衣冠多惑之竟無奇近亦死聞死時展轉牀簀令道伴爲齋醮祈禳尤可笑也

甲午子舉於都與海寧陳君容承字直方爲同門生

時尊人彥升先生當軸位大宗伯羣謁時宗伯指直

昭代叢書 已集 仁恕堂筆記 卷第二十五 十一 世楷堂藏板

方曰此子多奇前身僧也宗伯方貴重子不敢置問繼宗伯公謫塞上直方以病廢得畱辛丑公車直方視子邸舍閒及前事直方惻然曰子恐不能數面子子駭問之曰子固知四世事初爲蜀通判子苦嫡母嚴出商於外父死乃得歸再世爲王孫三世則京師竹林寺僧也偶一日放參值婦女羣過曾一日之遂墮落至此記八歲時從大人入寺一見恍然齋房徑路皆能默記今世爲宰相子再世將愈下子定數當蚤死否則必權兵厄又言九歲時曾爲冥官官有府

署僉書判牘不異人閒初時職事猶小因自念諸受刑者何以斬重於絞絞重於扑一一身試之忽一日得上帝命謂陳某能以身爲衆生試法陞某官約如岳瀆大神象簡金冠自呼小聖每日初更時輒臥去曉鐘動乃醒其所問事節人名判語歷歷可記纔一開眼出聲則半字不復省矣大約陰法中不赦者惟忤逆子及破婦女節并官吏受賍最嚴案牘雖重查一檢便得不似人閒逐卷搜查也十二歲因犯某事爲上帝所譴遂禡其職子問所犯何事直方吝不欲

昭代叢書 已集 仁恕堂筆記 卷第二十五 十一 世楷堂藏板

言直方朴重不肯作妄語人今聞直方短祚竟憂鬱以死使前言可信不知更生何所何地矣追往念舊落筆淒然
上杭令陳公名正中上海人爲人刻意廉苦子爲兒時及見之通眉細瘦唾咳矜持孤行一往爲大吏所嚴憚坐是亦不得遷轉耐飢寒勤民事卽咯血垂殆猶治簿書死之日有市民曉起出戶見陳公儀仗整肅乘輿入城隍廟不解何故至縣探之則陳公以平開屬續矣庚午公分校閩闈門下士有張君世楷林

君真者張君亦蚤卒林君一子龍哥病死兩日復甦云至陰閒見世堪執簿籍若人閒判司其子固素識世堪求蔭庇世堪曰有定數子安能生爾檢簿閱之謂尙有一年活明歲此時當來也又指堂上衣冠巍坐者示其子曰此吾與若父房師陳公也後林氏子果活一年而卒語曰清刻者入神鬼趣陳公爲神自不謬然旣已城隍之矣而復爲冥司長豈陰中亦復有陞除耶榮顯者於生前而遷擢速於死後盈縮之理固如是乎上杭人多能言之

昭代叢書

已集

仁恕堂筆記
卷第二十五

三

世楷堂
藏板

科名定數雜見諸書於予親見者兩事癸卯子分校江西有蕭生賓萬廬陵人子手其牘實不愜今大司徒學山陳公爲主考適過子席問得卷佳士乎子漫應之曰亦可陳公隨閱視大加稱賞至二三場益復寥落子請乙之陳公曰一第甚難旣取何擯也及揭曉賓萬實名下士子因問篇章何寥落乃爾賓萬對以實病委頓不能執筆不謂見錄也其父孟旭亦諸生相見稱是有數當賓萬入闈日與里中一蕭生同號舍天色初辨見一人如關壯繆形旁一人執小紅

旗徧呼曰孰是蕭生同里蕭生急出應之神熟視且久曰非是遂前至賓萬號席而止同里生自知見擯買舟急歸爲賓萬父述之尙未絕口而捷音之報至門矣又鄉生懋官新昌人自言庚子應試夢神語之曰爾房師黎姓也時予尙未入官而家弟道存先已令南昌懋官意以爲必售旣復見落及子癸卯入簾乃得之一日遇合而主司姓氏皆定於數年之前若賓萬者有神以陰相之使主司并不得以文章操其去取更爲奇詭

昭代叢書

已集

仁恕堂筆記
卷第二十五

四

世楷堂
藏板

永新縣禾山寺傍有顏魯公書龍溪兩大字鐫石壁上
上方廣徑丈數百年來石壁如故廬舍依然而二字
每年輒下今離地不二尺矣隱君賀子貽孫爲子言
之或云魯公生於永新其子孫散處甚多家譜先牒
皆在

永新在萬山中密箐深林素多虎患子以戊申八月
領茲邑不十日而告爲虎傷者八九人子心甚戚然
奈何長茲土而與虎豹共斯民也爲文以禱神且募
獵戶備弓矢欲盡殺乃止永新鄰邑爲永寧邑中路

有趙公亭住四五殘僧市酒燒茶以待行者忽中夜有人扣門甚急出錢沽酒僧延之入其人深目頰黑僧問何為深夜過此對云有數十牲口畜於永新今新令黎公至不能容吾何苦犯之將往他縣販賣耳隨送之出戶次早見門外虎迹縱橫僧急取所與沽錢視之則紙灰耳自此永寧鄉市多虎患而永新絕迹矣永寧紳士咎為鄰國貽害予笑舉唐人捕蝗語答之曰若是做邑驅來即煩貴邑驅轉四鄰旁邑一時鬪傳遂復聞於當事而會城竟有演為小說者事

昭代叢書

已集

仁恕堂筆記
卷第二十五

五

世楷堂
藏板

涉近名不欲載然神之力歟人之力量歟終不敢比迹劉昆厚誣前哲也

先朝於沿邊設衛所隸之以行都司因各衛所皆軍戶而受耕者亦半屬軍餘故不另設有司而刑名錢穀學校衛所官皆得聞焉 國朝已汰軍為民政指揮為守備千百戶為千總固不有一軍可屬徵糧外無他事刑名學校特具名耳於守備之義何居且守備雖理民猶弁也制於上者武則為參遊為提鎮文則為院司為府廳是一官兩屬况邊隅紳士寥落好

民多資緣為大吏奔走役勢反出守備上徵輸少急則吏胥操短長持之支放稍後則將卒得奴隸呵之權不尊而事夥故守備十而九敗也莫若如腹裏改衛所而設州縣用風力才幹者為之兵官不得凌厲四民有所受承刑名錢穀學校可事事辦也難者曰如官司俸入何不知即以甘鎮論三守備四千總卒隸且數十人歲費度支一千三百餘兩以彼供此寧不足乎久處塞上知見確然未必非借當事之一籌也

昭代叢書

已集

仁恕堂筆記
卷第二十五

六

世楷堂
藏板

南州徵君徐巨源言家故住西山下鄰有習射弩者一日射生郊外值驟雨趨避古廟中時雷電駭激亦入廟中火光百道環繞其身射弩者匍伏地下請死雷又不即擊射弩者計急再叩頭曰雷神得無有所用我乎雷即時出廟門射弩者隨之見數百步外雷擊一枯樹雷斧纔下枯樹中輒躍出一婦人紅衫披髮若與雷相搏狀旋擊旋起四五不得中射弩者視樹中婦人躍出從旁發一矢中要害婦人遂不復起雷火旋燒樹灰盡乃息射弩者神氣稍定急趨還家

見其家婦女復奔走曰不知何事犯天神怒適霹靂
從竈間起將鍋竈盡倒翻而去矣詳視鍋上有字一
行急請識雷文道士譯之云力助天威延壽一紀周
園先生書影中載
此其述余說稍異

人之得名後世其傳不傳皆各有命數存焉無論忠
臣名士才子妖姬卽仙佛亦不能自主名將死疆場
無算也而人止知關壯繆岳武穆如才子也人知有
李白而不盡知同時之杜甫美女也人知有西施而
絕不知同時之鄭旦同盡節也人知有文朱瑞而不

昭代叢書

已集

仁恕堂筆記
卷第二十五

七

世楷堂
藏板

盡知有同時謝疊山同奸臣也人知有李林甫而不
盡知有同時之楊國忠如此類不勝指屈大約小說
傳奇最能動聽婦人女子牛醫賣菜皆樂談之久之
士大夫亦有習之而不悟者矣昨在皋蘭一士夫問
子水簾洞驪山老母去君治差近子無以應捧腹而
已

龍虎山隸廣信府貴溪縣山不甚高砂水迴抱若龍
虎然真人宅坐北面江其南岸卽桂州故夏相國言
舊居也惟上清宮老樹參天宮觀宏敞前代碑版照

映差可遊息形家言凡水西流者出仙佛此地水蓋
西流也真人以冢嫡相傳不必盡知符籙符籙則宮
觀道士爲之從真人請印押而已子嘗索其玉印視
之一長二寸一分四字不可辨真人謂是自漢時相
傳篆則天神姓名玉菜色一長一寸五分內硃文陽
平治都功印玉羊脂色刻甚精工云是宋時物一廣
長三寸五分亦篆陽平治都功印則明世宗做宋印
出上賜也真人出入八騶等倫勳戚公移書掌教真
人封版條示徑書天師府矣分貽投贈一符之外無

昭代叢書

已集

仁恕堂筆記
卷第二十五

六

世楷堂
藏板

他告邪祟者閒有之近地亦不甚驗板輿一度常山
則懋牒紛紛豈貴遠賤近鬼神亦爾耶
度隴而西皆板屋渡河而西皆土屋立夏以後羣率
婦子棲宿簷端薄暮平明衾枕爛列大率近邊沙磧
多風少雨多雪少霜耕者不藉雨力四山積雪經夏
如新日烈雪消而河滿渠滿矣記魏伐北涼崔浩折
李順曰雪之消釋僅能斂塵何能通渠灌溉雖魏主
卒用其策成功而情形殊不爾莊浪一帶每夏輒隕
雹殺稼農家各籩錢供喇嘛一僧謂能書符止雹或

陰風縹布雲氣西流喇嘛輒望空指畫梵語喃喃幸
電不時至卽自以爲功土人皆呼電曰硬雨予謂可
對柔風次兒翰遠笑謂不若就土人語對歎風更爲
警切記宋紹興十七年臨安雨電太學屋瓦俱碎學
官申請修葺諱言雨電遂稱硬雨是方言亦有所本
信州近浙宋南渡後文章理學節義之士獨盛是州
如汪公應辰謝公枋得尤著謝公祠在郡城水南春
秋蘋藻尙隸官司守祠生蓋亦微矣汪公祠在玉山
城內予曾肅拜祠下嗣孫四五聚族而居自稱門祚

昭代叢書

已集

仁恕堂筆記
卷第二十五

大

世楷堂
藏板

衰落上辱先人雖守業農桑而應對嫺雅猶復見君
子之澤焉

豫章楚地好巫嚴祀鬼神淫祠無地無之子所見者
石人殿在上饒縣神姓朱不知所起每歲男女進香
充斥衢路少不謹謫罰立見必跌傷兩耳他無恙也
仙女廟在新建縣西山凡官司祈雨則拜香延請置
一盒地上卜以筮筵如神許可則少頃一蛇蜿蜒而
至置盆中迎歸雨壇事竣鼓吹導送還山青蛙使者
廟在金溪縣民居雜處水榭數間青蛙大小不一各

蹲踞案上脊背鱗鱗若銅鐵鏽斷見人了無驚怕要
不知何代何年物也道士時捧置盤中乞布施三事
近妖妄獨是蛇與蛙見人狎而不去爲怪或其始見
人狎之而遂不去人見其狎之不去而益以爲神也
遂得傳至今若朱仙之神禍人惟傷其耳是不可理
解然能禍於所尊奉之人而不能禍於其所不尊奉
者妖由人興豈虛語哉

昭代叢書

已集

仁恕堂筆記
卷第二十五

辛

世楷堂
藏板

宏追隨三十年極有知己之感壬子春宏量移西秦
別先生於白下臨行執手情色淒然秋中有王生君
重來得一手札云會晤時尊冗旣多僕心緒復亂雖
面未得靜談別後始知尙有如許裏言未及一吐真
怏怏也王君來一字奉去恐此後再欲覓一人托一
面未必可得僕去年六十當得足下一言卽與會不
屬遲之又久必求執筆若成不必見寄他日得附大
集中以傳足矣足矣讀之頗訝其語不祥至十月於
陳階六少參所得先生訃音已於六月二十三日捐
館而來書則寄於六月之六日也嗚呼東南風雅一

時頓盡豈獨某有梁木之痛哉今先生墓草已宿而所屬之言尙無成稿宏之負先生多矣

先大夫誠一先生負性方嚴從無妄語中年多病學養生家言危坐竟日於甲申四月棄不孝孤等死生之際豁如也自題壁曰身不可支心卻掣定生或偶然死則靜聽又書禮經教不可長欲不可縱志不可滿樂不可極四言示宏毅寬等今寶其遺墨藏之家廟而宏等兄弟三人曾不能少光先德自墮庸常一思之一淚也壬子又五月初六日宏泣記

昭代叢書

已集

仁恕堂筆記
卷第二十五

三

世楷堂
藏板

周公長屏名之藩不詳何許人明末唐藩建號都閩長屏以總兵晉伯爵唐王自延津由汀將移兩粵大兵日夜急行追及於汀兵已入城而唐王始得報急遽出行宮周公問難趨行在遇勁騎數十大聲自呼曰我即唐王意欲詭辭脫主於雉也羣矢集其身如蝟遂死時溽暑羣屍或臭腐蟲出而周公已死五日玉色瑩然今奉 皇恩采輯明史槩覽忌諱此亦在所錄也

于公名承綬閩東人順治丁亥戊子開鎮汀州時金

聲桓變於江西贛州圍急汀固與贛鄰逆使逆書一日三四至公焚書斬使意氣益凌厲又四鄉羣盜蜂起十里外不能通往來斗米數金城中蓋藏俱盡公樽俎優游若行無事東西關時報賊警公從席閒指授將士笑撫其背曰肯爲老子一行乎協將高公守貴亦勇敢善戰隨意馳數騎出七箸未停而賊級纍纍繫馬首還矣手卮酒慰勞絕不張皇汀免於難而七邑不致從風靡者于公之力也公素彊壯一日偶示微疾索衣冠坐堂皇瞋目而逝功德所被汀人固

昭代叢書

已集

仁恕堂筆記
卷第二十五

三

世楷堂
藏板

不敢忘尸祝生死之際來去翛然更爲希有河西五涼遞起蒙遜則建都張掖數主皆能文得士疑有一二篇章尙畱碑版索之三年無片石可語僅龍王廟有元夏一碑猶存亦絕不成理今錄於左敕鎮甘郡境內黑水河上下所有隱顯一切水土之主山神水神龍神樹神土地諸神等咸聽朕命昔賢覺聖光菩薩震憫此河年年暴漲漂蕩人畜故以大慈悲興建此橋普令一切往返有情咸免徒涉之患皆霑安濟之福斯誠利國便民之大端也朕昔已曾親

臨此橋嘉美賢覺興造之功仍罄虔懇躬祭汝諸神等自是之後水患頓息固知諸神冥歆朕意陰加擁祐之所致也今朕載啓精虔幸冀汝等諸多靈神廓慈悲之心恢濟度之德重加神力密運威靈庶幾水患永息橋道久長令此諸方有情俱蒙利益佑我邦家則豈惟上合十方諸聖之心抑亦可副朕之宏願也諸神鑒之母替朕命大夏乾祐七年歲次丙申九月二十五日立石按丙申則宋徽宗大觀之六年也通州宋又玉言前年客曹縣見所爲西仙者西仙蓋

昭代叢書

己集

仁恕堂筆記
卷第二十五

三

世楷堂
藏板

狐妖依武氏瞽子數年客欲見西仙先令瞽子通介紹客設酒果堂上又爲西仙設一席於別榻獨不置燭雖不見西仙飲食而餘滴沾濡几案所棄果核擲地鏗然有聲久之滅燭延客對語相隔僅尺每一客各先問姓字通殷勤序致委宛了不異人獨其聲微細多在喉間因自歎息云公等學道甚易若子等能學爲人行立蓋不知經幾磨鍊矣有客曰聞西仙能琵琶肯爲客一鼓乎舉琵琶授之西仙快作數弄淒清悲瑟殆難爲懷瞽子琵琶亦獨步一時則西仙所

授也客試執手探之其手纔如五六歲小兒所衣者葛談罷拱手敘別再一燭之空房而已

戊戌一海州估客附舟東下云海上海上逢閏年必有一大魚隨潮至潮退魚留大者長竟里小者亦數十丈謂之天刑魚各海戶執斧登背割肉煎脂彌月取之不盡魚雖受斧斤或數月潮至其縱壑猶無恙也又魚至時必有一押者俱來或巨蝦大蟹人謂之解魚使客會見一蟹大竟丈一螯爲魚尾所壓不得出後潮來乃與魚俱去天刑魚人爭取之至解魚使則莫

昭代叢書

己集

仁恕堂筆記
卷第二十五

三

世楷堂
藏板

敢犯也繼見一久居海上者問之云信然所見燐火皆或合或離人卽之則散惟宋又玉言曾於安邱同劉君正學乘馬夜出燐火大如箕聚一叢木上劉君以鞭揮之火隨鞭散作數千百點著劉君衣袂鞭鐙閒星激電轉繞不休劉君策馬急走約五里許近城乃滅

順治庚子年吉安山中忽出異蜂與常蜂稍別兩翅黑黃色相開首隱隱作王字不知何所倡始遂傳爲瘟大王訛俗相傳沿江七百里一時鬪動浸淫至南

自會城家各畫其像懸戶上或一蜂飛集其家則舉室惶恐叩頭謝罪無賴道士遂以硃盒貯之戴之於首覆以紅錦導以鼓吹沿街募化香楮山積時家弟宣巖令南昌當事檄縣力為禁止弟以為民甚愚苟不拔其源禁愈嚴犯者將愈眾乃佯為不知者他日遇道士認為恭敬願見所為瘟大王者取視之大笑曰此牛蜂也本縣向讀書山中日常見之將瘟大王摔死地上執香首榜之仍釘其蜂於柱間不一日而各街市寂然矣然弟實未嘗見此亦並無謂牛蜂者

昭代叢書

已集

仁恕堂筆記

卷第二十五

世楷堂藏板

蓋不以所親見者實之而漫為禁令小民之愚終不可解也此與孔道輔擊蛇事相類郡中二三大老甚為擊節稱之

吾邑兄弟俱顯者惟鍾公

文俊 文傑

最著兩公皆進

士高等同官於朝俊為文選郎傑署武選郎假歸里俊公和氣下人即簿尉手板亦卻傑公頗崖岸雖至戚大弁不少假顏色久之俊公改大參傑公領郡東粵部內有老孝廉公甚易之繼孝廉及第不無他語而公怏怏竟卒於任俊公壽考有孫登鄉書且後嗣

多賢者偶記如此者二事前輩言伯敬鍾公舟泊吳門座上皆名下士而文公湛持以老孝廉肅刺往謁公亦易之後文公及第而鍾公不怡者數時又薛生福清人為予言乃祖刺吳淞一孝廉以文呈閱置之案上批其牘曰醋醋蓋以其酸甚也是孝廉明年亦及第作詩寄之曰寄語松江賢太守於今二醋已酸牙乃祖隨投劾以去嗟夫齒歲升沈豈能意度尊前往日隨地排場玉堂脆薄之嘲渴睡殘燈之戲一時惡語結怨終身已自古而然矣

昭代叢書

已集

仁恕堂筆記

卷第二十五

世楷堂藏板

汀郡城西之五里土名曰祭旗山有地方圓不二丈草根產珠大如粟米視之儼然珠也手揉之則成粉理最不可解俗云楊文廣征西過此珍珠微為風所破故畱迹至今里語不經可笑元亮周公闕小記又易之為聖七娘總之委巷傳聞原無確載姑妄言之亦姑妄聽之耳

貴溪縣仙巖離上清宮五里有石壁數十丈下臨潭水深不可測石壁有孔大小不一中各有木植或為棺為倉為櫃又有木馬架木若將事新削者其木植

根條一一可數或云好事者所爲以數十丈臨深潭之絕壁而置木其中好事者鑿空釣奇亦不至此卽云果好事者所爲歷千百年曾無朽蠹抑豈人力所致宋晁無咎詩云稽天巨浸洗南荒尚有千峯骨立疆民未降邱應宅此舉頭石壁有困倉洪荒之初安得有困倉木馬之製以意揣摩更滋謬誤

貴溪相公以青詞受知最中明世宗皇帝意有賜莊在信州郡城西河之南曰白鷗今改爲白鶴當時之亭臺花樹已蕩爲寒煙矣其河之北曰寶澤樓蓋貯

昭代叢書

己集仁恕堂筆記
卷第二十五

七

世楷堂
藏板

賜書與敕也樓高數仞廣席數畝雖欄檻傾斜而楹礎宛列真傑構也閩人曹能始爲賦丹樓行所云君不見信州丞相第十二高樓稱綺麗雕甍共倚黃金堂繡柱遙連白玉砌其壯麗可知公無子以其女之吳姓者守之東偏退食之堂爲豪彊所踞子理郡時曾爲清出以還舊觀時與同郡諸公肅拜公像登樓眺望頗盡今昔山川之感今羣逆嘯聚止事干戈不識數椽仍復畱否井州之念何日忘之皮袋南中所無子至秦鞏閒始見之割牛羊去其首

剜肉空中大者受一石小者受三五斗俗曰混沌卽古所謂鴟夷也然用之以盛糧食而已今大師渡蘭州浮梁斷絕將軍張公出新意聯十六袋爲一棧架木其上傍各用四袋爲飛帶如船之有槳每棧可渡馬五渡人二十草土平鋪穩於舟楫亦登壇冊中所當備考也漢書載鄧訓發湟中卒六千令任尙將之渡河縫革爲船或卽師此意歟

昌邑隸南昌水行百里漢昌邑廢後封海昏侯此其舊都也考漢書武帝以山陽郡爲昌邑王國山陽屬

昭代叢書

己集仁恕堂筆記
卷第二十五

七

世楷堂
藏板

齊地昌邑廢爲海昏故此仍其舊名然沮洳澤國地異金墉置萬乘之廢主於斯寧無過慮况旣侯海昏何尙襲舊號此不可解

降乩之術是處有之止懸筆畫灰而止壽州周顧兩孝廉爲余言戊子己丑間彼州有乩仙舉國奉之若狂斷人禍福立驗稍閒又能爲人點定詩文朝置卷案上移刻取之則硃墨爛斑一一甲乙矣或病而乞藥者丸散咀片隨時而至藥物皆極精良鬼徑與人相接更奇也業師李公元仲言於宣城學請乩之法

詞曰長安萬里月杜陵三月春一茗一爐香清風來
古人焚紙召呼須臾即至每愛其詞甚古今閱庚己
編乃知爲周岐鳳上凡之作岐鳳籍江陰萬歷初年
人至無行粗有文言豈洞府仙才論文墨不計賢愚
耶

辛亥秋子令永新學使按部予當送諸生應試一日
揭案子門人孝廉晏清白子曰有府學郭生大千應

本年正貢不謂文謬誤爲學使所黜子曰此垂成功
名也明蚤當爲學使公言之次日子謁學使公云此

昭代叢書仁恕堂筆記 已集 卷第二十五 三 世楷堂
藏板

生積苦數十年臨貢而被黜非獨功名可念恐性命
將亦不保學使公惻然卽爲之改置四等子實不識
郭生爲何許人也及子回寓舍一生執藝請教子盛
贊其文云今案發想在高等某生曰某原次貢今有
同學郭生被黜而某當應首貢有子某考案第二卽
亦應補郭生廩缺子應之曰若係郭大千則子已懇
之學使提至四等矣某生一時失色而退迹之則此
生所弄伎倆黜一郭生而已得貢子得廩兩取之也
心甚惡之不數月自郡來者言某生爲人命牽違羈

禁死矣不但已不得貢而其子丁艱卽他廩缺出亦
不得敘補始作計兩得之而遂兩失之小人行險之
報可畏如此

甘州極邊經歲無雷無日無風郭定襄所謂山遠四
時皆見雪地高經歲不聞雷也其風大者爲黃風更
大者爲黑風黑風一起則咫尺不辨人空中火光如
電頗以爲異後見施顯卿天文記云風爲陽氣無形
也惟風極盛則陽氣所聚極厚故有色可見而赤如
火極明處則風必極盛然後知不讀書窮理不無多

昭代叢書仁恕堂筆記 已集 卷第二十五 三 世楷堂
藏板

見少怪耳

南燕主德仕秦爲張掖太守其兄納與母公孫氏居
於張掖德從秦主堅寇淮南雷金刀與其母別及德
與燕王垂舉兵山東張掖太守符昌收納及德諸子
皆殺之公孫氏以老獲免納妻段氏方娠未決獄椽
呼延平德之故吏也竊以公孫氏段氏逃羌中段氏
生子超十歲而公孫氏病臨卒以金刀授超曰汝得
東歸當以此刀還汝叔也呼延平又以超母子奔涼
及呂隆降秦超隨涼州民徙長安平卒段氏爲超娶

其女超後東奔襲德位呼延平保孤一節何異程嬰
公孫惜超分閭位事不甚傳而甘州地僻誌殘又不
見於記乘故特表而出之

永新縣春秋賽會各鄉事劉先主爲案神偶兩鄉爭
道後先互闕於縣詞稱彼家劉備欺我家劉備子闕
之大笑當堂作洛陽春一闕笑殺兩家劉備空爭閒
氣一身且自不相容還要桃園結義多是小人生事
有何干係輕輕十板各歸家還算縣官省事各扑其
首事而遣之偶閱楊升庵丹鉛雜錄載兩鄉各祀觀

昭代叢書已集仁恕堂筆記卷第二十五世楷堂藏板

音大士大鄉者語小鄉者曰我大鄉觀音應稱姑汝
小鄉觀音合稱姪女真堪絕倒鄉愚好勝無知今古
遂有合轍

有南昌新舊守交代同席一公目之而笑曰此乃出
像滕王閣序也一箇是南昌故郡一箇是洪都新府
可爲雅謔

陳公士奇字平人又字弓甫漳州人驚才異僻談論
鋒生駢語詩篇十行立下辛巳秉憲贛州其居官廉
潔有人所不堪者題一聯於內室云任僕輩衙中終

日嘗爭七錢肉免民閒地上三年剝去幾層皮蓋公
署內約童僕三十許人而每日僅市肉一斤也時贛
有縣令陳姓而墨公日數之謂當論罷令畏甚念公
非貨可悅而別又無所以中公心乃購公舊房贖熟
讀十數藝他日故挑公論文公曰汝何知者令曰若
公文則絕代所無令雖不才猶能憶念隨口瀾翻儼
如宿記公不覺改顏禮之且成知好公固自負文名
故爲所餌而令之所以中公者亦巧而黠矣子極辱
公文字之知壬午遷視學蜀中約子同行子以祖母

昭代叢書已集仁恕堂筆記卷第二十五世楷堂藏板

老辭不果去臨別子賦五言古詩二十韻送之公忽
拂然見顏色子急不知何以久之閱竟乃大言詩非
不好此官成之事秀才家便做他將何功夫去辦舉
子業子乃感而欲泣前輩汲引後進一片至誠之心
如此聞公在蜀爲學使則專談兵及爲巡撫又專談
文時獻賊逼成都朝議急遣人代公新撫至不十日
而城陷公已出境聞報大哭曰十日而城破豈新撫
事仍我責也繼住重慶爲賊所執賊嘗之曰陳窮鬼
爾在任子不破城正欲生爾爾反自來尋死也公罵

不絕口與蜀王各縛一柱碎而殺之公才如鮑明遠清如吳隱之忠如段秀實他日作史者不知當置公何等

閣部呂公 大器 號東川蜀人丙戌唐王稱號福州公

亦入閩見時事不可爲遂辭去至臨汀予得見之每一談時事言與淚俱其贈予詩有細雨霏霏已浹旬豈疑天日久沈淪又曰會看君文成鳳彩漫云我技參龍馴感慨之旨可見時有以口舌得官者舊屬公薦拔卽貴顯十及門終不一見行李半肩扁舟東下

昭代叢書

已集

仁恕堂筆記

卷第二十五

世楷堂藏板

子送之河干執手太息曰異日相逢想是麻衣草履矣揮淚哽咽不能出聲風規舉止真大臣也舊閱小史載廣明之亂黃巢得脫身爲僧後有人於天津橋上見其賦詩云二十年前草上飛鐵衣拋盡著僧衣天津橋上無人識閒凭欄干望落暉此乃元微之贈智度師絕句也下三句皆同唯首句云三陷思明三突圍耳不識何爲妄改附之黃巢想亦其徒爲之如張魯云兵解虛循以爲水仙耳

甘州城西南隅有忠武王廟俗呼爲土主廟其封號

不知所始舊碑傳爲西夏神其神羊首人面郡人事之甚謹前明定襄伯郭登鎮甘肅辨以爲丁甲之神謂丁未神號無比仁至真君故戴羊頭冠偶讀至山海經云凡西次三經之首自崇吾之山至於翼望之山凡二十三山六千七百四十四里其神狀皆羊身人面其祠之禮用一吉玉瘞楮用稷米則土人呼土主甚爲有據惜定襄見不及此

昭代叢書

已集

仁恕堂筆記

卷第二十五

世楷堂藏板

何元朗叢說稱李西涯當國時冬月入朝至長安街崔後渠爲編修方在道上酣飲西涯至後渠拱立輿前曰請老先生少飲數酌以敵寒氣西涯卽下輿連進數觥方去時以爲脫略風流記唐雜記載一縣令遊寺見僧房宇蕭灑意頗從容一狂僧出曰僧房似水喫三杯去令嫌其無禮而扑之判語曰僧房似水叫下官權飲三杯王法如爐請上人且喫八棒試想朝士填集天色平明一翰林酣飲路傍遮宰相停車浮白成何樣範此翰林不八棒足矣奚風流爲進賢相國傳公 冠 於順治丙戌冬就義汀州其身爲里人收瘞首寄縣獄有典獄吏朝暮焚香祀之一夕

夢公辭獄吏曰兩年受爾辛勤今我欲還鄉矣吏神其事具以白令不半日而得 俞旨許其歸葬矣起攢棺改襲身面如生無穉米敗席公就義從容詩文若干篇子業師李元仲刻之成帙公蒙難經年惟藏一小金簪托逆旅主人歸其幼子而已

沿邊墩臺極為要害日夜瞭望寇至舉烽永樂十七年七月十二日特降敕書各處煙墩務要增築高厚於煙墩上取貯五箇月糧食柴薪并置藥弩於上就煙墩傍邊開井外包圍煙墩相平使外面望之只是

昭代叢書

已集

仁恕堂筆記
卷第二十五

証

世楷堂
藏板

一筒煙燉不知其中有井務要堅厚勿致坍塌故地不敷丈兵不三人儼然一巨堡也今營制廢弛將備不過遣一老卒應故事墩軍每日下墩沿村落市飲餓數枚充腹而已歸葬至墩下可一人縛之以去即不然一人當門守之不兩日墩軍飢渴死矣

時與守邊將校坐談云守邊雖恃馬力而取捷全在步兵西人以馬為命一離馬則趨走健捷不如漢兒決不敢下馬搏人凡遇敵五十步外步兵立定陣腳用強弓大炮一齊競發敵一騎倒則齊奔逸所謂敗

不差走也然後用馬兵追之則百戰百勝讀漢書云李廣李陵遇敵急皆下馬解鞍不獨設疑欺敵蓋亦取勝之道也

鱒魚產江水中江西惟南昌縣河泊所一處有之上下不過十里而已此魚非土產必溯江水而上但自湖口入鄱湖由吳城抵會省約五六百里曾不獲寸鱗而必網之於河泊所豈此六百里地鱒魚皆潛行而過耶此極理之不可解初出時率千錢一尾非達官巨賈不得沾箸陸文裕公菽園雜記謂江西人以

昭代叢書

已集

仁恕堂筆記
卷第二十五

美

世楷堂
藏板

鱒魚為瘟魚棄之不食不知何所聞

同邑林公有戲號笏山博極羣書有知人之鑒後以明經仕為學官有詠懷一絕云綠楊千樹水續紛黃鳥一聲山寂寞試叩柴扉訪故人此身便是遼東鶴高致絕可想見每欲於諸孫抄其全彙未得

同邑康公 諱以乙榜入太學江陵張文忠公延之西席鼎甲兩翰林其門生也後謁選得和州守年滿乞歸兩翰林請於文忠欲為其師地文忠曰康先生和州三載宦囊滿船矣康公負氣人人仕籍後從不一

字入政府且性冲淡致政歸產尙不及中人以炙手可熱之時而恬退如此前輩高風豈易及哉其子時亦舉於鄉清文勝氣名噪一時

甘山署左爲度春堂故多隙地宜菜引水通池時其灌溉有葱有韭有芹有芥有胡荽有苜蓿有蘿菔有枸杞有瓠有茄有赤根有紅白芍藥有莧有扁豆有萱有葵葵土人不解食閩五月初七夜與兩兒及吳人宋又玉會食堂中命奴子引燭摘而煮之流匙甘滑七箸爲空因憶子瞻在黃州與子過種菜半畝終

昭代叢書

已集

仁恕堂筆記
卷第二十五

菜

世楷堂
載板

年飽食爲作詩曰秋來霜露滿東園蘆菔生兒芥有孫我與何會同一飽不知何苦食雞豚當斯絕塞天邊干戈密如麻竹猶得父子友生燒羊油燭說閒話飽噉菜粥侈矣哉天之相吾父子也因筆記之他日亂定歸里聚首邱園間數往事取其日月而覆按之亦可引首而一想也

長兒

文遠

手抄古史若干卷鼓篋雍中攜入都門甲

寅十月省余張掖時聞余將赴洮岷因畱其書於皋蘭旅舍繼皋蘭亂起擬此帙并付咸陽一燄矣乙卯

五月之二日有鸞其書於張掖市中者乃以青蚨五百贖歸之書遊萬里時接亂離故物頓還青氈無恙天下何一而非數哉家園萬里之隔聚合應自有期或將以斯篇爲兆乎

前朝功令最寬如演戲不許扮歷代帝王聖賢此載在刑書也若武宗南巡係當代人主竟演登場矣宰相入串本惟分宜父子最盛大約皆譏詆之詞至於商文毅三元記尤可笑別紀載文毅公父爲府吏時太守遙見吏舍有光迹之非火翌日問羣吏家有何事云商某夜生一子太守異之語其父曰此子必貴善撫之且事非遠代其家傳誌在人耳目而院本裝演種種不經且公後代人文輩出何不能舉其坊本而燬之死後是非誰管得滿街爭唱蔡中郎作俑者誰是耶

昭代叢書

已集

仁恕堂筆記
卷第二十五

菜

世楷堂
載板

言邊產曰野馬黃羊黃羊毛不堪織肉味比家羊稍淡又有石羊一種矯捷騰躍非羅者所能取多以火鎗獲之其皮細膩如稍染色久不毀爲衣韞材輕且軟非江以南麋鹿可比若葉文莊所云甘肅一帶有

養羊取其腹脂而羊復生則目所未見卽問之士人無有也比見寧波顏六息云涼州爲人牧羊者擇羊肥脂者私刺其腹流脂可半合取爲膏燭之用羊雖瘦損而無害則是隨羊皆可取又不獨養羊矣

哈密在前朝爲衛雖屬要荒替襲皆隸兵部近今則羈縻而已其入貢有期貢之物爲玉爲馬非獨充庭實其意多在攜彼國之物貨中土茶布以歸利不貲也康熙十二年貢使過甘來謁余察其一二入色似

通漢語者再三詰之則云原係熟狗因亂後還本國

昭代叢書

已集

仁恕堂筆記
卷第二十五

堯

世楷堂
藏板

且有妻在肅數年來一視之貢玉有重至六十斤者肅州河亦產玉人多取之爲器具形質較玉少麤其溫潤者亦竟亂真尙書三危旣宅厥貢惟球琳琅玕孔穎達疏以爲瑯玕石似玉者恐卽此也

古燉煌卽今瓜州沙州城去肅州九百里玉門關在肅州西九百里當時皆有亭障都護是在漢時張掖酒泉皆爲內地若老杜秦州雜詩云遲迴度隴怯浩蕩及關愁又云塞雲多斷續邊日少光輝觀其愁歎若此是其胷中不但視陽關玉門爲徼外卽視甘肅

已如絕域矣

晉末五涼呂光據姑臧卽今涼州乞伏據金城卽今蘭州蒙遜據張掖卽今甘州方圓不過二千里地當時各自立國俱有百職官司且史盛稱其宮室殿亭女謁賞賚華靡之費且彼此交師用兵或至十萬二十萬又各屢月經年其才力必不能取資中土不識當時何所置辦歲康熙乙卯逆賊踞河東河西大師進勦兵不滿三萬協濟之銀不至者纔七月而官司告匱運輸難於鬼工借貸幾如戶索乃古今不同如此

昭代叢書

已集

仁恕堂筆記
卷第二十五

聖

世楷堂
藏板

人謂文文山正氣君子而名其子曰佛生道生殊不解有一事極相類歐陽文忠與一僧坐次極論佛法之非僧曰公不好佛何名其子曰僧公笑曰正如名子以奴以夫賤之耳

維揚福緣庵僧德宗言之者愛憎各半而余所見則稍異辛卯春余與業師楊叔夜以應貢赴都偶與楊公閒遊至庵中公與余皆科頭跣履不殊行商德宗忽延入揖坐曰兩公皆入京廷試者指楊曰不日得

官可二子送老指余曰科目中人筮仕多在江西楊公廷試後卽就教職時正艱舉息後果得二子而沒余以甲午舉於都門初授得司李信州而改授又得吉安永新令何其言之不爽若是

蘇子瞻均戶口策略內云爲今之計可使天下之吏仕某官者皆徙荆襄唐鄧許汝陳蔡之間今士大夫無不樂居於此者此所謂因人之情夫古人輕去其鄉卽小民猶願生斯哭斯寧食建業水不食武昌魚今欲使士大夫無故去其生長之間里墳墓而遷徙於千里數千里之外豈所謂因人之情乎考子瞻以盛年通籍中閒惟居老泉憂一還故國其後數十年曾未一履里門始欲居洛陽繼欲居常州蓋就其已之所願而樂之人人安在可行也

余同年桐城方君兆及字子詒仕爲濟南僉事卒於任聞其偶得小疾卽自刻死期飭胥吏治文書算錢穀又自詣總河制府謝辭見吏託以妻子一日坐堂皇左右班立而目已瞑矣問之君宗人與三亦云然子詒余甚熟其舉止功名士也何生死之際乃能若

昭代叢書 已集 仁恕堂筆記 卷第二十五 世楷堂 藏板

此繼見無可和尚亦君宗人以爲宿根所帶信然湯武罪已其興也勃焉桀紂罪人其亡也忽焉舉心開口祇見得人不是自己便有七八分不是矣

偶及歷下弇州竟陵數君子詩文近爲射的又經諸方摘謬糾遺真覺無計解免時一山僧在座曰這幾位老先生莫是生前於過去諸賢筆底口頭不曾輕易放過其中也有些小小報應處無心數語極可思量

余理信州濫獲聽斷之名所傳二三奇蹟皆古人陳事而妄附麗於余者過情之聞心嘗媿之繼令永新亦有瑣事堪記者二一丁姓妄控劉姓悔婚蓋鄉俗傳紅之日則各裱一手卷爲憑書兩姓之男女生辰其上丁與劉實鄰舊女之生辰素所熟也控之郡長監司舉手卷爲證而其中證又左右袒兩姓爭持卒不能決繼發余訊予先呼媒證問若媒乎當時劉得丁姓聘禮若干丁姓會親所請何客媒證出不意妄舉以對繼復呼丁姓者問之所對與媒證各參差固知其情之僞矣丁仍倔强不服予乃擘其手卷之軸

昭代叢書 已集 仁恕堂筆記 卷第二十五 世楷堂 藏板

頭視之其竹色青猶未落子笑謂丁曰若果訂婚三載卷軸竹色如新此非爾月內偽造者乎丁乃低頭服罪遂重撈之迄子任三載而丁不爲怨離縣時猶依依送百里外也又兇徒左梅伯者爲縣吏有叔豐財而吝梅伯鳩賊劫而殺之叔固無子梅伯佯爲之經理其喪繼獲餘賊始知導引者卽梅伯而梅伯聞信已逃矣子履任其叔之妻哭而訴於庭子旣受詞陰迹梅伯所在則匿於鄰縣安福之宦家者二年因思若再急之則轉送而他遠徙予故爲緩詞曰此舊

昭代叢書

已集

仁恕堂筆記
卷第二十五

聖

世楷堂
藏板

毋怪官有梅筆也梅伯遂伏法蓋梅伯憑借勢力爲援而左右又多爲之耳目使當時急一追索則遠舉固匿終身不一獲矣

晉江黃相國東崖余曾見其所著國史唯疑於周元亮先生署中書約一尺許所載皆前明典故蓋相國久典著作晚席端揆事節皆所目擊固信書也元亮先生曾許爲之刊行卒不果今相國旣作古人而周先生亦下世三載不識此書相國家尙存副本否相國於更代後酒後風生不無緼獲之感與元亮先生

昭代叢書

已集

仁恕堂筆記
卷第二十五

聖

世楷堂
藏板

席中曾一齟齬繼各以啓事謝過周先生啓中有曰傳書之約老人發怒其後期又曰不覺清酒三升狂談遽發蓋道實也

近見相國長公知章云舊書經亂散失不全李子化舒云三山高雲

客抄有
副本

會典開載凡農家許著綢紗絹布商賈之家止許著絹布如農民之家有一人爲商賈者亦不許著綢紗蓋前王陰寓重本抑末之意今無論細穀輕紈商賈恬不知爲僭妄且士而賈官而賈者何限販豎暴於金貂邸店燦於川陸風俗民生亦可重爲歎息矣

乙卯平涼變起逆據秦州 禁旅合圍者五閱月城中糧盡殺人而食時吾友寧波顏六息從軍幕府書來云聞城中初食馬馬盡食人肉價八錢一碗食人固不忍聞而賣肉者以八錢定價不知此輩得錢更從何處用也

語云虎欲噬人先令其畏而後取之極爲有據余佃戶葉姓者夜飲醉歸一虎蹲踞其門誤以爲犬也舉足揮之虎遂弭耳而去次早視之則虎迹也丁酉春余在上杭有梅田洞一章姓爲虎所銜越五十里至

昭代叢書

已集

仁恕堂筆記
卷第二十五

豐

世楷堂
藏板

一寺門虎委其人於地章呼寺僧求救甚急僧從門隙中望見虎反鍵其門不爲理虎又銜其人還之於家計二日往返將百里膚體曾無稊米傷亦異事聞章姓今已披剃學佛後縣令知其事將不救應之寺僧羣聚而各杖之

儀狄始造酒茶之名未立也盛於唐精於宋煙之名始於日本傳於漳州之石馬天崇閉禁之甚嚴犯者殺無赦今則無地不種無人不食約之天下一歲之費以千萬計金絲蓋露之號等於紫笋先春闔市什

一之征比於絲麻絹帛朝夕日用之計侔於菽粟酒漿不知數百年後此種有消歇時否又不知數百年後更有何物爭新出奇如煙等類者否江河日下運會無窮千載茫茫真可浩然一想

宏間於先王母張淑人云先曾祖左泉公修頤方面中年謝家政惟從里巷二三老友杯酒結歡時時口中詠兒孫自有兒孫福莫爲兒孫作馬牛卽解衣就寢猶誦數百十遍不止子偶舉以示兒輩長兒文遠起對曰此正祖宗極念子孫處一刻不忘故時誦舊

昭代叢書

已集

仁恕堂筆記
卷第二十五

吳

世楷堂
藏板

語自爲排遣耳宏極然其說爲之悚然起立崇禎初年里中一不肖子爲無賴所嗾訐其父於郡司李公司李固多欲者而子訟遂勝有無名子作一絕日子告父兮父極刑法官想自出蟬蛤寬刑消得金千兩此律原來出孝經不數日民間皆傳誦之巡方風聞特糾而司李遂論死謫詩亦登啓事訪書匿名固令甲所禁而問官顛倒致來人言亦足恥矣南昌滁槎有梅相公廟廣不數武其神最靈相傳爲漢將梅銅也歲首鄉人必虔而請乩降七言長句一

二首其一歲之水旱豐歉至科年則十三郡之科第
多寡莫不畢驗若戊子金聲桓叛亂則竟直書其事
矣近更傳爲舒梓溪狀元芬所憑其筆勢時有似公
舊作者

余叔振三先生孝弟人也事王母不敢違色笑事先
大人甚恭先大人病制臂露禱祈代死蚤茂文名噪
甚公卿爭求識面吳中張天麟及陳蝶庵曰閩中榜
開即明白填黎振三榜上亦不謂私其爲四方推重
如此性急功名愛朋友凡以空乏請者卽典鬻應之

昭代叢書 已集 仁恕堂筆記 卷第二十五 吳 世楷堂 藏板

無倦色歲戊辰山賊暴起將犯郡城先生破產募兵
得二百人朝夕巡守郡城恃以無恐時賴制府洪公
兼 折節禮之而太守宜公 過敝廬商略機宜
無虛日門祚衰薄先生遂卒於壬申歲年僅念八耳
今公卿既不輕下白屋之士而士亦不復自愛重誰
謂雁門太守不如一縫掖耶

郭公 之奇 字菽子湖陽人以翰林出爲禮部郎再遷
督學閩中蓋不得於烏程也按試長汀學題爲侗而
不愿悴愴而不信余試牘微用張禹廬祀故事公拔

置第一批其牘曰竟是烏程一幅小影時員嶠尙當
國而公直書不諱其崖岸峻厲不以屢挫易其節如
此按試兩非諸生從無一人以倖進者壬午科試時
鄭成功尙爲諸生其父芝龍已封南安伯炙手可熱

百方乞公置成功僚廩卽撫按兩司長亦緩頰及之
公奮然曰豈一廩生遂能羈縻南安乎卒不許成功
僅以二等應試 大清應運公出入兩粵滇黔之間
數年繼入交趾遂爲大師所獲送至粵西省城時兩
司都縣多閩人俱公門下士多方曲譬公正色斥之

昭代叢書 已集 仁恕堂筆記 卷第二十五 吳 世楷堂 藏板

惟杯酒賦詩俟命就義之日慷慨從容而無改色康
熙元年八月十九日也莆田薛生 英舒 親見之
相傳萬歷乙卯莆田有林生名俞門者中式其房師
俞姓也甚怪之見問問林生命名之故林曰先祖生
某時云他日俞姓之門生也故命名若此俞驚曰若
祖非前官風憲而白髯者乎林曰然豈先生與某祖

舊識耶俞曰此亦大奇昨在試院中數夢一白髯而
衣豸繡者相見輒曰小孫求作養不意卽君祖也今
閱視技山志怪錄載黃尙書事正類此祖父縈念子

孫卽數十年已燼之餘魂尙爲之句乞科第則生前竿牘紛紛正自不怪耳

衣帛中見火人多以爲祥今靖逆侯張公曰此不足異貂鼠被服寒夜偶拂拭之則火星數百點隨手迸發後余在甘州署與西江馬生長如各親見之數次新羊皮及新絨衣皆有之乃知又不獨貂皮爲然

莆田林君華鏡余同年生爲余言某會主鄉試

於粵西其沒已數十年有藩幕乃科目謫官一日至

請投門生刺於其家其家檢乃祖試錄中無某生名

昭代叢書仁恕堂筆記已集卷第二十五 晁世楷堂藏板

也意或其家之子弟肅客以入問其故云前生名某

會中某科某公座師也舉座駭然亦不甚信林固

衣冠望族取其先世之像十數幀及主考粵西者之

像雜試之某獨請主考前展拜殷勤垂涕不止夫再

生之事固不數見而且更認其前生之座主更屬奇

聞

夜者日之餘正不當以餘視之古人謂顧惜光陰光

言日陰言夜也歎戚悲歡平分各半毋論高懷勝賞

秉燭觀遊卽或書聲燈火閒話通宵滿盡更餘回思

往事肯細細隨時體貼人生百年中三萬六千場便可做七萬二千場算矣

記侍教於周元亮先生偶問曰豺聲人皆知之何云蜂目衆以露睛凸出爲對先生曰若是則蜻蜒蠅蚋皆可當之蓋蜂欲螫人則左右營營徘徊閃爍故耳遂舉一二蜂目之人驗之果然蓋古人之語習之而不察者蓋多矣

傳稱前明有萬君石梁爲湖州太守見一州官白事

誤呼巡方爲老爹石梁而叱之今則老爺之稱盈耳

昭代叢書仁恕堂筆記已集卷第二十五 辛世楷堂藏板

初則以呼上官繼則平等相呼今則井上而呼下矣

大人先生之名已幾絕響記余入官之始尙不盡然

俗忌正五九不上官云起於唐制正五九月不宰牲

故繼讀北齊史載高洋篡東魏將以仲夏受禪或謂

之曰五月不可入官犯之終於其位宋景業曰王爲

天子無復下期豈得不終於其位乎則是相沿已久

不始於唐而又不獨爲不割牲之故也志之

黃溥今古錄載永樂末詔取學官考滿乏功績者審

有子嗣願自淨身許入宮中訓女官時有十餘人後

獨王振官至太監王振之惡備具史冊而云出身教
官此事未經聞見至奉詔以教官淨身供奉內庭尤
從古未有之事

永新前令莊公祖誥蜀人服官廉謹一日正坐堂皇

忽一老人氈帽直履策杖而入莊公疾趨迎之左右
侍吏咸不知所以公擁老人進後宅拜跪惟謹老人

曰若父恐爾不能官年老不能自來令我執杖視爾
昨至縣兩日知爾與百姓頗相宜稍不謹則杖爾而

歸矣莊公受命唯唯乃知係公母舅也言已遂起身

昭代叢書已集仁恕堂筆記卷第二十五至世楷堂藏板

出戶莊公跪懇再三曰數千里相過寧忍遽去老人

為勉畱一宿次日遂行為請介舟與亦不許莊公徒
步送之數十里外牽衣慟哭而返嗟夫是父是子是

甥是舅近代寧有第二人乎莊公後仕至南少司農

吾汀與豫章接壤凡見迂闊拘牽者率名之曰牛毛
先生及余令永新乃知為劉髦先生而外郡稱傳之

誤也先生即永新文安公定之之父所傳授室之日

舉燭告天曰為宗祖求嗣途中遇雨愈緩步安行曰

寧可溼衣不可亂步問之邑人皆其實錄

臨川進士吳生天璧以癸卯舉於鄉余本房所取士

也未揭曉鄉人咸夢其得雋云吳家八年舉人吳忌
八年之識不欲赴公車余勉之入都遂登庚戌第計

癸卯至庚戌正八年耳又新建進士夏君以鋒屢踏

選場時夢鬼揶揄之曰爾靠文章如何想中心不無

恨恨繼甲辰令下改八比為策論夏自負其必捷也

已而果然

青原山在廬陵縣河之南十里邑之紳士奉無可和

尚住之無可即前明翰林方公以智也祖庭故有荆

昭代叢書已集仁恕堂筆記卷第二十五至世楷堂藏板

樹枯謝已數十年無可至則榮茂如昔辛亥正月忽

有虎入寺中嚙韋馱一足而去及夏無可為他事臺

累遂卒道中學佛人當在死生榮辱之外而卒不能

逃禪祥眈兆之中何也

夜卜即唐人詞中所謂鏡聽思思太守趙公名鉞號

懷泉余妻家從祖科試時有夜卜獲雋姓名者值一

人舉燭行月下一旁人曰爾照月耶而公果入殼公

以十九登賢書從縣令起家歷民部郎至太守二十

五而入仕五十而告歸適當入覲自乞身於大部旨

下日他罷者皆潛身出都公獨投名單鴻臚辭朝謝恩而出人以為榮真太平盛事也公歸林下三十餘年壽至八十四而卒

晉江御史楊公旬瑛故大學士景辰子也學士艱於

進取年已壯尙未隸庠序偶夢一人持斧至其家詰且而御史生學士語其夫人曰吾讀書數十年而難一諸生且夢持斧人而又舉子他日一樵夫耳心甚不樂繼學士驟貴而御史以丁卯舉于鄉數上春官不第因祈夢於神夢神引之詣一井令其自照見已

昭代叢書已集仁恕堂筆記卷第二十五 誦世楷堂藏板

髮已薙而所衣則錦繡也自意後或以僧終乎而錦繡何故 本朝改衣冠而公遂登己丑榜改庶吉士辛卯散館公曰余先公夢持斧而生余余必列臺班矣已而果然此公之親語於余者

再生奪舍之事惟河以西最多蓋地近西域也曾於鞏昌大參李公署中指一僮相示云此再生者前生之父母現在此僮舊事尙歷歷能記甘州廳一門役馬姓病篤忽一日聲音非故妻子皆不復認識佛呪喃喃不絕於口後去為喇嘛在肅州出家此則奪舍

者也

宋處士魏野贈當代使相詩極為有名其贈寇萊公曰有官居鼎鼐無地起樓臺然觀萊公居服甚侈花臘燭之名尤擅天下居節度日登歌和樂身著柘袍如此舉動豈不辦起樓臺者

唐書記載或云運米萬斛或云得糧三萬幾千斛獨不見擔石字面後閱齊書祖暅計殺咸陽王斛律光密為謠言曰百升飛上天琤因諧而解之曰百升者斛也蓋百升為十斗十斗為一石則唐之斛即今之石也今制皆以五斗為一斛斛式頒之戶部歲秋成官司銖黍較定然後頒各郡縣敢出入增減者論如法

昭代叢書已集仁恕堂筆記卷第二十五 誦世楷堂藏板

俗文謂日月為居諸是以助辭為正義矣謂兄弟為友于是臨文而歎後矣即名賢筆墨亦多不免若吳越人呼人婿曰令坦蓋用王逸少東牀事則語意更謬古人謂婿為倩妹夫為妹倩倩者美也未見今人有呼之者

凡人之不慧者北謂之傻南謂之猥而吾汀方言則

謂之杏莫詳其義久乃悟之蓋謂呆也呆字嫌於直指故轉口於下而名曰杏乃知里語方言細思各有義意人坐習焉不察耳

嘉隆閒徐公子與為汀州太守宗公子相督學閩中

按部臨汀日與徐公選勝賦詩邑諸生黃君公甫字

心湖文章雅士能為大書兩公載之與俱杯酒笑言

無閒日今朝斗霹靂諸巖兩公詩版纍纍皆心湖筆

也一日試案揭心湖僅列平等宗公為一拱手曰未

曾高拔心湖固不肯私干而宗公亦不私為去取前

輩高致如此

昭代叢書已集仁恕堂筆記卷第二十五世楷堂藏板

余聞同官巫公繼稱云其鄉有余君名彥者與李君

名履素者為舊交一日偶值於途李謔之曰一春魚

雁無消息余即起揖曰义手忙將禮數迎崇禎中有

馬平葉公璋令長汀梁谿王公行可令武平王綠事

論罷葉往諗之笑曰為甚的武陵平人抱悶悠悠王

荅曰長亭汀短亭那管人愁悶一用浣紗記語一用

玉簪記語隨口便給真雅謔也

新建徐巨源先生名世溥本公卿子年少時才名驟

起然織言惡謔頗為世忌南昌舊相劉文端公子假還里製一舟於東湖榜之曰水月觀他日徐見之笑曰此水月觀音現真開府相公家也文端時在揆席而其兄正開府浙中文端聞之即日毀榜

江陵張相沒後言者交攻家籍沒且戍其子當時亦

有議為泰真寡恩者其子翰林懋修適戍所途中歌

詠語多感激不平逢萬字聖字率皆倒書南昌生述

萬壽宮壁間一詩尙在翰林固昧於臣不仇君之大

義而當時文網之寬尙可想見

昭代叢書已集仁恕堂筆記卷第二十五世楷堂藏板

永定吳君某高視不羈為人豎眉抗爽與余通家舊

好也論文以五行相配故自號五宗道人偶飯僧見

一遊僧能兼數十人食心異之遂延至其家僧多幻

術吳留之數月冀盡其學吳之內人殊不喜所為屢

止之每具盤飧不無詈讓僧輒先事而知吳益神其

術一夜同僧坐吳欲入內寢曰奈重門已扃何僧曰

無難也書寸符於吳掌中門隨掌啓直至房闔其妻

駭然不數日其妻病且卒殮畢僧辭吳他適有鄉人

於百里外見其妻與僧偕行形色慘瘁泣涕不止遣

人尾之蹤迹杳然隨啓墳驗視一空棺而已書之爲
好奇者戒

雲間王勝時爲余言郡中宋孝廉幼清任俠多計數
常有事於蘇州迫除夕恐不得卽抵舍欲泛太湖以
歸而湖中又多盜乃市數面具并多市燈燭于舟中
自服五通神袍服令僕從帶面具執旛旗左右侍門
宵四起燈燭熒然戒其僕從曰如遇盜但疾棹以進
不得聲一語也至夜中果有盜船數隻尾之見水聲
發發而舟中寂無人聲甫近舟望見率曰神船神船
皆遁去蓋俗事五通甚謹而又有神船常夜出之說
故詭以示之也又聞戒子孫有約云易代後有出而
仕者不得履吾墓今有至大官者率不敢展謁亦偉
士也

昭代叢書

已集

仁恕堂筆記

卷第二十五

世楷堂藏板

每見士夫家斷玉殘銅用錦綈什襲珍重示客云此
某代某朝物爲之一笑唐人故實載有司馬承禎天
降白雲車及張騫乘海槎皆收在內府一時誣妄之
談不知何人復杜撰其物以實之遂爾荒唐標榜藏
弄上方

相傳李自成犯燕京自操矢射大明門以下非分之
福因記漢天福開護國節度使李守貞謀叛引弓指
砥掌虎圖曰若吾有天命當中其舌一發中之僭亂
奸人舉動相同如是

河西在處多番族故回紇種也久居內者曰熟番族
大者種牛馬羊至千百蹄織毛毯爲屋繡漫山谷間
遠望若魚網然婦女面目猗惡多備於漢人家計其
值日不過升粟也常服亦皆毛織者首飾間雜白金
爲之綴以車渠編髮亦如西人惟閨女則髮數十根
爲一辮細膩整齊離離可數此輩雖住內地猶屬西
人若中國之佃戶焉歲一至取其產畜爲賦名曰討
天巴西人內犯率番族爲之耳目亦勢不得不爲之
驅使耳有罪則官司逮問至公庭率匍匐蛇行不敢
仰視受鞭杖計其苦若更甚於刀鋸自辯理則曰我
是白人白者言無罪也宋談苑亦云羌人以心順爲
心白人心逆爲心黑人

昭代叢書

已集

仁恕堂筆記

卷第二十五

世楷堂藏板

昔人謂韓退之獲麟解云角者吾知其爲牛鬣者吾
知其爲馬是全學史記老子傳烏吾知其能飛獸吾

知其能走諸語余謂不獨此卽諫佛國表第次年代亦全用尙書無逸篇中句法李臨淮視師壁壘一新豈真盡易汾陽之旌旄部曲哉亦願其變化何如耳鶴胎生兔口生兩物人畜之者甚多而卒未有定其說者豈鶴畜於家遂不孕而兔多夜產人不及見之耶近至西嶽廟見道士畜二鶴雛皆抱卵而出不知胎生之說今古何緣謬誤

塞上人以餞別爲重禮或宦遊南去賈客東歸率皆攜置樽罍招邀郭外紅氍密地毳帳如鱗荒墩古戍

昭代叢書 已集 仁恕堂筆記 卷第二十五 藏板 世楷堂

之閒旣易生其淒感人圍馬住頗極纏綿更時有密識妖姬牽驢道左偷啼背面送曲添杯行者停車助其歎悼登高望盡惘惘歸途此猶古遺風亦邊人之善俗也

韓昌黎倔強一生半語不肯假借如詠謝自然詩則曰人生有常理男女各有倫下以保子孫上以奉君親是欲使飛身仙女斷勒成婚送僧澄觀詩則曰向風長歎不可見我欲收斂加冠巾是又欲使面壁道人卽時還俗奇情橫理真無奈此公何也

漢之亡也劉淵起而蒙劉姓仍漢號曰吾漢外甥也爲漢建立宗廟唐之亡也李存勗起而蒙李姓仍唐號曰吾唐賜姓也爲唐修復諸陵人皆出於外邦事皆起於易代古今興亡關鍵遂有相同若此者

考察大計前明時有以太常卿奉敕典察者有以別部侍郎奉敕典察者自王三原後事權乃歸銓部其進退黜陟亦不盡由撫按撫按乙者大部得甲之撫按舉者大部得黜之蓋時四司官固分畿省而又多屬人望今一聽之督撫品題大部曾不能爭一與奪

昭代叢書 已集 仁恕堂筆記 卷第二十五 藏板 世楷堂

猶云閉門磨勘或以年歲參差考語互異少一駁查竣事正魏薛琬所云勘簿呼名一吏能了之耳

乙卯蘭州之變其首逆爲馬洪吳承印先是平涼提督兵潰於甲寅冬十二月初四日殺督師經略莫公洛於寧羌州隨返戈而西據秦州繼據平涼遊騎已抵伏羌會寧間南北路皆斷河東西一日數驚叛人意欲待蜀兵大至恐河西兵猝起乃貽撫軍及提鎮書抄其待罪疏彙云已約束兵馬靜候處分計寶綬師也又適奉 詔旨許其湔雪撫軍恐進師逼之亂

將愈速乃止援師境外然各路之兵抵蘭者已五千餘矣正月遂陷鞏昌二月之一日守將曾文耀叛又陷臨洮撫軍遣左右營守備馬洪吳承印領兵駐防沙泥站站去蘭一百二十里文耀前撫標守備也與洪承印故密文耀叛而洪與承印遂亦陰與賊通事稍稍間撫軍防之急時將兵在外又勢不得即撤遣左營遊擊張大選即其營撫慰洪與承印各出不遜語且劫大選歸賊大選詭計得脫然猶在沙泥站未敢遂逼蘭州馬洪者狗種精悍善騎射舊隸甘肅總

昭代叢書 已集 仁恕堂筆記 卷第二十五 至 世楷堂 藏板

鎮孫公思克標吳承印則靖逆侯張公勇家奴也多計數亦便弓馬皆撫軍親所拔識置標下久屢積功至守備歲時且受撫軍裘馬金錢之賜無算因憤撫軍不見信遂自疑貳與賊附緣二月之四日各路兵在蘭州者咸洶洶無鬪志適聞城外砲聲遂相率倡言賊兵已至東關坡矣少間又曰賊已離城二里矣撫軍華公善泉司伊公圖計曰即在此誰與守者徒死耳曷若西而請兵遂渡河而西時河橋久拆春冰初解男女奔潰號呼而不得渡且胥溺者若干人洪

與承印於初六日始引兵赴郭外猶未敢入城繼見市里空虛與承印頓足曰上官西去帑藏一空即非我輩而罪皆坐我等死不能自矣遂與一二叛將為據城計時河西提鎮三路之兵俱集莊涼會商并進西寧總鎮王公進寶先引數騎至安寧堡堡去蘭州僅四十里公欲乘賊謀未定出奇計潛兵渡上流破賊諸將卒以河流洶湧公大將勸公少留公慷慨曰國祚有靈我當得渡如天意佑賊我死亦分也涕泗橫流縛木作棧跳身先上諸將士不得已隨

昭代叢書 已集 仁恕堂筆記 卷第二十五 至 世楷堂 藏板

尾從之賊塘馬十數猝相遇不意王公身來也猶問西邊兵何時可至公手起刀落竟長驅直抵城下賊始斂兵入城三月三日提督張公遂揮兵肉薄以登城上矢石如雨不克上我兵隨移營龍尾山可俯瞰城中賊故示閒暇日奏鼓吹擁蓋巡城傳呼之聲達城外又令數婦人豔粧侍左右彈琵琶送酒時令一二無賴踞坐城口慢罵憤怒我師將軍與諸將計曰急攻之且傷士卒之半莫若先剪其援兵之路若不過自守遊魂耳何能為乃合兵環圍之而別出奇計

商王公潛兵取臨洮適孫公亦自蘆塘渡河取靖遠而洪與承印固守益堅城中糧料具盡取新木屑其柿和兩庫官茶以飼馬斗米至十餘金盡斧城中公解以爲薪爨城中饑民有欲翻城應者洪稽察嚴密卒不得出洪又有心腹數人每夜泅黃河而渡從間道走平涼請救六七往返平涼漫應之曰且固守援兵不日卽發矣平涼實自救不暇無能遣一卒也至閏五月二十七日我師復秦州提督張公逼鞏昌賊亦聞風輸款洪與承印力竭乃以六月二十七日舉

昭代叢書

已集

仁恕堂筆記
卷第二十五

五

世楷堂
藏板

西千里供輸之苦亦息肩何期哉洪與承印負恩助叛雖飯命或少可緩須臾死而卒以疑畏自戮其身逆亂小人亦足以鑒矣先大夫每言解元張考吾先生父稱長者曾除夕夜有盜入其家匿於戶後公固已目之乃令僮僕具米若干錢若干酒肉若干云欲饋一客也舉置庭中叱童僕退從戶後揖盜者出慰之曰知子家寒無以度歲慊慊之意幸不見薄更無令一人知也盜慚媿拜受而去公卒不以盜之姓字告人此與梁上君子事何異公有孫鯨中辛未進士今其家子弟皆守禮能文豈非盛德之報乎永定縣一少婦夜行爲強暴所匿其家緝之急強暴知不能隱遂轉而置之盧生日新讀書之外舍少婦抱媿自經官司收其婢拷之遂厚誣盧生生年少能文當事咸欲直之無能也適有一少年恤刑閱案泚筆大書其牘曰女子宵行豈無桑間之約書生夜遇難免柳下之懷承問者益不敢翻成案盧生坐狴狴幾二十年後有司理李公心疑是獄令聽審於城隍

昭代叢書

已集

仁恕堂筆記
卷第二十五

五

世楷堂
藏板

廟先繫盧生與婢兩犯於神座下傳令不許一役得
 近而李公先已隱入於神帳中聽所語盧一見婢極
 罵曰我與若何仇致我死地婢曰不得已也前已招
 承今何敢改口李公得其情一鞠而白問官乘興一
 時批牘之詞遂使無辜滯二十年之冤獄可不慎哉
 可不慎哉盧生晚猶得貢出仕為教官

莊浪紅塵驛軍莊姓者有婦而寡僅生一女已許字
 人矣至十二歲忽變為男子女羞不能自明及就婚
 之夕其夫囑而問之官乃斷莊姓以聘禮還之夫家

昭代叢書

己集 仁恕堂筆記 卷第二十五

奎

世楷堂 藏板

聽其別娶而夫之母憐是女之婉變也又以其女字
 之今名莊啓盛現為莊浪廳書役女化為男固為妖
 妄而里中咸云驛卒之妻貧能立節天蓋不欲斬莊
 氏之嗣也近丁巳秋又有莊浪之女子十五歲亦化
 為男與莊啓盛事僅隔十年俱在莊浪不知他日應
 驗何屬

杜工部遊何將軍山林詩云萬里戎王子何年別月
 支月支即今甘肅地兩鎮志載并無所謂戎王子者
 而土人亦不曉其名杜註云戎王子即獨活然獨活

亦此地不產或云本草日華子即獨活一名戎王使
 者然杜詩云神農竟不知而今謂本草云云豈不當
 面蛇足古人詩文有不必穿鑿求解者類是

向從萊陽趨淮浦於諸城即墨道上見廢垠如城連
 山斷谷有小廟祀孟姜女問之土人云此始皇所築
 長城也按秦築長城在秦始皇之三十四年何以孟
 子七篇中先有華周杞梁之妻云云因思秦長城起
 臨洮抵遼東不應在齊楚之界又杞梁齊人何以入
 秦地近讀括地志載齊長城西北起濟州平陰緣河

昭代叢書

己集 仁恕堂筆記 卷第二十五

奎

世楷堂 藏板

歷泰山北岡上經濟州淄川即西南兗州博州北東
 至密州瑯琊臺入海然後諸疑始釋知孟姜所哭者
 齊之長城而非秦之長城蓋齊築長城非博識者不
 考秦之長城人咸知之故相沿至今而誤也再考列
 女傳齊莊公襲莒杞殖戰而死其妻枕其夫之屍於
 城下而哭十日而城為之崩既葬遂赴淄水死樂府
 有杞梁妻崔豹古今註云杞殖妻妹朝日之所作也
 梁乃殖字齊莊去始皇既數百載而梁妻哭夫又非
 為築城之故而唐貫休作賦遂云秦無道兮四海枯

把梁貞婦啼烏鳥不知何據云然而余定以姜之所
哭為齊之長城而非秦之長城亦意揣之失

南宋明帝以南苑借張永云且給二百年期訖再啓
是何等呆語若漢光武過湯沐地召父老賜復五年
父老請復十年帝曰天下重器常恐不任日復一日
安敢遠期十歲乎真帝王事也

偶讀漢書高祖時陳豨反常山二十五城亡其二十
城趙相周昌請誅守尉高祖曰守尉反耶對曰否上
曰是力不足耳其無罪 本朝功令文武不相統轄
昭代叢書 已集 仁恕堂筆記 卷第二十五 李 世楷堂 藏板

母論郡縣官不知營伍尺籍卽內地鎮撫亦不能手
名一兵平時無防範之司而多事豈能責其攻守之
力近滇黔告變屢墮名城 朝廷一切寬貸仗節者
加恩來歸者免逮仁至義盡亦遠符漢祖矣

今人不同於古者兩事古人家諱極重一語觸及則
飲泣謝過或官名郡邑適相值率不拜官若李賀父
名晉肅而忌者遂謂賀不當舉進士今人皆坦然不
忌卽帝后名諱亦臨文直書矣古人重門第如宋中
書舍人宏興宗為文帝愛遇帝謂曰卿欲作士人就

王球坐乃得判耳齊中書舍人紀僧真就武帝乞作
士大夫帝曰由江墩謝淪我不得措此意若近代雖
一輿阜突起躍馬橫金卽九世卿族不羞為伍古道
蕩然能無三歎

正月買新絲二月糴新穀最關民間利害予令永新
時方伯為劉公 謹 予告之曰舊例徵餉以二月報開
徵五月起解一半奈縣小民窮二月開徵則民間寫
租十石方能貸銀一兩三月則可減至六石四月則
不過一兩三石求以四月報開徵而五月解期仍不
昭代叢書 已集 仁恕堂筆記 卷第二十五 李 世楷堂 藏板

敢後是不過煩明公一紙展兩月開徵之限已為窮
民甯度日數萬之口權矣公素寬仁聞語惻然卽刻
判改

人有一點之怨於我我必欲報人而曾不思人欲報
我之怨者不知其幾輩也我有一點之恩於人便欲
人報我而曾不思我未報人之恩不知其幾輩也
陳子昂荆玉篇謂北征軍幕舍于張掖河河洲草木
無他異者惟有仙人杖往往藜生今余住張掖井無
所謂仙人杖者惟有草根一種形如黃連盤根屈曲

有若杖然邊人取之實邊豆且用之供餽遺名曰延壽菓俗又稱鹿袍草觀伯玉所云怪其味甜則必係此種無疑也近讀化書云枸杞一名仙人杖豈有子昂不識枸杞者定誤

向見小史載嚴分宜于江西鐵樹觀爲世宗修醮飛鶴繞壇事傳大內近見淮安黃蘭巖前輩云淮安羽流皆能爲之凡建醮則書符名鶴或十數隻或一二十隻不等飛繞醮壇之側垂頸伸足極翔舞之致又云名鶴之符與請乩之符無二所焚香用降真沈檀

昭代叢書

已集

仁恕堂筆記

卷第二十五

苑
世楷堂
藏板

雜狼糞燒之則臨空直上鶴故徘徊不去也

晉豫州刺史魯爽挾南郡王義宣叛遣使征北府戶曹板義宣等文曰丞相劉今補天子名義宣車騎臧今補丞相名質皆板到奉行聞明末各將帥擁立桂王于滇中共支放糧冊內開皇帝一員皇后一口支糧若干云塵疎小人乘時喜亂舉動不經每每相似明正德中以國姓之嫌禁民間畜猪令下一時屠宰俱盡唐律以國姓李如取得鯉魚卽宜放仍不得喫號赤鯉公賣者決六十天下事真無事無有對偶

偶以州縣名尋對如鳳翔龍游江陰山陽宜春寧夏神木仙居之類不可指屈若李鷄子郭雀兒俱帝王而傳綽號更爲奇合

明末李白成僭號關中犯榆林原任總兵官侯公世與其舅李公昌約共死國賊縛之赴市刀劔如

林李公偶索飲水侯公顧而笑之曰爾畏死喉乾耶李公曰偶渴耳豈畏死乎慷慨爭先就義此與南宋謝綜及范煜甥舅被戮時情事相類但謝范以逆兩公以義相去天淵也兩公既死僻地而記史者或不

昭代叢書

已集

仁恕堂筆記

卷第二十五

李
世楷堂
藏板

及載其詳故特筆之靈州明經孟彰先爲予述此唐中宗朝景德四年正月五日御大明門帝后諸王公主朝臣聯句作栢梁體最醜者太平公主得句曰無心爲子輒求郎君臣媒褻已蹈預風帝女登筵更爲狼藉不知是何風雅是何政體也

唐孫魴父故畫工魴拜官日舍人王徹當行制曰李陵橋上不吟取次之詩顧凱筆頭豈畫尋常之物魴終身爲恨宋呂大防軀幹長大而方拜左僕射時蘇子瞻當制詞曰直大而方得坤卦六二之動大防亦

以為恨雖文人游戲筆墨詆嘲然褻王言亦甚矣

羅隱字昭諫餘杭人晚唐以詩擅名錢鏐霸越時辟

為從事今豫章雨越八閩人凡事俗近怪者皆曰此

曾經羅隱秀才說過俚語方言流傳委巷久之承承

襲誤遂曰羅衣秀才矣婦人女子皆能言之不知昭

諫固從何得此或五代閒別有稗官傳述如楊六郎

李存孝等類種種不經之談惜今不詳始末

嘉靖閒王李七子惟謝茂秦以布衣與壇坫觀茂秦

情色傲岸似不屑附麗富貴人成名王李諸公肯始

昭代叢書 已集 仁恕堂筆記 卷筆二十五 三 世楷堂 藏板

終損節推懷何妨兩成其是乃噴有微言形諸東牘

若當時悔多一眇君子者豈意氣文章必盡冠進賢

始堪久要締結耶何怪山陰諸賢發不平之歎

小雅巧言篇躍躍兔兔註釋兔為狡然塞上實有兔

兔一種土人又名之曰跳兔視山兔差小足前長後

短走則輕首軒尻所謂躍躍者正似然前賢註釋當

必有據未敢以一知半見妄議成書也偶誌之

候官許秘字天玉更號鐵堂春秋魁己卯鄉書出夏

瑗公門詩文才致託始雲閒結納交遊車無停軌天

玉雖起孤生性豪侈裘馬金錢綠手立盡亦不羈之

士也久困公車謁選人得鞏昌安定令掛吏議時際

亂離竟坎墮窮困以死同里黃憶溪名肇 官涼州為

經紀其喪葬之安定郭外又為輓詩十章其一 何曾

闕下漾雙鳧止博新墳寄路隅安定莫嫌官號簿人

閒常說范萊蕪其二 墓田宿草又經春馬鬣長封絕

四鄰古道夕陽知問姓清初明末許詩人鐵堂有小 印清初明

未詩 庶幾後世其有傳乎

瑣瑣蒲萄于文定引西京羽獵賦謂瑣瑣當為娑馭

昭代叢書 已集 仁恕堂筆記 卷筆二十五 三 世楷堂 藏板

固屬附會而以為別有一種亦非河西蒲萄雖引根

牽蔓不異中土而結實大長如馬乳色深紫味亦殊

甘一枝千百顆大者在上細者下垂取而乾之大者

為白蒲萄細者名瑣瑣非兩種也故俗呼為公領孫

惟綠蒲萄則來自西域非中土所有

中年看書目力易倦用眼鏡最為便適近見田藝衡

畱青日記云潮陽林學使用二物如大錢形質薄而

透明視文書少怠則以之掩其目問其名曰髮黠眾

皆異之今自閩閩及士大士無有不用之者豈明季

世廟以前此物尙少耶駿隼二字當雷之爲後人考證原物之始

蘭州渡河以西人重氣尙武起戎行服金紫者比屋皆是故每科鄉試于甘肅特設聿字號寧夏設丁字號榜各中式一人隱寓右文意士夫溫文廉靜不喜聲華至於挽強弓騎韃音馬三尺童子生而習之然實質朴有古風官長稍能自愛數十年後猶樂舉其姓字凡官長車騎所過百姓聞呵毀聲卽曲室委巷必起立垂手俟過盡乃敢安坐否則父老羣相譙讓

昭代叢書

已集

仁恕堂筆記
卷第二十五

三

世楷堂
藏板

此內地所絕無者質成於公庭一語折角率俯首受杖退無後言倘非心所厭服挺身直視不難飲忿捐生蓋易靜亦易動之國也大率仕宦其地者既不耐寒苦僥倖遷延歲月滿考得除善地去而撫綏大吏又以邊庭寥闊囊承平久不復多所規畫數千里用武之鄉處一線華彝之界兵燹民窮百無可恃雖聖人在上荒服咸賓當事者不可不爲先事之計也
甲寅秋子自甘州量移守常州旋被命巡洮岷未渡河而洮岷陷次年乙卯二月賊遂陷蘭州大

帥東出甘州爲邊最西一牆外卽番彝雜處乘內亂兵單公然犯邊堡肆剽掠又蘭州聚兵滿萬需餉需芻粟如火當事乃復藉子巡甘州先是甲寅三月閩藩變起守將劉應麟據城以叛老母眷屬隔絕八千里外一時家國之難錯慮交心兩兒子從官署中日夕以淚洗面見余時或佯爲歡笑察其情事乃轉更悲也恐憂遂能傷人各令述新舊事聚成卷帙去家遠故未攜書靖逆侯張公會分書千餘卷又多所殘缺故篇中率皆憑臆之談殊

昭代叢書

已集

仁恕堂筆記
卷第二十五

三

世楷堂
藏板

少訂證丙辰冬王師入閩復汀州秦中亦大定予復再移朔方已未始得請歸田奉母溫清之次偶定是篇付梓人嗟乎當攬筆絮語時豈遂望有今日是皆出驚悸愁歎之餘也何忍棄之謂將以博名高侈論斷非其實矣康熙辛酉上元日黎士宏媿曾再記
是卷乃家伯子偶筆之書雖里語方言閒收篋衍而今昔之是非治亂前哲之雅行徽猷無不備載辛酉夏奉先淑人諱居廬小暇敢請授梓以公同

人吾子若孫尤當書紳銘帶比于顏氏家訓倘視
為集異諾舉徒資談柄豈不失伯子論著之初心
哉弟士毅識

耶代叢書
已集仁恕堂筆記
卷第二十五
三
世楷堂
藏板

仁恕堂筆記跋
此媿曾參政備兵河西時從戎偶暇所述也筆意酷
摹櫟園書影而持論正大似有過之參政少從李媿
庵游學有師承詩文為本朝八閩人之冠昔梨洲
先生嘗擬媿庵于沈亞之劉軻若參政者固何媿為
歐陽四門黃文江之嗣響耶癸卯季夏震澤楊復吉
識

昭代叢書
已集仁恕堂筆記跋
卷第二十五
三
世楷堂
藏板

孫貞起允升校字

續板橋雜記

香豔叢書

十八集卷一

續板橋雜記序

予初交孫二南莊。即耳珠泉名。今年夏始得握手。温文博雅。聲聲風生。與之上
 下其議論。才既過人。而識尤足千古。益信名下無虛士。宜南莊嘗津津不置也。
 既出其續板橋雜記見示。時讀者僉以香豔賞之。夫挾天繡雲。雕繪滿目。而塵
 羹土飯。奚當饑飽。予嘗謂世非乏才。由識眇也。梯崖緬淵。往往方軌古人。竊得
 臆駭一擗。便自詡為瓣香。究其所著述。非塵障理域。即清譚元席。其于人心世
 道何裨焉。珠泉口提不律。烟霞珠玉。供其指揮。遂使雅人韻事。曲曲盡致。而勸
 懲之意。隱寓諸筆墨之外。非才與識兼。惡能辨此。予擬讀豔異編。而嘆其情見
 乎辭。今觀此記。要亦感于前人之吐花弄舌。而有味乎其言之。蓋所以警人者
 至矣。不誠邯鄲之梁肉哉。質之南莊。當不河漢予言爾。
 乾隆庚戌仲春二日洪都黎松門拜題

續板橋雜記

香豔叢書

4926

4925

敘

青衫著作。祇宜命薄佳人。紅粉品題。偏重文苑秀士。若果薛箋聲價。足標豔美
 之編。何妨江筆平章。別撰羣芳之譜。此吾友 珠泉所山續板橋雜記也。原夫
 秣陵古郡。建業名都。秦嶼新渠。血吹脂沫。吳營舊壘。燕啄香泥。軟水温山。綺麗
 久沿往代。遺簪剩鳥。風流猶襲前朝。美既擅於彼姝。情自鍾於我輩。 珠泉荃
 蘭竟體。松柏為心。彈鈇丁年。遠入邠生之帳。撫絃雨夜。獨登荀令之牀。劍氣初
 沉。琴心未寂。時則莫愁湖畔。少婦停梭。桃葉渡頭。侍兒飛扇。挈紫髯之狎客。北
 里尋春。背赤脚之奚奴。東墻待月。纖腰蘇小。爭窺柳絮之簾。素面徐娘。閒佇梨
 花之院。君真好色。誰不為容。無何鞭鐙斜陽。囊書蓬轉。飄檣暮雨。奩鏡萍飄。就
 中泣下誰多。今夜醉眠何處。桃花潭水。淒涼太白之詩。煙雨河橋。寂寞小紅之
 曲。何必落梅窗外。夢始斷於西樓。即此芳草堤邊。魂已銷于南浦。况乎蛾眉易
 老。駿骨焉求。歸斯養者。次之。屬沙吒者。已矣。若使海棠早謝。豔友名溷。不將沉
 芷先凋。騷人色減。遂乃重蒐黛綠。如僉十二之釵。再校鉛黃。應禿三千之管。雖

續板橋雜記

香豔叢書

505

付之遊戲。有似神諧。而出以雅馴。居然花史。永秘魏王之枕。常熏韓椽之香。嗟
 乎俠妓自豪。原知慕義。備姬爾雅。定解憐才。縱令伴共諸郎。仍可采同列女。試
 向伶工水榭。演就傳奇。還從畫士山房。描成絕代。行見星軺驛舍。爭傳金屋之
 姿。雲幕旗亭。咸重玉璫之選。越州青閣居士拜題於竹西僧舍

渡名桃葉。洵足勾留。里接長干。山來佳麗。風流東晉。騷人揮塵之場。曠達南朝。狎客分箋之地。歌樓舞榭。倡家俱白玉為橋。月夕花晨。蕩子以明珠作楫。麴畫簾于水畔。婉度輕歌。啓繡戶於花前。漫呼小字。芙蓉屏裏。無非綠酒銀燈。玳瑁筵中。盡是紫簫紅笛。所以入青溪之曲。過客魂銷。問長板之橋。羈人心醉者也。獨是偎紅倚翠。不乏綺人。刻燭分題。罕逢佳士。聽雞聲之斷愛。溝水東西。傷馬足以無情。浮雲南北。嗟爾執袴。徒揮買笑千金。咄彼綺羅。未得解人一日。縱或寄情雜咏。注意閒吟。要皆風雲月露之數詞。無復俊逸清新之雅韻。我友珠泉先生。鵬未搏雲。豹還隱霧。王仲宜才華第一。依人在紅蓮綠水之間。風景行品。概無雙。寄興于檀板金樽之側。皖江留頓。道出溫柔。白下樓人。逢綺麗。瀟瀟暮雨。吳娘曲裏新聲。皎皎中天。揚子江頭明月。緣賦情之特甚。致所遇之多奇。昔夢猶存。其人宛在。然而烏樓月下。已換樓臺。燕到春餘。半迷門巷。重來漁父。垂髫黃髮之全非。前度劉郎。紫陌紅塵之小異。卿同斷梗。儂是飄蓬。江淹之別恨依依。衛玠之愁腸脉脉。雪泥鴻爪。李師師在誰家。鬢影蟬釵。關盼盼今歸。

續板橋雜記

二

香艷叢書

4930

4929

別院。花迎舊路。撫今昔以神傷。鳥變新音。對湖山而心搆。因而譜花霞之爛漫。字字皆春。誌柳絮之飄飄。行行似玉。緣歡寓恨。婉而多風。卽色成空。華不爲靡。編同玉茗。發幽皆豔異之人。記續曼翁。載筆並後先之美。君非達者。玉釵金粉之遐思。僕不恨人。榴帳薇裙之前夢。覽新編而惆悵。觸往事于依稀。雌霓吟文。佩服太冲之著。烏焉成字。效顰元宴之談。云爾。關逢執徐。園涂月朔。清溪研香。拜讀。

續板橋雜記弁言

非遍覽山川形勢之勝。不足以宕心胸。非遍歷美人歌舞之場。不足以言風雅。吾友珠泉挾不世才。喜遨遊。袖中詩卷。襟上酒痕。隨處有焉。每當秋風白下。夜雨揚州。偶有所見。寄情而不膩于情。雖珠鮮玉脆。一顧猶憐。而流水行雲。過焉輒化。非所謂入乎其中而超乎其外者歟。昔東坡與琴操湖上參禪。戲相答問。琴遂感而削髮。由此觀之。則斯記也。卽從黑海驚波。喚醒青樓幻夢矣。如曰倚翠偎紅。風流絕世。評花譜柳。歌詠宜人。猶淺之乎。測珠泉也。歲在屠維。作醜。月上海陵。默堂主人拜題。

續板橋雜記

四

香艷叢書

506

續板橋雜記緣起

余曩時讀曼翁板橋雜記。留連神往。惜不獲睹前蹤風流。迨聞丙申以來。繁華似昔。則夢想白門柳色。又歷有年所矣。庚子夏五。樅陽觀察招赴金陵。曾于公餘。遍覽秦淮之勝。旋以居停罷官。東裝歸里。計為不安。杜書記者。無多日也。辛丑春。重來白下。聞居三月。時與二三知己。選勝徵歌。興復不淺。嗣余就聘崇川。三年。羈跡青溪一曲。邈若山河。今秋于役省垣。僑居王氏水閣者十日。赤欄橋畔。洞首舊歡。無復存者。惟雲陽校書。猶共晨夕。因思當日。不乏素心。曾幾何時。風流雲散。安知目前之依依。聚首者。不一二年間。行又蓬飄。梗泛乎。爰于迴楫餘閒。撫今追昔。續成是記。亦類分雅游麗品軼事三卷。非敢效曼翁。聊使師帥簡簡之名。得借江水以俱長爾。至于聞見無多。記敘譴陋。續貂之病。閱者原之時。甲辰中秋。望後二日。茗南珠泉居士書于雉皋舟次。

卷一 續板橋雜記

五

香 飽 遊 書

續板橋雜記卷上

雅游

珠泉居士著

秦淮古佳麗地。自六朝以來。青溪笛步。類多韻事。泊乎前明。輕烟澹粉。燈火樓臺。號稱極盛。迨中西之交。一片歡場。化為瓦礫。每覽板橋前記。美人黃土。名士青山。良可慨已。迺承平既久。風月撩人。十數年來。裙屐笙歌。依然繁豔。詎江左流風。于今未艾。抑山温水軟。良由地氣使然歟。前明河房。為文人讌遊之所。妓家則鱗次。舊院在鈔庫街南。與貢院隔河遙對。今自利涉橋至武定橋。兩岸河房。麗姝櫛比。俗稱本地者曰本帮。來自姑蘇者曰蘇帮。來自維揚者曰揚帮。雖其中妍媸各別。而芬芳羅綺。嘹亮笙歌。皆足使裙屐少年。迷魂蕩志也。

卷一 續板橋雜記

六

香 飽 遊 書

自利涉橋以東。為釣魚巷。迤邐至水關。臨河一帶。亦麗者所居。地稍靜僻。每有名姬。心厭塵市。擇此居之。然自夏初水長。以迄秋中。遊艇往來。亦復絡繹不絕。山文德橋而西。為武定橋。迤西至新橋。亦有河樓。地處西偏。遊踪暫至。故卜居者少。至白塔巷王府塘諸處。室宇湫隘。類皆卑屑所居。不敢與水榭頡頏。聞亦間有麗人。余則未之見也。

貢院與學宮毗連。院牆外為街。街以南皆河房。每值寶輿之歲。多士雲集。豪華者挾重資。擇麗姝。僑寓焉。寒素之士。時亦挈伴閒遊。尋蓮訪藕。好風引夢。仙路迷人。求其獨清獨醒。殆什無二三也。

秦淮河鑿自祖龍。水由方山來。西流沿石城。達于江。當春夏之交。湖沙盛至。十里盈盈。足恣遊賞。道秋季水落。舟楫不通。故泛舟者。始于初夏。訖于仲秋。當天序屆天中。日塗竹醉。五月十三日。傾城遊船數百。震盪波心。清曲所詞。十番鑼鼓。騰騰如沸。各奏爾能。薄暮須臾。燭龍炫耀。簾幕畢鉤。倚粧倚欄。聲光亂亂。雖無昔日燈船之盛。而良辰美景。樂事賞心。洵昇平氣象也。

秦淮河船。上川篷廠。懸以角燈。下設迴欄。中施几榻。盤盃疊疊。色色皆精。船左右不設窓窻。以便眺望。每當放船落日。雙槳平分。撲鼻風荷。沁心雪藕。聆清歌之一曲。望彼美兮。盈盈真乃縹緲欲仙。塵襟胥滌矣。

青溪一曲銷夏最宜。而遊日聘懷。春秋亦多佳日。至于冬令朔風如刀。招招者絕迹矣。然促坐圍爐。淺斟低唱。作消寒會。正不減羅浮夢中。

茶寮酒肆。東則桃葉渡口。西至武定橋頭。張幕挑帘。食物具備。而諸名姬又家有廚娘。水陸珍奇。充盈庖室。倉猝客來。咄嗟立辦。燕飲之便。莫過于斯。

院中雖各分門戶。而去此適彼。轉徙無常。是以姊妹行亦隨時更易。間有親生子女。一門團聚者。大概土著居多。若乃買雛徵歌。認爲己女。高其聲價。待客梳櫛。愛俏者其名。愛鈔者其實。嘗有一女。而上頭數次者。信父大賈。無難欺以其方。使彼慳囊頓破也。

河亭設宴。向止小童歌唱。佐以絃索笙簫。年來教習女優。凡十歲以上。十五以下。聲容並美者。派以生日。各擅所長。粧束登場。神移四座。纏頭之費。十倍梨園。至于名妓仙娃。亦各嫻法曲。非知音密席。不肯輕囀歌喉。若寄生草剪靛花淫靡之音。乃倚門獻笑者。歌之名姬不屑也。

宋一續板橋雜記 七 香艸叢書 十 八 集

以銅絲。幻成魚籃飛鳥。可以懸諸帳中。比及昏黃。則雪花齊放矣。酒醒夢迴。芳馨橫溢。和以氣肌蕪澤。如遊衆香園中。

院中衣裳粧束。以蘇爲式。而彩裾廣袖。兼效維揚。惟睡鞋用之者少。余見河房諸姬。咸以素帛製爲小襪。似膝袴而有底。上以錦帶繫之。能使雙纏不露。且竟夕不鬆脫也。其履地用方頭鞋。如童子履。而無後跟。即古鞞鞋遺製。燈影下曳之以行。亦復千子有致。至于抹胸。俗稱肚兜。夏紗冬縐。貯以麝屑。緣以錦縑。乍解羅襟。便聞香澤。雪膚絳袂。交映有情。此尤服之妖者。

續板橋雜記卷中

珠泉居士著

麗品

秦淮名姝。首推二湯。二湯者。本郡人。以九十行稱。學生姊妹也。態度則楊柳晚風。容華若芙蓉曉日。並翠眉而玉頰。各虛曠而頰唇。乍見者如一對璧人。無分伯仲。注目凝睇。覺九姬鬢輔微圓。左手背有黑痣一小點。可識別也。早墮風塵。從其未遂。闔戶數十指。惟賴二姬作生涯。雖車馬盈門。不乏貴游投贈。而纏頭到手。概盡居新橋之牛市。臨流數椽。湫隘已甚。余曾于辛丑夏初。邂逅一晤。今秋往訪。適爲勢家招去。侑觴不復謀面。聞之桐城孫楚儂云。二姬窮愁日甚。雖年纔二紀。而消瘦容光。較初破瓜時。已十減六七矣。然三分丰韻。尙堪領袖。秦淮也。嗟乎。人美如玉。命薄于雲。如二姬者。殆以奇姿遭造物之妬歟。楚儂又語余云。桐邑楊米人曾爲二姬作雙珠記傳奇。情文並茂。惜尙秘之枕函。余未得而讀之。

朱大蘇州人。身體弱。小人戲以朱骨稱之。蓋細骨輕軀。踐塵無迹。偷舞迴風。當

宋一續板橋雜記 八 香艸叢書 十 八 集

挽留仙之裾也。鬢髮如雲。明眸似水。驟與之遇。神光陸離。在儻輩中。齒稍長矣。而風度高雅。無折腰爾爾習氣。故文士樂與之游。隨園主人過江者宿也。遂初既賦。寄興掃眉。雅與姬善。若髻紅粉。嘗相對于銀鏡綠酒之間。余于庚辛兩度抵寧時。一過從。淪茗清談。日爲黠友。惜近以病廢。退居僻巷中。生計蕭然。無復過而問者。芙蓉綠水。秋將老。鸚鵡金籠。語可憐。舊日繁華。不堪回首矣。姬有女年方十歲。教以歌曲。不肯發聲。自言願歸里門。織布爲業。余聞之嘆曰。此大知識之女也。宜成其志。姬亦以余言爲然。

徐二江陰之青陽鎮人。本姓張。乳名銀兒。年十七。適同里徐權。田舍郎。不解溫存。大有駸馬駸之感。權又性耽逸樂。不願力田。惑于匪人。夫妻偕赴吳門。轉徙秦淮。作脂粉生活。性情豪邁。不屑效倚門倡。與人較錢帛。非心之所好。即誘以多金弗顧也。余遊金陵。首與姬晤。雪膚花貌。豐若有餘。而裙底弓彎。却又瘦不盈握。贈以詩。有一泓秋水雙鈎月。洗盡秦淮爛漫春之句。見者謂非虛譽。先是姬實居洞神宮前馬姬家。斗室兩間。殊苦窄陋。且爲僞父所侮。不安厥居。余

傾囊飲助。並料同志爲卜居于城北細柳巷中。此庚子七月間事也。明年春。余再抵白門。姬又遷上邑之桂桂橋。嗣余就館崇川。聞爲無良速訟。移家維揚。壬寅仲冬。便道過訪。雖座上客滿。不與盛時。而風雨飄飄。漸覺朱顏非昔矣。逮今秋載道其廬。則已舉家赴淮。託言索通。實乃生計蕭索。意欲別棟枝棲。聞其漸行。猶借人至周程軒幕中。詢余近狀。蓋賦情特甚焉。爲誦家梅郵詩云。青山憔悴卿憐我。紅粉飄零我憶卿。殊覺今昔同情。不勝慨嘆。姬幼工技擊。不輕示人。余曾乘其薄醉。強一試之。嬌若猿飛。疾同鳥落。騰躍半炊許。觀者咸目眩神驚。姬一笑歛身。依然尋常。嬌施也。姬在桂桂橋時。有本郡人張三寄居。姬家鉛華不御。橫波流光。雅有嬌態之態。惜翻雲覆雨。愛憎無常。遂水桃花。未免稍輕薄耳。

王秀瑛小名愛兒。父母皆蘇州人。生于金陵。遂家焉。適伶人張七。以母命非本志也。姿首清妍。舉止閒雅。不樂與姊妹行爲伍。所居鈔庫街之西。圍園幽深。脩然絕俗。有僧父某以白金四十。唱其母。謀一夕歡不可得。惟二三知己相對水

夕。杯茗清談。鮮及于亂。遇緩急傾囊相助。不望報也。其性情矜尚如此。余友周子稼軒孫子楚儂皆與善。嘗語余云。姬非五鼓不眠。非日中不起。早飯响午。晚膳三更。習以爲常。不能改也。自奉甚薄。宴客必豐。盛服盈筓。弗以被體。能鼓琴。善南北曲。非與會所至。雖素心人。不克強之發聲。是蓋青樓中最有品者。然終以不得其所。鬱鬱多病。楚儂賦詩云。我本飄萍。卿斷梗。白門同是月殘時。姬爲涕泣久之。有妹曰二姑。沈靜寡言。高自位置。亦大有姊風。董三。蘇州人。肌膚不其白。而天然韶令。雖粗服亂頭。自有一顧傾城之致。余戲以墨牡丹名之。惜遇人不淑。孽海飄零。所得纏頭。盡償債眉。黛眉間常有恨色。同居二人。長日董人。眼光如醉。次日董二。姿亦白皙。然以視三。姬之風韻。嫣然不覺。嗟乎。後矣。

張玉秀。行人。蘇州人。隨其母寄籍江寧。眉目軒爽。舉止大方。巾幘具鬚眉之氣。少時楚省吳公子見而傾倒。出數百金梳之。爲歡。匝月公子就官浙東。未半載。卒于署。僕從雲散。宦途蕭然。旗幟不得歸里。姬聞之。立出篋中。賞遣人赴浙。扶

第一 續板橋雜記

九 香艷叢書

樞旋舟過江關。素服哭臨。呼號欲絕。遂于江口招提。廣集細流。禮懺三晝夜。盡傾箱籠長物。命其家人伴送至楚。爲之營葬而返。以此俠妓之聲振一時。辛丑歲狎客朱元官爲余道其事甚悉。余嘗一再詢之。淚毗熒熒。隱有母也。天只之恨。別時許作一傳。在再三載。未暇踐言。今秋過訪。已于六月間從良矣。問之鄰姬。言有同邑名士。鄒生年甫三旬。絃斷未續。偶與姬晤。姬知其高世才也。贈以所蓄纏頭。易金奉母。飄然長往。茲聞倡隨相得。筆耕針杼。稱嘉耦焉。吁。異哉。姬之所爲。殆有大過人之才識而濟以豪俠果斷者。不圖于青樓中得之。余既深嘉其志。且喜其得所歸也。爲之綴序其事。以償夙諾云爾。聞姬善崑曲。有崩雲裂石之音。惜未及聆之。其繼妹曰張二。弱質纖妍。亦嫺詞曲。姬有義女名雙福。年纔十一。白皙聰俊。與姊風兒並工戲劇。余于王氏水閣觀演。尋親記。跌包一齣。聲情並茂。不亞梨園能手。鳳兒年十三。亦姬義女。自姬從良後。其母尚賴三人作生計焉。

郭三名心兒。丹陽人。父早亡。及笄之歲。母惑媒氏言。誤字維揚郭某。成婚未幾。

第一 續板橋雜記

十 香艷叢書

竟以誘務墮入風塵。年十九。移家金陵之桃葉渡。妖冶傾一時。向來秦淮諸姬。以蘇若爲文。揚幫爲武。姬雖產于雲陽。而來自丹江。遂爲維揚諸姬之冠。都人士戲以武狀元口之。其所交好。皆達官貴人。及文士負盛名者。赴熱那未易得。靚顏色。余曾于辛夏邂逅河亭。頤而婉。豐而逸。素肌纖趾。溫乎如瑩。于今三年。姬齒二十有六。而盈門車馬。不減當初。余友季子影生。其與善。嘗爲余言。姬賦性豪爽。重意氣。善知人。無門戶習。至于媚骨天生。更不待擇。新采異也。贈以短句四章。有云。醉聞嬌喘。猶嫌媚。暖豐肌。汗亦香。漫道司空渾見慣。溫柔只合喚仙鄉。晚桐光。漱六孝。廉聞而擊節。以詩寄余。有傳來好句。惟卿兩。解識芳心共我三之句。時孝廉在上洋。載署也。姬有義女曰小姑。揚州人。忘其姓。年纔十七。長眉掩髮。笑鬢承顛。鞞袖曳裾。風流秀曼。亦後起之寓也。

王四木。郡人。蘭姿玉質。秀韻天成。性喜清幽。雖在風塵。常深自秘匿。不若見客。所居月波水榭。綺窓錦幃。不染纖埃。几榻尊彝。位置俱極楚楚。入其室者。如別一洞天。幾忘門以外之其世塵上也。

施四蘇州人。窈窕秀弱。眉目含情。唇一點小於桃英。趾雙翹瘦于蓮瓣。年雖稍長。調笑無雙。矜疑雨集。所咏半容工。泥夜情味。勝離年者也。松陵某尹。龍寵之。攜居胥江別館。欲置為側室。不果。三載後復歸秦淮。

徐九揚州人。早負盛名。惜余未之見。孫楚儂贈以詞云。儂前記執纖纖手。中堂細酌盈盈酒。語軟情溫。惆悵巫山一段雲。昔人特地留儂住。驚風又拂衣衫去。無悶無愁。萬喚千呼不轉頭。又云。驚春正滯邪江橋。悲秋始返金陵道。此日相逢。疑是飛瓊下碧空。黃裙半掩榴花飾。雲鬢低亞蘸脂赤。相對多情。只少些兒。講不成。近聞已歸吳江某明府公子為側室。甚有寵云。

唐小木郡人。住槽坊巷。年方及笄。品貌雙絕。綺閣深藏。俗子未易謀。而善歌能飲。解誦風詩。每一掉文。如匡說解頤。不數聲。家婢泥中之對也。其大婦曰嚴三。齒長于姬。而嬌容修態。堪與頡頏。亦緣位置自高。羞與曲中人伍。人罕見之。謝玉宇楚楚。本郡人。年十六。肌理玉雪。秀慧絕倫。與其母居釣魚巷中。善南北曲。嬌喉一轉。飛鳥遏音。母珍同掌珠。欲得佳子弟字之。玉亦自矜聲價。不屑作

卷一 續板橋雜記

十一

香艷叢書 十八集

尋香人。雖給侍。猶虛屏山之夢也。

趙小字靜芳。江陰人。中人姿耳。有執袴子弟。曠之一時。獻諛者。思博主人歡。遂有文狀元之號。余觀其為人。沈默寡言。無輕佻氣習。要亦善自修飾。不隨俗波靡者。

許壽子本郡人。年逾二紀。舉止風韻。儼如閨中人。有張生某。夙與善。生以筆耕為業。而未有室家。歲人悉以遺姬。如是者有年。既而生以旅邸久居。獲殮不繼。姬聞而招致之。終歲日。皆取給于姬。衣履亦姬親製。繼復為宛轉營謀。得膺某邑侯之聘。館穀豐美。瀕行時。姬置酒祖餞。生戀戀不忍別。姬于酒半。忽抗聲謂生曰。青樓中那有情好。所綢繆者錢耳。君留戀烟花。罔思自立。浪游數載。如夢如泡。今年已三旬。一誤豈容再誤。自茲以往。君當絕迹狹邪。匪圖嘉耦。妾不能終事君。亦不願繼見君。此間君勿復來。亦無復以妾為念也。言已。歎泣。下如雨。生大感慟。即振策去。嗣聞就館三年。積貲頗厚。且娶妾生子。不負姬別時所囑云。先是右潤城某公子慕姬名。策騎過訪。適姬所賃屋。為主者別售。

迫令徙居。某立出千金。購以贈姬。至今青溪豔稱之。

徐二寶本郡人。居釣魚巷之上街。其夫為梨園領袖。姬于儂偶中年最長。余相識時。已不作脂粉生涯。然素服淡粧。自然幽雅。徐娘雖老。尚有風情也。皖桐光漱六孝廉。夙與之善。有無錫秦姬者。與姬有葭莩親。向居丁字簾前。庚子秋。復自梁溪來。寄居姬家者匝月。余因徐姬得識秦姬。雖齒加長矣。而纖腰躡步。婉媚愁人。亦此中翹楚也。

徐壽姐。杭州人。適維揚徐某。僑寓秦淮。年已二紀。雋逸風流。妙解音律。同居數年。競譽度曲。余嘗避暑河亭。壽率諸姬柳陰列坐。絲肉競發。雲委塵飛。靜聆移時。宛在清虛府也。

馬四蘇州人。身軀弱小。明眸善睐。膚如凝脂。殆江淹賦所云。氣柔色麗者。惟雙跌不其纖妍。常鞞小方鞋。俗名抽鞋作忙促裝。揜其微疵。

王二蘇州人。早墮風塵。山琴川轉徙金陵。余于庚夏相晤于熊氏河房。容貌亦自娟妍。第苦貧乏。不能自存。贈以貲。且為之譽。得漸生色。及辛歲抵寧。則被服

卷一 續板橋雜記

十一

香艷叢書 十八集

麗都。座客常滿矣。綉袍雖在。已無戀戀故人之色。余笑而詰之。姬面發頰。一座粲然。姬有妹曰鳳姐。年方十齡。致亦楚楚。教之歌曲。發響清越。妙合自然。洵美材也。

湯四湯五揚州人。姿首皆明豔。而四姬尤柔曼豐盈。余嘗戲之曰。子好貪言而肥。歎姬不解。誤以言為鹽。吳音音鹽。與音音。鹽相似。率爾對曰。吾素不嗜鹽。聞者絕倒。

陳小江北人。向居王府塘。董二家。後徙潘家河房。年及破瓜。眉目疎朗。鬢輔間數點微麻。天然媚麗。余同鄉邵子峨堂與之善。語余云。姬姿致亦猶人耳。所絕勝者。一痕酥透。雙蕾含春。觸手溫柔。不待斜照銀燈。驚誇瑞雪也。董二本郡董禿子女。年十五六。亦有微麻。白皙瑰逸。王府塘之魁首也。

金二本姓丁。蘇州人。居釣魚巷。名頗著。余于庚夏曾一遇之。明眉慧眼。纖跌柔腰。幾欲傾其流輩。惜兩額微高。婉容稍減。有某公子者。甚與善。珠玉錦繡。稠疊贈遺。當于一月中。費金千計。兩情膠漆。引喻山河。秋以為期。絲蘿永託。聞者咸謂金姬能博公子歡。將來得所歸。公子亦喜得阿嬌。擬以金屋貯之一日。

公子啓扉而人閱其無人詢之鄰姬則姬于前夕盡室以行不知所往公子疑
信參半。書空咄咄。偵騎四出。踪緒杳然。悲憤填膺。一病幾殆。噫。青樓薄倖如金
姬者。其尤哉。

高四。太倉州人。居東水關。願身玉立。情致嬌憨。皖桐家。蓼秋一見傾倒。或云姬
向與某丞善。丞乃富于貴而蠢俗不韻者。蓼秋力辯其誣。謂俊慧如姬。必能擇
人。贈以詩。有云。文君自解憐司馬。碧玉何曾嫁汝南。可謂有情癡矣。乃蓼秋絕
憐愛之。姬殊落落。盡傾囊中金。聚首無多日。卒以不歡而散。迨次年秋。蓼秋領
鄉薦。鹿鳴宴罷。緩轡過之。姬煎沮閉戶。以疾辭。竟不出見。

周四。又稱梁四。蘇州人。年逾三十。風韻猶存。善彈琵琶。名著青溪桃葉間。有兩
女。曰大官。二官。貌不甚美。而演劇頗佳。十餘齡耳。已識曲中三昧。同時小女伶
有周玲。乳名姐官。字瑟瑟。蘇州人。方全後改名璇。字姍來。江陰人。吳雙福。張大
義女。汪銀兒。胡四喜。秦巧姐等。州人。並工院本。而周玲實創厥始。四喜獨冠其
曹。鑑湖邵子升。嚴嘗語余云。周玲之尋夢題曲。四喜之拾畫叫畫。含態騰芳。傳

神阿堵。能使觀者感心。矧口。洞腸蕩氣。雖老伎師。自嘆弗如也。

續板橋雜記

十三

香館

續板橋雜記卷下

珠泉居士著

軼事

聞之金陵父老云。秦淮河房。向雖妓者所居。屈指不過幾家。開宴延賓。亦不恒
有。自十餘年來。戶戶皆花。家家是玉。冶遊遂無虛日。丙申丁酉。夏間尤甚。山南
門橋迄東水關。燈火遊船。銜尾蟠旋。不覩寸瀾。河亭上下。照耀如晝。諸名姬家
廣筵長席。日午至丙夜。座客常滿。樽酒不空。大約一日之間。千金糜費。真風流
之藪。澤烟月之作坊也。余遊金陵。在庚辛之交。已不及見。爾日繁華。名姝如朱
素貞。劉大子輩。皆如石氏。翻風退為房老矣。而風月平康。今猶視昔。至五月初
五。十三兩日。遊船之盛。正不減曩時也。

珠市地近內橋。已為市閭。舊院則廢。圍數十畝而已。中山東花園。僅存其名。故
址不可復覩。迴光鶯峰兩寺。亦金碧剝落。香火闕如。至長板橋。尤泯沒無迹。詢
之故老。漫指曠野中。有橋以應。無從辨其是非。因誦西風殘照楊柳。彎腰之曲。
覺當時尚有秋水一泓。茲則盡成平陸。亦劫塵之小變也夫。

續板橋雜記

十四

香館

明初于聚寶石城西關諸處。建輕烟澹粉。梅妍柳翠等十四樓。以聚四方賓客。
凡縉紳宴集。皆用官妓。與唐宋不異。晏振之金陵元夕詩。所云花月春風十四
樓也。今諸樓皆廢。遺址無存。長干里一帶。室廬亦盡成墟。市。鴛湖朱竹垞先生
秦淮舟中詩云。聞道秦淮樂未闌。小長干接大長干。桃根桃葉無消息。腸斷東
風日暮寒。吾湖東林陳蘭谷先生亦有詩云。輕烟澹粉亂樓鴉。重過城南舊狹
邪。不為東風除美酒。怪渠吹盡六朝花。

沉香街。即鈔庫街。在貢院對河。相傳嘉興項子京焚所製沈香林。香經四五日
不散。因以名街。余謂章臺中原少情種。然千金買笑。期月便忘。絮薄花浮。母乃
太甚。快哉項生。酒半抗聲。裂衣插牀。一吐胸頭惡氣。足令此輩愧生顏變矣。乃
街之名。由此而傳。則又妓之不幸。而街之深幸也夫。

桃葉渡。在青溪曲處。渡頭坊表。金碧煥如。每當夕照。西沈。酒舫喧闐。與競渡聲
相聞。對岸為御河房。相傳前明戚武南巡。曾經駐蹕。水榭外垂柳千絲。拖烟漾
月。碧窓待倚。清風徐來。不待帷展紫綰。始消塵煥也。

丁字簾前。厥名舊矣。今利涉橋之西。水榭三間。最為軒翥。玉筋篆額。尙懸楹間。縱非當日故居。當亦相去不遠。桃花扇傳奇云。桃根桃葉無人問。丁字簾前是斷橋。可證也。

秦淮遊舫。不施窓幕。彼姝鮮乘舟者。歲渡則有樓船。進自水西門。淨几紗窓。拂拭楚楚。名姬三五。載酒嬉遊。簾影衣香。隨風搖曳。余于辛丑夏五。猶及見之。嗣以當事者禁之而止。

端午龍舟。傾城遊賞。極一時之盛矣。中元節爲盂蘭集福會。諸名姬家皆禮懺。設齋度修佛事。好事者則于河流施放水燈。隨波熒熒。頗堪寓目。至中秋前後。夕壘几爲臺。陳設香菓。喧闐鼓吹。宴樂連宵。或踏月嬉遊。逢橋打瓦。亦歡場韻事也。河亭徙倚。以水朝夕。不須倚翠偎紅。自可嬉怡忘倦。余于今秋寓居王氏水榭。每晨起。盥櫛初畢。即聞鄰女教歌之聲。風外悠揚。使人意遠。至日亭午。遊艇如梭。呈絲送竹。入夜則燈光煥發。爆竹喧阗。間借雲陽校書掀簾憑眺。麝香啜茗。娓娓清言。幾忘涼月之西沈也。

卷一 續板橋雜記

十五

香 飽 叢 書 十 八 集

市井方言。名姬不屑道。間有一二語。在章臺間習聞之。如這也不該提。那也不必了。是也。年來忽尙一少字。每詢以事之隱諱者。輒矢口而答曰。少。余嘗戲作集句曰。這也不該提。那也不必了。白晳誰家郎。魂斷一聲少。

受郎珍惜。只儂知。難忘體。侵月滿時。最是將歸猶未忍。阿母傳語怪來遲。此疑雨集中。王次回贈左卿詩也。庚子八月十日。余在江陰徐校書家。亦嘗竊取其詞。以記事云。受儂珍惜感儂癡。最是霞侵月滿時。虛說並頭蓮子好。箇中苦蕙只卿知。

同鄉沈子潔。夫語余云。長洲府孝廉湘亭。于今春應試白門。囉梁四養女。碧兒。有扇底新詩六十首。誌其事。其友王鐵夫賦誌夢詩五十章。和焉。碧故吳人。謀歸吳。以事廢。志未諧而卒。府哀之。以三百金市其柩。歸葬于虎阜。再來亭之西。隅。祁昌司鐸沈贊漁。爲譜千金笑。傳奇。付樂部。府王兩君詩冊。暨贊漁傳奇。潔夫皆親見之。能誦其畧。惜余後至。未獲一親爲憾。潔夫又云。同時有趙葯老。與碧女弟荷兒。狎。荷以馬湘蘭小影贈之。亦韻人也。茲已從良矣。吁。青溪不少名

殊。何四條絃家。獨多佳話耶。

有賣花馬嫗者。蘇州人。住洞神宮前黑廊下。年四十餘而寡。日于河房中。送花爲業。子媳二人。並工手藝。所居前空屋兩楹。常供客館。鄰寓有陳生某。家本越中。浮踪白下。值歲除日。主人以生夙通無償。迫令他徙。生請以五日爲期。意將遷延卒歲。而主人不可。發聲徵色。勢且難緩。須臾。生負氣出門。進退無所。躑躅于利涉橋上。將爲抱石之謀。適嫗自橋南送花歸來。見生倚欄子立。神氣頹喪。迥異平時。疑而詰問。生若罔聞。屢叩之。答以無他。詞色間轉。似憎嫗饒舌者。嫗益駭惑。強攬其袂。以歸。研詢多時。始得其實。嫗喟然曰。子誤矣。以子之貌。當亦非久困者。何識短智淺。遽不欲生。妾雖貧。猶能爲力。所負鄰寓房膳若干金。卽當代爲措償。今夕請子移寓妾居。度此殘歲。來年俟有機緣。再圖他適可也。言已。便詣鄰居。告以故。攜取行李而返。生感其情。卽爲棲止。迨次年。生汲引乏人。仍無安硯之所。起居服食。皆仰給于嫗。嫗積久無倦容。亦無德色。偶有嘉肴名菓。必先奉生子。及媳。咸服事唯謹。嗣值生妻物故。子以覓父來寧。嫗知生無以

卷一 續板橋雜記

十六

香 飽 叢 書 十 八 集

爲家。復百計張羅。爲其子納婦。卽于鄰左賃屋以居。生父子適館。旣忘旅人之困焉。後閱年餘。生始就邦江一巡司幕席。掣之借往。無多歲入。償給喪殮。淮陰一飯之酬。尙將俟諸異日也。同時又有潘嫗者。亦蘇州人。有子三人。咸習梨園。伯仲並居河房。在文德橋之西。季子則家于白塔巷中。相距里許。嫗往來兩地。日以爲常。橋北有八角碑亭。乃去來必經之路。某歲除夕。嫗自河榭歸家。出門甫數武。見有備衣冠者。投繯于亭角。疾呼家人解救。獲時已昏暮。昇歸河亭。詢其姓氏里居。則張生名某。籍隸浙西。亦緣賦閒多時。僑寓壽聖巷中。負西客百餘金。歲暮莫償。而客坐索不去。生不得已。謬以告貸他出。至此無之。遂自經焉。嫗聞之。笑曰。原來不過百餘金。負欠耳。嫗靛守錢奴。何傷人太甚耶。立傾囊出金如數。償西客。且送生歸寓。勸慰良殷。改歲後復不時饋遺。已而生將就館西江。依依惜別。嫗誓不望報。敦促啓行。迄今二十餘年。音問不絕。如親出焉。二事皆得之雲間袁子繼香所述。余于二嫗。猶及見之一賣花一鬻妓。曾不若尋常婆子耳。而濟困扶危。各具一副俠腸。大爲窮途生色。孰謂若輩中無

人物耶。爰採人軼事以傳之。且以風彼鬚眉。鑽研錢孔。會二嫗之不若者。秦淮雜詩。自漁洋山人後。作者如林。美不勝錄。近時吾郡徐溥雨亭先生。著有竹枝十首。質而弗俚。逸而不纖。亦足以徵前代之流風。誌一時之韻事也。詞云。何處春光景倍佳。烟花十里舊秦淮。豪家日費千金賞。博得青樓一鳳鞋。紅粧結隊圍鉛華。高髻盤雲墮馬鴉。相與踏青聯袂去。舊王府裏看桃花。綵鷁飛鳧取次過。遊船如織疾于梭。翠眉不許人窺見。水榭簾遮點影多。繡罷鴛鴦戲綵毬。腰肢無力任勾留。生來少小風流慣。只解嬉春不解愁。茶蘼開罷綻紅榴。底事秦淮作勝遊。兩岸河房添好景。石欄杆外競龍舟。丁字簾前柳數行。晚涼浴罷換新粧。嬌喉齊唱桃花扇。誰似當年鄭妥娘。梨園樂部夜相邀。活現風情未易描。留得懷寧餘曲在。春燈燕子譜笙簫。不愛後湖十頃蓮。偏愛訪妓莫愁邊。遊人盡道城南好。萬柳莊前繫酒船。水調伊梁動客愁。渡頭桃葉尚名樓。畫船入夜笙歌沸。笑指星河看女牛。雲鬢風鬟插紫蘭。香羅細葛怯輕寒。中秋踏月嬌癡甚。慣會逢橋打瓦聲。相傳雨亭在金陵。爲人司織局。每吟詩與機聲相。

續板橋雜記

十七

香館叢書
十一
八
集

和所銷客遊艸中。又有秦淮卽事詩云。漫擬瓊枝話六朝。輕烟澹粉已沈銷。蝶香人去遺歌扇。桃葉春歸冷洞簫。別院空傳鶯語滑。落花猶襯馬蹄驕。長堤剩有多情柳。依舊絲絲縮畫橋。清麗辛綿。不亞新城綺製也。

續板橋雜記雪鴻小記。並珠泉居士作。珠泉素居苕霅。久旅金陵。爲戟門掛客。花晨月夕。喜作狹邪游。莫愁桃葉間。浪得狂名。游踪既倦。乃著是編。鴻爪雪泥。髣髴如在。挑燈展讀。覺六朝餘豔。猶有可尋。而當年余曼翁之所記。亦庶幾一二見之。因憶予於道光丙午秋。以應試僑寓白下。曾識任素琴校書。固此中翹楚而一時所稱文探花也。索句題裙。分曹射覆。流連者匝月。迄今思之。恍如夢寐。嗚呼百年若瞬。爲歡幾何。後之視今。安知不猶今之視昔哉。戊寅浴佛會後二日。淞北玉虹生識於天南遯窟。

閒餘筆話

閒餘筆話小引

閒與餘有不同乎曰不同焚香煮茗種竹栽花雅歌投壘鼓琴對奕皆閒也其事已過則為閒之餘矣筆與話有不同乎曰不同一堂晤對酬酢紛如面固能閒久不復記皆話也欲其不朽則有賴于筆矣故惟閒餘始能以筆為話此湯君卿謀閒餘筆話之所由以名也雖然話可易筆哉能勝讀十年書者則筆之能悅親戚之情者則筆之能大家團圓共說無生者則筆之非是話也不可以筆今卿謀之筆固已不啻如此吾嘗取而讀之其措思在有意無意之間其吐語在亦佛亦仙之際其旁通如帆隨湘轉望衡九而其靜致如空山無人水流花開不唯非閒餘不能著且非閒餘亦不能讀矣吾獨怪乎世之著書者應酬世務權衡子母凡其筆之于書者皆出于忙冗之餘亦安得有佳話乎哉虞卿有言非窮愁不能著書余謂窮而愁者必且米鹽不繼室人交謫富爾時安能著書能著書者大都皆貧而樂者耳余雖不識卿謀然未嘗不可想見其樂也心齊張潮撰

卷四 閒餘筆話小引

三十八 香 齋 叢 書

閒餘筆話

長洲湯傳楹卿謀著

予閒人也。性好靜。閉門兀坐。杳若深山。悠如永年。類禪家之寂。已而世事及我。一切遣往不問。我不累物。物亦忘我。遂流而為懶。既乃頹澹幽默。心忽倦去。投足一榻。作土木形骸。竟日不聞履聲。且積而成病。寂也懶也病也。皆閒境也。而又佐以聽雨之朝。看雲之晝。臨風之晚。待月之宵。澆書攤飯之餘。篝火篆烟之暇。皆閒境也。造物者秘為清福。而人不能享。以本無閒情故。予獨以閒情領受之。則天清地曠。浩乎茫茫。皆吾閒也。皆是助我閒話也。雖然。話亦何擇之有。白雲往還。星月自出。以為太空之話可也。風葉鳴廊。江波自湧。以為大塊之話可也。夕秀始吹。草蟲雜作。以為萬象之話可也。惟其閒閒爾也。而吾置身此閒。不己餘乎。吾尤以其閒而為話。不尤餘之餘乎。吾愛吾餘。輒付此卷。或莊或諧。或雅或俗。或喜或悲。或笑或罵。或醒或醉。或獨或偶。或出或處。或見或聞。無乎不閒。無乎不餘。則皆可話也。吾話吾閒。亦閒也。人知吾話之為閒。而不知吾話之

卷四 閒餘筆話

三十九 香 齋 叢 書

閒為閒之餘也。昔蘇學士強閒人說鬼。不免犯妄語戒。予喜閒閒苦而話不得閒人。因邀中書君話之。中書君即予之閒人也。中書君問矣。而予益復閒。閒情一篋。宛在十指間。何必妄言妄聽。借鬼話作舌本。毋乃耳根未淨乎。予舌本既強。耳根復清。因其閒閒及中書君。而中書君相過從時。輒為閒時閒境。一助自今以往。庶無餘閒逸此卷外。此中間話。日夕自佳。惜不令蘇學士掀髯聽之也。聰明能誤人。不如懵懂。文章能亂世。不如朴誠。意氣能隕命。不如優容。衣冠能厚顏。不如草野。

原評 名言可銘座右

胸中涇渭。淋漓之流自如。皮裡春秋。雌黃之口何在。彼日以標榜為事者。吾祝其世世生為暗啞之人。庶足懺悔冤業。解脫殺機耳。神仙是英雄退步。然此事本多寄托。須知張子房暮年。用不著黃石公。不得不借赤松子為好結果。當日辟穀。畢竟是英雄欺人。若果神仙石作英雄收場。則

秦皇漢武何不自日飛去。

吾輩不可不存時時可死之心。不可不行步步求生之事。存心事事可死。則身輕而道念自生。行事步步求生。則性善而孽不墮。此儒宗禪悅不二法門也。若心境本不清曠。飾放誕為風流。事跡本不光明。假慈悲為因果。地獄之設。正為此入。

人生不可不儲三副痛淚。一副哭天下大事不可為。一副哭文章不遇識者。一副哭從來淪落不偶佳人。此三副方屬英雄血淚。真事業。真性情。俱在此中。非復兒女情長。執手涕泣比也。

原評 如卿謀言豈有淚乾時耶

天下不堪回首之境有五。衰逝過舊遊處。憫亂說太平事。垂老憶新婚時。花發向陌頭長別。覺來竟夢中。奇遇未免有情。感均頑豔矣。然以情之最惡者言之。不若遺老吊故國山河。商婦話當年車馬。尤為悲憫可憐。

原評 古詩云可惜歡娛地。都非年少時。又云風月自清夜。江山非故園。每

卷四

閒餘筆話

四十

香 飽 最 佳

一諷詠殊不勝情。如卿謀言有同感矣。

風月娟然。天下第一有情物。而于韵士美人。尤為親近。意中當設一佳景于此。願與天下有情者居之。一庭一院。一花一石。一簾一几。一座一屏。一茗一香。一卷一軸。然後一妾一婢。一絲一竹。一愁一喜。一謔一嘲。乘興則一樓一台。一船一咏。倦遊則一枕一簟。一蝶一槐。夢覺徐徐。兩美在側。一寐一痛。一俄一抱。當此之時。只愁明月盡矣。

原評 但云理之所必無。安知非情之所必有耶。

極意作詩。不必得詩。窮形作畫。不必入畫。深于詩畫者。正于不著筆處遇之。予嘗登樓遠眺。見樹頂藏鴉。山嵐滴翠。便如身在畫圖中。又當周戶靜思。見竹影搖。聽茶烟裊日。輒覺詩情落指上。乃悟坐即有詩。行即有畫。而文所云會心處不在遠。東坡所云時于此閒得少佳處也。但不堪向莽漢饒舌。恐滅吾輩清福耳。吾輩一身得秋氣多。便是雅人深致。若得春氣。則近于思婦。得夏氣。則近于熱

官得冬氣。則近于隱士。固當以蕭瑟清曠。蕩我襟情。兼持萬斛秋光。為世間療俗耳。

一日之間。人各有有。有各有時。時各有宜。養德宜操琴。練智宜彈棋。遣情宜賦詩。輔氣宜酌酒。解事宜讀史。得意宜臨書。靜坐宜焚香。醒睡宜嚼茗。體物宜展畫。適境宜按歌。閱候宜灌花。保形宜課藥。隱心宜調鶴。孤况宜聞蛩。涉趣宜觀魚。忘機宜飼雀。幽尋宜藉草。澹味宜掬泉。獨立宜望山。閒吟宜倚樹。清談宜剪燭。狂笑宜登台。逸興宜投壺。結想宜欹枕。息緣宜閉戶。探景宜携囊。爽致宜隨風。愁懷宜伴月。倦游宜聽雨。元悟宜對雪。辟寒宜映日。空累宜看雲。寄歡宜拾斂。揮憤宜擊劍。遭亂宜學道。臥病宜參禪。療俗宜避人。破夢宜說鬼。識此意者。一遊一賞。悠然自得。何憂不合時宜耶。若予心慵手懶。身外俱空。無乎宜也。無乎宜。是以無乎不宜也。

文君當墮卓王孫恥之。却為千古佳話。昔人詩云。卓女盈盈亦酒家。數錢未慣半羞花。遠山風流。宛然可念。但此時沽酒者必極多。萬一有阮嗣宗來。醉臥其側。不知文君何以處之。未免代長卿就寢耳。思之大笑。

卷四

閒餘筆話

四十一

香 飽 最 佳

袁粲為丹陽尹。那南一家有竹石。粲徒步往。不通主人。直造竹所。吟咏自得。主人出笑語。歡然。俄而車騎至門。方知是袁尹。予謂車騎不至為高。既已徒步而來。何必乘軒而返。將以此鳴高耶。抑市重耶。即此未能免俗。便是一重公案。植子野每聞清歌。輒喚奈何。予曰。既已無可奈何。何必又喚奈何。展成笑曰。使子野聞此言。必又喚奈何矣。

展成自號三中子。人不解其說。予曰。心中事。揚州夢也。眼中淚。窮途哭也。意中人。返生香也。我比猜詩謎的杜家何如。展成笑而不答。

展成作夏子夜歌云。招那採蓮去。宛在水中沚。那自採蓮花。儂自採蓮子。因自註云。不採蓮花。焉得蓮子。予曰。註脚妙矣。請下一轉語。曰。你只顧採蓮花。又那得蓮子。相與絕倒。

金陵歸。展成從水路而余登陸。展成寄語云。君欲消受曉風殘月耶。予答云。誠不如君唱大江東去。

子與展成會飲。家客方聚，訟適進蛤蜊，展成笑曰：「那知此事，只食蛤蜊。」或問此何人語，予亦笑曰：「那知此事，且食蛤蜊。」

展成嘗云：「月犯少微，戴逵求死，乃應在謝敷。可見蒼蒼者自有真品題，不爲處士虛聲所誤。今人纔能握管，便自號文士，脫一旦文星有厄，吾知人人有一篇自祭文矣。予應之曰：「此曹徒亂天下，人鬼俱憎。吾今屈辱文星，權令大家應兆也。得名場乾淨一番，但恐冥司自有公案，不欲令豎子成名耳。雖然，今日謝敷非卿而誰設，不幸月犯少微，卿劇可危。爾時即不作自祭文，亦須以諛墓累及我也。」相與狂笑不已。

原評 孰意今日謝敷卿謀當之耶。諛墓之譴顛倒及余，能無車過腹痛之感。

夜坐閱牡丹亭，因憶比來所傳世上演牡丹亭一本，若士在地下受苦一日，未知人語鬼語，意甚不平。竊謂才如臨川，自當修文地府，縱不能遇花神保護，亦何至摧殘慧業文人，令受無量怖苦。豈冥途亦妬奇才耶。內子從旁語曰：「當由

卷四 別餘筆話

四十一 香齋叢書

臨川不幸遇著杜太守陳教授一班人作冥判耳。予笑頷之。徐曰：「若令我作判官，定須覓一位杜小姐判送氤氳司矣。」

展成嘗語予云：「昔謝康樂謂天下才共一石，子建獨得八斗，我得一斗，自古及今，共用一斗。予亦謂天地茫茫，祇有萬斛愁，予獨得九千斛，世人合得千斛耳。予曰：「不然。萬斛愁，君獨得九千斛，世人又派去千斛。然則置我何地，還是萬斛愁，爾我各分其半。大家得五千斛，彼世人者無與焉。此言頗得平否。」展成首肯。

(完)

跋。

向讀尤悔菴先生西堂雜俎，其傾倒于湯君者實甚。屢欲購湘中草讀之，而不可得。及西堂全集出，始見其書，誠有如尤先生所云者。湯君雖早賦玉樓，然觀其間而有餘。苟以東坡無事此靜坐一日，似兩日之說準之，則二十五年之壽便可作五十觀矣。心齋居士題。

香齋叢書二集卷四終

光

命

僕在海上時阿貽自京師寓書云比來此間有二快
長夏傲居慈仁日坐臥雙松下涼風時至爽沁肌骨
一二友人來就語亦不復命中轍日夕竟去都忘時
世周旋又長洲生近倣世說爲說鈴書雖未就間數
日輒見一兩則讀之殊使人意遠僕嗟賞其言思見
此書久矣來京師一年所始獲見全本中間記辨學
論文之語及一時朋游談詭率矜澹續唐直逼臨川
語勢惜不得劉辰翁輩相共尋咀耳其著意穠寫尤
在劉比部阿貽兩人阿貽遙秀公賦曠達宜爲注所

說鈴

序

喜也辛丑春杪瑯琊王士祿子底寓堂題

汪子方爲說鈴有客見而笑曰何吾子撰述之不倫
也夫四方之大夫士聯車轉結衣衽而來遊京師者
非以市奇弔詭也梯榮焉止爾媒利焉止爾梯榮故
名顯媒利故實厚乃吾子舍是二者而日操紙舒翰
從事於此書以名則窮以實則左得毋奇且詭歟汪
子應之曰客之所謂名實者衰衣緩帶之倫舉不免
焉然方其下瀑直丐休沐也則必絲竹以諧耳妖冶
以悅目擣蒲博塞之具以怡情肆志一張一弛其由
是道久矣今客視乎吾之室空然子然蕭然闐然於

說鈴

序

絲竹無有也圖史而已於妖冶無有也蓬醜而已於
擣蒲博塞無有也故簾敗几而已然且無以自娛其
若窮愁何於是追憶舊聞手纂口誦不絲竹而諧無
妖冶而悅非擣蒲博塞之具而亦肆焉忘返者誠不
知其不可也噫吾欲梯榮則倦而無階欲媒利則困
而乏餌而又病夫飽食終日無所用心者故甯取裁
於此尙何奇之能市而何詭之可弔耶客遂笑而去
說鈴之義蓋取諸法言其書則與世說語林略相類
順治十六年冬十月長洲汪琬自序

說鈴

長洲汪 琬鈍翁

余初宦時偶爾涉筆年大來棄去久矣不意甫草復攜其稿至江甯且欲為作廣說鈴而周櫟園先生嘗從貽上倚聲集中見引此書數則每相遇輒再三宣索余因稍加增改用傳好事聊助談資云

爾鈍翁再識

宋既庭

實穎

與宗弟疇三

德宏

俱以孝廉知名時稱

大宋小宋或問大宋何如人予言阮思曠都不及真

說鈴

長逸少而能撮有諸人之勝

金秀才

式祖

詩歌頗有唐調予北遊時金來話別值

賓客盈座金都不敘語竟出所作送別長歌朗吟一

遍捧腹謂予曰此詩何如高達夫舉坐嘿然予頷之

而已

王進士言若遇仲默昌穀必自把臂入林若遇獻吉

便當退三舍避之予時在坐遠謂曰都不道及汝鄉

於鱗耶王嘿然

王六士

祿

與諸賢集大明湖上同賦丹鳳城南秋夜

長王詩先成諸人皆閉筆推為絕唱詩云丹鳳城南秋夜長關河寒近落微霜那須錦字論長恨自有清砧使斷腸破衲沙頭雁欲去拂雲堆上草初黃傷心不及邊城月猶照盧家玳瑁梁

吳處士

懋謙

訪予邸舍每被酒自誦其所作遊五嶽

詩音響琅琅若出金石覺爾時意致適上不可復及

劉比部

體仁

晨入朝遇鸞羣兒嬉遊之具俗所謂倒

掖氣者指揮從人買數枚次第於馬上吹之了無作

色徐自笑曰此事可入彈章

說鈴

倒掖氣之名見劉侗帝京景物略

王十一

士禎

在京師將遷寓慈仁寺予往阻之曰子

寓慈仁不得不賦雙松詩恐損子名主傲然曰寓不

可不移詩那可便作

慈仁寺即今報國寺按王集中載報國寺雙松詩

一首贈許天玉蓋是歲移寓後作也歌詞雄偉沉

麗與題相稱王既為此言而其後竟爾操筆才人

固是難量

王匡廬先生

與救

家居教諸子弟絕不以時義程督

之詩歌古文各徇其意親串中或諷曰諸郎君幸早
露頭角何不令銳力場屋願為爾耶先生怡然曰君
勿言彼伏獵侍郎詎是甯馨物

新安江秀才天一言士大夫不立品行必不能為文
章

文集有江天一傳即其人也傳中亦備載此語

吳孝廉兆騫嘗與余輩同出吳江東門意氣傲然不

屑中路忽率爾顧予述袁淑語曰江東無我卿當獨
秀傍人為之側目吳不顧

說鈴

三

王匡廬先生不恆為詩每遇林臯清曠襟抱悠然輒
復有作諸子或請編錄先生諒之曰吾寫懷送抱如
絃之有音所懷既往則絃停音寂何庸留此枝贅為
耶

魏光祿象樞言學問必從忠恕入予曰毋自欺何如

光祿言此是忠恕義疏耳

或問李王詩優劣予曰李氣雄王骨秀或又曰然則

李固勝王耶予曰未可量也

劉公勇棄官入蘇門依孫鍾元先生嘗築堂先生所

居側人之厭其蕭寂棄所攜一琴於堂而去因名留
琴堂王儀曹作留琴堂詩其起句云身是巢由未得
閒聞者便為絕倒

吳四少時簡傲不拘禮法在塾中見人所脫巾冠輒
竊取溺之其師計青麟先生名大加捶楚後見渠所
作膽賦乃嗟賞曰此子異時必有盛名然當不免於
禍至丁酉科場事起眾謂先生知言

按吳北行時青麟先生沒已十二年許矣

南海鄺秀才詩才清麗程五舍人可則極稱之如過

說鈴

四

屈原賈誼祠云天高未敢重相問年少何勞更上書
又漢陽送客云天盡水連巴子國月明人在武昌城
皆為名句

秀才字湛若名未詳為粵中狂士順治初 王師
入粵秀才抱其平時所寶古琴投水而死

余問李吧瞻欲擇意氣之交須任何術李曰宜求不
輕諾者交之

王十一在大明湖北渚亭感秋柳賦詩四章其一曰
東風作絮糝春衣嘆息人間萬事非扶荔宮中花事

盡靈和殿裏昔人稀相逢南雁皆愁侶好語西烏莫

夜飛欲繼風流問枚叔梁園回首寸心違嚴給事

稱此詩風調淒清如朔鴻關笛易引羈愁讀之良然

按王集中秋柳詩凡四首此其第三首也王西樵

和詩今亦附錄一首

千條萬縷最堪憐夜帶啼鳥曉帶煙天畔星光仍

暫暫風前笛思轉絲絲折來玉手竹三月種向金

城更幾年是處經秋總惆悵傷心不獨渭橋邊

計孝廉東故貧士嘗置一妾晨夕設食惟粗糲而已

說鈴

張夫人諱曰古聞糲糠之妻不聞糲糠之妾如何

張夫人孝廉正室也

米進士漢詩畫皆工秀書法學米南宮徑寸外者

尤勁媚或評之曰紫來天才超詣當在友石先生之

上

薛戶部舊生戲王推官汝一文士耳異時終當依我

幕下王熟視薛曰恨子非嚴鄭公薛大笑

余亦有調大武一絕句十載雕蟲稍擅名未嘗縛

袴學長征他時若得登三事但乞蒲邱作騎兵蓋

大武素輕余輩爲文士故也

王推官與予論唐王孟詩余謂襄陽稍涉俗王急歎

爲知言且曰近體洵有之歌行古風無是也

史辰伯兆斗素博洽猶習三吳典故嘗過予劇談劉

子威張幼於王伯穀諸逸事此髯急張談波恣涌竟

日不倦從叔孝廉希汲嘗曰吳中文獻必推此翁爲

冠

史翁在一俗子坐其人喜與翁論詩翁遂舉王司寇

咏史百首渠了不知也翁勃然曳杖起曰豎子且未

說鈴

見弇州續集如何言詩竟出門去

余遇王十一於慈仁寺問近作何詩王言昨爲梁曰

緝熙題得杜工部像余駭曰子率易如此耶王不應

直擲其詩令余讀之至意氣凌天馬幽愁拜杜鵑余

急加稱賞曰能道得箇語真工部後生

按王集中題杜工部秦州像凡三首此其次也今

附錄全篇於後

靈武中興日秦州旅食年羌戎常維處崖谷至今

傳意氣凌天馬幽愁拜杜鵑瞻依思往事攬涕獨

潛然

魏光祿言薄於朋友者薄親戚之漸也薄於鄉黨者薄宗族之漸也

此一則見光祿所著庸言中

舍弟摺九 孫以博雅自許不多作詩遊中州還忽見示絕句云汝水東流馬向西仙翁峯畔躡雲梯丹泉汲罷楓林晚亂聽深山後懊啼雖復廿八字字字雋永

後懊鳥類杜宇鄢陵以西多有之予舊寄摺九一

說鈴

絕云梁公祠畔草萋萋王霸城邊日又西後懊不

知行客恨隔花猶學子規啼卽此意

計甫草至順德追憶歸震川先生嘗佐此郡有廳記二篇卽策蹇往求遺址不可得乃入署旁廢圃中西向炷瓣香再拜流涕被面見者皆以爲狂僕夫亦匿笑不止了無作色

劉比部撰汝穎集共得小序數十篇每篇皆有意思余借讀一過還之曰此傳奇體耳以君之才何不作

穎州人物志

邵刑部言向子平未是達人既知富不如貧貴不如賤便知死賢於生

生與富貴爲類死與貧賤爲類達人真心玄悟必不信彼而疑此也昔莊周稱髑髏云死者以天地爲春秋雖南面王樂不能過此此雖寓言理亦可譬然則子平所見其不能逮莊明矣

慈仁寺東廊下有無名氏題兩絕句云故宮高與碧山齊無數垂楊接御堤玉輦不來花落盡疎鷹臺上鳥空啼新整湯泉咽不流繚垣歌側野棠秋月明深

說鈴

鎖長生殿夜半無人誓女牛詞意悽惻真傑作也

王揚州方宴客聞司城信爲之於邑曰升沉固無足較然使於上林蓮勺間得一閑曹俾不廢觴咏亦何與造物者事而必欲挫折之如此感歎之次遂命罷酒

雲間董二孝廉最善賦學如鏡賦燕賦採桑賦皆輕婉流麗可與吳兵曹頡頏然吳間作唐人語董則取裁齊梁者居多

按吳集中如蓮花賦其略曰晴虹宛轉古徑婆娑

竹沿溪而更密花宜水而偏多乃有田田翠扇的
的紅衣潛根水壑擢穎方漪出金塘而競爽對玉
鏡而呈姿又曰爾乃西山雨細北館風涼干盤賦
粉百葉啼妝雜江花與江草映垂柳與垂楊情以
幽而更麗氣以靜而逾香斂柔懷兮不語送媚影
於迴廊愛麝熏之微度襲芳郁於羅裳是宜君子
所玩甯曰野人之芳此賦亦多用齊梁語今云唐
者蓋總其大凡言之耳

彭布政禹峯 而述 長身修髯聲若洪鐘一飲能盡數

說鈴

九

升一食能盡一銚肩真撥亂之異才也

王十一古文詞多用世說及水經注故境狹而語幽
過江集中如竹林招隱兩寺題名記皆有致

吳處士詩名藉甚一貴人慕之欲招與相見使者至
其門吳傲然不顧直曰某今日不暇後亦竟不往也
有崔孝廉者嘗得句云黃葉聲多酒不辭王十一賞
之曰爲崔黃葉余笑曰十一作詩餘長安士大夫稱
王桐花固不可無崔黃葉作配

按王桐花之名始於劉公勇此調乃蝶戀花和李

易安韻者今附錄於後

涼夜沉沉花漏凍欹枕無眠漸聽荒雞動此際閑
愁郎不共月移窗罅春寒重憶共錦綉無半縫
郎似桐花妾似桐花鳳往事迢迢徒入夢銀箏斷
絕連珠弄

曹學士 本榮 問余以君之才何不講學對曰身有所
得本從禪宗入意不欲改頭換面更令後生輩作話
柄曹默然

程舍人嘗撫慈仁寺松歎曰長安諸賢率皆未登庠

說鈴

十

嶺故使諸松浪得盛名

王揚州自淮上還青簾畫舫乘風南下與余相值泰
郵湖遙語曰有事欲附致家博士及遣信至乃寄舫
中所有第二泉四器而已余以道遠稍難之王攢眉
曰汪大乃成俗吏

吳四性傲岸不爲同里所喜其友或規之吳大言曰
安有名士而不簡貴者

或問計孝廉侯二 玄淵 宋三可方古何人計戲爲題
目曰研德如張子布疇三如魯子敬

王博士憶榮雜詩有潮勢汨三韓句形容頗極雄闊
或疑汨字無來歷余曰亦子美吳楚東南坼之類耳
坼字汨字正以獨造見奇

按郭景純江賦潛演之所汨滉正此汨字意但郭
語連用稍不同耳

孫鍾元先生奇逢居蘇門夏峯村清泉嘉樹映帶茅

衡一觴一咏翛然物外李工部震生以為先生本非

隱者其少時豪俠之氣尙自稜稜爽露

吳下士流有好禪學者自謂塵縛難解余告之曰賢

說鈴

不如卽解禪縛其人不能應

至人之道初無障閼後之學人或但執理解或專

參死句稍生知見便為所縛既為所縛統是凡夫

雖有理俗之殊至其為累略不差別

董侍御文驥五言古詩沉雄頓挫是其勝場若出使

榆林諸作尤為少陵紀遊之亞

予謂中唐七言律詩率宗高常侍李東川惟錢員外

規模摩詰差屬穠麗王十一亦以為然

或謂中唐作者何故不宗子美予曰當是聖不可階

劉主事性曠達嘗置酒慈仁寺松下遇遊人至不論
識與不識必牽挽使飲有不能勝者必強灌之至醉
嘔乃已

客指燕地蒲萄問予吳中何以敵此予答曰橘柚秋
黃楊梅夏紫言之已使津液橫流何況身親剖摘

昔陳昭問庾信蒲萄味何如橘柚信曰津液奇勝

芬芳減之尉瑾曰金衣素裹見苞作貢向齒自消

良應不及然則蒲萄橘柚舊已齊名獨未有以楊

梅敵者止見江淹一頌耳既已齒及足今此果長

說鈴

價

予問魏光祿為學之道魏正色答曰那不讀書改過

董大行內計時或注考語云性成曠達學負時名董

初無忤色其後遂手書此聯粘置齋壁

或曰王十一詩筆墨之外自具性情登覽之餘別深

懷抱真有遺世獨立想

魏光祿里居後不復通書朝士或以著述寓予惟用

方幅紙題姓名其上而已蓋其耿介如此

陳處士維崧排偶之文章絲悽惻幾於凌徐拔庚予

致書王十一曰唐以前某所不知蓋自開寶以後七
百餘年無此等作矣所見方素伯集序贈陸菊隱序
尤爲奇拔

方序詞繁不載今略陸序於後自名菊隱志遇也
粵以龍蛇之年遂應魚羊之讖普天瓦解列鎮茅
靡羸羊盡作俘囚欒卻悉班氓隸庾開府著傷心
之賦五福無徵馮曲陽著自序之文三靈獲譴斯
時也齊國忠臣猶稱王燭楚邦義士尙說包胥落
落戈船雨暗吳江之棹蕭蕭戰艦烟迷歇浦之帆

說鈴

三

惟我膠城獨推上谷醢酒而談登陴以誓袁本初
子弟俱願相從庾元規賓從皆能自效三日哭於
都亭六軍盟於別館當年夏馥曾聞烟煙之親此
日黃瓊亦有門徒之誼其爲犄角相與藩維然而
烏頭未白河水難清空埋地下之愁不救天公之
醉痛龐涓之箭盡兩曜無光悲項籍之途窮三川
流血一門爭死七尺無歸藐爾諸孤行將焉及又
曰自稱擊筑之傭謬作賣珠之客重關半夜私出
田文複壁三年深藏張儉開關人命猶授孝經涕

泣避仇每傳論語齊朝才士半知袁粲之孫管寧
諸卿漸錄趙衰之後將謂少孤不死庶幾人者復
生詎意遺珠又成破鏡王規玉折時事可知徐悝
蘭摧天心已矣又日照鄰失意居惟病黎蕭悛去
國歌成落葉弔棠梨而無館臨酸棗而非臺湘水
三閭假餐英以適志潯陽五柳聊採秀以摠懷仙
人餌以長生潔士因之玩物

董二孝廉有送客入都詩云蕭條易水逝驅馬向空
臺岸柳春前放江鴻雪後來語極雅淡有自然之致

說鈴

西

商邱徐恭士作肅榜其門曰問君何所長客來必指
此問之有一藝者卽與盤桓竟日或都無可採輒踞
坐揮手曰休矣

吳四最耽書一目十行然短於視每鼻端有墨則是
口讀書必數寸矣同學以此驗其勤惰

李十九良年善爲古文問作排麗體脫稿輒棄去余
問其故答曰吾家伯季並擅斯長阿京未欲爭勝耳
後見渠兒斯年繩遠文如春湖士女圖及查韜荒江
漢詩集諸序再三吟諷深歎十九言不妄

阿京李小字春湖士女圖序詞繁不載今略查序於後

登高能賦昔記毛公對酒當歌遠懷魏帝况復三湘可涉賈傅之弔靈均七澤雖紆長卿之言雲夢靡不寄情郢曲託興章華又曰星隨軫翼遊征不窮路指襄樊沿流無際周郎散華之處惟有空洲仙人采棗之亭虛傳故里加以楚宮回眺巫峽遙看戍鼓猶鳴林猿自響每起流連之思非無贈答之詞至若往日長楊依依夏日晚春芳樹萋萋漢

說鈴

五

陽青雀頻開還應理權野鷹初唱時復登臺既而轉舵滄浪之水分帆湓浦之城峯回廬嶽香鑪宛然湖匯宮庭石鐘如昨羊叔子之興悲峴首周伯仁之灑涕神京無假思葺彌同擊楫豈惟馬當風險序本王生牛渚月明歌聞袁子昔參軍羈旅之日臨川遊覽之年並有高吟俱裁新製若以方斯麗則譬此雕華遙集之見賞特在弘農士衡之驚嗟良由記室要使銅鞮緩曲終宛轉而難前估客新詞幾徘徊而不盡

合肥龔先生鼎華作詩文下筆數千言可立就詞藻繽紛都不點竄為孝陵所識賞嘗在禁中歎曰龔某真才子也

葉元禮舒崇素病羸然頗不耐杜門客有憂之者或笑曰猿狙之性動而彌壽

予亦有詩規元禮曰藥裹茶鐺故可親底須懷刺逐風塵中朝洗馬方羸疾莫倚聲名是璧人又曰二載詩名滿薊邱彈棊捉塵更風流如何消渴春來甚不為文君也倦遊

說鈴

六

金秀才評侯朝宗之文已自成家惜其得名差早未暇鍊句耳予知金此言微旨頗深愧之余嘗問龔先生古人窮愁著書今某輩奔走衣食頓覺文思荒蕪都無逸興如何先生言古人直是憂讒畏譏耳與近世金盡裘傲者不同故能托物感懷纏綿悽惻若使飢寒切膚恐亦未暇爾爾余初未遊西山逢人輒相咨詢或曰西山雖復崇深意謂不如東南諸郡清潭鏡澄層峯屏峙一花一石相對饒有勝情

客問余何意沉酣故籍中余徐應曰身之好書政如君侯之好博奕

廣平申和孟涵光不欲輕通貴交惟致書於余微訊

王吏部近狀余報之曰吏部蕭疎簡遠不失故武誠吾黨第一流也

梁侍御不多作詩文客或勸之梁言身意不爾行當以少許勝人多許但得傳百篇足矣

或舉王十一寓余詩有姓字慚龍腹文章忝雁行謂若故與十一齊名耶余曰風姿玉舉逸藻雲飛不得

說鈴

不與海內共推此君僕固非其匹也

按昭上留別詩全首云海內談詩日人傳我輩狂

遠遊羨宗炳疎懶似稽康姓字慙龍腹文章忝雁

行橫門今日別攜手已神傷

邵比部問余文家宗旨余謂讀書十年祇尋得翻案

法耳邵頗吝賞曰錢牧齋意亦爾爾

余嘗謂宋人文章能學昌黎者惟歐陽文忠得其序

記道逸處宋景文得其碑誌奇崛處今人不習新唐

書便相指摘何異矮人觀場

指摘新唐書者以為序事舛互蓋祖吳氏糾繆說耳然史家之言率多失實盲左腐遷濫觴已著不當專呵宋也

寶應朱秀才克生少時遇錢牧翁投一書幾數千言與之論詩中間頗推重列朝詩選錢置不答直語客曰他時指摘吾著述者必此郎也

宋公子華家居時嘗命作蘇子瞻像輒貌已侍其側後筮仕竟得黃州通守

顧甯人處士炎武在京師酒次與客論經學客或舉

說鈴

唐石經誤為十三經者顧厲聲曰此與宋板大明律何別其傲岸多類此

予與計孝廉李秀才即席為一畫師賦詩李攬筆便

就詞云王郎畫手今無匹相值秦淮歲已闌卻憶帝

京銷夏日見君雲壑畫生寒予歎其章法高老為之

撤管

嘉興朱處士茂明城南別墅即唐裴僕射故居有亭

名鏡雲其外溪水滌洞竹木森蔚最為幽勝寶應朱

秀才慕處士名往造其廬值處士不在秀才竟攜茗

具至亭際吟嘯竟日處士歸而知之大相稱賞遂與
定交

魏推官學渠之任成都余輩限韻賦詩送之推王博

士作擅場如白晝荒城餘虎跡青天驛路隔蠶叢又
荒村淒響聞山狄江路幽花雜木縣此類語皆有致
又一章云碧雞祠畔草痕生白鹿山邊按部行織罽
粳人傳好句當墟少婦避行旌新開印笮通蠻徼舊
種芙蓉號錦城此地宦遊良不惡況今河漢已銷兵
按寶應朱秀才得覃字韻其詩亦佳今附錄於後

說鈴

光

佐郡分符入武擔錦鞦玉勒誇桃驂梁園賓客歌
楊柳蜀國山河種石楠叱馭甯辭九折坂題詩應
過百花潭何年得訪嚴平宅欲卜升沉望劍南
二王好香奩詩唱和至數十首劉比部寓書於余問
訊博士曰王六不致驥韓冬郎雲霧否此雖慧業然
併此不作可也

按博士香奩詩自序云情至之語風雅掃地然不
過使我於宣尼廡下俎豆無分耳蓋其託興如此
予在廣陵讌集王十一語客曰汪大賦性高潔加詩

筆清麗頗類韋左司惜無左司少年游俠一種氣魄
耳予知王欲相激發遂不復措辨

計孝廉謂侯朝宗文如以石激水使成波折差乏風
水相遭之趣

按壯悔堂集中書策誌銘極多奇構甯南一傳敘
事尤酷擬史遷可推近世作者然甯南事皆失實
左誣魏巖始所不免無徵不信其謂是與

周侍郎亮工嘗述孫北海先生承澤語曰詩文之道
莫妙於易莫難於老

說鈴

平

中和孟作毛穎後傳微有寄託亦是滑稽之筆可與
前人江瑤柱羅文諸傳相比

其略曰穎以老病謝中書事歸而往來研山甬上
愛防風山水遂移居焉是時陳玄隱天都褚先生
在剡陶淵遷於端州時時相過為方外交適有人
從長安來言沛公入關時蕭何盡收丞相御史律
令圖書乃嘆謂玄等曰吾輩踴生不纂錄將與竹
帛垂無窮今遂為他人有耶因歛歔不自勝遂發
狂常科頭散髮不與士大夫相見士大夫亦厭之

擲不復顧，節師媼婦或見而呼之，命登記所業籍，欣然爲書。然書又潦倒，不稱人意。其後穎死而子孫繁衍，日益盛，皆能文。工書畫，烏衣象服，佩玉襲紫綺裘，照耀江左。四方達者聞之，爭聘掌書記。先是穎懲已孤立，被廢命子孫十人爲曹所至，遞用事故，寵任久不衰。四方黠者亦拂節冒穎支庶，識者輒能辨之。於是中山之族微，而防風甲天下。史氏曰：自楚漢遞亂，能者皆起效一技，而穎獨以老病自全，挺立不屈，豈慕孤竹之遺風歟？然身晦而

說鈴

圭

子孫用使富貴不絕，可謂善處名實者矣。

文處士點作畫，頗得待詔家法。然多率爾之筆，余規之曰：此事定須霞思雲想，刻意經營，奈何！頽唐落墨，便布人間。

朱子蘇尊詩才雋逸，文尤跌宕，可觀。然性好飲酒，嘗

與高念祖伯允入都，每日暮泊舟輒失，朱所在及高

往求之，則朱已闌入酒肆中醉臥，鑑下矣。

計孝廉喪其愛子，哭之過時，而悲余作文規之，龔尙

書見而歎曰：甫草之情深，若文之論正，父子朋友間

兩無遺憾矣。

施副使閏章官山東，往拜李滄溟先生墓，重爲立碑。

夜夢一緋衣者，造其室，自稱身是李攀龍，以君知我

故來報謝。

富平李處士因篤長於經學，嘗詣余論春秋，頗指摘

胡康侯傳，余語之曰：君辨固佳，然知人論世，良自不

易，李懔然。

龔先生虛懷樂善，偶在酒次，朗詠杜處士蒼所贊蘇

子瞻絕句云：堂堂復堂堂，子瞻出峩峩。少讀范滂傳，

說鈴

圭

晚和淵明詩，且咏且歎，謂十字能括子瞻一生，可稱

高卓。

余頗自患懶，放兼以此規王六玉莞爾曰：長安車馬

喧闐，若無吾黨一二孤寂者，點綴其間，便成缺陷。

余往王推官許，數詢博士新詩，推官援筆書五言數

聯，如關路垂鞭暮山城，到雁稀鶴下松巢，暝人歸沙

路，低清沙騎馬路，微雨過橋人，玄鶴有時至，滄波思

渺然，秋水蒼溪碧，春山願渚清，語俱澹，倚在天寶大

歷間。

王集中五言律詩中多唐人語今附錄用孟浩然
韻留別黎小翼寄懷龔玉臣司李吳興二詩全首
於後

其一

落魄蓬蒿子仍尋舊隱歸詎嗟洛京遠所惜故人
違關路垂鞭暮山城到雁稀知君相憶處落日掩
雙扉

其二

回首分攜日心期向爾繁側聞辭魏闕佐郡出孤

說鈴

城秋水蒼溪碧春山願渚清遙知官閣裏吟眺足

幽情

薛給諫作畫全師董巨士大夫少有其匹家孝廉素
善鑒賞尤咨歎之以爲給諫能潛心描筆便當升董
文敏之堂

或問計孝廉暇日何以自娛計云賦詩彈碁俱層惡
業但能日誦楞嚴兩卷便足了一生事

中和孟五七言詩氣體極高老子尤愛其七言絕句
暇日與王大諷詠數首歎謂含蓄澹淡使置唐人詩

選中未知可與誰比

按和孟遊黃花谷云竹杖尋源入上方滿山榭葉
晚蒼蒼亂碑零落遊人少一道飛泉下夕陽步殷
宗山韻云雲屐初從泰岳還石林斜日草堂閉上
方鐘定無飛鳥一片秋聲葉滿山汎舟明湖云女
牆倒影下寒空樹杪飛橋渡遠虹懸下人家十萬
戶秋來俱在雁聲中溪上云微霜昨夜下庭槐水
畔閑登萬里臺兩岸蘆花飛白雪午橋烟裏一舟
來茅屋成云溪上新成屋數間柳花蒲葉滿松關

說鈴

醉來白眼西窗下臥看烟中馬服山

王推官于役淮陰泊舟秦郵湖風雪凝溼淒然動心
秉燭作歲暮懷人詩六十首夜漏未半屬草都就詞
旨清麗間出奇峭語茶村杜處士語人曰使君才藻
如許當是天人

朱國楨克生作 端敬皇后晚詩吐詞典麗且立言

絕爲得體會余方賦此題遂匿之不復示人且曰朱
三兄作在唐人亦當擅場

按晚詩共四首今附錄二首於後

雷

玉容隨碧水金冊重黃綸謚法傳宗伯齋詞命宰
臣寶衣鏤翡翠仗馬飾麒麟閣外停封事無由達
紫宸素輦出雕楹君王執紼行宮娥結綺帶都市
翦紅纓玉仗齊金節龍簫夾鳳笙景山聊駐蹕愁
見月華明

王六方任博士語客云昔劉原父戲呼梅聖俞爲梅
都官梅便作色而慍某則不然但使有詩數百首得
稱迪功集比於徐昌穀足矣

王貽上作海客秋善病一篇頗自矜賞嘗出示余曰

說鈴

三

此詩當不減韋左司余笑曰露檻警孤鶴風櫺散疎
菊已微類柳州矣王躍然起曰君言良是

按王集此詩爲屏提軒病中漫興今全錄於後

海客秋善病歸來臥茅屋東窗蔭叢桂西窗羅斑
竹露檻警孤鶴風櫺散疎菊以此淡漠心聊取媚
幽獨鴻鶴薄天游麋麋樂巖谷

謝榛先生有家在鄴城外已頽墮荒草中計孝廉至
鄴爲賦詩弔之又搜案中得數金雇人封土三尺餘
且立碣其上誌之曰明詩人謝茂秦墓嗣後計每見

人輒舉此自謂不虛此遊子笑曰阿珂故自歎

阿珂計小字

義興陳處士與余論六朝之文詞雄旨洽鉤入深微
多出諸賢尋賞之外時冒樸菴襄在坐傾聽不置陳
遽掀髯謂余曰與子論交十年今日始稱知己

繆子野永謀謂鍾廣漢淵映若不妖則神懷散朗學

義淹長在後進中吾未見其匹也

華陰王山史弼撰文章以簡質勝文二嘗嘆曰山史

諸題跋最佳絕似吾家待詔

說鈴

三

梁侍御自顏其齋曰哲次予不曉斯義每相咨問梁
曰身固願居曾哲之次意蓋以狷者自命也余與葉
編修方壽同作齋記

侍御假歸余乞文與也作哲次齋圖寄之齋前繪
一梧一石一鶴余復跋之云先生齋中非必有是
數物也聊以寓清標逸况耳

周櫟園先生官閩每求江瑤柱輒令蠻人取諸梅花
厂石問其甲上紋如瓦楞映日視之與綠玉相類彩
色燦熒晃人眸子周語人曰卽此膚理便足擬撻海

族惜其生育遐邇不登玉食耳

分湖葉秀才爲鍾廣漢徵誄文援筆作引頗屬哀豔
李十九曰讀此如聞急風淒雨令人益增鄰笛之悲
其略曰匹友鍾子廣漢幼而早慧家本烏衣長寶
素心才堪龍腹衛珣綺羅之歲便擅清談張翮鷺
羽之年自然騰譽英華注手則絃管自調文雅沿
心則風雲並動澄江清泚逸興朝開秋露低垂新
情旦起摘詞旣藻博雅爲期服子窮經覽門庭而
動色桓生稽古遊庠塾而興懷乃命不猶人數奇

說鈴

毛

寡合歲歲上書雨濕西冷之橋年年作客烟迷南
浦之舟悲搖落於江潭誰能獨醒感平生於疇昔
何地埋憂所以王處仲有伏櫪之歌阮嗣宗有窮
途之慟人之情也傷如之何又曰驚馬朝驅生拜
昭王之墓寒風晚吹死同壯士之悲夜哭愁聞孤
魂遠滯遂思落帆亭畔亦名思子之臺織錦機中
應化望夫之石况復紫絳未歿弱息先摧羊乘旣
亾藐孤絕嗣葬要離之側迢遞吳宮招屈子之魂
徘徊燕市理乖蒼昊感塗人

李侍郎敬最善指摘人文章嘗讀余作未終篇輒卷
卷不語余徵其故李指所引菁莪字曰經有菁莪者
莪之什無菁莪之什也吾子亦爲是俗學耶余大駭
服

劉吏部謂梁侍御有才不騁其能忍處政自不可及
余題梁曰緝江村讀書圖其首章落句云鄆陵野色
平於掌也有江南此景無王阮亭見之呵曰吳子輩
乃爾輕薄余笑曰行當及君矣因續嘲阮亭所題云
彷彿春江綠樹陰幾回展卷幾沉吟江南與汝關何

說鈴

毛

事賦得愁心爾許深

聞人有捲紙爲簫者周侍郎得之色如黃玉扣之鏗
然以試善簫者或題之曰外不澤中不乾受氣獵全
其音不窒不浮品在佳竹之上後以贈劉公勇公勇
爲賦紙簫詩

余遊金陵清涼寺見壁上有詩乃題贈一僧名掃葉
者其詩云拈花久礙入林眼掃葉猶留解脫心何似
無花併無葉千山明月一空林頗於宗門有會不知
誰人作也

曹秋岳先生溶稱關中李天生長律詩曰風雅以來
僅有斯製

余嘗誡兒子筠甯爲畸人毋爲鄉愿甯爲學究毋爲

名士

名者實賓故當以學植爲本倘專採春華遂捐秋
實既蹈空疎兼傷輕薄名士風流非所尙也至於
前賢有題之曰噉名客者斯亦詆呵之極矣

余輩未第時作文社名曰慎交嘗傳入禁中遂登

天聽孝陵對近臣謂徐修撰元文曰汝非慎交

說鈴

完

中人物乎固當顧名思義毋得墜此兩言

余方燕諸客有一畫師後至延之坐隅隨詢以所長
此人率爾對曰長於繪人物問師何人又率爾曰師
吳道子衆方目屬訝之文二徐放杯拱手謂曰君行
橐中得道子稿本幾許此人嘿然舉坐爲之闐堂
余問文與也吾鄉周東村唐伯虎畫俱倣北宋何故
士大夫獨重唐筆文曰周模擬有痕唐能加以變化
耳余深歎爲知言

說鈴終

嘯園藏板

跋

曩已巳庚午間借遊邱南請業之餘從師求說鈴本
讀之師云此吾少年習氣未除時所作棄之已久印
本皆無存矣後求之同門諸學者皆未見荏苒已三
十餘年往來於心未忘也今春介夫先生始從宋檢
討鈎處借得抄本屬借繕錄遂欣然命筆但不能如
錄堯峯文抄時筆畫端楷蓋彼為鏤版計故不得不
刻畫又年丁強盛故爾此則隨筆書去往往有天真
爛漫之致亦猶吾師為此編正以無意而成文耳然
迫思當日標賞正自不同流俗今士大夫猶能彷彿
其風流餘韻否緬思先正慨然永歎不僅以讀師遺
書而興西州之感也康熙六十年五月九日寓都下
梁園之警露軒西室

鹿原林信

雍正八年七月借紫幢王孫本手錄一通原本乃林
舍人正書留贈王孫者編首有長林二字葫蘆印記
而葉八分書說鈴二字後有臣信之印吉人之辭二
圖記

說鈴

跋

一

說鈴

跋

一

說鈴一卷為長洲汪鈍翁所著曾附刊於漁洋說部
精華之末者也鈍翁為一代名家聲望與新城尚書
並重著述本不止此此特其筆墨餘事耳然單詞片
語雋雅清新大得晉人清談遺意惜原板久燬今從
南徐包子丹廣文處假來所藏舊本重付剞劂俾廣
流傳以存昔賢遺韻固不徒供士林清賞已也
光緒四年歲次戊寅秋九月仁和葛元煦理齋甫識

待翁鮑鈺附識

甲寅長夏溽遊長城留榻縣署之前度軒中時從待
翁明府假插架藏書消暑送日而鮑翁先生說鈴在
焉先生文鈔久行於世此編單辭片語雋永雅馴直
奪臨川劉義慶之席實士林所罕見明府抄藏既久
不欲私爲帳中之祕囑渠繕錄錄諸梨棗凡兩閱月
而竣工渠因得附名末幅

梁溪華育渠并識

康熙中談古文者必推堯峯汪氏稱詩歌者必推新

說鈴

跋

二

城王氏兩人工力悉敵三家文二家詩流行至今而
無異詞也然汪粹於經學王富於雜說堯峯說部止
此數十葉未就之書稿本久不自存賴鮑待翁鏤版
長興縣署始見此冊知寥寥數條向屬友朋獎許如
是欲覓計甫草廣集并爲全書查不可得訪之吳江
故家鮮有見而知者亦一缺陷事爰附精華之後倘
遇有心藏得此稿續而成之其愉快當何如也
乾隆十三年仲春之吉青城里人劉堅識

被菴黛史



檀几叢書二集卷三十四

武林 王 暉 丹麓

天都 張 潮 山來 同輯

被菴黛史

句曲張芳菊人著

臨川章子大力於坐睡食酒香五者有疏焉。謂之曰史。猶雅言或佐之史也。坐睡食酒皆有香以生其清微而常於坐為睡坐。獨事也。除神之庭神將自明餘三非能以獨為事也。

檀几叢書

卷三十四

七集

自他有耀居一於對居一於旁居一於偶值也。對言室也。旁言媵也。偶值言伎也。邇有患焉多有患焉。邇則媒多則落媒敗吾守。落去吾事也是故有取於黛黛以遠為其義者也。予故戲續一疏曰黛史其目有六曰厚別曰養麗曰靜娛曰一儀曰鍊色曰禪通。

男女之遇有賓道焉。禮文遺緒重之固之。盃合燭出。取於昏夜事如寐矣。黛則以明相見也。珠玉以心之。琴瑟以好之。朝日夕月以潔齊之。致恭於匪饋之間。

而屏昵於裳帶之末。室事之所辨也。家事之所成也。不相辨也。而相辨也。是曰厚別。

倩以為巧。盼以為美。詩詠碩人。曲而盡矣。倩之巧盡。或傳諸聲。盼之美盡。或寓諸容。聲有遲焉。容有佚焉。巧美之得全者。或寡矣。聖人惡其盡也。罕儻諸繪事。繪事猶人為也。黛則幾於天事矣。倩盼之上。不示其巧。不見其美。而美巧之質。恒藉之以相全。其惟看乎。斜之在首。居質于空。有之間。而著文於髮。頤之際。所謂無用之地也。爾觀而明惠者。善藏于無用。非倩與盼之所可盡。是故雅步以安目也。善味以安唇也。若目之間。而首之所以致清也。四末之所以致端也。喻其端清。不言而得矣。是曰養麗。

檀几叢書

卷三十四

七集

人生無歡。歡如室室。其項焉耳。童解之。昵不知其莊。農成之。睽不知其厚。貴富之。靡不知其淡。貧老之。瘁不知其幽。今夫而首。身之上也。手與足。身之四末也。緩其結束。四末散弛。無有上也。但橫陳耳。一棄離之。其鄙滋甚。由是虛墳以為觀。瑤崗丹屏。形其艷。徒蒙以為粲。秀腰修領。見其都。若是者。猶常均之質也。今

夫黛之爲媿也。春烟可恨。則欽。裝修。被夏草未歇。日約帶倚風。開軒秋爽。則角著。書曲室冬清。則然燈弄翰。妝臺不借於鉛。調丈室無妨於花散也。故京兆之廡。可以由房。可以節色。不謂之昵。文君之遠。可以當墟。可以乘駟。不謂之靡。是曰靜媿。

喜聲語然。黛之四儀。心止於所。可以有儀矣。故喜之守黛也。審聲之守黛也。審語然之守黛也。審暗景含。美黛之喜也。微雲拂漢。黛之聲也。朱絃拂袖。黛之語也。清月照林。黛之聲也。喜聲語然無作也。而感諸黛。曰一儀。

夫圭齋之息。非有卻扇之姿也。絕裳之嬌。非有出鏡之艷也。蹇修難託。自成其廣。永矣。象服未施。自見其清揚矣。雖然。此猶以黛爲黛也。房敖之由。其質彌端。其文彌婉。徐淑之裁翰。蕭蕭之陳圖。以手爲黛也。越人歌其山木。謝女咏其白鴈。以口爲黛也。雖然。此猶近於黛者之黛也。夫晦朔相望。以爲明者也。澤山無

心以爲成者也。無所息於其終。禮以爲之前矣。無所怨於其未。思以爲之裏矣。思禮不世。無易作之齡。是曰鍊色。

鷲嶺之言。有色。諸天兼乎。巖妙形。堅即欲。情超即禪。分界有三。本一境耳。如登山然。曉則堆藍。曠則紫紫。當其漸遠。蒼蒼橫翠。已而遙辨。一抹雙螺。迤若雲霄。不知同在地上也。心無再固。宛成流溢。彼以故意。此以新姿。懟已生矣。薄已成矣。是故黛之爲質。僅有而已。有亦無也。何從辨哉。知有是理。是曰禪通。

往子有食色觀刻之。楚中。湖內見者。第以爲。交精言耳。意者。觀與食色。猶二也。今復拈黛史。夫彼已不啻有雙眸。觀我矣。若之何如。馳而不。知止也。子瞻云。不識廬山真面目。只緣身在此。山中以視。解人定不河漢。

陳伯璠曰。此於經理總完得一別字。義耳。入被。菴三龍見鳥。瀾乃有無限妙。傳先以欲釣。牽後。令人佛智。豈此謂歟。

五石瓠

1. The first part of the document discusses the importance of maintaining accurate records of all transactions. This is essential for ensuring the integrity of the financial data and for providing a clear audit trail. The records should be kept up-to-date and should be easily accessible to all relevant parties.

2. The second part of the document outlines the procedures for handling any discrepancies or errors that may arise. It is important to identify the source of the error as soon as possible and to take appropriate steps to correct it. This may involve reviewing the original records and consulting with the relevant personnel.

3. The third part of the document describes the process for reconciling the accounts. This involves comparing the internal records with the external statements and ensuring that they match. Any differences should be investigated and resolved. This process is crucial for ensuring the accuracy of the financial statements.

4. The fourth part of the document discusses the importance of regular communication and reporting. All relevant parties should be kept informed of the progress of the reconciliation process and any issues that may arise. This will help to ensure that the process is completed in a timely and efficient manner.

5. The final part of the document provides a summary of the key points and offers some final thoughts on the importance of maintaining accurate records and following the correct procedures. It is hoped that this document will be helpful in ensuring the integrity and accuracy of the financial data.

五石瓠

貴池劉鑾與父著

由柏

劉若寵妻周氏語康僧曰福世子名由松今宏光本名由柏乃世子弟也以逃難潛於淮上自稱福藩開士英擁戴因冒兄名士英雖昔任河南府知府亦不能辨其真偽徒以藩府內臣舊日知交衆可爲奧援富貴計遂決志定策耳未幾有北僧來南京名大悲輒欲召車內監與語且曰我是皇帝得旨殺於筮橋此乃真福世子由松也其後童妃爲福世子由松妃帝妹爲福世子由松妹無疑由柏安肯與之相見乎大悲之膺戮以妖僧目之寃矣據周氏之語則所謂松耶柏耶之名原爲疑義而士英之內不足食矣

福藩止有一世子

張懋德青陽人崇禎甲戌年爲福府長史丁丑謝官歸語人曰福國王惟般樂飲酒耳自生世子外不許更育一子凡宮中生子卽令沒之水其異於常人之性若此懋德以癸未春死於左兵而甲申乃有宏光

昭代叢書

別集

五石瓠

十一

世楷堂藏板

之事宏光敗後而周氏始以由松由柏之說密語所私今就二說審定之則福王止有一世子由松並無有以次王子矣恐由柏者亦屬中州諸藩非福宗正支也異日當訊之洛中士大夫方可決疑彼婦之口亦豈可盡信哉

馬夫人高氏

馬士英以魯藩失守削髮而遁令趙體乾築室四明山中自坐一樓下促其夫人高氏死高於樓上掩門抱幼子泣士英命婢僕促之再三高竟無一言士英怒拂袖入山高踉蹌自追之號於路爲大兵所執使導之入山士英乃被擒受戮

書吏家僮濫功

崇禎時九邊諸督撫每奏捷一次必暗報書吏一人家僮一人雜之劄委守把中請槩敘加銜時添設安慶巡撫銜係協理勦寇與邊缺同循爲故事矣兵部職方書役每歲候督撫輦金至然後隨疏具覆否則度之高閣史公可法撫皖時部中每持其請數月不覆良以此也宏治間陳壽撫延綏或諷壽註子弟姓

昭代叢書

別集

五石瓠

二

世楷堂藏板

名戰籍中當有勞賞壽日吾子弟皆不習弓馬竟不
許近世諸公何不一效法之然史公可法未嘗使家
僮冒濫一人

煙火

成化中上元張燈編修章懋上疏願陛下以天下為
樂將煙火之事一切停止懋坐廷杖為翰林四諫之
首時憲宗固冲年也福王乙酉正月閣臣馬士英進
煙火一架價五百金點放之際煙藥中機造飛龍圍
繞殿柱王奇之諸閣臣又共進一架南渡何時以中
點放用原工始盡其妙

昭代叢書 別集 五石齋 卷五十五 三 世楷堂 藏板

唐宋名石

白樂天太湖石在蘇州張鳳翼伯起家見王衡詩孟
郊題陸羽石在王稗登家見徐勣筆精歐陽公苻溪
二石其一在滁州太僕寺中見馮元颯一賞軒題辭
白張故物今恐未必存

貞觀時鐵矛

崇禎末山東樂安漁人於海中得鐵矛一極巨重上
鑄貞觀九年字蓋戰艦所用唐征高麗時舟師物也
太取之治為刀鏃鋒甚銳利

冠佩

山上繫珠玉琥珀蜜蠟之屬非古也有在中面者有
在左右者所繫又雕績鏤摹極其詭矣皖桐潘映婁
特製小碧玉盆於右每早插翠花一枝在盆又任意
或珠花或時花不一而足士夫而為婦女之曼靡寧
非邪類

昭代叢書 別集 五石齋 卷五十五 四 世楷堂 藏板

相公開三市

董心葵賣金賣珠寶人參於京師各張一鋪人人知
之周宜興安得不敗

人參榼

周宜興之再出也從淮舟行槩不與人宴會送席者
亦卻弗受有一州郡官以人參為肴設於小榼賂左
右俾呈相公一見之宜興偶收參而麾其榼于是沿
途弁紳密偵其例遂有以參二斤為一器者自是舟
中之參積若山阜矣

琴甄

河南北古墓中大甄其橫上通兩竅而下開方孔或謂為收水氣云以為琴臺則清激之聲自出長短花紋其式不一移載江南有直十千錢者崇禎中因上製曲造琴嘗取此甄以供御

輪子

西北鞦韆之戲其人及三而止其高丈五而止距地數尺餘皆富貴家戲也有輪子者加以輪轆轉可容數十人高二三丈許距地已十尺餘貧婦村女必與焉謂春天可借以卻疾云元夕後輒共事此

昭代叢書

別集

五石瓊 卷五十五

五

世楷堂藏板

珠冠價

明朝皇后一珠冠費至六十萬金珠之大者每顆重八分然亦無幾也及其上賓則此冠藏之太廟盡中官盜毀之朝廷不問豈非暴殄哉山東尙書張忻夫人陳氏珠冠首飾一副費八千金每旦悉妝設髮髻閒不以為勞且贅也行步出戶婢女呵導如官儀則宮庭不足異矣李賊陷京師夫婦受刑辱冠飾皆被拷掠而去鼎革後益富益吝益妒益壽

大珠當籌

周宜興以大珠三十顆昇董心葵為識以當牙籌凡士大夫進千金者心葵以一珠歸宜興即知其貯千金也竟三十珠宜興仍發與心葵再進如是者周而復始一月之中不知凡幾云

徐鳴鵠

天啟時浙人徐大化搏擊善類京師人呼之為徐鵠

神與人通帖

萬厯末有選封邱令者於京師邸中夢一人投帖云治生陳平拜其人不解蒞封邱知陳平是其邑人墓於是因新其墓於黑山前此兵部尙書楊博在朝時每過前門關廟必投一鄉晚生帖博蒲州人上距蜀漢恐不止於晚生而已也崇禎末池州建德江桓夢關侯以通家治生帖拜其邑人孔尙鏞今未驗

昭代叢書

別集

五石瓊 卷五十五

六

世楷堂藏板

宣德器

宣德器用無一不工亦無一不傳至今宣爐也宣銅諸器也宣德紙也宣德畫也宣窯也宣德漆也宣德

錢也宣德琴也尙有詩字文章不在服御之列士大夫每以景陵比漢孝宣不知文德武功過漢帝遠矣惟是身親萬幾綜覈名實與漢帝略同故論法擬之

基

宣宗廟諱萬厯後犯其名者甚多崇禎時盡改之在籍閣老成基命具疏自改名靖之惟魏國公徐宏基初不以上請

曾楚卿坐納妾事

曾楚卿爲魏璫削奪崇禎時起少宰原有妻偶託人

昨代叢書

別集

五石齋

七

世楷堂藏板

娶妾至門始知爲淨身人姪女卽卻不納淨身人恨之遂盛飾其姪女騎馬立長安街過過往官自稱曾楚卿妻送揭識者知其誣時方枚卜鄆陵常自裕有他疏點綴及之曾遂不得與

孔相國救復社

當溫體仁在位必欲究復社值其病在告孔公貞運秉筆遂決絕其案及溫入直殊怒語人云孔老先生近亦聽人提索矣姜公曰廣時家居曾語邑令郝錦云孔此舉最得體但惜其鄉人曾思索賄耳此則姜

公之聽熒也

建德相公

孔公貞運一生不言黨不好名不令人知其德劉宗周罷歸羈天津猶有疏至思宗甚不憚孔面奏調護者凡再四當天啟丁卯掌坊時魏璫薦監生四人厚贄拜門生意在營秋榜孔云我未必主試但俸深必見推諸生高才萬一得雋豈不似私拒之後推主試不點點陪推孫之獬同門姚現問太史每言至此服其風節云

昨代叢書

別集

五石齋

八

世楷堂藏板

蕉布芙蓉衫

粵東人家多植蕉甚大緝之如麻織爲衣較葛衣色爲黝名曰蕉葛非葛也淮海人家取拒霜花本號木芙蓉者緝之如麻漂白色織爲汗衫其白如粉名曰芙蓉衫非絲也皆可浣皆不堅

蜀粵婦人皆不履

四川婦女多殊色穠妝而跣其脛無膝衣無行纏無屣如霜素足嘗見於大市中不以爲異粵中風俗亦然而乘以木屐屐雖做猶蹙蹙晴雲赤日之前不以

為贅惟士大夫歷官南北者歸而變其內競習弓鞋
閩婦女亦多不鞮

水滸小說之為禍

張獻忠之狡也日使人說三國水滸諸書凡埋伏攻
襲咸效之其老本營管隊楊興吾嘗語孔尚大如此

澄泥硯

澄泥硯始於唐出虢州澄泥爐當亦同之宋鄒浩有
求劉知錄澄泥香爐詩云千卷新書三疊琴青燈炯
炯夜沈沈野人此外無餘好只欠澄泥一炷深戴敬

昭代叢書

別集

五石瓠
卷五十五

九

世楷堂
藏板

夫有澄泥硯長五寸闊三寸體深黑色黯然無聲得
之王給諫元翰

酸棗

河南延津縣古酸棗地今尚存酸棗樹一株大數圍
雖屢經兵火未燬蓋六國時物

河北生齒

崇禎十三年河北有小袁營者袁姓賊也其行兵假
仁義過於李自成河南北飢民歸附甚衆于時稱帝
稱王互相併吞者不一而足蓋無往而非賊也巡撫

李仙風調諸將卜從善陳永福李見功等捕斬靡算
諸賊無打糧地相率食生人郊原道路足跡幾絕禍
亂相尋至李自成稱帝關中設偽守令到河北諸賊
始消又當大疫之餘生齒耗盡自庚辰迄於癸巳十
數年戶口尙未孳息民間募一夫督耕每年費三四
十金乃能得之奴婢價踴貴極矣

黃河勢

凡河水將至之地相去尙十餘丈其村莊廬舍頃刻
開先自頽圯而水乃至至則波濤瀾漫沙淤隨之旋
已壅塞成平原水一尺泥亦二尺不知其由來也河
南土壤厚其居民謂黃河水自地湧起而容流特來
應之吾不敢以為然

龍虎

江南多蛟春夏之間暴漲山谷而起者蛟也非龍也
中原多龍春夏之間震屋壁汎波濤而去者龍也非
蛟也江南多虎豹中原多豺狼皆其地氣使然

金飛

休寧賈人鄭汝賢世開質肆於上海之新場崇禎初

築牆掘土見白金一窖百餘錠方欲取而金忽躍去

剖腹取肝

淮安翰林夏曰瑚以崇禎丁丑五月病危莫治忽夜
半一人叩門甚急自稱來救夏老爺啟扉不言姓名
然知其為淮人也問以良方則曰烹人肝可療眾愕
然其人出所挾一刀自剖腹取肝遂昏憤仆地眾救
甦乃去夏食之卒不起後徧詰其故或曰其人之兄
隸漕撫兵卒為朱大典調至鳳陽勦賊不回嫂氏咎
其叔晝夜喧嚷其人欲還兄無策乃取肝治夏僥倖
昭代叢書 別集 卷五十五 十一 世楷堂 藏板

何孔

姚現聞太史語先師吳樓山曰何芝嶽孔玉峯為相
人多以伴食目之然孔之和平何之大雅適足以培
養元氣兩公去國後益不可再得

郡主

流賊破洛時有女自稱福藩妹流離中隨太平府優
人逃至半途因乏資棄之復隨涇縣客抵南乙酉初

南南城坊署而太平優人忽至與涇縣客爭持於外
未幾亦指為姦流詐冒而爭者始奔竄焉國亡後仍
歸涇客

爭掩宮人內官

宏光官中年少宮人內官死者五城坊官派土工埋
葬各城地方甲長避之乃曰南門山多以故南城工
役甲長獨任其勞不數月南城工役有起千金者訊
其故年少宮人內官偶經上幸多不勝其任而死令
罄其服飾以殉工役啟棺推埋盡盜其所有以致富
于是各城工役爭告狀願分任其事矣

童氏

乙酉春河南巡撫越其傑差副將孫枝秀齎奏童氏
失散緣由疏并護送童氏到廣昌伯劉良佐府中良
佐令妻侍奉月餘始送至京童氏通曉文墨書法端
楷自具疏敘父母姓名居止及被選入福宮成婚年
月生子女後先以至流離之事甚悉其傑與士英為
至親士英聞其狀大為其傑喜將市封賞謂枝秀曰
舊地在可省選昏之繁令枝秀候旨次日士英呼枝

秀曰內裏不認爾且去亡何指為姦流詐冒提枝秀童氏並繫于中城坊官究問童氏言之鑿鑿備述隱微坊官復奉旨嚴訊遂加童氏以酷刑并杖枝秀童氏哭誓不絕聲未幾童氏免身於獄廟國亡後童氏為尼于金陵河南庵

紀錄彙編補目

宜興陳中湛于廷為江西巡撫時序刻沈節甫紀錄彙編卷凡二百十有六為書之目百有三刪摘多而彙編劣近代之事實闕焉中湛公仲子定生貞慧欲

昭代叢書

別集 五石齋 卷五十五

三

世楷堂 藏板

續而緝之先師樓山公屬鑿撰定其目鑿見開淺陋但據所知以對上迨洪建下迄啟禎書雖未成而兩公之志難泯也且書亦有不存於世者茲憶列于左

監規 御製

大誥 御製

建文朝野彙編 屠叔方編

遜國忠記 周鑑著

表忠紀 錢士升編

遜國逸事 錢士升編

遜國貴池三忠錄 劉城輯

宗藩規儀 崇禎中編

重定憲綱 崇禎中定

逆案 崇禎欽定

從亡隨筆 程濟編

致身錄 史仲彬著

酌中志略 罪瑞劉若愚編 一名官闈秘典 皇明大臣年表 許重熙編 吾學編餘 鄭曉著見鹽邑 嘉靖以來首輔傳 王世貞著 歷朝大政紀要 許重熙編 萬曆三大征考 萬曆會計冊 萬曆丈量冊 和陽開天記 戴重著子 移孝編 國朝紀事本末 吳應箕編 兩朝剝復錄 吳應箕編 東林點將錄 王紹徽造 二十四氣勝 潘映婁造 泰昌日錄 庚辛壬癸錄 吳應箕編 皇明薦舉考 蔣臣著 碧血中編 黃煜著

洪武京城圖

萬曆丈量冊

國朝紀事本末

兩朝剝復錄

東林點將錄

二十四氣勝

泰昌日錄

庚辛壬癸錄

皇明薦舉考

碧血中編

昭代叢書

別集 五石齋 卷五十五

南

世楷堂 藏板

中興正氣錄 王緒輝造

求人金鏡

屯田書 張抱赤著

天啟閒諸先生作 劉城輯評

焦氏筆乘 焦竑著有續

七修類稿 郎瑛著

輔軒紀事 姜曰廣著

明德清風 朝鮮國碑文

筆塵 于慎行著

遼左六忠述 何如名著

欽義錄 諸僧寺輯

觚不觚錄 王世貞著

續觚不觚錄 吳應箕錄

留都防亂公揭 吳應箕著

露書 姚旅著

桐叛紀異 蔣臣著

桐變日錄 蔣臣著

大閱錄

太虛象象譚 唐王睿著 山海輿地全圖 利瑪竇著

石民稗說 茅元儀著 南北大觀 田一德著

帝京景物略 劉侗于奕正著 長安客話 蔣一葵著

客座贅語 顧起元著 金陵瑣事 周暉著凡三續

瑣事綴錄 周暉著 客燕雜記 陸啟法著

徐氏筆精 徐勳著 南閣足徵錄 任傑著

和州失城本末 魯可藻著 河行記 史元著

任邱遇亂記 丁耀著 五雜俎 謝肇淛著

玉堂叢話 焦竑著 丁丑試錄策辨誤 蔣臣著

昭代叢書 別集 卷五十五 世楷堂 藏板

楊忠烈公實錄 李盤著 籌邊碩畫

蹶張心法 李盤著 解遠環 黃道周著

親臣議 方孔炤著 使東方錄 梁有年著

見聞錄 陳繼儒著 太平清話 陳繼儒著

訪諡號冊 于奕正著 天下金石志 于奕正著

禮要 周鑑編 十四哀詩 周鑑著

和十四哀詩 吳應箕編 薊西雜咏 蘇桓著

楚水吟 孫臨著 仁至錄

馮銓於閣內裁荅私書

內閣階下豎紅牌上書凡擅入內閣者斬蓋非與機

密職者不得擅入故朔望公卿詣閣揖亦不敢登階

惟在階下向上作揖相公亦不降階惟出閣門階上

對下還揖每位相公攜僕二人長隨閣中供解袍脫

靴之呼不與他事光祿寺日給各飯食銀一錢六分

人稱曰某閣下隨朝掌家即路過公卿亦直引馬勿

下故人咸識之也閣內中堂侍立磨墨者則屬辦事

內閣中書官其茶饌屬光祿寺辦供相公各有房首

輔與次輔房門相對在中堂前列其窗臨天空而明

昭代叢書 別集 卷五十五 世楷堂 藏板

三輔與四輔房門相對在中堂後其室多幽暗日必

張燈坐視馮銓在閣日張四五燈備書於其間蓋以

私第書札概攜此中裁荅也丁紹軾房與相近因規

諷之曰此密勿非等閒之地紅牌有禁今張如許燈

非惟觀聽不雅亦非所以自愛老先生年纔三十壽

至八十九十時天下事有得做慎勿急急乃爾倘言

路間而指說一歸林下還有幾十年如何得過銓陽

諾而陰銜之遂謀逐軾

輔臣有腰玉腰犀品級不同

馮銓登第於癸丑而以萬厯乙未生登揆席時止三十二歲面玉唇朱貌若好女三世不飲茶惟飲白水性好精潔行五步即欲隨從彈足塵故僕役無小大成袖靴刷供應其父馮盛明曾以貌與駙馬選而遺得以陪選駙馬生員應試中萬厯己丑科進士當銓第時見任山東副使初丁文恪公紹軾愛銓謂其世胄少年冀為今日韓范每共坐必引古名臣名相事業規勉嘗曰老先生貴介公子不似我窮酸措大老先生青年不似我老願自愛時紹軾腰玉銓腰犀銓

昭代叢書

別集

五石瓠
卷五十五

十七

世楷堂
藏板

羨紹軾舊所束犀帶為佳謂京師所無者向紹軾借束之未幾銓得腰玉乃持犀帶還紹軾蓋不欲居其下也後劾銓者謂其一日受玉帶二十七圍

王月

桐城孫武公狎王月其婦家方氏患之風黔人蔡如蘅納為妾蔡旋任安廬道死獸賊之難妻妾殉焉獸賊知王月名必欲生致之月遂死孫武公有祭月文癡矣合肥何允譽秋吟第十三首注曰城陷蔡香君兵使被執不屈數日死城外夫人墮井死姬人王月

生平康名姬也同被執死余友許石疏作傳以紀之慘悽瘦日鬼煩冤陰雨啾啾代石言魯國有拳能透爪湘娥捐佩不歸魂八公草木呼終仆一代胭脂死報恩今古是非惟野史誰人有力正乾坤月籍金陵珠市以色動人家善釀曰天酒武公之所厭飲也

陸探微畫

陸探微毛詩蟲魚圖筆極拙理極工非唐宋以後人所及先師樓山公得其數幀殊加寶惜後亦不知所在

昭代叢書

別集

五石瓠
卷五十五

六

世楷堂
藏板

懷素字
懷素所書灌夫傳墨蹟藏桐鄉令貴池楊公日森家是鑿婦翁父也雖得少年上入筆勢吾終不敢以為真

孫武公

孫臨桐城人字克咸更字武公二十餘好畫小米山水崇禎壬午秋作大幅遺鑿皆題曰怒筆庚辰年嘗為江右涂世琳繪小畫世琳贈之詩有看來一片是悲秋之句世琳內人廖雪瓊字鈿娘和其題詠曰江

東才子獨風流寫就煙波半幅愁不是孫郎多妙思
那能筆筆澹如秋臨後死義遺詩尙多而畫不可得
矣

倪文正公元璐

倪鴻寶公善畫多題畫詩其畫多竹石水雲山草嘗
有姪孫嘉禎讀書湖南酒闌過之圖朱松壁上題門
畏虎人多不好龍一時乘月到幽叢不知天矯高何
尺贏得元真喚赤松

諸葛鼓

昭代叢書

別集

五石瓠
卷十五

十九

世楷堂
藏板

崇禎九年丙子秋八月有耕於貴池沙山者得一銅
器其製四方有圭角上無蓋下無底偶懸於木上考
擊之咄咄然聲聞震里至夜火光燭天識者曰此諸
葛鼓之一式也其人不取有歸於唐田施氏豈當時
吳人所得遺棄江頭者耶

吳樓山書

先師樓山公未生時高田老翁夢人告之曰吳應箕
破天門老人未嘗語人也迄數歲老翁過族塾見應
箕名歎曰有是哉是兒必有異迄公名成招忌矢義

被家始有舉斯夢者云其行草書早學黃中學米老
學顏皆曲盡其工逢亂捐軀之後訪求字迹者無虛
日益令人拱壁視之矣

崔聯芳

崔聯芳南京舊院伎能吟詠畫蘭

錢邦芑范文英

丹徒錢邦芑官於閩閩之失國人以咎邦芑行草道
勁內江范文英詩及草書有高致官南部以不謹計
處有不謹絕句三十七首

昭代叢書

別集

五石瓠
卷十五

二十

世楷堂
藏板

方士

嘉靖甲辰閒有方士居萬安太平寺中短髮束鐵圈
跛足執拐以行不言名姓能畫山水人物類吳偉嘗
書所作除夕詩於壁曰長竿火炬照田垣山寨歸來
興未闌稚子送窮驚爆竹驕妻學富出椒盤江湖朋
舊皆爲鬼鄉里兒童半是官少日壯心今未已唾壺
敲缺夕陽殘觀詩意斯人固嘗朋巨盜而亡命者也

麻姑壇記帖

魯公麻姑壇記帖昔人言其不真苛矣吳非嘗游建

昌登壇求之不得偶與婺源余維樞談及余曰是樞
罪也亂後同邑汪斯淳官於南城樞送之曰麻姑壇
記不妨揭數十本汪之官即移其石廨內將揭之偶
以事赴南昌忽民變焚廨宅家口屋壁皆灰滅石亦
亡矣痛心至今終身為媿

小名小字

侍兒小名小字古人常筆於書傳韻事也舉人王一
翥名其妾一曰二和尚一曰麻弟子孩兒監生樊維
師名其僮一曰明白而易見一曰一覽而無餘風斯
昭代叢書 別集 五石齋 藏板
下矣維師亦名家子曾誤作魏璫祠記繫獄十餘年
擬絞後以尙寶卿羅喻義疏始釋自號海逋亂後尙
在狂誕猶然

中經天經太微經

呂柟中經文在茲天經文翔鳳太微經皆繼潛虛溯
太元而擬易者也鑿常讀中經板本一過而未抄今
以爲媿天經則未之見也翔鳳守父之業復作太微
以彙授某宗伯不識果傳示否皇極篇中象索三卷
六十四篇靈囊二卷五十二篇五六二卷十五篇皆

象數運麻之學亦待知已於五百年之後耳

考察舉人

溫員嶠當國有同邑舉人得罪之遂奏凡舉人在籍
聽巡按御史考察又每巡歷一遍御史必劾一舉
人

閔茶有二

閔茶有二唐閔長者地也產茶不多僧培之歲數斤
耳用山中之泉烹之色味殊絕有閔茶引不知何僧
作其詞曰茶何以閔名也昔地藏卓錫九華有閔長

昭代叢書 別集

五石齋 藏板

三

世楷堂

者家居山中性喜施予時供伊蒲一日地藏就之募
一袈裟地閔長者竊以尺土無幾遂諾然此際地藏
已證果久矣顯其神通單舉所被袈裟將閔氏田園
山宅一罩而盡長者曰既諾無悔但居址併去置我
身於何地地藏曰然遂擲丹砂使長者闔舍以白口
拔宅飛昇并貓犬亦騰空而去云今所稱閔公是也
其宅今爲梵殿其畦今號閔園茶出於此故以名之
園在九華之巔東崖之側一塢半弓四圍峭壁數百
丈危峯之上復有山焉下瞰龍池上疏石澗林蔽石

流交映終日沈霧團嵐不散山麓人仰視之恍然一
海池也其鍾氣於勝地者既靈吐含于煙雲者復久
其種幽香自爾迥異且此塢方圓徑尺許所產更佳
過此則氣味又別矣然盛必錫器烹必清泉爐必緊
炭怒火百沸待其沸透急投茶於壺壺以宜與沙注
爲最錫次之又必注於頭青磁鍾產於天者成於人
而閔茶之真味始見否則水火乖宜鼎壺不潔雖閔
公所親植者亦無用矣有識者知其味淡而氣厚瓶
貯數年取而試之又清涼解毒之大藥云休寧閔茶

明倫彙編

別集

卷五十五

五

世楷堂
藏板

萬麻末閔汶水所製其子閔子長閔際行繼之既以
得名亦售而獲利市於金陵桃葉渡邊凡數十年最
後有余友建昌陳允衡作花乳齋茶品曰古忱慨悲
歌之士肥遯託逃往往樂遊於酒而山澤之臞策勳
林下則又以茗戰爲歡然潦倒翹城下至塵風汗雨
走地如鶩者非得此三危之露且覺舉世皆醉人無
復醒時矣余從癸未棲遲江左每歲假鶯峯禪榻作
累月畱連密邇海陽閔氏之花乳齋交際行最久每
相過啜茗輒移日忘歸欣賞之餘因悉閔茶名垂五

十年尊人汶水隱君別裁新製曲盡旗鎗之妙與俗
手迥異董文敏以雲脚閒動顏其堂家翁翁徵士作
歌闢之一時名流如程孟陽宋比玉諸公皆有吟咏
汶水君幾以湯社主風雅君沒而偽茶漸出是處籍
閔茶之名際行夷然不與之較曰李營邱畫絕少真
蹟米元章見贗者三百軸真者二軸耳安見三百之
能掩其二哉於是益服際行曠遠然具眼如元章當
必以子長際行爲閔茶之嫡派云大抵其色則積雪
其香則幽蘭其味則味外之味時與二三韻士品題
閔氏之茶其松蘿之禪乎淡遠如芥沈著如六安醇
厚如北源朗園無得傲之雖百碗而不厭者也或曰
予言過矣閔茶特宜於花乳齋耳某嘗攜至某所煎
之色與香俱逝矣嗟嗟蘇長公所賞活火新泉陸鴻
漸所戒腥膩鼎於是不之察而咎閔茶惟宜於酪
漿中長作醉人可也

明倫彙編

別集

卷五十五

五

世楷堂
藏板

蛟

蛟有大祇如蚓者又蛟以脊相交而得名池州建德
縣橫山僧無能言少時雨過登山見一荆椿隨流而

下稍潤則不得行頃之椿一旋水沸高尺許復行如是者數取視之荆椿中蟠一蚓長數寸兩目熒熒有二鬚微紅兩眉如線亦作金色中凹傍垂交接不分解摘而殺之復投水中水不復沸矣十餘年後大水建德縣蛟龍徙者數十窟問之堪輿家云蛟龍盡徙亦地氣竭薄之一又蛟龍所過房舍皆壞惟門戶圈轉如橋虹者輒避之不敢過亦不知其何故也

盆景

今人以盆盎閒樹石爲玩長者屈而短之大者削而約之或膚寸而結果實或咫尺而蓄蟲魚概稱盆景想亦始自平泉良岳矣元人謂之些子景亦韻丁鶴年爲平江韞上人賦些子景云尺樹盆池曲檻前老禪清興擬林泉氣吞渤澥波盈掬勢壓崆峒石一拳彷彿煙霞生隙地分明日月在壺天旁人莫訝曾襟隘毫髮從來立大千

螳螂食牝

孔尙大曰梟食母破獍食父螳螂食妻蓋螳螂與牝合時交既竟嚙其牝之目與身殆盡或曰壯哉螳之

臂可以當車壯哉螳之牡可以制婦今世士大夫望而愧之矣

石有卦文

崇禎中貴池監生唐立之遣耕農入深山采頑石燒灰壅田偶舉鎚一擊而石開兩片其中牝牡相牙而陰陽八卦具焉耕農薄視之不以爲異乃知義皇之畫必有本原夫豈師心自造

宜興壺譜

宜興沙壺郝子吳氏之僕曰供春者及久而有名人昭代叢書 別集 五石瓠 卷五十五 三末 世楷堂 藏板 稱龔春其弟子所製更工聲聞益廣京口談長益 允 爲作傳

包燈顧茶

揚州包壯行手製燈太倉顧夢麟婦手製蔬菜崇禎中名於一時

舊坑

端溪舊坑水深數丈萬厓中采珠內使用皮囊絞至百日水涸取硯材百數時僧慈山成彼得五六方以貽王惟儉董其昌皆瑩如碧玉亂後人求之車水至

底所得不盡良材天地之生固有窮哉

濮仲謙江千里

蘇州濮仲謙水磨竹器如扇骨酒杯筆筒臂擱之類妙絕一時亦磨紫檀烏木象牙然不多或見其為柳夫人如是製弓鞋底板二雙又或見其製牛乳渣酪筒一對末矣江千里鈿漆酒器方圓小合筆筒髹杯花紋工細如髮並督童年人學之前古未有之精也豈滇製之所敢望

古錦

昭代叢書

別集

五石齋
卷五十五

七

世楷堂
藏板

明末丁耀得古錦長二丈許有福清葉文忠向高題百餘字於尾耀避亂兵寄九華僧舍竟失之

吳十九

浮梁人吳十九善製磁器士大夫多與之游樊玉衡贈以詩云宣窯太薄永窯厚天下馳名吳十九更有小詩清動人匡廬山下重回首今不知何色為吳十九製也

唐以後各窯絕色

黑色 建窯純黑色宋人取以烹茶甚重貴之

五色 永樂宣德內府燒造以饜眼甜白為常以蘇

離青為飾以鮮紅為寶至成化間尚五色爛然

回青 正德間大璫鎮雲南得之前此未有至嘉靖

時回青雖盛紅土斷絕燒法亦非矣

銅雀瓦久亡

宋時偽造銅雀瓦惑人久矣今世所傳銅雀瓦硯縱極真者亦是高歡避暑宮永井臺香姜閣瓦耳銅雀臺在漳之濱山東張爾忠作令臨漳時掘得敗瓦製

小硯較常瓦特為堅緻江西萬元吉亦於臺畔掘得

昭代叢書

別集

五石齋
卷五十五

天

世楷堂
藏板

斷瓦為硯皆無所謂琴紋錫花及建安字也

打箭爐之葵

中國人多客打箭爐之地販估貿易亦小番也其俗畜狗為僮奴備盜賊甚大蓋旅葵也主呼而誨之則不嗜人凡牧羊豕於山朝夕出入使犬司之

真草大小共一筆

趙文敏所使筆有宛轉如意者輒剖之取其精毫別貯之凡萃三管之精令工總縛一管則真草巨細投之無不可終歲使之無敝近德清孟應春以五金使

湖州工製一筆進黃漳浦真草巨細並用此

黃石齋

黃石齋善畫人初不知也臨難前作水墨大畫二幅長松怪石極其磊落

原跋

五石瓠者風人劉君之所作其自命風人之意余不知其何如其詮次頗多失倫採擇亦雜而寡要余乃取其繁者芟之類者彙之無益於聞見者汰之要不失乎風人之本意而止昔李肇之稱李太

昭代叢書

別集

五石瓠

三九

世楷堂藏板

尉曰郭汾陽自河陽入太尉代領其兵舊營壘也

舊士卒也舊旗幟也光弼一號令之精彩皆變余

於此書亦作如是觀庶五石之瓠不至落而無所

用也哉風人有知其以當罪我之春秋可也吳江

吳權跋

附錄

贈劉輿父

山陰姜榘鐵夫

海內詩名久年來酒力高青山吟鮑謝紅燭寫莊騷明月三秋興春風一布袍還期秋浦上蓮葉泛吳舫

按此詩王阮亭採入感舊集又補頌聯二句入漁洋詩話而不著題

贈秋浦劉輿父

蕭田余懷淡心

辛苦驅車到舊京臨風擊涕說平生身當戰鬪空存骨家為飢寒已廢耕何日涉江搴杜若有人閉戶種

蕪菁暮雲羌笛長千寺臥聽秋堂蟋蟀聲

昭代叢書

別集

五石瓠

三

世楷堂藏板

扇歸輿父

宣城沈壽民翁生

是物珍吾笥三年怯未書筆因王粲閣風想謝安餘秋浦愁猿夜宜州好月初思君不可見題罷付江魚

五石瓠跋

右五石瓠一卷卷首祇標風人劉鑿著余于書中懷
素字條下得其里居又於姜鐵夫余澹心贈詩中得
其字餘則未能詳也所載多明末瑣事類皆他書所
未及閱之殊令人耳目一新固無容以文不雅馴而
愁置之乙亥季夏震澤楊復吉識

昭代叢書

別集

五石瓠跋

三

世楷堂
藏板

筠

廊

偶

筆

宋城南有幸山堂宋高宗南渡駐蹕之所明崇禎中沈氏浴池

得片石如墨玉有鐫字數行乃淳化帖九卷第一版王獻之書

也此石失去始末曹士元法帖譜系載之頗詳其為襄州原刻

無疑董文敏嘗欲以百金購之主人益大珍惜刻一石以應

求者明末寇變並瘞而石蓋圖中後竟不可得數年前余見此

石原補一紙於友人處精光炯炯果其他本
明正德時河南產麒麟時都郎庫中萊陽某公為郡守割取麟之

一臂藏於家余宗正叔以親見之方麟黃色光潤如蠟珀麟

四周五彩環繞如月華狀為從來傳說所未及

曹峯儀持吳云闕賊陷京師有中州士人被掠者言昔破其邑與

一士人共住一大家樓下時當暮春雨中對酒聯句其人首倡

云風風雨雨送春歸忽聞樓上續一句無雨無風春亦歸兩人

默然拱聽徐云蜀鳥啼殘花影瘦吳蠶食罷柘陰稀嘴邊黃淺

鶯兒嫩領下紅深燕子肥獨有道人歸不得杖頭長掛一蓑衣

兩人登樓視之絕無人踪惟飛塵盈寸而已列朝詩亦載是作

與此小異

順治二年余隨先文康寓長安見大內所藏龍盤貯一篋中一角

五爪鱗甲如鐵長丈餘儼然所藉圖書也

杜詩云秦州城北寺傳是隗囂宮家玉叔兄分巡秦州時地震城

北寺裂開丈餘得古磁一窰年來散去殆盡僅餘碗二杯一康

照癸卯冬王叔示予於長安禮質厚重髮髯龍鬚古色陸離

如漢玉酌酒土香可愛一碗而闊五寸內外純素一碗差小內

波紋拱起似吳道子畫水杯貯水可一合有魚四頭亦拱起游

泳宛然真異物也又王叔於秦州建社工部祠祠內刻工部秦

州雜詩字皆從陝帖中鈎出各體俱備時人目為二絕

吳門徐亦史籍吾丘集中載馬卵大卵二事最奇

附吾丘紀載甲申七月鶴至崇明閣北門外乘家馬生卵三枚

相傳以為怪因同王鶴生往觀之大者如升實色如雀卵紅白

相間重三斤二小者斤許考之書益凡歐皆有之各曰碎谷治

奇疾難名者生牛馬腹中者良由是言之茲不聞矣祥也又先

叔中祖質庵公讀書乙雲山中見所莫莫木積一室中有年矣

念木久生大遷之以疏其氣至中間忽有物墜下如白就觀之

乃一卵也堅白無瑕周視窗牖大不踰寸不知何物得入生此

竊意惟龍能變化殆龍所生也里中有悍者舉入大鍋煮熟雜

碎之中黃白宛然唯作硫黃氣後亦無他

先文康公過蒲州謁侯廟見一聯云怒同文武道即聖賢先公

以對句不工思有以易之偶午睡夢侯告之曰何不云志在春

秋公醒而書送侯廟

明神宗時楚中一孝廉自山村入城因有虎患以西獵戶持鐵叉

隨行日暮向郵亭小憩忽一虎咆哮而來兩人致孝廉亭前樹

上以行滕繫之挺又迎虎而開虎斃一人足傷方詩孝廉共慰

之又一虎偕二小虎至兩人力盡死孝廉於樹上驚悸幾絕依

見一物似狗而小白毛紅髮眼金色走如飛直前擊三虎三虎不敢動皆死各食腦少許先死者喚而不食須臾至樹下望孝庶大叫聳身一躍忽墮崖下藤篔中皆之空曲不能脫孝庶惶駭自念待死甚愚不如先殺之遂下樹取又一擊而斃持送縣令張某令取其皮為領雪不需衣後為一直指索去張之孫御醫名其政者祖為余言

雍正御大烈 傳據時同御蘭陽梁康傳 以御史侍班印綬忽開花飛起良久乃落余過雁立謁文烈公祠見明懷宗所賜宮花鶴補精緻異常云小自由妃手製

董文敏云李北海雲麾將軍碑有二本世所傳者為忠訓書又有為昭道書者然皆似玉製之

康熙丁未冬余代 親如都謁相國柏御親公公飲以荷蘭酒色紅如琥珀氣類紹鼠味醇美又於坐間見小鹿一隻長二寸許

雙角新然與大鹿無異 王阮亭云余備員典客時見荷蘭貢小 歸州香溪清流湍激多五色石子曩有宦其地者於溪中得大石

如斗內忽然有物剝之得石為齋碑者一枚三年後又獲此溪隨手取一石與前石略相似剝之則雄雉為在焉因琢雙杯寶用之

朱友石先生 萬鍾 明萬曆中為六合令好石六合大石得名自公始業塘公子古土先生 壽 言公珍藏六合石甚多第一枚如柿而為彩翠錯雜千絲萬縷即錦繡不及也一日舟泊燕子磯一下把舵失手墮江中多方撈取不得明年復繫於其處忽

江面五色光紫迴不散公曰此必吞石所在命萬師浚水取

出果前石也後此石與七十二芙蓉研山同約公葬齊安聚寶山多怪石明世廟中王夢澤 廷 之姪得紅石如錢上有萬曆通寶四白字余判黃時得十六枚作怪石贊為雲堂小品之一

江南人於京師賣一錦一扇錦闊三尺長百尺色深紅大彩如畫扇長潤與錦等紅黃白碧各一段大類今世剪絨鮮麗奪目價千金大宗伯王公 案 以五百金購之不能得又桐城某氏有大紅大浣布一疋亦長百尺為邑令取去

余從憫忠寺僧洞明處見唐人貫休畫阿羅漢十八軸最為奇古衣履皆粗筆畫成細繪錦文其內如毫髮洞明云 世祖時吳

人持此進御值吳湖之變遂賣寺中價七百武昌某氏藏吳道子水墨善賢像騎白象天王龍女持幢幡導從衣皆流水紋毛

髮飄動令人肅然起敬頗勝余家舊藏鍾馗小妹圖 阮亭云平 有吳道子畫水陸百餘軸先兄西樵曾記其事

袁捧庵 子 以西樓傳奇得盛名與人談及輒有喜色一日小飲歸月下肩輿過一大姓門其家方燕客演霸王夜宴與人云如此良夜何不唱繡戶傳嬌語乃演千金記耶釋庵狂喜發墮與

順治三年七月二日 上由大山歷代珍藏書畫賜廷臣先文康以大學士蒙 賜明年臨洛李臺辰 芳 侍先文康夜飲先公

以謝表相委李揮毫座上如風雨脫稿時繞二鼓平一時筆下後為美談

附表 伏以奎壁星輝摘抉畫圖書之秘風雲道合絃題生史冊
之光颺言慶切彈冠拜賜榮於錫衮臣等 云 竊惟六書創始
象龜龍平木之形九疇告成繪龜山林之變自風吹去垢感
為古夢神經而版築披圖繼有中典成事周制禮在尊宗書在
上序一年視離經辨志三年視敬業集群漢朝前有畫室後有
雲臺首重者孝子忠臣次重者元勳循吏詎意夏唐宋為騷雅
君臣笑辭筆塗床沒假改右相為丹青父子漢合丹吮粉元魏
皇與夫馭移石經於典和武定年間蕭梁職貢題詩侈金版於
今浦交河境上文武畫於斯夜不堪重罹泰災變化或亦通靈
此後尤為顧憚爾亭絲竹曾聞久破陵苔青塚琵琶飲恨空歸
月靈恍惚僧虔亮筆方從孝建圖存傷心昏德翎毛竟致宣和

說餘 詞 詞 詞 詞

五

內祥蓋牙籤錦標止供玩好之資而墨精筆華莫救危亡之釁
覆平可鑿納嶺宜宏茲蓋伏過 皇帝陛下虎水鍾靈龍易得
瑞功成制定當為政於天下之年德威教尊合殿祭於明堂之
教九州既畫兪離成職同文四海攸同休烈難施繪事考上仰
始制文字公神將龍獨劍則折衷於宋契之開造中原久著載
名海陵立馬登高遠舉括乎江山之秀二者原闕大典但爭奇
競巧鏤冰虛御流陰歷代幾至飄飄珍寶賞清談玩寶何殊表
志此在諸臣未技臨摹為一節之長木應大內深歲委棄幾千
年之靈爰宣三災下簾嚴在青雲並及群寮拂衷神生墨露以
班定香均如漢署分香量力攜歸不類貪人折朕清心靈讀如
字斯象從遊隸蔡邕飛火游草畫之播一室中漫雨崩雲極手

編綴印韓幹馬戴嵩牛包泐虎黃荃鹿道子御尺幅內神工鬼
斧揮毫電掣依稀落翮飛升設色霞明想見群衣碎巖細勿峰
腰巨無鶴膝總由步三折於機先夜觀昨淚午視猶睛亦可訪
萬形於物始添修小鐫無王泥重寶之裝作戒多藏慙桓氏輕
舟之隨錫寵仍多益將珍于瑟瑟三盆承恩欲進誰分孰負堂
堂八斗翰札峰頽岸絕上劫天台滿湘木落雷高崎回地軸難
窺海若但有萬千臣等數馬神驚圖麟識短君仁臣直有公權
正筆之心憂感危明切御使傳書之懼此情思於鴆毒臨池洛
水興波知稼穡為艱難展卷幽風滌園將仰溯漢唐標埒見古
人諸般轉注之心豈時未際易山川為行兵拉朽摧枯之使印
竹符遺尊老禮不遺年為技為贈卿人應寧恥陋因蒙膏澤并

說餘 詞 詞 詞 詞

六

獻笏堯伏願書虎同文畫龍莫好仁流吳會仿孫權宣示之章
條極江州抵曹翰言功之袂漁崇拜敬而階于羽婆娑海嶠趨
風九譯衣冠僻詭無耽曲藝在朝皆休休真陽之臣加慎祥刑
當寧擴磊磊如天之慶寰瀛樂業煙霞并薦賢書此屋堪封民
物重游畫業壽齊紫極宏章燕翼之勳曆過蒼姬永御光華之
且
今上御極之四年鹿邑中翰梁公 以 詔使過洞庭風雨中見
一人長髯藍衣紗帽氣度剛雅乘一物似馬半浸水內侍者持
杖矜矜隨其後與波濤上下舟中數十人共見之相距幾數武
耳逆風而行良久迷離不見其年八月公返棹過齊安與余杯
酒間細言之或曰此洞庭君迎 詔使理或然也

梁宋間取蚱蜢烹而食之有人剖其腹得紅線故尺蠖蠕而動使
之池中俄頃化巨蛇宛然數丈觀者千餘人蓋明崇禎十三年
事也

青川花之寺名甚異見周際園先生集上

順治四年燕趙雜生四翼人不敢食鷄多自死

余往奉射獵十歲時隨先文康於喜塔口飛騎逐黑白兔至塞外
得兔而返判黃時率健卒出獵一日得三虎皆快舉也後連捕
十餘虎黃州之害幾除

水晶枕一長三尺內嵌花一枝水晶馬一火如鼠前足連小盆盆
却木中丞內碧藻澄明可摘又水晶馬一大相若黑毛通體為
鎮紙三物皆周際園先生從閩中見之

楚之黃安縣野塘荷葉數百為暴風捲起掃三里外稻畦中一葉
不亂

揚州水月菴杉木上儼然白衣大士像鸚鵡竹樹善財皆具

金陵禁中有五穀樹前朝縉紳往往見之

少宰孫北海先生承澤家藏古玉劍一魚腸劍一人小劍一上刻
延陵季子之子劍以黃金嵌之

麻城劉同人偶著南京景物略末成余宦黃時求其遺稿不可得
或曰為好事者竊去

或曰為好事者竊去

或曰為好事者竊去

或曰為好事者竊去

或曰為好事者竊去

或曰為好事者竊去

或曰為好事者竊去

或曰為好事者竊去

或曰為好事者竊去

或曰為好事者竊去

或曰為好事者竊去

或曰為好事者竊去

或曰為好事者竊去

或曰為好事者竊去

或曰為好事者竊去

或曰為好事者竊去

園中生竹極相肖亦截為瓶今俱在

閩中未竹房山藍魚曹川黃綠牡丹與余家北庄黃芙蓉皆奇觀
也然芙蓉止一見耳近聞濮州劉刺史養綠鳩一雙類鸚鵡亦
奇

遊色溫泉可熱物其源湧出投以錢搖搖如蝴蝶久之始下月夜
遙望氣如白虹余童年隨先文康往遊見正德宮人題詩有
浴一脈流千古不為人間洗冷腸之句

八月初一妓從士人會飲臨風舉酒屬諸公曰如此雲物高爽可
稱詩天即日其妓妓名頓起

一平老令君大書孫治之前曰三不要注之曰一不要錢二不要
官三不要命次早視之每行下添二字不要錢曰嫌少不要官

曰嫌小不要命曰嫌老

大同左衛古寺廟鐵爐可容一石香灰中生榆樹大如碗四時青
翠然根下大常不絕

延陵陳頌仙士本明懷宗時以中書奉詔入禁中見中宮英喜冠
嵌珠一顆大如芙蓉紫光燦爛如蓮花至晚則五綵繽紛如琉
璃燈焰即夜光也東宮未髮冠纓前一珠差小碧焰照耀如盤
似銅青投火中綠煙鬱勃不知何名又見漢唐宋以來寶琴三
百六十二張皆有贊有銘惜未錄也

春花落瓣秋花落桑葢氣候使然也前人無道及者

沁水玉石幢同春官蜀中言火井初無所見以火投之則赤焰騰
騰直上竟日不熄以石投之少頃漸滅又雨中野燒甚烈嘗見

延數里草木蕭蕭無恙日當中則倏然息矣

康熙己酉夏余同王叔况及華亭周廣菴京口譚長益允遊

焦山宿海雲堂觀周以及宋真宗賜焦處士勅楊文襄一清玉

帶賦詩紀事勒石瘞鶴銘之傍以之始末詳王吏部西樵儀部

阮亭兩詩中

附西樵歌并序焦山古尚一高可二尺許腹有銘韓吏部如石

為余言此故京口某公家物當分宜枋國時其公官於朝分宜

聞此出欲之某公不即獻因嫁禍焉出竟入嚴氏嚴氏收以復

歸江南某公以禍由出作謂以不祥捨之寺中即乘山志皆載

山有周尚一而不詳所自也作歌備掌故為海雲堂中暮相索

古尚照人先較帶龍文獨許吾丘和策銘略辨周京作宛同石

說餘 詩餘偶筆上

九

鼓出陳倉那款銅狄傳西洛韓公摩挲指向余曾入秦家格天

闕雲煙過眼已成墟劍去珠還事堪愕安得飛龍亦英主玄修

晚慕軒轅樂一德何人曰相萬金鉉只用音詞博朝廷仍收養

士報楊沈卷卷如鴈鴉出錯有耳豈不聞恥向迴風作秋籜華

山先生所養年紛紛冠蓋多酬酢萬家如嚴年者士大夫多當

時不却趙師弄於今誰憐賈秋瑟從來鑄出成簪簪此物胡為

亦遭搜山頭尚有椒山詩山頂有椒山先生過焦山訪唐應德

三尺古碑墨光錯隻字重於神禹金猶向山林辟不若老奴真

欲愧歐陽廿載鈴山空寂寞共言為歐陽氏見為勢成曰不

之培壘已拉木山摧有鐵誰能鑄此錯裏回三嘆軒凡榜極目

江天莽寥廓阮亭詩曉入枯木堂怪禽驚翔翔清露滴松杪下

見古尚寶光耀昆吾中有飛廉魂上文為雷四下文為雲紛

碎狀褻餐伏兵氣蚩尤昏辛壬與丁甲世次迷夏殷初疑周虎

彘復或虞堆故尊從不可辨牛豕誰能論瑰怪歷繇詩說旅

紀瓶蛟龍雜蚪蚪五指不敢捫在昨想最風識字驚蟬蛻月黑

鬼神泣岷來波濤奔籍書失越越斯策摧觀輜爰歷邁府令凡

將駭文圖史游久已沒皇秦不復存甄豐與董道決別窮本根

不過博雅流就為洗煩竟諒此岐陽狩或同泗水淪山傳與道

古感激擬還春分宜昔枋國氣勢領崑崙斯內出京口上燭光

網緝後使萬指眾負戴千蹄健大哉宗廟器詎屑豪貴門威力

鎮禪窟寂寞歸祇垣午夜鳴鐘魚清盡帝林猿閨人恒沙劫如

彼姦在禪我昔訪焦先望氣於不言五年隔揚子無翻思騰蹇

說餘 詩餘偶筆上

十

吾兄癖好古入書探河源三日松寥將坐卧忘驚喧扁列析螺

書卷尾搜蠅紋作為奇偉辭大海博鵬鯤春江壯風霆響激雲

清渾三嘆總高唱海門上朝歌

嘉禾曹秋岳先生嘗至昭君墓墓無草木遠而望之冥濛作黛

色古不青塚良然墓前石篆刻其闕氏之墓為崇古書先生考

釋最詳捐教紙歸

常熟案變羅漢在方塔寺內高五六寸瘦甚跣足跏坐頂上骨縫

隱然而齒出唇外如生人慈悲之意可掬長安慈仁寺案變觀

音以莊嚴妙麗勝此以奇古勝寺內青蓮菩薩即唯陽張公題

赤髮藍面口銜巨蛇如夜叉狀余視之不可解或曰公自夫死

為厲鬼殺賊此蓋厲鬼像云

楚江雷池鎮有吳王廟祀卅將軍也宋時以神風助漕運封為

王靈顯異常舟過廟前必報祀有鴛鴦百飛集廟傍林木往來

迎舟救里舞樂帆橋上下舟人恒投肉空中饑之日不一頃其

送舟亦然云是吳王神鴛鴦居山亦有之傳為御製使者

云正使神女願亦有神鴛鴦送客于常川

之得食無入映半石湖中不棲林木

大內有壽亭侯印方一寸瓦鈕連環四刻壽亭侯印朱文四字背

罕燦然傍有痕似嵌寶玉取去者先文康嘗印取一紙寶玩之

此印流傳不一詳容齊四筆中

葉見水晶一塊內有物如粟彷彿太極圖轉側視之必上行如如

珠雖千迴不易入焉脚磁碗一外畫西番蓮淡青色內承樂年

製篆書四時字日午始見其邊甚薄以手摩之依稀絲竹聲可

以和歌鼓間里許惜不久為貴官觸破

必銅性使然也磁經鍛鍊能出炭更奇矣

軍陵白日隕星形類硯碑而粗彷彿太學石鼓隕時般如雷入地

救尺掘出猶熱甚不能取也撫軍奏聞貴送禮部

京師琉璃廠有賣倒板氣者劉公勇欲却

弄之笑謂汪茗丈民却曰此事可入洋章

侯大司徒相南園芍藥數萬本有名牡丹以香花園一莖四葉

余弟于昭為司勳即秉宰黃公

過其地絕無一竹何也于昭對曰其竹自漢已無之矣公曰有

據乎曰有昔漢武時河決于令群臣自將軍以下皆負薪塞

決河以薪柴少下淇園之竹以為榱欂曰薪不屬今衛人罪燒

蕭條兮噫乎何以禦水頹林竹兮礎石蒿蓋明驗也公為嘆服

汴梁相國寺大雄殿相傳建自北齊明末沒於河順治中撫軍賈

公重建見梁木精堅色深綠遂易以他木而取為長几儼然青

玉案也又寺內舊有葡萄一株沒地下二十餘年近發生原處

蔓延數丈結實纍纍往來遊人賦詩紀異者甚眾

城武西二十里有九女祠相傳漢和帝時人九女以父母無子終

身不嫁死同穴

曹峰儀者於天津道上日薄暮見一人高尺許金甲扶弓天騎小

白馬行野田中久之不見

余於城武建一小兒四五歲手足似螻蛄頭高起作兩岐見人念

阿彌陀佛惟索錢無厭耳

恭感夏孝廉振叔

知所終

錫山劉貞甫造銅器精巧絕倫嘗為彭城萬年少

每飯四面各佛一尊法象莊嚴無毫髮遺憾所謂神工鬼斧也

昔王夢澤稱施生而能於方寸之器作小楮數千點畫不著於

粒麻之上宛轉書之成五言詩一絕即有洞時非極視專燈數

也以較貞甫恐又有難易之別貞甫曾為余造團章二一龜鈕

一天鷄鈕俱精妙可玩後為人盜去

萬年少嘗僱服行淮陰市上有日者他出萬即其富代為卜筮侍

錢二千荷之而去日者歸茫然不知所以

大梁林宗張公民表先大父同年友也負才磊落不偶作書擅顏

魯公黃山谷之長天放中以公車至長安崔呈秀持吳綾求書

公磨墨升餘大書侍生張某拜六字呈秀大怒幾陷公不測然

公名自此遠矣此四勢賓客造公者禁不作寒溫語狂談縱飲

三日後始通姓名

明正統丙辰狀元周旋弘治丙辰狀元朱希周正德甲戌狀元唐

舉萬曆甲戌狀元孫繼舉科目姓名皆相照應近同安劉望齡

先舉本省鄉試三十四名後舉去順治辛卯復舉本省鄉試三

十四名武進巢震林於順治壬辰中會試一百六十二名磨勘

革去復於乙未中會試一百六十二名

嘉靖中額二人見地有奇光發得古井函一石上刻蘭亭黃庭前

有思古齋石刻五篆字下有唐臨絹本四楷字復有墨妙筆精

小印印細而勻疑是元人物識者定為褚河南筆因唐以諸臣

臨本頒賜天下學宮或然也初捐不數張紙惡而字甚完好

次捐紙墨皆精蘭亭類字遂爾獲訣最後為一俗令妄補大可

憎且謂皆竹紙筆略殊甚僅存形似耳今此石碎已久即竹紙

者亦不易得余遊金斗時得一本猶是次補固足寶也

樵人於王屋山得茯苓如屋送濟源某公服之十年不盡

楊職方鄂州北使日南回贈余香環一瓶云是樹上膏可潤婦

人髮髮始即蘇合油也

為竟波有楊妃塚塚生白石可為粉名貴妃粉

康熙七年京師正陽門挑漆御河得玉印如升篆大人不能識禮

却出榜訪問並原印其後數十日無辨之者少宰孫北海先

生家居聞之曰此元順帝祈雨時所刻龍神印也各門俱有之

蓋雨後即埋地下耳因取一書送禮部上刻印文注釋甚詳一

時款為博物

一州人山居門前忽現宮闕數重魏煥揮天須臾不見蓋山市也

合肥許太史孫家藏畫鶴一軸陳章侯題曰此北宋人筆也不

知出誰氏之手余覽之定為崔白畫座間有竊笑者以余姑妄

言之耳少頃持畫向日中睇之於背而一角映水圖章大曰子

西子西即白號泉始歎服後此事傳至黃州司理王侯齋蘇猶

未深信一日燕客聽事懸一畫余從門外興上辨為林良畫迨

下與視之果然即侯齋亦為心折

同里太常侯公執蕭蕭秋夜坐村中樹下忽風吹落葉由耳邊飛過

公隨手取一片就燈視之乃古錢也公于輔之竹道其事

黃梅破額山四祖大醫禪師道場也四祖生於隋大業間至明嘉

靖中肉身猶在一日楚王夢四祖造訪云我將去矣幸為荷一

像醒而鑄銅像遣人送山中過浴佛井井水湧出蓋四祖初生

時曾浴此井也像至而身為大梵矣馮茂山為五祖大滿禪師

道場肉身現在自唐貞觀至今未壞破額有碧玉流石漁磯諸

勝余嘗兩遊之馮茂則望而未至云山頂白蓮甚盛為五祖手

種亦可異也又黃梅志載色有西流水三十餘里故歷代以來

篤生五祖十三仙云王西推云乘子水皆西流故余憶蔡詩有

地生其

州南漁父於渭水中得秦阿房宮香奩一具色如鸚哥羽毛行爭者爭購之近川已入京師

余從裝中見飛虎皮兩前足有皮尺許向後張之如蝙蝠狀

周元亮先生云黃山五里松架板其巔車馬往來如行路上又聞

中一溪施花散成舟行三十里盡在花片中

先文康於京口市上見宋磁碗可容二升索價甚高先公戲之曰

此碗却無用處成茶大盛酒小賣者異之取以相贈

同里安舜庭先生世風童子時向即守求試郡守指路傍此房實

賈四字令為破題安云曠安宅而弗居求善價而沽諸郡守首

友入沈仁伯明仁於永平食石魚甚肥美云大纒盈寸產石中破

石取之又桐城泰魚亦佳形與泰粒無異可糲食西樵云即墨

溪溪中產仙胎魚是溪邊柳葉所化長二寸許形如柳葉也

華平周商承秋部源以檢刑駢節雪苑有山人得罪別駕者別

駕感怒欲加以刑山人倉卒中託言我秋部執友冀緩其責實

未嘗謀而也別駕詰秋部問之秋部曰此余生平好友幸君相

諒山人得無恙一時推秋部為長者秋部曰昔余鄉錢鶴灘先

生福傳履後名譽海內一老學究冒稱先生業師教授傍邑富

翁家富翁以先生故大敬重之五年致資頗豐一日先生假歸

道過傍邑富翁代學究治其甚恭曰錢先生至矣必謁君幸以

賤子為言學究伴應之而端端然事泄乃乘夜迎先生數十里

於道傍叩首流涕而言曰其不才託公二天感且不朽但罪有

難運特來請死先生憐問其故笑曰此易事若急返勿使人知

當有以處此學究潛歸德通富翁掃徑以待先生至造學究門

執幣請謁拜座下委曲盡禮曰某遠涉京師不獲晨夕仗履負

罪良多賴賢主人代為周旋誼最高急請富翁出再拜稱謝富

翁狂喜事學究倍加恭謹先生之雅量高致傳於今百餘年未

衰也區區向別駕脫山人敢誇忠厚哉

宋郡高辛集有異人不自言名字年可五十餘鄉人與遊者自高

曾以來所見皆然每夏月汲水飲人逢人即呼曰吃水吃水赤

日中彼處無汗即冬月卧雪中又汗流浹背也人飲以酒可一

石不醉

鄭民却司直於京師午膳見壁上人面如輪須臾面化為穴

之洞然往來人馬如織俄傳貴人經過旌旗遠從知王公忍有

青衣二人持簡請民部公燕簡為侍生胡某民部堅拒不可得

隨之而往至則當世名賢半在座問民部問之不一答獨貴人

意甚厚獻酬無失禮云慕公久特請一晤耳良久民部家人驚

怪為夫人大呼而醒後每向穴中望之即昏然與貴人接是如

初意必為狐妖也移居而絕

麻城醫士趙時雍生于自言為同里故人劉泰寧泰寧死燕市久

矣言魂魄南返每為狂風吹回過大樹可藉以少避故進至三

載始至里中轉生自言前生事最悲妻子相見流涕為好語解

之曰已隔世矣何用悲悼為耶後遠近親者嘗數十百人將雍

聖禍以狗血噴之遂不復言黃州司理王侯齊與時雍善問之
果然其子名默字弱言時已二十餘為諸生矣

歐陽文忠公瀧岡阡碑為龍神借觀事甚奇黃魯直檄龍文云臣
黃魯直謹言臣聞天子詔修永叔以三月三日趨朝欽承皇上
深寵錫以重爵推以峻位加恩三世著其褒辭以贈修命石氏
篤之故刻瀧岡阡表世次碑乃催舟載回五月十三日至鄱陽
湖泊舟廬山之下是夜一叟同五人青衣大帶來舟揖而言曰
聞公之文章益世水府願借一觀自謂龍也請碑入水遂不見
焉惟陰風怒號淡月映空修驚悼不已坐以待旦黎明起諭直
時知泰和令以同邦之誼命直為文以檄恭惟洞天水府之宮
震澤主者潤濟王開下福地陰陽龍池歲月星斗芒寒受穹寶

說於 節節偶筆上

七

於上界雲津變化靡頭號於人間廟食吳中官民均賴茲有河
神之玩法敢將表石以沉淪妙畫維文自應呵護瓊章玉冊孰
敢誰何龍宮之幽玄而雷神之慧微吳風震雷駭蚪奔鯨地
裂水竭淵泉俱滅既已各司其職胡不永保其身以汝上天功
也驟首雲霄德配亭毒乾道之性厥位六焉陽成以升寶汝之
神下地利也淵源澤洞養身適性坤純於塵其德方焉禹舟之
負寶汝之功今汝不然乃離茲禁萬一絲連五龍盡滅書畢投
檄湖中忽空中語云吾乃天下也押服龍龍往而送至承堂沙
溪勅賜文儒讀書堂之南龍泉坑而交也文忠公歸家掃墓但
見坑中雲霧濛濛虹光燦空往視一大龜負碑而出倏忽不見
惟碑上龍涎宛然在焉乃起置於崇園公墓前解垂不恆焉呼

又能動龍孝足感天公之文章德業至矣極矣天下萬世誰不
翕然而宗師之肯熙寧三年庚戌七月望日黃魯直謹識
黃州陽邏江上生黑鼠魚尾一皮卒得之越二日死又白鼠霜毛
大眼甚可愛余數見之

蘭陽梁康僖公初名某為孝廉荷夢人告之曰公舉進上名雲構
今名安得濟又曰王融三月三日山水詩序久列公名矣蓋序
有虛擔雲構語也公改名登第嘗梁上生三芝公子太常公相

明 因號芝三

明末余親見人面呈豆黃色鬚眉目如生大是怪異

衡州迴雁峰因峰勢取名耳世傳謬甚胡循斐 遊記一篇辯
之甚詳

說於 節節偶筆上

六

附記 世傳衡陽雁斷其說有二一曰山高雁不能過一曰江
有毒雁飲水死耳淺人耳食奉為信史可笑也衡高不過數里
其間未嘗無雁即峻不能度豈無徑可通若水毒殺雁則衡人
之飲於江者靡有孑遺矣且水既殺雁亦當殺魚是真相捕魚
沉已蓋衡之七十二峰從洞庭疊翠南來如飛如輪奔八百里
至湘江而一峰天矯四伏若雁之落而乘風迅折復起項領羽
翼翩翩欲動者勢使然也山距城二百步高二十仞巖集極
至其地順治己丑九日余與寮友採菜山河南望瀟水微茫若
帶忽聞空中嘹唳聲橫江而過余笑謂左右曰雁今彼例過峰
何以不迴客有不省者余乃理前說為記以質釋史之誣
子昭弟過伊闕凡山上石佛數萬體皆不全前之為狄梁公所毀

嘉慶云此塔
太后所築也

應州木塔甚奇馮訥生主政 雲集 有登塔詩一帙序畧曰塔建自
遼聖木為之七級八面高見數十里朱欄碧瓦玲瓏飛練登之
河木一杯孤城如彈丸

唐太原王知敬書洛川長史賈公德政碑在修行寺東南角極峻
利豈秀至今路人識者駐馬往觀見唐寶泉述書賦余家舊捐
一本出自 大內後有元翰林國史院印

商丘宋 華收付

府谷李至衡 國理 古君子也為國學典簿貧不能買書日取國學經史板摩抄讀之手爪盡黑久而淹貫為世名儒嘗與余共居蕭寺日惟炊俸米一飯冬夜無火與一老僕共披敝裘而坐洵近世折罕聞也著有石花魚賦甚佳曾書一紙寄余為友人攜去

根梅小均州太和山相傳真武折梅枝植根樹誓曰吾道若成開花結實後果如其言今樹在五龍宮北根木梅實杏形葩核道士每歲來而察煎充貢獻馬黃州即丞張秀升 登舉 前為其即司李收根梅最多曾以餽余味甚甘美

記全 鈔庫偶筆下

二

京師驚峰寺在城隍廟南有旃檀佛像詳見帝京景物畧萬曆己未寺僧濟舟在殿誦經一士人禮拜下僧觀儀觀有異乃迎上殿士固不可僧固迎不已士自通曰城隍也殿有戒神可護我小神不敢輕入語罷不見余康熙癸卯秋借米紫米 漢雲同往瞻拜三日後奉 太皇太后青符像入大山矣

同里楊滄嶼先生 錫 奉使高麗得瑪瑙桃一枚上紅點如丹砂者七以錦袂裹之袂上織成六字云此桃原現七星

黃安馬醫其治馬如神人有以病馬來者皆醫痊元左脇下腫起如斗其云此馬無病偶飲水吞蟻耳以脚向腫處踢之下蟻數升而愈

楚人有信卜者云必遭虎傷遂往武昌江中龍蟠磯寺以避之偶

早起見一虎蹲寺門外遂驚墮破下虎隨而驚之立死寺僧呼漁人共擒虎虎從容乘流東下正遇大船迎之而來船上人技一布被蓋虎頭以萬櫓亂擊殺之撈取載去

明神宗時日本僭稱帝由朝鮮入犯楊滄嶼先生奉命經理戰功甚著旋被讒罷歸朝鮮人思之為建祠立碑賦詩歌咏其事附碑銘並詩 明有天下二百五十年政刑脩明詩海內外無有遠邇悉主悉臣惟是日域負其險遠不奉教秀吉策其

君自立專用暴力虎吞諸島為雄既窮兇積悖乃惘疑虛喝靡祈不為歲卒卯遣使致書詞我虛實將欲假途入犯脅以逆語我昭敬王據義斥絕其奏馳聞越明年賊遂傾國而來屬久安併地民不知兵鋒過狂寇剪馬傾覆皇帝以為小醜抗天紀無

說全 鈔庫偶筆下

三

故入人國恃遠雷誅屬國弱不夫守義罹禍當援東民亦吾赤子墊水火當救乃命文武大臣發兵討之天威遠暢海內震動蓋一蹴涓水而三都底定諸路之賊次第逃遁據南邊十餘即築業窟堅若柵為久計環寇之師數年不解兵部以為不可究武用沈惟敬計宣詔許封秀吉奉詔甚僞丁酉蓋調兵渡海襲破開山放兵四劫奏聞群議盈廷久而靡定皇帝赫怒雄斷命送文武全才委以兵事時遠東布政司參政楊公鶴居憂將釋位廷議以為非公不可有詔特起公為都察院右金都御史經理朝鮮軍務是年七月公授偏師渡江到平壤聞賊陷南原直上先鋒已迫畿南公移咨我昭敬王令修繕京城固守毋動即日兼程疾馳軍吏練勿輕進不聽遂於九月初三日入王京

提督麻貴以下諸將上國都南山張軍樂布號今夜挑選精壯募各營將前往剪賊又令二千騎為後援公與我昭敬王渡銅雀津審守禦形便初七日諸將遇賊於稷山一戰大捷斬首累百級殺先鋒賊將諸賊大挫直走海邊眾募行長屯順天清正據蔚山東西列郡盡為賊屯公道書那經督定議先攻清以斷賊左臂遣麻提督以下諸將擁兵而南選兵凡四萬乃以十二月初八日公只率勇兵數百輕裝戰中馳過烏嶺贊成臣李德馨領公迎自界上至是隨公常在軍到義城公與德馨謀先遣降賊呂余大潛入賊營盡得其形勢是月二十日進到慶州軍鼓大振風迅電掣諸將不意公卒至震慄蓋用命都元帥權慄率本國諸將官水陸兵一萬餘亦聽公節制二十二日

說鈴 爲 節 偶 筆 下

公遂進陣賊十里外少出兵誘賊賊悉銳追之公與麻提督督諸將合擊大敗之斬一千餘級獲其勇將僞屍布野日暮劉營休軍翌晚公親上陣薄戰砲烟晦天旗彩耀日各兵乘勝奮呼海岳皆振用飛砲火箭乾燒賊幕遂拔伴鴉亭大和江西翻賊焚死者無算盡獲其器仗緝重清正健以身先走保島山悉力死拒城峭險士皆蟻附仰攻壁堅未易拔公令各營分兵迭休圍守數匝賊眾渴饑多斃清正閉壁不出屢乞降求緩師公慮其詐不聽攻之益急期殲盡乃已賊每夜出無幾公令本國將金應瑞伺捕無遺類日不可勝計如是十三日賊蓋窮蹙軍吏統質謂清正就縛在即會天寒大雨泥沒膝人墮指士馬多餓凍死賊獲大至將統出軍後公察事機慮諸將退舍身自

賊賊欲追躡公反騎突擊斬累十級賊披靡不敢近遂按兵還王亦休師蓄糧以圖再舉軍校有得罪於公者訴贊盡主事丁應泰應泰雅不善於公因上奏劾之國中大夫士咸合詞頌公究我昭敬王據實馳奏請旨公奏三上冠蓋終屬於道天子以公名臣重任義不苟其進退乃命廷臣會勦而且聽公選戊戌夏公罷歸公河南人號滄嶼天資素爽慷慨有大節臨機料敵若執左契而決江河軍中肅然不聞急走疾呼公之選也都中男婦老少莫不嗚呼攀挽為立石以思之至於深山窮谷亦皆慨然相弔若無所依信乎仁人之澤入人也深矣雖天時不助大功未完而威振海上老賊氣死此近古以來所未嘗有也賊中亦相款款至盡天兵攻島山圍傳者於日本可見軍容之

說鈴 爲 節 偶 筆 下

威用兵之壯能使敵人心畏而誠服南邊諸陣莫不鼓氣張膽恃以無恐是其一戰之功實表末韓再造之基不幸為人所借遭誣而歸此東民之所以悲宅扼腕愈久而愈不能忘也我昭敬王慕公深命求公像於燕京閣歲不能得今我王嗣位購募蓋切歲歲始得遂為生祠以祀之乃命太史臣廷珪書其事於石臣承命憐恐上閣門辭謝不獲命還敘公東征事述如左而系之以銘銘曰愷愷前歲島賊狂剿乘我不戒桑頓連燕逆鋒滔天日已無鮮赫怒我皇天伐用張止此存亡勝之干壞賊乃大創皇威遠暢渠魁連誅窟彼南隅再肆兇圖師老而疲告功不時賊反乘之悲衆四捨盡銳北上殺生勢長公時受命義先急病一新戎政都人恟懼望公來撫若大旱雨謂公于于公

雪堂於池傍祀王蘇詩公合名曰宋賢祠祠成作記隔雪堂壁

亦及此語余尋以憂去時常初春池無蛙竟未驗其口何如也

附祠記 仕宦而至黃者每豔稱子瞻雪堂元之竹樓子瞻故有

洗墨池在黃人罕知者予判黃之二年梅川張子長人過余言

曰吾黃有雜兵變以來名勝悉委榛莽墨池一窪亦就湮獨趙

文敏手書三字猶存瓦礫中使君得無意乎予聞大喜命與人

移置東齋人三年為康熙己酉余董漕自淮歸簿書多暇念先

賢故蹟久就蕪不亟思表章亦守土者責也始從坡里坊求墨

池舊址得之類垣敗礎間於是芟榛莽剔朽壤決淤塗甃以文

石周以欄檻俯視一旬澗然泓然池故無橋今則跨池為橋翼

橋為亭而取文敏字揚之猶既而曰池復矣無堂曷祠乃建堂

池東祠子瞻以張文潛秦少游配兩先生固嘗游黃又蘇門士

也仍其名曰雪堂堂成有餘材建樓池西祠元之仍其名曰竹

樓墨池因故址雪堂竹樓非其地而仍之者從名也今之為宋

賢祠祠既成移余書之樓者置樓上移余東齋花木自中州來

者植池側而旁為教壇招僧未子住其內以供朝夕於是黃之

人若忘其為舊有而煥然新出于耳目之前也未幾張子復來

子與之周視池上欣然曰甚矣先賢之賴有使君也是烏可不

記予唯唯乃鏡石真雪堂壁間以記月日張子入語予昔嘗讀

楚故載東坡墨池蛙口食墨而黑予未之見也

廣濟多雲山余而過其下皆晴霽中望見輕雲聳峰頂信山之得

名非虛也巖間有微泉滴出竟日可得升許山中人欲鑿而大

之方去片石如錢大泉頓枯此理殊不可解或疑於泉脈有傷

云

世傳王介甫詠菊有黃昏風雨過園林次得黃花滿地金之句蘇

子瞻續之曰秋花不比春花落為報詩人仔細吟因得非介甫

詩子瞻黃州菊惟黃州落辭子瞻見之始大愧服按黃州志及

諸書絕不載此事余寓黃數載種菊最多亦不見黃花落地後

惟盆中紫菊殘落數瓣耳心竊疑之因考史正志菊譜後序云

花有落者有不落者茲花辭結密者不落盛開之後淺黃者轉

白而白色者漸轉紅粘於枝上花辭扶疎者多然盛開之後漸

覺離披颯風雨撼之則飄散滿地矣又嘗考之王介甫作殘菊

詩曰黃昏風雨打園林殘菊飄零滿地金歐陽永叔見之戲介

甫曰秋花不比春花落為報詩人仔細看介甫開之笑曰歐陽

九不學之過也豈不見楚詞云夕餐秋菊之落英東坡歐公之

門人也其詩亦有欲伴詩人賦落英與夫卻繞東籬賦落英亦

楚詞語耳余謂歐王二公文章擅一世而左右佩劍彼此相笑

豈非於草木之名猶未盡識而不知有落不落者耶若夫可餐

者乃菊之初開芳馨之可愛者耳若衰謝而後豈復有可餐之

味哉或云詩之訪落以落訓始也落英之落蓋謂始開之花耳

然則介甫之引繼殆亦未之思然按此則菊原有落不落二種

賦詩相笑乃歐王二公事與子瞻無涉更無黃州菊落之事何

世人篤信不疑紛紛引為口實耶又前代名公詠菊亦有落英

惟有黃州菊博物荆公服子瞻之句豈非歲於俗說而未加考

証之過耶賓客相見輒以此事未問為辯之如此

康熙己酉秋光黃間起蛟以千百數傷人甚衆有人從山上望之

但見黃黑牛乘流而過耳然山谷居民無恙望山巔波濤洶湧

如雲烟蔽空過則峰際穴隙壘壘皆蛟所從出焉又衆人立橋

上見一牛沃水中微露雙角曰此牛何處漂來忽角動水湧轉

瞬高數丈石橋里許皆碎傷十五六人按廬山志言蛟雖蝮

之類穴山而伏三十年則化為蛟常以夏月乘雷雨去之江

湖三數年一次蓋此山中皆有蛟患也

一人於荆通墓傍營葬夢通衣冠甚偉揖而言曰我是公前輩何

尺寸地未相讓耶其人改葬又夢通來謝

世祖皇帝御馬有隨身虎文者有鹿頭鹿蹄者盤旋階墀如風余

親見之

先文康公於京師買碧璞如升扇卷卒見而笑之曰吾家扇中便

有何買為先公命向扇中取之果得碧璞長二尺圓一尺有半

洗滌之光瑩動人因置石床上為玉枕適曰龜茲國有琥珀枕

枕之則十洲三島五湖四海盡入夢中此枕無乃是蓋所居乃

前朝中貴舊業開職尚長安其家歲珍玩逐流落州中塵埋也

余族孫銓日暮騎驢行村中見烟霧旋繞鬼兵數千擁一神將來

銓身入陣中魂魄幾墮驢亦設寐不前須臾而過如此者三餘

歸卧病月餘

京師一孝廉會試後夜候發榜與友人擲骰子約曰云子肯紅者

中孝廉得五紅其一立盆邊良久始落亦紅又先世神主忽燃

搖動合家聞嘆息移時報孝廉中矣

秦中會宰縣沙中產金堆食金滿五錢則飛不能遠土人往往逐

得之

與圖考載楚中赤壁有二一在嘉魚一在黃州嘉魚乃周瑜破曹

操處蘇子瞻以黃州赤壁山為赤壁謬也意此說起而世人爭

諸子瞻矣然唐杜牧之齊安晚秋詩結句云可憐赤壁爭雄渡

惟有策翁坐釣魚則何以說乎蓋當年軸艦千里旌旄蔽空由

黃州至嘉魚皆屬爭戰之所又烏辨其某舟泊某山某山為大

楚而赤乎即以黃州之赤壁為赤壁可也此說久不定余為辯

之

先文康撫遵化日苦旱有司循例嚴禁屠沽先文康出示曰天人

一理人事不修則天變於上苟人不為惡即飲酒食肉何足工

天地之怒哉示後各宜痛加修省其屠沽如故三日後大雨

皆服公之達

賈節子先生病余偕兩弟及徐恭士往候坐卧榻前先生談論如

晴音猶米王守溪先生制義其篇其句可羨忽云此時當與君

等承訣矣急命子故夕 發秀 請家詣聽事先生易新衣寢正寢

仰卧而逝衆人入窆見先生手微動者三若相謝云

余因官黃州司馬于北漢 成龍 山身西來贈余元祐黨籍碑一本

云碑在柳州之融縣乃黨人沈子曾孫沈時刻也時跋云元祐

黨籍蔡氏當國實為之藏廟造極乃詔黨人出籍高宗中與復

加棄贈及錄其子若孫公道愈明節義凜凜所謂誠于一時而

信於萬世矣其行實大槩則有國史在存公議在餘官第六十
三人通曉之曾大父也後復官終提點杭州集真觀贈奉政大
夫時幸託名節後敬以家藏碑本饒諸玉融之真仙巖以為臣
子之勳云嘉定辛未八月既望朝奉印權知融川軍州煎管內
勸農事古雲沈時謹識又周元亮先生書影亦載此碑一則附
錄之

附書影倪文正題元祐黨碑云此碑自崇寧五年毀碎遂稀傳
本今獲見之猶欽寶錄矣當毀碑時蔡京屬殺曰碑可毀名不
可滅也嗟乎鳥知後人之欲不毀之更甚於京乎諸賢自涑水
眉山數十公外凡二百餘人史無傳者不賴此碑何由知其姓
名哉故知擇福之道莫大乎與君子同禍小人之謀無往不福

君子也余凡兩見此碑各不同碎碑之後宜無可損必當時令
即邑各建之或尚有存者故其式弗一耳既亭云黨人碑闕入
章傳張商英華大為
諸賢之始又不可不辨也明代東林不盡君子論世者亦當分
別錫之是民容語云紹聖初籍定元祐黨止致十人世以為精
選後乃泛濫人以符與為
崇而議者不以為雷也

同里孝廉王維之有妹生不能言及笄有道人過門乞食云善治
病或問能治瘧否曰能孝廉遂以妹請道人命取水由各一盞
咒之傾一處以尊攪成膏漸結為丸曰以水調服即能言但須
焚香謝天耳孝廉以藥授妹服之頃刻能言愈道人不見舉
家向空拜謝聞仙樂空聞冉冉而去
王介州先生舊藏宋板漢書符之共中陸太宰家紙為準紋變字
類歐陽率更趙文敏故物卷首有文敏自作小像紫衣紗帽

神彩如生介州亦作一像於後介州錢虞山先生謂高以千
金得之後轉寓於四明謝象三虞山云此書去我之日殊難為
懷幸後主去國聽教坊雜曲揮淚對宮娥一段淒涼景色約畧
相似順治間此書歸新鄉某公近已攜往塞外矣京山李維柱
字本石嘗云若得文敏漢書當每日焚香禮拜死即殉葬意可
稱好事者已既亭云余卿張忠定公嘗宋幣
文選博覽選齋時之亦疏蕭齋

關中洛陽橋北有石刻云石頭若開蔡公再來卸人蔡錫中明承
樂發印卿試仁廟授兵科給事中陞泉州太守錫至欲修橋橋
跨海功難施錫以文徽海神急一醉卒趨而前曰我能齋檝往
乞酒飲大醉自沒於海若有神人扶掖之者俄而以醋字出錫
意必八月廿一日也遂以是日典工湖旬餘不至工遂成詭哉

錫本傳中乃實事也人不知而以其事附蔡端明且以為傳奇
中妄語矣錫官至都御史以才廉聞
及邑彭面園先生竟論博學有氣調以能詩著聞明萬曆中進京
師於席上遇鍾伯敬先生時賓客甚眾未通情款偶談詩不介
輒奮拳擊之鍾問為誰彭曰我西園公子彭先論也鍾歛容謝
之

葉慕廬封曰何氏語林焦氏類林皆補世說所未備然悉前代
事也以余所見近事者有朱氏涉幢小品頗足佐正史所未
及然簡而核奇而法要不若牧仲先生此編之可以傳矣

天
稔
識
餘

錢塘高士奇澹人輯

東兮

詩東兮東兮方將萬舞子貢毛詩皆以為伶官之詩申公曰東兮官名恥居亂邦故自呼而嘆曰東兮東兮汝乃白晝而舞於此乎政如東觀漢記淮陰侯拊胸嘆曰信乎信乎碌碌乃與噲等為伍乎毛本為東為簡故未傳以簡傲釋之謬矣易曰震用伐鬼方郭琛謂震乃擊伯之名王季妃太任父也程傳以震揚威武釋則三年有賞於大國何人也書曰巧言令色孔壬郭氏亦謂孔為共工之氏壬其名也蔡傳以包藏姦惡釋之與驩兜三苗不類以知考古之學其難如此

天祿識餘卷上

冀州無貢

禹貢九州皆有貢物而冀州獨無其即今之山西土瘠天寒生物鮮少自古為然

傳讓二義

綱目凡例曰凡以國與人者子弟曰傳他人曰讓此義恐未精孔子稱泰伯三以天下讓豈他人乎堯傳之舜舜傳之禹豈子弟乎愚謂以國與人者有正有變當具二義乃備

中庸單行

劉宋敬騎常侍戴顓撰禮記中庸傳二卷梁武帝撰中庸講疏一卷私記制旨中庸義五卷中庸之單行久矣宋儒以為表章始於三程非也

七屬

七屬甲禮冬官考工記函人為甲犀甲七屬注云屬讀如灌注之注謂上旅下旅札續之數也疏云屬取注著意一葉為一札陳祥道云上旅謂腰以上下旅謂腰以下也

梯衝

詩皇以篇以爾鈞揆與爾臨衝以伐崇墉注鈞鈞梯也所以鈞引上城者臨臨車也衝衝車也綱目載未泚毀佛寺以為梯衝即攻其也

名諱

生名元諱周制也周人以諱事神名終將諱之然臨文不諱今士大夫字中稱生者之名亦曰諱其非禮也

天祿識餘卷上

束脩

按束脩二字人知為子弟師之禮不知鄧后紀云故能束脩不觸羅網注以約束脩整釋之又鄭均束脩安貧恭儉節整馮衍傳圭潔其行束脩其心又劉般束脩其行皆是此意可見自行束脩以上言能飭躬者皆可教也又杜詩薦伏湛疏云自行束脩訖無毀玷注云十五以上也

伍兩

周禮五人為伍五伍為兩四兩為卒五卒為旅五旅為師

折聖

管子左手執燭右手折聖亦作即燭頭燧也

太師少師

焦氏說楷宋世家微子問於少師太師孔安國集以太師為箕子少師為比干不知周世紀太師疵少師強已明指其人前既以微子故太師疵少師強混為一人今復令胥餘冒疵之名比干侵強之職小司馬猥陋既誤引安國之注故於下文太師少師乃勸微子去遂不可解而曰少師似誤更不知誰誤耳

漢釋賈塔

賈為論賈賈之弊言孝文帝時賈廉潔賤貪污賈人賈塔及吏坐賤皆禁錮不得為吏夫賈塔為貧不得已耳何至遂與賈人賈吏同漢今之輕賈塔如此傷哉貧也

燕見

漢時士大夫奉事宮中要便人來只是不到後庭所以公孫弘燕見武帝或時不冠又不冠不見汲黯此猶是周禮古意自武帝以宦者典章奏而士大夫遂疎後來門禁森嚴君臣隔絕於是燕見之事少矣

吳越改元

歐陽公作五代史謂吳越儀衛名稱多如天子惟不改元至著十國世家云聞之故老亦嘗稱帝改元而事無可考獨得其封落星石為寶石山制書稱寶正六年辛卯耳按辛卯即唐明宗長興二年又至正中海寧州得古墓有誌碑為吳越將許俊誌稱寶正三年又寶正元年羅隱新城縣記云癸未歲癸未乃唐莊宗元年以此知吳越之改元審矣

說窰

史記既窰滿溝汙和滿車注既窰猶培塿也左傳培塿無松柏荀子注引說苑蠓螺者宜禾汙和者滿車蠓螺之背微高原田之形似之班固所謂原隰龍鱗也汙和隰田也荀子大略篇流丸止於既窰注地之坳坎如器之既窰既窰下之地史記既窰傾側之地汙和下地也和與史窰相近蓋同也窰叶溝和叶車一音也蠓螺叶禾汙史叶車又一音也一事異字大藻各妙既窰如既窰之既窰如窰窰之窰當是傾側窰下之地故曰滿溝培塿之說非也蠓螺自是高地故曰宜禾乃可以培塿原田解之自各不妨

一級

秦法新故一首拜爵一級故謂一首為一級

改年

史記秦本紀惠文王十四年更為元年此改元之始也

八表

禮年八十有秩故以八十為八表

八風

左傳節八音而行八風注炎風滔風熏風巨風淒風颶風寒風厲風

八水

涇與渭洛為關中三川涇渭滿漭滂滿漭滿為關中八水

山陵

秦名天子冢曰長山漢曰陵故通名山陵

黃小中丁

隋書男女始生為黃四歲為小十六為中二十一為丁六十為老

神龍殿

太初宮中有神龍殿去縣三里左太沖吳都賦云抗神龍之華殿
施華殿而提獵是也

洛離

洛字或作雒初漢火行忌水故去水而加佳魏為土行土水之母
水得土而流土得水而柔故去佳加水

胃祭

巴蜀異志謂項上巾為胃祭周勃下獄薄昭為言薄太后文帝朝
太后以胃祭提帝是也

黃篋樓

隋煬帝幸江都五品以上給樓船九品以上給黃篋船

巾舞

樂府原題公莫舞即巾舞也沛公鴻門會宴項莊舞劍項伯亦舞
以袖隔之且語莊曰公莫言公莫害漢王也漢人德之故舞用巾
以象項伯衣袖云

駘蕩宮

漢有駘蕩宮春時景物駘蕩滿宮中也又武帝時後宮八區有昭
陽飛翽增成合歡蘭林含香鳳凰鸞等殿後有增脩安處常寧
匡若椒風發越蕙草等殿為十四

雨金

漢惠帝二年宮中雨黃金黑錫

水網

且露池西有靈池方四百步有連錢荷如錢文浮根藻根出水上
葉枕波下實細薄皮甘香葉半青半白霜降彌美因名青水菱又
有倒枝藻者枝橫倒水中長九尺餘如結網有野鴨秋鳧及鷗鷺
來翔水入此草中皆不得出亦名水網出漢郭憲洞冥記

吉光

漢武帝時西域獻吉光裘入水不濡

虎子

漢以玉為虎子虎子便器也

北苑妝

隋煬帝時建陽進茶油花子大小形製各別極可愛宮嬪綵金於
面皆以淡妝以此花餅施於鬢上時號北苑妝

聚景園

聚景園在杭州清波門外孝宗致養之地堂扁皆孝宗御書嘉泰
間寧宗奉成肅太后亦嘗臨幸

網繆記印

開元初宮人被進御者以網繆記印於臂上文曰風月常新印畢
漬以桂紅膏則水洗色不退

春蕪布

洞冥記波岐國產茶蕪草亦曰春蕪草其皮如絲可以為布所謂
春蕪布也亦曰香荃布

白越荃葛

白越蒼葛皆細布名吳都賦所謂焦葛升越弱於羅統者也

黃潤

蜀都賦黃潤比筒籠金所過注黃潤細布也盛於筒中其價過一

孔陶飲趣

孔文舉云座上客常滿樽中酒不空吾無事矣此語甚得酒中趣
及見淵明云偶有佳酒無夕不傾顧影獨盡悠然徑醉便覺文舉
多事

蘇子聯句

蘇易簡在翰林一日太宗召對賜酒謂之曰君臣千載過易簡應
蘇子聯句

然拜金鈞珠未送漢頭問釣魚人端知以進白愚臣釣魚難
用宜問漢梁結網人既而端送拜相君臣會過形於慶歌此與唐
虞廢載事雖異而實同也

百花帶

宗測春遊山谷見奇花異草則繫於帶上歸而圖其形狀名聚芳
圖百花帶人多效

麒麟草

唐元和時館閣湯飲待學士者煎麒麟草

賜茶果

金鑿舊例翰林當直學士春晚困則日賜成象殿茶果

軟繡天街

宋以親王尹開封謂之判南衙羽儀散從燦如圖畫京師人嘆白
好一條軟繡天街士大夫騎吏華繁者亦號半里嬌

畫蜻蛚翅

後唐宮人網獲蜻蛚愛其翠薄遂以描金筆塗翅作小折枝花子
金線籠貯養之雨後上元賞花者取象為之售於遊女

青林樂

唐時京師遊手夏月採蟬貨之名青林樂

荔枝會

蜀地荔枝飲州為上李昇於荔枝熟時設宴以會左右有詩云香
浮琥珀御醪潤色重難玩新荔枝

需頭

說鈴天祿鐵條上

蔡君謨詩禁林京尹荷恩光三上需頭乞即章蔡邑獨斷凡群臣
上書於天子者四一曰章二曰奏三曰表四曰駁議章奏需頭表
駁議不需頭需頭者謂空其前幅以候批答也

軸簾

摩勒傳紅綃妓軸簾送客入言卷之如軸也

銀蒜

銀蒜蓋鑄銀為蒜形以押簾也元經世大典親王約妃公主下降
皆有銀蒜簾押幾百雙

麗譙

郡縣更鼓樓多名譙樓出莊子本魏城門名麗譙壯麗而譙峴也

使駝

唐會要驛傳曰使駝

一弓

道書以一卷為一弓音周與軸通用陶九成說郭用之佛書以一
條為一則洪景虛容齋隨筆史編祖學齋佔畢用之

傳訖

俗語附近古作傳近仲長統昌言宦監傳近卧房之內交錯婦人
之間

果愚

段成式云士林多稱雀網為果愚其誤如此按漢書果愚屏也復
也又按劉熙釋名曰果愚在外門果復也臣將入請事於此復重
思也今之照攝相似

天祿識餘上

九

佩魚佩龜

佩魚始於唐永徽二年以鯉為李也武后天授元年改佩龜以元
武為龜也

雁戶

隋志隸為越嵩居處不定謂之雁戶

一稱

衣裳單復相副曰一稱尺證反

六曹

州縣六曹兵刑工禮戶吏宋徽宗設

黎祁

豆腐淮南王劉安造又名黎祁

許衡松

京都園子監彙倫堂前古松是元儒許衡手植

寒火

邵康節曰世有溫泉而無寒火按抱樸子曰水性純冷而有溫泉
之陽泉大體宜熾而有蕭丘之寒酸董仲舒曰水極陰而有溫泉
火至陽而有涼酸

只孫

元特親王及功臣侍宴者別賜衣冠謂之只孫今儀從所服團花
亦名只孫與擬耕錄所載制飾不同

里長

隋高帝從蘇威議以百家為里置里長一人

天祿識餘上

十

三尺

三尺法謂以三尺竹簡書法律也

蜚廉

漢武帝元封二年作蜚廉觀通天莖臺集覽云蜚廉神禽也能致
風氣晉灼曰蜚廉身如鹿頭如雀有角而蛇尾豹文漢武帝以銅
鑄像觀上因名蜚廉觀

食單

食單出鄭望膳夫錄韋僕射巨源有燒尾宴食單

短褐

短褐方言曰自關而西以襜褕短者謂之短宋本杜詩短褐風霜
入介皆為短褐

七校

漢書京師有南北軍三屯至武帝平百越內增七校

滅獲

滅獲前漢書司馬相如傳注應劭曰方言荆淮海岱之間焉奴曰滅焉婢曰獲左傳得用曰獲燕之北郊男而塔婢謂之滅女而婦奴謂之獲服虔通俗大曰古本無奴婢即犯事者或原之滅者被滅罪沒入為官家婢逃亡獲得為奴婢

仰藥

漢書有仰藥二字注謂仰首而飲藥也又司馬君實明妃曲云曰頭蕭太傅被諍仰藥更無疑注仰去殺仰藥自殺也

打簇

魏氏舊俗以正月十五日夜為打簇戲能中者賞帛

扇市

端午前二日東市謂之扇市車馬閑集見秦中歲時記

蕺山

會稽記蕺山在會稽越王嘗蕺常採於此晉王羲之居焉有墨池鵝池諸遺蹟

鮑山

續圖經吳王闔廬秋冬治城中春夏治城外旦食鮑山晝遊蘇臺射於鵝陂馳於遊臺興樂石城走大長洲

水名

水衡記黃河水隨月異名正月解凍名凌解水五月瓜延蔓名瓜

莫水六月名攀山水十一月冰斷復結名盛凌水

水性

淮南子曰淮水獨宜麻濟水和宜麥河水調宜菽洛水輕宜禾渭水多力宜黍江水肥宜稻

虛奴

水黑白虛不流曰奴

結贊

唐書尚結贊吐蕃之相也吐蕃之族不言姓官族皆曰尚王族皆曰尚結贊官族也故稱尚

試官

試官始自武后引見存撫使舉人悉授試官高者鳳閣舍人給事中其次者員外郎

債軍

陸贄奏議云債軍盛國者不懷於愧畏債音奮張晏曰債僮也謂軍不嚴整若僮仆也記射義篇讀軍之將注責讀為債猶覆敗也

野合

女子七十四九陰絕男子八八六十四陽絕過此為婚為野合時叔梁紇過六十四娶顏氏少女故曰野合

金駝玉龜

宋徽宗臨張萱宮騎圖其侍從有挈金索駝者蓋唐制宮人用金駝貯酒玉龜藏香

紫玉杯

漢廷上壽有紫玉杯刻作鳳凰形出西京續記

借春

唐時冬至賜百官辛盤謂之借春

長十八

草花中有名長十八者元葛邲祿廼賢字易之塞上曲云雙鬟小女五娟娟自捲簾出帳前忽見一枝長十八折來簪在帽簷邊下註曰長十八草花名余至塞外果有是花

羊脚馬通

廼賢又有送楊從吉之遼陽學正詩云穹廬宿頓供羊脚却落展炊紫馬通羊脚肩上兩膊間也骨利幹却所居之北渡海畫長夜短日烹羊脚熟東方已明馬通馬矢也

天祥集卷上

麩糟

俗語以不潔為麩糟按霍去病傳麩泉蘭下注以世俗謂盡无殺人為麩糟又謂麩殺義雖不同却有所出

無夫祈

高獲過水神鎖之龜山曰無夫祈一作巫夫祈無巫音近而為耳形若獼猴伸頸百尺力踰九象

瀚海登相

瀚海在大州柳城東北沙深五尺大風則行者人馬相失沙中生草名登相可食非真尾閼也今云瀚海波澄者因誤張茂先亦以霍去病至瀚海為北海何耶按遠史西夏出登廂一統志韃靼產東牆似蓬草實如糝子十一月始熟于虛賦雕胡東牆色青黑粒

如糝子似蓬草十一月熟出涼並為九地魏書為九地宜東牆今甘涼銀夏之野沙中生草子細如糝菜堪作飯俗名登粟一名沙米按登粟登廂東牆皆登相之誤不必瀚海始有之也

海目水脂

鹽泉海目油并水脂

隱士泥

秣陵五娘山有白塔上周護以胡塗四壁因呼為隱士泥

雌甲

說格甲子逢單日為雄雙日為雌雌甲子雖雨不害詩云老尚誇雌甲狂寧作散仙

鳥鼠

天祥集卷上

古

高貴導謂自鳥鼠同穴孔穎達曰一鳥一鼠共為雌雄同穴而處山因得名蔡仲默以為不經岳季方成莊浪見鳥頂出毛角處缺脊似兔尾尾似龜欲此相狎甘肅志涼州有兀兒鼠尾若賢流鳥曰本周兔形似雀色灰白杜詩水落魚龍夜山空雀鼠秋或謂以魚龍水對雀鼠山見西溪叢語

紫濛

晉書紫濛移構元塞分隴紫濛山慕容氏所居

南北紀

自三危積石負東北地終之徐東及秦華北抵常山東循塞而至朝鮮是謂北紀自岷山嶠冢負西南地終之陽東及秦華南踰江漢東循嶺而至閩是謂南紀

御侯

楊用修謂蕭何食邑御在襄陽及考茂陵書蕭何國在南陽御氏
分明云沛郡之御音嗟南陽之御音贊不聞在襄陽也班孟堅十
八功臣銘文昌曰友漢有蕭何序功第一受封於戲是戲與御本
為一地班漢久必得其真顏師古直以何封南陽李濟翁至評人
呼驪侯併其音義各實事未之唐人麒麟閣上識戲侯史記作御
或後人傳寫之誤耳

鬼彈

水經注瀘水傍瘴氣特惡中有物不見其形其作有散中木則折
中人則害名鬼彈蜀郡賦鬼彈飛丸

下水

水經注瀘水傍瘴氣特惡中有物不見其形其作有散中木則折

主

水經下漢水在泗水東泗水冬春淺濤常排沙通道陸機賦乘丁
水之捷岸排泗水之積沙

少姨廟

嵩高少室廟神為故母塗山氏妹韋蘇州詩釣臺水綠荷已生少
室廟寒花始徧楊盈川少姨廟碑虞帝二妃相水之波瀾未歇荷
係三妹青溪之軌跡可尋

八蠶九熟

雲南志風土多蠶至有八蠶吳郡賦鄉貢八蠶之綿李商隱燒香
曲八蠶綿繭分小杼欸端微紅隔雲母抱樸子南海番安有九熟
之繭周禮禁原蠶淮南子原蠶一歲再熟王法禁之者為殘桑九
注為其傷馬以蠶為末塗馬齒即不食以桑葉飲去乃食蠶馬類

也物莫兩成如此

挑竹竹挑

海南有挑竹江南有夾竹挑

二十四橋

說橋揚州在唐時最為富盛舊城南北十五里一百一十步東西
七里三十步有二十四橋最西濁河茶園橋次東大明橋入西水
門有九曲橋次東正當節衙南門有下馬橋又東作坊橋東河
轉向南有洗馬橋次南橋又南河節橋周家橋小市橋廣濟橋新
橋開明橋頤家橋通海橋太平橋利國橋南水門有萬歲橋青園
橋自驛橋北河流東出有泰佐橋次東水門東出有山光橋又自
衙門下馬橋直南有北三橋中三橋南三橋號九橋不通船不在

二十四橋之數

共

水晶鹽

梁天監中天竺王屈多遣長史竺羅獻方物云國有恒水甘美下
有真鹽色正白如水精金樓子云塞外有鹽管中水晶謂之玉華
鹽西陽雜俎云白鹽崖有鹽如水晶名君王鹽段公路北戶錄云
鹽有如水晶狀者一統志撒馬兒罕土產水晶鹽堅明如水晶珠
為盤以水濕之可和肉食又拿子鹽亦出塞北

乾綠

乾綠音乾馱也劉向九嘆莠芎棄于澤洲兮乾綠糞於筐籠

湖目水芝

蓮子湖目實水芝

藥園

說搭藥園今作花藥之園非也漢宣詔曰池藥未幸御者假與貧民注以竹繩連為禁藥老杜亦誤用

明莖草

齊封服明莖草腹光通外採以藉足入水不沉明莖草一名洞冥草一名照魁草折枝為炬照見鬼物太平廣記作洞腹草

白蕩

白蕩藕也烏桿柿也凡草木有白嫩堪食者皆曰蕩又不獨藕而稚芙蓉莖下本葉周禮蒲葑蒲之蕩也尚書孔傳筍蕩竹也

雞冠

雞冠花佛書謂之波羅奢花又汴中謂之洗手花中元節前兒童唱賣以供祖先

負茲

公羊傳諸侯有疾曰負茲注茲新生草也一年草生一蕃故以茲為年古詩為樂當及時何能待來茲史記武王入商康叔封布茲注薄席也荀子琅玕龍茲華璫以為寶注龍茲即龍須或曰茲龍

同史記索隱云茲公明草或作負薪周益公表介竹無功懸辭卿

即負茲有疾願備祠官

穀皮

穀音構樹名皮可為紙史記桑穀共生王右軍傳禿千瓦之翰聚無一毫之筋窮萬穀之皮無半分之骨今穀穀殊不分

繁露名義

繁露名義

嘗讀董子繁露不得其命名之義及讀爾雅蔡繁露羅如也董子得罪之後志既不伸而愛君之心又弗容已故託之書備蔡蔡之性向日無所解於心也又蔡撥也能撥日而向故名蔡仲舒之命各或兼此二義焉

蔡葵

蔡葵生葉圓而厚故考工記曰大圭長三尺杆上終葵首蓋言圭首圓而厚如蔡葵齊人謂推為蔡葵又因此廣之遂訛為鍾植俗畫一神執推以擊鬼好異者遂傳會之謂能喚鬼文人又戲為立傳謂開元進士皆寓言耳習聞既久鍾植遂即真矣

蔡葵

爾雅蔡葵注初生無葉可食狀如蟻雀拳足又如足之履也故謂之履周秦曰蔡齊魯曰蔡俗云初生則類蟹脚故曰蟹詩陟彼南山言采其蔡沈約郊居賦紫蟹綠蔬太白詩初拳我枝蔡

青蘋

相如賦萍荔青蘋說文青蘋似莎而大張揖曰生江湖雁所食管子謂之雁膳別種為白蘋楚詞登白蘋兮騁望今誤作蘋

鑄金

今以金銀錯鐵上曰鑄音金西京賦金鑄錫馬融廣成頌金鑄玉鑄字之來舊集

白首為郎

顏軻對武帝曰文帝好壯而臣老而臣儒陛下好壯而臣老所以白首為郎而其能去也是豈不即乃顏軻非馮唐左

顏軻對武帝曰文帝好壯而臣老而臣儒陛下好壯而臣老所以白首為郎而其能去也是豈不即乃顏軻非馮唐左

大冲誤

耳衣

耳衣暖耳也唐邊塞曲金裝腰帶重錦縫耳衣寒

行馬

漢官儀云光祿大夫秩比千石門外施行馬以旌別之魏志楊彪為光祿大夫詔給吏卒門施行馬李義山九日題令狐綯廳壁詩云即君官貴施行馬

虛鴻

唐虛鴻一隱於嵩山綱目書徵處士虛鴻為諫議大夫不受脫一字

屠蘇

屠蘇

屠蘇平屋也又庵也雪賦韜單急之飛棟沒屠蘇之高影杜詩願慙金腰裏走置錦屠蘇冠亦名屠蘇以有屋也元康諺曰屠蘇障日獲兩耳會見喝見作天子酒本名醪醑後更為屠蘇云起自孫思邈取菴名以名酒者附會也

錦里油

宣室志唐元宗時西蜀有尼造掠鬢香油本州進之宮中謂之錦里油油音同遊乃幸蜀之識

茗飲之始

飲茶或云始於梁天監中事見洛陽伽藍記非也按吳志韋曜傳孫皓時每宴饗無不竟日坐席無能否飲酒率以七升為限雖不悉入口皆澆濯取盡曜素飲不過二升初見禮異或為裁減或賜

茶許以當酒如此言則三國時已知飲茶矣逮唐中世權茶遂與煮酒相抗迄今國計賴此為多

舉按

孟光舉按齊眉按與案同俗直謂几案耳呂少衛語林少穎案乃古盃字故舉與眉齊張平子四愁詩何以報之青玉案謂青玉盃耳

薯蕷

負喧雜錄山藥本名薯蕷唐代宗諱豫改名薯蕷宋英宗諱蕃改名山藥

夜航

夜航惟浙西有之古樂府有夜航船曲皮日休答陸天隨詩云明

沈約集中嘗用樽酒字

乾鵲

詩人以乾鵲對濕螢惟王荆公以為皮字音見於鵲之疆疆易統卦曰鵲者陽鳥先物而動先事而應淮南子曰乾鵲知未而不知往此修短之分也

水屬水羞

顏延之碧芙蓉頌曰澤芝芳艷擅奇水屬練氣紅荷此符縹玉擢麗滄池飛映雲屋寶紀仙方名書靈濁水屬二字全未見人用齊

王融謝紫蘇故曰東越水羞寶曆乘時之美南荆任土方提鮮魚

之味劉孝威謝藕故曰凡厥水羞莫敢相輩水羞二字亦新

王母

杜少陵元都壇歌子規夜啼山竹裂王母畫下雲旗飄人多不曉
王母宋中宮陳彦和在宣和間掌禽苑言蜀中貢王母鳥狀如燕
色紺翠尾甚長飛則尾開頸長如兩旗少陵詩正指此

白暗黑暗

南人謂象牙為白暗犀角為黑暗杜詩黑暗通靈貢

硯北

段成式書云杯宴之餘常居硯北又長疏硯北天機素少言几案
而南人坐硯之北也

無恙

恙毒虫也能傷人古人草居露宿故早相見問勞必曰無恙

史記各居其邊為既脫又曰既脫外棄地韋昭曰訶上屯守處索

三

既脫

隱曰服虔云作土室以伺漢人又纂文曰既脫土穴也又云是地
名故下云生得既脫王正義曰按境上斥埃之室為既脫也

却裏來

蛺蝶一種名却裏來滕王畫之最工

竹夾膝

竹夫人唐人謂之竹夾膝陸龜蒙所咏是也

十家

唐奴女入宜春院者曰內人亦曰上頭人亦曰內家趙德麟謂得
幸者為十家遂引鄭嵎詩十家三國爭光輝不知明皇時十宅諸

王與韓號最為寵盛鄭詩指此爾

翠筑

翠筑英芙蓉也江淹去故鄉賦北風拚兮絳花落流水散兮翠筑
珠

剪發

晏老獻公清儉凡書簡首尾空紙皆手剪髮置几案以備用

拍風

相風為千里風乃動劉孝威詩機車鳴里鼓駒馬駕相風

木照水嬉

純子曰木照鏡渡曰水嬉吳都賦乘危舟兮為水嬉

雲霞

說若雲霞色紅如硃砂謂雲霞度臨照而然

三

說若雲霞色紅如硃砂謂雲霞度臨照而然

既脫

既脫音兜連本外國服今性烈者以此目之

露官

高鞅謂仁義諸物為六藝故云露官又謂處士謂六竭韓非謂之
五蠹退之詩得無蠹其間不武亦不文仁義飾其躬巧姦敗群倫

七曜五雲

王勃益州夫子廟堂碑云帝東南指道七曜於中階華蓋西來藏
五雲於太甲張燕公讀此不解訪之一行一行言北斗建五七曜
在南方有是祥無位聖人當出華蓋以下悉不可知杜詩五雲高
太甲六月曠扶搖

細腰

劉禹錫踏歌行為是襄王故宮地至今猶自細腰多墨子云楚靈王好細腰故其臣皆三飯為節骨息然後帶綠墻然後起韓非子云楚莊王好細腰一國皆餓色細腰事凡兩見不聞襄王也疑劉誤記

吊統

宋武帝三月三日登八公山劉安故臺望城郭如尺帛之統叢花也唐韓鄂歲華記麓云帛統叢林杯流曲水

上巳

上巳本三月上旬巳日後始定三之日便復修楔不拘已矣黃淳父詩上巳重逢已誤也

漢書律曆志上

三

蜜香樹

交趾椰蜜香樹幹似柞柳花白而繁其葉如橘木心與節堅黑沉水者為沉香與木平者為雞骨香根為黃熟香幹為棧香細枝緊實者為青桂香根節輕而大者為馬蹄香花不香成實乃香為雞香

心字香

范石湖醉駕錄云番禺人作心字香用素馨茉莉半開者著淨器薄穿沉香屑層相間封日一易不待花焉花過香成將提詞銀字筆調心字香燒宴小山詞記得年時初見兩重心字羅衣

十四樓

漢書戶城十二樓人多知之東坡詞遊人都上十三樓不羨竹西

歌吹古揚州晏振之金陵春夕詩花月春江十四樓按洪武中建朱賡重譯清江石城鶴鳴醉仙樂民集賢振歌鼓腹輕煙淡粉梅妍柳翠十四樓于京師以處官使

蝶與鶴

東海之魚曰蝶比目而行北方有獸曰晏更食而視南方有鳥曰鶴比翼而飛西方有獸曰鹿前足无後足鼠得甘草必銜以遺蟄蟄距驢二獸見人未必負登以走于虛賦蟄蟄蟄蟄蟄蟄

天地始終

漢書律曆志上元至伐桀之歲十四萬一千四百八十年列于揚子云伏羲至今三十餘萬歲即于皇極數斷以天地始終止十三萬八千五百五十二說天地之始終且兩過矣

漢書律曆志上

若

咏散子

正德間有使女失其名於客所分咏以散子命題使應教曰一片寒微骨翻成面而心自從遺點汚拋擲到如今亦清切可感

佛髮

南史扶南傳曰佛髮青而細如藕絲

承露

趙魏之間以幅巾為承露

監字四義

食貨志犍頓用監監注監鹽池詩王事靡盬注監不堅固周禮監人共其苦鹽注監鹽不練治也左傳夢楚子伏已而監其腦注監定也一守四義監腦尤奇

穠芳亭

鉅野有穠芳亭即人延王維翰書石未至使謝天香戲以袖書穠
芳二字維翰至書亭字完之二人遂成仇讎王嘗戲謝曰昔日章
臺聞舞腰行人無不折枝條天香曰從今已付丹青手一任狂風
不動搖

扇尾

扇尾音補直說文從後相及也谷賓戲其餘炭飛景附扇尾其間
者吳都賦扇尾鱗接俗不解義安作雪霰

親家

級耕錄凡男女締姻者兩家相謂曰親家此二字見唐蕭嵩傳今
則建亦有所祖
引光奴
杭天削松木為小片其薄如紙鎔硫黃塗木片頂分許名曰發燭
又曰燭見用以發火史載周建德六年齊后妃貧者以發燭為業
蓋即杭之所製也宋翰林學士陶公毅清異錄云夜有急苦于作
燈之緩有知者披衫條染硫黃置之待用一與火遇符燄穗然既
神之呼引光奴今遂有貨者易名火寸按此則寸燭較相近字之
謬也然引光奴之名為雅

面不畏寒

輟耕錄人之四肢百骸莫不畏寒獨而則否醫書謂頭者諸陽之
會諸陰脈至頭及胸而還循諸陽脈上至頭所以然也

慍瓶

慍瓶謂腹氣也唐崔令欽教坊記云范漢女大娘子亦是竿木家
開元二十一年中內有竇媚而教慍瓶

能資

盤三足曰能資三足曰資

不落不托

古人以杯為不落取其常飲則昏酣之流也以麪裹為不托以其
躬遠至精則養餐之首也

積沙成圓

廣州新會縣現尚以南瀕海人有蕪圃乃淺水中積沙而成者或
為風飄去若浮蕪然蕪圃有人訟失去蕪圃為人所匿在百里
內外蓋其事也載玉堂閑話

土脈橫豎

土脈有橫有豎許穎問田有豎土者不可種以其不停水陝以西
民皆穴土而居亦曰此橫土可劖若遇豎土即坍塌矣

錢陌

梁時用錢自破嶺以東八十為陌名曰東錢江即以上七十為陌
名曰西錢京師以九十為陌名曰長錢中大同元年乃詔通用足
陌詔下而人不從錢陌益少至于末年遂以三十為陌今民間
零用其有紙裹資人者每百報關數文使知梁時陌法受者當無
快快今京師以三十三文為一百近更減至三

朝節

十文為一百席上資人通行不以為怪

圖經池陽風俗不重端午而重夏至以角黍舒雁相饋貽謂之朝節

蓬塊

博物志徐人謂塵土為蓬塊

浣花天

放翁詩已過浣花天註四月十九日也蜀人以此日遊于浣花溪

上故云

蓮花漏

佛藏遠公弟子惠要志山中無刻漏乃于水上製十二銅葉芙蓉

因波隨轉分別旦夕以為行道之節名蓮花漏何此詩芙蓉十二

蓮花漏

顏之推稽聖賦魏姬何多一孕四十中山何器有子百廿廿音八

廿廿世

說文二十并也俗音合者誤又三十并為世音撒四十并為世音

錫始皇禪梁父刻石辭曰皇帝臨位作制明法臣下修飾廿有六

年初并天下罔不賓服乃以三句為韻四字為句而今史記刻本

皆作二十有六年一字改作二字非也

皆作二十有六年一字改作二字非也

香湖

番禺記晨潮下晚湖上兩水相合謂之香湖今吳中猶有此名

始廢井田

世儒罪秦廢井田不知井田之廢始於管仲作內政已漸壞矣至

秦乃盡壞耳元陳孚題管仲井詩云畫野分民亂井田而王禮樂

散寒煙平生一勻漢汗水不信東溟浪沃天可謂開幽之論又九河之壞亦自管仲始詩緯所謂移河為畝在齊呂是也

三關

元志云燕有三關曰松亭關今名喜峯口曰古北口曰居庸關周世宗

一日下三關在顯德六年遼之應曆九年也其三關則蓋津關之

霸尾橋關今名口關雄縣

虎僕

皇甫松大隱賦書袖虎僕射用牛璫博物志有獸綠木文似豹名

虎僕毛可取以為筆今俗名九節龍

公地

今人謂其為公地者以俗從簡便其實古其字也穀梁祖公二年

蔡侯鄭伯會於鄧范審注云鄧公地陸德明釋文曰不知其國故

云公地本又作其

松煙

元有朱萬初善製墨純用松煙蓋取三百年摧朽之餘精英之不

可泯者用之非常松也天曆乙巳開奎章閣揀儒臣親侍翰墨榮

公在初康里公子山皆侍閣下以朱萬初所製墨進大稱旨

小御園

金章宗宮中以張過麝香小御園為畫眉墨

澄泥

絳縣澄泥硯一絹袋置汾水中踰年而後取則泥沙之細者已入

袋矣陶以為硯水不涸

曹吳畫法

北齊曹仲達畫人物衣服緊窄唐吳道子畫衣服飄舉時人語曰吳帶當風曹衣出水

桃源圖

唐人畫桃源圖極為其妙舒元興作紀云煙嵐草木如帶香氣熟視詳玩自覺骨香青玉身入鏡中

皂錦

脂帖請系云大觀帖用皂鳥鵝錦標紙

木雞

曹子建詩明珠交吐體珊瑚間木雞注引南越志云木雞金翅鳥

西弄

南史東昏侯過絃於西弄宮中列道如永巷之類也元經世大典所云大街注即音弄

槐街

中朝故事云天街兩畔槐木俗號為槐街

甘泉

甘泉宮有三秦之甘泉宮在渭南隋之甘泉宮在鄜漢之甘泉宮在馮翊雲陽縣雲陽記云谷口去雲陽宮八十里流潦沸騰飛泉灑激兩岸峭壁孤壁橫盤灑灑每八穴中宋明盛暑當晝暫暄涼秋晚候緇袍不暖所謂寒門也漢世以為避暑之處

柴門

晉書儒林傳清貞守道抗志柴門又漢書云漢中之俗蓬戶柴門食必魚肉

畫鳥

元魏改官制以候望官為白鷺取其延望之意其時中候多刻鷺像漢明帝巡狩過亭障有鳥鳴亭長引弓射中之奏曰鳥鳥啞啞引弓射河在朕陛下鳥鳴亭長為二千石帝悅令天下亭障皆畫鳥故揚升庵詩云山遮延鷺堆江繞畫鳥亭

鹿鳴

南史隱逸傳梓山箕踞非止素玩碧澗滑潭翻成鹿鳴宋人以鹿鳴名亭於此

鞣鞋

荀子鞣鞋注為服之革蓋以鞣皮布之鞣乎見切左傳鞣鞣鞣鞣鞣鞣在背曰鞣在胸曰鞣在腹曰鞣在後曰鞣

牙龍貂扇

西京雜記天子玉几冬則加綈錦以象牙為大龍慎常冬日宮詞云障風貂尾扇熅火象牙龍貂扇冬月用之歐陽元詩十月卻人供暖策余曾於冬日入直見朝鮮貢使手持貂扇以障面蓋古製也

流黃筆

會稽竹筆供御號為流黃筆唐詩珍筆冷流黃

星施

周書王會篇樓煩貢星施施旌施之屬

姜蕤

錄異記姜蕤鎖金鎖相連屈伸在人顧况詩春棧不開蕤鎖亦作蕤蕤又蕤蕤旗名鹵簿中有之瑞應圖云蕤蕤瑞草王者禮備至則生

紫花墩

宋學士王珪召對慈珠殿設紫花墩命坐

三雅

劉表三爵上曰伯雅中曰中雅小曰季雅宋時開州有三雅池古有修此池得三銅器狀如酒杯各有篆文當時雖以名池而不知為劉表物也兵均詩聊傾三雅厄本此

鳳盃

唐碑文瓦釜之於黃鐘簞鷗之於鳳盃音禾見博古圖又隋志有龍舟鳳船音墨

方麪

北史楊愔傳以方麪陳而讀者不解方麪為何語按說文作箇蓋竹織方扇也

紫壇

漢行宮用紫泥為壇齊梁郊祀歌所謂紫壇也

紫穀

袁紹士無貴賤與之抗禮編駢紫穀填接卷路

帖子致語

宋時御前內宴翰苑撰致語八節撰帖子雜歐蘇曾道司馬范鎮

皆為之蓋張而不弛文武不能百月之塔一日之澤聖人亦不之

非也明成化中黃編修仲昭莊檢討果不撰元宵詞又上疏論列

以去然自是而後每有文字報命文華門仁智殿輩為之往往傳

未得美官愚意以為如六一公玉筆經年不進幸上林花好莫

爭開君王念舊憐遺族長使無權保厥家願因角黍詢遺俗可鑒

前王感巧言亦何不可南唐李後主遊宴潘佑詞云樓上春寒

山四面桃李不須誇爛熳已失了春風一半意謂外多敵國而地

日侵削也後主為之罷宴填詞如此何異陳蕃工執藝事以諫

泥翰墨本以文章賦諫手黃莊請公無乃未達雅

舉此

宋玉環橫帶身傲舉地蓋以虎處為講席也按唐戴叔倫詩倪

座翻蕭索舉此喜接連則以舉此為講席唐時已然矣

玉環俞 俞奇翰

銅人針灸圖載臟腑一身俞穴有玉環俞不知玉環是何物張紫

陽玉清金華秘文論神仙結丹處曰心下腎上脾左肝右生門在

前密戶居後其連如環其白如綿方圓徑寸包裹一身之精粹此

即玉環也醫者論諸種骨蒸有玉房蒸亦是玉環其處正與臍相

對人之命脈極帶也

金莖花

杜陽雜編載隋大業中元藏我為通海使風飄一洲曰汾州人多

不死上有金池水石泥沙皆如金色有金莖花如蝶人多戴之曰

不帶金莖花不得到仙家今人但知日銅掌承露為金莖

兩函谷

陝州西南有洪福澗古函谷關也漢武帝時楊僕請以家僮七百人築塞徙關新安故有秦函谷關漢函谷關之別

金吾

舊約古今注金吾車軸棒也漢執金吾亦棒名以銅為之金塗兩末謂之金吾漢百辟志曰漢官曰執金吾緹騎二百二十人應劭曰金吾也掌執金革以禦非常文獻通考武帝增置七校更名中尉為執金吾師古曰金吾鳥名主辟不祥天子出行職主先導以禦非常故執此鳥之象以名官

一通

衛公兵法疏二百三十三疏為一通鼓止角動吹十二鼓為一通

衛公兵法疏

卷

高下春

治粟者落杵曰春日之經天自日禺中至日晡皆橫過再向晚則日影旁射側落如春者直下其杵故曰高春曰下春言日落之漸次也梁元帝詩曰斜景落高杵薛能詩曰隔溪遙見夕陽春王僧孺致仕表云高春之景一斜不周之風忽至駱賓王破楊虔露布照盡高春雲昏乙夜皆此義而原本於淮南子經於泉隔是謂高春

白簡

古彈文白紙為重黃紙為輕故云臣輒用白簡以開合御史白簡即其事今之章奏俱用白紙不獨御史也但各官本俱用印雅御史不用印故曰白簡

玉蓮

玉蓮王梅溪先生十朋之女孫汝權宋進士與梅溪為友致尚風韻先生幼史浩八罪汝權實慈惠之史氏所最切齒遂妄作荆釵傳奇故誤其事以毀之

跨窻

海客曰跨曰馬前蹄之上有兩空處名窻門馬之良者後蹄印地之痕反在前蹄印地之前故名跨窻言後步趨過前步也人解跨窻之子謂窻上有金金字上父字跨窻者越父也殆為漢說

聚頭扇

據說扇名聚頭扇僕妹所執取其便於袖藏以避尊貴者之目元時高麗始以充貢明永樂間稍效為之今則流行廣闊扇廢

聚頭扇

卷

射九鳥

古傳言羿射日落九鳥鳥最難射一日落九鳥言射之捷也後世不得其說者遂以為射九日矣流俗謬說而傳怪文士循名而騁奇異故鳥易得落九鳥何足傳大約古人多有造不經之說以惑後人而傳者遂以為真也史者知此不足為實

四皓碑

四皓有羽翼太子之功其後也惠帝為之製文立碑此乃上世人主賜葬人臣恤典之始通典文獻通考皆不之載而四皓碑目集古錄金石錄鄭樵金石略皆遺之獨見於任昉文章錄起故特表出之

姚廣孝

姚廣孝本醫家子王行識廣孝於為僧時贈之序云上人年甫壯
令天下亂已極其必治治然後出於時發其所蘊其上人之志歟
又云當世之人安知終無與上人同其志者蓋姑有所待也又云
斯道非若他人事佛奉師碌碌作沙門者也

殺吹

白樂天華開花詩兩日憑輕照東風莫殺吹自注殺去殺音屐俗
語太甚曰殺容齋隨筆序殺有好處元人傳奇武風流武殺思今
京師語猶然宋白殺大高曰殺高此假借字也

雙天

雙字本篇不載情楚去殺法能奈涼師語謂法皆曰雙音茶山
和入送梅子云相知病渴應須此莫與大君感遠山茶山之詩全
效之方秋崖楊梅詩併與文圖消午渴不禁越女感春山

說於天孫機上

臺

庚死

史記庚死獄中注不明庚義按說文束縛拵也為史史庚古字通
也

蓮脆

京師但語日形短矮曰蓮大蓮有蓮脆之語唐書王伾傳形容蓮
陋通鑑音義作七未切

肉言

爾雅曰徒歌曰諒說文諒作善注云善从肉言今按徒歌謂不用
絲竹相和也肉言歌者歌也也小自胸臆歌曰肉言童子歌曰童

善以其言出自其胸臆不由人教也唐人謂徒歌曰肉言即說文
肉言之意也

青葱

左思三都賦序識楊雄賦甘泉不常用玉樹青葱誤矣楊雄言玉
樹者武帝所作集眾寶為之以娛神非謂自然生之猶下句言馬
犀金人也野客叢書以為

杏園圖

嚴介溪鈴山堂集云明宣德間館閣諸老有杏園雅集圖
筆絲五章

仙女天衣有金縷單絲錦綵銀泥五葉羅裙

捺鉢

說於天孫機上
遼史秋冬遠寒春夏避暑各有行在謂之捺鉢

欄子軍

遼史兵衛志居先鋒前二十餘里偵探敵人動靜曰欄子軍
金蒙

遼史儀衛志金蒙馬首飾也按馬鞍賦揚金蒙而把玉環恭慈獨
斷云金蒙馬冠玉環馬帶則此名自古有之

葉格

遼史宋錢傳公家有葉子榻格之戲名葉格戲

頭魚

遼史歲時釣魚得頭魚輒置酒張宴名頭魚宴與頭魚宴同
魚當敬用

庚信哀江南賦地平魚齒城危獸角左傳河於魚齒之下注魚齒
山名呂氏春秋狂歌以尾為旌以角為城

解花叢

楚辭密苑解花叢謂秋至草木凋也

顧倪

蕭山顧瑛無錫倪元鎮俱以詩卓之資更扶才藻風流蒙爽冠於
東南明洪武初各散家資顧嘗畫其像題曰儒衣僧帽道人鞋天
下青山骨可埋若說少年豪俠處五陵鞍馬洛陽街

斛律金

北齊斛律金不詳書有人教押名曰但五屋四面平正即得至作
粉粉歌曰粉粉川山下天似穹廡蒼四野天蒼蒼野茫茫風吹

羊低見牛羊為一時樂府之冠

遊體

唐徐彦伯為文多變易以風聞為鷓鴣以龍門為虬戶以金谷為
鏡溪以玉山為瑣嶽以芻狗為卉火以竹馬為篠簜以月兔為陰
魄以風牛為颺檣後進效之謂之遊體見朝野僉載

脂瓶

舊說鳥雀尾上有肉高有穴者名脂瓶每引嘴取脂以塗翅毛則
悅澤雨露不能濡

翡翠

廣志翡翠色赤翠色紺江淹賦彼二鳥之奇麗共也張揖上林賦注
翡翠大小如雀雄赤白翡翠青白翠

珠毛

孔雀尾端一寸名曰珠毛

魚丁

爾雅魚枕謂之丁腸謂之乙尾謂之丙注其骨形似篆書丁字乙
字丙字

旋波移光

旋波移光越之美女與西施同進於吳王肌香體輕飾以珠幌若
雙鴛之在煙霧

半面

東觀漢記應奉嘗詣袁賀賀時將出行閉門造車匠於閣內開扇
出半面視奉去後數十年於路見半面識而呼之今人云半面之

識本此

夫娘

南宋蕭齋崇尚佛法閣內夫娘悉令持戒麾下將士咸使誦經夫
娘之稱夫人娘子也陶九成謂是馬語蓋未見六朝雜說耳

裝潢

唐六典有裝潢匠注音先上殺謂裝成而以蠟潢紙也今人多作
平音讀

烏頭網

鷓鴣取魚快捷為甚江南漁郎用者名烏頭網
孔陵樹
孔子冢中樹以百數皆異種世莫能知其名傳言孔子沒群弟子

各持本國所產米種家上其樹如柞粉雜離女貞五味菟糧之屬
不生荆棘及刺人草

趙李

阮籍詠懷詩西游咸陽中趙李相經過頗延年以為趙飛燕李夫
人固為說夢楊用修謂漢書谷永傳小臣趙李從微賤尊寵成帝
常與微行者則亦非也按漢書何並傳輕俠趙季李欵多蓄賓客
以氣力漁食閭里何並曰趙李傑惡當得其頭以謝百姓是也小
臣趙李豈阮之所謂輕薄耶

長相思

長相思被中綿也古詩著以長相思緣以結不解

父子狀元

宋朝父子狀元者人知有梁灝梁固而不知有張去華張師德許

安世許將

兩許俊

說楷世有兩許俊一唐人為韓胡奪章臺柳者為世史中丞都押
衙一吳越時人亦為御史中丞都押衙

搗衣

字林云直春曰搗古人搗衣兩女子對立執一杵如舂米然今易
作卧杵對坐搗之取其便也常見六朝人畫搗衣圖其制如此

素馨

陸賈南中行紀云南中百花惟素馨香特酷烈彼中女子以絲絲
穿花心繞髻為飾梁章隱詠素馨詩云細花穿弱縷盤向綠雲鬟

用陸語也

五字

司馬景王命書郎虞松作表再呈不可意鍾會取草為定五字
松悅服以呈景王景王曰不當爾耶松曰鍾會也景王曰如此可
大用沈佺期詩五字擢英才用此事解者以五字為詩誤矣出郭
頌世語

平楚

楚叢木也登高望遠見木杪如平地故云平楚

洞宮

燕昭王得洞光之珠以飾宮王母三降其地名曰洞宮劉滄詩云
沐製清齋宿洞宮又唐人稱道院曰洞宮

八絃雙錄

北史李操字德沈有才藝嘗採諸般別造一器號曰八絃南史柳
世隆善彈琴時稱柳公雙錄

狎獵

蔡邕賦條風狎獵吹于林惟

句闌

段園河洲記吐谷渾於河上作橋謂之河厲長一百五十步句闌
甚嚴飭古今注漢顧成廟設扶老句闌句闌之名始此

拋壻

宋世寒食有拋壻之戲見童飛瓦石若今之打瓦也或云起
於先民之擊壤

凌歌臺詩

許渾凌歌臺詩曰宋祖凌歌樂未回三千歌舞宿層臺此宋祖乃劉裕也南史稱宋祖清簡寡欲儉於布素嬪御至少嘗得姚興從女有威寵頗廢事謝晦微諫即時遣出安得有三千歌舞之事耶作詩不多讀書恐貽後世之議

駭鼓

王粲英雄記整兵駭鼓韓昌黎詩其鼓駭鼓襲用其字

露甲

瑞香花即楚詞所謂露甲也有人夢中聞香覓得此花又謂睡香一名錦薰籠一名錦被堆韓魏公詩云不管鶯殺向曉催錦余春

堆 露甲 瑞香花即楚詞所謂露甲也有人夢中聞香覓得此花又謂睡香一名錦薰籠一名錦被堆韓魏公詩云不管鶯殺向曉催錦余春

堆

陽鵝

東華雜錄云漢碑額多篆身多隸隸多凹篆多凸惟張平子碑則額與身皆篆也劉禹錫宜城歌云花臺側生樹石為陽鵝額不見漢碑不知此句為何說

紅鞋鞞

鞋鞞國名古肅慎地也產寶石大如巨栗中國人謂之鞋鞞文與可朱櫻歌云金衣珍禽弄深樾葉葉朱櫻莊若額上幸離宮促薦新藤籃寶籠貂瑤發凝霞作九珠尚軟油露成津蜜初割若王午坐鼓倚蘭翡翠一盤紅鞋鞞

鏡殿

唐高宗造鏡殿武后意也四壁皆安鏡為白晝秘殿之需因劉仁軌諫立命削去帝崩後復建之楊廉夫詩鏡殿青春秘殿玉肌相照影相摩六即耐我明空笑隊隊為鴛漾綠波

筆陣圖

筆陣圖乃羊欣作李後主續之今陝西刻石宋後主書也以為羲之誤矣

舞滑玉環

重光一名壽滑小御環記蓮花一名玉環出三條帖

苧芻

苧勝經疏僧曰苧芻此物本草有五義一生不肯日二冬夏常青三體性柔軟四香氣遠勝五引其傍布為佛之徒理亦宜然故以

為名也

玉虎

河圖謂雷鼓曰玉虎鳴

金羅牛面

元仁宗宴群臣於長春殿供事內臣進饌有咳病帝怒其不潔命為鑿金羅牛面圍之許露兩眼下垂至胸自是進饌者以此為例

鞠丸流鈴

元成宗春暮命宮人掃落花鋪繡箔戲流鈴金帳諸嬪衣碧寫朱繡半袖衫頭纏吉貝錦臂繫秋雲紫絲帕着白氍毹成群相逐滾盞翻花戲柳彌日帝曰上燦黃金下設萼席使美人為鞠丸流鈴之

戲

長樂園

元詞客馬文友別墅新義門內有春香亭每百花開時置酒亭下會都下吟士賞花賦詩謂之錦繡會又有飲山亭夏日避暑於此又有婆娑亭玩月之所因號其墅曰長樂園

高帽

元初起圓殿於西宮中以居西僧僧官皆著高帽

謝豹

昔有人飲於錦城謝氏其女窺而悅之其人聞子規啼心動即謝去女恨甚後聞子規啼則怔忡若豹鳴使侍女以竹枝驅之曰豹汝尚敢至此乎故名子規為謝豹

紅姑娘

徐三襲元故宮記云地毛殿前有野果名紅姑娘外垂絳囊中含赤手如珠甜酸可食乃盈統砌與翠草同芳今京師人家多種之紅姑娘之名不改也

木棉

通鑑梁武帝木棉皂幘史照釋文云木棉江南多有之以春二三月下種既生須三月三瓣至春生黃花結實及熟時其皮四裂其中綻出如綿土人以鐵鉞碾去其核取如綿者以竹為小弓長尺四五寸許牽弦以彈綿其勻細卷為筒就車紡之自然抽緒如綠絲狀織以為布按此即今之棉花也綿有三一曰絲綿小於蠶緝一曰木綿出於交廣名班枝花一曰草綿史照釋文所言形狀是而以解木棉則非也其曰竹為小弓長尺四五寸今之制棉花

弓長五六尺以羊腸為弦彈之聲如晴雷丘文莊謂棉花元始入

中國殆未考史照之說也唐李商隱詩木棉花發鷓鴣飛南中木棉樹大盈抱花紅似山茶而蕊黃花片極厚非江南所藝者雲南阿迷州有之嶺南尤多

紫風流

廬山僧舍有蔚囊花二叢色正紫類丁香號紫風流李後主詔取數十根植於移風殿號蓬萊紫丁香一名百結花有紫白二種

水西蒲葵

水西花葉如萱草花黃夏開樓閣一名蒲葵

雙華

茉莉花一名雙華見佛經錦帶花一名鬢邊嬌見成都古今記

八芳

艮嶽參芳金蛾玉蟬虎耳鳳尾素馨渠那茉莉含笑

菟葵類

款冬花即兩雅所稱菟葵類凍者紫赤華生水中十二月雪中出花郭元生述征南記云落水至冬凝厲則款冬茂悅層冰之中乃知唐詩僧房逢着款冬花正十二街頭春雪時也詩人之禮物澗亮如此

優曇鉢

佛書所言優曇鉢羅花其說漫幻不可知今廣東新興縣有優曇鉢似枇杷無花而實即所謂無花果也

鷓鴣莎

爾雅云菜玉芻郭景純云菜薺今呼鴿脚莎詩瞻彼淇澳菜竹猗猗即此

盧橘

上林賦盧橘夏熟注不言何物注唐三體詩者指為枇杷世皆宗其說予視上林賦人有枇杷檉柿之文不應重出也偶閱吳錄云朱先祿為建安郡中庭有橘冬月樹上覆葉之至明年夏色變青黑味絕美盧黑也故曰盧橘此說近是

橘類

橘類俗作軟棗一名半如柿一名丁香柿大選蜀都賦所謂檉蜀中製有以此果榨油染紙為之軟棗滿陽所產味甘而軟去

五代銀陽令胡塔於回紇得瓜種培以牛糞結實大如斗味甘名曰西瓜是西瓜五代始入中國大選淨廿瓜於清泉蓋指玉瓜甜瓜耳

土芝

稽含水賦世云三芝瓜處一焉謂之土芝

鎮心

南史鄭灼苦心熱以瓜鎮心劉子化詩七盤妙舞頻揮汗五色嘉瓜且鎮心

君遷

蜀都賦平仲君遷皆木名注缺按司馬溫公名范云君遷子如馬妳俗云牛妳柿是也沈佺期詩芳春平仲綠注平仲之木實白如

銀

伊蘭

蜀中有花名賽蘭香花小如金粟特馥烈戴之髮髻香聞十步經月不散西域以之供佛名伊蘭

紅草

紅草名相思子花白色葉如冬青蜀人採其實以為果訂古詩紅草坐南谷秋來發枝贈君勤採擷此物最相思

流草病草

流草病草

金蟲

金蟲出利州山中蜂體綠色光若金蜀人取佐釵銀之飾

玉雨

司空圖謂梨花為瀛洲玉雨

紅雲宴

蜀劉銀每年於荔枝熟時設紅雲宴

會昌瓜

洛南會昌中瓜圍結五六實長幾尺酷似蟬形圃中人移土檻中貢上命之曰御蟬香把綠腰

紫瓜

落蘇本名茄子隋煬帝綠飾為崑崙紫瓜人間但名龜味而已

千金菜

高麗國使者來隋人求得菜種酬之甚厚因名千金菜今萬莖也

百歲羹

俗號羹為百歲羹言至貧亦可具雖百歲可長享也

麝香草

五代宮中呼蒜為麝香草

桐花風

李德裕畫桐花風扇狀序云成都火岷江磯岸多植紫桐每至春
暮有雲禽在芭小於元鳥乘集桐花以飲朝露及花落則煙飛而
散不知其所往有名士繪於素扇余戲作小賦書其上其略曰續
名為桐花風扇

麻子

崔豹古今注蚨蝶大者名鳳子然詞人罕用余讀韓偓詩有鳳兒
嗔蝶雌黃嘴鳳子輕盈膩粉腰正謂蝶也

玉龍膏

宋以面油為玉龍膏太宗始合此藥以白玉碾龍合子貯之因以
名焉

右軍書學

王右軍三十三書蘭亭三十七書黃庭

觀蓮節

六月廿四為觀蓮節晁采與其夫各以蓮子饋遺為歡

佛汗

劉元佐守汴或言相國寺佛有汗元佐遽往持金帛以施總遣其
家屬禮之翌日復起齋場由此士庶競集輸施志眾乃令將士籍
其物十日乃閉寺曰佛汗止矣所得數十萬金以贖軍

眠兒歌

內翰所作文字名月至廣唐學士樞密中眠兒歌即是刺頰文也

持介

揚子物無偶曰持歎無偶曰介傳曰澤有介廉

緜竹管絃

漢張禹傳後堂緜竹管絃故右軍用之蘭亭飲而或者謂昭明所
不取其末知班孟堅之詞耶

瑞屏

吳主亮作金縷屏風錄作瑞應圖一百二十種

軍帳

軍帳魏武所制以軍中服之輕便或作五色帳以表方面

曲蓋

武王伐紂大風折蓋太公因折蓋之形制曲蓋為戰國常以賜將
帥漢朝用之乘輿謂之鮮觀有軍號者賜其一焉

綺闌

魚秦魏略曰明帝九龍殿前為玉井綺闌

鉛砌

後主詩鉛砌美銀光飾井雕苑植

耕書主味

東坡嘗曰范滂夫講書為今經筵講官第一言簡而當無一冗字無一長語義理明白而成大聚然乃得講書三昧也

魚尾

漢以宮殿多災術者言天上有魚尾星宜為其象冠於室以禳之自有唐以來寺觀舊殿宇尚有為飛魚形尾指上者

虫尾

漢武帝作柏梁殿有上疏者云虫尾水之精能辟火災可置之堂殿今人多作鴻字列者標始云虫尾是水獸作虫尤字是也古老傳曰虫尾出於頭上遂謂之虫尾

霞帔

世所謂霞帔者殆起此耳

小步馬

西域傳烏桓國出小步馬師古曰小細也言其能蹀足所謂百步千跡者也韓退之詩曰橫飛玉蓋家山小細蹀金珂塞草春用此也

知器

續漢書桓帝祠老子用純金知器楊雄蜀都賦曰雕錫知器百伎千工

跳盞

渾瑊年十一立跳盞功唐兵志矢石未交陷堅突衆敵因而敗曰跳盞

漢高父名

漢高祖父太上皇前史不載其名後漢章帝紀祠太上皇於萬年注名端一名執嘉高后紀載高祖母曰昭皇后

兵刑一書

班孟堅西漢書有刑法志而無兵志兵制列於刑法志之首先儒謂古者大刑用甲兵兵固刑之一也帝典命皋陶曰蠻夷猾夏寇賊姦宄汝作士明於五刑以弼五教則是兵刑固合為一矣

東箱

周昌傳昌令側耳東箱聽注師古曰玉寢之東西室皆曰箱言似箱篋之形今世誤作東廂西廂非是

破碑

破碑先也太平廣記月夫獻征歌兩目如破碑之先光

果熟得

梁張纘謝果熟得故嚴米在節胡庭結字吹綸悅煖扶纘慈溫

蛛蟻

陳武帝性尚儉素私饗曲宴皆无器蛛蟻

五鬚

凡松葉皆雙股故世以為松似獨結松每穗三鬚而高麗所產每穗乃五鬚馬今所謂華山松是也李賀有五粒小松歌

食酒

飲酒謂之食酒于定國傳曰定國食酒數石不乳柳子厚序飲亦云吾病瘵不能食酒至是醉焉

錄內

漢書何武傳云武為揚州刺史行部錄囚又雋不疑為京兆尹母
行縣錄囚徒還其母歎問有所平反活幾何人顏師古注云省錄
之知其情狀有完帶與否也今云慮因不錄疑之去音太元云帶
於徒獄遂歲見錄集韻云錄音良俗切寬省也唐劉餗嘉話稱高
祖平定師李靖見狀大驚慮因見請引與話奇之顏氏所謂近俗
不曉其意能以為思慮之慮蓋指唐人也

考武分與書為六曹并一令二律為八座

兩草早草

肥遺見則天下大旱

春花

越中牡丹開時首者不問親疎謂之看花節澤國此月多有輕陰
微雨名養花天

一寸堪

始皇遣徐福入海求金萊玉蔬并一寸堪

月相

且月兩謂之月額

滑稽

滑稽轉注之器也凡人言語投給應對不窮似滑稽轉注不已故

呼為滑稽

崑崙鴈

魏費鉞令人乘小艇於黃河中接河源水以釀酒為崑崙鴈芳味
絕倫

醒酒石

李衡公平泉莊有石能醒酒開元興慶池內有草能醒酒

都公

唐呼左右為都公

弓足

墨莊漫錄考婦女弓足起於李後主按樂府雙行纏其辭云新羅
繡行纏足狀如春妍他人不言好獨我知可憐以此知起於六朝
然大紀云臨淄女子彈弦纏足久云柳修袖繡利履意古已有之

天孫織機上

李

再考襄陽耆舊傳云盜發楚王家得宮人玉履晉世履有鳳頭重
臺分梢之制陶南邨謂唐人履咏略不及之亦未博考杜牧詩細
尺裁量成四分碧琉璃滑裏春雲五陵年少欺他醉笑把花前出
畫裳段成式詩云醉袂幾侵魚子縵影纒長霞鳳釵知君欲作
閒情賦應願將身托繡鞵花間集云慢移弓底繡羅襪亦屢見於
詩咏矣婦人纏足不知起於何代亦足詩之見於古者如兩足白
之說也相傳起於東晉使潘妃以帛纏足金蓮地行其上謂步
步生蓮花然石崇屑沉香為履使婦人步之無迹殆已先之矣又
如引史記所云利履者以履前之尖銳言之也則纏足之風由來
已久如唐詩所云六寸膚同光綴綴但不知後世之纏足小耳至
於弓足之稱言纏足中斷穿如弓形者為弓足也後世之纏足小耳至
即纏天然纖小並無弓形其弓形者為鳥頭脚不足貴矣

獵酒

古人謂無藉之士將手清談無故來人家志必得酒而後去謂之

獵酒張仲舉詩云狂客有時來獵酒老夫無日不焚香獵酒出五代史漢常思性鄙誕每從事來輒怒曰必是獵酒

網巾

網巾之製出自明初時有髮束中圓四方平頂之搯或曰楊維禎製此戴之以見太祖

蜂醬

李後王蜂帖下屬州貢蜂醬知以宗廟為重恐滋味齏玉篇非切冉切醬巨切醬三升以說文求之鮫為蜂知此物為宗廟祭久矣

硬黃

畫作硬黃紙次第屬尾
萬年枝
詩中多用萬年枝三體詩注以為冬青非也按草木疏云檉木枝葉可愛二月花白子似杏今官園種之取億萬之義故名萬年樹即此也

龍種

俗傳龍子九種各有所好一曰鼎屬形似龜好負重今石碑下龜跌是也二螭吻形似獸性好望今屋上獸頭是也三曰蒲牢形似龍而小性好叫吼今鐘上紐是也四曰狴犴似虎有威力故立于獄門五曰饕餮好飲食故立于鼎蓋六曰蚣蝮性好水故立于橋柱七曰睚眦性好殺故立于刀環八曰金猊形似獅性好煙火故

立于香爐九曰椒圖形似螺蚌性好閉故立于門鋪又有金吾形似美人首尾似魚有兩翼其性通靈不寐故用警巡

韓通無傳

東坡門歐陽公曰五代史可傳否公曰修于此竊有善善惡惡之志蘇公曰韓通無傳惡得為善善惡惡公默然通周臣也陳橋兵變歸戴永昌通擐甲誓師出抗而死

百子帳

唐宋禁中大帳以錦繡織成百小兒嬉戲狀名百子帳

歐陽公歸田錄載宋太祖初幸相國寺至佛像前燒香問當拜與否僧錄贊寧奏曰不拜問何故對曰見在佛不拜過去佛上微笑

而頷之遂以為定制
花燭燭
鄧州花燭燭名著天下相傳是宛萊公燭法公自少年富貴不燃油燈尤好夜宴劇飲雖寢室亦燃燭達旦每罷官去後人至官舍見廁間燭淚在地往往成堆杜和公為人清儉在官未嘗燃官燭油燈一炷焚然欲戒與客相對清談而已二公皆為名臣而奢儉不同如此然和公壽考終吉萊公晚年有南遷之禍雖其不幸亦可為戒也

飲仁和肆

宋仁宗在東宮魯肅簡公宗道為諭德其居側有酒肆號仁和酒著名宋師公往往易服微行飲于其中一日真宗急召公將有所

問使者及門而公不在移時乃自仁和肆中飲歸中使與公約曰
上若怪公來遲當託何事以對幸先見教莫不異同公曰但以實
告中使曰然則當得罪公曰飲酒人之常情欺君臣子之大罪也
中使嗟嘆而去真宗果問使者具如公對真宗問曰何故私入酒
家公謝曰酒家貧無器皿酒肆有物具備賓至如歸適有御里親
臨自遠來遠與之飲然臣既易服市人亦無識臣者真宗笑曰御
為言臣恐為御史所劾然自此奇公以為忠實可大用晚年每為
難狀明肅太后每得厚禮天用者教人公其一人也其後章獻皆
用之

畫食物餅

詩至安石見而食之始韋帝聞知不悅曰安石詐人也設誤食一
粒則豈有食畫之理耶此與肅肅簡事皆當錄諸座右

蔗胎丹醪

糖名各蔗胎仙經呼蜜為丹醪

笑牒言鯖

奉新錄云笑牒言鯖足添腹筋

上元燈

上元燃燈或云起於漢祀天乙自帝至畫故事梁簡文帝有列燈
賦陳後主有光壁殿遙詠山燈詩唐明皇天寶中東都設燈太宗
開成中建燈迎三宮太后是則唐以前歲不常設宋太宗時三元
不禁夜上元御乾元門中元元御東華門後罷中元元御先節

而上元遊觀之盛冠於前代

七圍燭

淮南楊渥燃十圍之燭以擊毬

十五事

沈休文碑祭同王子洛賓之歲實惟辟疆內侍之年王子晉初遊
洛濱年十五張辟疆為侍中年十五

退紅不皂

唐時有一種色謂之退紅王建牡丹詩云粉光深紫膩肉色退紅
嬌玉貞白偶樓行云龍腦香調水教人染退紅若今之粉紅髮漆
器也宋時練帛中有淡皂色謂之不皂可對退紅

一床

南朝詩筆四管為一床集韻銀八兩為一流

洗書攤飯

東坡謂晨飲為洗書李黃門謂午睡為攤飯陸放翁詩洗書滿花
浮蛆瓮攤飯橫眠夢蝶床

六瘼

李彪表頃者抗旱踰時人懷望歲陛下爰發明詔廣求六瘼六瘼
即六事也

銅池

宣帝招金芝九莖產于函德殿銅池中注銅池承雷也以銅為之
粘雨

拾遺記晉武帝于樓上以酒灑塵名曰粘雨

十縣

漢書舊制太子湯沐十縣

表甲

左傳云楚人表甲言甲在衣中

鐵馬

光帝時臨池觀竹既枯后思其響夜不能寐帝為作薄玉龍數十枚以縷線懸于簷外夜中因風相擊聽之與竹無異民間效之不敢用龍以作駿代今之鐵馬是其遺制

不借

昔有仙人風子者欲有所度德于農夫之中一日大雨有隣人來借草履風子曰他人草履則可借吾之草履乃不借者也其人怒

昔之風子即以草履御與化為鶴飛去故名草履為不借

仙樂

琴曰大鶴笙曰采庸鼓曰送君鐘曰華山琴曰洗東皆仙樂也

不須鞭

致虛雜俎西域有獸如犬合水與馬目則馬眼眩欲死故凡馬皆畏之名曰馬見愁宣宗時國人獻其皮帝賜群臣編為馬鞭一揚即走謂之不須鞭

三韓

三韓馬韓辰韓弁韓也出後漢書

鐵樹

升菴集吳興王濟日詢手鏡云吳相間有俗謗見事難成則云須

鐵樹開花余在廣西橫之馴蒙術族指樺家見一樹高可三四尺

餘華皆紫黑色葉小類石櫛質理細厚問之曰此鐵樹也每遇丁卯年乃花花四瓣紫白色如瑞香瓣較少圓一開累月不凋與之有草氣乃知鐵樹花開之說有自來矣

自生火

抱樸子南海蕭丘之上有自生之火春起秋滅丘上純生一種木雖為人所著但少焦黑人或得以為薪者炊熟則崖滅之用之不窮

遠川無桑

後燕錄遠川初無桑及慕容廆通于晉求種江南平州之桑悉由吳來

索即

柳環記試鶯家多美醜試鶯不善飲時為宋遷索取試鶯恒曰此豈為集談哉紙當索與即耳因名酒曰索即後人謂索即為桑落反音亦偶合耳

櫻桃宴

王保定據言新進士九重櫻桃宴乾符中劉相鎮淮南其子潭及第勅即吏曰醜罰所費取足而已時櫻桃初出和以糖酪人享饜書一小盃不啻數升

朱麋麝酒

元山記唐陳茂為尚書即每書信印記搗朱麋洗麝酒匣以鎮犀簪以透雲香印書達數千里香不斷

龍口渠

翰林有龍口渠通內苑大雨之後每飄諸花蕊經由而出有百種
香色名不可盡春月尤妙見韓偓金鑿密記

闌花

清異錄劉餗在國春深令宮人闌花凌晨開後苑各任採摘少頃
勅還宮鎖花門聽訖尋集前勝負于殿中宦士抱闌宮人出入皆
搜懷袖置樓羅層以驗姓名時號花禁負者獻要金要銀買燕

樓羅

樓羅幹事送符也演義云人能樓攬羅館謂之樓羅西陽雜俎云
成武在秘丘見內官說樓羅因天寶中進士有東西棚各有樓

崔樓羅人者則知樓羅之言其起久矣

堂碑

檀弓公宮視堂碑三系視桓楹堂碑斷大木如碑之狀樹于楹之
前後四角為下棺而設也諸侯用之桓楹斷木如大柱亦為下棺
而設也大夫用之

窈九

陳筆制五雜俎閩中以正月二十九日為窈九謂是日天氣常窈
晦然也家家以糖棗之屬作糜舖之

迎富

素俗以二月三日攜鼓樂却外朝往暮四謂之迎富

衡石

史記秦始皇衡石程書決事註石百二十斤也文書曰以百二十
斤為程

經皇

經皇家前開也見左傳

頭會箕歛

賈誼傳秦頭會箕歛謂以人頭歛出較以箕歛之

黃襪

黃襪乳母起服也宋明帝疫疾召褚淵入見流涕曰吾近危篤故
召卿著黃襪耳註宋主欲褚淵佐太子如乳母之哺養小兒也

光祿為湯

齊書齊主時居南宮東平王儼從上皇胡后居北宮嘗于南宮見
湯杜周也當時士子皆以唐虞三代為對

新米早李

齊書齊主時居南宮東平王儼從上皇胡后居北宮嘗于南宮見
新米早李暹怒曰尊兄已有我何意無

蒼葦

鄭虔採集異聞著書四十餘卷名曰蒼葦葦草多貌葦小也虔自
謂著書雖多皆碎小之事也後人傳寫誤為會粹謂會集其純粹
夫之遠矣唐史亦因之獨杜工部八哀詩云蒼葦何枝瘞可以為

條翻素影

條翻素影

拾遺記周成王時塗循國獻丹鶴一雄一雌孟夏取翅為扇一名條翮一名素影

高柳

徐陵上梁元帝表有高柳生風句註高柳邊邑名今奉天府遼東有柳條邊插柳為吟東西八百里

白著

劉晏時稅外橫取謂之白著

三商

周禮漏下三商為昏商音滴蘇易簡文三商而眠高春而起南史求衣味且辰食高春

押不蘆

押不蘆起死回生草小元阿禮主詩中全回國產一物草本極毒曰押不蘆在土中深數丈人或誤觸其苗即中毒死取之之法先于四旁開大坎可容人然後以皮條懸之皮條之係則繫于坎之足坎而用杖擊逐大坎奔而根拔大坎毒氣隨杖埋土坎中經歲然後取出暴乾每以少許磨酒飲人則通身麻痺而死至加以刀斧亦不知也至三日後別以少藥投之則活蓋古華陀能剷腐膠胃以治疾者必此藥也宋時御藥院中亦儲之入與此說不同

行滕 禮記注偏斜幅也經足至膝漢謂之行滕人見國策

墜露落英

屈原離騷經朝飲木蘭之墜露今夕餐秋菊之落英王逸註云且飲香木之墜露吸正陽之津液兼食芳菊之落華吞正陰之精蓋洪興祖補注云秋花無自落者當讀如我落其實而取其材之落又據一說云詩之訪落訓落為始意落英之落為始開之花芳馨

可愛若至于哀謝豈復有可食之味

蘭石渠答

漢書通鑑傳具蘭石布渠答註蘭石城上雷播也渠答鐵疾藜也

滅威字異

學齊佔仰毛詩正月云燎之方揚寧或滅之赫赫宗周褒姒威之滅威也義同而字異音亦異滅武劣反滅忙列反今或作褒姒

月令注

鄭氏月令注引農書上土冒撥陳根可拔耕者急發又引孝經說曰地順受澤謙虛開張含象任萌滋物歸中教語甚奇

夏屋

詩夏屋渠渠注夏屋大具也渠渠勃勃也言于我設禮食大具以食我其意勃勃然初不指屋宇也經言夏屋惟此而已至揚子雲法言乃云震風凌雨然後知夏屋之悒悒則誤以為屋宇矣

鵲雀

漢黃霸傳鵲雀集丞相府鵲字音芬非音曷也今人創以曷字讀之按霸傳蘇林注云今武賁所著之鵲冠師古注曰蘇說非也此鵲雀音芬本從鵲字通用鵲似風也若夫鵲冠之鵲青色好聞不止俗謂之鵲雞音曷與此鵲雀音芬者不同

班氏

山谷云班氏以開殺於苑得姓凡班姓皆當從班史作班誤也

逸書

左傳昭十年于皮歸謂于羽曰夏書云欲敗度縱敗禮我之謂矣
注云逸書也又十七年太史曰在此月也故夏書曰辰不集于房
替奏鼓畜夫馳廢人走月朔之謂也注逸書也按此兩節皆見于
今大尚書如于皮所舉欲敗度縱敗禮兩言今見于太甲篇乃商
書也于皮以為夏書杜預遂以為逸書周太史所舉辰不集于
房四言今見于僖征正是夏書只差一不字而杜乃注為逸書可
笑也

六書說

學齊信伴鳳州道遠山有口家屋景德二年軍人楊起忽入一洞
穴穴中有鏡圓五寸背鑄水族回環有銘十二字曰煉形

鏡俱涵影中方取鏡而開後有風雨鼓既出穴鏡存而匣已爛矣
不知何代之物文義甚佳獨于郡志見之故傳錄以補缺憾之一
云

市井

今人常談市井字蓋出于後漢循吏傳中云白首不入市井注引
春秋井田記曰井田之義有五一日無泄天時地氣二曰無費一
家三曰同風俗四曰令巧拙五曰通財貨因井為市交易而退故
稱市井也且春秋井田記不見于他書獨此引用故表而出之

九經所無

九經有筆墨字如史載筆公翰削墨之類而無硯字意是古人用
墨以器和之如莊子所云砥筆和墨是也硯字雖見于西京雜記

天子以玉為硯及異書引帝鴻氏之硯然字不見于經且唐人多
以瓦為硯故昌黎毛穎傳止稱為陶泓及宋初而硯以鐫行端歛
二石擅名天下矣九經中有燭字而無燈字至漢竹宮祠太一自
昏至曉然燈有七枝燈百枝燈之類然上林鑿字却只從金旁是
以五金鑄之也九經中無麪字周禮所謂麪即是今之炒麥至王
莽始有艾麪及鰾魚之文九經無茶字或言茶苦即是也見于爾
雅謂之檟茗即是今之茶但經中只有茶字耳九經中無跂字至
宋玉九辯大苦酸酸注大苦跂也又史記貨殖傳鹽跂千畝前漢
食貨志長安樊少翁賣跂跂跂是也九經中無醋字止有醴及
肴用醴而已至漢方有此字

楊溝

馬縞中華古今注長安御溝謂之楊溝植高楊于其上也二白羊
溝謂羊喜舐觸垣墻為溝以隔之故曰羊溝亦曰禁溝引終南山
水從宮內過故曰御溝

華蓋

華蓋黃帝所作也帝與蚩尤戰于涿鹿之野常有五色雲氣蓋枝
玉葉止于帝上有花鸞之象故因而作華蓋

雉尾扇

雉尾扇起于殷世高宗有雉雉之祥服章多用翟羽周制以為王
后夫人之車服輦車有翟即解雉羽為扇翼以翳風塵也

信幡

信幡古之徵號也所以題表官號以為符信故謂之信幡乘輿則

畫為白虎取其義而有威信之德也魏朝有青龍幡朱雀幡各畫
幡白虎幡黃龍幡而五色備東方郡國以青龍信南方郡國以
朱雀信西方郡國以白虎信北方郡國以元武信朝廷畿內則以
龍信亦以麒麟幡書信幡用鳥書取其飛騰輕捷也一曰以鴻雁
鷺鷥有去來之信也

豹尾

豹尾周制也所以象君子豹變也尾言謙也右軍征建之今惟乘
與行建馬

龍虎節

唐節制皆從太府寺準三禮定之周禮云山國用虎節土國用人
節澤國用龍節紫極木畫其形象御親金書以賜重臣油碧籠之

說於天孫識餘上

奎

旒而不用則倒建之

飛雲丹

粉自三代以鉛為之秦穆公女弄玉有容德感仙人蕭史為燒水
銀作粉與塗亦名飛雲丹

桃紅粧

燕脂蓋起自紂以紅藍花汁凝作脂以燕國所生故曰燕脂塗之
作桃紅粧

錢塘高士奇澹人輯

鳳尾諾

齊蕭鋒五歲高帝使學鳳尾諾一學即工帝大悅以玉麒麟賜之曰玉麒麟賞鳳尾諾矣

蜀史

陳壽云蜀無史職故災祥靡問按黃氣見於神歸群鳥墮於江水成都言有景星出益州言無宰相氣若史官不置則此事何由而書蓋因父受辱辱加茲謗議也壽蜀志又稱王崇補東觀許益掌禮儀又却正為秘書郎廣求益部書籍斯則典校無缺屬辭有人矣又按後主景耀元年史官奏景星見大赦改元壽自書之而自

天祿識餘下

一

庚之何耶

嬰童

北齊許散愁自少不登嬰童之牀不入季女之室水經注嬰童州女弱年慈子慈音率選詩肆呈窈窕容路耀便娟子皆指嬰童之屬也今北人馬頤童曰慈子

錢載年號

馮鑑事始載後魏孝莊時用錢稍薄高道穆曰論今復古宜改鑄大錢文載年號以記其始鑑遂以錢載年號始此按杜佑通典歷敘古今錢幣之制載宋武帝孝建初鑄四銖錢文曰孝建一過文曰四銖則是錢載年號實始於宋武帝建也孝建元年甲午車後魏孝莊永安二年己酉鑄錢之歲凡七十有六年紀載昭昭豈可

謂始於永安鑑鑄書不精誤以高恭請載年號以紀其始遂以為事始於此不知高之奏乃謂改鑄大錢年分之始非事始也恐後學承為襲謬不得不辨

子細

北史源思禮傳為政當舉大綱何必太子細也杜詩野橋分子細俗語奪此

秀羸多能

北史稱崔浩庭纖懦弱胸中所懷乃過甲兵不知說苑稱孫叔敖秀羸多能四字大而不足

迹射射殺

漢書王尊傳迹射士于人注迹射言能寻迹而射取之也又有射殺校尉言聞殺而能射之合二條觀之見漢世武事選練之精如此

天祿識餘下

二

青雲

史記云伯夷叔齊雖賢得夫子而名益彰顏淵雖篤學附驥尾而行益顯問卷之人欲砥行立名非附青雲之士惡能施於後世哉青雲之士謂聖賢立言傳世者孔子是也附青雲則伯夷顏淵是也後世謂登仕路為青雲謬矣試引數條以證之京房易占青雲所覆其下有賢人隱績逸民傳嵇康早有青雲之志南史陶弘景年四五歲見葛洪方書便有養生之志曰仰青雲觀白日不為遠矣梁孔稚珪隱居多構山泉衡陽王鈞往遊之珪曰殿下處朱門而情遊滄海形入紫閣遊紫閣詎得與山人交耶鈞曰身處朱門而情遊滄海形入紫閣

而意在青雲又袁象贈隱士庚易詩曰白日清明青雲遠亮昔聞
巢許今觀臺尚阮籍詩抗身青雲中網羅孰能施李太白詩儀容
張兔置不能挂龍虎所以青雲人高歌在嶽戶合而觀之青雲豈
仕進之謂乎王勃文窮且益堅不墜青雲之志即論語視富貴如
浮雲之肯若窮而常有觀觀富貴之心則鄙夫而已矣自宋人用
青雲字於登科詩中遂誤至今

國鑑

說苑云在子白春秋國之鑑也宋神宗以司馬光所編歷代君臣
事跡賜名資治通鑑以此

野馬

野馬野馬其日光尚未詳悉按內典龍杖大士曰日光着塵微
風吹之曠野中轉名之為陽該愚夫見之謂之野馬渴人見之以
為流水

破老破舌

汲冢周書云美男破老美女破舌蓋頽童昵比則黎老播棄絕妻
媠處則忠臣結舌

三公

李涪刊誤周制太師太傅太保為三公秦則有太尉司徒司空及
漢安帝以車騎將軍鄧騭為開府儀同三司謂別開一府得此三
公皇唐開府為散階今有拜太師太保太尉司徒司空真秩者反
以開府儀同三司為階授受之間莫此商較後代論者曰起自唐
得不以乘舛為愧哉若以酬賞勲伐名數實繁秩至三公何須以

階為威

王濤

竟志主濤字元順東阿人潛心力學步趨言動皆有準繩嘗危坐
靜室月餘不出曰當其靜極時心如皎月當空平生所疑觸處皆
悟

鬼名

語志欲道二鬼名婦人臨產呼之產不為害

候風扇

淮南子云若統之候風許慎曰統候風扇也楚人謂之五兩

引泉

山家清事臘月削修竹相接各釘以竹丁引泉之甘者貯之杜詩
引竹走源泉又竹竿象象細泉分閩中不特引供茗事千百相連
置之田間以當溝洫

唐高宗書

宋黃伯思法帖刊誤云叔藝韞多材帖為唐高宗書中云卿以示
藹謂魯王靈夔之子范陽王錡也靈夔亦高宗叔史稱其篤學善
草隸所謂叔藝韞多材慈深善海鶴風未趨庭之訓早臨臨池之
玉者以此答進批把帖并移營王橋南二帖皆高宗書誤入太宗
耳

班春

崔篆以王莽時為建新大尹到官無疾不視事門下掾倪敞力諫
乃強起班春

弄田

漢書昭帝紀始元元年上耕於鈞肩弄田弄田在未央宮天子燕遊之田也

裂葉獵葉

洞冥記裂葉風八月風也又列子曰獵葉之風

香雨

拾遺記爛石色紅似肺燒之有香煙氣升天則成香雲適潤則成香雨

汀渚

七命促鮮之遊汀渚短羽之棲翳會促鮮小魚也汀渚淺水也

竊黃竊藍

竊黃淺黃色也竊藍淺藍色也

芙蓉幢

庚肩吾謝銅筆硯格放曰西域賈人卧織成之金華隨仙童子隱芙蓉之行幢

五經

侯鯖錄陶人為器有酒經晉安人餉人以酒置書云酒一經或二經至五經焉它境人至不遠是義開饋五經束帶迎於門乃知是酒

走離

七命云命走離飛霜銜紅肌縷散素膚雪落走離古之屠人

小紙別紙

晉何曾為丞相性好侈靡有以小紙為書勅記室勿答唐盧光啟受知於租庸使張濬每致書凡一事別為一紙朝士效之

門狀

門狀唐文宗朝以前無之自李德裕柄國百官無以希取其意乃相扇具街起居

狀異常人

蔡邕謂從弟谷曰董卓性剛難濟吾且遁逃山中以待如何谷曰君狀異常人每行觀者盈集以此自匿不亦難乎乃止

織兒

織兒小兒也會稽王道子少年專政委任群小陸納望關而歎曰好家居織兒欲撞壞之耶

戒飲蕭文

南史蕭介性高簡少交游惟與族兄琛從兄肅素及從弟叔等文酒賞會時人以此謝氏烏衣之將初武帝總延後進二十餘人置酒賦詩戒盾以詩不成罰酒一斗盾飲盡顏色不變言笑自若介染翰便成文無加點帝兩美之曰戒盾之飲蕭介之文即席之美也

風度三橋

東昏侯與群小立帽窰其口而舒兩翅名曰風度三橋向後繼而結之曰反縛黃麗梁武帝宅居三橋風度三橋者風扇之驗黃離為日而反縛之東昏敗之應

梨棗錢

後漢祭祀志注漢武封禪至泰山下未上百官先上境拜置梨棗錢於道以求福即詔書所謂酢梨棗狼籍散錢

鶴相

相山集丁晉公自稱化鶴之裔以為印記時人目為鶴相

方罽兼兩

恩倖論南金北燕米悉方罽素練丹珀至皆兼兩

倚酒

太宵經云朱仲嘗以素書倚酒於女几家几盜高學其術女几陳市酒家婦也倚酒猶言質酒

互印

温公持語牙印當作互印互市事也唐人作牙殆以字近而為

說餘 天祥錄餘下

七

玉臂夫

玉妃外傳妃子謂謝阿蠻曰爾貧無可獻師待我與爾乃命紅桃壞取紅粟玉臂夫賜阿蠻

蘇蘆漢書

蕭琛為宣城太守時有北僧南渡惟齋一瓢蘆中有漢書序傳僧云三輔舊書相傳以為班固真本琛固求得之其書多有異今者而紙墨亦古文字非隸非篆琛甚秘之

寓錢

唐臨冥報錄云鏡紙為錢以供鬼神自唐以來始有之謂之寓錢言其寄形象於紙

糜暖鹿場

博物志糜掘澤草而食其場成泥名曰糜暖種稻於此其收自倍

天屈

談助竹得風其體天屈謂之竹笑東坡題文與可贊云竹亦得風天然而笑本此

八月春

贊寧竹譜云竹根曰鞭八月鞭行故竹以八月為春二三月為秋百物皆以始生為春成熟為秋也

辰辰

辰以辰日種則易生而實繁山谷詩夏栽醉竹餘千个暮糞辰辰滿萬區

紫雲迴

說餘 天祥錄餘下

八

明皇雜錄明皇嘗夢仙子十餘輩御雲而下各執樂器懸奏之曲度清越一仙人曰此神仙紫雲迴也今授陛下為正始之音上覺命玉笛習之盡得其曲

蕭兀

晉書總論云目三公以蕭兀注謂蕭然自放兀爾無名

三條帶

東齊記錢徽進犀帶於宋太祖太祖卻之曰朕有三條帶與此不同叔求宣示太祖笑曰汴河一條惠民河一條五大河一條做大愧服

斧木

劉善明質素自守不好殺色所居茅齋斧木而已言只以斧斫木

不加雕飾也

駱駝負函

唐虞孝仁性奇華伐連之後授都水丞充使監運以駱駝負函感水養魚以自給

群碎

平義之與謝尚書以君適往不屑之韻而俯同群碎誠難為意也

食蚶蠣議

何作移於味食必方丈後稍欲去其甚者猶食白魚鮓脯糖蟹以為非地生物疑食蚶蠣使門人議之學士鍾元曰鮓之就脯驟於原仲蟹之將糖深擾爾甚仁人用意深懷如州至於車螯甘蠣眉

不若無核無其與瓦礫其何真故宜常充庖厨永為口實

梳子

雜俎梳子音元鹽鴨子也以其用梳木皮汁和鹽漬之故名

殺將藥長

西漢志鹽食殺之將酒百藥之長

起麩

齊永明元年詔太廟四時薦起麩餅蓋以麩和酒醱為之即今之

蒸餅也

與馬成二

沈慶之既貴給三望車慶之謂人曰我每出遊田園有人時與馬成三無人則與馬成二今乘此安之三望車三公所乘也

髮頭

晉武帝時以權為侍中帝問髮頭之義權曰秦紀云秦國有怪獸觸山截波無不崩潰惟畏髮頭故使持之以衛至尊也

三昧馬

李肇翰林志翰林下直出院門謂之小三昧出銀臺門乘馬謂之大三昧言如釋氏之脫纏縛而得自在也

脈望

隋陽雜俎何佩嘗於古書中得一髮卷規四寸許四環無端用力絕之兩端滴水投火中亦作髮氣不知為何物也後與方士書之為歎曰君不得仙命也此名脈望靈魚三食神仙字則化而為此

綠水蠶絲

外傳妃子琵琶其木溫潤如玉光耀可鑿有金縷紅紋成雙鳳然乃木訶彌國所獻綠水蠶絲也

苦連雜連

段成式與客連句或押惡韻煎茗一枕成詩八韻謂之雜連若志於不朽則汝棟韻謂之苦連

擦風掠草

鷓鴣翅各有複翎右名擦風左名掠草

蟻種蚊情

沈佺期七引瑤席夏冷蟻種冬暖崔思祖放陳政事曰宋武帝節儉張妃房惟設碧綃蚊情

白楊青楊

後周安妥住白楊巷蕭奮住青楊巷兩人皆負才望時人語曰世有西偶白楊何妥青楊蕭奮

絳帕頭

南陽張津為交州刺史好鬼神事常著絳帕頭鼓琴燒香讀道書云可以助化陸游曰帕頭者中憤之類猶今言僕頭韓文公云以紅帕首已為夫之東坡詩絳帕蒙頭讀道書增一蒙字其誤尤甚唐八用事之誤

焦竑筆乘云統朝贈士會以策指方策之策也太白詩臨行贈汝統朝鞞則誤以為鞞策阮籍臨廣武歎曰時無英雄遂使豎子成名傷時無利頭使名歸司馬氏也太白詩沉醉呼豎子狂言非至

天孫集卷下

七

公則誤以豎子為沛公霍去病用兵為有天幸右丞詩衛青不敗由天幸則誤以霍為衛放慶本秦巴西孟孫氏之臣陳子昂詩吾聞中山相乃屬放慶翁則誤以魯為中山顏延年一慶乃出守慶言去耳杜牧之詩欲把一麾江海去則誤以為旌慶之麾左傳詰朝相見謂明早也宋之問應制紫禁仙與詰旦來李迥秀詩詰旦重門開警蹕則誤以詰旦為今日裴秀冀州記緱氏仙人廟者昔王儁為柏人令於此登仙許謫詩王子求仙月滿臺可憐緱嶺登仙子猶自吹笙醉碧桃則誤以王儁為王子喬

秦城

三輔黃圖長安故城城南為南斗形城北為北斗形故號斗城何遜咸陽詩云城斗疑連漢老杜秦城近斗杓北斗故臨秦皆用此

而秦中詩云春城依北斗却樹發南枝春不可對却且于義無取當是秦城耳

陰火

木華海賦有陰火潛然句初不知其說後見嶺南異物志海中水過除海波如熱火滿海煜然以物擊之迸散如星有月即不復見意木賦指此耳

太平花

太平花出劔南似桃四出千百包駢萃成朵宋天聖中獻至京師仁宗賜名太平花

溝洫

古者治野夫間有遂遂上有徑十夫有溝溝上有吟百夫有洫洫上有涂千夫有澮澮上有道萬夫有川川上有路無事則正疆畝而備旱潦有事則可以通糧運而給軍需故易曰地中有水師戰國策所謂牛田水通糧也其詳具六韜農器篇

天孫集卷下

三

治容

治銷也遇熱則流遇冷則合與水同志故治字從水女之豔媚亦令人銷神流志故曰治容易治容海漆治陶治益修飾之意即未必如此解

履篋織文

九州要記云睢渙之間出文章天子郊廟御服出焉所謂履篋織文也述異記睢渙二水波文皆若五色其人多文章故名績水文選陳琳書云遊睢渙者學藻績之絲杜詩衣冠迷遠越藻績憶遊

九河

鄭元曰齊桓公塞九河為一河今河間以東平原鬲津往往有其遺處春秋緯寶乾圖云移河為泇在齊呂填關八流以自廣言關八流拓境塞其東流八枝并使歸于徒駭也是曲防之禁桓自犯之又為百世之害由于重好利輕變古也

道荷澤被孟緒

關駟十三州記曰不言入而言被者明不常入也水感方乃覆被矣

王朝步自周

黃公紹曰步步華也謂人荷而行不駕馬也

考禁在剛

天祿識餘下

三

澗按韓詩作干章句云地下而黃曰干人水曲曰干江干長干是也况干與寬為韻自協

四月秀萼

詩注物成自秀萼始劉向說苦萼也徐鉉曰狗尾草也爾雅萼莢棘宛注今遠志嚴氏詩緝曰四月陽氣極于上而微陰已胎于下萼感之而早秀

調餼

詩怒如調餼調韓詩作朝餼君章句云朝餼最難忍其義晰矣毛詩作調本屬魯魚鄭氏求其說而不得謂調音稠又改字作朝餼餼也稠餼也朝餼也愈解愈難不若朝餼之為長也焦氏易林例如旦餼晉郭遐周詩言別在斯須怒言如朝餼漢晉去古未遠當

得其寶耳

肅肅

詩肅肅其羽字本作翮取六切文字音義云鳥飛其掌肅在腹下

維師尚父

魯詩說曰師之尚之父之故曰師尚父

有物有則

古注物象也則法也性有象情有物並性本于五行故仁義禮智信聚金木水火土也六情本于六氣故喜怒哀樂愛惡法于陰陽風雨晦明也孝經拔神契云性生于陽以理執情生于欲以繫念不日成之

行日成之注不誤期日也今注不終日也按不誤期日既見文

天祿識餘下

古

王之仁亦于事理為協若曰不終日豈有一日可成一臺者此古注不可輕易也

辟雍泮宮

辟雍泮宮為學名始于王制之傳會吳澄禮纂言曰詩言雋京辟雍又言在泮飲酒未有以見其必為學宮之名也禮器云魯人將有事于上帝必先有事于頤宮注謂頤宮告后稷也此又頤宮非學之一證說文辟雍作辟雍解曰辟廡也廡天子饗宴辟廡也亦不言辟雍為學名也今據詩曰雋京辟雍又曰于樂辟雍頌曰于古而雍考古圖器各有脊雍疑皆為宮名

春秋書晦

春秋傳十六年己卯晦震夷伯之廟公羊曰晦者何寔也穀梁亦

同按晦非暝也月之三十日也春秋書晦者二成公十六年甲午
晦晉侯及楚子鄭伯戰于鄆陵楚子鄭師收績是也公羊乃曲為
之說于是月六鷓退飛過宋都之傳曰是月者何僅連是月也何
以不日晦也晦則何以不言晦春秋不書晦也朔有事則書晦雖
有事亦不書劉歆曰及朔書朔及晦書晦劉原父曰晦朔天之所
有取朔去晦非謬之深者甲午書晦則無說矣曲說以為晦不違
晦故敗然楚以晦而敗晉不以晦而勝乎是皆勸說之無當者也

爰田

左傳晉于是乎作爰田爰國語作輟皆假借字也爰當作起許慎
說文曰起田易居也爰田之制古者田三歲一易以同美惡商鞅
始開阡陌令民各復常業不復易之

天祿識餘下

十五

繕完葺墻

左傳繕完葺墻以待賓客又臧宜伯今修賦繕完夫繕完葺三字
皆一義一墻也繕未足而又加完與葺馬于義為復古人修辭體
要必不如是審思完字乃字字之誤曰繕字葺墻詞無復義亦昭
矣唐李蔡酒誥云爾修賦繕完亦當作字不然則繕完何物哉

恒星不見

春秋莊公七年夏四月辛卯夜恒星不見夜中星隕知兩左傳恒
星不見夜明也杜預曰夜無日光則暗而恒星不見者夜有日
光明如晝也孔穎達曰此言夜者夜未至中謂初昏之後耳穀梁
傳曰恒星經星也日入至于星出謂之昏不見者可以見也按昔
初夜也昔之為字从日从攸攸音殘又與夕通夕字於六書為會

意取月半見之義日殘月半見正初夜之時也夜明五行志所云
畫晦宵光是也漢書武紀書有知日夜出蓋此類也通鑑綱目增
一字云有月如日夜出似猶未達班氏之意矣

纓

禮記女子許嫁纓纓有二一少時當佩喬纓內則云女子未冠笄
給纓也一是許嫁時繫纓昏禮士人親脫婦纓鄭注婦人十五許
嫁笄而禮之因著纓是也蓋以五采為之又內則曰婦事舅姑給
纓以此而言知有二纓也

祈報辟

禮記祭有祈焉有報焉有由辟焉祈謂祈福祥也報若獲禾報社
辟謂為辟謂辟災兵遠罪疾也由用也于辟言由者以非祭之常

天祿識餘下

共

禮或有因而用之也按素問古之病者祝由而已今醫院十三科
終于祝由科由亦用也素問云祝由者創言之却特性云由辟者
順言之也

圓丘方澤

宋陳襄郊儀云祀必以冬至日者以陽復也故宮用夾鐘於震之
宮以帝出乎震也而謂圓鐘者取其形以象天也祭必於夏至日
者以陰萌也故宮用林鐘于坤之宮以萬物致養于坤也而謂函
鐘者取其容以象地也

冰堅凍解

月令七十二候終于水堅始于凍解皆水也一歲之中始于水終
于水天地一元之運其可知也故曰水合太一之中精五行之始

也浮天而載地

荔挺生

鄭元曰荔挺馬薤也說文曰荔似蒲而小根可為刷蔡雍高誘皆云荔以挺出然則鄭以荔挺為名者亦誤之甚矣

黔首

李斯刻石頌秦曰黔首康定太史公因此語遂于秦紀謂秦更民曰黔首朱子註孟子亦曰周言黎民秦言黔首蓋因太史公之語也按秦統內經云黔首共飲食莫之知也內經在秦先則黔首之稱恐不自秦矣

濟之仁壽之域

王吉曰延及儒生述舊禮王制驅一世之民濟之仁壽之域濟今

卷八 天孫識餘下

七

俗本作濟非古本傳亦作濟顏氏注域畝也若是濟字合注登陟之義域平衍之區非有崇高之意何取于登陟舒于史纂曰未濟則民在天橫之御既濟則民履仁壽之域濟字之義為長

方馬埋輪

孫武子曰方馬埋輪未足恃也舊注方馬練馬也埋輪恃不動也此言專難不如權巧今按方馬如舟之方絆馬足不使行也埋輪不動不過以金柅軻車非真埋之行師而方馬埋輪猶作樂者膠柱鼓瑟也故曰專難不如權巧

汶與岷同

汶古岷字武中切晉王羲之書遊同汶嶺尚不改古今蜀有汶川縣即岷江發源處因水名之而俗呼作問川縣字學不明地理亦

謬豈有蜀川可冒專汶乎

筮壺解

易筮壺九四筮乾肺得金矢王弼金剛也矢直也程子傳云金取剛矢取直以九曰陽德也朱子本義引周禮古之說者先入鈞金東天而後聽之黃東發云周禮出于王莽之世未必盡皆周公之制若先取其金而後聽其訟周禮與來俊臣不為況成周之世哉蓋劉歆達王莽之惡為聚財之圖旋激天下之亂而不果施行又可証聖經乎其說卓而正矣按淮南子齊桓公將欲征伐甲兵不足乃令輕罪者贖以金分訟不勝者出一束箭百姓皆悅乃矯箭為矢鑄金而為刀逐霸天下附會周禮實本于此揚升菴以為此說乃不國陰謀之齊桓公今觀管仲內政何等規模決不為此也

卷八 天孫識餘下

六

六井

易井卦朱子解云井者穴地出水之處不曰鑿井而曰穴地何也案中山經云帝囿山有井焉名天井孫子兵法云地陷曰天井穴地出水蓋此類耳穴地之井天所為也鑿地之井人所為也先天上古穴井後天中古鑿井也

老子述而不作

揚龜山云述而不作信而好古竊比於我老彭老子也老子五千言以自然為言謂之不作可也朱子曰其以疑此語只以曾子問中言禮數既證之即述而不作信而好古皆可見臆周之火官

中國之典籍二皇五帝之書如五千言亦或有是語而老子傳之

未可知也蓋列于引皇帝書即老子谷神不死章也此說見朱子大全答汪尚書書

使者曰信

晉武帝奏報帖末云故遣信還南史晨起出陌頭屬與信會古者謂使者曰信黃誥云公至山下又遣一信見告謝宣城傳云荊州信去倚待陶隱居云明且信還仍過取反虞永興帖云事已信人口具凡云信者皆謂使者也今遂以遣書饋物為信故謂之書信而謂前人之語亦然謬矣王右軍十七帖有云往得其書信遂不取答謂昔嘗得其來書而信人竟不取回書耳世俗讀往得其書信為一句遂不取答為一句誤矣古樂府云有信數寄書無信心相憶莫作瓶墜井一去無消息包信詩去札頻逢信翅帆早挂空

說餘天祿識餘下

尤

二詩尤可證

勿勿

黃伯思云右軍帖語有頓之勿勿顏氏家訓云書翰多稱勿勿相承如此莫原其由或有妄言忽忽之殘缺耳說文勿者州里所建之旌蓋以聚民事故急遽者稱勿勿僕謂彭氏以說文徵此字為長今流俗又妄于勿勿中斜加一點謂為勿字彌失真矣按祭義勿勿其欲響之也注勿勿猶勉勉也懋愛之貌杜牧之詩淳生長勿勿是知勿勿出于祭義唐人詩中用之不特稱于書翰耳

勿勿息息

楊升菴曰說文之解勿字為忽遽之稱又息字解云多遽息息也好古者但知勿勿而笑息息遂俗者又但知息息而駭勿勿是以

學者貴博古而通今也

澤草芒種

周禮澤草所生種之芒種注者不知其解王氏農書云即江南之架田也架田一名葑田以木縛架為曲田繫浮水面以葑泥附木架上葑即菰根也根最繁而善糾結以土泥著上刈去其莖便可耕種江東淮南二處皆有之東坡請開杭之西湖狀謂水涸草生漸成葑田是也其田隨水上下而東故南方有盜田然王氏謂葑田即周禮之澤草芒種未有據猶竊疑之後讀郭璞江賦云播匪藝之芒種擬自然之嘉蔬賦江而云芒種嘉蔬又曰匪藝又曰自然非葑田而何哉周禮之說因此可解而李善五臣注江賦亦未及葑田之事也遂詳著之廣多聞而補周禮文選之注焉葑田滇南亦有之名曰海葑

說餘天祿識餘下

示

葑田

郭璞江賦云標之以翠蔭泛之以遊菰播匪藝之芒種擬自然之嘉蔬鱗被菱荷攢布水菰翅蕙藻蕪穎散襄隨風倚菱與波潭施流光潛映景炎霞火此十二句皆指葑田而言不然則隨風與波之句何所指乎景炎霞火即海賦所謂陰火潛然也草木之根洞泥與沙浮于水中過夜則生光管寧浮海附陰火之光彩是也蜀中江油江中有明柴取之入人家猶夜中放光亦此理爾格物未深者咸以為怪矣

阿堵

晉書云王衍口不言錢晨起見錢堆牀前曰阿堵近世不解此遂

謂錢曰阿堵可笑晉人云阿堵猶唐人曰若箇今日這箇也故族
唐者佛經曰理亦應在阿堵中顧長康傳神曰精神妙處正在阿
堵中謝安謂桓公曰明公何用壁後置阿堵輩是也凡觀一代書
須曉一代之語觀一方書須通一方之言不爾不得也

軍馨

馨字晉人以為語助辭王衍傳何物老嫗生此軍馨兒世說劉真
長語桓溫曰使君如馨地軍或聞戰求勝王道與何次道語舉手
指地曰正自爾馨王胡之雪中詣王鳩持其臂鳩撥其手曰冷如
鬼手馨強來捉人臂劉懷謙設法云田舍兒強學人作爾馨語合
此觀之其為語辭了然唐劉禹錫詩幾人猛省得軍馨得晉人語
意矣

說餘天孫識餘下

主

六么

古之六博即今骰子也晉謝艾傳桌者選也六博得選者勝是知
桌即骰子之么也曲名有六么序義取六博之采小說云綠腰又
云綠要皆是妄說

養以之福

漢酸棗令劉熙碑猗與明哲秉道之樞養以之福惟德之隅左傳
古本養以之福今本作養之以福非

墳墓字異

方言凡葬無墳者謂之墓有墳者謂之塋檀弓古者墓而不墳也
即即淳曹娥碑丘墓起墳蓋言丘其平墓而為高墳也後世以墳
墓混為一遂疑其重複改為立墓起墳非也

禱祿

禱祿字漢碑作禱祿其字從示蓋禱祿亦山之神也

字義

所鐵砧也从兩斤別作鑽贊矣棘同而也自東而後于東故从兩
東官曹之曹从棘其音義可知今別作遭贊矣源委之委當作林
从兩水火焰之焰當作炊从兩火可以類推

稽祝

野稻不種而生曰稽刈稻明年復生曰祝

勞極洒洒

洗古音蘇官名有洗馬是也字一作洒神農本草勞極洒洒如瘧
狀素問洒洒惡寒注並音蘇

說餘天孫識餘下

主

泣與澀同

素問脉泣則血虛又云寒氣入經而稽遲泣而不行又云多食鹹
則脈凝泣而變色泣音義與澀同按說文泚水不利也泚與淚同
泣亦水不利也泣與澀同亦可互證

欬嗜

欬也嗜也呢也皆喫辭如噫吁之類後漢書光武紀春陵有望氣
者曰嗜佳哉鬱鬱葱蔥商君書多用呢字欬與啖同史記范增曰
啖孺子不足與圖大事楊子法言或問王翦曰始皇方獵六國而
翦牙欬史記用之于句首楊子用之于句末皆奇甚

古文八字四韻

老子知足不辱知止不殆足與辱叶韻止與殆叶韻蓋古音殆作

以也韓非子名正物定名倚物徙亦以正叶定倚叶徙也淮南子蘇秦步曰何故趨曰何馳亦是韻語古文多用韻八字之內而四韻者僅見此三條耳

說御

穀梁傳說御云車軌塵馬侯蹄列子說御云輿輪之外可使無餘轍馬蹄之外可使無餘地韓非子驅而前之輪中繩引而却之馬掩跡命意則一條辭則殊可以見古人筆端之變化矣

規磨

文子曰水雖平必有波衡雖正必有差韓子曰規有磨而水有波我欲更之無奈之何荀子曰是規磨之說也注規磨之說猶差錯之說也規者正圓之器磨久則偏盡而不圓韓子之言亦合荀子注

規磨 天孫按卷下

而後明注可廢乎

變烟蜃雨

嶺南異物志云變烟蜃雨無別晨暮蜃蛟蜃也

分沙漏石

卿道元水經注形容水之清徹云分沙漏石又曰淵無潛甲又曰魚若空懸又曰石子如櫛蒲皆極造語之妙

小說

說者曰宋人小說不及唐人固已殊不知唐人小說不及漢人如華嶠明妃傳云豐容靚飾光明漢宮顧影徘徊聲動左右伶元飛燕外傳云以輔屬體無所不靡郭子橫麗娟傳云玉膚柔軟吹氣勝蘭不欲衣纓拂之恐體痕也此豈唐人可及耶

過所

劉熙釋名曰過所至關津以示之張晏注漢紀開傳云傳信也若今過所過所者今之行路文引也

零丁

齊諧記云有夫兒女零丁謝承後漢書載良有夫父零丁零丁今之尋久招子也

日昃曰映

梁元帝纂要云日在午曰亭在末曰映王仲宣詩山間有餘映謂日昃也

翠足粉胸

劉勰云綴金翠于足射觀粉澤于胸臆以喻夫其所施也後世妓

世傳鮑姑艾五月五日曾灼龍女鮑姑亦仙女流也宋人五日帖

女金翠綴足粉澤觀胸蓋恒飾耳

鮑姑艾

世傳鮑姑艾五月五日曾灼龍女鮑姑亦仙女流也宋人五日帖

子中有用此事者

女麴

女麴小麴也爾雅蜜糖也石蜜糖霜也自然漿禹餘糧也俱見

齊民要術

腹背

李嶠內制集銜金鳴玉坐榮枯株擊水樽風顧懸腹背蘇頌表為駘獲薦于九方腹背可傳于六翻又云空擁股肱之任顧懸腹背之毛腹背事見韓詩外傳

鷓鴣

左傳青鳥氏司分者也杜預云青鳥鷓鴣立春鳴立夏止流作鷓
鷓易通卦驗立春楊柳津鷓鴣鳴與左傳合然未知此鳥今名為
何鳥也

蘭槐

荀子云蘭槐之根是為芷大戴禮蘭氏之根懷氏之苞漸之修矣
君子不近庖人不服注蘭槐香草名槐又作懷本草云懷香即杜
衡也唐詩情人一去無窮已欲贈懷香恨不逢即此也

周紆築塹

周紆為勃海太守免歸廉潔無資常築塹自給劉歆漢書刊誤云
塹非築所成當作塹築為塹塹為坑也此說大謬歆本南人不
知土塹也字林碑木燒曰塹塹蒼形土為方曰塹今之土塹也以
木為模實其中非築而何

說文天祿識餘下

蓋

皋比

朱子作橫梁贊曰勇撤皋比按左傳蒙皋比而先犯之鄭玄曰樂
記倒載干戈包之以虎皮名之曰建素素鞞也其字或作建皋服
虔引此以解左傳今人雖知皋比之為虎皮而不能知其所自出
聊記于此

泊薄同字

老子道德經薄作泊王充論衡酒之泊厚同一物漢人之善惡同
一元氣又曰人生于陰陽有溥有泊玉生于石有純有駁泊薄同
一字也

王無競大書

金燕都宮殿寺廟及汴京諸榜古今第一皆王無競所書

粉詣

爾雅注引諺云上山斫檀檢椽先殫檢字一作粉三輔黃圖有粉
詣殿粉詣木名即檢也

簪導

簪導字出隋書釋名曰簪建也所以建冠於髮也導所以撫髮
使入中櫛之裏也導古者男女皆用之禮云笄總拂髦詩云象之
栉也拂髦象栉今之篋子魏明帝與諸葛恢書云今送犀導小物
耳然是情發于中而寄于物

蘭蘭字

說文天祿識餘下

柔

古文嬾與懶同見後漢書亦借作妍媸之妍論衡云形要骨蘭皮
媚色稱又骨體蘭麗皆妍字之借也蘭乃嬾省東蘭又省女古人
用字意勝于法例如此

古奈

古者祭天地皆天子行禮至唐開元禮始定自郊天之外餘使有
司攝之

葉子戲

唐國昌公主會韋氏族於廣化里韋氏諸家好為葉子戲南唐李
後主妃周氏編金葉子格此戲自唐咸通以來有之即今之紙牌
其首選加朱采豈古六赤編金之遺意連史稱為葉格見第三卷

輪穉

輪穉音菴草香氣也

金鍾

鍾音匣古文苑司馬相如美人賦云金鍾熏香注香穗小意即西京雜記所云卧褥鐘也

松雪

栝柏百年即有白衣如粉本草謂之艾納香趙大敏號松雪乃是

一琴名若艾納者亦可稱曰松雪見陸儼山春風堂隨筆

鬼工

元韶娶魏孝武帝后魏宮奇寶多隨后入韶家有二玉鉢相感可轉而不可出瑪瑙榼容三升玉鏡之皆西域鬼作也鬼作即世所

謂鬼工今之鬼工球類此

主

戴記月令

戴記月令又見於呂氏春秋或云漢儒禰采呂書以記禮或云本禮經之舊文也呂書剽取之據不韋之書月令特優

屯田

屯田者屯於邊而田者也今腹裏皆有屯田

大經中經小經

唐制以禮記春秋左氏傳為大經詩周禮儀禮為中經易尚書春秋公穀傳為小經當是以簡帙繁簡為次第爾

四產十六男

北魏延興三年秀容郡婦人一產四男四產十六男秀容今太原

之忻州

阿闍羅樹

克即政七十載鳳凰止庭巢阿闍羅樹見尚書中候

文馬

左傳宣二年宋人以兵車百乘文馬百駟以贖華元于鄭杜註曰畫馬為文四百匹也宋丘光庭曰杜說非也文馬者馬之毛色自有文彩重其難得若畫為文乃是常馬何足貴乎

蜚蠊

釋蟲云蜚蠊蟹郭璞注云蟹即負蝨臭蟲也按春秋書秋有蜚注云蜚負蟹也然杜預以此蟲一名蠃蟹而郭以此蟲一名蜚蠊一名蟹以春秋證之則郭解誤也

時德瑞聖

天

時德瑞聖

赭白馬賦實有騰光吐圖時德瑞聖之符焉五臣註曰時音也言昔帝之德有瑞聖之符焉丘光庭曰時等也言馬可以等齊君子之德祥瑞聖人之道也

特達

郭璞遊仙詩曰珪璋雖特達明月難暗投五臣注曰特達美貌按朝聘之禮有珪璋璧琮璧琮則加束帛然後能達而珪璋德重可以獨行故曰特達聘禮云珪璋特達德也此詩之意言君子雖有才德不假外助然亦不可仕於亂代如明月之珠不可以暗中投人也

錯陶唐之象

張景陽七命云錯陶唐之象五臣注曰錯雜也陶唐堯也象法也言晉德雜於文法也丘光庭曰錯音蒼故反置也陶唐之代人有犯罪者畫其衣冠謂之象刑言今晉德之成人犯罪者少其陶唐之象刑亦錯置不用也

火城

王元之待漏院記相君至止煌煌火城按李肇國史補正旦曉漏院已前三司使大金吾皆以樺燭擁馬謂之火城

錢唐

史記始皇本紀至雲夢浮江下過丹陽至錢唐臨浙江上會稽立石刻頌秦德而漢地理志會稽有錢唐縣今人以唐為塘非也其說本于世說世說云有人有沈姓而令其縣者為築塘患土不給

錢

說曰錢土一谷以錢二谷易之土既集說曰今不復須土矣人因取以築故名不知秦漢以前已有此名矣

魚柝

柝反見切說文柝以柝木壅水也江賦柝澱為岑爽眾羅筌皆取魚之具蜀中有魚柝之名

蒙花紙

蒙香紙以蜜香樹皮葉作之微褐色有紋如魚子極香而堅韌水漬之不潰爛晉太康五年大秦國獻三萬幅帝以萬幅賜杜預令寫春秋釋例疑今之蒙蒙花也其皮可作紙今粵東多此紙但以爲色裏及裝書面頁之用鮮以寫書其色紋正同

博猴觸諱

韓文轉喉觸諱本漢食貨志搯手觸禁之語

蔡邕有子

昔人謂蔡邕無子邕傳亦不言有子無子按羊祜傳祜蔡邕外孫景獻皇后同母弟祜討逆有功將進爵土乞以賜舅子蔡襲詔封襲關內侯然則邕實有子其女亦不止大姬一人可知此可補傳缺

快

古人書卷外必有快藏之如今裹袱之類白樂天嘗以文集留廬山草堂屢亡逸宋真宗命崇文院寫校包以斑竹快近項子京家王右丞畫一卷外以斑竹快裹之云是宋物快如細簾其內裝以薄絹觀快用中旁可想也今大內藏黃庭內經墨蹟亦有蝦鬚草

細簾裹之亦是宣和物也

仰

今官府文移以上臨下皆用仰字按北齊書孝昭紀認定三恪禮儀體式亦仰儀之用仰字始此增韻仰資也

戒碑

宋太宗立郡國戒碑兩俸爾孫民膏民脂下民易虐上天難欺乃景煥野人閒語書中語也又云摘蜀王孟昶之大按歐陽集古錄戒碑起唐明皇特不見其詞耳又云宋高宗頒吳黃庭堅書

豹直

御史初入臺陪直二十五日為伏豹取不出之義謂之豹直

乘槎

張騫無乘槎事乘槎乃海上客也

王姬

周姬姓故王女皆稱姬如陳媯楚芊齊姜也後世凡婦人皆稱姬

非

衣期 齊侯使連稱管至父戍葵丘衣時而往曰及衣而代故今稱任滿當代曰及衣據傳乃一年戍守耳今例稱衣期不當

縣

楚滅陳為縣縣名始此非始于秦

下官

梁武帝改稱臣為下官

說鈴 天祿識餘下

圭

爰書

爰換也以文書換口辭也

影國

影國附庸也

泉首

泉首百勞名以其食母不孝故古人賜泉羹死懸其首于木標賊首以示衆曰泉

鳥號弓

古史考曰柘樹枝長而勁鳥集之將飛柘樹反起彈鳥鳥乃號呼取長枝為弓快而有力因名鳥號之弓

綠池

綠池者綠飾之名謂其形象水池耳左太冲詩衣被皆重池是也今被頭別施帛為綠呼為被池宋子京春寒到被池用此

月忌

俗以初五十四二十三為月忌蓋三日乃河圖數之中宮五數耳五為君象故民庶不敢用

行李

左傳李本作李乃古文使字宋方勺云按黃帝有李法一篇師古曰李者法官之號則李與理通人持行李治裝也

卯字北字

卯本柳字借為寅卯之卯北本背字借為西北之北

畢字

說鈴 天祿識餘下

圭

畢古罪字秦以畢似皇字改為罪

對字

對莘下從口漢文帝以口多非實改從土

留落不偶

霍去病諸宿將嘗留落不偶注留謂連留落謂墮落

醉如泥

南海有蟲無骨名曰泥在水中則活失水則醉如一堆泥尋書時人譏周澤曰一日不齋醉如泥

子能

北方毛段細軟者曰子能書鳥獸毛是也今訛為紫茸

織絲

織音志今訛為注絲又轉訛 紵絲音字見郭氏釋文

偏提

備提即注子唐改曰偏提據說卯云猶今酒釐

馬車

三代兩漢用馬車魏晉至梁陳用牛車唐人注妃后非乘馬即步
乘自却祀外不乘車也

尼姑

劉媪女小家久洛陽婦阿潘出家乃尼姑之始

尼寺

何充捨宅安尼乃尼寺之始

巢谷鐵炭也制則由刀也

衛尊

尊酒器也六尊為衛

蒲桃髻

小兒初留髮為髻十數父母為兒女相勝之詞曰蒲桃髻十穗勝
五穗

粧點芳草

于橋莊小兒坡茂草盈里哥公每使教群羊散于坡上曰芳草多
情類此粧點也

桃花醋

唐人風俗貴重萌蘆醬桃花醋照水油

水田穀

淵明嘗聞水田穀倚杖久聽歎曰秫稻已秀翠色蒸人背割胸襟
一洗荆棘過吾師丈人矣

羅貢曲

羅貢古樓名陳後主所建元禕廉問浙東有妓女劉採春自淮南
來能唱此曲聞婦行人聞者莫不隕泣

天穿

江東俗號正月二十日為天穿日以煎餅置屋上謂之補天穿唐
詩云一枚煎餅補天穿

楓柳

楓上占斯曰楓柳占斯者寄生也嶺南楓老有瘿者夜遇暴雷瘿
說終 天祿識餘下

上暗長一杖長數尺形如人有口眼謂之楓人任昉述異記云南

中有楓子鬼木之老者為人形亦呼為靈楓越巫得之以雕刻鬼
神即占斯也

栗栗栗駭

夏小正曰八月栗栗者降也東觀書曰栗駭遂轉言栗房秋熟
實驚躍而出也栗房多刺如蠟熟則罅坼于自逆落唐包信詩鳥
窺新罅栗龜上半歌蓮亦善體物者矣

判齋

唐令狐綯仍世宰相以文章見稱綯為文喜以語簡為工嘗飯僧
僧判齋綯于佛前跪爐諦聽而僧倡言曰令狐綯設齋佛知益以
誠其好簡也見歐陽永叔題令狐楚登白樓賦跋

藏楸

宋時有藏楸之戲即今賭桶戲也丁謂為玉清昭應宮使夏竦為判官一日宴齋宮優人有雜手藏楸者謂曰古人無咏藏楸詩竦為一絕云舞袖跳珠復吐丸遮藏巧便百千般主公端坐無由見却被旁人冷眼看蓋識謂也

末下

末下吳地名北人問陸機曰羊酪之美江東何物可並機云有千里萸羹末下鹽豉耳注千里末下皆蘇州境後人訛末為末蘇東坡詩每懷萸菜下鹽豉及肯將鹽豉下萸羹皆誤也

骨朵

骨朵宿衛人所執宋南簿中有之即今長柄手搥之類宋景文筆

說餘天祿識餘下

壹

記云關中人以腹大為脈脫脈音孤脫音都俗因謂杖頭大者為脈脫後為骨朵今京師猶有此稱

談柄

近人以口實為談柄或云笑柄非也古人清談多執麈尾故有談柄之名傳燈錄棲雲寺大朗法師每談論手執松枝為談柄是也

權輿

權輿見詩經秦風注云權輿始也而義猶未明蓋造稱自權始造車自輿始故以始為權輿

麩炭石炭

漢地理志豫章郡出石為薪蘇長公集有石炭行今西北所燒之煤是也南方薪木燒而未灰者曰麩炭白樂天詩云日暮半爐麩

炭火正謂此

牛耳

戎右贊牛耳桃菊注牛耳無竅盟于神故以不聽為戒也公孫談圖云王荆公解周禮言取其順聽不知牛本以鼻聽其耳固不聽也

將牢

晉載記後秦諸將謂姚萇曰若值魏武王不令符登至今陛下將牢太過耳注魏武王謂姚襄將牢猶俗言把穩與五代史莊宗紀持牢義同

取瀝

羅必路史曰丹壘書自無懷降所飲與名山記大同此余之所取

說餘天祿識餘下

壹

瀝者也瀝音泉與法同

苔名

苔有數名因地異種陸龜蒙苔賦云高有瓦苔卑有澤苔散嫩實者曰石髮補空田者曰垣衣在屋曰青邪在水曰陟釐

羞菜

安南有羞菜莠生水上甘美可食人過池中以手指之曰女羞否即時憔悴有羞色人去青如初

血玉

山海經侖者之山有木曰白蓉可以血玉註血謂樂玉可以作光

扶薛

分番宿衛元謂之怯薛元史曰宿衛皆領于四怯薛以太祖功臣
博爾忽博爾木木華黎赤老溫四族世領怯薛之長年勞既久即
推為一品或以才能任使責任雖極一日歸至內庭則執事如故

贏越之法

韓昌黎曹成王碑云王親教之搏力鈞卒贏越之法按高子農我
篇云患民之散不可搏也是以聖人作一以搏之入曰搏民力以
侍外事然後患可以去而王可以致則搏力知其為秦法也左傳
七年越子伐吳吳子禦之亦夾水而陣越子為左右鈞卒杜
注云鈞伍相者別為左右也則鈞卒其為越法也

金乙

字乙幾字乙音主與點同文字遺落鈞其旁而添之也又東方朔
傳云此報乙其處謂有所絕止點而記之曰乙如土人讀書以朱
識其止處也

禪鑽

宋呂申公素喜釋氏之學及為相務簡靜罕與士大夫接惟能談
禪者多得從容于是好進之徒往往幅巾道袍日遊禪寺隨僧齋
粥談說理性觀以自售時人謂之禪鑽云

鏤板

唐以前凡書籍皆寫本未有模印之法五代時馮道始奏請官鏤
板印行宋淳化中復以史記前後漢付有司摹印自是鈔本漸多
然隋文帝開皇十三年十二月八日勅廢像道經悉令雕撰則印

書之制又在馮瀛王先矣

古語相近

注書者每見經史字義難解者輒以音聲相近之字代之毛詩泉
水云遠臻于衛不瑕有害朱子注云瑕何古音相近通用不知瑕
即瑕瑜之瑕言縱曰不瑕亦有害矣今以瑕為何言不何有害文
義欠順當倒轉云何不有害義始稍通又如周頌假以溢我舊注
假大也溢盈也未注以假為何以溢為恤夫瑕既為何矣假又為
何古人胡為謬寫至此哉依舊注假大溢盈于義為順即不依舊
注亦當云假今有以盈溢于我我當收其溢而不使放失也矣必
轉其字而謂之何以恤我也

百果甲宅

說餘天律識餘下

是

三都賦百果甲宅異色同禁注宅即拆也易曰百果草木皆甲拆
愚謂大冲此語雖或采之于易亦未可知然改拆為宅字新而意
亦別認宅為拆大冲之意矣毛詩大田云既方既皂鄭箋曰方房
也謂乎甲始生而未合時也疏曰謂米外之房米生于中若人之
房舍也乎者米房之粟皮甲者在米外若鎧甲也持以解此賦
則甲者字郭在外其鎧甲之義乎宅者舍胎在中其房舍之義乎
就字解字意自融洽扯彼合此理反夫誰

先子先君先人

今人稱先子先君先人為亡父然不獨父也如魯西稱曾子曰吾
先子之所畏也則稱祖為先子子順曰吾先君之相魯則稱六世
祖為先君孔安國曰先君孔子又曰我先人用藏其家書于屋壁

則稱十一世祖為先君五世祖子襄為先人也

剪柳

未樂時禁中有剪柳之戲剪柳即射柳也以鴉鴿貯葫蘆中懸之柳上彎弓射之矢中葫蘆鴉飛出以飛之高下為勝負往往會于清明端午日名為射柳

書卷

今之書籍每冊必數卷或多至十餘卷此僅存卷之名耳古人藏書皆作卷軸鄴侯家多書棟架三萬軸是也此制在唐猶然其後以卷書之難因而為摺久而摺斷乃分為簿帙以便檢閱蓋愈遠而愈失其真矣

河洛同異

一六居北三八居東五居中此河洛之三同也二七圖南而洛西四九圖西而洛南此河洛之二異也

白翎雀

朔漠之地無他禽惟鴉雁與白翎雀鴉雁畏寒秋南春北白翎雀雖窮冬沍寒亦不易處故元世祖作樂名曰白翎雀

禽獸草木

考工記曰天下大獸五則禽亦可謂之獸禮記曰程程能言不離禽獸則獸亦可謂之禽五行有木而無草則草亦可謂之木洪範言庶草蕃蕪而不及木則木亦可謂之草

落

詩詞中有院落籬落却落部落落落居也唐宮中卷有野狐落亦居

也

大娘小娘

娘字俗書古無當作娘今通為婦女之稱韓魏公傳中云宮中稱郭后為大娘劉妃為小娘則皇家亦如此稱之不獨民間

驚燕

畫上例裝二紙條名曰驚燕燕怕紙凡有紙條處則飛去畫上紙條古不粘

姓氏

姓與氏今人多混解為一非也太史公曰苒秦之先為嬴姓其後分封以國為氏有徐氏郟氏鍾離氏運奄氏莒裘氏將梁氏黃氏江氏條魚氏白冥氏婁氏秦氏趙氏馬贏姓也餘十四皆為氏

沂城

又如同本姓姓而其後魯衛毛卯却雍曹滕畢原封卯印晉應韓凡蔣蕪華各以國氏故昌黎送何堅序云何與韓同姓為近徐偃王廟碑云泰與徐俱出柏翳為蕪姓

沂城鑿穴

柳子厚文集南霽雲碑曰沂城鑿穴之奇注云未詳而後引田單火牛事則誤矣田單火牛乃即墨非沂城也按文選潘岳馬沂督誅亦有鑿穴之說且云乃奮其奇保此沂城馬沂督者沂城之督馬敦也當齊萬年之亂獨能固守其城忠節昭著與霽雲守睢陽事正相類故柳碑文援之

果德

玉臺新詠序萬年公主非無果德之辭累茲誅字之誤也潘岳作

萬年公主誅萬年縣名公主所封也今藝文類聚載此序文亦作累德則自歐陽率更時傳訛已非一日矣

班史失名

西京雜記云楊王孫字貴張崇大歷代小誌云文翁姓名黨字仲翁荀悅漢紀云壺關三老令狄茂此三人名足以補班史之闕

六閣

宋太祖太宗宸翰所藏之閣名曰龍圖取龍馬負圖之義也真宗藏宸翰之閣名曰天章取雲漢為章之義也仁宗英宗藏宸翰之閣名曰寶天取寶書為訓之義神宗曰顯謀徽宗曰敷文哲宗曰徽猷此六閣之所建也

蓮餅

西京雜記云漢宮中九月九日佩茱萸食蓬餅飲菊花酒令人長壽今茱萸菊蓬習用為常而蓬餅鮮有隸作九日事者

嗚呼噫嘻

李太白蜀道難起句疊用嗚呼噫嘻今人相承用之而不知其義亦自有別老學菴筆記云蜀人見人物之可誇者則曰嗚呼可鄙者則曰噫嘻

傾家釀

晉人所謂見何次道令人欲傾家釀猶云欲傾竭家貲以釀酒飲之也故魯直云欲傾家以總酌韓昌黎借以作筆詩云有賣直欲傾家貲此得晉人本意至朱中行有句云相逢盡欲傾家釀久客誰能散案金用家釀對案金非也

敘引

蘇東坡祖名序故為人作序皆用敘字又以為未安遂改作引而謂字序曰字說今人敘之非也

毛無通用

佩觿集云河朔謂無曰毛菴菴之轉也按後漢馮衍傳餓者毛食又五代史黃幡綽賜緋毛魚袋則古人行文亦用之矣

五兵七兵四兵

魏置五兵尚書五兵謂中兵外兵騎兵別兵都兵也晉太康中又置七兵尚書以中外兵加分左右也又四兵宋丁度兵錄云一曰禁兵殿前馬步三司隸馬二曰廂兵諸州隸馬三曰後兵郡有司隸馬四曰民兵農之健而材者籍之

米獸

楊國忠子弟以奸媚結朝士每至伏日取堅米令工人鏤鳳獸形飾以金環綵帶置雕盤遣王公大人惟張九齡不受

傳別

傳別券契也周禮小宰八成曰聽稱責以傳別注傳者約束於大書分別為兩兩家各得一鄭曰傳別謂為大手書于一札中字別之稱貨責償皆聽之以券書

劍器

劍器古舞之曲名其舞用女伎雄裝空手而舞見文獻通考舞部杜子美公孫大娘舞劍器歌指武舞而言或以劍器為刀劍誤也

未厭

劉貢父詩話云令人呼禿尾狗為厭衣之短後者亦曰厭故歐陽永叔寄陶尚書詩有末厭兵則此兵正為末賊耳餘冬序錄以末厭對卑凡字

單單

單單今為一字古分兩姓赫京山鬣記云唐進士有姓單者主司誤書單乞改正主司曰方口尖口何足辨答曰台州吳縣作呂州矣照可乎主司無以應可知字亦小異矣

鵲蚌

蘇秦鵲蚌相持之說鵲曰今日不兩明日不兩必有死蚌蚌曰今日不出明日不出必有死鵲兩謂開口今人改兩作兩非也

繩橋

范石湖吳船錄言入蜀青城山當渡繩橋每橋長百二十丈分為五架橋之廣十二繩相繼排連上布竹筴攢立大木數十於江沙中架石固其根每款木作一架挂橋於半空大風過之掀舉橋橋然夫略如魚人晒網染家晾彩帛之狀又須捨與疾步稍從容則震掉不可行望者皆失色

杜詩云運繩橋壯士喜斬木大井窮後呼皆蜀地也

香水粉水

香水在并州其水香潔浴之去病粉水小房陵永清谷取其水以漬粉即鮮潔有異於常見任昉述異記

迷穀

迷穀山招搖山亦名鵲山其樹如穀又如楮其花四照名曰迷穀佩之令人不迷

止雨箭

周穆王時天下連雨三月穆王乃吹笛其雨遂止

離合風

列禦寇御風而行常以立春日歸乎八荒立秋日遊于風穴是風至即草木皆生去則草木皆落謂之離合風

玉批

崑崙山有玉批光明洞微而堅瑩須以玉井泉洗之便軟可食

雨異

周時成陽雨幾終日而絕魏武帝末年鄴中雨五色石拓拔魏時河內冬雨粟

未雪

詩云相彼雨雪先集惟霰霰即今所謂未雪也撒鹽空中意正指此柳絮因風乃為毛雪也二謝之語當各有謂未易優劣東坡柳絮才高不道鹽之句豈是且固對偶親切耶

用九用六

林元齡曰龍門山人卜易而善言易嘗問以卦只六爻而乾坤有用九用六似有七爻何也山人曰易教也教奇則無窮三百八十四爻外則用九用六此所以為奇也周天三百六十五度四分度之一亦奇數也揚雄作太元遂有詩羸二贊亦用九用六之謂也不然則易之教窮矣

讀書滅裂

古人讀書時有滅裂范武子士會也而今古人表置士會于中上

列武子于上中名且未識安能定其高下劉琨詩西狩泣孔丘仲尼悲獲麟一事而疊用之豈以為兩人耶王文考魯靈光殿賦云奚斯誦傳歌其路寢不知公子奚斯但作寢廟非作頌之人也誤亦甚矣

頌碑

前世廟額必先挂而後書碑石必先立而後刻魏凌雲臺至高韋誕書榜即日皓首必先挂之証也唐吐突承瓘欲立石紀功德李絳上言請罷之帝悟命百牛倒石此先立之証也今皆先書矣

通應子魚

泉州有通應侯廟其下臨海小子魚甚美世呼通應子魚者記其所出也通應子魚相上通三印東坡人以通印子魚對披綿黃雀此皆本之傳聞而弗深考耳

鄭重

鄭重二字世所習用而罕求其說按前漢王莽傳皇天所以鄭重降符命之意師古言頻煩也又三國志國家哀汝故鄭重賜汝好

物壽

唐志席壽三年鐘壽五年禘壽七年考工記犀甲壽百年兕甲壽二百年合甲壽三百年唐子西古研銘計筆墨研之壽亦有所本

真贋

真贋蓋出韓非子齊伐魯索饒鬲魯以其贋往齊曰贋魯曰真也本作雁後人加貝

齊斧

陳琳云腰領不足以齊齊斧服虔以為與資斧同張晏公以整齊天下故云齊斧應劭云齊利也俱未安虞喜志林齊側階切凡師出齊戒入廟受斧故云齊也

食蛙

韓退之答柳柳州食蝦蟆詩蝦蟆雖水居未得變形貌強號為蛙蛤於實無所校居然常此味豈不辱釣單余雖不下喉近亦能稍稍按周禮罔氏所掌蛙通之屬漢書霍光擅滅宗廟羔兔蛙古蓋以為上食也

御里

沈休文山陰柳家女詩還家問御里詎堪持作夫御里謂妻也南史張彪傳呼妻為御里云我不忍令御里落它處

猴菜

南越志猴菜色赤生石上南越謂之鹿角

糯米

十月一日閩中風俗皆作糯米或作京饅以祀先祖蓋告冬之義也

過羅

南越若若游謂之過羅即今之若丁亦名率盧

河鼓

爾雅河鼓牽牛星也荆楚歲時記云黃姑織女時相見黃姑即河鼓鼓之轉也太白詩云黃姑與織女相去不盈尺是皆以牽牛為

黃姑然李後主詩云迢迢牽牛星杳在河之陽粲粲黃姑女耿耿遙相望人以織女為黃姑何耶

四韓

韓信為呂后所殺韓通為杜后所殺韓侂胄為楊后所殺韓震為謝后所殺四人皆將相皆死千婦人之手亦異矣

辨章

宋時平章呼為辨章見尚書大傳唐傳第一曰辨章百姓百姓昭明史記則人以為便章百姓韓文公袁氏先廟碑亦用辨章二字

三分竹

薛野鶴曰人家住屋須是三分水二分竹一分屋方好

楊大芬

楊大芬嘗為明州高亭鹽場場在海中或天字晴霽時見如匹練橫天其色淡白則晴而中分土人名之曰短蓬亦蜃氣之類也

泰山如坐

趙德正云泰山如坐嵩山如卧華山如立

咸陽

咸陽有六同如乾之六爻故曰咸陽唐時宮殿皆在九同上而作太清宮于九五同上百官府在九四同上

虎拍詞

北方人唱小曲有名虎拍詞者按北征事蹟云也先奉上酒自彈虎撥思兒唱曲衆齊和之庶物異名流云即湖撥四長二尺許三弦席上腐談云王昭君琵琶壞重造而其形小昭君笑曰渾不

似今訛為湖撥四揚升菴集以湖撥四對漢秋千一作虎拍思又作琥珀思

備馬

北京方言將出則令備馬南渡錄康王質於金間道南奔倦息崔府君廟夢神曰追騎已至宜速去已備馬候矣

剛卯

說文說改大剛卯以逐鬼也廣韻剛卯又謂之大堅以辟邪也漢書王莽傳云劉之為字卯金刀也其去剛卯莫以為佩注剛卯以正月卯日作長三十廣一十四方式或用玉或用金當中穿作孔以絲線穿其底如冠纓頭繞刻其上面作兩行書北堂書鈔云漢家以五月五日用朱索連五色剛卯止惡祿

說鈴天孫織餘下

吳

經梳

漢李尤經梳銘曰瞻之在前忽焉在後進新習故不舍於口按曲木曰梳有屈梳之象想可橫經於上而讀之

書梳

漢杜篤書梳賦云承尊者之至意惟高下而消息雖轉旋而屈梳時傾斜而反側托六藝而卷舒敷五經之典式梳音戶籍書具也

卮字

華嚴香義云卮本非字周長壽二年權制此文著於天姬苑師云此是西域万字佛胸前吉祥相也楞嚴經云即時如來從胸卮字涌出寶光其光晃昱有百千色

撒撥架梁

明時軍中以偵騎四出為撒撥結營不動為架梁

書酒

北人社前一日親賓相會謂之嘗酒見宋韓忠獻安陽詩集自注
今京師喜筵宴會每於未張筵前餽小集亦曰嘗酒

王昌

唐崔顥王維李商隱詩中多用王昌其事不可考按襄陽耆舊傳
王昌字公伯為散騎常侍婦任城王曹子文女錢希言桐薪曰意
其夫身為貴戚出相東平則姿儀雋美為時所共賞可知

太行山

山海經太行山一名五行山列子作大形則行本音也

馬頭鑣客

程途一覽云臨清為天下水馬頭南宮為早馬頭鑣客折集

畬田

上洛郡南六百里屬邑有豐陽上津皆深山窮谷不通轍跡其民
刀耕火種大抵先斫山田雖懸崖絕嶺樹木盡仆俟其乾且燥乃
行火焉火尚熾即以種播之然後釀黍稷煮雞豚先約其家某日
有事於畬田雖數百里如期而集鉏耨隨焉至則行酒唱矣鼓譟
而作蓋劇而掩其土也劇畢則生不復耘矣後梓者有勉勵督課
之語若郭曲然見王元之小畜集

田索

王黃州云上洛山田不知畝畝但以百尺繩量之曰其家種得若
千索以為田數今北方有田者亦不計畝但以人工窮日之力為

數曰有田若干畝云今北人謂田為一畝

荷

倚青溪說文舉腥有度也爾雅石杠謂之荷注聚石水中為步渡
荷也廣韻曰石橋額略曰聚石為渡或作荷

茄下

樂苑漢鏡歌云芻何食茄下按爾雅芻葉其莖茄俗但借為蔬
蘇名非木訓芻韻會小補又云茄歌韻古荷字引詩有蒲與茄李
句詩胡為味我茄下之紫鱗

秋路

韻會小補引唐詩枯木嶺前差路多謂歧道也差丑亞切異也集
韻注秋路通周禮集韻秋路亦引之

涑預澗

古今集錄曰晉宋以後有涑預歌水經注曰白帝山城水門之西
注中有孤石名涑預石水冬出二十餘丈夏則沒

溫卷

唐書云俗號舉人每稱免舉為自求之稱未是人知之詩

免舉

淀音殿亦作澱淺水也保定河間之間有大小於淀及白洋掘鯉
五官洋東諸淀出蒲葦鵝鶩魚鰓其利與北地耕植相等

詩以觀德

朱子嘗推易理以觀人謂凡陽之類必明明則易知凡陰之類必
暗暗則難測故其人之光明正大者其為詩文殊暢洞達必君子
也若泯泯訥怪必小人也以此觀人若著蔡之不爽如唐李紳作
閑農詩當時文士稱其有宰相器韓子稱歐陽詹亦曰讀其書知
其於慈孝最隆也下謂有天门深九重終當掉臂入王禹偁曰入
公門猶鞠躬如也天门豈可掉臂入乎此人必不忠米如其言
月泉吟社

浦陽吳清翁著樹月泉吟社延鄉之遺老方鳳謝翱吳思齊輩主
於家至元丙戌小春望日以春日田園雜興為題預以書告浙東
西之以詩名者令各賦五七言律詩至丁亥正月望日收卷月終
得詩一千七百三十五卷屬方謝諸公品評之中選者得二百八
十人三月三日揭其甲乙次第其第一名贈以公服羅一縑七筆
五帖墨五笏第二名至五十名贈送有差乃錄其與選之詩并摘
出其餘諸人佳句與其贈物回謝小故及其事之始末為一帙而
板行之首名為羅公福

方正學扇贊

方正學先生扇贊云大火流金天地為爐汝於是時伊周大儒北
風其涼雨雪載途汝於是時夷齊餓夫意用之則行舍之則藏惟
我與爾有是夫平生風節已見於此

花藥夫人

蜀主孟昶納徐匡璋女後主壁之拜為貴妃號花藥夫人后山詩
話謂其姓費誤也

擊節

擊節二字謂擊几為節若擊缶為節之類是也世人不曉此義或
以彈指為擊節者誤

卧雪

卧雪有二事一袁安字仰公居洛陽大雪閉門僅卧三日縣令往
視之一胡定字元安雪滿其室縣令遣掾排雪問定定已絕殺妻
子皆卧二事相同袁與元音又同亦一奇也胡元安事出王懋野
客叢書

慶成宴

明朝典禮中有慶成宴每宴必傳旨云滿斟酒又云官人每飲乾
故西涯李文正公詩云半推日華看漸近酒傳天語飲教乾蓋紀
實也

八采

隋文宣崩文士各作挽詩十首擇其善者用之每人不過一二首
惟盧思道十首采擇八首故時人稱為八采元微之酬樂天云八
采詩成未伏盧是也後說采為米黃山谷詩尊前八采句應下十
年書徐師川詩字直千金師智永句稱八采總盧即時非也

沈萬三弟

沈富字仲榮行三人因以萬三秀呼之元末富甲江南其弟貴以
詩諷萬三云錦衣玉食非為福檀板金樽可罷休何事子孫長久
計瓦盆盛酒木綿裘萬三不聽貴遂隱於終南不知所終洪武初
人為哥時即言秀五等家給戶由一絲哥最下秀最上每等中
又各有等第富者謂之萬戶三秀如沈萬三秀乃秀之三秀

酒器名

五代偽閩王王延慶以銀葉作杯柔弱如冬瓜片名曰醉如泥東坡在蜀時以鉅竹尺許裁為雙筒謂之文尊

明朝錢法

明朝通行歷代好錢謂之當一次用新錢謂之折二民甚便之正德十六年兵中蕪然不用好錢惟用折二嘉靖改元則用折三折四惡錢由是私鑄者日甚

劍池

虎丘劍池其水不流終歲不竭正德辛未水忽涸其下嵌岩空洞深窅莫測好事者執燭而入見內有盤板如門戶狀相傳闔閩所慕處文徵仲詩云吳王埋玉幾千年水落池空得墓甄地下誰曾

天祿識餘下

臺

求寶劍眼中吾已見桑田金免寂寞隨塵劫石闕分明有洞天

得元之論往事滿山寒日散蒼烟

雨錢

嘉靖六年六月十九日京師雨錢惟軍職官屋上為多成化丁酉六月九日京師大雨雨中往往得錢錢皆側倚瓦際

照道

俗間謂龍燭為照道此二字小儀禮注

鐵錢

文彥博知永興軍起居舍人母從鄆人也至和中從上言陝西鐵錢不便於民乞一切廢之朝廷雖不從其鄉人多知之爭以鐵錢買物者不肯受長安為之亂民多附肆係屬請禁之彥博曰如

此是愈使民間擾惑也乃召絲絹行人出其家縑帛數百匹使賣之曰納其直者盡以鐵錢勿以銅錢也於是眾曉知鐵錢不費市肆復安

換緋

慶曆中即官呂覺者勤公事四因登對自陳衣緋已久乞改章服上曰待別差遣與卿換朕不欲因物欲與人恩澤慮刻薄之徒望風希進加入人罪耳

茶鑪

仁宗嘗春日步苑中屢回顧皆莫測聖意及還宮中顧嬪御曰渴甚可速進熱水嬪御進水曰大家何不外面取水而致久渴耶仁宗曰吾屢顧不見鑪子苟問之即有抵罪者故忍渴而歸

天祿識餘下

臺

飲食勿罪

治平中即中易知素貧餐却祭後賜食大官醉飽失容為御史所糾故事奉祠不飲以不赦論韓魏公請論如律謂不行後將廢禮仁宗不許曰寧以它事坐之士以飲食得罪使何而目見士大夫乎

嗜青苗法

熙寧初神宗與二王禁中打毬子上問二王欲嗜何物徐王曰臣不嗜別物若羸時只告罷了青苗法

殘食

高宗在德壽宮每進膳必置匙筯兩副食前多品擇取欲食者以別筯取箸一器中食之必盡飯則以別匙戒而後食吳后嘗問其

故對曰不欲以殘食與人食也

鴉塢炭

宣和間宗室圍爐索炭既至訶斥左右炭質紅令黑非是蓋常供
熟火此日偶以生炭進未之識也日用之物尚不周知人安能悉
世事報難耶南渡後有司降樣下外郡置御爐炭胡椒紋鴉塢色
者若干斤知婺州王居正論奏高宗曰朕平居衣服飲食且不擇
美惡隆冬附火止取溫暖豈問炭之紋色也詔罷之

燃燈福

蘇易簡為學士嘗直宿已寢太宗忽幸玉堂遽起無燭不可覓
帶宮嬪乃自燃福中引燭入照之福上有大然處後不復易以為
玉堂盛事

說於天祿徽餘下

壺

茶片

馬令南唐書云豐城毛炳好學不能自給入廬山與諸生曲講獲
強即市酒盡醉時彭會好茶而炳好酒時人為之語曰彭生作賦
茶三片毛氏詩傳酒半升

呼子為公

蔡京懷奸固位屢被逐而不肯退王黼切忌之乃稱旨遣童貫偕
其子攸往取表京一時失措自陳曰京衰老宜去而不必遽乞身
者以上恩未報此二公所知也時左右聞京併呼子為公莫不竊
笑嘗攷晁錯更漢令諸侯宣譁錯父聞之從穎川來謂錯曰上初
即位公為政用事侵削諸侯誅人骨肉口語多怨公何謂也錯曰
固也不如此天子不尊宗廟不安父曰劉氏安矣晁氏危吾去公

歸吳凡三呼其子為公史筆書之亦以表其失言

六更

宋祖建隆庚申受禪後開陳希範只怕五更頭之言命宮中轉六
更方嚴鼓鳴鐘其應在宋有天下凡五歷庚申也

貢雲

欽宗長徵初成令有司多造油絹囊加水濕之曉張於危巖絕巖
之間既而雲盡入焉遂括囊滿貯每車駕所臨輒開縱之須臾翁
然充塞名曰貢雲

好焚香

趙清獻公好焚香尤喜薰衣所居既去輒數月香不滅章子厚常
謂神德并來事云形帶難脫臨行亦須假名香百餘斤焚以佐之

說於天祿徽餘下

壺

某家或疑而未和公舉近歲有廬山崔道人者積香數斛一日盡
發置五老峰下徐焚之默坐其傍烟感不相辨忽躍起已在峰頂
上語雖近奇亦或有是

閱書法

米元章洗手帖有云每得一書皆訖入奩印以米氏秘玩書印開
書之法二案相比某濯手親取展以示客客拱而聽凡案從容細
明其趨走於其前客曰展其展客曰卷其卷客按案甚尊某執事
甚卑舍法執卑者止不欲以手衣振拂之耳

畫錦堂記

歐陽公為韓魏公畫錦堂記首以仕宦至將相富貴歸故鄉韓公
得之愛賞後數日歐復遣介別以本堂云前有未足可換此本韓

再三玩之無異前者但於仕宦富貴下各添一而字文義尤暢前輩為文不易如此

肺石

長安故宮闕前有唐肺石宋時尚在其制如佛寺所擊響石而甚大可長八九尺形如垂肺亦有款識但悲漫不可讀按秋官大司寇以肺石達窮民原其義乃伸冤者擊之立其下然後士聽其辭如今之揭登聞鼓也所以肺形者便於乘又肺主殺所以達其冤也

孩兒詩

唐路德延為朱友謙書記友謙行多不謹德延作孩兒詩以刺之友謙大怒沈之黃河其詩曰情態任天然桃紅兩頰鮮下行人共

卷八 雜錄 下

七

看初語客多憐臂膊肥如酥肌膚軟勝綿長頭繞覆額分角漸垂肩散誕無慮慮逍遙占地仙排衙朱榻上唱道畫堂前合調歌楊柳齊敲踏未蓮走堤衝細雨奔卷趁輕烟嫩竹乘為馬新蒲掉作鞭鶯雖全鐵繫鴟子絲絲牽推鶴歸晴鳥驅鷺入暖泉楊花爭弄雪榆葉共收錢錫鏡當胸挂銀珠對耳懸頭依蒼鶴裏袖學拈技檀酒端丹砂煖茶催小玉煎頻避毒花神時乞繡針穿寶匣拏紅豆妝奩拾翠鈿短袍披素襖劣帽戴氍毹展畫趨三聖開屏笑七賢貯懷青杏小垂頰綠荷圓驚滴沾羅淚嬌流汚錦涎倦書鏡媿姹媿憎藥巧遷延弄帳鴛綃映藏衾風結纏指鼓迎使鼓筋撥賽神絃簾拂魚鈎動箏摧雁柱偏棋圍添路畫笛管欠敲鐺憶客初酣睡驚僧半入禪尋蛛窮屋瓦探雀徧樓椽拋果忙開口藏鈎亂出

奉夜分圍楸枰朝聚打飲鞭折竹裝泥燕添絲放紙為互誇輪水磔相效發風旋旗小裁紅絹書曲截碧籤遠鋪張鶴網低控射蟾弦言語時時道諺歌處處傳匿息肩乍曲遞落臂相連蘭草當春徑爭趨出晚田柳傍慵獨坐花底困橫眠等鵲潛離畔聽蛩伏砌邊傍枝拈舞蝶隈樹從鳴蟬平島誇跨上層崖逞捷綠嫩苔車跡小深雪履痕全競指雲生岫齊呼月上天蟻窠尋徑劇蜂穴繞階填樵唱迴深滋生歌下遠川壘材為屋木和土作盤筵險砌高臺石危挑峻塔傳忽昇鄰屋樹偷上後池船項索稱師日甘羅作相年明時方在德勸爾戒狂顛宋張侍郎師錫追次其韻作老兒詩然情景之不一終不能相及也

需此之戒

卷八 雜錄 下

七

洪容齋云易乾坤之下六卦皆有坎此聖人防患備險之意也余謂也蒙未出險者也訟師方履險者也戒之宜矣若夫需者燕樂之象此者親附之象乃亦有險焉蓋斧斤鳩毒每在於衽席杯觴之間而謂謂笑語未必非閑弓下石者也於此二卦尤不可不嚴焉

受釐

宋錢忱伯之妻瀛國唐夫人正肅公孫也紹興初隨其姑長公主入謝欽聖向后於禁中先有戚里婦教人在馬俱從后步過受釐殿同行者皆仰視讀釐為誰夫人笑於旁曰受禱也蓋取宣室受釐之義耳后喜回顧主曰好人家男女終是別

岳鄂王謚

宋贈鄂王岳飛誠忠武文曰李將軍口不吐辭聞者流涕蘭相如身雖已死凜然猶生又曰易名之典雖行議禮之言未一始為忠武之號旋更武穆之稱獲階中興之舊章灼知皇祖之本意爰取危身奉上之實仍采哉定禍亂之文合此兩言節其一惠皆孔明之志典漢室子儀之光復唐都雖計効以或殊在秉心而弗異乘之典冊何嫌今古之同特賴及子孫將與河山而並久然今天下兵祠皆稱武穆此未定之謚當稱忠武為宜

勸箭

熙寧以前凡郊祀大駕還內至朱雀門外忽有綠衣人出道中端泚添倒如醉狀乘輿為之少祝謂之天子避酒客及門兩扉遽闔門內抗聲曰從南來者何人門外應曰是趙家第幾朝天子又曰是也不是應曰是開門乘輿乃進謂之勸箭

客作兒

江西俚俗為人曰客作兒陳從易寄荔枝與成春政詩云櫻桃下小子龍眼是凡安橄欖為下輩批把客作兒威問其說云櫻桃味酸小子也龍眼無大來凡安也橄欖初遊後甘下輩也批把肉少核大客作兒也凡言客作兒者備夫也

不習草書

真宗在儲宮時太宗令習草書乃再拜曰臣聞王者事業功俾日月一照使隱微晝草書之跡誠為秘妙然達者蓋寡儻臨事或誤則罪有所歸豈一照之心哉謹願罷之太宗大喜

劉青

唐之中葉長安惡少多以詩句鏡涅肌膚夸詭力剛鐵坊間遠近效之成習後皆為薛京兆元寶杖棘更有取名賢詩中意細刺樹木人物至有周身用白樂天詩意刺涅人呼為白舍人行詩圖者雜俎統名之曰劉青云

折桂

世以登科為折桂此謂却說對策東堂自云桂林一枝也自唐以來用之温庭筠詩云猶喜故人新折桂自憐羈客尚飄蓬其後以月中有桂故又謂之月桂月中又有蟾因以登科為登蟾宮用却說事固已可笑而展轉相說復爾文士沿襲未之思也

騰錄

宋仁宗時始有糊名考校之律雖號至公然尚有識認字畫之弊其後袁州人李異實請別加騰錄因著為令

黃花

宋初袁州解頤以十三人為率仁宗時即中查拱之知郡日因秋試進士以黃花如散金為詩題蓋取文選詩青條若聚翠黃花似散金也學子多以秋景賦之惟六人不失詩意由是止解六人後遂為額時人嘲之曰誤認黃花作菊花

宜祿

丁晉公喜占驗祿祥多所忌諱時有無賴子慶欲往依之謀于一落第老儒老儒曰汝欲往須更姓名改于為丁名宜祿後得志母相忘晉公見其名果大喜收之門下不旬月而入相此人遂被優寵雖大節使倚藉關說不逾年而宜祿家鉅萬矣至今相傳不

所謂遠檢沈休文宋書宰相蒼頭呼為宜祿乃知晉公喜之有故也

易基

呂元膺為東都留守嘗與處士對基次有文簿堆擁元膺方秉筆閱覽基但謂呂為不顧局矣因私易一子以自勝呂已窺之而基似不悟翼日呂辭之內外人莫測如是十年許呂疾寢將亟子姪列前呂曰游處交友爾輩宜精擇吾為東都留守有一基者云云吾以他事得去易一者基子未足介意但心跡可畏亟言之即恐其憂懣終不言又恐汝輩咸裂於知聞

感山

宋書卷四曲中有感山臺每歲驚蟄日有司為文致

祭茶畢鳴金揚鼓同歡曰茶發芽謂之感山

等即侯

梓花

北人土語以候為等詩人未有用者范石湖州橋詩云州橋南北是天街父老年年等駕迴用等字亦新

梓花

詩定之方中有曰樹之榛栗椅桐梓漆是椅與梓明屬兩木說之云椅梓也又云梓楸也似一木而異名者誤矣六書故云梓似桐葉小於桐生子成佩今江南此種最多別有一種無葉而多花者其花紅艷繁密一望如霞范石湖詩梓花紅綻碎此語曲盡其勝

三臺

魏武帝於鄴城西北築三臺中名銅雀南名金虎北名冰井皆高

八九大有屋百餘間今人但知有銅雀而不知更有二臺也

張公藝

張公藝書忍字以進其意美矣而未盡善也居家取眾當令紀綱法度截然有章乃可行之永久若使姑婦勃然奴僕放縱而為家長者僅含默忍而已此不可一朝居而况九世乎

腰臘

立秋有禮俗曰驅劉漢書注謂之糝婁揚子曰不腰臘也與哉今人尚知有臘而腰則不知久矣

簾日雲樓雜說



德清陳尚古雲瞻著

制科

國朝滿洲學校之設自范文程始應試一百四十人其入庠歲試之法為等第者三上第齊編二匹次一匹又次咸以夏楚吾浙巡撫蕭起元曾殿馬科舉初場二義尚書廣寧楊方興山陰沈文奎皆掄元國初試功臣子弟對策二道呈內院除官順治乙酉始御試丙戌始會試廷對而滿人未之及也辛卯定制滿人中式者四十人而蒙古烏金超哈亦如之烏金超哈者遼人也皆與漢合榜初場經義三篇俱清書壬辰滿洲蒙古始放進士五十人狀元麻勒吉授弘文院修撰後易名馬中驥蓋博雅君子也

說鈴 尋雲樓雜說

一

蜀試始辛卯主司駐保寧時士子二百餘適有亭溪之警當路亟欲竣事二三場并日而就解額七十二人

常州葉震林壬辰南宮第一百六十二人尋以文體除名乙未赴南宮奏名如前按明再舉于鄉者有之若兩舉會試其名次又同則前未聞也

康熙甲辰會試廢八股時文改為二場初場策五次場經書論各一表一判五兩午丁未亦如之己酉復三場舊制丁巳盛京江南浙江等七省貢監特恩鄉試庚申福建亦如之

廷杖

弘治乙丑夏四月孝廟以早禱因露坐冒風翼日不豫大瑞張翰陝西人與劉瑾同開主御藥得旨乃醫以大醫院判劉文泰御醫

高廷和進兩人者素與交結謂上疾易治效且均獲賞外廷持不可然竟以誤投致劇且晏駕矣舉朝痛憤奏下三人獄皆論斬是秋已赴市而翰黨于瑾密令家人殺屈瑾傳旨取還仍幽於獄公論大不平時家水南先生還官刑科與同列湯仁夫禮敬等廷執不報明年翰等賂瑾則族以仲辨輒為法曹論駁不得脫若是者數矣最後先生當筆云參照張翰劉文泰高廷和三人者黨惡著於朝廷罪狀白於天下會鞠於朝真情既得眾磔於市公論馬逃而乃巧擬百端誣辯四出希圖幸開生路苟違死刑痛惟先帝之疾感因風露患非膏肓使張翰慎簡名醫豈惟大故而乃懷私自用引類非人徒報朋比之股勁罔顧萬乘之危殆致先帝升遐劉文泰高廷和用藥之悞致文泰廷和進御張翰汲引之非問罪必

說鈴 尋雲樓雜說

二

嚴奸首張翰則坐主謀誅惡不遺同黨劉文泰高廷和罪容未減再照張翰自稱奉旨督同不繫懷奸締結夫城社難動故點鼠得以因依藤蘿善緣由樛木巧於扳引文泰廷和素厭庸醫其盤據南城藉張翰左右而內為之援雖曰督同之有命端由朦朧之具陳泰廷和等彌縫而外為之援雖曰督同之有命端由朦朧之具陳至躬承召醫乃妄用私黨良因締構有年以致纏綿無間孰云非自黃綠顧欲解乎交結事至于此口尚何辭為張翰者自宜伏聽斧鉞之誅用泄臣民之憤而猶以母氏為言悲戀不已天恩上請煩贖有加且張翰實奸究之徒尚知為母子之愛而舉朝抱忠孝之節寧獨後君臣之倫穆穆在上明明在朝何忍忘君父之讐甘於向惡廷之黨劉文泰高廷和罪無二等事干一連觀其屢同奏

請顯其互相邀約在昔有云南山可移判不可改直從原擬云云
瑾怒詰知其狀視科道若冰炭矣丙寅冬下先生詔獄缺三十棍
左遷六安州判而余仁夫等相繼去嗣遂因少保張都憲揚大理
瑾傳旨免瑜等出獄差乎許世子不嘗藥春秋書為弒君瑜等非
直不嘗藥之比竟夫賊若此逆瑾罪通于天矣此先生迂廷杖略
也先生秉天地正大之氣忠義貫白日初釋褐觀政刑曹從駕至
郊壇而孝廟有科道之目未幾特簡任用而先生即諤諤朝右真
可謂不負睿鑒矣

真真像

大興李侍郎真真弟某權許登閣出珠母一枚大可五六寸許內
有真武像端坐椅上右手垂椅左手 龜蛇承其足靈官荷戈
侍作瞑目狀雲氣繚繞之現四神將恍惚有無之間皆具體人也
其背鵝云高麗國王進匱以紫金蓋大內物落民間者李以十緡
得之視隋文帝蛤蜊佛宋晁無咎猪齒白佛尤奇珠母者牛也造
物洵巧矣哉

篤義

高相國拱揚州興化人未遇時性喜服親及款必克工沈某補綴
義不受值如是者數年公甚德之萬曆初公入中書子忠往謁馬
公問女何欲對曰欲宦爾公曰女赤身來勢安得宦雖然吾必有
以待女聞興化魚蕩徵銀一百八十兩從戶部蘇文去解銀到京
宦從可得也忠違公指領銀不解已耗去八九部行縣嚴覈令恐
追忠得實沒家產尚不能償并忠解部母亟走京師見公公曰若

無愛兒子定不死居頃之朝廷差公御厨公徹數盜遺獄中且揚
言曰太師因其有舊徹御筵遲之戶部大驚立為解放母若子遂
得相見公厚贖之以歸

二

吳門諸生陳正禮臨終屬其子曰昔曾與申相國友善然子性介
自相國之顯也弗與通倘女不能自存往必有濟及及其子遽往
謁公公瞿然曰某罪深矣遂延入食之以三十金為贖無何烏程
董尚書欲與婚公執不可董疑門弟子稱公曰非也特冰人未工
耳董請益堅公曰若不獲已微某不可但某名家子恐不能致奈
何董祝公為介某已授公指有難色公曰某豈易辱哉非千金為
禮終執執不恡人意董諾之而婚成故人子前後獲二千餘金竟
豐於中人之產者且什伯矣

說鈴 晉書樓雜說

四

申相國偶從士夫飲某家錯羅古玩中堂懸八駿圖顧文欽筆
也眾方欲叙禮公遽揖客入蕭齋眾殊愕然公曰境頗幽寂若
移尊于此甚善主人曰諾然意殊不寧酒半晚從者請故公曰
吾輩人耳寧有向畜而拜耶方悟一時失檢

三

臨清賣酒者衛姓失其名疎闊臨水有二人促坐深語絕無從者
須臾傾倒而起其一人意甚弱踏因語主人曰我朱姓家南閩匆
卒無杖頭錢明日酬可乎主人唯唯視其色甚愉二人頗德之明
日蒼頭來亦不言所以已而衛氏子輩居悞傷一人死與父繫入
南閩道相國家相國送客出心誠衛曰此非五里準衛主人乎何

為而至此術前白相國相國曰無憂今蒼頭語州太守斷燒埋二
十兩以悞傷免術素與相國無舊甚訝其厚相國者即前酒肆中
未公也同相國飲者吾却相國温公也因假滿之京道臨清潛入
未公家值公伊孫婚無容膝之地兩相國讓步却外樂飲而別術
父子遂得釋然終不知相國為未公也

落雪水秀

其與大家廬墓凡落雪二水交會者其地必出八座此足驗二水
之秀也

大白仙

禾城趙君降字孟侯少時夢入廣殿中見神座空設楮曰大白仙
有沙門語曰五年後當以此原君君降領之殿後一室東向當戶

說餘 卷雲樓雜說

五

設銀牀為敬井之神題額在焉既寤樂其誕而自謂也往往辭大
白仙云壬戌成進士官行人奉勅封藩歸道病肩與入寺其主僧
出延慈降君降大說之以其狀貌肖夢中人也及偏問寺中皆符
其相去纔五年爾君降笑曰數也邑侯同年友屬以後事居數日
而歿

封肝

閩凌元宇震湖烏程南潯人也父病甚矣而元乎天求代徧禱
浮屠氏弗能效或曰若父之患非肝莫治也元大喜淬刀以出
其肝急置几上血滂然流忽聞絕仆地家人無知者適鄰曲來問
疾見之驚嘆方知其剖胸也既而復蘇因雜藥以進父服之少間
而元不數日劍竟合焉時順治壬寅歲杪冬十七日也

墜崖婦

平氏者河南嵩縣任士弘妻也美而惠淑士弘甚憐之閱三年無
子將禱少室山約行二十里卒過高嶺左臨絕澗窅然青不見底
方舍騎而徒忽猛獸橫逸平氏顛而墜崖四望皆百丈覺絕欲下
無所士弘哭之慟抵暝而歸已乃延沙門梵誦誓不再娶初張義
曾暨任家及來樵而平氏已亡三年矣猝聞幽篁深薄間婉婉呼
張義大詫回顧見一毛女通體垂黃額約長五寸許因啣舌不敢
語久之毛女復曰我任家大姨平氏也女寧不相識耶義驚曰大
姨無恙乎曰然曰何幸而得此曰初墜時緣藤得無損已而饑甚
見交柯女貞于垂垂然始食之殊澁三日後甘香襲人三月乃生
穎半載則騰而下上矣然山中之水唯此泉寒冽渴即翔留不意

說餘 卷雲樓雜說

六

得與女相見義具述墜後始末且道任生哀慕狀平氏曰我已趨
然輕舉與鸞鶴為伍其樂如何肯復向樊籠哉為我謝任生早計
鳳占以豈似續母徒自苦也言既一躍而逝義亟往任生喜
不自勝即商取平氏指畫俟三日而平氏亦至直前抱之平氏曰
是誰曰夫也曰妾貌已改君不足念也曰我不嫌于女何竟忘風
昔之好乎平氏既憶歡情怏然心允乃與歸入深閨初飲蓮腹痛
踰時而定半月黃穎漸落依然美婦人也自後情好益篤為生于女
數人歷四十餘年臨歿乃大息曰妾不與張義凌凌蹕碧虛之上
一死生而無終極何至有今日哉言訖歛歎而瞑

春聯

春聯之設自明孝陵時也帝都金陵於除夕前忽傳旨公卿士族

家門上須加春聯一副帝親微行出觀以為笑樂偶見一家獨無
詢知為醜豕苗者尚未借人平帝為大書曰雙手劈開生死路一
刀割斷是非根按筆徑出校尉等一擁而去嗣帝復出不見懸挂
因問故云知是御書高懸中堂燃薪祝聖為獻歲之瑞帝大喜發
銀五十兩伴遷業焉

雁宕圖

石門山人字初陽工山水古法曾題雁宕圖云沙門丈石自雁宕
歸言未至龍湫初過老僧岩入松徑數里即石橋寺寺以洞為殿
深可五十武其高廣倍之左有方池石鑄泉下如注甚清冽石橋
高可十丈以之為山門各門之下壘石為臺俯可六七丈旁通石
級從左上小門藤蘿掩映幽絕可愛疑非人間世也余初來信丈

說鈴 簪雲樓雜說

七

石遂援筆作圖為此乃為潤色之并賦一絕云禪客探奇千里遊
石橋寺裡正逢秋深松路僻人烟少惟有寒泉不斷流萬曆丁丑
中秋榜李宋旭題

烏程法華寺旭圖石山十一幅皆幽峻可觀

物青

王鐸微時距浙居八里許民家系作人言言休咎甚驗鐸與族兄
孝廉往觀之系言若有所避以尚書求故也後縣令命除之妖遂
絕清江浦楊鑑川牙容也家素裕後見夢于子曰產某家為牛其
子往訪之果生一牛買歸善飼之

望水樓

吳中無盡蒼有樹不知何名春槁夏榮梅雨過而舒葉蒼翠蔚然

水定以此卜水侯最準有山丁見而識之知為望水樓

盜石

明萬曆中京師有盜石而敗者解南城御史問賊首何來曰江西
建昌人熊其姓顧石高三尺餘獲之正陽門外御史詫曰石豈有
偷者乎當必有異女不言將不貸女對曰微公問固當言之此實
紫玉爾御史曰何以辨之曰其頂為風雨所剝玉質已露每至夜
分澄寂輒有光徹天真希世之玩也某經度半載不幸而敗命矣
夫御史曰女既有真賞當申奏朝廷以邀天子之眷而乃自干法
紀獨不思懷璧為罪乎然女識若此玉人安在必為我購而任之
成則賚女不然罪且不測熊唯唯攻之果得玉紫光騰那約重數
十勛御史大喜賚熊銀百兩作賀表以進詔貯庫焉

說鈴 簪雲樓雜說

八

鵲不停

滇南有樹名曰鵲不停根棘滿林羣鳥皆避去不復下惟鵲之交
也則棲止而萃其上精淫于樹則痛生焉土人斲腐成丸大如鳥
卵一近人肌骨輒自相跳躍相傳闔閭家用然滇中珠寶重不能
多得也

彈

馬溪沈斗字景先工彈雖遠丸不逮也嘗登西堂橋有商船因風
猛猝至倉卒欲收布帆斗戲以彈中轆轤之上絢礙不能下舟中
人遙拜求解復以小丸送出前彈帆遂落人嘗左右張銀燭十餘
枝中懸尺許以彈出入其間燭盡而錯列如故了不仆也蓋藝之
精絕乃爾

兵禍

順治壬辰漳州被圍日久城中百姓裁餘一二百人第舍萬間率洞開不閉室中虛無人其一二百人者指溝中白骨歷數其生前姓氏里居語人不爽銖黍及危急之日有士子率妻子闔戶一慟而絕隣舍兒竊煮食之視腸中粟然皆紙絮不化隣舍兒亦廢箸自絕古人云一將功成萬骨枯帝王不勤兵遠略其德可謂至矣

別奸

吾郡大守陳幼學號筠塘梁溪人下車即問馬竇奸究屏跡諸生陳某豪橫人也公既罹諸幽囚忽伴言兩目盲瑣瑣從人指授俟守者懈而逸去公大怒多方捕之其將避他所臨去必大書其壁

說鈴 卷之九

九

曰陳某在此公益怒飛騎往追則其去已遠若是者數年後公解任歸陳某肅謁于公蓋禮而返公易簪特囑其子曰脫有緩急當依陳生而公于為仇家所窘憶公言從陳某得脫公之識度往往類此

公音曲妙天下方都門春宴或向主司言之酒半歡甚主司以請公自顧綠袍烏帽非可更衣作佞僧伎倆恐重違其意遂演伯喈辭朝及登塲態既韶令辭音調暢四座莫不心折公之風流都雅殆後人也

瑣類傳安

吾郡飛英增額有大鐵缸相傳內有惟魚每至及雨晦明即遊行空中及其年修浮圖吾家年頭素業坊曾登其巔俯視鐵缸乃空

洞無底始知所傳大妄此與輟耕錄所載吳江縣塔額二天同蓋習俗好怪流傳多訛等而上之註誤非小有識者不可不察也

除蟒

葉羽便蘇州洞庭山人也多力好武略初師白玉山海不傾心鬱不得志然玉山妻於南昌曾天成天成拳手天下無雙而劉綏又天成高弟羽便遂謝去玉山師天成初與鞋一兩以精鐵炭兩頭拳武飛揚較棍棒尤峻已又擊炭末俾燃紅徒手搏弄與炭俱盡而止羽便不勝痛楚天成曰舉業須敏當今上可截車鶴下可拾蟻蛾則臨陣可搏矢石矣吾道要妙不離飛躍二字俾難神會必高躍十丈橫躍十丈然後捷如振翻騰萬里雖貴育不如也女先學高躍天成悉心指授無何精練遂與縱埒天成曰觀女才技取功名如拾芥耳僕當與書草堂為女致身之階草堂即綬也歸未束裝而草堂已覆沒羽便扼腕無策因賈武昌漢口間亦頗獲息後客湘潭張氏既往收值張推故不與設計指引入無人之境四面皆幽篁窈窕蒙冢峭遠忽大蟒張牙來約長十餘丈羽便躍高空中舉武騰躍蟒勢殊兇猛吐氣如霧羽便飛揚百變已中蟒要害須臾跳擲而死殺滅山谷及歸張大驚怖謂羽便已死其畫見者魂魄也羽便直前擒之以數其罪良久得釋時眾已聚數百人驗之果然遂白邑令令齎銀一十二兩待以賓禮眾復請曰自蟒雜處茲土採山澆畝棄去之日久矣官缺于供而百姓坐困如是者七八年今受葉公之賜當肖像樹石俾居人世祝焉令曰可說竣題額曰姑蘇葉公生祠勸紳士曰葉公除蟒處羽便

說鈴 卷之十

十

才技取功名如拾芥耳僕當與書草堂為女致身之階草堂即綬也歸未束裝而草堂已覆沒羽便扼腕無策因賈武昌漢口間亦頗獲息後客湘潭張氏既往收值張推故不與設計指引入無人之境四面皆幽篁窈窕蒙冢峭遠忽大蟒張牙來約長十餘丈羽便躍高空中舉武騰躍蟒勢殊兇猛吐氣如霧羽便飛揚百變已中蟒要害須臾跳擲而死殺滅山谷及歸張大驚怖謂羽便已死其畫見者魂魄也羽便直前擒之以數其罪良久得釋時眾已聚數百人驗之果然遂白邑令令齎銀一十二兩待以賓禮眾復請曰自蟒雜處茲土採山澆畝棄去之日久矣官缺于供而百姓坐困如是者七八年今受葉公之賜當肖像樹石俾居人世祝焉令曰可說竣題額曰姑蘇葉公生祠勸紳士曰葉公除蟒處羽便

嘆曰嗟乎微曾師幾死于蟒昔草堂餉千金僕固不受耳然豈容
忽然遂行道南昌以百金為曾壽益不忘所授云

練氣

大學韓昌箕曾遇羽流自言修真二紀氣已練成昌箕曰如何因
起立日暉中從鼻吹息至許氣如一線長凝結不散尋復納入
龍

慈溪城外五十里曰孔巖古刹在馬厝樓甚軒廠崇禎甲申忽陰
雲漲天沙門觀雙龍入樓亟避之風雨驟至鼓如轟雷及雨霽登
樓恍然水雲滿目視之皆白鹽也遠近異之或曰此龍戰也易曰
龍戰于野其血玄黃孔巖禰立至矣未幾民亂遂藉其御

河間東昌瀕海之地晨起疑白如霜土人名為驗煎而成硝益

說鈴 卷雲樓雜說

十一

鹽之餘也

二

寧波府北郭外十餘里順治戊戌之秋村氓劇飲聞空中汲水聲
出戶乍觀見龍摩霄行雨雪濤亂湧而上徒侶共揮手叱之殊犯
龍怒倏然雲霓四聚將一村飄蕩人畜多斃至筐篋已空猶封局
如故云

鶴

諸生錢元覺家寓一樓北憲古栢蕭然有鶴巢其上昕夕往來飼
子殊不畏人已而失其一孤雌匿樹哀鳴甚悽斷若此者數日
忽一鶴驟至將飛入窠中孤雌屢逐之去未幾群鶴亦來翔噪而
散回視孤雌已雙棲若述不復相逐矣君子曰貞天性也往往移

于情鳥尚爾况于人乎

義優

義優者不知姓名明萬曆間在吳門演劇諸伶相謂曰聞某家有
樓宿輒死今夕有能獲者當以酒勞之入淨卒然許諾已而中變
小生副末亦如之大淨曰三人同往可乎眾曰諾大淨扮關公餘
扮平倉從初唱大江東家遙語之曰若爾崇不作矣遂兀坐至三
更聞樓下哭甚哀哭已登樓宛然無首屍也以兩手挈其顛直前
拜跪生若末心恻無措大淨獨唱曰女何來曰冤鬼江西饒州府
德安縣人羅姓汝俊名三十六年裝米三百五十石投楓橋吳觀
海售銀伍百餘兩而觀海致之死大淨曰女之冤固也然何緣登
其實曰行兇則家人吳富楊三也屍懸梯下用大石橫覆三年不
得伸唯大聖憐察大淨曰女既負冤崇何也曰冀獲申理不意皆
自怖而死非某罪也大淨曰冤當雪女真彼于法女姑息心以待
慎勿呈形害人以干天紀鬼唯唯而去大淨復戒二人曰市倘或
洩必殺屍滅跡則負此鬼矣翼日眾勞以酒第云止聞鬼聲語無
何大巡初蒞蘇撫君設飲范公祠大淨忽嚙指以血汚面當席語
二公曰本郡冤徹紫清閣某傳肯俾二大人昭雪二公愕然曰謹
受教大淨曰事恐洩奈何二公亟屏人大淨如鬼指盡發其隱語
既復嚼舌嘔鮮血而暈扶出始曉二公密遣丁壯二百名圍觀海
家并擒吳富楊三等一訊吐實發屍追銀如數貯庫三人者皆伏
辜舉郡稱二公如神大淨終不語洩大淨真智勇人哉

古桂

說鈴 卷雲樓雜說

十二

武康縣周家山古桂大可數人抱娑娑出嶺表清秋曠野馥香聞
十餘里遊人日甚山家苦之以桂售於人其人將薪馬道過周生
具以告生曰姑少待遂馳語邑侯賀元寬侯雅人也遂挈舟與生
俱見之大驚竟償其人錢樹得無損順治辛卯年有剽賊傷之而
槁居人數口盡歿

褒忠

順治中工科給事張請卹明朝甲申殉難諸臣五兆祥孟章明俊
義渠申嘉胤陳統德張慶臻劉文炳衛時春許直
制曰可每歲祭於九月十七日至哉
帝皇之度真卓越千古矣

禁娼

說鈴 卷五 雜錄

古

順治壬辰禁良為娼以表亂後良家子被掠轉輾流落樂籍故
世祖特有是命其誤落于娼者許平價贖歸却下甚快之

妓連蕙蘭因事繫獄曾以書于岳石慨有云含羞羞婦亭前獨
語語兒溪畔岳為致當必釋之一時傳為佳句

題竹

吾郡天聖寺畫壁趙文敏夫人所繪竹也筆致蕭森殊有凌韻有
題詩云數枝密葉數枝疎露壓烟帶秋雨餘宋室山河多少淚畧
無半點上林於林於竹名庚子山詩防露動林於夫人姓管氏諱
道昇字仲姬吾邑節山人嘗入觀中宮馬梅稱肯所題絕句甚佳
然則夫人曾中宮豈徒有渭川千畝耶

再生

陸遠字清靈郡人也善繪事工着色花鳥嘗得危疾絕三日始甦
言為人執去儼然公庭一人若監差狀恒左右之擇過同郡張宏
宙邢二石驚曰子何為至此言未既內宣言曰女未應來宜亟去
二石囑曰潘氏償我八兩籍中失記于告吾家母索也遠曰諾及
行次乃三連之衛遠知謝久之慨然曰中道而行既蘇問張邢等
皆遠病中物故因知二石所戒語其家伊子感頌曰正理此事願
君勿言僕當潛置之遠竟平復以壽終

義馬

義馬者吉水王禎所乘戰馬也成化丙戌禎通判夔州荆襄賊流
劫入境禎銳意往剿同知王某怯與禎不相能而指揮曹能榮成
素黨于王伴翼禎赴大昌臨敵望風遁禎陷淖中大罵賊賊怒

說鈴 卷五 雜錄

古

斷禎惡兼殘左肱以死其馬竟逸去奔歸府門闔長嘶蹏其局若
告哀狀守者入之血淋漓怒鬣盡頽蓋大昌去夔約三十餘里衆
始駭禎遇害然賊未解後二十五日始殮于廣貧不能歸將售行
李并及馬而王意在得馬竟不與值及攬行罪殮二十五日夜且
半馬哀鳴特異王命秣者加莖豆不止王疑秣者給已自起視櫪
馬驟前齧其項久乃得脫復奮首擣其胷仆王於地翼日嘔血數
升死賊既平有司正功罪兩指揮伏誅禎孫鑾為羅洪先言之如
此洪先初未信後十餘年得實為之記

雉巢黃

羽之擇深林以遠害也然鷓鴣則營木杪燕子則棲梁間往往為
蛇虺所慮而雉性不慧恒乳哺于山椒麥隴之上獨晏然無恙或

云窠底有雄黃黃氣遠射能辟毒物鄉人三月中徧覓之為市其取黃之法先以溺繞窠三匝從而掘之所獲約二三兩其價倍于他所但不審黃之由來為雉所啣而有手抑產于茲土而獲乎張彥先若在必能辨之矣

倒垂蓮

閩中有鳥名倒垂蓮形似鸚鵡其羽毛殊類孔雀恬粹可愛因睡必倒挂故名然書籍罕見豈東坡所謂倒挂綠毛玄鳳者與吾鄉有自津泉籠歸者唐子為余言之如此姑志之以俟博物者

故里

莊薛小而永寧州臨縣鄉民也年三十未昏者浴于河見大鯉因網中約重百餘斤若訴麟降而脫之鯉遊行作回顧狀躍波

事終 晉書樓雜說

五

而道後麟降上假寐夢秀才騎從甚都皆翩然俊逸揖麟而言曰予德于甚已請于家君將以妹室于幸勿辭麟懼然曰僕田澤人耳素不與君相聞何德之有矧喬野不稱敢辱君之妹乎秀才曰予不德河上之鯉耶予乃為門龍王第三子也化魚出遊為漁所困微子將歸予于市矣舍妹明覽真堪作速于何拒之深也麟聞之心憐曰水府殊賢妹何愛于僕蒙君之厚是速僕之死也敢辭秀才心志困出水晶一顆贈麟曰倘題為君于此禱甘雨可立豐也及寤而晶在焉早輒效說曰兩師莊老凡州縣贈遺皆却焉遠近甚德之國朝順治初年七十餘臨歿前三日復夢秀才曰君數將畫品應見還麟探懷予之秀才曰予仁且介當廟食茲土土人立祠河干顏曰放鯉肖麟像其中禱猶驗焉

奇症

先達李其姓歸德府鹿邑人也世為農家癸卯獲雋于鄉伊父以喜故失教大笑及春舉進士其笑彌甚歷十年擢諫垣遂成痼疾初猶間發後宵旦不能休大諫甚憂之從容語大醫院某因得所授命家人給乃父云大諫已歿乃父慟絕幾殞如是者十日病漸瘳伴為却語云大諫治以趙大夫絕而復甦李因不悲而笑症永不作矣蓋醫者意也過喜則傷濟以悲而乃和技進乎道矣

二

烏程苑莊顧文虎累葉簪紱習享豐和忽一日從家人持竹批解褲受杖二十後習為故常間用稍輕輒加呵責或反以杖杖之必重下乃乎快心如是致年漸覺疼痛而止醫者聞之曰過嗜辛辣發物則熱毒內註因成奇瘻適打散不致上攻否則疽發背而死矣此富貴人烟瘴也

狂婢

順治辛卯慶雲縣南三里村婢病癆不相容出外乞食數日忽作狂言言禍福輒驗遠近流聞競往問之有田生者素未相識即道其姓氏果居且曰于數日人耳幸至歸母雷也田生倉皇而去數日果歿又曰某月日河水將大上四縣胥沉百姓其魚乎已而果然此不知何言也

賀宿紀聞

賀宿字天士丹陽人曾作紀聞云余讀甲申紀事諸書載懿安張皇后事心竊疑之后事熹宗當魏恭福因証殺楊左諸君子后聞

之報不快及嘉宗崩後立懷宗嚴正有丈夫氣豈肯臨難以苟免乎然則野史何所聞而云順治庚子余至燕遇舊內侍王永壽曾管事宮中余問張后陷賊乎王歎曰傷哉此言也然亦有說當嘉宗時忠賢養女任氏京師小家女貌麗而心狡忠賢嚮之以進立為貴妃妃素見惡于后崇禎甲申李賊入京師宮中鼎沸后聞變一縊永壽色目親其死而任即感粧出逆賊給曰我國天啓皇也賊首信之即擁去事賊未幾賊倉卒行遁任潛挾金寶送出宮過無賴少年與之暱彼少年以為後慮京師不可留遂携之去絕跡數百里外居歲餘少年不善生產任所挾已登後語人曰我光朝皇后也鄉人不教臣白之縣令令聞於朝遂送入京

苑餘 卷雲樓雜說

七

華皇帝惡其行獲賜死其死之年月予老不能記矣余聞之太息良久乃知野史所傳實繁任氏非張后也微王卷辨之當世誰白其誣哉謹志其事以俟作史者傳信焉

按懿安皇后河南文學張國紀女特與選者二大監劉克忠秉筆選中后天啓元年夏大婚禮成后性賢明好讀書習字客魏深憚之誣稱非國紀女繫重犯王二所生幾縶宸聽忠賢陰令坤寧宮近侍陳德潤調后動靜日於乾清宮離間之三年后娠客魏盡逐侍史之異己者更人承應致損元子胎而張皇親又廷折忠賢逆奸遂遭羅織類聖眷未幾故得免禍后之嚴正有古賢后風馬懷宗即位封懿安皇后按諸書云上至南宮遣人詰懿安皇后所勸后自裁倉卒不能達宮中大亂后青衣蒙頭

原書闕（據筆記小說大觀補入）

徒步入成國公第夫倉皇出走必有導之者似非無據即如青衣蒙首宜無盛粧迎賊理則從賊斷為無疑特假后以自尊貴耳又按弘光元年會審太子問公主同宮女草叩周國舅門太子云叩門者我也則所傳后入成國公第何足深信蓋國初南北阻絕傳聞多訛而野史所載俱非目親當以王庵說為確載筆者其慎之毋忽

五里蛇

吾湖沈公某明萬歷間巡撫滇南初至文武求謁有翁將安貌甚醜性厥首僅存白骨絕無額準輔頰唯目光爍爍騰注公大驚獨留問故自言茲地蚺蛇千歲以上者高數丈亘四五里或七八里恒背遊遇豺虎諸獸則吸而吞之其子人亦然某曾夜歸覺為風攝去蹶趨而入如坐丹爐中萬火齊發腥穢且逼人某疑入蚺蛇腹矣亟抽刀剖之約厚五六寸任此蛇撼天搶地奔躍數十里外經時纔出而此蛇已死某通體殷紅頰上皮肉俱盡倦而寢及寤始寤開半載方愈此蛇約長五里山中人斃取脂燃燈今其骨尚存鱗大如筵惜某具體而殘為平生之恨公曰昔狄武襄破崑崙關尚衣銅面若狀貌魁奇見者胆裂樹功當不遠矣後繼撥開安將軍即驚怖逃匿果屢著勳績擢總副焉

金爐

西泠昭慶寺僧印如崇禎中自燕歸泊舟野寺見几上古爐金色爛然以為宣爐也攬十二金得之徧售不果適大賈見之驚問價幾何印如曰任所教大賈以石賦之極為暖實印如心動不傳狀

苑餘 卷雲樓雜說

八

之乃金爐也因斷而鬻之其所獲無算印如樂甚每獨坐笑矻矻不休未幾遂歿有徒曇初者曾授以黃金四兩後因四祿失之曇初竟鬱鬱而卒

版籍

金陵後湖貯天下郡縣戶口冊籍有明終始計一百七十萬本有清國朝止存萬曆以迄崇禎五年者餘皆廢或製甲煎火藥馬又議每本重四五兩值銀八分留之可得四萬緡遂散落為民間

高識

丹陽縣東關三里外有閣巍然萬曆乙丑進士荆某所建也上望漢昭烈暨關張北肩坐顏曰三義荆與董宗伯同年友適至張席

說鈴 琴雲樓雜說

十九

閣上飲甚歡酒半以書額請文敏唯唯然文敏雷半月以書法干文敏皆欣然應之終不及書額荆後介某為言文敏曰二傑翼漢誼維兄弟分乃主臣並坐竊所未安某非怪情毫素第吾輩詞臣恐冒昧書之無乃貽誚千古乎一時服公高識

梅龍

故蜀別苑在成都西南十五六里梅至多有兩大樹天矯若龍相傳謂之梅龍陸放翁在蜀時歲嘗訪之曾為賦詩云兩龍卧穩不飛去鱗爪脫落生莓苔蓋狀其偃蹇如此

白鷹

順治乙未高麗國獻白鷹按號茅鴟也似鷹而色白高麗國產白鷹諒不與號茅等然玉立雲飛清秋高落寧不為真賞所珍耶

劉氏老婢

慈溪縣劉仲昭家有老婢曾大父幼時人也頗如五六十許少曾過道人授藥一丸吞之永無疾厄亦不記某甲子為生辰若絳縣老人忘年狀但憶若干歲時倭犯慈水曾抱小即君避某所獲免小即君即仲昭曾大父也從是年推至康熙戊申則已百三十八歲矣

祁禹傳

歸安茅鏞鹿門先生第三子也字右鸞遠才曠世偶同諸友諧謔枚舉平生可人以志奇過鏞啞然笑曰頃獲所聞過則過矣未足云奇也世有一人而百過盡屬妙麗斯為奇耳諸友曰昔人陳述第筆塵所不聞信若兄言願一披讀鏞曰此種異書欲閱殊未易

說鈴 琴雲樓雜說

二十

也兄當以春缸沃我耳衆曰唯唯兄固不可食言然鏞實無此書暮歸即鳩工匠及內外騰寫者百餘人廣廈列炬如畫鏞危坐其中或以口語或以手授隨筆隨刊蘇學士手腕欲脫亦不顧也天將曙而百回已竣序目評閱具備因戒閣人曰昨諸人來第言宿醒未解俟裝釘既就方報我遂入內濃睡閣人如鏞指而諸友息肩書閣午後始晤鏞投以書五束題曰祁禹傳結構精妙不可名狀而千載韻事一人徧焉諸友曰才人妙手如萬斛明月從空散落可謂風流之董狐矣鏞曰篋中尚需幾帙明日當奉諸公衆方欲鵬鱗固辭乃止後聞鏞一夕草就莫不驚嘆而鏞屢讀棘園曾能博一第或以為口過所致云

易形

明嘉靖間倭紅嘉興府崇德縣皂林塘伏屍橫野有無賴抵屍所
欲檢衣帶間物迨丙夜先舟舟而來其人匿樹杪見一童子携燈
一老人隨後逐屍翻閱無首者弗顧也獨一屍體甚豐碩老人解
衣裸身扶屍如人立交口相向隈抱片時老人遽墮地屍已蠕蠕
動矣忽起立披衣著冠履燈而去其人甚驚怖明日語人如此蓋
修練之人年力衰薄特易形以資壯盛然猶已僵者更有生人易
形尤奇崇禎中淮安府安東縣閩廟僧與其徒共居師年五十餘
徒年二十許耳是時師往海陽其徒在焉有僧來止宿年七十餘
明日設供祝其徒曰欲與師兄假一物不審見允否曰須待師未
越日又設供語其情至其徒許諾是夕同寢夜半排闥而去其徒
晨起詢隣曲衆咸說曰尊師何利幾時飛錫到此其徒曰小僧即

說鈴 警雲樓雜說

主

本廟某也衆又說曰不意如許少年一夕遽成老醜其徒携鏡自
照不勝悲慟不數年而卒此皆異端奇術未可以理數測也

柳州獄

吾師長興欽爾莊典臧某友善臧後成進士任廣西柳州同知城
止有一子甫年十四娟靜明秀甚愛之以二百金為費伴師爾莊
然爾莊曾渡太湖舟覆聞空中神語云欽秀才當覽柳州府獄茲
非畢命之秋也盍拯之遂得緣木救岸恒向臧言之徒憶前事辭
蓋臧威後疆之曰死生命也他慮固難測若狂欲弟之職耳脫有
意外之變獨不能庇故人乎爾莊釋然同往已經歲餘臧出按旁
郡爾莊雷書齋忽以硯擲公子傷額死夫人甚哀之下爾莊府獄
太守訊其由爾莊曰適見鬼逐公子至擊之因誤傷公子太守姑

緩之以待臧來臧遂聞嘆曰嗟乎此定數也欽何罪促令引出而
爾莊已前二日死

雄之卵

歸安縣孫在豐年十六入庠冠軍過雄雞生卵而學書來聞家人
疑不祥以雞作供而投卵于河婦氏聞之惋惜曰此佳兆也俚他
日必作狀元雞宜蓄之奈何并卵而棄耶庚戌以第二人及第婦
氏之言不誣矣

三兒友信外父馬元成像人沈相家畜伏唯忽抖撒作勢毛盡
落已而赤憤岸然化雄矣因白邑侯王公公以為禎也厚給之
然馬子雋才困棘闈者數矣豈應有遲速耶

非烟香法

說鈴 警雲樓雜說

主

烏程南得董說字若雨常立非烟香法使百草木皆為異香意奇
矣其作象香評云蒸松黛則清風時來拂人如坐瀑布鼓中可以
消憂蒸梅花如讀鄴道元水經注筆墨去人都遠蒸蘭花如展荆
關氏畫軸落落穆穆自然高絕蒸菊如踏落葉入古寺蕭索霜嚴
蒸芍藥香味懶靜昔見周昉倦繡圖宛轉近似蒸荔子殺如辟寒
犀使人神煖蒸嫩欖如過雷氏古琴不能評其價蒸玉蘭如珊瑚
木雞非常物也善震懼人蒸薔薇如讀秦少游小詞柔而艷蒸橘
皮如登秋山望遠蒸木樨如諸河南兒寬贊挾篆隸古法自露文
米蒸蒲蒲如煮石子為糧清瘠而有至味蒸甘蔗如高車寶馬行
通都大邑不復記行路難矣蒸薄荷如孤舟秋渡蕭蕭聞雁南飛
消絕而悽愴蒸藕花如鼓琴得緩調蒸蘆香如坐鶴背上望齊州

九點烟耳殊廓人意蒸艾葉如七十二峰深處寒翠有餘然風塵中人不好也蒸紫蘇如老人膝背南簷時蒸梔子如海中壓氣成樓臺世間無物髣髴蒸水仙如宋四靈詩吟絕矣蒸玫瑰如古樓閣樓蒲諸錦極文章鉅麗蒸茉莉如話鹿山時立書堂橋望兩後雲烟出沒無一日可忘于懷也說著高鹿山故云

底人

榕城任氏柳州別駕其孫女也年十八豫章余真卿慕而娶之任居閩多所匡益時順治丁亥真卿下鄉捕民之未髮者甚急因反戈創焉追獲九人及署威怒而胥之入且將殺之任聞真卿以怒不貸也徐徐而請曰民愚何知因縛急求脫非欲甘心於公也公盡少原之而開以更生之路真卿拂衣起曰幾中我指彼死已晚矣何相寬之甚也任復歛袂進曰公惠南紀所活者千萬人矣何新一赤子而不宥其自急乎真卿意遂解顧如其髮何任曰此易易耳幽之園而截其髮以訊則索然禿矣九人由是得釋明年任歿有異徵惜哉年之不長也

放雲送靈

放雲詩明寧獻王所造也王諱權號臞仙每月令人往匡廬最馬處囊雲以歸弄雲齋障以簾暝日放雲一囊四壁氤氳動如身在崑洞飄然有凌雲想送靈詩周憲王所造也王諱有墩按汗土風俗每歲遇靈初下則以小盒子盛之送親知以為瑞或舉觴歡宴尤宮中所尚也

桑

古者中原以北皆帝王至化所漸其為桑土甚闊今燕齊間樹桑絕少連畝者桑葉開遲于南中而詞蠶在容室不生火唯清豐縣蠶特盛耕桑國之大計希心經濟者當令民事遵三代之遺兼通于今日而無弊則東南之民力紓矣

巧昏

唐世涵郡之烏成人年十六為諸生英英欲上父實甫與澤昏而中表顧館周氏周固素封顧以伊女為請而周之戚屬黃敬甫與唐善佐之周遂允焉及卜日下定顧因與黃俱之周氏忽鍵門弗得入聞無人敢及訪比鄰知彼婦為弟誕以唐貧竟夜辱周老不得寧周老且晨出不知所往二人既無可奈何謝者久之愧無以報實甫黃卒然謂顧曰寒門雖貧而小女願惠淑於周非敢自

說鈴 卷雲樓雜說

香

媒聊以解辱命之罪唯足下圖之顧具以告實甫實甫大喜從之且邀黃樂飲而罷世涵年十八登第明年丙戌成進士授崇明令娶婦之任道經周氏其女尚未字世涵固年少雋才而黃女容德無比為一時冠絕周氏婦幾恚死

花開不時

郡中施清善繪事庭前有玉蘭二本當春搗清力培之入夏與菖蒲爭妍賦詩志異康熙丙午十一月吾邑吉祥菴牡丹開十一莖士女遊賞者甚眾已酉春予移植梔子亦憔悴殊甚夏抄素芳爛漫較勝昔時乃知百卉隨感衰而枯榮開雖不時無足異也

石獸

臨清以南運河築閘開左右皆鑄石獸虎首而鱗身其足四其爪

五蓋天吳之屬以壓水性非虛設也

雷火焚樹

吾邑檀家園有樹大可兩人抱康熙辛酉秋七月為雷火所焚人競以水沃之火益熾以樹盡而止按五行水火相生大都柞櫛之屬時當秋令偶與雷火相觸故烈焰莫遏也或曰梓樹余未知然否俟通于物理者考之

來著

蘇州許松侯順治五年從京口抵蘇有客朱求與共載既而泊舟狹小鋸登岸黃昏待骨二具求治竟日而成箸二十雙問何肯曰駝也松侯目之曰嗟乎此人若耳何相欺之甚也朱吐實曰作獲之灘上誠如君言顧晶瑩可念所之者花紋耳明日至錫山即售

金 朱雲樓雜說

重

其半而食飲齊豐矣松侯問人與駝有異乎曰駝色白而少神人則瑩澤差勝曰人亦有異乎曰入地久則脫察則枯皆不任劑畫久而黃絕類舊牙婦人膩滑光悅然不知男子豈而多料也曰專諸巷有售者乎曰象既希見駝亦難得是所在都有人自不識耳曰此事一發罪同刑人誰敢致此乎曰丐數輩擅其利久矣且隨貨高下與值何憂不獲哉君子曰人著之多乃爾若之何不胥天下而劑也悲夫

來鶴樓

錢塘茅狀元瓚構宅宏殿中有讀書樓楹曰來鶴冀枝卜不遂飲瓶而卒其宅後售吾郡沈文定濯竟符來鶴之語將毋識耶

瑞雲峰

袁宏道園亭紀略云徐岡御園在園門外下塘堂側有土壠甚高多古木壠上有大湖石名瑞雲峰高三丈餘巧妍甲於江南相傳朱勛所鑿繞移舟中石盤忽沉湖底竟之不可得因未米行後為烏程董氏購去至中流舟覆募善沒者取之頃史忽得其盤石亦浮水而出今為徐氏有范長白云此石至夜分間有光燭室石亦神物矣哉

裙帶問火

吾郡驥村嚴氏女適吾邑徐尚介乙夜解衣欲眠忽有火自裙帶間出轉指至榻前晶瑩流落漸微而滅時明崇禎中事也此與耳談載張給舍事略同王行甫謂非壽必貴然尚介宦靈山知縣而嚴已早卒纔三十餘女適徐杭嚴都諫未知果何徵也

說 朱雲樓雜說


三

鹽之餘也

二 寧波府北郭外十餘里順治戊戌之秋村氓劇飲聞空中汲水聲出戶佇觀見龍摩霄行雨雲濤亂湧而上徒侶共揮手叱之殊犯龍怒倏然雲霓四聚將一村飄蕩人畜多斃至筐篚已空猶封局如故云

鶴

諸生錢元覺客寓一樓北憲古栢蕭然有鶴巢其上昕夕往來飼子殊不畏人已而失其一孤雌匝樹哀鳴甚悽新若是者數日忽一鶴驟至潛飛入窠中孤雌屢逐之去未幾群鶴畢來翔噪而散回視孤雌已雙棲若述不復相逐矣君子曰貞天性也往往移



石里襍識

石里襍識

新編卷第

吳江張尙瑗損持著

燈譜

新淦諸生楊逢年暇日遊邑之西禪寺有行脚僧投
 齋長七尺餘方頤白齒耳垂肩瑩潤如玉逢年異而
 指之稍與言詩意甚淡僧爲書其扇云住山人也學
 樵衰細柳新蒲感慨長破衲漫收離亂草錦囊誰裏
 太平香芙蓉靜繞埋名地薜荔陰遮避世墻記得陳
 芳神誥語端稱工部是詩王署曰粵東燈譜叩其行

昭代叢書

丁集

石里襍識

卷第十八

一

世楷堂藏板

新都軼事

雲峯者雲南永昌衛之山也先是滇人謠曰雲峯開
 狀元來及楊升庵謫戍至其地乃誅茅居之若黃州
 之東坡雪堂焉有僧方構佛刹頗巨麗乞題于升庵
 大書曰大鼻佛寺僧默然以爲侮已遂別爲名而額

之積歲雷震寺前之巖石佛出焉鼻雖然而鉅驚稱
 楊翰林爲仙新都楊氏故居流水繞其宅形家言卿
 相蟬聯不絕文忠公十二齡鄉舉十九成進士父春
 後三年方第而升菴弟惇恒恒之子有仁皆進士忱
 乙科張孚敬授意守土者堙之爲陸自是科第衰息
 康熙四十年間新都令某夜夢偉丈夫朝服冠進賢
 詣之曰治生有難幸老父母救之遽驚寤弗顧復夢
 如初乃起呼吏胥問之曰楊文忠公改葬賜塋去郭
 二十里比者發塚賊蜂起或亦有事乎乃集民兵趣
 之果獲盜聞于撫臬斃之杖下蜀人郭于蕃李希潛
 先後爲子言若此

昭代叢書

丁集

石里襍識

卷第十八

二

世楷堂藏板

科名符古人

嵩陽襍志明孝宗丙辰春京師民某夢文天祥至其
 家人門卽仆未幾朱公希周來主其家偶下樓失足
 良久而甦遂狀元及第益文山乃宋丙辰狀元也太
 倉吳偉業初生之夕其尊人夢緜旗鼓樂送區入其
 第爲鄧以讚三字旣而梅村先生崇禎辛未會試第
 一人殿試第二人及第則定宇先生固隆慶辛未會

元榜眼也子同門華亭王爽生于崇禎戊辰其夕乃
祖夢有容訪其孫者投謁曰年眷弟曹勳拜我雪是
年會元也喜謂其孫當早發與新榜元仕路齊驅或
曰是亦當領袖南宮後后張潦倒場屋至六十一成
進士在康熙戊辰夢兆始驗

出彭同登先兆

湘山野錄載嚴儲子蘇易簡榜下登第易簡初生儲
曰舉進士與易簡之父善洗兒之讎日者決之後乃
驗又宦遊紀聞李智夢與張輝同舉時輝尚稚齒及

昭代叢書

丁集

石里稜識
卷第十八

三

世楷堂
藏板

成名而智已丑十三吾邑沈令聞嘉靖乙卯鄉薦捷
音到門尊人方舉幼子季文有談祿命者在坐出年
甲令推之賀曰是當早發與長公共通籍而爵位高
出遠甚令聞聽然賀客滿堂皆嗤之後令聞屢不第
改名孚聞竟以萬曆丁丑與季文同榜進士孚聞仕
止縣令而季文內外敷歷至河南巡撫

張涵

張涵者初不言姓名詢川督姚締虞于成都市臬使
趙良璧語成都守萃而禁之翌朝仍遇之市中以責

獄吏獄吏驚省其所狴戶扇如故委械具于戶中復
繫而加嚴焉夜分復逸出乃以其妖白良璧良璧召
而與之語窮日夕良璧故好誕為易衣履贈之十緡
遣之至市中輒散其緡悉以予饑寒者棄所賜衣履
服做垢仍其舊而姚督則以旬月物故人乃喧異焉
去而之他邑里往往詢其長牧所詢者輒失位或死
皆畏而厭之重慶張姓者獨禮敬館諸其家浹歲丁
丑冬暮辭去謂主人曰君有厄我當為禳索紙書曰
天不怕地不怕臘月十三真無那雅州張涵去後重
慶城一片白壩白壩者土語無子遺也粘于中楣行
渡渝江以所攜櫻團置水面坐其上亂流而濟五里
達南岷真武廟聚觀者如堵逕步入林麓遂不知所
之是夕巴郡灾延燒七門惟二門不及即臘月十三
日也張姓居舍在燎原中巋然竟無恙以所書珍而
什襲之乃知其為雅州張涵云

前生

濟寧邵士梅字暉暉順治己亥進士康熙戊申春來
令吳江年纔三十餘上事浹月輒以病辭詢太湖村

昭代叢書

十集

石里稜識
卷第十八

四

世楷堂
藏板

蔣姓點酒嫗家果有其人卽造之嫗七十餘矣一子某呼而謂之曰我前生汝家翁也道其生卒之期歷愿並舉數事皆驗嫗與子乃噉然而哭問翁葬地不遠具三厄醉一厄于墓而自齏其一曰過去身與現在身酬酢人生若夢安知夢中人不又占其夢耶因出薄少贈其家而去按王錡寓圃雜記景泰中黃巖林一鶚爲江西布政嘗中元日晝寢夢一婦人祭之寤而所享之味若在齒頰卽命吏物色之果于某村見一老婦祭其故夫紙灰尙未寒問其祭物閱其家

昭代叢書

丁集

石里襍識 卷第十八

五

世楷堂藏板

中器具以復于林與夢中無異而夫死之年月日卽林所生之年月日也然則羊祜金鑲之事洵有諸乎

暉南田

武進暉壽平號南田工畫卉木翎毛于皴染纖悉中含生動之趣吳下以筌鸞目之每幅輒自題小詩書法學褚河南最爲邁美蘇常道祖澤深屢招不赴乃檄縣令桔之來拳杖并加幽局兩晝夜徐贊善健菴方家居聞而親往救之僅得脫與倪雲林受辱于張士信畧同自是南田聲價愈增矣沈白石應蘇州太

守之命畫屏瑯襍備伍運筆無忤色曰庶人往役義也長卿慢世井丹高潔亦各行其所是也夫

諸史舊本

漁洋王先生以徐虹亭檢討許以吳越備史鈔本屢械信轉索其實虹亭未嘗藏是書也第見之武林某友人家耳錢東澗稱蒲陽會齋雲在史館親見謝承後漢書爲德清少師取去問之後人不可得康熙癸巳泰和梁機公車歸云於桐城姚士陞邸舍見所攜王隱晉書蓋宋板也襄平蔣一臣兄弟近刻荀袁兩

昭代叢書

丁集

石里襍識 卷第十八

六

世楷堂藏板

投珠

石崇擊碎王愷二尺之珊瑚樹自出其珊瑚高三四尺者六七株誇靡鬪富今古艷稱明末金壇于鼎字子重大名兵備道文熙之孫也于故爲邑甲族子重性豪侈嘗與賓客縱博坐水閣有富家兒求入其曹

先使紹介通意以利歆之子重曰君有何珍異堪與
我角富兒出袖中美珠數排長三寸止十粒者光彩
溢目子重接而投諸池舉坐皆驚子重叱侍童啟篋
取珠示之其大徑倍如所棄之數償之曰汝細人不
可免吾坐纒然入內其人色怍而退近廣僧大汕居
太平門其地有十三行瓊洋賈胡所集嘗爭珠而鬪
大汕問其值曰百金卽取百金買之手鐵椎椎碎其
珠自詡于人擬庚桑子之毀璧此小巫未見大巫也

天官坊

昭代叢書

石里襟識
卷第十八

七

世楷堂
藏板

吾邑北關天官坊爲周恭肅公立規制庫小子兒時
過其下輒訝之旣恭肅曾孫友醇翁與家君從容道
其家世事曰上塘之李都憲第連街跨陌皆恭肅手
構也當堅侯先生總制兩粵時宛轉圖購之甫成賈
時周氏曰惟先人之綽楔鉅麗甲於邑中幸無墮敗
乃可售李亦唯唯未幾中夜撒之詰朝喧傳邑中周
走控之官李曰物聽主裁幾見周仍殷社者哉邑令
尹猶以名臣遺蹟量斷隴西具貲復建于公所卽今
之最爾者也嗟乎李恭敏之坊薛德昭必去之以爲

快庖子山入朱玉故宅且自敘以誇于世者誰能有
此心事耶

滑縣茅店

陳際五翁宰滑與大名守邑子周起三不相能時徵
排門稅充餉令甚嚴滑鄉村有逆旅二百餘間結茅
以宿行者徵之則一間一戶也憫其情貰之大名道
行縣周密論導者道經其村前一日際五知之窘無
以策其孺人顧曰易與耳問茅店之值幾何曰店二
金卽具五百金使人夜至村酬其值而火之翼日觀

昭代叢書

石里襟識
卷第十八

八

世楷堂
藏板

察至見瓦礫場訊之土人告曰半月前不戒于火故
至此屈指其期在報徵之前事遂已此與澠池道中
瓦甕塞路劉頗償縑碎甕以便過客作畧相同而智
出閑房尤爲足羨

角力

枝山前聞角力記所載勇力之事賊人聽聞其稍近
人情者爲尤六十人不識與競六十不怒第好言哥
且來引其襟衫近廊簷手掣柱壓裾于其下人服且
懇乃舉柱出之此吾宗明叔所嘗爲以爲戲者也明

叔子子為兄行而齒長于吾父業畊混名蠻二居梅
堰界王江涇震澤間為嘉湖孔道鬻私鹽者經其地
明叔立飛次邀之伸一掌託百斤石曰日曷分惠任
汝行乎人輒舉其包投其白乃笑而謝包重百五十
斤浙鹽定則也若少與之則夷然託曰不動私販之
徒謂梅堰有抽分例矣此康熙初年事今墓草久宿
云

登華山人

韓文公登華山巔不能返慟哭遺書華陰令百計取

昭代叢書

丁集

石里禱識
卷第十八

九

世楷堂
藏板

之乃下公體素豐肥無濟勝具故耳近有彭荆山棲
華山絕險贛人魏禮訪之直上四十里手鐵索蹋飛
磴高于昌黎痛哭處十里

齊希特

太宗皇帝崇德二年丁丑蒙古貢獸名齊希特能知
人語蓋角端之屬徧示羣臣

漢梅唐梅

舊傳吾鄉太倉畝園古梅下可置十四筵不知其起
于何時贛南道陳松巖述滇中有漢梅唐梅乃千餘

年或數百年物唐梅在提督中軍官署中冬月花時
置酒數席于其下碧葉瓊葩高張布護坐客如在幃
幕間雲日皆外來者也漢梅則在郊野枝間架板為
臺恰容四席梯而登之賞花之人與花上下此間他
梅皆浴抱輪囷蕊大如酒樽自餘卉未蕃茁瓊偉洞
駭觀眎牡丹高數仞挺發檐外張功甫椿杪接栽殊
費人事矣

寶井

丙大臣明公有紅寶石徑五寸室中視之微似黝黑

昭代叢書

丁集

石里禱識
卷第十八

十

世楷堂
藏板

映日則丹耀煥發矣門客親申宜滇南者出是為式
使覓之至四年弗得懸價三千金市買所呈二三百
金而止皆短小邪曲禱以瑕類求其瑩徹合度無有
也寶井屬騰越州州為滇之極邊井去州城五百餘
里荒遐巖峻絕無人煙採寶者結伴裹糧攜兵械而
往或弗至至而無獲獲而歸途仍喪于猛獸瘴疫盜
賊者多採之之法井在萬山中攀援陟降而後入深
數十仞長繩繫身操椎鑿赴之得石一塊即出同侶
共擊數枚不敢復留歸而日磋磨焉晶瑩則寶出鉅

細隨所鍾如粟豈者亦寶也或質本鉅而推傷之難得二三十寸者就中最佳者常價之二三百金者也客終以弗能恆貴臣意爲恨嘗求之未已

棕船棕輿

庚午辛未間有尋陵嚴總戎者歸吳門聲伎服食師心造竒以櫻覆船施于山塘遊舫之上製似茅亭體方而船身宜長乃于前後積土栽花隨時易之又如小亭間榭矣華亭靖逆侯喜而倣之遂盛傳江左丙戌丁亥贛州楊總戎復仿其意以飾乘軒每歲權使

昭代叢書

丁集

石里稜識
卷第十八

七

世楷堂
藏板

至或巡離假道多以贈之由是嶺嶠遊閒頗以棕輿爲美

龍船神

贛俗多淫祠而龍船神尤爲鄙妄圖像于屋壁頭大如輪頰顏皓髯金甲蟒服侍從吏卒篙工楫師以百計長不盈尺以形容神體之鉅視長狄僑如數倍矣土風無競渡屆端午則喧金鼓糜牲醴以祠神舉國若狂賭博鬪毆叢生其中里民曾某牒縣請禁之贛令楊玠如其言戒飭間并不逾旬曾某病發譖自言

龍船神憑焉闔室妻子皆病譖語無異詞令君往觀則詢怒熟視無如何巷人復相率祠神曾病良已嗟乎此所謂不熄而謂之水不勝火者也會稽民以牛祭神食牛而不以薦祠者病且死爲牛鳴第五倫爲太守曉諭百姓有妄屠牛者執行罰所屬以安良吏無伯魚其如龍船神何哉

高映厚

南唐李後主進畫牛于宋太祖畫在欄外夜入欄內詢之畫者以蚌胎將成珠者憑津調色畫隱而夜現

世楷堂

丁集

石里稜識
卷第十八

七

世楷堂
藏板

土州

燃出則熄屢燃屢熄其炭無損較之無灰之薪尤異

土州吏目治漢人士司治土人漢知州不事事相去
數十里爲官署歲收所輸官稅遇應襲報名官死襲
職或仇殺用兵士司移文相告爲之轉達平居給膳
度日年滿候陞而已土司知州乃世襲髣髴古蠻夷
小國自擅生殺其官屬首老土人最尊次首大四人
次曰都老曰耆老曰權戶曰權工無禮兵刑者兵刑
自有主者而禮所弗尙也州之峒甚多每峒有峒官
有頭目有小目主兵之官曰內兵與首老敵體一人
中軍一人先鋒二三四人有七總總旗總槍總砲總

略代叢書

石里禮識
卷第十八

圭

世楷堂
藏板

甲總鎗總刀等也兵無弓矢又有八把有馬房馬房
之官曰甲槽曰馬排首老以下文職也內兵以下武
職也峒官則縣令巡司也各得專刑殺首老子弟送
名知州補頭目等職次第遷轉送名注籍餽獻甚厚
每州輸官稅歲三十六金爲重額遞輕至二十金而
止所取於其民蓋萬數而羸地蒸濕不可居人皆棲
樓上名樓曰欄欄以竹爲板躡竹梯而登厨爨皆在
焉錫爲三足若古之鼎鬲親朋相訪率對鍋而坐衣
內必繫刀袞則置掛褥中晨起卽佩之羣居意相摺

或再口輒擊刀而起遂相殺性習相沿童子四五歲
父母爲之鑄刀婦人裙曳數尺行則手挈之或易以
短者必發疫癘云製自伏波將軍靈不味也製土字
其人自用之不以示漢人愛重中國書籍懸書畫爲
清供中國人士客遊者禮敬備至土官必延中國人
爲師教其子弟重價買中國人女爲姬妾寵則薄其
妻妻怒或以盡毒賊殺夫而利使子襲子幼母得肆
志與所延士人爲偶亦不忘人知也土官之考終者
亦鮮克中壽由少成縱欲使然然自南寧泗城以下

略代叢書

石里禮識
卷第十八

古

世楷堂
藏板

與交趾鄰接境域遼廣珍異儲積匪亡命前代逸民
頗遞述其中藏書有中土所未觀者幾幾乎何驪雞
林之遺風矣

魚羊其谿

安遠質管村濂江所經有狐狸石峯然磊嵬江至此
深不可測巨魚慘穴其中有長至數丈者次亦三四
丈鼠留無所施容蓄浸長石之陰爲石羊穴嘗有羊
出穴口人見之輒走匿穴深窅而窄其外無有鑿窺
之者羊或三四歲一出或一歲二三出見則其地多

有吉事以為瑞羊焉墳羊與鮪穴萃而為一而僉俗罕有傳之者渭源之鳥鼠同穴向未有對者以魚羊共谿當之天然儷偶云

木石理梅菊

宋孝宗尊養上皇于德壽宮北賈獻犀帶一帶十三鈔鈔皆正透一壽星扶杖立以為元日壽厄之侑蓋其犀通理故良工鋸而得之也雍熙初蜀李玟遊青城山溪水中得石如雁卵光黝溫潤一日墮地而碎中空容合許物皆雕刻龍鳳雲木之形文理纖妙殆

昭代叢書

丁集

石里襍識
卷第十八

五

世楷堂
藏板

非人工吉水永豐有石青質而黃章章為菊花金英燦然如畫石角剝缺處無內外之別康熙某年一縣令將昇之歸重不可輦亦迫于輿論而止醫者金左穀為予言之未陽杜公橋橋石黑上有梅一枝其色獨白雨後可鑑為一令所攜而去出廖元度詩註吾邑金息齋太傅林下時西泠僧餉以杖質如茶條梅英滿其上正側俯仰含蕊殘葩態無不具吳下巧工固善于作偽截少許試之中邊如一皆造物之奇也

剛巴兒

峨眉雪蛆之為珍味今古馳稱陸放翁云實出茂州

雪山四時常有積雪蛆生其中能蠕動周公謹云一

名冰蛆大如指康熙庚午辛未間裘纘松園為榮經

令蜀撫噶爾圖令覓剛巴兒貽之札云剛巴兒形如

貓毛色白有血以四五月間山雪消時隨流而下若

與蛟龍交便化為龍邛雅遍處西極雪嶺相通以肥

為佳得之亟酬所值不損清俸云云裘乃謀之其地

之茶商茶商者主承應蒙山茶稅與烏斯諸藏通市

蓋巨賈也商云是誠有之但不可限以年歲生沍寒

昭代叢書

丁集

石里襍識
卷第十八

六

世楷堂
藏板

巖壑中稟至陰之精為烏斯藏所收華人未識其物
裘乃宛轉復命于噶而寢之比歲復往謁噶語之云
已得之陝西界中矣

乩仙

常德人有為扶鸞之術者所言多中詎諧間發譴謎
不常康熙癸酉鄉試臨場諸生以闈題為詢答曰老
驥登高甚勞力則首題驥不稱其力次譬如行遠一
節三或勞心七句也學使者將至示某縣曰日日能
存赤子心又示某縣曰強把金針作釣鈞則一為童

子六七人一爲子鈞而不綱也一日方降此叩其名
曰趙酒鬼衆鄙嫉之乩遂寂然乃復焚符虔禱必得
高仙來降以快衆望良久大書曰呂純陽子是禮拜
盈座且開風攜香茗酒果來獻者乩曰諸生靜聽吾
當與論科名得失遭際始終各磨墨一椀以伺則競
研墨盈椀齋捧虔肅乩復曰各飲之以開汝靈竅無
不立啜至盡遂又大書曰並非呂純陽仍然趙酒鬼
平日不讀書今朝飲墨水無不失色垂首而散

仲氏英爽

明魏闢亂政有太學生張姓者具疏請以魏忠賢與

七

世楷堂
藏板

孔子並崇入國學見子路擊之而死康熙辛卯科江
南鄉試舉子溢額入闈者至三萬人號舍無所容貢
院西隅卽上元縣學也闈而通之布席舍于兩廡襍
還無所檢制或取先儒木主爲臥枕有史姓之生若
空中爲人所掣曳擲于院牆之外黎明醒寤身在欄
柵溝巷間踉蹌歸寓見者駭矚矣巡綽官役得其原
卷及考具于坐號中乃其足纏所裹爲先賢仲子神
位也喧傳無不歎息

遺體

范長白少參暮年得子雲成親族或以爲疑彌月湯
餅會羣往賀焉有媿譽其肖翁者長白舉兒趾示之
曰他處肖老夫不足道惟駢拇雙趺真酷似耳合座
歡呼嘖嘖而服吳梅村亦過五十始連舉三雄項皆
瘰癧痕元朗嘗告子曰此先司成遺體也樹鬚藝眉
之說古嘗有之未可以嗤癩人夜半之燭其子矣宋
魏道輔家世指少一節姊嫁曾子宣曾氏子孫遂皆
肖其外氏先王父額有旋髮伯父家君以及諸姑皆
然逮某兄弟子女無不旋髮在額者

偽晴

杭州張存幼損一目後遇巧匠爲安一磁睛障蔽于
上人不能辨其偽吾邑吳燕勒先生目偏盲崇禎己
卯鄉試有召乩仙決數者問今科何人獲雋乩大書
一貴字榜發見吳名乃悟爲中一目人也燕翁嘗懷
杜子夏之恥亦命工以偽睛置眼胞中人視之炯然
雙眸但微有動定之別一日晤縣尹茗談偽睛忽墮
茶甌中聲鏗然里中傳以爲笑

報恩寺叟

康熙丁丑江寧報恩寺塔燬相傳建塔之初有副材藏於地寺僧如記發之不夾乃擇吉重構焉塔十三級崔嵬造雲一匠架木登其巔失足而墜暈絕不能救肢體傷斷膏血淋漓僧乃署于門曰能活匠者酬二十金自旦將晡矣有叟曳杖攜筐而至叩僧所懸購金陳于前乃出藥一匕抉死者之口以湯灌之逾時而蘇復以藥傳傷處遂懷金而出時工築馳走觀者雲集成聘貽相對莫測其所從來有浙人祝姓者

昭代叢書

丁集

石里稜識
卷第十八

九

世楷堂
藏板

潛尾之既昏黑行二里就宿旅舍中與之偕宿詰朝叟往市鹽米什物挈負以行四十餘里踰危岡入仄徑山村不數家造所居啟扉而入躬汲而爨以食祝子屏息伺門外久之膝行頓首上謁叟驚感曰君何恭之繆也祝子曰仙真難遇塵世難度某遇真仙而求度惟大慈加憫惻焉叟笑曰君過矣吾能仙豈受酌金者吾偶得方術活餘年耳然紆累君亦甚矣攜飯可同飽速歸毋涸公事祝子飯訖復請受業於門傳其術麾之歸固請不已叟乃曰吾之方書非百

金不售君能辦之乎曰古有萬金良藥亦有千金方叟不靳以百金傳於某幸矣但某從浙右貿絲於金陵所挾僅百金願期以三日叟許諾則於質劑之所盡所售之絲收其值三日而備齋以詣叟叟捧書而出襲錦為囊牙籤繭紙裝寫精嚴焚香頓首流涕而告曰此吾始祖黔寧昭靖王所貽也先王用師麓川雲南近夷不服者討之愛將某先登死焉先王怒親冒矢石而破其峒獠羅千餘人將盡屠之皆號泣乞命先王曰汝干獠豈易吾一良將耶曰願活某將軍以自贖先王曰死矣復何活曰體未殊也峒中有方藥跌打殞斃未逾三日者皆可治即命治之果復活乃貰衆罪而取其方且與約出所藏書焚之不傳于峒中吾黔國子孫惟襲爵為公者世守之支庶勿與知以至於吾吾祖天波盡節水西舉宗我絕吾子身流離遷迹數十年今老且死矣感君之誠而授焉行矣自愛祝子受書歸家試之輒効復貿絲赴金陵訪叟居則他姓處之矣問之村人曰老人固來此未久也兩月前更徙去不知所之云

昭代叢書

丁集

石里稜識
卷第十八

十

世楷堂
藏板

刺客

五代葛從周為忠武節度使聞許州富人有玉帶欲之不可得遣二卒夜入其家取之卒伏檐間見其夫婦相敬如賓歎曰效寶而害斯人不可因躍出告之使速以帶獻遂踰垣去明仇鸞鎮薊遼與錦衣使陸炳善炳妻簪珥奇麗鸞妻與同飲見而艷之令鍛工摹其製弗能曰此得之西域鬼市世無有也炳嘗晨與啟牖二勇士躍檐而下持利刃夾立炳謂曰與汝何讐二士曰夫人飾首若干安在此瑤池故物仙敕

昭代叢書

丁集 石里禳識 卷第十八

三

世楷堂 藏板

來取非有他也出而昇之復躍去寂然無聲夫李汧公韓魏公德感刺客有為為之耳沐謙不殺司馬楚之楊賢不殺杜伯山藉以傳其名降而至于肱篋探囊之所為是乃荆聶之徒所羞也

不貪

鄭遨與李道殷友善道殷能化石為金遨驗而信弗之求方士許公言能以藥為黃金欲以授郡王子濤子濤曰吾不學偽許愕然拊其背曰善自愛因言上帝惡貪之說歲己未子從徐敬思北歸同舟徐生嘗

言有所謂陶真人者以煉丹化黃金售術於吳下徐之父叔事之甚謹郡邑當事利徐之財致大獄終以金多獲免徐生得陶之小技三日攝亡魂曰舞仙童曰搖骰色長途試之以博戲笑因固欲以變骰法授予予一哂却之俗傳鍾呂學仙謀點石成金恐悞三千年後人呂念不忍為遂滿三千功行此惟鄭趙二賢足以當之若夫蟬駢攫金則吾輩知其免已

魂昭

長恨歌傳方士復命元宗述楊太真七月七日長生

昭代叢書

丁集 石里禳識 卷第十八

三

世楷堂 藏板

殿私誓白香山作歌而陳鴻傳以實之徽宗召見方士王老志嘗緘書一封帝自啟視則昔歲中秋與喬劉三妃燕好之語術家探秘事以惑人主大率類此鄭州書生使天神降王家亦止言某月日蔡京後堂共謀陰事吳下陶姓術士善攝召亡魂其法令死者親識伏陰往見之晤語如平生多道生前聚首一二事而後返歷歷追憶傳謂以為神有友人喪親欲懇其術者予曰試覓親識兩人各不相蒙次第試之醒而乙者之所追述與甲者夢中所見相符則真矣

已而其語秦越懸絕乃知與死者無預也所驅役者
生者之情識耳○此術之工者也又下焉者自言前
知禍福問事者書情于紙封固向神前焚之輒書所
祈某事約畧情詞無異而斷以後効云云子乃封素
緘子之大怒書曰奈何妄我子曰子固已心禱矣術
者語塞謝去

三伯山

贛安遠東南距城六十里曰三伯山壤界程鄉地曠
莽宿為魁颺蓬藿之場樵採者裹糧一人不知其所
昭代叢書 十集 石里 稊識 卷第十八 世楷堂 藏板

際樹皆數十百圍或言闢之利不貲壬午癸未間汎
并蔣某率卒數千人挾火器弩矢甫入四五里老猿
皆作人坐立恬不為怖發烏鎗傷數猿呼嘯震林谷
千萬蜂擁而至砂石颼激雲日昏晦徒衆顛躓奔軼
頗有損膚骨者

長臂猿

猺峒猿種不一長臂者最猥捷出入林麓去來如飛
皆指臂攀緣而足反無力股短不及臂之半斂于此
者繼于彼也性嗜桃捕者候桃熟時伐去左右叢木

止餘二三桃樹猿就食其中襲而擒之無不得以獻
官長嬰鎖囚籠輒哀泣不食以死鮮有久畜者

龍頭魚

龍南縣以龍頭灘得名灘水岨急澗漫澆滯其下出
魚長不盈寸隆腮突睛頗類龍形謂之龍頭魚水經
注沂水出縣西山謂之小龍山潭漲不測出五色魚
因謂水為龍魚川岑嘉州詩魚龍川北蟠谿雨王敬
美定以為龍魚殆其匹也閩漳有龍鰕大者長尺五
寸鱗長倍之厥首猙猛亦有龍狀皆水族之賦偉
昭代叢書 十集 石里 稊識 卷第十八 世楷堂 藏板

形者賦

石里襍識跋

損持先生藏書甲於吾邑著作亦復等身不數十年
飄零散佚與子姓而俱盡矣生前付梓惟三傳折諸
漱水志林餘皆湮沒不彰今得此編雖卷帙寥寥而
粒珠寸錦勵有存者亦作者之曾靈光壁也因亟登
之丙申夏日同邑楊復吉識

孫貞起允升校字

昭代叢書

十集

石里襍識跋
卷第十八

三

世楷字
藏板



過庭記餘



繡水陶 越艾村著

余家遼陽一支蓋自洪武時十世祖愚懶翁謫戍遼東有地曰連山島者其編籍處也翁納田氏為妾生一子諱鍾字伯鍾後更字仲鉉既長代父役翁始歸里後仲鉉便道過家未至而兄耕學公遇于吳門初不相識驚其貌狀類父就問知之相持而哭遂携歸極相友愛後復來輒戀戀不欲去耕學公悉以金帛古玩器畀之俾營產以遺後人成化己丑卒于戍所娶寧波汪氏汪與

過庭記餘卷上

同戍故聯姻生子女各三繼娶黃氏又繼娶鍾氏汪先葬連山島及公卒而合窆焉後菊亭公以公衣冠葬澄源祖塋給事周旋為之誌自後子孫或一歲或隔歲一來及去必以義田餘息贈行仲鉉第三子諱友諒家孫諱欽並以病歿于禾即葬于祖塋近地今所稱長官墳者是也自仲鉉公以下凡六世俱詳載家乘迨遼陽既歸與朝聲問阻絕譜系亦遂不傳今子孫頗多貴顯者康熙十三年間有欽使泊舟王江涇特呼巡檢問曰此地有陶家墳何在乃余祖墓也欲往祭拜巡檢苦

于伺候謬答以路甚遙遠且係小港不通官舫 欽使遂止余兄弟往來 京師頗懷葛藟同根之茫然在朝籍者率易他姓間有同姓者訪之非是謀食之人苦為館職所絆出門甚稀迄無一遇悵快而已

太學古語云有髮頭陀寺無官御史臺言其茹苦自修能持清議往往在朝所不能言者不憚觸忌諱與禍患以從之蓋緣昔之入太學者率由選舉而考課法亦最嚴密今大半皆貴生既習于侈靡又無氣骨其分撥六堂者徒存其名耳余入 京師屢遊太學見廡舍寂然

過庭記餘卷上

從無一人肄業其中噫是所望于司教者加之意矣

明代理學聞之先君云國初如二趙訪 謙梁寅汪克范寬祖葉儀胡翰蘇伯諸公其學粹然一出于正自成弘而後指歸各別其宗尙程朱者薛敬軒瑄曹月川端吳康齋與陳剩夫真胡敬齋居周小泉蕙章楓山懋呂涇野梅羅整庵欽魏莊渠校顧涇陽憲高景逸攀馮少墟從諸人卓乎尙已此外陳克菴選張東白元羅一峯倫周暉張甬川邦楊止菴時雖論說不傳不可謂非正家若陳白沙獻章王陽明正如宋儒之有慈湖象山不

無偏弊然一家門戶亦最盛莊定山景羅念菴洪先湛甘

泉若賀醫閻欽陳時周茂烈三人皆鄒汝愚智王龍谿

鄒東廓守歐陽南野德錢緒山安福四劉文敏二

魏良器良政龍谿聶雙江二孟化經唐荆川順皆其

派也學之不善流而為羅近溪王心齋良亦王周海

門顏山農何心隱遂為理學之蠹惟許敬菴字

祖述王湛而體驗切實劉念臺宗益歸平正殆

與高顧諸公符合矣此有明一代理學之大概也

族祖副使敬齋公歿于嘉靖間吾郡自太守而下並有

過庭記餘卷上

祭文載之家乘其姓名官銜具在也內有嘉興縣丞季

淮及府學訓導張夢龍郡誌竟失載又嘉訓黃籌誌為

疇秀訓吳會誌為涓未知孰是

吾郡舊有八景不知始自何時梅花道人曾為繪圖各

系以詞序余于書畫題跋記見之後有大梁章敬及桐

村老牧題今畫雖不傳而詩篇具在因備錄于左一時

風景宛然在目也桐村老牧者姓周名鼎亦吾郡人

嘉禾八景

勝景者獨瀟湘八景得其名廣其傳惟洞庭秋月瀟

湘夜雨餘六景皆出于瀟湘之接壤信乎其真為八

景者矣嘉禾吾鄉也豈獨無可攬可采之景歟間閱

圖經得勝景八亦足以梯瀟湘之趣筆而成之圖拾

俚語倚錢唐潘閔仙酒泉子曲子寓題云至正四年

歲甲申冬十一月陽生日書于橡林舊隱梅花道人

鎮頓首

空翠風烟在縣西二十七里橋李亭後三過堂之

北空翠亭四圍竹可十餘畝本覺僧刹也萬壽山

前屹立一亭名携李堂陰數畝竹涓涓空翠鎖風烟

過庭記餘卷上

騷人隱士留題咏紅塵不到蒼苔逕子瞻三過見

文師壁上有題詩

龍潭暮雲在縣西通越門外三里三塔寺前龍王

祠下水急而深遇歲旱則祈于此時有風濤可畏

三塔龍潭古龍祠下千年蹟幾番殘燬喜猶存靜勝

獨歸僧陰森一逕松陰直樓閣層層耀金碧祈豐

禱早最通靈祠下暮雲生

鴛湖春晚在縣西南三里真如寺北城南澄海門

外湖合鴛鴦一道長江橫跨水塔影見中流終日

射漁舟 彩雲依傍真如墓長水塔前有奇樹雪峯

古龔洽千秋策杖幾經遊 長水法師塔前有仁杏葉上生菓實

春波烟雨 在嘉禾東春波門外舊日高氏園中烟

雨樓 一掌春波盡盡離帆開如市昔年烟雨最高

樓幾度暮雲收 三賢古蹟通岐路窈玲瓏插濠

罟荷花裊裊問菰蒲依約小西湖 三賢者朱買臣陸宣公陳賢良也

月波秋霽 在縣西城堞上下嵌金魚池昔李氏廢

圃也 粉堞危樓欄下波光搖月色金魚池畔草蒙

茸荒圃瞰樓東 亭亭遙峙梁朝檜屈曲槎牙接蒼

過庭記餘卷上

五

翠獨憐天際欠青山却喜水迴環

三閭奔湍 在嘉禾北望吳門外端平橋之北杉青

閭 三閭奔湍一塘遠接吳淞水兩行垂柳綠如雲

今古送行人 買妻恥醜藏羞墓秋茂郵亭遞書處

路逢樵子莫呼名驚起墓中靈

胥山松濤 在縣東南十八里德化鄉約百畝餘荷

鋪翁墓其下子胥古蹟也 百畝胥峯道是子胥磨

劍處嶙峋白石幾番重時有兔狐踪 山前萬箇長

松樹下有高人琴劍墓周圍蒼蒼四時青終日戰濤

一

武水幽瀾 在縣東三十六里武水景德教寺西廊

幽瀾井泉品第七也 一龔幽瀾景德廊西苔蘚合

茶經第七品其泉清冽有靈源 亭間梁棟書題滿

翠竹蕭森映池館門前一水接華亭魏武雨其名

泉乃嘉禾八景之一而亭將摧在山師欲改作而力

不暇給惟展圖者思有以助之亦清事也 梅花道人鎮勸綠

題後

秋陰覆野水暝色帶高城萬古風雨餘滿軒空翠生

過庭記餘卷上

六

昔人會心處華落徒縱橫勝事嘆千載焉用此高名

空翠 諸溪駛奔湍神物出其下浩劫上浮雲中宵

風烟 走雷雨吾嘗隱廬阜觀瀑孤絕處對此發幽期長吟

度秋浦 龍潭暮雲 落日湖上行風吹湖水明芙蓉未出

水鴛鴦空復情佳人翠袖薄公子彩舟輕暗憶題詩

處花絮滿春城 鴛湖春曉 昔賢讀書處今人採樵路烟

雨暗春波江鷗迷處所山遙數峯出洲隱千颿去應

有倚樓人天長望汀樹 春波烟雨 孤城何迢迢飛棟上

咫尺初日照江波吳船夜吹笛秋清野寺靜露下蘋

洲碧不見放魚人疎鐘起遙夕月波 怒濤來修渠

西出吳門道官家嚴水利蓄洩何草草洞庭霜橘晚

震澤鱸魚早從此具扁舟長學渭中老三閘 榜舟

趨南山飛蓋轉賦旬登高望吳越擊鼓馳觴讌靈飈

振巖角飛雨灑石面欲弔子胥魂歌長淚如霞胥山

古寺闕幽做清涼生道心澄源既不昧萬象自浮

沈龍吟珠光曉鳥度菱花深上人散花處時復一來

尋武水 次第古詩八章奉題嘉禾八景用呈在山

老師一粲 大梁章敬頓首

過庭記餘卷上

七

武水幽瀾亭泉品在第七新開縣街好當作景之一

維南有胥峯突起平田中是誰磨劍石化此青芙蓉

城陰古三廂既廢尚遺址細雨遠帆來持錢楫津吏

風光水西頭黃衣豈緇流惟餘此陳迹千古爽溪流

春波遠城綠行舟亂鷗鴛宣公石梁在疇能繼芳躅

重湖浸南陌飛來雙錦鴛棹歌驚不起烟雨自江村

龍洲三窳堵靈祠挾其右鐘聲隔林莽行人重迴首

橋李古名郡作亭當寺門題詩三過後爽氣猶生存

怪底梅沙彌多寫僧房景問我詩中禪都成影中境

一雲東仙館裏一紙千金洲况皆此鄉人扁舟憶同遊

而今同翰畫此景亦增價羣鴉翻墨地斜陽未西下

久之志乘書徒有八者名誰當補其逸因之良感情

成化十五年己亥秋七月二十六日書于江南水

竹村上桐村老牧時年七十有九

建文死節諸臣終明世無卹典直至弘光時從太僕少

卿萬元吉等請乃予贈諡立廟金陵致祭凡列名備遺

錄吾學編諸書者褒旌無遺矣時有議此案太濫宜稍

裁之工科李清曰若自吾輩手定當少為貴耳既予復

過庭記餘卷上

八

奪可施之諸忠耶且此案鬱勃已久與其嚴也寧濫議

遂止贈卹諸忠吾郡有三人焉程公本立贈太常卿諡

忠介楊公任贈太僕少卿郡志皆有傳俞公杞山嘉興

人以蘇守姚善而錮者亦得從祀此其行事無傳矣

玉劍尊聞載屠義英字清卿寧國縣人 督學浙中持法

嚴按湖時一生宿娼家保甲昧爽兩擒抵署門無敢解

者門開携以入保甲大呼言狀屠佯為不見聞者理文

書自如保甲膝行漸前離兩鼻可數丈屠瞬門役判其

臂曰教秀才并娼去門役潛趨下引出保甲不知也既

出屠昂首曰秀才娼安在保甲回顧無人大驚不能言
與杖三十荷校保甲倉皇語人曰向殆執鬼諸生成唾
之而感屠曲全一酒色士余謂此固屠之盛節然在今
日士習已極澆漓恐未可以概施也

乙酉五月 王師克金陵遂分兵徇浙時杭嘉湖三郡
並獻版歸命師過禾秋毫無犯若不知有改革者總兵
陳梧原領兵淮上因大兵南下退至塘西陳洪範勸之
降 貝勒卽命梧鎮守嘉興薙髮令下不逞之徒乘機
構讐郡中紳士惑之遂于閏六月七日謀舉義請梧統

過屠記餘卷上

九

師禾中人無人非兵無人能兵多以報復私怨爲事余
家吏部殷人公兄弟並爲叛民所害祖父諸叔分頭避
匿二叔幾死救免屠公象美見事無濟潛身出城人以
其逃也衆共刃之十三日貝勒自杭遣兵至札營三塔
李公毓新倉皇走至十八里橋亦爲亂兵所殺時平湖
嘉善之紳亦有率義兵至者屯于東北二門梧自設守
禦當西門以拒戰部將陳伯美者最稱驍勇廿三日歿
于陣廿五日城陷吏部尙書徐公石麒抗節而死太守
鍾公鼎臣自縊梧奔平湖旋卽潰散復航海至紹興魯

王監國加梧定遠將軍兵無糧餉輒剽掠鄉村爲餘姚
知縣王正中所殺家君言是舉也吾郡屠戮甚慘家君
先于舉事前偕余母歸秦谿舅氏距城四十餘里日聞
民間自相仇殺道路梗塞時祖居在郡北門外東瓜坊
吏部兄弟寓焉旣罹禍遂訛傳舉家悉已被戮余父母
日夜哀泣迨平定月餘聲息杳然方事招魂而骨肉相
繼團聚祖居半燬于火僕人蕭成死于兵吁可畏也

過屠記餘卷二

十

冷仙名謙字啟敬本武林人而爲道士于吾禾者記載
家多訛林爲陵遂以爲楚人也都元敬太僕言其曾與
劉秉忠張三丰同學于沙門海雲未詳所據洪武初授
太常協律郎能詩文惜其集已不可得其爲左取帑金
隱瓶事吾郡婦稚皆能道之又善琴著有太古正音琴
譜宋文憲爲之序劉誠意有秋夜聽冷協律彈琴詩又
作泉石歌以贈之祝希哲京兆九朝野記言其作仙奕
圖以遺張三丰是又善奕矣真異人無所不能也今郡
城天星湖後有冷仙祠祈夢頗驗
天順元年丁丑會試吾鄉呂文懿公時以通政司右參
議兼侍講爲副考官見陸文裕公儼山外集

暢敘堂書畫題跋記有小米瀟湘圖係元暉爲左達功作先後題識甚多晦翁夫子亦有之洪文敏遺題云予年十六時識達功于橋李蓋從父忠宣公司錄嘉興時也又云後七年得詞場名第是左曾登科甲左未審何名及考郡志宋科第榜亦並無左姓之人余以爲達功卽非吾郡士著亦必僑寓之賢也

禾中災異錄

此先祖贈文林公手筆也皆啟禎兩朝聞見最真郡志間有不載或載而不詳噫國家將亡必有妖孽詎

過庭記餘卷上

十一

不信然

天啟元年辛酉夏熒惑入南斗中位光燄噴射

二年壬戌二月二十四日飛沙蔽天聚之成堆其氣腥是日日出無光 九月海鹽半邏民家有一母犬忽生數百鼠此余在外家親往閱視大可二三寸許形與常生鼠無異目閉身亦無毛蠕蠕欲動母犬亦竟啖之不能盡乃以餵羣犬及狸其家大恐究亦無恙
三年癸亥十二月二十二日地震生白毛越 日宣公橋大火

四年甲子正月十一日雨色黑 二月二十八二十九

兩日天色黃日淡無光旁有黑日磨盪晚鐘鳴時聞空中叫嗥如千軍萬馬突臨之狀又若砲石競響移响方靜者人云天愁也時有湖賊吳野樵殺長興知縣之警訛傳餘黨將寇嘉興又龍華奈山盜賊聲勢甚惡人心恐懼越二日竟從蘇州而來幸不逼郡城由鹽官而過海南去 孟夏大水

五年己丑夏旱損稼高田歉收 八月朔白晝見月月傍有星

過庭記餘卷上

十二

六年丙寅九月一日大風拔木霪雨如注屋廬俱壞雨晝夜方息

七年丁卯季春水 四月廿七等日霪雨如注踰月勿輟 七月彗星見 九月收刈連日大風雨河水泛溢 十二月十四日大雪至廿七日止

崇禎元年戊辰七月二十三日颶風霪雨濱海居民漂溺無算田禾淹死 十二月二十一日至二十七日止郡學前一帶夜靜嘗有甲馬聲居人于門內窺之皆猙獰神鬼有一醉士遇于廣平橋勢不能避卽從橋側高歌

過之竟無恙

二年己巳三月初一日暮大雷電鬼哭徹旦聽之如在
空中亦如在門庭是年二月京師戒嚴浙撫陸完學調
兵三千前往應援

四年辛未三月太微垣有星大如月磨盪不定移時乃
滅又有流星自南而北長一二丈若爆分為東西長四
五尺良久乃滅 九月十六日太白犯心 十月永豐
鄉巨虎傷人 季秋大水

五年壬申二月六日嘉善鄉民方姓家一井天晴無故

過庭記餘卷上

十三

泛溢忽躍出二鯽魚金色長尺許未及提取即化為二
鳥一紅碧一青白狀類鸚鵡而背距仍如常禽旋飛屋
上鳴聲甚清越少頃向西北飛去此予堵支 所目

觀方本素封不數年凋敗復聞舉家皆入旗云 夏旱

十月廿七日埃霧四塞日赤無光 十一月十四日

酉刻有黑氣如虹白坤達良長竟天數刻始盡

六年癸酉螟歉收 六月二十五日龍見風大作震瓦

拔木石牌坊飛去數武覆舟無數

七年甲戌螟

八年乙亥二月朔日赤無光 九月 日熒惑犯太
微

九年丙子六月五日太白晝見 冬歲星犯執法

十年丁丑三月朔日嘉興縣倉官廳燬併厥房五所

五月戊辰朔夕熒惑與日同參九度又朔日合伏 夏

旱 九月十九日南城樓燬 九月中旬日躔卯辰每

日將出欲入天有赤黃色其名曰日空主兵 十月廿

五西兌赤光薄暮照爍在井鬼分域 十一月五日己

巳太白在析木宮女宿初度七十三分十五日己卯木

過庭記餘卷上

十四

火二星同度在亢宿火星南木星北三十日甲午土水

二星同度水星在南五度四十三分占曰敵勢縱橫將

收未一又曰不獨鄭衛有兵而尾箕燕分斗為吳越之

間亦當戒嚴是年皮島失秦寇入蜀

十一年戊寅春熒惑在大火徘徊氏房占曰宜節章光

逝遠戎器 四月十六日己酉早漏下四鼓時月與火

星相去僅七八寸至曉火星逆行尾八度為月所掩稽

成化十一年二月癸卯曉刻月犯牛宿猶未如是之甚

春夏至秋熒惑守尾凡一百五十餘日而歿去兵部尙

書楊嗣昌疏日月食火星在于己酉納音屬土律應中宮然有陰陽之分戊申陽主帝座己酉陰主后妃其時寅卯適值熹宗成妃發引內外交武白衣祭奠已有其應當蝕之時火星蝕月在上角不在中央火躔危八度日躔十三度相距不啻萬里若果掩于八度當在戊申之亥何為己酉之寅將謂掩于十三度則火星逆行無順行五度之理必月見火而遲有將進將退之象火留守尾始三月戊寅既留而逆伏始于丙戌戊寅丙戌陰宮己酉陰宮之日乃蝕太陰入而不見所謂月食尾者

過庭記餘卷上

五

蒼龍之尾火星也火留逆為月食不出五年國亡是月二十二日嘉興文廟燬九月十九日西城樓燬與十年南城樓燬月日相符是年十一月京報不通十二年己卯二月十二庚子辰刻日之兩旁有一白丸微有紅色似彈在日上復有白芒一道久而未變至申時旁忽有黑氣一團狀亦如日掩蓋日上忽又從日內墮出磨盪數番約一刻許黑氣始散日光乃現夏六月蝗秋彗星見參分十二月初八日午刻有黑雲從震方起至庚方甫二刻而退

十三年庚辰正月廿四日風霾昏曉莫辨陰風怒吼屋木俱移三月廿一日戌刻東北方徧天紅光如火更有聲若鳴鑼大喊者更餘方息四月八日雨連日不止禾盡淹中甸稍起至二十後再沒七月廿七日飛蝗蔽天米價每石三兩奸徒乘機搆亂數十成羣沿墟搶劫挾仇報怨良民莫敢櫻鋒巡道宋繼登拘一二杖斃之方止時巡撫熊奮渭巡按王範嘉興縣民錢元方等各具疏籲請蠲賑雖奉有俞旨民究未嘗被澤也是年畿輔自真定而南東省濟兗而西河南自開封而

過庭記餘卷上

十六

北山西自平陽而東陝西自西鳳而北以及江南江北皆告旱蝗十四年辛巳正月廿六日夜大雨延城聲如裂人盡聞之謂之城愁亦謂城號三月初三日落沙竟日如霧夏大旱三月不雨飛蝗蔽天道饑相望人死卽割股肉以食市人潛以肉裹麩為餅復切塊偽指驢馬以驚官紳士步禱順濟龍王廟不應乃按董仲舒故法為壇于精巖寺取土龍投于五龍橋下六月初八日雨至十五日禾稼得甦其半

十五年壬午六月霖雨經旬米價每石二兩七錢餓死無算雨時秀水思賢鄉有異鳥集于樹人頭鳥身頸下有白鬚竟日飛去旋大水為災水皆肥腥不可食

十六年癸未夏田甫插秧烈日連旬六月亢旱民饑死者不減于十四十五兩年 秋疫癘流行 十一月十

四夜城哭之聲如十四年正月但是夜無雨

十七年甲申三月十九日秀水思賢東鄉空中鬼哭聲

自北而南是日北都陷

乙酉 大清順治元年也五月以前猶奉弘光年號 正月燈節前後數日北門

過庭記餘卷上

十七

外秀城橋上輒有哀哭聲人不敢過望之隱隱眾鬼林立閏六月禾人起義自相仇殺多縛至是橋亂搗之即推之河中不數日屍填積水幾不流族姪殷人亦死于此屍無獲焉傷哉 二月之下旬郡北門外民家畜一雄雞一夕化為雌又西門外陳姓十五歲男病卧牀數日忽變女身容貌轉美閏六月嘉興起義其家逃散此女不知所終相傳為北兵携去

東萊郡署退食之堂東西槐樹各一其西偏者最古當這數百年物也樹不甚高空洞無骨止左旁以皮相屬

而上防其仆月木石圍柱而以泥實其中其上老幹數枝半枯半活發葉較東偏一林獨後而濃綠過之壁間有明萬厯間舊守龍君記稱為祥槐蓋此樹已死多年及龍君來而復生記中具述其事字法亦不俗外人有執役內署者云此樹有神人不知信適陳刺史一戚偶夜起溺于樹側既寢夢見一官紗帽絳袍呵役前導稱懷老爺來詰問爾何敢犯我夢中惶恐謝罪醒而知是樹神乃言之于是署中長幼皆莫敢褻焉陳刺史後以朱欄護其外欲余作一賦竟未就也

過庭記餘卷上

十六

嚴陵釣臺誠千古勝境余往來西江道經于此決計一登多為同舟賈客所阻且勸余云此隱逸之士子有志功名不可近長年亦喻其意徑揚帆去余心甚為悵然又浙省鄉試之年凡士人遊西湖者過三賢堂輒避之蓋以樂天子瞻君復並坐謂之落蘇林試大不利則知讀書人亦具斯識解殊堪發一噱也

萬石長者亦名糧長本明初所設時廷議以為州縣之吏多他郡人不與民習黠胥因而為奸民受其病乃以巨室素見信於鄉里者為長使主細民之土田而轉輸

于官其大者督糧萬石小者數千石蘇州有沈氏者最以奉法稱明祖親召與語賜之酒食時減免其田賦一時榮之吾家遠祖自愚懶翁以至漁村並貴雄一郡因世長鄉稅亦以奉公恤民有聲東南其見于名公贈遺詩文歷歷可睹雖未能如沈氏之覲天顏霑聖澤然而子孫繁昌科第卽聯翩而起亦未始非報也今催糧里書猶其遺制然予目中所見多兇暴之徒剝民膏而蝕國課其得逃王法幸矣尙思祈福乎

友人沈襄熊顯程實峴實會當成童時習乩仙術潔泊

過庭記餘卷上

十九

一室夜半卽起焚香書符誦咒如是者七日夜運乩乩自能動乃以細沙承盤畫字無論真行草書皆極精妙所降仙或稱靖節太白樂天和靖東坡諸公長篇短句積久錄成一帙秘不示人余偶見太白五言古風一篇其自序生平本末甚悉沈程年少亦未之知也又有稱八秀者晉朱淵修唐計隱真宋歐陽太叔羊青田元蔣浩然明王定文馬閔時本朝張秉奇也每有請召此八人降乩倡和爲多其詩僅記得羊青田秋日山居云殘紅萬樹映晴川秋鳥高飛入翠嵐零落倦遊懷枕石醒

只聽澗流泉計隱真秋暮山居云夕陽繚亂舞千鸞坐看橫霞過嶺南倚杖出門遙選勝忽聞鶯語在松間蔣浩然秋夜山居云長夜秋聲幾度年山中寂靜半桃源蓬萊猶待乘槎去不若清陰伴我眠詩雖出韻亦佳又樂人賦云江海無邊阡陌閒幽境堪同賞心自憐或登清風亭或憩古本軒經來梧槐之下出入松柏之間尋丘壑以逍遙赴崎嶇而盤桓絕塵囂之鹿鹿服羽衣其蹠蹠向樵夫而舉火對漁父而烹鮮焚香談竹譜把酒說詩偏夜聽笛簧聲朝聞鸚鵡言倦讀虎鳥山龍

過庭記餘卷上

二十

記狂歌龜蛇烏雲篇揮毫出風雨落紙如雲烟欲極目以觀薄土先抱膝而看青天嗜白雲之飛舞望明月之高懸時乎時乎不復來悠哉游哉是神仙後書此因定文詩有怨音吾七人隨口而成爲其解怨之作八人姓名耳目所不習叩其出處歷歷言之大抵隱逸不得志之流也一日余邀沈程于英上館中試之乩忽書云我乃江南第一風流才子唐六如是也隨書十月十三日過鴛湖一絕云鴛水淒淒空自流長歐萬里送行舟荒城鼓角聲悲壯不盡烟霞動客愁英上問讀書之法示

云天下無通才者不知天地之趣山水之樂惟在聲色
貨利中雜沓雖云讀書不過口耳叩其方寸無一得也
今諸子欲讀書心思不可不曠意氣不可不高見識不
可不定力量不可不堅如是如是余時久病初瘳因問
如何可以養生示云人生在世清心寡慾閑邪存誠以
天地爲父以鬼神爲母以山水爲友淡然自處漠然自
得真不死之藥耳英上乃出醇酒饗之索詩又書寄懷
一絕云日光皎皎萬山寒把酒狂吟太白篇一掉尋遊
湘水蹟興來不醉也陶然又云集中有安分歌今有醒

過庭記餘卷上

三

世吟其一云十二巍樓環水丘故園春色莫重遊空江
木落驚時暮塵夢何曾到海洲其二云脫却青袍披羽
裘槐南一卧笑王侯江山風月誰爲主蘆荻年年伴白
鷗適有客至復書云本欲成百首奈爲俗子敗興異日
可也時己未十月十三日世謂乩仙詩多才鬼託名古
人若果六如降臨洵稱奇遇因記之

溧陽馬一龍年四十餘登進士選庶常乞歸養母貧無
以養也外家史貸以百金邑有荒區久無耕人一龍用
金買牛十頭傭耕作一歲盡墾大熟嘗作農書家遂以大

當既終養十餘年起爲南國子司業免官歸卧疾玉華
山時時策杖循畝與野老田畯論農事值歲冬日郡舉
行鄉飲禮一龍集其田間年八十上下者爲耆會會二
十有四人則請講說五十年前一事二十四人者曰呂
誥曰陳錫曰廷祿曰呂訥曰方曰京曰史儒曰陳大德
曰馬漢曰呂璧曰陳邦瑞曰王廷佐曰仁曰陳時傑曰
廷黼曰大誥曰暹曰馬潮曰萬民化曰陳桂曰史鞏曰
混曰陳蕙曰呂庭各爲一龍言而一龍記之誥記吾先
大父致政家居賓客往來粗蔬四五品加一肉大烹矣
木席圍坐酌共一陶呼曰陶同知子弟身供灑掃捧壺
執瓊侍左右不去今士大夫家賓饗百物金玉美器舞
姬俊兒喧雜絃管矣其子弟亦貴驕視父兄蔑如也錫
記當時年長者直呼幼人名其後漸起表字字而有號
猶然士也今村夫屠販下逮臧獲無不美號稱尊長貴
人復摘號一字加翁其上也廷祿記當時無統綺之士
布衣衫褲赤足芒鞋非別久相見者拱手不拜今帷裳
大袖不絲帛不衣不金線不巾不雲頭不履雖家庭骨
肉揖數十拜數十巾矣訥記當時人皆食力市廛之

過庭記餘卷上

三

民布在田野女織男耕兒女輩亦携竹筐拾路遺挑野
菜而今人皆食人田野之民聚在市廛奔競無賴張拳
鼓舌詭遇博貨誚胼胝爲愚矣方記當時親鄰和睦一
家有客各携肴酒不待招而至所言田場稼穡商權早
晚兒女婚姻雞豚率頌而已今比族忌嫉富貴貧賤上
下欺虐聚爲貨媒散爲禍仇黨同腹心殊方陌路動向
官府乾沒矣京記當時師事繆先生者其尊人乃侍御
史以論權貴蔣琮獲罪卒後田廬蕭然無中人以下之
產今寧有也儒記吾先大父嘗貸典石姓者金四十既

過庭記餘卷上

三

償暴死子復來償大父與之飲食而反之子曰父死恐
負不致復貸矣大父曰尊公已償先大父難也石氏之
子亦難大德記當時婚娶但論門閥媒妁定言兩不求
備今女家許聘輒索財禮男家既醮乃論資裝稍不如
意非過期不歸則婦歸見斥矣漢記當時先伯爲蒙師
日立二禮生卯而入塾序行則唱揖酉亦如之課傲誦
習畢則分坐徒爲主賓迎送寒暄問勞謝勞歌詩而退
束修聽其自行貧者勿納生徒嚴憚不敢非僻或有弗
率朴而逐之今日師求富東弟子樂諛矣璧記當時子

弟不輕易習舉子業卽習未成亦不敢冒儒生巾服而
今儂子豎兒厚遺干進恃此持門戶爲權貨梯階衣食
纔充不入生員之籍便趨吏胥之徒而務本食力之民
寡矣邦瑞記當時村鄉各有社壇社學有故則會集壇
下其子弟之無力者社師教之歲時伏臘以類相從交
通情悃商權事宜謂之茶會今壇無址學無師猥鄙者
不見齒矣廷佐記當時小民禾稻登場先春輸官有司
擇老成殷實之人掌其入數民無逋負官有羨餘其後
收掌非人漸肆漁獵輸納者亦違慢以致影射那移變

過庭記餘卷上

三

過覆護奸利衆而十室九空謀生難而一人三失矣仁
記當時同宗有爲御史者過家與親友門不下衆人交
讓御史請謝如恐不及卑幼遇尊長道傍拱讓先履今
冠人財主駕車乘馬揚揚過里閭芻牧小奚見仕宦輒
指呼姓名無忌憚貴賤皆越矣時傑記令先公一龍父
爲雲南嘗爲邑令貴遊通刺不過二指闊大書某拜鄉中往
來更不投刺不遇則以土塊題門而去書札稱謂但云
某公足下今同室兄弟率用六葉全帖村巷青衣充斥
朱函函束縉紳大夫紅牋錦標芒字百拜矣廷黼記當

時隆冬盛寒家作土坑燒楮楮煨芋薯煮黃齏父母兄弟妻子圍坐從幼者供具食飲遞進長上今富貴家挾二三騷客或與兒女子紅爐煖閣不省父母之養矣大誥記吾先大父嘗以固粟應貸粟及固餘糠全離之先伯仍以策木平其斛大父奪平木手撻之曰出必多與人不多取今富者設機乃取重利貧人既貸亦不思償矣潮記吾先君魁榜後待宴長伯父偶失容儀伯父怒呵斥之不敢聲而今或弟強兄弱反見唾詘矣暹記當時民不知訟或訟而枉卽見輸服同室有關其不直者

過庭記餘卷上

三

衆爭屈焉而今競工刀筆稱雄侶儔詭詞飾情矣民化記令先父爲吾門甥時兩家兄弟相視若同胞今本支骨肉且自譁張目擊其貧賤憂患睥睨去之矣桂記當時人家房舍富者不過工字八間或窄圈四圍一室而已今重堂窈窕迴廊層臺園亭池館金翠碧相不可名狀矣鞏記當時令先公與其兄俱爲諸生博學能文家貧兄弟自相爲僕見戚里如不知文墨者試留都往還數百里途行旅宿今生儒輩橫臂騶徒眇目布老車馬無從赫奕臨之矣諛記當時近村數姓惟事耕讀多識

爲多力爲農今頓棄二業他圖捷徑游手好閑妄生惡言矣蕙記當時頌白者負戴于路少壯遇之則分肩而行老人見携兒在路抱送彼家而今子弟強有力則其父兄途得携兒竊而去之而將鬻之他鄉矣庭記其父兄賤殊族更不假借雖大富貴時無下氣而加禮也今舊族貧棄新門豪攀彼此安然矣一龍曰龍哉龍生也近不識五十年前事諸公所述龍三犯焉居廣大而服華美棄徒行而安車馬志古之人而不免俗之趨鄙哉龍也此在名山藏一龍本傳中一龍在嘉

過庭記餘卷上

三

靖之季距今百餘年矣世風澆薄人事浮競真有江河日下之勢其何自而復古初如詵等所云耶神童一科起于唐而盛于宋其在唐如李泌劉晏皆是也宋元豐間小學生近一千人余偶閱江西饒州府志載宋咸平至咸淳合郡舉童科者五十七人姓名具在而他志概不一及要非岐嶷妙質獨鍾于饒也蓋宋時此科多有舉而不盡試試而不盡官者記載缺畧所固然矣然郡邑掌故不厭其繁舊人軼事苟存什一于千百良自快意此不得不歸功于始修饒志者

明代科舉甚嚴由縣而府而督學最是艱難士子有終身不知貢闈者徐一夔洪武二十年浙江鄉試錄序言歲貢四十人省臣合屬郡之士二百餘人是于五人中而取其一也自後弟子員日增而科舉未嘗不嚴家君于崇禎年間三與省試時舉子約有四五千業稱極盛本朝丁亥戊子兩科去鼎革未久入闈者猶不過二千餘人比年以來竟至萬餘其中玉石錯陳考官披閱日不暇給或以爲科舉濫觴以致率爾觀場者衆也士風佻薄學使者稍事慎擇卽羣起而譁之雖

過庭記餘卷上

三十一

欲嚴不可得矣

秦檜當國時有士人假檜書于安撫使者安撫覺之執送檜檜慰勞良厚且畀以官客訝問何以不懲而反蒙知遇檜曰若人敢假子書必有膽氣吾不以一職羈縻之勢必南走越北走吳矣韓侂胄嘗招致水心葉適已在坐忽有冒適名挾刺求見座客愕然侂胄匿水心于更室延見之懸問水心進卷中語其人曰此皆某少作也後嘗改削矣每誦改語極精妙遂延入書院談久乃請曰自有水心在此豈天下有兩子張耶其人笑曰文

人才士如水心者車載斗量今日不假水心之名未必蒙進至此侂胄笑而然之收屬門下詢其實姓陳名鏜後舉進士二事正復相似從來奸賊之徒未嘗不欲蒐羅士類第正人君子顯與爲仇則彼甘于棄絕而殺心從此起矣

宋熙寧中有洪浩者餘杭人遊太學十年不歸其父垂老寄詩云太學何蕃且一歸十年甘旨誤庭闈休辭客路三千遠須念人生七十稀腰下雖無蘇子印篋中尙有老萊衣歸時定約春前後免使高堂賦式微洪得詩

過庭記餘卷上

三十二

卽日以養親辭歸是亦可謂孝子矣然浩之遊太學也猶有志功名以榮其親者今爲困乏之故棄親遠遊遂致抱終天之恨意若而人者尙可自立于人世哉此越每一念及搥心泣血而痛悲者也

前輩范佩和老而訓蒙里中重其品概從遊者甚衆余嘗過其塾中見有粘壁五詩未詳何人所作詞旨淺近實小學良箴也爰錄之以示兒曹其一讀書讀書端的要堅心義理求詳口辨音誦過務宜多遍數講來須欲細推尋先經後史工層用作破行文力遞深片刻莫閑

勤習字窗前時趁好光陰其二坐坐垂雙膝着胸臍狀
貌端然似塑泥常忌一身偏左右莫將兩手弄東西與
朋並坐肱休塞對客同堂足用齊切記膝搖鞋打地最
爲下賤使人低其三行行時體態定端恭莫作輕狂舉
趾鬆怕有崎嶇防跌失恐遭濕滑損儀容親鄰遇着隨
深揖尊長臨前卽後從最是嫌疑還欲避村頭屋角步
相逢其四言言出由來未可輕輕言動輒取人憎尋常
應對須從實親厚相譚悉要真啟口最嫌侵內事閒評
當戒及鄉鄰交頭接耳殊非樣莫逞機鋒樂鬪唇其五

過庭記餘卷上

三

食飲食隨常飽便休不宜揀擇與貪求若當尊席毋先
舉便屬同行務遜酬殘物豈容盤內反餘羹切忌口傍
流好人但是粗知味饕餮從來實可羞

三姑者尼姑道姑卦姑也六婆者牙婆媒婆師婆度婆
藥婆穩婆也昔人比之三刑六害人若若能遠之自然
門庭肅穆而興旺氣象亦于此可徵

余年二十二始補博士弟子員時督學爲三韓祖公諱
澤潛先于招覆前一日命學師呼余輩三人入試館面
諭爾等文字好已入穀本道秉公遴拔須勤加讀書以

圖上進今秋鄉試有名可卽于本道家作寓余輩叩
謝領訓而出值應試者林立館前均相歎羨二人爲張
子心琴周子源昌俱已下世余亦年老無能爲矣知己
之感愧無報稱姑記于此俾吾子孫知之也

蒙塾中嘗有繪像二十四孝刻本爲師者每于其徒撤
學時講記一二亦豫教之一道也予初不知何人所集
家君言江右聶貞襄公爲蘇守時嘗取古來行孝者二
十四人事蹟繪之以風百姓則知其書實始于此聶公
諱豹字文蔚別號雙江正德中進士吉安永豐人仕至

過庭記餘卷上

三

兵部尙書吉郡理學大儒有八人公其一云
青州城內御史行臺係雪宮故址自巡按不差棟宇摧
落余以亞聖棲寓之所徘徊久之因思當時齊都在臨
淄相距有四十里宣王留孟子于此勢不能朝夕就見
一暴十寒固其所也

霍冀籍貫未詳曾以御史巡按吾浙通志竟失其名子
族祖敬齋公之歿霍有祭文時嘉靖三十三年春也論
次當列林應箕趙炳然下林趙在任亦有祭文其年月
恰以次及霍蓋敬齋公三年喪內三御史皆來致祭者

錢塘吳石倉謂 國家歲賦日增日重一行加派遂爲成例卽如今條鞭中所稱九厘銀者浙省共四十萬二千有零本萬曆末年遼餉按地畝加派每畝加三厘五毫啟禎傳祚遼事不支遞加至九厘實爲弊政 本朝平定江南恩詔內原凡有加派遼餉練餉召買等項永行蠲免此順治二年六月事不知奉行者何以仍征也至順治十四年纂修賦役全書奉 世祖勅諭錢糧則例俱照萬曆年間其天啟崇禎時加增盡行蠲免時計臣失于考訂以九厘銀起于萬曆遂編入正供夫卽就

過庭記餘卷上

三

萬曆言之所加亦止三厘五毫耳若啟禎時遞加之五厘五毫不當免耶 聖明御宇勤恤民依司會者能別白言之未有不豁除者况今遼陽爲 興朝豐沛時事與前明迥殊以云遼餉尤宜亟葺而惜乎六十餘年竟無一人言及因著九厘銀論上中下三篇引證前朝章奏及今日當免之故最詳明而剴切余以當入志書中雖不能見諸實事使人收見之亦或惻然動念也 石倉才學弘瞻共作幕端司錢穀特緒餘耳錢糧項欸務必根究源流每以各省全書但載徵稅名數而不詳

其所始不勝告朔餼羊之感其曰富戶銀者乃前朝洪武二十六年令選取各縣富民充實京師弘治五年題准應天府在逃富戶各省不必勾解每戶每年徵銀三兩解部轉發宛大二縣幫貼現在廂長當差此富戶徵銀所由始也嘉靖二十九年題准行原籍查各富戶果係逃亡節年累僑戶幫僉者自本年爲始每名減銀一兩止徵二兩解部如前收給迨後原戶故絕卽于各府生派浙省徙京富戶五百二十三名該銀一千四十六兩外每兩路費銀一分是也其曰金花銀者夏秋麥米

過庭記餘卷上

三

二折也洪武中額收夏秋麥米四百五萬九百十九石一斗零每石折銀二錢五分共折銀一百一萬二十九兩七錢零俱解南京供武臣俸祿而各邊或有緩急間亦需之正統元年始自南京改解內庫歲以百萬爲額嗣後除折放武俸之外皆爲御用其曰民壯充餉銀者浙省共七萬四千二百二十餘兩始于明嘉靖間浙有倭患添設民壯派徵工食至六萬九千七百六十餘兩此萬曆間全書所載未知後何以事平未邀放免又增四十餘也其曰南糧者明時原解南京各衛倉我 朝

留爲本省兵糈而南糧之名因之其項下每石有隨船
耗米二斗五升今改爲進倉耗米作正支銷矣又每石
解戶船夫支用米三斗七升五合今每石折銀八錢編
入戶部折色項下所謂南糧八分充餉銀是也但原編
二耗俱已作正支銷而糧米由縣至省船夫解役折耗
諸費仍所不免故每石又有七升五合之編總而言之
正米一石本折三耗共七斗矣其曰收零積餘銀米者
蓋歸其成數于 朝廷而留此零餘于州縣以抵新增
優免之用所以示有國者不與有司競錙銖也順治九

過庭記餘卷上

三

年并米易銀盡充正供意當時西南尙在用兵需餉孔
殷如雜稅之黃蠟芽茶弓改牛角弦箭胖襖褲鞋等屬
各酌量加增誠不得已也又鹽課水鄉蕩價從前加入
地畝帶徵地畝既有荒棄此項亦應隨糧蠲除乃今仍
令親在地畝攤派是現在者與荒棄者包賠矣甚至荒
棄者漸復開墾起科而包賠者相沿不減是一銀而兩
徵大江以南雖鮮曠土然豈無一二也今 上聖明如
傷在抱事事勤求民隱削平僭亂以來蠲租之詔殆無
虛歲總計已不啻數千百萬矣弘仁渥澤從古所無豈

有靳此區區者第此等根由隱弊定須臣下言之方邀
睿鑒耳居高食厚者其亦思千載一時之會乎

過庭記餘卷上終

過庭記餘卷上

三

光緒七年秋七月
巴陵方功惠校刊

過庭記餘卷中

繡水陶 越艾村著

濟南七十二泉亦就其現在者而言之其實地下皆水
人家厨竈間往往掘土為潭取携甚便無庸外求諸泉
惟酌突最奇平地三穴其水倒湧高四五尺跳珠噴雪
滙為一池直注華不注山下入清河遊者距泉里許即
聞水聲如雷近以翠輦常臨亭臺橋路加意點綴前
有激湍二字匾額係今上御書後有白雪樓樓非李
滄溟故址後人追慕之乃建於此牆壁間石刻題詠殆

過庭記餘卷中

徧然皆二十年來顯宦若曾子固趙松雪諸詩頗有和
其韻者然原唱竟無覓處也余疑此泉誠屬城中希觀
乃水經既不備言其狀而李杜亦無詩是唐以前尚未
顯著當由後代加之人力使然既而聞有善泅者旁探
之每穴果有似籬束者堅滑類銅鐵但其深入幾許不
可測云

本朝浙江省試第一人順治丙戌烏程馮美玉戊子慈
谿王嗣臯辛卯龍游余恂並連捷甲午石門鍾朗己亥
甲丁酉秀水顧鵬連捷庚子龍游張廣益康熙癸卯秀

水張又良庚戌甲丙午餘姚徐景范己酉仁和邵奏平

壬子湖州費之達丙辰甲乙卯定海陳錫嘏連捷丁巳

海寧祝琦戊午嘉善葉汝詵辛酉德清蔡彬甲子平湖

陸士瑗丁卯於潛伍涵芬庚午仁和吳筠癸酉諸暨壽

致潤丙子錢塘王德炘己卯嘉善李永祺已有二十八

矣庚子以後第南宮者寥寥無幾然即就兩榜言之惟

辛卯余壬子費丙辰陳入中祕以編修終他若馮王

並為太守鍾中翰顧節推張又良縣尹皆進士也究未得

登巍班膺顯爵今上注意人文近科以來凡點庶常

過庭記餘卷中

遇解元必與選茲際側席求賢偏靳于雁塔一登而不
得與荷橐之列論者謂浙解元率多淹蹇尙有以孝廉
需次選人而竟溘為朝露者尤可惜也

今之道家有全真正一二教其事鍊養與服食者為全

真其事符錄及科教者為正一鍊養之說誠可延齡却

疾儒者亦常言之歐陽公有刪正黃庭經朱子有改注

參同契是已科教鄙陋不過黃冠謀食具耳惟服食符

錄其事邪妄乃為異端之尤古來如樂大李少君張角

孫恩輩自禍禍人良可鑒也然而鍊養不已必事服食

并書符拜懺相輔而行余見士大夫家迷而不返者蓋亦多矣

家君言先世藏一便面乃趙吳興所書七言律詩一首

疑卽吳興作也嘗誦之云百歲光陰亦易週紛然人事

且無休迷途役役天涯客短髻星星鏡裏秋到老不痊

詩酒癖得歡家君言當是開子旋滅古今愁滄溟東角歸何晚

直待金鰲上釣鈎今吳興集中不載是詩故存之

家兄名折字甸方雅好神仙嘗慕餘杭大滌山之勝又以先

世有學道此山者躡屐遊焉宿於山之洞霄宮宮卽李

過庭記餘卷中

三

忠定公朱文公提舉處山中有異鳥黑翎長尾其鳴如

擣藥聲人呼爲擣藥禽相傳許真人擣藥此鳥竊食之

至今不死飛鳴山中必有道緣者乃得聞之家兄於夜

半聆其聲且於空庭迴翔數匝而去道人羣以爲異云

滄州鐵獅子相傳周世宗駐蹕於此有冶人當辟罰其

鑄此以贖罪高可尺八許像甚奇偉舊時曾夜現形噬

死一驢晨視鐵獅口中尙有血土人因去其唇吾禾西

麗橋石獅製雖不精其來已久亦聞明末之年去橋數

十武有一麵舖常失麵一日偶見麵條在獅口中大爲

駭異遂鑿斷一足指自後寂然乃知天下像形之物歲久便能作怪記載所述甚多未可以爲妄也

西陵十子詩侯朝宗稱其俱有源委余曾於友人處借

觀諸集真無忝名家若張祖望尤以蒼古勝毛稚黃詩

評謂其如酈生謁軍門外取唐突見奇而中具簡練誠

定論也十子者陸景宣圻柴虎臣紹炳吳錦雯百朋陳

際叔廷會孫宇台治張祖望綱孫沈去矜謙毛稚黃騷

丁飛濤澎虞景明黃昊吳丁舉進士官不顯虞僅孝廉

餘皆布衣諸生詩能窮人其果然乎

過庭記餘卷中

四

高陽孫文忠公承宗家居建一樓顏曰殫忠蓋其殉國之

志早已決矣嘗同賓客于樓上談論世事夜漏已深忽

空中一震響突來一鬼面長丈許五色具備止不露身

猙獰逼座右公凝然不動賓客皆却避於隱處諦視之

見鬼張口以赤氣衝公公目光亦成白氣兩道衝入鬼

口鬼口遽合尋下樓去賓客既集語公兩光相射狀公

竟不知此友人錢武瞻親得之公孫字樸菴者益信正

人自有正氣足以驅伏邪魔也

石門祝程美名文彦食儉積資一生不與外務惟事處館

遂致小康嘗自言教學有十益筆之於書其言曰吾輩
讀書志非極猛獨學每至無功家貧不能延請師友則
必出外教學萬不可較館資厚薄寧坐在家人不坐館
則此身曠蕩一入館中則有弟子羈絆功課責成足不
期禁而自禁心不期定而自定是求放心者館也既坐
館則必衣冠整飭儀容端謹面目莊嚴言語必擇一爲
弟子規範一爲外人觀聽是修身者館也處館之人不
得不用功文藝粗鄙出不得手學問荒疎出不得口又
況考試升沈世情因之冷煖人倫月旦道路得以批評

過庭記餘卷中

五

可懶散乎是懋學者館也凡坐館者飲食自然調勻寒
暑不能侵及心無經營絕去逆煎之苦身惟獨宿豈虞
伐性之戕是館可養壽也又按時講習不作輟以誤弟
子隨宜飲食不貪恣以暴天財是館未始不積德也言
乎其小者受人供億以紓家困受人修脯以贍家資稍
能持籌益之機杼儉口嗇用可致小富言乎其大者功
深得祿學積逢年學海汪洋坐見魚龍變化羽毛豐滿
行看鴻鵠高飛歌鹿鳴登雁塔大都是苜蓿先生處館
實可致貴未也其或門牆桃李時飄丹桂之香絳幄淵

源幸有出藍之色則又可食其厚報錫我耿光門人之
益亦有螟蛉未類不妨負笈而父爲師易子無資何必
趨庭而家是域則又可假乎館穀以貽厥箕裘教子之
益凡此猶其近者也若夫清齋畫永豈無綿蕞之編摩
孤館更深更有焚膏之著述則又可藏諸名山傳至百
世所以不朽者在是一一數之是皆非教學可得者故
此其大畧果自己志行高卓東家賢而敬師弟子馴良
受教其妙不可盡述寧惟十益云爾哉此非久爲經師
深嘗此味者不能道也

過庭記餘卷中

六

仁和金道隱先生名堡崇禎庚辰進士當明末崎嶇嶺海間一念
孤忠百折不悔永歷時以建言謫戍桂林破後潛投粵
東某寺爲僧名今釋號澹歸主僧不知其貴官也令其種菜先
生欣然把鋤日事勞苦後有同年某開府粵東密遣人
物色得之康熙丁巳戊午間來遊吾禾余於施約菴先
生講席上見焉時方盛夏先生僧衣面不加帽形甚清
癯頭髮如雪出語稜稜猶見往時風骨與約菴先生講
格物致知義往復辨論多所發明聽者俱爲心折旋卒
於當湖陸氏園弟子某遵遺命葬丹霞山吳子石倉有

望丹霞山追懷先生詩云禪宮誰締構聞是舊黃門白
髮歸蓮社丹心叩帝閣芝薇何處採龍象此空存回首
前朝事西南日氣昏事去三朝後身經九死餘有山埋
短髮無子表遺書梵唄銷金革香臺想玉除孤臣心自
苦不是樂空虛想像虛無裏紅樓接海霞黃封留諫草
碧血染袈裟六詔無回馭千山但暮鴉生前曾說法忠
義感天花片片硃砂骨當湖葬白蘋留身返故國削髮
表先民而我居城北惟公是比隣無由展遺像一望涕
沾巾丹霞山屬廣東南雄府石倉言先生手闢禪院已

過庭記餘卷中

七

成大叢林其先此山實一片荒棘也

道隱先生在崇禎時爲臨清知州聞北都陷棄官歸旋
丁內艱隆武建國入閩陞見極言鄭芝龍不可恃宜亟
棄閩幸楚以楚督何騰蛟兵勢正盛且來迎也隆武大
喜謂羣臣曰我得金堡如獲至寶卽授兵科給事中以
守制固辭僅請勅印聯絡江東義師以行鄭芝龍致書
方國安殺之爲陳潛夫解免復入粵永歷仍授以兵垣
多所建白以清直稱人咸憚之與袁彭年劉湘客丁時
魁蒙正發有五虎之目朝士多攻擊之下錦衣獄幾被

刑死謫戍清浪衛桂林破旋投茅坪菴爲僧丹霞其後
來所闢也五虎人品不同先生其矯矯者

吳門范柳塘先生名仕萊州司馬以風雅爲政清績蔚

然余時在陳刺史署中心竊慕焉先生亦甚愛予鄙陋
之作頻托人問訊意欲一見因刺史關防最嚴志格于
往還一日于濟南公館猝遇依依之情若有不能釋者
余旣歸里先生旋擢河南刺史乃專使邀余入幕余以
秋試屆期未卽往及書幣再臨又爲方伯郎公所留中
心抱歉莫可言喻聊以一詩申謝冀邀慈鑒然鄙人緣

過庭記餘卷中

八

分淺薄如此未知他日尙能侍几舄否也

予家雁蕩祖宅蓋自菊隱將仕由金橋徙此歷世同居
迨我八世祖存恕公讓之宗子自營東莊別墅其地據
雁蕩之陽以在祖宅左偏故稱東莊雁湖水自來秀橋
西南行折而西復滙而東北分流橫陳于所居之前誠
吉宅也松澗公復增飾之有衍慶堂北山草堂靜樂堂永
思堂先奉萱堂節壽堂存恕齋水竹居有竹居山月樓
湖南書屋野嘯亭芳潤亭錦雲亭萬玉亭小吳軒來秀
軒香雪窩聽月窩惜日所萬年深處闢耕處其餘側房

小室不可勝數叠石為山引水為池竹木森茂助其勝概一時有東莊八景之目八景者雁湖秋月富庄烟雨錦雲憇午香雪先春清風萬玉壺天一鑑東塘帆影來秀虹橋也聞溪未築聞溪別業時居此最久祖父孫三世擅文藻以故名公逸客多來遊寓若華亭朱應祥號五華外史江陰卞榮戶部郎中四明張權鄭惟健舉人濟南陶元素天台謝燦會稽徐淡吳江吳理工部郎中汝訥新建蕭子鵬字嘉興餘姚戎惠岑昭字畏齋岑良能府學教授過庭記卷中 九

號牛閒周仲昕字豫齋吳門史鑑舜江嚴方茗溪閔瑤字竹窗江左王芹江東丁鏞東魯張友竹浮梁無逸姓名無考慈溪沈榮同郡周鼎姚綬呂憲于璠嘉興沈琮平湖劉稽字綬軒舉人又有不知其籍者張震號東園羅麒徐庸韓澄徐一愚周天鳳方瑜夷陵州守徐達卿周旦陳訥顯之西洲竹溪鉉軒鳳山靜菴以上六人並姓名無考笠峯閑衲

釋謨皆其人也諸公有詩有賦有記有序有箴有跋並載家乘予嘗于荒烟蔓草間憑弔遺蹟不勝雍門之感云

吾鄉沈仲霖先生余母黨至戚應稱表姨夫其尊人于明末為三水令旋擢廣州太守王師入粵未即歸順性命懸呼吸間時郊壘未平戈鋌載路先生年甫二十省親念切冒險遠行其在途頻死獲脫者不知凡幾及至羊城尊人已入園扉乃日哭泣軍府一時文武大僚皆感動遂蒙釋放父子還鄉至今禾人以為美談康熙甲戌先生年屆七旬值次君原衡表兄官修撰余為作介壽引言先敘其文行中云然而摛華振藻固學士之恆儀砥行敦倫亦儒流之本務倘專言其碩學頌禱猶偏若泛舉其家修敷揚未罄試詳一節足概千端當與朝燕京定鼎之年正中憲度嶺分符之日長江南北已入版圖百粵東西猶遲聲教親聞杳杳畫熊之轂難問客路茫茫黃犬之書竟絕維時先生齒方弱冠心切高堂遂揮涕以辭家還望雲而就道類秦關之逸客竊聽雞鳴非浞水之亡師頻驚鶴唳荒涼旅次潛踪荆棘

過庭記卷中 十

之林飄泊行裝乞食豺狼之穴歷半暮之跋涉冀一日之團圞形容槁而道路興悲精誠格而神明默相孝子身經百險幸覲止于鯨波鱷沫之餘孤臣跡越千鄉正徬徨于閃電驚沙之候頻年朝夕之淚衣袖俄乾連宵夢寐之通音容猶昨如逢隔世共慶餘生一望鄉關慰心天地于是陳書故舊請命臺司盡携家室以言歸終隱林丘而遂養斯則朱康叔行求不已至性固自過人江次翁遇難獲全真誠尤能動物于是輦下諸公盛傳其事且并拙文亦加贊美焉

過庭記餘卷中

十一

徐健菴先生廳事聯云泰山北斗仰之彌高金鐘大鏞叩無不應王阮亭先生廳事聯云一時名士皆從其遊天下文章莫大乎是不知何人所贈要惟此二先生誠足當之不愧

胥山之名見于吳越春秋吾禾郡城東有此山舊傳本名張山以伍子胥伐越屯兵于此故名然不過拳石耳論者謂是杭之吳山上有子胥廟又名胥山此足當之水經注伍子胥死于吳而浮屍于江吳人憐之立祠江上名曰胥山吳錄云胥山在太湖邊去江不百里故曰

江上論衡云子胥投于江中何江也有丹陽大江有錢塘浙江有吳通陵江按吳王殺子胥投之于江當在吳江然魂氣無所不之凡在吳地皆得祀之意者子胥死後在在立祠則吾郡之胥山亦必因祠得名未必是屯兵處也

家譜中載五峯陳一初樗老和我愚懶翁閒居八咏謂當時倡和盈帙並燬于火此詩乃竹所翁名榮所記憶而屬華亭朱應祥書之者其咏西疇春雨云新雨曉絲絲西疇正及時林暄鳩逐婦水煖犢呼兒秧短仍含穀花

過庭記餘卷中

十二

殘尙戀枝喜看耕稼力沮溺乃吾師南樓夜月云百尺危樓上登臨思欲揚蟾枝花噴雪兔白藥飄香曲按霓裳好盤分玉露涼恍疑仙樂近移簾接相羊柳塘垂釣云楊柳橫塘口波光素練鋪枕書看翡翠垂釣拂珊瑚山遠青螺隱江空白鳥孤漢庭丹詔下不肯換桐廬梅屋聽琴云一榻梅花下宣情在嶧桐冰絃傾海水雪曲度松風明月當清夜流雲蕩碧空相思不相見拭目送飛鴻松亭鶴舞云偶得青田侶昂藏自不羣梅邊寒啄雪松頂夜巢雲好客傲傲舞鳴皇處處聞北山空蕙帳

莫愧稚圭文花徑鹿馴云花徑來馴鹿交鳴最可聽
呦宜燕客濯濯慣依庭背負梅痕白蹄沾蘚暈青固知
仙骨健千歲 遐齡雪夜書聲云一室生虛白羣英列
雁行瑤花分縞素縹帙映寒光浩蕩開金帳吾伊出粉
牆清朝遵聖教名播戰文場霜林詩意云霜林秋意思
遊眺總堪詩杜牧停車處崔郎得句時疎容端可寫清
趣本難知最愛斜陽裏軒窗燦陸離八詩詞韻雋朗大
有明初四家風致自屬一時壓卷之作故雖遭烈燄而
後人猶能道之也

過庭記卷中

三

蘇小小錢塘名倡南齊時人或云晉朝歌姬吾郡有其
墓在嘉興縣前今賢倡巷以小小名也玉臺新咏有錢
塘蘇小小歌云妾乘碧油車郎騎青絲馬何處結同心
西陵松柏下西陵在錢塘江之西故爲錢塘人其見于
古人吟咏者韓翃詩錢塘蘇小是鄉親白居易詩教妓
樓邊道姓蘇又云柳色春藏蘇小家又云蘇家小女舊
知名楊柳風前別有情又聞娼妓嚴郎中詩云但是人
家有遺愛就中蘇小感恩多溫庭筠詩蘇小丰姿迷下
蔡李商隱詩蘇小小墳今在否紫蘭香逕與招魂宋林

景熙蘇小小墓詩云歌扇風流憶舊家一丘落月幾啼
鴉芳魂不肯爲黃土猶幻燕支半樹花題下自注云墓
在嘉興縣西南六十步然小小在杭州已有二墓一在
鳳凰山舊州治後一在西湖上相傳孤山西陵橋側土
堆卽是究未知何者其藏真處也噫古來義烈之夫常
不能保有封蠶此一倡耳乃傳其抔土非一處且眷眷
不已好德之不如好色詎不信然

先君言向有家藏張南山復畫卷題曰江山清勝圖蓋
自松澗公遺傳已七世矣項孔彰見之賞玩不釋手因

過庭記卷中

十四

携去十日乃還鼎革之際竟爲亂兵劫去真是恨事幸
畫上題咏先君最愛之嘗手錄一册今畫雖不存讀其
詩如見畫也南山詩云偶來山水窟風景畫圖開浩浩
春如海乾坤造化來漁舟風裏棹農畝雨中耕山水終
身樂功名一羽輕雲裏三間屋山前數畝田日長無箇
事松下枕書眠白日無人到青天有月來江山圖畫裏
獨立釣魚臺山色無今古潮聲有去來海門紅日上翹
首望蓬萊又題云右江山清勝圖暇日爲陶義門寫或
作或止布置景物經三月功始畢意匠甚愧不工殊無

斧鑿之氣凡爲之子孫者宜藏之勿輕與人也已卯冬
至日南山道人識于小蓬軒劉緩軒稽嘉詩云大江之
長萬餘里并包漢沔該彭蠡縈遶東馳莫能止沛然會
合滄溟水旭日麗天風不起舟船容與畫圖裏篙師無
愁舵工喜唱歌船頭徹船尾朝發江城暮江市魚蝦肥
鮮酒香旨萍水相逢盡佳士江行行樂有如此沿江千
山復萬山青峯翠巘照眼寒水波跳沫霞彩丹瀉瀉縹
字失一真奇觀狂豪日來觀其瀾知水有本猶天寬我將
高張十幅帆遡流乘風接飛翰遠認巴蜀識巽樊勝地

過廬山餘卷中

五

遇之卽盤桓石臺瞰江固且安會須坐此持漁竿子欲
從我諒非難有願尋約指一彈酒船艤在蘆花灘與子
長嘯烟波間張笑菴錫又字詩云茫茫堪輿無終極觸
處江山誰徧識踏破青鞵汗漫遊空使浮生役行役君
不見當年司馬子長遊山川勝概窮冥搜酒魂文思浩
無敵笑魄天地如蜉蝣又不見浣花拾遺杜陵老半世
功名值天寶劍南流落騁吟哦隴蜀間關發懷抱何如
逍遙紫府羽袍仙蟠桃醉啖三千年金壺墨瀋隨手撥
冰綃咫尺生雲烟雪濤洶湧通巴蜀荆揚雲樹三吳續

沙鷗水鳥釣魚磯白雲紅葉樵人谷雨笠烟蓑東作勤
老盤在阿棲隱君熙熙皞皞開壽域長年樂育光天春
無限江流歸眄眄歛蕩魚龍涵大塊濯纓豈無孺子歌
瑤笙屢見飛仙載澄波渺渺浸遙山霧嶂烟縹緲間
芙蓉掃翠蘸秋色蛾眉漬黛分螺鬟山耶江耶極清勝
靈秀網緼符泰運幅員何必論西東漸被從教邁堯舜
義門猶子松澗生青年文采瓊華英觀光南北負豪氣
酒酣擊劍雙瞳明索我長吟發清趣珠玉相輝誇七步
臨風安得謝宣城同咏澄江如練句岑某琬會稽人詩云古

過廬山餘卷中

六

今重繪事變化胡不同乾坤不可畫日月難形容維山
雖云高峻極摩蒼穹維水雖云深源委相流通于焉寫
其意天機妙無窮傅巖象惟肖物色來桐江雪臺與凌
烟丹青爲圖工中有潑水墨亦足移化工作者何其多
悉數難遽終鄭虔與王宰見稱浣花翁摩詰輞川雪米
芾滄江虹近世南山師高深躡仙踪平生托毫素上壑
播心胸寬闊見蒙密澹泊藏纖穠咫尺若萬里模糊露
孤峯紛紛衆皴存去去窈且深江山信有待景象還鴻
濛漁樵及耕稼往來山谷中豈無著書人閉門如卧龍

披觀足感發永懷三數公松澗近得之寶愛 清風我

題南山筆敢冀相流芳誰能鶚書薦置之蓬萊宮張某

權鄴縣人詩云南山道人墨妙丰神颯爽天機到與酣揮

灑手不停坐令屏幃開光耀萬里江山隨意成工與造

化爭崢嶸峨眉洞庭天下壯蓬壺赤水毫端生輞川風

韻久不作廣文標致亦蕭索先朝巨筆三數公道人驅

駕森頭角我亦平生重毫素掀奇覽勝窮朝暮醉來點

筆為君題席上時時捲雲霧周桐村鼎禾郡人詩云劉郎詩

句清於畫萬里江山一傾寫南山不是丹青人筆花濡

過庭記餘卷中

十七

墨淡生春等閒皴散泯無迹家數自成聊戲劇釣臺東

望海門低天目山前雲樹齊多少峯巒藏不得剪入鵝

溪染成碧誰家縛屋長松下急澗飛來曲闌外云是柴

桑幾葉孫性不嗜酒天吾存早年嗜畫復嗜書展卷若

睹千金姝莫謂劉詩少妍媚畫裏得之增爽氣某山某

水窮探索縱得閒情亦艱僻不如放浪一扁舟直下嚴

灘成漫遊北苑南宮如可作停棹鷗邊與君酌問渠雲

夢吞幾何吾家詩法吾敢歌豈曾崖岸生風波要知詩

畫同一律貴在天成神助多朱玉華應祥華亭人題云南山

道人讀老易參同之餘運心于神州勝境假縹素墨瀋

為潑掃之作眇方喜翁大得師法然皆不以形似直寫

胸中奇趣云爾江山清勝一局為東莊陶義門作蓋得

意筆也劉綬軒博士詩雖為圖作頓挫老成出于雲烟

點染之外非身歷其境者不能欲引興和之卷無餘楮

疑舫桐村別字詩以評之是矣諸君之作鵬騫海怒亦自可

愛書以誌之觀諸公詩則南山之畫之妙可知觀玉華

所題則諸公之詩之妙亦可知矣

余遠祖菊隱公當宋末以義兵保捍鄉閭功德最著里

過庭記餘卷中

六

人感之至立祠歲時致祭嘉靖間薛方山督學浙江纂

輯通志載之人物云陶菊隱嘉興人以號行今失其名

德祐末元兵南下菊隱聞勤王之詔散家財招集義兵

以拒元謁文丞相于軍宋亡遺士流寓者多以爲依戒

子孫勿仕元當時有同邑趙孟僑華亭有殷澄稱秀州

三義越近閱新修志載入孝義中第謁文丞相事削去

不知主筆者是何意見也宋文憲曾為菊隱公作傳其

手書墨蹟歷世珍藏明末竟燬于火今文憲集中不載

是文先君謂審其文筆斷非偽作因錄之左方聞潛溪

集舊板已亡冀續鐫者採焉

宋將仕郎菊隱陶公列傳

金華宋濂撰

有宋階將仕郎陶氏號菊隱者其諱字失傳其五世祖曰十六將仕其先由汴而遷浙之永樂鄉金橋是為陶之始祖始祖而下曰十二將仕曰七十一將仕曰九十一將仕世受宋官有勲當時菊隱天性忠厚篤于親而信于人德祐末國步日蹙元兵下江南所至之處民被俘獲及死徙者甚衆公獨奮然以一身狗國盡散家貲團結鄉民為義兵以保障一方元兵

過庭記餘卷中

十九

不得入境由皋亭而去衆賴以安以功授將仕郎已而宋亡版圖悉入于元公即謝事屏居金橋初以草壘屯聚鄉兵之故其地當要衝不可以久處遂遷于雁湖買田築室為終老計作堂名忠孝以示不忘于宋作書樓聚書至二萬餘卷雖擾攘中不廢文事四方賢士之流寓者多歸之作書院以居晚進嘗以陶之先有靖節徵士者恥臣他姓托菊以遂其高隱之志因以菊隱自況時人亦以是稱之配王氏稱十一孺人思賢里右族有賢德生子一君疇公教之一以

忠孝為本蓋以其所行于家行于國者授其子也嘗以世受宋恩戒子孫勿仕元以辱先世由是其子若孫世世守厥先訓作堂必以忠孝名之年若干歲卒葬于洛山

太史公曰忠孝人之大節也當宋季擾攘元師自此而南主兵守土之人納欵迎降之不暇而菊隱以一布衣獨能為國舉義以扞衛一鄉其忠肝義胆可貫金石及宋社既屋猶能眷眷不忘宋恩作堂必以忠孝為名教子孫必以忠孝為法用是天祚厥胤益久

過庭記餘卷中

二十一

益昌謂非其餘慶歟子故述其行而為之傳韓退之云無亦使其無傳焉

往余客京師與嚴叔子徐安敘壽謀常聚于酒爐茶館間各疏都下事物見諸吟咏海昌揚次也亦來相會所賦獨夥如水車鬪鶴鶉撲滿鞭陀羅鐵哨子金魚燈走橋模釘兒黃芽菜鐵脚太平鼓倒刺踢石毬插秧歌紙旛錢冰船等篇並為好事者傳誦是時次也年甫弱冠也

吾鄉水西寺相傳唐宣宗曾隱於此有詩云云載在郡

志人以宣宗隱事于史未詳疑其爲偽偶闕錢塘倪魯
玉神州古史考載昌化縣西八十里有大明山亦稱宣
宗隱處及卽位建寺勅號大明山半有瀑布泉宣宗與
鹽官悟空禪師咏此泉詩曰穿山透石不辭勞地遠方
知出處高宣宗續之曰溪洞豈能留得住終歸大海作
波濤按舊唐書宣宗本紀帝生於大明宮山寺當以此
得名史言其初封光王歷太和會昌朝深自韜晦其行
遊南方江湖間或信有其事也

今人好鬪葉子名曰馬弔相傳明末院妓馬湘蘭所製

過庭記餘卷中

三

或曰不然以四人共事取馬四足之義其說近是然聞
前朝士大夫家百或一二能之比來幾于街談戶習間
有不解者呼爲俗物少年子弟沈酣于此靡不廢時失
事以有限光陰而坐銷無益之戲詎不可惜其或罄費
財物以致家庭骨肉間遂生詬怨此尤不祥莫大焉余
幼時亦復不免幸未爲酷嗜旋卽悔悟每念向日鬪葉
工夫不知拋却幾多書卷宜乎下蒙終其身也書此以
誌吾過

錢塘杜子恭名吳晉時人有秘術嘗就人借瓜刀其主求

之子恭曰當卽相還旣而刀主行至嘉興有魚躍入船
中破魚得刀其他事靈效類此孫恩父泰師事之具得
其術恩之謀反或由此歟然當時者欽慕甚衆如沈約
先世有名警者亦執弟子禮于子恭而孔稚圭父靈產
至過其墓遙拜之究未知子恭道術果何似也

主考一官所以登進人才供 國家用其姓名宜有記
載而各省通志概不一及余嘗搜訪前明典試吾浙諸
公竟十不得二三幸 本朝開科以來尙能記憶因備
錄之留爲異日鄉邦掌故云

過庭記餘卷中

三

順治

丙戌正宗前庚辰進士章上人

副杜立德前癸未進士寶坻人

戊子正陳 曠丙戌進士孟津人

副董篤行丙戌進士洛陽人

辛卯正蔣 超丁亥進士金壇人

副李人龍前乙卯貢士深澤人

甲午正熊伯龍己丑進士漢陽人

副許作梅前庚辰進士新鄉人

丁酉正張瑞徵壬辰進士萊陽人

副史彪古壬辰進士鄱陽人

庚子正張貞生戊戌進士廬陵人

副汪之洙 貢士遵化人

康熙

癸卯正李儀古己丑進士任丘人

副李鵬陽 陝西富平人

丙午正張玉書辛丑進士丹徒人

副劉廣國己丑進士安福人

過庭記餘卷中

三

己酉正吳愈聖壬辰進士晉江人

副段昌祚丙戌進士濟源人

壬子正沈 荃壬辰進士華亭人

副姚祖頊戊戌進士宛平人

乙卯正徐秉義癸丑進士崑山人

副王 垓己丑進士山東人

丁巳正王尹方癸丑進士山西人

副丁 泰戊戌進士山東人

戊午正項一經己亥進士朔廣人

副李鴻霏辛丑進士山東新城人

辛酉正湯 斌 人

副于覺世 人

甲子正周纘會 人 卒于途不入闈

副蘇 俊丙辰進士武城人

丁卯正熊賜瓚丙辰進士湖廣人

副劉 迪丁未進士四川人

庚午正張希良乙丑進士湖廣人

副王 謙 永平人

過庭記餘卷中

三

癸酉正顏光敦戊辰進士曲阜人

副司 鉉丙辰進士北直寧晉人

丙子正袁 佑己未薦舉弘博河南人

副唐孫華戊辰進士太倉州人

己卯正史 夔壬戌進士溧陽人

副覺羅滿保甲戌進士正黃旗人

壬午正傅作楫 舉人四川人

副阿爾賽

余編浙省解元歷科主考備列於前

青烏家術歷有徵驗但無精識神鑒如楊 揭

其人耳余家祖墳係劉誠意未爲佐命時所定今堪輿家所圖陶家鶴嘴墳是也以地形似鶴嘴故名當點穴時誠意問余祖曰欲富乎欲貴乎欲長久乎余祖沈思良久答曰願長久遂定今向寒族從宋南渡代有衣冠至元以隱德聞洪永以來子孫亦復蕃衍遂以儒苑世其家終明代中甲乙榜者十有二人惟 本朝六十年竟無登一第者然青青子佩屈指三十人左右率以爲常其餘長幼亦皆謹守家規無敢踰閑蕩檢爲西浙清

過庭記餘卷中

三五

門之首長久之應洵不誣云祖墳之旁有周姓者其先見誠意爲予家相墓亦以是求焉誠意問爾願何若其人曰願世世止一子相傳自耕數十畝田不他徙不遭橫禍足矣誠意去余祖墳半里許指一穴與之其家至今如其先世所言誠意之術亦神矣哉

記云醫不三世不服其藥人多以父子相承爲三世謂其代傳之業必能精鍊爾余竊嘗疑焉古之名醫多矣若洎于意華元陀孫思邈許智藏輩豈無授受然不聞其世習醫也後見經解謂通三世之書其書一口針灸

所以祛疾者二曰神農本草所以辨藥者三曰素女脉訣所以察症者醫家必透徹三書始可行其道而不至于誤人也此說良是不知前人何以旣明載之而復非斥之以致誤解至今予讀宋文憲集有贈醫師葛某序亦主三書之說其辨論最確是可據以折衷矣

七情者喜怒哀思驚恐悲也過則皆能死人人多謂喜何至于死余曾見元許左丞有詩序云灤陽驛東北四十里有雙塚世傳古有久戍不歸者其父求之適相遇此山下相抱大笑喜極而死遂葬于是俗因謂之喜逢

過庭記餘卷中

三五

口亦猶望夫之有石也今皆誤逢爲峯爲居庸關外最險要地又予族祖親蘭公以布衣教二子仲煦叔照並成進士旋爲顯官一日仲以御史清戎福建復命叔以廣東僉事賡慶賀表赴闕便道省親過錢塘兄弟相會遂聯舟而行抵家已不遠矣親蘭公得報喜甚忽嘆曰吾死瞑目矣不踰宿而逝觀此信知喜亦不可過也七情惟憂思致死猶緩若喜怒哀思悲且夕之間皆能殞命此發而中節所以爲情之正也與

民間一產三男例得上聞給以粟帛蓋以爲人民蕃息

之徵近闕邸抄大約在西北諸省居多東南每不及十之二此亦可見風土厚薄之分按後趙石勒時黎陽人陳武一產三男一女武携其妻子詣襄國上書自陳勅以爲二儀諧暢和氣所致賜其乳婢一口穀一百石雜彩四十疋賞資當始于此宋時凡產三子四子者不必皆男並許奏知至明乃以三男爲例過此便不爲美事如漢安帝永寧中南昌有婦人生四子時以兵氣禍起蕭牆後四年果應則其非瑞明矣又河汾燕間錄延興三年秀容郡婦人一產四男四產十六男陳后山叢談

過庭記餘卷中

七

郊城民有二十一子而孖生者七北窗雜記成化間聞喜縣民鄒亮妻初乳生三子再乳四子三乳五子嘉靖初京師民米鑑妻二月十一生一子十二生一子十三生一子萬曆年先曾王父通守鎮江民間有一產五男者其家日富家君言天啟間范工部劬夫人得一女四閱月矣又生一男是年范進階一級其果妖耶祥耶又莫得而辨也

父以合葬禮也孔子防墓尙已後人間有分葬者蓋惑于堪輿家言謂一墓止可容一棺且有善地得以兩占

風水然此其茫渺不可知者也身爲人子使吾父母睽隔魂魄不得相依心又奚忍或援舜葬蒼梧三妃莫從而紫陽葬父子崇安葬母子婺源先儒亦有行之者不知禮制于周公舜之時猶屬未備若紫陽必當日事會有所阻難未及改遷耳安可遂援以爲例哉

燕都八景始于元時所謂瓊島春雲大液晴波居庸疊翠西山霽雪玉泉垂虹薊門煙樹盧溝曉月金臺夕照是也明英宗增其二曰南圃秋風曰東郊時雨遂以十景著稱余棲跡京師不爲不久僅流連于金鷲玉螭

過庭記餘卷中

八

間煙波蕩漾花柳紛披魚鳧之屬皆得自適其天此水直通太液聊一寓目而已若瀟溝往來並在日中其餘諸景自愧無濟勝之具又以短顧不克登高望遠躡屐之興遂無由發真所謂如入寶山空手回也雅人聞之當發一笑

明嘉靖間家一菴公照會爲陝西行太僕寺卿所有勅書失之已久後人謄稿猶存勅云國初設行太僕寺提調比較都司衛所官軍馬疋查究奸弊職掌最重後該兵部奏准照太僕寺點閫京營馬疋事例而行奈地遠

權分軍職官員往往抗違欺謾以致官擁虛名馬政盡弛近該督理馬政都御史楊一清奏稱陝西都司衛所及延綏寧夏各邊營堡官軍騎操馬疋瘦損倒失數多皆由管軍官員不能嚴督餵養或扣除草料侵尅馬價濫撥私用以致損傷及至追補之際又將不堪馬匹高價勒買靠累軍人奸弊百出乞勅該寺官員查究等因今特命爾照京營事例每年二次前去徧歷該管衛所營堡將一應騎操馬匹用心點閱嚴加比較瘦弱者督令加意餵養倒失者責令依限賠償各邊官軍下班回

過庭記餘卷中

三

衛一體點閱比較年終具奏造冊以憑稽考其罰俸罰馬降級黜革等項悉依該部奏准事例仍先備行曉諭遵照施行軍職官員敢有仍前作弊及抗違阻撓者輕則量情發落重則指實參奏若守備分守以上官號令不嚴以致所部官軍損失馬匹數多者一併參奏仍聽督理馬政官調提稽考鎮守等官不得故相阻撓以致誤事爾受茲委任必須持廉委公殫心竭慮務使馬匹肥壯可備戰守尙有旌擢以酬爾勞如或因循怠玩互爲容隱虛應故事無益地方罪不輕貸爾其慎之故勅

觀此則當時職掌可知是官設于洪武之末凡四處山西北平遼東與陝西也

令甲民間失火僅予杖康熙間上海有一民將移居行李已去過半忽失火延及鄰居鄰人憾之訟其空室故爲放火此當得死罪民泣訴火發油布中已實無與縣令不能決遂上之太守余時在郡署謂司案牘者曰晉時武庫火張華以爲積油所致宋時真宗陵災火亦起油衣中未可謂無其事也及庭鞠其人極口稱冤乃從常律

過庭記餘卷中

三

辛巳六月陳宿峯刺史邀余登州之行偶咏其地古蹟排律一篇題于驛壁適學使徐公名焯字章仲按登見焉呼館人問之曰三日前萊郡署中一客所題也徐公一見刺史卽問余姓名贊美是詩不置口試事竣遽承枉顧并索余平日所著詩文後復折簡相招余性最懶應接然頗有知己之感亦欲一往適有傳言報謁之後當必有贈余憮然曰大人先生不惜齒牙餘論獎提後進誠盛舉也若以此損其清俸不惟某近于沽名好利之爲鄙陋已甚且使居高位者亦難乎其爲折節也遂不起

然此意竟莫有達于徐公者

寓牟浹旬有懷古蹟隨所見聞漫紀三十四韻

坤維雄北鎮坎德盛東溟祝鬲當分土虛危應列星

遙關橫塞紫疊嶂入天青拱衛神畿勢包羅異域形

嚴譙懸鼓角怒浪激雷霆竹島搖雲旆桑津躍火鈴

迴環猶斥堠出沒盡仙靈接塢林如蓋浮波船若萍

月祠遵漢祀采碣紀秦銘虎阜朝霞合魚梁夕照停

飛樓蒸蜃氣絕壑墮鵬翎地藉鹽絺利家饒蚌蛤腥

石龜歸暑候陸機詩石龜常懷海陽雁下沙汀郭外喧雞犬洲

過庭記餘卷中

三

邊富朮峇閣懸風浩浩巖漏水泠泠可是崑上境無

疑伯益經提封真壤錯蓄產亦淵淳義士田橫寨童

男徐福舫騎鯨良渺莽收豕未飄零保社尋劉寵羈

棲慕管寧征遼勳澗遠蹈海跡沈冥鰲釣終何得牛

歌尙可聽蘇來官五日盧去井干齡轅固儒空老涓

于醉不醒松堂堆暮靄東坡有孫氏松堂詩李墓聚村伶宋太守李

帥中墓在昔化熊原蘇處也今歸鶴是丁戚家韜

畧妙少保諱繼光左氏豆籩馨侍郎諱懋第時冷落唐朝

利郡城開元寺建于唐摧頽憲府廳先伯祖曾防撫登萊今使院已

毀人倫多許郭族望比譚邢逃矣烏胡戊悠哉鏡石亭
孰奇披記載訪古走郊垌陋已譏窺管愚應哂挈瓶
沈灰消浩劫擊水啟幽扃瓜棗如堪覓長依不死庭

過庭記餘卷中終

過庭記餘卷中

三

光緒七年秋七月
巴陵方功惠校刊

過庭記餘卷下

繡水陶 越艾村著

順治九年禮部題奉 欽依條約八款頒刻學宮名口
卧碑前明已有之共一十二條始于洪武後再為刊定
大約就會典律例與學政全書所載而重為提揭者今
于明碑中止不許上書陳言相同他若遵傳註正文體
禁冒籍嚴出身端師範朔望講書定歲貢恩貢及三場
試藝皆不入條欵訓詞無多而精嚴簡要所以誠飭士
子者備矣特錄于左

過庭記餘卷下

朝廷建立學校選取生員免其丁糧厚以廩膳設學院
學道學官以教之各衙門官以禮相待全要收養賢才
以供 朝廷之用諸生皆當上報 國恩下立人品所
有教條開列于後

一生員之家父母賢智者子當受教父母愚魯或有
非為者子既讀書明理當再三懇告使父母不致于
危亡 一生員立志當學為忠臣清官書史所載忠
清事蹟務須互相講究凡利 國愛民之事更宜留
心 一生員居心忠厚正直讀書方有實用出仕必

作良吏若心術邪刻讀書必無成就為官必取禍患
行害人之事者往往自殺其身常當思省 一生員
不可干求官長交結勢要希圖進身若果心善德全
上天知之必加以福 一生員當愛身忍性凡有司
衙門不可輕入即有切己之事止許家人代告不許
干與人詞訟他人亦不許牽連生員作證 一為學
當尊敬先生若講說皆須誠心聽受如有未明從容
再問毋妄行辨難為師亦當盡心教訓勿致怠惰
一軍民一切利病不許生員上書陳言如有一言建

過庭記餘卷下

白以違制論黜革治罪 一生員不許糾黨多人立
盟結社把持官府武斷鄉曲所作文字不許妄行刊
刻違者聽提調官治罪

吾邑蔣石林先生

名之翹又字楚樵

高隱士也博學工詩好遊

兼喜購書家于間溪與我族人最相契洽歿後子貧甚
藏書率多散去并訪其遺稿亦無之吳江顧翁茂倫百
名家英華之選亦深為致惜僅于曹能始石倉集中得
詩四十六首皆甲申以前作又從沈墨菴處收其剩餘
十五首如是而已顧翁謂其詩多剴刻不隨時尙獨往

獨來余舊見其爲原眉族伯作砂壺銘八章云范乎而陶乎而吾以斟酌乎而一人醉我醒人甘我苦宜寒宜暑是日壺父二澄之不清撓之不濁注之不盈酌之不涸三非玉非石如金如錫不可以挹酒漿迺涓涓不塞四堅者質虛者德能濡人以澤維君子之則也五思有遷德幾微是防勿汗勿窳厥馨孔彰六色其細而馨其歇而幽對是宜肉食者鄙而七水火相戰風濤乍激一與君晤聲聞俱寂八此亦在英華選中古意可掬族兄次宋最愛其詩見卽手錄今已物故當詢之六皆諸姪也

過庭記餘卷下

三

祁唐書歐陽修同脩歐陽修五代史脫脫宋史遼史金史宋濂元史也今郡庠西南有稱鹽運基者以明時爲鹽運分司公廨其地本吳越時蘇州刺史曹珪之宅後捨爲寺號羅漢院入宋改爲招提嘉熙中鄧州金鶴雲僑寓寺側夜聞女子歌曰記得一曲值千金如今寂寞古牆陰秋風衰草白雲深斷橋流水何處尋排闥入與金合臨別贈以金女潛然曰妾曹刺史女也已得仙術但凡心未除終與君會夾山耳鶴雲後爲縣令卒峽州後鑿土得石匣古琴有金繫焉事載雪審紀異中珪之父爲監鎮信吾郡祖城是其所築今去郡二十里許有曹王廟者本祠信後殿所謂太子者卽珪也人多以爲武惠陸應陽廣輿記亦因之殊謬第信未嘗封王珪又何以稱太子至以豎子肖珪像凡謁廟祈嗣者遂以香投擲謂得弄璋可發一大噱豈以武惠有提印事遂傳會之耶按彬下江南止于金陵浙西一帶並未兵臨不知後人何憤憤乃爾前明成弘間趙公友梅名昌不知何許人予六世祖聞溪

過庭記餘卷下

四

公及兄漁村翁並師事之嘗以紫石硯贈漁村爲別兼
系以詩云相處僅三春嗟今學業新讀書方解義處衆
每親仁愛爾年華富憐余道氣真儒家惟此硯未許妄
傳人時漁村翁年方舞勺也其題陶東庄墨竹二絕句
云曾向家君拄杖看清風蒼雪滿林寒憑誰譜取今韶
樂翠管參差語玉鸞上林二月正春濃萬箇篔簹雨露
中分得幾竿三徑裏便看新翠滿簾攏亦有韻致又孫
約之名自署燭湖後人餘姚人乃高高祖少愚公師也
有祝漁村翁五十壽詩云花柳芬芳日正遲漁村初度

過庭記餘卷下

五

值斯時是非從此無庸檢天命于今自可知玉軸新詩
來洛社瑛盤異果降瑤池膝前更喜麟兒俊擬折蟾宮
第一枝曾伴仙人問九還丹厓小隱在玄關坐依瑤草
春風暖笑指碧松暮景閑鏡裏流年添白髮爐中大藥
駐朱顏養生自讀嵇康論浮世虛名一笑間漁村翁孫
公和公亦屬受業至其得子得孫孫尙有詩是在余家
最久先是聞溪公歿孫有祭文詞意淒婉載在家乘中
于此並見古人風義之厚而祖宗學問淵源亦可慨想
萊陽左蘿石先生懋忠節直與文山比烈余在登一月

求其片紙遺蹟而不可得錢塘吳志上偶于市肆中買
得一扇乃先生手書也以示余筆法精妙詩亦甚古因
錄而還之其詩曰湖絲細軟嬰兒髮水光灑灑春雲潔
憑將聖手劈秋毫巨斧劃開枯桐節十日一眼九日眉
幻出白毫光滿月衣摺瘦健貌清古筆墨無功哇徑絕
白描設色種種工活奪龍眠與松雪橫見側出燈取影
有意無意鴻沒滅絳州消化老定武鍼鋒摹出無差別
誰能紙上卧王濛要使膺充走殷鐵堂上傳示色生動
四坐欲言歌無舌唐鈞森緊損精神 宋繡阿那少筋

過庭記餘卷下

六

骨長卿秀句奪雲烟佳兒指上現青蓮一家淨侶團團
語大勝詩人王輞川長卿內子無如氏繡佛及諸人物
行楷精絕詩以紀之三晉左懋第書于閒閒閣
唐六如沈石田與余先宗祖多交好相傳二公每過余
家必留連旬日因是贈移墨跡最多今無一存矣家譜
中載唐壽漁村翁詩云麗日遲遲啟艷陽茯苓斫玉佐
霞觴歲書甲子初周數銀海瞳神欲並方小網春村漁
白樂瘦筇晚塢步殊康百年塵世須臾事願祝桑榆入
蔗鄉膝前紛亂綵衣明花底駢闐畫鼓聲一歲仲春逢

誕日六旬遐壽祝長生紅旌曳竹檐牙迴綠酒浮山瑤
面平要問流年多少算蓬萊仙籍已題名沈題漁村漁
父圖云吳江本澤國漁戶自成村楓葉紅秋屋蘆花白
夜門都無三姓住漫可十家村熟酒呼兒女分魚集弟
兄不憂風伯橫惟憚水衡煩鷗趁撐船尾蟹行穿屋根
怡然樂生聚此外復何言魚莊蟹舍一叢叢湖上成村
儼畫中互渚斷沙橋自貫輕鷗遠水地俱空船迷楊柳
人依綠岸隔蒹葭火映紅全與吾家風致合草堂曾有
此漁翁又題有竹居

聞溪公書室也

云松江東來三百里有竹

過庭記餘卷下

七

便爲君子鄉碧雨一林春滿地琅玕千箇過人長二公
吟筆絕佳此數詩猶未爲出色然決非僞作也

余家先世有與陳氏聯姻而作婚啟者啟云寒冰未渙
旭日初升恭惟閣下英聲拔萃盛德守恆迹跡地仙翠
釜頤親之志婚恩天詔錦衣觀國之光太丘長表式鄉
閭壯哉華胄晉徵士絃歌彭澤否矣微宗念賢哲之明
夷諒慶源之無妄在昔良隅坤位賁依桑梓之陰于今
革故鼎新復締絲蘿之好雖憲修傳言于左右實乾造
作合于宮其矧巽女繡閣解圍素習姆師之訓而震男

青燈困學未諳幹蠱之能益知揣分隨宜咸謂攀高比
附兩家過愛盟言不替于中孚六禮漸成納采實慳于
大有魚楫自訟雁幣遙臨井井滿前想簪弁之維旅明
明在下愧禮節之不豐勿云鄙吝而屯膏乞賜麾留而
兌入三陽交泰喜歸妹之有時百兩來同俟家人之正
位重蒙嘉諾既濟良姻仰冀謙光俯垂豫悅不宣句句
以卦名作對且一聯中能兩三用之吐屬天然絕無一
毫痕跡真佳構也

過庭記餘卷下

八

成化間金溪徐太守蒞禾于郡治北圃疊太湖石成山
名曰嘉山公餘吟眺其上人以歐陽公滌山比之家君
言徐公善詩子家會有其梅花十咏絕佳一日官梅幾
樹隔高牆得得吹香到古堂疎蕊早春殊蘊藉山枝寒
雪解禁當更殘角起魂應斷歲暮愁多句未償郡閣托
根仍不俗一樽相狎幾猶狂二曰江城日日走風沙郡
閣誰能看此花海國貢香千船擁玉妃臨御萬粧華清
泉白石山連屋落日空林雪滿槎倚徧闌干轉惆悵不
禁清冷透烏紗三曰問心何處結芳隣老樹高花最可
人玉兔搗霜供永夜瓦瓶分雪薦芳春天寒幽獨渠應

瘦歲晚心期我獨真竹杖芒鞋他日事矮墻茅屋大江濱
四曰癡兒公事鬢毛改空谷晚花冰雪漫欲拉高人携濁酒
共隨流水據吟鞍芳時易失翻成恨習氣難忘喜耐寒莫怪
東風貧結子調羹商鼎正須酸五日雪積霜凝壓不斜分明
江上惱年華半枯老樹自生意新出兩梢都着花看影怕教
殘日落留香長欲峭寒加春風無限孤山夢獨木橋邊是汝
家六曰絕艷孤芳世共稱評香評影昔人曾不妨今日比西
子更恐前身是漢僧花早却教春漏泄樹高猶覺氣憑陵海
棠芍藥非吾事

過庭記餘卷下

九

對爾吟詩老亦新七曰不用東君着意栽水邊林下忽花
開仙人服玉瘦逾好神女弄珠閑自來雪意已驕仍未墮
我頭將白故應催繁華轉眼成消歇羌笛殷勤更莫吹八曰
絳寒迎臍小寒前看到春和破未全難進似堅君子節爭先
應避艷陽天偶霑宮額元無意獨伴山翁似有緣茅屋玉堂
清絕處癯然風骨似神仙九曰壺冰標格玉肌膚俗子難當
絕代姝已借雪消供薄袂更煩金縷簇香鬢瀟湘君子有夙
契山澤儒仙無此癯頰畧春風何限意一枝隨分草堂孤十
曰亭臯無賴故垂

垂朝夕催霜入鬢絲楚水吳山空悵望郊寒鳥啭日
支未論鼎鼐調和事且看山林玉雪姿白眼向人渾冷
淡可能消受此翁詩太守諱霖字用濟又號淮柏山人
予于丙子秋杪因新守未來偶過署中徧覽舊蹟古木
幽篁映帶巖壑郡閣後尙有老梅存焉豈卽徐公之所
咏歟因憶許恭伯嘉山詩云不因五馬忘巖棲疊就芙蓉
小苑西隱隱山林在 cities 深松細雨嘯黃鸝其景象
正不減舊時也

過庭記餘卷下

十一

今京東五牖轉運率用驢挽船人以爲異不知元時已
有之馬臻舟次楊村詩云前望同舟遠不分打頭風急
御河渾寒驢無力緯船纜行到楊村日已昏蓋可用之
于車轎卽可以挽船也
古人于祀先之禮最爲慎重蓋秋霜春露惻焉動懷誠
有大不忍于中者先君子祭時預誠予婦饌必豐潔凡
設位進獻儼若生存當徹猶依依席側若祖宗飲食未
竟然冥錢親自數折分代次焚之嘗誦明太祖御製祝
辭曰維某年某月某朔某日孝孫某同闔門眷屬告于
高曾祖考妣之靈曰昔者祖宗相繼鞠育子孫懷抱提

携幼勞萬狀每逢四時交代隨其寒暖增減衣服樽節飲食或憂近于水火或恐傷於蚊蟲或懼罹于疾病百計調護惟恐不安此心懸懸未嘗暫息使子孫成立至有今日皆祖宗劬勞之恩也雖欲報之莫知所以爲報茲者節屆春夏秋天氣將溫熱涼追感昔時不勝永慕謹備酒餚羹飯率闔門眷屬以獻尙享語質而易曉蓋當日以此頒行天下士庶皆得用之最是發人誠孝之念今已同祀宋之無徵矣然聞先朝自隆萬以後已寂無聞也

過庭記餘卷下

十一

余于戊午省二叔父于饒郡舟泊昌江更餘忽聞衆舟喧聲如沸急詢之云見岸上二虎已過矣同舟有一安義人因言其鄉數年前虎患甚劇白晝遊行村市間傷害無數禱于神如故設機穿制之終莫得也最後斃一虎剖其腹胎中有七子逾年其患方息向聞虎止生二子若三必有一豹七子之說余不之信後閱安義志果然乃康熙癸丑年事此亦虎之妖也

予家有二祖墳久不祭掃者一在本邑之金橋三呂墟地名草壘先時故宅卽在墓右菊隱公以上五世皆葬

此舊有墓碣卞之已久今共爲一丘聞先人言子孫過此拜奠者歸輒病因是春秋祀事遂廢其一在杭仁和縣之洛山東南麓中葬蘇太公提舉左葬菊隱君疇二祖右爲涪正大師九十一安道師菊隱將仕女明真師君疇將仕女三師並爲女冠于計籌山崇福宮各自爲丘里人並稱陶墳按金橋之墓已有菊隱公矣而又葬于此豈其一爲衣冠之藏歟蘇太公者杭人九十一將仕外翁也故菊隱公父子曾徙居依之其地名石灣去洛山七里乃允中公昆弟旣歸雁湖石灣之宅命家人居守與以山場田蕩世奉蘇

過庭記餘卷下

十一

太公及陶氏七位先靈祀後爲土豪胡姓侵佔一菴公奏而復之十不得二三承管人曰陳清後屬其壻楊珮歲取租辦祭至明末子孫亦竟置不理其地北有靈官廟並墓而西爲秦王潭又稍西有洛王廟野貓山在墓之東南舊于墓正南構一亭顏曰山月亭外有溪自茗水西來溪之外有我眉山西有崇聖寺與楊墳隣地形厯厯可考先人及小子越屢欲訪之不果二墓並祖先一脉流傳非荒遠附會者比丘墓不守君子譏之孝子慈孫宜如何動念也

今世人以子稱母如赴書祝文署主之類多稱某氏蓋以爲氏故姓也稱某氏者猶曰某姓故可無避不知古者婦人皆有名明初尙然其不避氏也宜矣近來婦人有名者絕少卽閒有之其書刺仍舍名而稱氏則氏卽母之名矣卽非眞母之名而亦近乎母名矣爲子者又安忍以是稱之耶或謂春秋書君夫人多稱氏筆削予奪實爲天子之事此固當別論者也又舉詩之母氏聖善摯仲氏任時維姜嫄爲言然曰母氏未嘗曰某氏曰氏任未嘗曰任氏惟姜嫄之嫄鄭氏以爲卽棄母名

過庭記餘卷下

十三

而周公稱之則其時制禮以后稷配天而作蓋亦周人以諱事神之義也柳子厚誌母稱先太夫人河東縣太君誌妻則稱亡妻弘農楊氏歐陽子銘婦人多稱氏而于母則曰鄭夫人石櫛銘祭母則曰皇妣太夫人祭文王介甫誌婦人亦多稱氏獨王夫人墓誌銘題不稱氏則以已之姑也姑且避之又何況于母至君前臣名乃李密陳情表言祖母劉而不連文曰劉氏此雖未可爲訓亦見其稍存諱避之意由此觀之則稱母者斷不可直稱某氏審矣然則當如之何曰有爵者則稱皇清誥

封夫人或淑人顯妣某太君至于孺人雖屬封贈然習俗相沿已成婦人通稱則無爵者竟稱清故先妣某孺人旣無勅封字樣冠之亦復何礙此亞子三兄嘗爲子言之最協乎情理者也

予六世祖孝廉公

諱熙字時雍

碩學闇修爲浙東西所推重

家于聞溪學者因稱聞溪先生詳見唐六如墓誌平生著撰甚富惜盡燬于祝融氏僅家乘中載詩數首并載其歿後親友哀輓之章姚江翠峯岑柏詩云一代文章伯遐登白玉樓周元鍾

字雪松不知何許人

詩云浙右文章推獨

過庭記餘卷下

十四

步斗南名譽重千金書史五車存舊業文章千丈焰青光至孫滕

亦餘妣人也

祭文言其立身履道褒然儒宗比諸

孔門游夏之徒作爲文章布帛菽粟刊落陳言務有歸宿人竊其餘唾手科目其爲時彥服膺如此迄今幾二百年春秋流風餘韻猶令後人慨然興起也又姚江岑良

能別號

半開岑東新亦有挽詩而東新則公門人也詩云聞溪風浪急都作斷腸聲詞更淒切

吾禾郡守史公

諱載

最有清節性亦剛方豪右側目時

多盜擒獲卽斃杖下于是奸宄屏跡民賴以安去任數

年忽郡廟道士夢公爲城隍神儀衛甚盛若新蒞者旋得公訃聞正道士入夢前一日噫公已歸天矣禾人猶賴其冥護抑何幸也友人馬宗岳言錢塘滑君諱劉彬初爲溫縣令其地有河田數十頃爲水所衝沒而糧賦未除民甚苦之滑君屢請于上竟邀題免後再令輝邑署內一圉人將死謂同伴曰吾不起矣第主人亦將去也時滑君強健無恙同伴訝其何出此言曰主人已爲溫縣土地衙役現在迎接吾當先行仍餵養馬匹耳滑君遂于圉人死後三日無疾而終或以豁糧一事天其

過庭記餘卷下

十五

鑒之當得爲神云

蓬萊有諸生王恩榮者其父爲通守蠹役捶死時恩榮甫九齡且在舅家弗甚悉也家中止祖母及母鳴之于官役以賄免僅斷給燒埋銀十二兩祖母遂自縊母度無可控者欲恨不言惟日事紡績課子讀書恩榮亦嘗疑父死狀以問母母輒飾以他辭迨恩榮既入泮且娶婦矣母終無片語洩露未幾恩榮生子乃呼之前出銀一封緘甚固上有縣尹鈐記蓋卽前者燒埋銀也泣而與之具告以實恩榮哀號受命誓必報此讐一日伺于

道側役適過以石擊之幾斃爲救者所持逸去後又遇撲之不中其舅慮其罹禍乃薦一館于蟬嶸島中以其泛海往來不便或可漸釋耳康熙辛巳恩榮年已三十值學使按登當就試恩榮左懷官銀右藏利斧日行街市間忽遇役乃從後斧斫其頭不深入復大呼連斫之旁人不知其故以爲風狂羣奪其斧役死二日復甦隨以白晝殺人具控恩榮稟訴情甚哀當事者檢尋舊案已爲役滅其迹不復根究第以善言勸解之而已此余在牟城目擊者竊以恩榮難得恩榮之母尤難得也

過庭記餘卷下

十六

偶過友人書齋見對聯云不敢妄爲些子事只因曾讀數行書心愛其句未知出自何集曾詢之同學顧書掌云此元人呂重寶詩也重寶未遇一日至不能舉火欲携布袍質米室人有吝色因戲作一詩云典却春衫辦早廚山妻何必更躊躇瓶中有醋堪燒菜囊裏無錢莫買魚云云嚴霜烈日皆經過次第春風到草廬其詩有怡然自得之致次年遂登第歷仕浙江僉事以清節著聞

古者祭鄉先生于社卽今鄉賢之祀所以報功崇德風

勵後人甚盛典也往牒所載論定最嚴一代嘗不過數人從未有今日濫觴之甚者凡一登仕版其祖父及身皆鄉賢祠人物矣在子孫爲祖父謀百歲蒸嘗不可謂非孝思然必使在天之靈安于妥侑乃可不則公道在人苟有遺行衆口嗷嗷不幾欲蓋而彌彰乎昔廬陵有四忠一節之祠信國文公少嘗游焉慨然曰死不俎豆其間非丈夫也厥後忠烈更加光顯假使其祠名不副實亦何能動文公之感慕哉明嘉靖間江右羅念菴先生其尊人先已入祠因見後來者紛紛不已以爲清濁

過庭記餘卷下

七

淆混不足榮吾親反蒙汗辱遂抱其神主而出則知此典濫觴其來久矣

古時鄉賢名宦皆出自公評歲久乃定其邦人思慕不已因請祀焉于其子孫初無與也今皆其子孫自爲營求得之其弊總由當事者以此爲邀結之具甚或貪其賂耳然兩祠並舉往往鄉賢多而名宦少者以鄉賢土著便于謀幹若名宦道里遼遠未易以一紙書從事必挾貨而往坐守時日乃能有成余在東牟意家中丞公必入名宦訪之掌故缺焉未聞再如海鹽徐仲華先生

以中丞死事甚烈亦不得一歆俎豆邦人道二公事每歛歔感惻至議及請祀曰近日此舉須費百金非其子姓誰克任之余惟付之長嘆而已

仕宦之有生祠與德政碑誠屬美談余見今日碑祠林立抑何吏治蒸蒸一至此也究厥根由皆其在官日授意下屬及部民爲之其費多出自媚子然亦爲威勢所迫不得不爾若在官未有斯舉則去任之後必寄貲于素所委任者以成其事直道具存有此遂稱良吏耶徒爲識者所笑耳湯潛菴先生撫吳有以前任某生祠爲

過庭記餘卷下

六

請者曰若欲與夏忠靖周文襄並坐耶終不許某遂啣恨思有以中之又先生于名宦鄉賢二祠嚴行勘核或留或汰或增毫無瞻徇暨宗盛典遂以肅清後吳人舉先生名宦相傳一無書幣上下翕然此亦近日所希見者

長州楊維斗先生爲諸生時便慷慨仗義遇不平事輒奮不顧身當周忠介公被逮時緹騎之死實先生與同學王節文震亨朱祖文輩激成之旣而顏佩韋等五人就刑巡撫毛一鷺猶褫斥諸生以洩忿逆奄誅後方復

學舉省試第一甲戌會試闈中得李青卷謂必楊解元
折冠非是主司頗爲不怡自後公車屢斥入 本朝戊
亥之際江南殷民未靖爲舉事者連及被收大罵不屈
死于金陵西市臨難前其自序云蘇州有明遺士楊廷
樞幼讀聖賢之書長懷忠義之志立身行己事不愧于
古人績學高文名常滿于四海爲孝廉者一十五載生
世間者五十三年作士林鄉黨之規模庶幾東京郭有
道負綱常名教之重任願爲宋室文文山惜時命之不
猶未升朝而受祿值中原之多難遂蒙禍以捐生年則

過庭記餘卷下

十九

丁亥之歲月則孟夏之終方隱遁于山阿忽陷罹于羅
網時遭其變命付于天雖云突如其來亦已知之久矣
有妻費氏吳江人歸余二十餘載有女觀慧適張氏年
亦二十餘春罵賊全忠不愧丈夫之氣概舍生取義殊
勝男子之鬚眉一家視死如歸舉室成仁無辱生平所
學至此方爲快然千古於昭到底終爲不沒但因報國
無能懷忠未展終是人臣未竟之事尙幸屢朝所受之
恩魂炯炯而升天當爲厲鬼氣英英而墮地期待來生
舟中矢志不能盡言留此血衣以俟異日願我知己面

付遺孤汝痛父母卽思忠孝垂歿之言以此爲訣四月
廿八日舟中書其詞極悲壯讀者哀之

王江涇純真道院吾家宗祠也今概稱爲聖堂云宋高
祖紹興三年始遷祖文端公所創至乾道時被回祿恭
安公復爲改造形家言其向丙丁火太旺宜建北方元
武水以制之因將祠基大門改爲靈官殿中堂爲真武
殿供北極元天上帝後樓爲彌羅寶閣供玉皇上帝又
有關壯繆祠及文昌閣俾道士世司香火焉右屋三間
供奉吾祖先塑像神主內有世篤忠貞匾額宋孝宗御

過庭記餘卷下

二十

書淳熙三年賜右文殿修撰陶恪卽恭安公也公侯將
相世家匾額淳熙二年著作郎呂祖謙書陶氏宗祠匾
額朱熹書明萬厯間盡爲火焚今雖重建規制如舊而
三額無從瞻仰殊可惜也

吾家閨門最有東海京陵遺範而以文翰擅長者絕少

惟梅巖公

諱金字公和
秀水諸生

元配龐氏諱淑慎字孟宜吳江

世家歸陶克循婦道家素殷富善十操持生平不信象
教嘗作闢佛說大畧言佛以脫離死生爲宗今佛亦不
免示寂何以訓人又嘗與梅巖公觀史至昭烈臨終囑

武侯語曰斯言誤矣此可以待操懿不可以待孔明且使後主聞之心忌丞相而小人或因以離其君臣將若之何其識見超特如此所著有焦窗漫咏學古齋文稿並散逸今僅存者羣書序引云文道之器也序文之綱也求道于器道焉可得求文于綱文焉易明何者綱提而目舉故也若易詩書春秋禮古聖載道之文也易言時書言中禮言敬詩咏性情春秋示懲勸斯文之綱也緊後世賢人君子之文難以一二計而舉欲窮之語其力則勞語其功則晦語其效則罔且支矣道曷自而克

過庭記餘卷下

三

明哉故文必有綱綱備諸序由序以求綱因綱以悟道道豈遠乎哉術豈多乎哉存乎人而已矣甲午春季朔適吾君子集羣書序畢授子目竟因謂君子曰宋儒有言學者必務知要要在是矣其務知之遂書以爲序名長子洪涑說云蓋嘗觀之池沼矣吾見其靜而不行觀之行潦矣吾見其流而不清夫水動物也靜而不行反其常也水清物也流而不清泊其真也吾見有所取亦有所棄也惟涑也其勢動知者樂之其流清潔士慕之其趨東東海其宗子其爲涑乎遂以名吾子吾既爲此

說因錄諸悅以示吾子曰大哉名乎若祖之意也旨哉說乎若父之所囑也吾兒識之焉往而非學矣夫止水必清而恆非有源其流之長者易以汨動而不汨者其涑乎是故有見于涑水之動而知者可幾也有見于涑水之清而潔者可幾也有見于涑水之朝宗于海而學必造其極焉吾兒識之焉往而非學矣梅巖贊云公以秉心和以處衆梅同其芳巖同其永言行箴云當言斯言毋使人議當行斯行毋使後悔言行能謹君子所貴戰戰兢兢勉難慎易又跋云易論樞機當慎詩誦無不

過庭記餘卷下

三

柔嘉則言之貴訥行之貴敏可見矣吾君言之允行之悔諒不待妾語而自寡雖然忠臣愛君必防其漸妾書此箴于幌是亦防漸之意也彼傳有之矣曰若夫有過微言婉諫妾謂俟其有過而後諫亦無及矣吾君幸勿鄙其言而并廢其意可焉觀此數作命意高脫皆自經史中來裙釵本色一毫不露真曹大家左貴嬪之流亞也向因秘不示人故凡採名姝著作者不及焉

趙中丞申撫浙以清操率屬可方之楊伯起吳隱之而于風化所在尤加意焉某縣有以孝子請旌者其家富

于財公廉訪之頗多遺行欲加重懲時值修築錢江塘岸其人願助工費千金乃免又武林諸生某舉爲贊禮已久後知書肆中有名一夕話者是其所著也以爲浮薄之徒斥之不許在摺相列其端方類如此

嘗讀唐人下第之作孟郊詩云江籬伴我泣海月後人驚失意容貌改畏途性命輕又云兩度長安陌空得淚兒花又云共照日月影獨爲愁思人李廓詩云窗前潛制淚衆裏自嫌身氣味如中酒情懷似別人處綸詩云落羽羞言命逢人強破顏許渾詩云夜愁添白髮春淚

過庭記餘卷下

三

滅朱顏其情詞悲愴若有不能釋然者竊疑其何介介于是余入試秋闈壬午爲桐廬陳令君所當識令君名進士素負冰衡精鑿主司自以乙榜晤對間疑令君若有矜色予卷遂以力薦被斥時余在方伯祁公幕中令君向方伯談及闈事獨爲淵七落卷深加惋惜淵七者係余殊卷彌封字號拙文爲謄錄差誤最多令君一抺出方伯及諸同人見之並以爲難且各以好言相慰余平昔自號達觀于此亦幾爲掩泣也是榜凡出令君之門獨多光彩惜余遇而不遇又誦唐人楊知至詩云此

時泣玉情雖異他日啣環事亦同余于令君雖未通姓名成北面之禮然知己之感能不銘勒于心令君諱莫吳江人也

家君每歲時與外甥子姓內集好舉四書爲令或愚希少許旁及小註更不足及五經蓋以試後生讀書之生熟且可觀其心巧余殤兒永錫在坐鮮有不應者如舉二字人名下一字屬身體令則有牧皮易牙兒以陽膚應如舉二字人名下一字屬鳥獸蟲魚令則有史魚綿駒王豹兒以祝鮀應如舉上一字數目推數令則有一人定國二者不可得兼三過其門而不入等句兒在坐

過庭記餘卷下

三

第十以十日寒之應如舉下一字數目推數令則有齊集有其一道二不待三等句兒坐第六以四書中無六字佳句乃以儲子得之平陸應如舉四字偏旁一類令則有江淮河漢袒裼裸裎鱗鱗鯉兒以涕泗滂沱應如舉四字疊文令則有踽踽涼涼兢兢業業緝緝翩翩兒以戰戰兢兢應如舉三字疊句令則有如其仁如其仁沽之哉沽之哉某在斯某在斯等疊句兒以天厭之二句應如以在席六人用二句對湊六字令則有益者三友益者三樂所就三禮儀三百各二句兒以外丙二

年二句應又以十人用二句對湊十字令則有五就湯
三里之城方千里者九各二句兒以君子之澤一節應
如用官名而實非某官令則有君子學道則愛人使之
主事而事治君子不以言舉人經始靈臺兒以小註輔
行則使也應如用人名而非實某人令則有何晏也王
勃然變乎色爾何曾比予於是服周之冕兒以金聲而
玉振之也應如用地名而非實某地令則有順天者存
國君進賢決諸東方則東流兒以長子死焉應其他若
頂針令如大學之道道在邇而求諸遠遠方之人等類

過庭記餘卷下

五

又舉四書中一虛字止許一見者如言前定則不跲跲
字心有所忿懣二字莫知其苗之碩碩字兒皆衝口而
出又喜論辨頗合意義嘗以數目捱數之令太易宜一
當用一字句二當用二字句不則一在第一字二在第
二字如此稍費搜索或問四書中焉有一字成句者乎
曰爵一齒一德一上三字俱用讀斷即可舉此以為首
令又以禮儀三百方千里者九畢竟百千二字有礙諸
兄弟皆為嘆異兒繼大兄為嗣每日晚輟學兒嫂課以
唐詩遂時聲韻能舉詩句失粘處凡書中順敘平上去

入四字句如何以報德康子饋藥兵刃既接之類皆率
能應令如席次有舉唐詩花字月字春字雪字燈字桂
字梅字為令任安放第幾字亦無窘困然出語多不祥
家君每慮之卒以痘殤亦其識也

余生平無他嗜好祇喜書幾乎成癖既處幕館館穀稍
給家用每歲必留剩數金為購書之用遇所心愛往往
倍恆值得之而于抄本之書必為傭抄年來稍稍積聚
宋元人詩文集及經解說部雖不能多亦差有可觀近
復于鄰郡藏書家彼此抄換轉來不患不日增也後人

過庭記餘卷下

五

倘能守我不售不借之戒亦以互換為事積以歲年則
陶氏抄本秘籍必傳名矣

予年踰三十始遊 京師頗為翰苑諸公所知旋就外
幕迄今二十八年幕東凡三家一為松江守趙公諱寧
字又裕號管亭山陰人一為萊州守陳公諱士鑛字山
貢號宿峯同邑人一為藩伯歷任總儲郎公諱廷極字
紫衡號北軒諡溫勤廣寧人松江主人不二載解組碌
碌無所短長惟童子試則學院高公所選拔者多予所
取十名前人華亭前五名盡入彀中招覆竟有七名蓋

兩人又于他邑應試重卷也一時傳爲盛事在萊州八年山東六郡各製屏祝撫軍王公壽壽文係予所作而借王阮亭司寇銜撫軍面語陳公六郡之文以東萊爲最此必幕友所作欲知其姓氏陳以某遣人入都求司寇公親筆爲對王公遂有名手畢竟不同之獎旣爲臬臺王公壽文亦大加稱譽時方伯劉青燈大參郎張並有鄉友在幕文翰往來無齒及者亦可見予求援標榜所不爲矣歲壬午予以鄉試旋里卽爲郎公招致從浙藩而江撫署江督陞總儲首尾凡十有四年記室之事

過庭記餘卷下

三

概以相屬在藩幕亦以祝言被賞于撫軍張公諄諄以捉刀人爲詢郎公直舉予姓名再詢及籍貫時撫軍素有守土之官幕客切不可部下人之訓郎公乃以吳江諸生對撫軍遂欣然欲翻閱前任江南學院時考案郎公乃于翼日乃言陶某吳江人而冒籍秀水入泮者撫軍曰惟恐吾學院時失此佳士耳遂殷致欲見之意予求郎公力辭而止撫軍又以自製文稿托郎公畀予審視曰必加改削若客套大非吾意也自愧點金成鐵復蒙稱贊不置口因是聞浙制軍金公聞之于郵筒中

以文相屬云再鄙陋不經意之文無如祭章浙中司督凡有公奠皆方伯爲之領袖郎公每遣吏人賫祭章傳知各衙門至運使高公處必伺候良久乃出蓋高公旣手錄之而又誦于同官之前日好文好文欲見予亦甚切予勿往也郎公契愛旣篤亦不私予時時向人道及開府西江僚屬隨聲附和自所宜然無足道者惟乙酉爲闈策問二道兵部大堂言今年武鄉試題當以江西爲第一又謝上賜清文鑑奏疏銀臺卿云各省皆有此疏江撫其冠矣此皆余生平文字知契絕無夤緣

過庭記餘卷下

三

紹介而自來者真所謂不虞之譽也郎公浙藩江撫時幕客司刑名者爲武林馬鍾岳名大年吾鄉徐孝穆諱南高二人司錢穀者爲武林吳志上名允嘉鄔建三諱肇綱二人司書札者止予一人凡文雅章疏具摺奏地方事宜皆予與孝穆參酌屬草郎公移鎮江南則吾鄉徐安敘名天秩亦來幕中十餘年間主賓倍稱歡洽而同人亦如骨肉團聚觴詠晨夕幾不知身之爲客也今郎公捐館而建三孝穆亦不在人間矣余垂老目盲不能遠出志上鍾岳又相距二百餘里

間承過晤形迹已疎每憶舊遊恍在眉睫能無聚散存亡之感

奏摺用中樣白副啟開面止寫奏摺二字首板用全銜或止寫江西巡撫某謹奏爲某事云云後填康熙年
月 日謹具不用蓋印溫勤公每進一摺必有硃批御筆字極端好雖請 聖安報年歲之摺亦多 溫諭會記有一密摺蒙批 如此盡心方不愧封疆大臣十一字此溫勤公公忠體 國上結 主知龍眷一時莫比而吾輩依紅泛綠豈不與有光榮乎

過庭記餘卷下

三

余年十五六時效父兄作詩作四六每苦屬對之難凡古今對類書寓目最多率板然而不圓通如春風必對夏月之類豈知詩文句聯大概景物與事情交相比偶如春風亦可對夏簟也遂于古人詩文中現成字義輒手錄之但以第一字字面之同積三十餘年乃爲分門分類而始成書名曰吟苑編珠其分門也簡而該其分類也巧而活泛覽旁通卽未有之字義亦可感觸而生因思古人詩文屬對莫能脫此窠臼特無人拈出耳康熙乙酉之春查少詹諱昇見之謂余此書吾有用處許

爲予代捐一廣文且囑余缺畧者全之冠冕字樣增之忌諱不祥之字去之約在歲內來取不可緩也不期是歲少詹竟爾仙逝余于幕中偷暇編纂數月之間遂致目盲豈真洩千古不言之秘遂爲造物之所忌歟此書功虧一簣兒子又飢驅遠出無助予者雖曰鼠璞自珍尙望我後人必續完之也

過庭記餘卷下終

過庭記餘卷下

三

光緒七年秋七月
巴陵方功惠校刊

至
日

人

塵

晉人塵

吳江沈日霖初芳著

詩話

關侯祠聯

為關侯祠作聯鮮不以淋漓悲壯為尙從未有及艷句者獨此筆一聯云風裊餘烟悲漢鼎花開三月憶桃園漢鼎桃園俱用借筆而仍能道着侯之心事可為千秋絕調又有集舊句為聯者曰吳宮花草埋幽徑魏國山河半夕陽亦得味外味

昭代叢書

別集 晉人塵 卷三十

一

世楷堂 藏板

阮亭有悞

阮亭之詩固非後生所敢議然其悞亦復不少即如典午下蠶室是何等語晉避司馬之姓故改夏官為典午是官也非姓也以官冒姓已可笑況以晉事加之漢人有是理乎又集中司馬司空司字俱作仄聲用殊不知香山集惟四十着緋軍司馬一語耳非處處如是且此第六字古人詩句中儘有用平音者安知香山不讀作如字乎又以彌衡彌字音挑雖彌木同祧然既係人姓氏不講字義亦何必違眾立異若

阮亭一人識字千古不識字矣

賈客詩

王江涇有賈者某忘其名矣既工於詩又精行楷其之楚詩落句云好山無限休回首留取歸來對面看即三語足以不朽可知若輩中淹沒不少

逸老堂詩

雍正癸丑隨先子在吳興登岷山逸老堂四壁塗鴉皆鄭光業篋中句惟閨秀二絕詩既清婉楷法亦工先子因和之閨秀詩云暫得深閨幾日閒熟香才罷更尋山亦知無限鶯花好難對春風略解顏畫船金翠阿誰家偏我輕妝愁戴花自去招魂尋斷碣傷心半是為明霞明霞湖州某太守女死葬岷山麓

昭代叢書

別集 晉人塵 卷三十

二

世楷堂 藏板

花字韻詩

新安黃之雋生日對菊述懷創為一韻體凡生平官位及所更歷事俱借一花字傳出共得六十四韻詩云斟酌送來酒勸酌澆此花孤芳標九月清品冠千花南斗吾初降東籬爾正花秋容占晚節春夢憶浮花微命書中蠶織長筆底花螢囊頻替火雪案慣堆

花陶宅麩麩柳申江瑟瑟花嗜遠羊矢棗踏欠馬蹄
 花飄落隨風絮優游逐浪花乾坤鄉外客山水道旁
 花湘楚天如畫揚吳女似花烏啼薊門樹鸚語日南
 花記室蠻牋檄歌場羯鼓花家書轉魚雁旅邸度鶯
 花日月雙丸矢星霜兩鬢花淬磨歐冶劍攀折廣寒
 花辛苦從聞棘飛騰附榜花聽餘御殿唱看遍帝城
 花朝士頌霞綺閨人嘲露花始窺中秘署能賦上林
 花玉作排班筍金爲歸院花趨朝五更漏暴直八磚
 花御視瑞州石宮袍漢府花承恩香滿袖奉使錦添

昭代叢書 別集 晉人塵 卷三十 三 世楷堂 藏板

花志館叢殘藁詞壇爛漫花纂修既陳迹宏博又虛
 花廣坐經揮塵鈞天樂散花料難迴槁木翻使發鮮
 花學殖多荒莽辭條乏燦花功名草頭露事業眼前
 花化人莊生蝶幻開湘子花後凋存碩果前劫付殘
 花吾代姬名葉唐朝將姓花也成墳上土差勝溷中
 花東野歌留句詩人命屬花相逢須痛飲欲醉必名
 花庚且垂八秩甲逾周一花今年秋又老舊圃昨初
 花葭白一方水楓紅二月花重陽過風雨旬日斷烟
 花天到隨陽鳥地生延壽花稽之古月令明是我家

昭代叢書 別集 晉人塵 卷三十 四 世楷堂 藏板

花官廨三條燭征軛四照花賁鏞巡洋壁衡鑑拔江
 花曲曲灘流路番番風信花雲形無定影機樣不同
 花絳闕仍依日元都重看花驚颺吹斷梗凍霧著薦
 花官拙顛盈霰精衰目炫花遂辭公廩粟還對故園
 花田僅供鋤菜溪應比浣花晴窗乾墨瀟雨几落燈
 花薄翠平安竹新紅富貴花開門防鳳字曲沼養魚
 花徐市神仙藥尙平兒女花生涯殊草草世界儘花
 花醉白池邊月飛鴻堂裏花杖藜扶足力啜茗潤心
 花天竺尋湖艇長干訪雨花漫遊爪印雪微笑手拈

花徑掃非緣客筵空亦坐花幾叢霜下蕊十色盎中
 花豈祝期頤算聊娛隱逸花頽齡常素節幽賞苔黃
 花鄙人爲友題灌花園小照醉太平詞亦以花字韻
 之錄存以爲貂續詞曰杜陵浣花君家灌花花田花
 塢花花向花齒坐花金鈴護花金瓶灌花司花女子
 如花定羞花妬花無容醜花有才夢花心頭筆底皆
 花更清言粲花嗤他榜花羞他縣花金莖頭戴三花
 是仙郎探花判誇五花陣誇六花總然過眼虛花且
 樽前醉花餐花嗅花拈花語花相看傾國名花並春

風笑花休辜吐花休悲落花年年歲歲看花喜清眸
未花花師養花花醫療花他年花史修花倩花仙品
花

詩般

吳中黃實紫善鐫刻印章一日戲刻詩般六枚擇其
三十六字之可以活拆者仄者色綠平者色紅隨意
擲之可成詩一句去其一則五言重其一則七言或
竟作六言亦可惜其三十六字已不傳矣先子嘗與
吳中錢萍客漢何鄂州李穀堂宋為詩令用此般為

昭代叢書

別集晉人廬
卷三十

五

世楷堂
藏板

觴政各以所擲句為題足成一律錢所擲句曰野烟
時度小樓東續之曰牽引詩情入酒中好句恰隨秋
月到清尊還與幾人同無煩纖手巡巡裏獨取偏師
面面攻今夕騷壇添逸興也應相憶老涪翁謂黃也
李擲句云樓東遙望曉烟飛詩云柳色荷香入翠微
楚水接天真似幻曉山如畫是還非迢迢鶴夢臨仙
浦杳杳漁竿下釣磯開道庾公偏愛月幾時攜手步
清輝先子擲得句云江上秋雲渺渺飛詩云天涯知
已共依依三湘筆落濤驚壯五塢詩成思入微把臂

愛隨林下酌銜盃巧索箇中機趙公妙論誠堪憶從
此青蓮莫放歸

諺語似詩

諺語之似詩者金聖歎最愛做天難做四月天云云
謂其奇警非常予謂清明過了無時節夏至遙遙那
得來其道鬼猶求食之意頗為悽惋入情而莫工於
人來求我三春雨我去求人六月霜二語雖名賢詩
句何以加此

東坡詩句

昭代叢書

別集晉人廬
卷三十

六

世楷堂
藏板

飛卿商山早行鷄聲茅店一聯前人愛其句調規撫
之者不一而足予絕愛坡公笠重吳天雪鞋香楚地
花二句可以配享飛卿其調亦百仿之不服

論楓落句

楓落吳江冷固是好句然安知所棄江中者不更有
勝此者耶以一人之私好奪千載之公評未可為信

杜陵詩律

平湖盧仲山生甫註杜詩有客謂之曰子亦知杜律
之細乎每詩第一三五七句末一字必分平上去入

四聲從未有複者如曲江詩春字平眼字上翠字去藥字入曲江對酒之歸落棄遠四字野老之廻下閣和四字類推之無不然也盧猶未信乃與其人爭背誦之二人杜集俱爛熟自夜半背至黎明而全集律詩已竟祇十數首不然其人曰此傳寫之說非當時本字也盧時註杜凡刻皆備遍以校勘果如所云

聖歎批杜

金聖歎人瑞以批小說之筆批杜如春風自信牙檣

動解信字作信疑之信謂檣之動非風之動如此錯

昭代叢書 別集 卷三十 七 世楷堂 藏板

謬恐老杜不如是之癡

讀杜心解

補二田讀杜心解固足為註杜者屈一指然屑屑焉于起承轉合間求之以文法律詩法若老杜得力全從八股中來正如紫陽叶詩經韻必以沈約韻律古人也

昌黎用韻

韓集用韻如支先韻寬者轉濫江覃韻窄者轉潔足見因難見巧然潔矣而有未穩者即如鬪雞詩中一

噴一醒然再接再厲乃試問乃字如何可作押脚

鐵崖巧對

楊鐵崖有句云讀經野鳥山和尚寫字寒蟲水秀才水秀才水中蟲名俗呼打拳蟲其對之巧可與温鍾馗蒼耳子白頭翁匹

庚桑五柳

名字之對必如韓玉女李金吾之類方可云巧若荆公之庚桑五柳譽之者已屬無恥而彼猶自詡其以庚對五為巧試思十干名何可作數目名劉貢父以昭代叢書 別集 卷三十 八 世楷堂 藏板

解錦瑟句

義山之詩之不可解者儘多讀之者亦當不求甚解如錦瑟無端五十絃句瑟絃之本為五十人之所知惟無端二字不甚了了耳茂苑有僞妄欲解之謂義山會喪偶此即其悼亡詩瑟本二十五絃今無端五十則斷絃矣故此句當作斷絃解自以為發所未發通告於人嗚呼似此乃釋籤耳非釋詩也可笑孰甚

改喜雨亭歌

吳中家穎谷韻頗有時名然好作聰明謂坡公喜雨亭歌珠襦為韻玉粟為韻守有為韻天子曰不然句獨無韻可叶悍將然字抹去而讀不為否以叶之予謂改音則可若抹去其字則杜撰極矣且不思下文功字亦未叶乎若謂功與空叶則句法又亂矣不如從俗讀之為愈

改盤谷歌

北麻沈閻著韓文翼韓之受其毀譽多矣乃于盤谷昭代叢書別集晉人塵卷三十 九 藏板世楷堂序歌盤之土可以稼句慮其不叶改土為下殊不知盤之泉盤之土土與泉二字的對如何可改若言乎韻當叶稼從土不當改土從稼古韻馬麋相通如下之為戶馬之為母不一而足今之讀稼為古斷斷然也若改土為下則盤本非高何下可言況下乃上聲與稼之去聲仍不叶也彼昏不知令人氣塞

單句

古人之以單句得名者惟長笛一聲人倚樓句為最若空梁落燕泥滿城風雨近重陽等句雖無深意而

靜景可參猶之可也最怪明月照積雪及池塘生春草二語三歲孩童隨口道得之句不知佳在何處如何海月生殘夜一句能令萬古傳前人已有不眠者矣吾謂此二句更在海月句下私心所獨賞者許丁卯之山雨欲來風滿樓方雄飛之蟬曳殘聲過別枝周賀之晚徑葉乾聞犬行可謂化工之筆

瑣言

骨牌名詩

以古人詩句最熟者配合骨牌名色雖不能語語天然亦間有一二巧合之句一時與會所至不忍置之錄之如左

昭代叢書

別集

晉人塵

十

藏板

么五子

色二

霜葉紅於二月花

色三

殘星幾點雁橫塞又

作青烟散入五侯家

色四

血淚染成紅杜鵑又作一池

月浸紫薇花又作故燒高燭照紅粧

色五

江城五月落

梅花又作與梅併作十分春

色六

金屋無人螢火流又

作一朵紅雲捧玉皇

蝶翅五子

色么

十里沙堤明月中又作十里下山空月

明色三登在空箱十一年又作李十門前草又春色四一

色杏花紅十里又作淡掃蛾眉朝至尊五十月先開

嶺上梅六蝴蝶紛紛過牆去又作重重疊疊上瑤臺

又作倒排牙齒咬青天

巫山五子三三五夜中新月色又作先賜巫山一片

雲二十八人名只一人又作銅雀春深鎖二喬四輕

薄桃花逐水流又作井花水養石菖蒲五五夜漏聲

催曉箭六一一鶴聲飛上天又作門前碧柳似陶潛

紅五子一一日看遍長安花又作萬疊明霞捧太陽

二穿花蛺蝶深深見三海棠微褪一分紅又作三分

昭代叢書 別集卷三十 藏板

應作探花郎五且向百花頭上開六萬樹花前一老

翁又作踏花歸去馬蹄香

梅花五子二二十五絃彈夜月一春惆悵殘三日

三五雲多處是三台四末年三十已無身六碧玉堂

前萬樹梅又作頂上雲攢五岳冠

六五子二萬綠叢中紅一點三天抱帝城雙闕迥四

三山半落青天外又作上天下天鶴一隻四三十登

壇象所尊又作况遇天仙隔錦屏五雪滿山中高士

卧雪花六出指衆六高士

合巧二合巧二月杏花八月桂三合巧五有鳥

有鳥丁令威又作二月春風似剪刀一長三一曲月

移花影上闌干四三十二為闌干四合巧一長二二黃

西娘家花滿谿一和牌踏折海棠花一枝又作人間

和氣閣春陰四一人牌一三三月落花人世界五合巧

兩長五一日邊紅杏倚雲栽九一長五一血人立梅花月

止高一兩梅花二南枝纔放兩三花五一梅花一二坐看山

鳥喫梅花三為山鳥其二點六合巧一長三一亂鴉高

避落帆風又作雙株榮耀植天庭一兩天牌一五二十四橋

昭代叢書 別集卷三十 藏板

明月夜二謂公夜五夜也指五一天牌一五海

岸夜深嘗見日五也日謂公也一兩天一一至尊之

餘合王公六一天一二頻逐賣花人過橋此句本蝶詩

蝶賣花人謂四其餘諸六則暗指二點為

橋也仍暗用二十四三字

分相么二分相六爻文武靜中看又作六賊三尸怕

令嚴么三分相夕陽西下水東流又作東邊日出西

邊雨么四分相人面桃花相映紅又作紅裙妬殺石

榴花又作輕紅滿地人慵掃又作問花落地聽無聲

么五分相紫府有丹來換骨此句本紅梅詩故用之么六分相

相將白日上青天又作天長地久屬年豐二三分相

南斗闌干北斗橫二四分相蛺蝶迎人傍彩霞又作

大婦同行少婦隨易經家人卦註云二四婦二五分相仙人六膳

調金鼎鼎謂二六分相六鰲海上駕山來三四分相

一徑花開一徑行上句乃誠齋饒有三三徑故兩一字中各含三字又作黃

花開日未成句三五分相楚江巫峽半雲雨本楚漢之名故

謂五為楚本巫山之號謂又作半入江風半入雲江

也雲三六分相將軍三箭定天山又作密雨斜侵薛

荔牆又作滿城風雨近重陽陽九也重陽則二十九八矣今三六亦十八故

昭代叢書 別集 晉人塵 卷三十 三 世楷堂 藏板

用四五分相雲想衣裳花想容又作海棠雖好不如

梅四六分相半在人間半大羅又作衆仙同日咏霓

裳又作紫薇花對紫薇郎五六分相梅雪爭春未肯

降又作漢水楚雲千萬里

卽小喻大

觴政練達為小課最奕勝為小凱旋觀畫為小遊山

看花為小好色夢美為小飛昇賣文得潤筆為小掘

藏授徒為小南面解塾為小三昧買一得意物為小

添丁

老人十拘

肯近不肯遠淚笑不淚哭睡日不睡夜出雨不出晴

憶昔不憶今管細不管鉅愛孫不愛子惜畜不惜人

惡逸不惡勞傷廉不傷惠

小兒十偏

戀母不戀父避師不避官悅畫不悅字却藥不却餉

愛橘不愛橙嗜荀不嗜菜憐螢不憐蟻怕狗不怕虎

好曝不好濯喜雪不喜晴

女人十僻

昭代叢書 別集 晉人塵 卷三十 古 世楷堂 藏板

愛珠不愛錢惜香不惜炭憐婢不憐妾憎客不憎尼

信誑不信真畏詛不畏謗知佛不知聖重禱不重醫

能慈不能孝戒殺不戒淫

秀才十反

覓錢不覓書識銀不識字能酒不能詩厭奕不厭博

讀律不讀經親吏不親友走縣不走學投刺不投文

倦學不倦遊怕考不怕病

等第黃鶯兒

壬申開科借歲試作科舉子既不錄憤懣無聊作此

自娛雖語言涉俚不足常大雅一軒渠然較之前人
駐雲飛等曲或亦不多讓也

一等最高標出圓圖覆試招鳴鑼連夜齋夫報門庭
鬧抄街坊擺搖廩無空缺增猶好更逍遙來年館地

財主便來邀

三等也奢遮背纏紅頭插花大科之舉人人怕學手
骨之柔聲名算華文章算佳賓與預薦無高下劇堪

誇金陵鄉試好把舉人賒

三等便他墮熱中腸變冷灰垂頭喪氣誰俛保頭兒

昭代叢書 別集 晉人塵 卷三十 圭 世楷堂 藏板

枉埋眉兒怎開親朋叫屈何堪耐考遺才倘然不取
依舊是空回

四等沒頭奔聽傳言唬落魄拘拿發落難逃遁春條

擎身竹斗蓋臂早知苟免難僥倖忒楞楞何如告病

先把狀詞呈

五等更難言號生員缺不全圖圖劈破剛留半襴衫

且捐青衫且穿鄉場對讀官民卷最堪憐紫硃標記

羞殺臭名傳

六等一身輕出賢門做白丁毫無挂欠真乾淨脫除

破巾丟開本經下回歲考無須悶寫銘旌皇清待贈
原任邑庠生

十二肖論

以十二畜配十二支不知何所取義前人之論或以
其具體之不全或以其足蹄之奇偶言人人殊予疑
之甚久欲巧為附會而卒不得其說今之所論但能
駁之不能解之也○鼠穴蟲也宜屬土何以屬水又
陰類也故晝伏夜動宜配亥何以配子○牛在卦為
坤坤位西南宜屬未在月令則中央亦宜屬未何以

昭代叢書 別集 晉人塵 卷三十 共 世楷堂 藏板

配丑○虎於行為金子色為白于行為右于星為西

方七宿並宜屬申何以屬寅○兔月中獸也月生于

酉宜屬酉其色白白象金亦宜屬酉何以屬卯○龍

于行為木於色為蒼於蟲為鱗于行為左于星為東

方七宿於卦為震震亦東方又陽物也宜屬陽時並

宜屬寅何以屬辰○蛇在天干屬巳巳屬土則在支

亦宜屬辰戌丑未何以屬巳○馬火畜也在卦為乾

而先天之位乾在南似可無疑○羊金畜也在卦又

為兌兌居西方必宜屬申何以屬未○猴性躁宜屬

火猴善緣宜屬木猴居山宜屬土猴色黑宜屬水何以屬申○鷄在卦為巽宜屬東南之辰在月令為夏春秋說題辭云鷄為積陽南方之象則宜屬南方之巳午又為日中之畜大明生於東則宜屬東方之寅卯若以其將曉而鳴則又宜屬丑何以屬酉○狗在卦為艮宜屬東北之丑又金畜也宜屬申酉何以屬戌○豕之性能水其色黑在卦為坎在月令居冬其配亥也不亦當乎 十二肖之宜黜者若鼠若猴其宜收者若元武若朱鳥若勾陳不知何以不爾

昭代叢書

別集

晉人塵

世楷堂

藏板

余嘗疑十二生肖之無謂遍考諸書迄無折衷數載前偶披陶南村輯錄所載當時量天尺其司天二十八宿子宮居者為虛日鼠丑宮居者為牛金牛以下尾房亢翼星鬼觜婁室十宿皆在本宮之中無不脗合乃知前人不遇取司天禽星分配十二時初無深意後人穿鑿附會為具體不全足跡奇偶之尺諸宮皆差數度不居中而亢欽天監所頒之尺諸宮皆差數度不居中而亢牛鬼婁并俱不在本宮中則十二肖似宜易置矣惜不獲起先生而論之揚復吉偶識

異聞

一銅錢

湖州丁先達名麟性好博嘗元日與人抹牌丁所擲者自一文錢至九文錢俱備止缺其一丁乃對眾祝

曰此牌若得一銅錢吾今科當中式搥之固是已而得雋又連捷春闈如所祝故人並戲呼之為一銅錢捏骨相

南潯有朱用民者本市賈也偶遇捏骨相者其人雙瞽暗中摸索前知若著龜謂朱日子具此骨相當以財雄一郡然不及二十年便罹大禍不特要領不保而家業亦不能纖毫留也朱甚駭其言然亦不之深信已而之蘇販油行家有商人寄頓桐油百餘篋囑令勿售然其人久之不來行家以油方得價雖違其

昭代叢書

別集

晉人塵

世楷堂

藏板

教當無忤也竟以昇朱朱昇歸見油篋微破懼其溢也別以他篋過之傾未半而纍纍白鏹隨油而出朱駭甚乃盡啟其餘莫不如前共計有萬餘金彼商至蘇聞油已售急至南潯訪朱求分其半朱曰待子久矣當全以相昇何半也商甚德之朱更酌酒勸商飲之至醉夜半殺之埋于地無人覺者朱自是貿易日隆不數年而富甲吳興如揣骨者言矣一日在虎邱復見揣骨者忽憶其言有驗乃易姓名復試之相者揣久乃詔曰吾憶十年前在南潯曾揣一人其骨相

與尊體無纖毫異者子即其人耶抑非其人耶問禍
福皆如前言朱頗自危懼殺商事終當發也然又自
慰曰以吾之貲雖彌縫數大獄猶九牛亡一毛耳何
懼為既而交於金文通之後盛席酌金水陸畢備人
或問文通曰朱氏之筵其豐何若文通曰席雖豐但
在船坊中坐地蓋譏其堂無匾額也朱聞而羞之乃
重價覓得清美堂匾是前朝玉音賜朱相國者以懸
聽事復設席邀文通曰請君再過船坊于是前辱則
既雪矣適有無名子造作謗書借刻作清美堂藏板

昭代叢書

別集晉人塵

三

世楷堂
藏板

禍隨匾移朱乃不免捕者至遠室檢搜而所瘞之商
屍亦露朱既正法家亦蓋粉嗚呼文通一言之戲不
啻為商人訟孝直之冤厥報亦巧矣哉然而相者之
術神矣

筆端火

今丙子歲余館于太湖張氏張氏子年七歲在塾學
仿書帖忽筆端吐火如徑寸珠旋舞空中入壁而隱
見者多人不知其何祥也誌之以俟他日之驗
未嘗見城郭

南潯近村有陶升九者業醫年至七十餘而歿生平
足跡不出十里外南未至烏程北未至吳江勿問其
他矣嘗向人問其城郭之狀

大士救人

游墅關秦君浩然之弟不知其名以書生而佞佛嘗
于書室中設大士像听夕香火無少間也忽一夕其
人不知去向家人索之不獲尋于聽事得之則衣服
如蛇蛻然而人仍無有也及明日午間人見秦生在
水閣下木椿內裸體而泥埋其半乃牽出之久而方

昭代叢書

別集晉人塵

三

世楷堂
藏板

甦問其故則曰暮見一猙獰夜叉以兩巨手一搥我
頭一捋我體衣即褪落遂挾入水中忽見一白衣人
叱退夜叉乃置我所埋所其事在甲子乙丑間余以
為誕不之信也洎庚午闈中同號者為秦生之姪據
云確鑿不虛獨訝大士有靈何乃使夜叉得逞其暴
且既救秦生矣不當更埋椿內其理殊不可曉

生魂覓食

邑生沈洸有恒病沉篤間見一鬼吏來拘洸即隨之
行至八坂遇一農夫洸謂吏曰此我佃也我與若餒

矣盍飯其家吏唯唯方欲尾之而佃忽仆地如遇祟
狀其家人驚見昇之歸佃謂家人曰吳江沈秀才向
我索食今在是家人卽設食飯沈與吏飯訖吏攝沈
至嘉興府城隍廟及到案就勘方知其誤非此沈沈
也神筭吏二十責令押還沈乃甦而病亦漸愈彼佃
入城聞沈未死乃詣沈沈語其事歷歷不爽

昭代叢書

別集

晉人塵
卷三十

三

世楷堂
藏板

田中異人

王江涇周雲翼家有一婢歸探其父母行至陽橋忽
見一偉丈夫長二丈餘頭頂元巾身穿藍布道袍森
然來逼婢懼而呼叫時正日中耘者俱在樹陰中熟
寐聞聲驚起莫不見此怪乃噪而逐之長人卽狂走
田中足離禾苗尺許旣遠而滅不知何怪也雲翼言
之鑿鑿猶能憶其所見之年月

雷憐婢孝

川南道樊君象昭

天游

子伯父門人也其家有一婢

方十歲其母來採婢匿糕于懷將以貽母伺間不獲
其母已去婢偶如廁其糕褪落厠深不測婢不能俯
拾亦不敢言天忽雷隆隆不已象昭之母夫人集
一家之良賤男女長幼環而問曰非時而震已屬可
異况電火如輪祇在吾家盤繞必有隱慝爾等有愧
於心者當爲我言衆各默然惟一婢失色迫而問之
乃吐其實樊母曰婢本無知且有念母之意雷故不
忍遽擊也急令人涸其窖出之洗糕之污片而切炙
自樊母以下人啗其一雷卽無聲

昭代叢書

別集

晉人塵
卷三十

三

世楷堂
藏板

舟人見鬼

太湖張氏之隣操舟人孫姓者偶至翁涇漾迷不得
路見岸旁有五人聚食屢呼之不應其船首一人曰
岸本無人爾何呼孫乃指示其有人處則羹飯滿地
草車楮錢火猶未熄蓋病家送鬼處耳船首者曰爾
見鬼矣安有一人然孫視之則五人儼然在也言未
旣而忽仆於舟惛然不醒歸至家而斃人問子曰鬼
果未嘗無乎人固得見鬼乎子曰非也其人已鬼故

見鬼

事在丙子
十一月

周氏之怪

周翁顯新銘子兄寄吾之外舅也康熙年間家中有怪狡獪百出今猶記其一二焉有桐油一桶將為塗器皿用怪則取帚蘸之聖其屋壁窗棟皆遍惟中懸關侯像則不敢犯子嫂尚幼偶立庭間怪從背後捉其所縛汗巾倒行數步嫂怖而狂叫乃得脫一日煮湯滿釜方啟其蓋忽空中飛來鉅石墜釜中金破湯漏爨火皆熄既而視之釜完好如初叩之清音琅然無纖毫損者而鉅石則固在濕灰內焉一日周翁忽

昭代叢書

別集

晉人壘

卷三十

世楷堂藏板

戲言曰吾聞埋金在地藏神將出則怪作茲豈其藏神歟怪則以黃金白金千萬萬從空中飛入室擲地鏗然有聲堆積至不可數計翁訝之曰若爾亦不厭其怪也諦視之則皆金銀箔所成翁家有紙鋪鋪內失去金箔銀箔甚多計之適如所擲之數為時既久無端自絕未嘗用法以驅之也

囚徒妖術

太湖張氏主人列三先生名步青者向為長沙善化令一日訊囚嚴加夾擊終不肯承視之若無苦者乃

下于獄明日又訊夾之自朝至暮加以槓頭無數其

不承如故也列三計窮意其人必有異非符即藥乃乘夜半親往獄中搜之搜得一小匣中貯紅九四五又符書一卷其語不可句讀乃取而焚之囚法既破乃復夾之繩未繫而大聲呼痛真情直吐矣又一囚無病忽斃于獄列三雖疑之然親自檢驗見其囚眼光泛白身冷如冰候其口鼻毫無出入息諦視再三果死人也乃出之獄將買棺殮之張慮其為犬豕所噬令以扉掩之鎮以巨石乃未幾而死囚逸矣通緝

昭代叢書

別集

晉人壘

卷三十

世楷堂藏板

事引

吳中風俗于八月十八日行春橋看申月其實不在行春橋也當上楞伽山絕頂向有望月亭今已塌矣向東望寶帶橋適當月之出處每洞中有一月影其光閃爍霎時即過或其年過閏即行度有差月不復串故見者絕少金閨周幽開會一遇之嗣後每年往候亦不復得予伯父笠岑先生館其家曾與幽開之

孫門人千錄暨予兄青箱及畫師張姓諸人往幸而見之然所見不同予伯父見月有六影千錄與余兄見五畫師見三餘人或三或二或止見一者其理殆不可曉又問之楞伽寺僧曰此猶非也予出家四十年來始得一見其影自水接天纍纍乎有數十百月如百八牟尼珠狀乃直而貫非橫而鋪者也其說之信與誕亦無由辨余于甲子歲亦館于周主人遵例邀予往看初登山天宇澄朗心甚躍躍未幾而濃雲密布黑暗如漆匍匐下山大雨猝至踉蹌而奔雖天

昭代叢書

別集

晉人壘

卷三十

世楷堂藏板

上之月無由得見無論水中矣

二比乃中

今丙子科浙闈鄉試湖府監生高毓龍者初八日夜中在號底更衣忽問語之者曰此題須用二比局乃中時題尙未出也亦不知其語所自來再諦聽之前後號舍鼾聲若雷高憬然曰殆神詔我也及接題則為顏淵曰願無伐善無施勞子路曰願聞子之志高自思此題如何可作二比然又揣無他謬巧雖為所弄不悔也遂依神語為之孰知主試者頗怪場中不

作二比局先得第六名卷已掄元矣繼烏程令以高卷薦主司嘆為得未曾有遂以易之又揭榜之日高生所居門前無故水高二尺俄而報捷矣

人與雷搏

康熙年間有某省武舉在京會試暑月晝寢迅雷驚覺忽見一兩翼三趾人如所圖六丁力士狀自牖飛人持槌鑿欲碎其首武舉自問無可殛罪揮手奮擊臂入其腹神與人俱斃然而兩不仆也外人排闥入拔其臂百計不能出塗以猪血蒜薑方出之武舉先

昭代叢書

別集

晉人壘

卷三十

世楷堂藏板

神而甦復欲擊神眾不可乃拉武舉出而扃神室中越一日復有一兩翼三趾者挾其神破空飛去此事載在宋介三和文集內姓名年月甚詳且事在帝京必無誕者宋乃陳總河 鵬年 客也

刻陰隲文得中式

湖州金見星者其母夢魁星而孕故號見星二十歲為諸生後歷歲科試靡不殿三等者生平崇奉陰隲文晨起盥漱畢卽莊誦一過如釋氏誦咒者然寒暑晦明無間也既無家室凡授徒所得脯脩資盡以供

陰隲文剞劂印之費前後施人不下數萬紙及館
于太湖張氏即余丙子所館穀地年已六十四矣其諷誦印施
如故然自維遲暮名心久冷固非有爲而爲也張氏
好扶鸞忽有玉金仙降凡曰金某印施陰隲文既專
且久誠格上蒼芙蓉榜下有名矣金以不入棘闈已
三科堅不欲往張氏強之乃行然遺才不取大收不
取告考又不取至初五日具揭懇於監臨監臨憐其
老也乃錄送之入場文思蹇澁甚不得意草草而畢
及榜發則巍然中式如凡所許而初生時見星之夢
昭代叢書 別集 晉人塵 卷三十 三七 世楷堂 藏板
方驗是科爲康熙四十七年戊子

仆碑遭歷

吾邑紳士凡在朔望莫不入學謁聖 者余業
師之弟也夜夢先師拘而執之其旦適值月朔本應
謁廟非徒爲夢禱也既拜而出至廟門首碑忽仆同
行三人 在其中正當仆處前後二人皆無恙一時
傳爲奇變傾城聚觀事在乙亥八月朔 是年小東
門傍城垣頽塌有一家正當場處聞將塌聲急出避
其一人出不及先出者意其壘粉矣將排所塌而出

其屍則其人匿卓下以卓支屋以屋支城若有陰護
之者遍體無纖毫損也死生有命豈不信然

昭代叢書

別集

晉人塵 卷三十

三七

世楷堂 藏板

晉人塵跋

先生生平著作以駢體為第一填詞及制舉義次之
散行本非所長亦雅不欲以之自命天困奇才貴志
而歿遺書等身不克一見之剗剗良可惋歎茲晉人
塵及粵西瑣記二書以未經削稿生前秘不示人先
生捐館後始得目觀今輯叢書亟登之以發幽光瑣
記甚為完善此帙尚有疵累未經修飾雖不能意滿
要未敢妄加增刪以欺死者也乙未夏月門人楊復
吉識

昭代叢書

別集

晉人塵
三十卷

完

世楷堂
藏板

彷彿園清語

1

2

3

4

植几叢書二集卷三十二

武林 王 倬 丹旄

天都 張 潮 山來

同輯

仿園清語

新安張葦屏詩著

家庭三戒一戒少年宿妓二戒中年積愁三戒老年
置妾少年當生有之時片璋弄瓦難能承宗正未有
艾豈可以一時之樂而致壽累妻孥以及其子女流
害無窮悔何及也務宜慎之中年當派歷之時不幸

而失偶矣使無所出續娶自不必言外此而或有所
遺無論子與女之多寡長幼一取繼母未有不生疑
慮者甚至幼者有凍餒之虞長者有嫌隙之患以至
家庭荆棘往往然也何如娶妾以持家納婢以撫子
豈不相安而易制乎切宜酌之至於老年當衰邁之
餘矣每有子孫繞膝而忽動納妾之念者巧其辭曰
鋪牀疊被不知老夫女妻前賢所戒無論窮精竭髓
自促其年尤可憂者設若生育男女且爾身後之累
往往以全福之人而自遺不了之慮也可不慎乎更

為老者戒之
行醫而懸壺應世者非行也權術機變者方謂之行
做戲而敷衍排場者非做也體貼神情者方謂之做
讀書而尋章摘句者非讀也窮究精研者方謂之讀
走名而吟詩作賦者非走也逢迎鑽刺者方謂之走
凡此者可以意會而難以言傳也
古物為俗人所玩物抱奇寃旨酒為俗人所嗜酒當
痛哭好詩好書好文章為俗人所讀詩書文章迺古
今一大厄也

仿園清語

飲食之道各有愛憎而其大略則異同不甚相遠也
聊試舉之以為高明採即以茶論其合乎美人之道
者三焉一欲其顏色之雅淡也一欲其風味之香濃
也一欲其韻致之輕清也此三者雖好惡不同而品
茶之道要不外是至於酒之中更有三聖人之道焉
酒之所忌在濁必求其如伯夷之清也酒之清者易
薄必求其如伊尹之任也酒之厚者易燥必求其如
柳下惠之和也三者既備而醇醪佳釀總無過是矣
若夫烹庖之理更有說焉何也脩之苟簡者固不得

謂佳。卽脩之豐盛者。亦不得謂佳。脩之泛常者。固不
得謂佳。卽脩之穿鑿者。亦不得謂佳。脩之厚而肥濃
者。固不得謂佳。卽脩之淡而清虛者。亦不得謂佳。一
取乎其味也。二取乎其色也。三取乎其潔也。四取乎
其清也。五取乎其時也。六取乎其氣也。七取乎其配
搭也。八取乎其調和也。九取乎其尋常也。十取乎其
美器也。於此十者。講求庶得其大概耳。至於風俗之
別。脾胃之殊。則又存乎人之變通矣。而要以得庖人
爲主。得其人而指使之。焉往而不宜哉。

補遺卷三十一

天下拂意之事。在名利場中。或可容其籌畫。若夫一
飲一啄。一舉一動。儘有令人可憎而可笑者。又不克
行我性情之真率也。安所用其籌畫乎。試歷舉之以
博噴飯。一科頭。跌足。納涼。而尊親忽至。一敲詩。正得
佳思。而室人與言。一酌酒。喜遇良朋。而俗子鵲座。
却已相訂。聯吟。而當事邀飲。一月夜。大張燈火。而風
雨驟至。一梨園。將演新劇。而生旦忽病。一古刹。名山
散步。而緣簿隨到。一旅邸。訪得名妓。而同伴促歸。
一作書。正當得意。而筆頭搖落。一奇花。開得數枝。而蠶

婢摘去。凡此數者。何足輕重哉。而其拂意則一也。故
諺云。不如意事常八九。信有之矣。

十愛 一字至十

月。秋日。聞遠笛。不速之客。花開值佳節。

四圍新綠過密。烟波細雨橫舟楫。燈火進離筵。

詩不絕。故友談心。言語多真率。結伴離家。任我

山川浪跡。

十憎 同前

泥。勢利。市井氣。自誇技藝。碌碌全無濟。

夜淡好點雜戲。難事說得太容易。粗知風水頻

遷祖地。無所不爲。向人談道義。事急非常。故作

有意無意。

詔

詔

餘

二

費

費



欽縣鮑倚雲撰

貴池劉世珩校刊

余嘗論孟子天降大任之說不在大任降後見奇奇在聖賢豪傑先具一副心志筋骨身體足以受造物之磨礪愈磨礪愈精神若吾輩勞苦困餓本來心志筋骨身體相去懸絕直是不堪磨礪此小人之所以長戚戚而天初不與聞也世人常舉此段書作窮愁慰藉之言殊可笑要之趣向不可歧胸次不可窄先儒云常自激昂便不到得墜墮

客有言吾鄉羅翁某少日讀書山館欲私一鄰婦婦告其姑姑曰高門巨族生兒率富貴中人吾窺羅郎非凡

退餘叢話卷一

流感其氣類以昌吾後未可知越日羅復與狎婦欣然羅怪其平日之矯也叩之婦以姑言告羅愕然曰爾姑聞知不可遽扇其戶而歸後其妻有娠即大中丞應鶴公也余謂鄰媪識解甚奇而羅翁悟機敏銳斷割邪念亦卓不可及縉紳士大夫不自貴重縱慾宣淫下及僕婦賤人以致奴壓其主而旁枝別附蟬蛻狼跳往往竊發於其間可不戒哉可不慎哉

畢夢星字庚華與吾同入贅宮頗習詩賦癸丑秋寓郡城贈余五古一篇用二十五有韻幾徧記其贈程生易門七律次章云江南江北兩徒違贏得鄉園子傍依淺水渡頭孤客棹夕陽郵口故人屏論心未便知今是

舊還應念昨非願我正如秋燕子飛飛底事又言歸余時語程生云詩雖佳不免花飛葉落昨歲問其病甚失血歸自京師有句云病人自知能不死書來何意竟還家未幾死矣其叔氏克繩性豪侈買於霍十年間揮手數萬金今夏亦得失血證與丁十數人昇歸桐城病不可起積通盈萬年纔五十二余見其五十辭壽詩秋氣太重有滿袖清風一枕涼之句信乎詩讖之說非洪容齋所得而奪也

八月二十夜夢余殞發就葬儀從甚盛魂忽栩栩出登一大阜平沙半畝許其右則歐陽公墓余以竹畫沙上作林體自書墓表文頗長字方二寸余旁一人以手揚

退餘叢話卷一

之沙平字陷宛如碑刻未行方擬署一顯者名未落筆而醒

畢庚華自少穎敏伴松稱其十一二歲時長老令屬對五七字句皆應答如響一日指鵬字難之曰鵬非鳥友庚華機稍阻即詭為便旋狀潛入書室翻字彙一閱急趨出應曰有對矣鰲豈魚妻聞者歎為工絕

畢庚華赴試京闈叔氏克繩送別有此去三千里之句經月不能對久之乃成西風一葉秋五字頗躍然自喜以抗志青霄人而特作哀颯之音相贈詩雖工庚華下第且死矣猶憶吾里程君雪崖以選貢入都年纔逾冠新娶市月兩老人在堂履境頗順無端作北上四別詩

別親別內別姪別友中有涕淚白雲涼風離哀等字良齋先生見之謂其兒女情多風雲氣少江蒿坪先生亦以爲言其明年母夫人歿所別之姪亦歿服纔闋九月太翁歿未幾夫人歿凶變迭乘雖有命數而氣象亦有動乎四體者矣近雪翁訂正舊詩頗悔其少作去寒瘦而爲清華爲雄壯以彼其才當不應樊篋老之

余生長憂患中落筆輒作愁苦語世父太史公會痛斥之自先人見背兄弟離散艱苦且百倍於曩時乃悟委靡不振窮蹙愁怨之氣足以召殃咎頗自猛省盡焚其舊日詩詞庚戌春服闋時年二十三歲在錢唐將歸應新安童子試伯兄爲詩惜別余和詩有爭教拭目看雛

退餘叢書卷一

三

鳳待取芳音付雁鴻之句詩雖不佳是歲頗受此句之益閱今八載潦倒無狀故態復萌自渡江以來留邗上兩月轉客此間誓不作淒涼語明年此病其有瘳乎九月二十九日記

在邗上與江冷紅論詩文亦謂吾輩須略具英異之概何苦落筆輒颯然鬼氣欲來也因舉李丹壑詩極多佳製如四野牛羊時有笛一邨桃李晝無人豈不工絕然大有鬼氣

山陽杜某詠黃鸝詩有黃鸝養就嬌情性罵得桃花沒處飛之句人因稱爲杜黃鸝

程冠雲云朱買臣爲會稽太守歿後會稽人立廟祀焉

其妻塚適在廟前堵牆蔽之輒爲風雨所圯旋修旋圯人因目爲羞塚前歛令杜公瓊直隸新安人告某云椒山先生祠在新安神像塑後輒裂其頸屢修屢裂事頗奇余因以歎天之成人材其善也惟恐其不著歷千世而逾著其醜也惟恐其或掩歷千世而逾不能掩

伴松主人藏有太原王氏平谷縣合葬山圖地形奇麗堪輿家謝某說甚長姑不載中有離鄉則貴之說葬一紀王氏果挈家遷吳門其裔有號學田者念先墓之遠而不能以時祭掃也繪爲圖以示其後人噫墓存否王氏富貴與否且勿論何物賢裔并其地圖而賣之哉抑偶遺落於此也夫所貴乎有後者爲能守先人邱壟奉

退餘叢書卷一

四

血食也流落天涯不獲歸鄉井則已至信形家言離鄉得貴遂拋去先墓而因以爲利太原王氏巨族也當不謂然異日道過吳門訪其自燕來遷之孫子猶有存焉者乎平谷縣屬順天府其地在北山之麓離城十里土名北關邨其形曰嘯天龍離邨又三里許其葬之年爲康熙辛未跋其圖說者其宗人曰朝桓題識月日則癸未也

六安農人鋤地得開元錢一缸好事者爭以二三錢易其一伴松主人購得數百古色燦爛紅綠相雜其堆藍處尤可寶愛非復眼前靛青可擬質凝厚完好俗傳初成明皇持示太真太真以指指其背故每錢有指痕焉

環如半鉤月余細較之其痕或左或右或向或背又或
中多一點如太極圖如篆法月字狀疑唐時別有說焉
俗傳不可信或又云開通元寶非開元也文法圓讀古
錢多此式未知孰是冠雲又謂漢五銖及半兩錢出土
皆綠色惟開元錢色獨深青曾目擊千數無或爽伴松
云卑溼處藏久則紅綠高燥處則青二說宜質之雅鑒
家

舒城人許某有句云槐樹陰深沙店小菜花風細土牆
低余聞之三河山人何在揚在揚故任氏僕也其老主
人曾爲吾鄉績溪廣文教在揚作詩粗通字義往來江
淮間苦竹伴松輩頗不鄙夷之因渠作白燕數章有時

退餘叢話卷一

五

譽卽呼爲何白燕句云寄語能詩貴公子臨風憐取白
衣人亦清婉可念嘗客廬州頗悉合肥相國家事蓋與
龔溥有戚誼云

何在揚甚樸拙貧且老矣今年五十九性嗜書畫古器
皿嘗以骨董遊歷富貴朋曹間篋中頗有祕籍

江南老布衣蔣衡字湘帆別字拙存以書名世家金壇
老於淮揚間季虎先生鳴玉之孫也余雅嗜先生文其
刻諸坊間者僅三數篇頃聞布衣家藏先生制義不下
四五百篇外人未及寓目雄文鉅製片玉碎金美不勝
採奇不勝探吾里張珂鳴曾假閱一晝夜特草草摘其
驚人句爲一小帙未卒業布衣堅素以去夫爲人子

孫不能闢揚先緒使遺文大集播諸天壤而遏抑閉掩
不使稍露吾求其說而不得殆以供門內不肖之鈔襲
而已矣陋矣夫

龔合肥有尺牘五本未刻者在揚說劇佳其後嗣既無
力付梓又恐遺失不假出門間有就其家鈔得者

何山人述舒城郭某九日聞雁句云黃花市地雁留影
秋色滿城人擣衣山人改色字爲月字頗當郭未之信
也又稱苦竹山人張純五言有斷雲開雁路落木掩蟲
聲一聯亦劇佳又李某詩有九月新霜酣橘柚一燈舊
雨話江山之句李故興化李文定公會孫也

退餘叢話卷一

六

後戲之婢就地拾淤泥汚畚山頰夫人從樓上望見乃
罷去後作詠燕詩諷畚山云如何不向畫梁棲漫逐東
風上下飛欲採芹香猶未得鬚邊空自帶泥歸

分宜當國時奴僕無不橫恣者獨一人舉止頗謹李文
定公問之對曰日不常午後分宜敗詔文定籍其家家
人奴婢及器用財賄悉登諸簿報名及此僕公命釋之
何山人述其曾孫某言如是

火雞食火其毛如鷹背色可織爲布積塵垢擲置火中
移時則光潔如故名火浣布火於鑪炭爲宜勿近燈煙
恐油污之卽黑若經水則爛又四足雞三足鴨雙頭蛇
及魚皆何山人所親見見蛇則死之說頗不確其形較

細腹赤色性最下急過食則兩首爭持盤旋不定或至不食而死

巢湖古巢州地相傳有龍謫於此化爲巨魚巢人爭割食之有一老嫗獨不往夜夢神告曰此地當陷第看州衙前石獅眼赤汝當避之嫗旦日以語鄰人且時時詣石獅前諦視眾遂給之竊以殊塗獅目嫗見急趣眾走避眾共掩口笑嫗獨挈其家遁州果陷有二婦人奔百餘里至舒城治復陷其地名姑嫂塘此命數之不可逃者何山人曰事載廬州志又云每大旱或大霧時湖中隱隱有城郭市廛如覩人煙如聞雞犬

遺餘叢話卷一

七

息有秀才題詩曰君不君兮臣不臣緣何立廟在江濱平分天下猶嫌少一陌黃錢值幾文一夕廟忽背江別向手仗劍塑像猶勃勃作怒意一御史過題壁有仗劍不須懷舊恨漢家今已屬他人之句劍忽墮地江岸前高坡舊傳騅馬滾臥處其土不生草舟過可望見舟人類能言之語皆近幻然余見曝書亭集載廟後每遇大風陰雨時林木如有金鐵錚鏦之聲則信或有之事亦載和州志

蘭亭內永字無畫發筆處微折轉和字口下橫筆稍出年字懸筆上湊頂在字左反剔歲字有點在山下戈畫之右事字斜拂不挑流字之字就回筆不是點是字

下三轉筆趣字波略反向上殊字挑腳帶橫欣字欠末筆作章草發筆不是捺抱字已開口亦大矣六字是四點與感感字戈點是一直未嘗不不字腳有一缺右法如此甚多略舉其大槩持此法亦可觀天下之蘭亭矣右見姜夔祿帖偏旁考乾隆己未館阮溪有持石刻蘭亭圖求售者前大書蘭亭真蹟四字上平用二印一日南國諸侯一羅川王章四大字蓋王墨蹟前後序題題識共十四則悉王永樂十五年手書楷法摹上石者圖爲長卷人物林木甚繁足供閒玩余適抱心疾不耐瑣記特摘白石道人一條于右

遺餘叢話卷一

八

一梧秋四月十七夜夢從僧寺冒雨泛舟飲一小樓程駉履先生在座爲余述卽景詩循草塘行有新屋屋前一亭似僧舍作佛事者壁間畫宮娥數十其上懸一像有釋子告余曰此絕代佳麗也結襦一載幽明遽乖前合悉時恨君未及來看新人也一揖別去余忽口占二語云預約看花樓上客可憐空妒舊才人又是月廿六夜夢得階前一簇明珠草泣下湘簾不忍看之句大致俱不可曉少時見前人詩集載夢中吟句佳者輒疑其潤色爲之今余諸句皆幻甚平時所不能爲亦不肯爲者又昨歲十一月廿六日送郝恬菴之西江成長歌四十餘韻其夜夢中吟句復甚夥驚寤後僅記末章首句

及第三句因足成一絕寫扇頭重送郝云故鄉此去幾年還送別依稀昨夢間一縷含情煙外雪暮春時節綠楊灣此詩余載入集中若前句則惡其慘澹不復足成之矣六月初四日阮溪館舍識

六月廿二日夜夢見黃岡杜茶邨先生先生手余所訂變雅堂集繙閱終卷喜曰君至性人也余曰謂以題白雲圖一首壓卷乎先生不應余因而詰當日開雕之草率而自誇敘其編訂之苦心先生首肯之余又問集中諸詩文皆先生手自甄定否先生云頗有贗作在爲余指說甚詳杜老死五六十餘年余忽得之夢寐幻哉按變雅堂集歷亂無目次題白雲圖係原刻第一首余定爲

卷一

九

五卷題跋之首篇鏡板短長廣狹不均余裁翦補綴頗費日力裝訂可觀

山陽邊頤公維祺別號壽民畫蘆雁極工不徒狀貌兼得性情坡公詩所云野雁見人時未起意先改君從何處看得此無人態者一時稱爲邊蘆雁其自題柳梢春詞云水落寒沙攜來儔侶相伴蘆花塞北風霜江南煙樹到處爲家行行字字敲斜聲斷續鳴鳴暮笳正馬秋風孤舟夜雨人在天涯

天台葉少曾丰爲人甚恬靜古文蹊徑生秀詩學温李余每歎其擺落塵俗爲不可及頃見渠寄懷汪五鷗舫歸阮溪詩云馴鷗眼中容文采明珥其光洞我臆願

我生羽翰坐茲密陪對花木皆恬安憶昨睽而月招遊溢古歡名山引謝屐吐屬芬崇蘭翦燈上方廣意珠圓走盤庶幾石橋水足可敵詞瀾恣余得旁睨抗瓊和之難擬將拾春蘭纒爲絃自彈海風忽吹去墮我煙島寒老樹依孤影彌觸良友歎况聞鼓歸棹那不摧心肝潮來與愁際天地何漫漫美人如返照乃在層雲端余情亦霞似相映飛重巒且憑度影雁烘字行行看

卷一

十

好高季迪薄暝山家松樹下亦見映帶之工高續古絕句云舍南舍北雪猶存山外斜陽不到門一夜冷香清入夢野梅千樹月明邨可謂傳神好手朱希真詞橫枝清瘦只如無但空裏疏花數點李易安詞要來小酌便來休未必明朝風不起皆得此花之神若朱雍之梅詞黃晞顏之梅苑李龔之梅花神釋明本之梅花百詠詩愈多而神愈遠矣侍御棲賢之作實獲我心侍御吳振樓字長祖天啟壬戌進士除中書舍人考授廣東道御史有顛石齋詩集其棲賢看梅詩云萬樹惟一色半山堆白雲烏啼邨不夜香遠空先聞近寺松陰合橫枝澗影分誰家修竹裏簾外亦紛紛余按竹垞先生選梅花

詩例極嚴誠如所論然余曾見明末徐穎巢友七律三十首神韻高寄迹象俱空無些子煙火氣竊疑曝書亭藏書八萬卷或未之有也關中詩人屈見心年八十餘矣來遊江淮間從冷紅所見余手錄此詩急鈔副本去且跋其後云六朝以前無專詠梅花詩三唐雖不多有有則正大可觀宋明兩代多極然多在題中殊乏遠韻林和靖雪後水邊一聯空靈邁俗矣究不能超然題外其他可知巢友佳句不可勝數讀之若全不是梅花而切不可移清新澹遠實可空前絕後此段詩話恨不得和竹垞先生於九原而質之

退餘叢話卷一

七

玉溪生最擅場韓冬郎次之由其絨情不露用事豔逸造語新柔令讀之者喚奈何所以擅絕也後之爲豔體者言之惟恐不盡詩焉得工故必琴瑟鐘鼓之樂少而寤寐反側之情多然後可以追韓軼李金沙王次回結撰深得唐人遺意起句如雨下春泥月下霜幾年辛苦似蕭郎一層芳樹一層樓只隔歡娛不隔愁月到西南倍可憐照人雙笑影娟娟中聯如燒燈院落更衣影聽曲簾櫳點屐聲當初語笑渾閒事向後思量盡可憐畫舫簾衣凭雪滿玉箏絃索見春蔥明明可愛人如月漠漠難尋路隔煙臨水偶來同倚檻隔花何路可登樓封來淚點紅猶溼翦後香絲綠未齊繡佛像前同下拜泥

金經尾獨簽名含毫愛學簪花格展畫慙看出浴圖花下小樓堆燭淚柳邊低舫載茶煙翻成繡譜傳人畫會得琴心允客挑腮下有時思夢笑燈前長不卸頭眠結句如水國不生紅豆子贈君何物助相思殘陽欲度梅梢盡纔向紅腮拂鏡奩蠟照漸微香地冷珮聲纔達畫堂東闌干一曲無多地才著思量便渺然仙家合住煙霞外金屋藏渠也不堪今日席間誰認得舊時家令沈休文分明蠟燭身相似纔上歡筵淚已零一生長羨金泥蝶願上釵邊與鏡邊皆饒風韻誦之感心嬌目迴腸蕩氣余按疑雨集佳句尙不止此然詩雖工不讀可也苟無操守輒恐陷溺其中而不得出貽誤少年兒不少矣卽曝書亭風懷何嘗不擅絕一世然二百韻及閑情八首外至如琴趣洞仙本事諸詞未免有傷盛德寤寐反側之情又多乎哉不作可也

退餘叢話卷一

七

桐城姚別峰西湖感舊詩四首云江南蕩子恨無家錦字坊西問狹斜蕪館宵燈留蝙蝠荒陵春水沒蝦蟆路人尙指樓頭柳漁父空迷洞口花辜負沙棠舟上客酒尊詩卷到天涯窈窕文窗映碧軒俊人家近芭蘿邨芳蘭佩結繡經樣杏子衫嬌潑酒痕鬪草人歸春綽約賣花聲破夢溫存爭知舊日青驄客哭過枇杷白板門樓間別語太淒清乍似長生殿上盟絕代可憐人早死十年未見我成名春雲淺土埋蘇小曉月疏風唱柳柳安

得並駝瑤島鶴蒼煙吹破嶺頭筓西冷碧水漾輕紗樓
上黃昏聽暮雅榆樹洲邊新鬼火桃花門裏舊兒家玉
魚葬合肌猶暖環珮歸月已斜知否蕭郎重到此短
詩和淚聽琵琶又登募旗庵有閣裏江山養病僧句野
泊云孤雁一聲霜墮地青山兩岸月當湖晚步云僧立
暮煙呼野渡馬駝青草入空城寄弟蕭山云又是書來
愁滿紙可憐貧到汝依人次章云宦游記得初生汝一
瞬滄桑十八年早歲負薪廉吏後重來衣葛故人前山
陰恐載空回雪父老應遺未受錢好認荒祠拜仙子江
郎橋畔古壇邊又鏡水樓云少年不達如春冷久客能
歸抵宦成江冷紅云此君負俊才而窮阨若此既不永

退餘叢話卷一

三

年且作弄潮之鬼言之不可掩也如是

宋時有僧作詩三絕倪雲林愛之爲寫其意董文敏復
摹爲長卷甚精妙靜海司寇所藏也詩云灘聲嘈嘈雜
雨聲舍北舍南春水平拄杖穿花出門去五湖波浪白
鷗輕燒燈過了客思家獨立衡門數暝雅燕子未歸梅
盡落小庭涼月屬梅花朝發羊腸暮鹿頭十三官驛是
荊州具車林馬曉將別紅燭催人話未休

詩二絕甚工不知其題與姓氏見桐香閣詩話詩云蕭
蕭楓葉下船窗驚起珊瑚一兩雙拋卻離騷弄落月三
更柔櫓過湘江杜少陵來一字無孤舟依舊洞庭湖癡
人祇作丹青看啼殺黃陵山鷓鴣

蒿坪先生觀鷓鴣二截句在儲沅雲寓齋作一時推爲
絕唱靜海司寇見之云子可稱江鷓鴣矣詩云青草湖
頭苦霧侵黃陵廟裏落花深鷓鴣爾是南巢鳥榆塞秋
風恐不禁能言不比青鸚鵡一樣雕籠鎖短翰從此莫
啼行不得黃蘆苦竹好相安後屢試京兆不第有讀唐
人詩話書後二首云偶然吟得一篇詩便有聲名結主
知不信青雲能自致馬周容易重當時險覓狂搜句有
神無因洗月一燒春鷓鴣辜負尙書賞又逐江南放鴨
人

退餘叢話卷一

四

如何客云有過黃陵廟一首東風吹草綠離離路入黃
陵古廟西帝子不知春又去亂山無主鷓鴣啼檜伏屏
後聽之大驚喜趣具冠帶出見蒿坪先生云檜亦且愛
風雅今殆少此等人

昨宵才過上元燈又欲看山到秣陵騎馬乘船都不會
飄然誰識六朝僧白髮傷春又一年間將心事卜金錢
梨花落盡東風軟商略平生到杜鵑二詩亦佳不知何
僧作

本朝初年某月某日諸名士大會於嘉禾煙雨樓凌晨
客未集有一老扁舟草屨而來登樓大書壁間云十郡
名賢請自思就中若箇是男兒鼎湖攀斷龍髯日駕水

爭持牛耳時哭盡冬青空有淚歌殘凝碧已無詩孝陵
麥飯誰家取忍得闌堂鬪酒卮題罷復登舟去頃之諸
名士至一見大驚爲之罷會

江冷紅炳炎題初學集五絕句云滿卷塵埃拂拭開絳
雲樓火剩寒灰幾回緝罷還拋手空貯陳王八斗才柳
陌卑汚夷惠廉自來名教本清嚴只餘一點難銷卻錯
把疏狂認子瞻集中以東坡公自況三生一笑水雲鄉抹月批風
儘較量可惜柳枝空解語未垂青眼向潯陽一品官階
一布衣耦耕堂外築漁磯笑他鶴怨猿驚後相對猶能
說是非文字無嗟骨相寒誤人多是進賢冠直教野史
添公案不在遺民集裏看

遐餘叢話卷一

七

蒿坪先生云張文潛詩十丈虛庭借雨看此句初亦尋
常視之後居蔭園廳前石砌敞平暑中烈日蒸蒸入夜
炎氣不散徒見十丈虛庭之苦一日甚雨坐堂中觀滿
地跳珠淋漓磅礴乃大悟文潛詩句之妙

馬中翰相如觀汪滌崖所藏滌道人霏雨霽春圖歌頌
淋漓跌宕滌崖示余此圖與余論畫亦然最後乃出詩
扇賞之詩云止君善畫兼識畫四十年來眼光腕力搜
盡天下奇昨來手持一卷顧我笑欲展不展使我增猜
疑手捫名姓不許見憑君擬議宋元以來何人之所爲
紙古色沈氣肅穆墨光蒼翠莽淋漓想其下筆時突兀
硬直筆不再斂墨不加染任其意興所欲出颯颯不自

遐餘叢話卷一

六

被今人欺先生妙語破千古如治耳聾刮眸翳寄語今
之人作者識者當是誰

嚴博儂名元金陵屠戶之子能詩至蕪城以如花城外
晚梳頭七字知名汪丹麓孝廉傳寫數十首余詳視之
有句無篇強半風懷之作別意一首云赤岸青沙晚汎
平行人猶在石頭城閩中計日連今夜舟子占風說五
更送客返崖燈火暗祭神分肉酒漿清少年若個初爲
客兀自離絃撥幾聲他如賣花聲裏正懷人江聲作盡
黯然色千金莫買隔簾心一聲水調綺疏開煙霧古今
留墨譜未聞黃鳥人先醉開到碧桃春已行等句俱有
藻思惜其人不永年未三十而卒然誦其詩則致死之

由可想也得毋以屠沽兒抱此才質遂跌宕自憇矣夫
漁洋先生云唐李商隱温庭筠段成式唱和漢上題襟
集號西崑三十六體初不解三十六體之義小學紺珠
云三人皆行十六也

茶竈聲清響竹廊小亭新構面橫牀當作塘漁舟晚唱煙

生浦桑婦遲歸月在篋一嶺山花燒杜宇半池春雨醉

鴛鴦籬邊犬吠何人過不是詩僧亦酒狂此雄縣壁間

詩載蒿坪先生雜鈔偶閱鄧孝威詩觀故宗定九作也

鉛山費無學評西湖云春山穠豔桃李競芳香車寶馬

遞相馳逐此景當屬之三河少年秋冬澄蕭遊舫寂寥

清客孤遠此景屬之幽人韻士李長蘅題秦心卿西湖

退餘叢話卷一

七

樓壁云北苑抹晴米家寫雨春多子久冬半倪迂可謂

能盡西湖之變余得之陳撰玉几詩話中

錢塘陳楞山撰西湖竹枝用商小玲事人都不解崇禎

時杭有商小玲者以色藝稱演臨川牡丹亭院本尤擅

場嘗有所屬意而勢不得通遂成疾每演至尋夢鬧場

諸出真若身其事者纏綿悽惋橫波之目常擱淚痕也

一日復演尋夢唱至打併香魂一片陰雨梅天守得梅

根相見盈盈界面隨聲倚地春香上視之已殞絕矣臨

川寓言乃有小玲實其事俞二孃後不意復有此人語

並見玉几詩話

佛氏論四友以華友秤友為可鄙華者因時為盛衰秤

者視物為低昂也秤友更說得奇創吾鄉沈長卿弋說

有云今人動云相知談何容易推食解衣扶危拯困名

未揚而為延譽行既玷而為匿瑕是相厚非相知也慶

弔不缺於往來問候不隔於朝暮莫逆而緩急誰恃交

歡而臭味不投是相密非相知也門外孤立不得不望

助而求援炎涼難堪不得不趨勢而附利是相結非相

知也兩無所冀而各伸其情他有所懲而勉盡其禮非

愛非敬若厚若親是相與非相知也面目不甚習而觸

發時恍惚記憶姓氏已久忘而邂逅處彼此寒温是相

識非相知也相知如何我知彼彼亦知我如張超之於

臧洪卜其來救陸抗之於羊祜決其無醜是也張元伯

退餘叢話卷一

六

臨終以不得見死友范巨卿為恨於夢中告以亡辰葬

期喪發引而柩不前已見巨卿縞素號哭而來為之執

紼柩乃得前支道林于法虔殂後精神實喪風味轉陸

踰年而殞若是而稱相知嗚呼庶幾沈無回跋其後云

自功名富貴之習入人深而相知二字難言之矣玉几

山房聽雨錄載兩沈君言如此於絕交論子厚墓志外

描寫世態冷雋入骨可令天下之稱相知者驚顧顏汗

茫然喪其所懷來記朱竹垞先生少作四字詩云我欲

悲歌誰當和者四顧無人甕甕曠野老杜云側身天地

更懷古獨立蒼茫自詠詩讀之可感也

陝西張節母未嫁夫死于歸事翁姑姑病割股姑死侍

翁疾疽發於背膿血淋漓被床席節母扶掖臥起手自澣濯維謹翁死兩嗣子皆補博士弟子已建坊從祀節孝祠嗣子某猶慮大節易湮冀得文人表彰以垂不朽徒步來京師乞朱子介三立傳介三乃爲徧徵輦下諸公卿名士作詩以紀之蒿坪先生云

讀書人才氣馳騫刻刻想出門至車殆馬煩覺得困瘁無味漸有鄉關之思如是者久之歸去家庭風景自足賞惜非萬不得已當不妄動隱然有安貧守分之意此處便是長了些道心

江湖遇風波患禍不測眾人哀號痛哭吾以鎮定二字了之非度量太吾不鎮定亦無益也人生見理不明小得失及語言口角輒鬱勃不能自平自走天涯歷經險阻後回思死生呼吸之際鎮定有餘一切危疑復何足道此遊之有補於學問處若屈首牖下那得此段意境偶與潘立人前輩夜話云爾退而筆之

享終身之快樂者福人也抱終身之幽恨者慧人也二語頗近小說家余戲採之謂入閩飽噉荔支在福慧之間此語須與解人道

朱斐瞻論古文以寫得出爲妙出字極有思想譬之觀魚不工於文者如魚在水中波紋蕩漾縱了了終覺模糊其工者如魚釣入手首尾鱗鬣悉畢出此妙惟史遷得之

退餘叢話卷一

九

朱斐瞻讀書不務記誦航思旁訊澄觀博覽而取其精卽不全舉其詞要其佳處常往來心胸閒醞釀久之者也此可爲苦讀無領悟者下一針砭然亦是渠天稟高粗略者不得藉口

人家子弟讀書記性讀性悟性各有短長余直謂三者缺一不可邵武朱斐瞻爲增定五件一志向二性情三穎悟四才力五強記志向欲其高性情欲其靜穎悟欲其變才力欲其副強記欲其擇其言甚精確一字固於金湯斐瞻名士瑋邵武建甯縣人甲子解元戊辰進士甯化李元仲先生世能寒支集生新刻露獨關靈區其秋懷一首由妙悟而成可起人無窮妙悟詩云坐臥斗室中書卷奏新效神來勿驟往斟酌使克到焚香取煙初賞茗在味少潔此徑寸懷遂與光照耀月以霜尊嚴雲得天高妙良友雖各天是中可談笑

退餘叢話卷一

十

猜嫌積而禍機成濡忍暫而危辱至故君子豫機先大易戒履霜嗚呼可不慎哉朱斐瞻云

侯官孝廉郭雍字仲穆別號書禪自訂約園詩百首五律最工其詠霍去病云嫵姚矜意氣年少遂成功拔幟天驕幕飛書漢主宮衰駝蹲積雪驚旆裂悲風上將方談笑貂裘蹴鞠中又塞下一首云寄語深閨婦臨風罷剪刀賢王移大漠游騎逼臨洮草死燕支冷天懸太白高得歸須馬革何用問征袍邵武朱斐瞻稱其直接盛

唐爲閩中詩人之冠

吳興嚴海珊詠梅詩有殘笛一聲涼在水遠山數點碧於煙之句海珊名遂成庚子孝廉甲辰進士歷任知縣潘先生立人稱其詩可傳曾薦舉鴻博

朱斐瞻兄名士玠有筠園詩三卷夜齋雨後一聯云溼松滴殘夜涼月在諸峰神韻特高

龍巖道中題觀音院八詩並跋余集中不載附記於此駕月驂鸞夢到天護庭泣露已多年淚珠一掬生初事

來懺潮音淨聖前一坡陀歷盡到南閩記得當初侍者身一跌不愁山徑滑驚迴三十五年春二山長雨溼路冥冥遠火無光佛有靈低覆旅魂雲一片露涼深夜拜

退餘叢話卷一

三

孤亭三玉皇香案吏超羣占斷天孫五色文灘急嶺多人萬里苦辛不敢訴慈雲四竹兜驚寤悄黃昏喚我泥

塗認履痕來路雲封山亂壑一灣流水綠當門五水田衣好勝青衫苦逐紅塵與錦帆凡骨儻緣仙夢換諸天

花雨散龍巖六未了其如宿孽何元龍湖海意蹉跎慈航難渡人閒世貝闕珠宮誤認多七海水茫茫汨古今

微軀孟浪說千金迴頭滴盡椿萱淚禮佛詩成似梵音八乾隆七年十一月十七日隨鄉先輩吳翼堂太史視

學龍巖兩宿觀音院涼露寺側是日爲倚雲生辰悵行役之多艱感歲華之易邁追維舊日默證前因擬留詩

篇聊當懺悔明年六月渡海口至福甯成八絕句朝音

不遠遂投詩於海波繼遺家書爲虔製靈幡六幅仲冬望前一日又先人諱日也時客泉州官署歲恰一周將謀歸矣齋沐以酬昔願寄菴僧張之涼露亭

乾隆七年十一月廿八日夢丙子病余蒼黃出走禱於神殿宇邃做神像巍峩似西湖岳鄂王廟禱畢願見關

帝自外來始悟座上神卽帝也回身哀訴向帝拜帝首肯之授素絲線一指小紙包一又深黃色厚紙一幅似

綾似絹長廣三尺許取大硃筆東西斜立畫符一道攜印盒同余出廟門帝高額方面眉目森秀鬚漆黑年三

四十歲余且行且回顧忽轉入別殿後見一神迎立清眸白皙團面如長頤余心知爲文昌帝君也兩神立而

退餘叢話卷一

三

語關帝手揮余先行右折入小門曲巷數武得僧舍似余讀書處洪君雋思汪君右瑜在屏後會食余告以故

洪君攜餅餌一盤急登樓避之汪君類病者兀坐狀尋命僧人具蔬盤數種留帝小坐似天暮不及猝至余家

也同余入廟及歸路陪帝坐於禪堂者尙有一人不可憶矣汪君在漳州病幾死明年丙子果病如汪君臥床

余重至漳州得心疾歸後彌劇數瀕于險伯兄授余西湖漢壽亭侯聖諱玉璽貼門屏間殆卽符也復與族人

會應是夢亦奇矣甲戌花朝補注乾隆八年八月五日夜夢攜一僮走三五里歷岡阜俯

身出一小關左轉得僧菴訪徐巢友入門老僧四五或坐或立似一再至舊會相識者須臾巢友出揖就坐瞥

見好女子伏屏幃閒知爲巢友妻也與巢友敘寒暄甚長并述所與游潘陋夫等慕其人與詩又意以爲巢友將之金陵來日當不及送別巢友軀幹差小年四十許貌豐上銳下鬚漆黑坐譚良久屏幃閒人忽出見余斜倚几案前脫之如玉雪心竊訝之別去途中見數老人攜童子偃僕行且相語曰兒郎甚佳一老曰兒輩但喜肉食不肉食者便佳不肉食可使安得有可器使之兒云云前望一亭忽驚顧巢友乃送余里許矣辭之長揖而別覺後天將曙追夢夢大奇巢友名顯故明海鹽學生以註誤逃於僧自楚歸入茅山爲道士好談兵以徐鴻客姚廣孝自許後不知所終竹垞先生云巢友汗漫之遊投軀嶺海其詩歸入貝編雲笈之中拾孔翠一毛足勝凡鳥累百有梅花詩七言三十律明詩綜不載余得之阮溪汪氏酷愛之爲寫烏絲小楷冊子凡六本第一本贈汪君繹南鴻烈第二本在南梁爲姑丈吳陪鶴端笏書第三本呈伯兄遂船第四本書爲江冷紅炳炎第五第六本客揚州桐香閣時奉江蒿坪先生壻及其子嘉實蓋精神所聚夢寐見之所見好女子當卽梅魂也日爲巢友妻妻梅也潘丈陋夫今年八十餘藏有巢友碧落集鈔本傳示冷紅余從鈔得自序一首者是夢也得毋巢友著述世罕流傳梅花三十首詩魂不泯冀得好事者刊布而余尤係酷好之者故示之夢而以女

退餘叢話卷一

一

子爲之媒歎抑其投軀嶺海不知所終或卽終於閩歟老人語在可解不可解閒然移作梅花詩評甚當巢友詩云食肉主人天末也滿頭香雪臥團丁有味乎其言之矣

癸亥閏四月多雨中旬以後江水大漲廿六日南門水高八尺城門不閉城中孔道悉船筏來往米價翔貴每石紋銀三兩有零廿七夜居民悉雨立城上總制給官錢壯者十文幼五文環城傾壞牆屋無算廿九日雨止水始退官衙兀坐岌岌乎有憂生之歎聞建甯延平以截漕官米官價不平立法稍苛客船旣疑阻不入境而會城倉貯堅執不發轉檄提上游餘米民人至毆辱官吏喧擾殊甚惟松溪潘君卽於閏月初平糶令兄在此閒書來告云舍此無別法署中高才滿座可能借箸一籌耶福州使院記

退餘叢話卷一

一

霍童山隸福甯神仙霍童所居爲天下第一洞天唐司馬承貞修煉於此跨鶴飛昇吳郡鄧伯元沛國王元甫鹽官褚伯玉於此授青精飯白霞丹景之法幽巖邃壑人跡不到者不能悉數每天晴月皎居人時聞空中鼓樂聲本朝蔡伯源詩環海洞天三十六霍童第一好溪山三花樹上眠白鶴五粒松邊放白鷗不知道士歸何事鐵笛一聲雲水閒馬廸詩萬仞晴峰翠作堆誰知有路接蓬萊蒼顏童子對雙立白首使君遊一迴石上殘

棋風掃竹洞前遺白雨生苔欲留信宿遲遲去應待茅
君跨鶴來

福甯陸路險惡嶺至多白鶴嶺爲全閩之冠石磴峻峭
紆迴百折海上羣峰都入延眺度嶺半俯視平曠曠野
閒黑石錯落纍纍點綴如假山如吾鄉浦口鐵索港景
致下嶺乃知爲民居也色黑者嶺上但見屋瓦耳按志
載嶺旁有石洞內有馬大三女仙祈雨多應謠曰白巖
洞深復深女仙遺跡何處尋山前山後田如焚旱來惠
我三日霖

自福甯歸過潘渡午餘度嶺大雨山泉暴發如白龍數
十爲雷霆鞭笞奔鬪迅疾銀濤雪浪洞心駭目山谷崩
裂作千軍萬馬聲真奇景也僕夫下嶺至不能辨路稍
失足則墮絕壑中雨止過山溪溪漲不能肩輿與人負

退餘叢話卷一

三

余亂水而渡頗有戒心薄暮抵省署脫鞵鞵已溼透矣
按福甯濱海風土與南中少異時有寒風中人乍熱偶
解衣輒復慄然起粟不思食飲汗泄則平施愚山前輩
句云殊方不定寒暄節病體難調增減衣信然

建溪三百里兩岸篁篠彌望率枯瘁無色舟子云竹不
生葉而結實如米其抽穎如麥相傳六七十年無此事
矣取視之果然味微甘甲子四月十七日建溪舟中記

歙縣鮑倚雲撰

貴池劉世珩校刊

閩天氣暖惟福興漳泉四郡冬不須裘其上游延建汀邵不爾而汀尤高寒壬戌十二月中旬自龍巖赴汀州兩度南嶺與夫歎險艱風色漸緊漸窺路旁草樹晶瑩照眼不知為何花路漸陡花漸密景亦漸繁至嶺頭攀帷視之蓋古所稱木冰也雨雪凝溜因物賦形千彙萬狀奇不可悉而勁風折之淙琤聲盈耳四望寒霧蒙密高深不辨如渡大海如登三神山如坐珠宮貝闕如遊瑤林瓊樹中輿人有粗曉小說家言者大呼曰雪擁藍關馬不前余乍聞而含悽及是得奇觀不覺欣然叫絕

退餘叢話卷二

余四過黯澹灘初入閩不知其險遠驚絕已出險矣癸未春自邵武來建甯泊灘下沿支港而上甚逸觀漁人撐竹簾下灘勢隨灘轉一灣如溜浪花掀舞人與簾俱沒眾方瞪目失色俄見百步外如鳧鷖浮波面形漸高出則漁人曳篙去矣逾旬自建州還按延平主人避險取陸道同人爭乘與余與涇縣翟扶九海陽謝雪巢同舟岸上僅餘兩與余再三讓兩君而翟遽蒼黃別去謝君老矣神色不變余笑謂曰諸君畏死乃爾吾與先生竟放膽下此灘麾一輿去命僕檢束器具之散漫者船人打槳而下如陷如墜震蕩顛簸極飛翻之勢我僕跪伏艙板上不敢仰視忽驚起問過灘未回視則白浪如

屋船人悉立水中僕幾怖死抵署同人微有忤色余笑曰雖不得仙亦足以豪

閩船多清流縣人船身甚長客蓬分五之二其外容四人打槳地頭尾駕兩釧以分水勢長各丈餘絡以巨石力重百鈞長年高視灘孔作虎踞勢如與灘鬪閒不容髮所有紙船鐵船公之諺船製不一視其木率輒薄纖碎以鐵片鐵釘密密鈐之如不可恃癸亥秋由永春下泉州每下一灘其危如墮船底作磔裂聲鏗鏗千條水濺濺湧上如泉咽船人不懼也客子富陰風細雨時聞鷓鴣叫故應腸斷何必巴峽猿啼閩灘之險黯澹而下即數猛虎灘阿彌陀佛灘閩人云汀之九龍灘斯為絕

退餘叢話卷二

險故船工必數清流

漳州有一古樹臥孔道形甚奇旁以石屋承之下可容車騎望之如城闔如門闕根株不辨了了如根闔以藤絡之密葉青青然不知何代樹也

先人筆跡有董文敏陳眉公跋聖教序二條並列款不知何處鈔得或曩見過二公所跋聖教序真跡也董跋云聖教序真跡在余家已贈武陵楊文弱即弱水制臺之子余門生好書又以聖教序為右軍書不知乃懷仁一筆自運即復採撮取其相近者成一種書後為僧人所宗尚故余不甚臨倣耳其昌題為周生文陳跋云聖教序未裂本此為第一宋翰林侍書多學此碑目為院體唐吳

通微兄弟已有斯日故董思翁不甚做之其識卓矣然

宋本元有高韻東觀餘論已曾拈出此帖其證明也眉

人陳繼儒得觀於董宗伯齋中歸之周生

庚申秋余省伯兄遂船於南梁唱酬彌月廿年來對床

之樂僅此伯兄話別詩有枕上忽愁朝雨歇秋來最是

夜涼多之句讀之殆不可為懷今年寄余海上聞雁憶

諸弟佳句云日暮西風卷客衣數行征雁向南飛關情

不覺驚秋晚霜冷野橋黃葉稀詩味劇似唐人余自閩

歸心神耗矣吟興幾闌欲和吾兄此詩乃不成一字錄

此頗黯然也乙丑八月五日燈下

秋潯隨艇去水盡到山家竹暗乞晴畫楓光明夕霞一

退餘叢書卷二

三

庭堆落葉何代種梅花清供無他物香生雪色茶中唐

人句清氣逼人如此作仍復深厚谷口老農云屈翁山

跋郎士元送別錢起詩後謂詩以氣味深厚格調高壯

為貴中晚衰頹不堪如殘秋落葉令人慘澹王新城論

溫庭筠詩古戍落黃葉浩然離故關高風漢陽渡初日

郢門山此晚唐而有初唐氣格者又論律詩貴工於發

端承接二句尤貴得勢如嬾殘履衡岳之石旋轉而下

則非有伯昏無人之氣者不能也因於摩詰萬壑樹參

天少陵昔聞洞庭水二詩外舉飛卿此句並韋莊章臺

夜思錦瑟怨遙夜遶絃風雨哀下云孤燈聞楚角殘月

下章臺皆轉石萬仞手也余按三公持論各有見極處

偶類鈔之

詩道旁落言人人殊喜古風者望望遠俗喜近體者溺

於獻酬其實近體甚不易而五言尤難但得古人之一

體亦足名家其如門戶之見膠柱可厭講工力者專精

對偶講自然者但勝逸氣余沿溯三唐下逮國朝諸名

家微有領會竊謂四十字中須字字沈著虛字都鍊作

實字又須一氣盤旋實字都化作虛字

淮揚間大賈高其閨閣深居簡出四方遊客到門無因

而得見者奚啻昌黎求見宰相人三辭而已桐城馬

相如璞臣投刺於程風衣嗣立再至再拒之馬怒門首

喧闐甚已而見一人便衣小冠拖履出問日子何人曰

退餘叢書卷二

四

吾桐城馬相如也曰馬璞臣即子耶曰然馬還問日子

何人子知程風衣可在家耶曰吾即程風衣也兩人大

笑牽袂入各盡吐所欲言如舊相識留數日盡歡時馬

入都無行資又值風衣空無時風衣從質庫中諾其請

岑山多富人而風衣有寒士風乃得豪舉之日顧視諸

豪一空之矣

馬相如七言絕句最工自謂於此體小有開闢汪攻石

庸敏為余工寫數篇為橫卷丁丑秋以中翰歸過揚州

與諸君聚程仰山所見余寄仰山詩冊仰山復以素冊

四本付攻石作札仰山附名而中翰綴一詩於紙角並

為封題署云馬相如代寄亦一時韻事也詩云鮑子何

由知馬卿傳吟詩句最關情寄余小楷梅花健好答新
篇抵送迎

一僮量豆數升將以肩承之意不耐鞠躬失手器覆散
落滿地一一拾還乃得去余笑謂子弟民生在勤勤則
不匱此一說也作事類不可不勤勤則事簡而神氣轉
閒吾見懶惰者得勞苦矣斯理頗密汝曹靜參之

學人方嚴事文人逸事詩人韻事類皆有度越尋常離
塵拔俗之意縱失中道亦足成名非其人而做效之是
為僭言之不可行行之不可成若有物焉敗之咄咄怪
事

詩以和平雅正為主落紙雪白而韻味無窮超而又超

起餘叢話卷二

五

者也務綴奇字作險語稍不檢點墮旁蹊矣試觀柳州
文極廉悍昌黎稱其出入經史百子深博無涯淡而其
為詩乃冲澹如陶韋即其所謂雅歌追江漢常武之作
者鏗錡炳耀何等光明頗與其文不類何也柳州胸中
顧不多奇字耶

元遺山論玉溪詩云只恨無人作鄭箋余謂書情述事
之什有難以顯者於是託之比興附以故實其妙原在
掩映隱躍閒使人低徊唱歎不能已已不可箋亦何必
箋也豈獨玉溪生為然凡妙於言情事者皆然往余在
衡南有無題詩十首江冷紅疑有狹斜遊堅叩其故余
告以大指冷紅喟曰誠如君言則義山詩豈可下注脚

哉千載後讀鮑敬省此詩從何注起蓋余但書余事述
余情無所為比興無所為故實實有不能明言而已無
所不言不能已於言正不必人人知其所以言

文人躁進學未成而責望於知己與薄有身家奔走營
競無益而轉被害者只坐不肯安分耳東坡與李方叔
書言慎靜勿喪所有可與昌黎送齊皞序柳州賀王參
元失火書參看

士憎茲多口亦須是方嚴質直或不免於意氣之激性
情之偏則明白無他其情可諒也若不軌于正不衷于
理凌厲恣睢敢於駭俗而不和眾此為背謬為乖忤全
無立脚跟處豈得藉口貉稽之言

起餘叢話卷二

六

昌黎仁義之人其言藹如語最確最有味持此意論文
六經範世二曜經天矣苟楊輩盡在下風何況餘子就
近代古文論惟震川吾所服膺每手一篇於人灑然動
容悽然傷抱王荆石稱其一唱三歎無意於感人而歡
愉慘惻之思溢於言語之外者是也本朝十數名家中
施愚山侍讀實具此意望而知為君子之文所謂蓄道
德而能文章者也其他操翰管而高視者各具所長豈
不斐然縱聲華豔絕經術宏深著述繁富或遠過二公
而性情之故自不可掩

震川先生恨不得當世奇功偉烈書之凡天下文人具
史材史識者亦謹佩此語則幽光潛德悉闡矣聞按古

今名士碑版文字大率非錢幣不爲功雖昌黎且有諛
基金之謂然則統謂之應酬可也人家後嗣孤貧而欲
揚其先烈與夫窮郵幽蒨遺徽陸美之倖蒙撥拾而不
終沈沒也談何容易此著述家之所以重網羅逸事也
初學古文每苦虛率寒儉病只坐不讀書不讀書無論
筆力藹弱氣不足以自振到關隘處都不見旌旗壁壘
豈復成軍縱有時性靈流露率淺薄無味故抱空腹講
情致弄筆生斷無佳文文必原本經史乃厚故曰要有
根據

世之負才跣地者好講作用余謂胸無經濟其所謂作
用皆謬也雜霸亦須學問根柢謹慎立於不敗之地故
馬援刻鵠畫虎之喻最妙

退餘叢話卷二

七

古風日衰頹俗日弊由于老成日凋

舊時吾里富人多以作苦起家性敦儉素往往近陋其
樸鄙少文固宜然大致謙厚今追思之皆晉代衣冠矣
其理獨得庇其孫子趙孟曰其後亡者也蓋伯有之病
只坐汰侈

明詩綜詩話自謂具一代掌故然於經濟大略韻事太
詳香奩事尤詳此亦韓子所謂學而得其性之所近也
瀛洋人好談朝章國典淹博何待言然亦世家人物
地望故殊性情學問又足以副之耳總持風雅數十年
人士趨之如百川到海然竊疑其不甚留心經濟吏材

兵事智勇幹辦皆非所好以魏叔子文章綜練世務顧
不甚見取商邱吏材殊勝漁洋竹垞顧獨喜自負其詩
當其開府吳中真欲以風流衣被江左令人想見
聖祖盛時天下隆平海內殷富士大夫遭際之幸
朝廷之官雖宰相之重皆可雜以他材處之惟翰林學
士非文章不可錢思公自負斯言以爲至論 本朝漁
洋竹垞諸先生在翰林可謂人與地稱惜未久於其位
然爲史官撰述恐皆有偏處何所偏偏于風雅詞章而
已

退餘叢話卷二

八

歐陽公多談吏事殊所未喻久之不免有請公曰吾子
皆時才異日臨事當自知之大抵文學止於潤身政事
可以及物吾昔旣官夷陵方壯年未厭學欲求漢史一
觀公私無有也無以遣日因取架上陳年公案反覆觀
之見其枉直乖錯違法徇情滅親害義無所不有且以
夷陵荒遠稱小尙如此天下可知當時仰天誓心曰自
爾遇事不敢忽也迨今三十餘年出入中外忝塵三事
以此自將今日以人望我必爲翰墨致身以我自觀亮
是當時一言之報云云詳見與石司理書又云君子學
道聞之有先後得之有深淺亦繫其根性利鈍惟茲政
能在勉之而已此書煞有關係

歐陽公論文章惟勤讀書而多爲之自工疵病不必待人指摘多作自能見之以公之工於文其勤可想也劉原父乃云可惜箇歐九不讀書蓋劉氏兄弟熟於經史鑽研箋疏考據博綜其說春秋尤長別成一家學問每見經學邃者或拙於文事工於散文者或不工詞賦而散文體製不一又或難兼擅夫學不根柢經術文焉得工要其工者皆得其精而遺其粗也若沾沾焉箋疏考據是務則雖司馬子長尙有餘忤何況其他爾雅注蟲魚知非磊落人門戶派別互有短長得失須分別觀之無庸仰此絀彼

退餘叢話卷二

九

尙多私臆橫據予奪詳略愛憎毀譽雜出於其間何況天下何況史官固知穢史之目不必魏收天下郡縣志乘所在名士著述姑勿論文字工拙要以操筆者人品心術端謹爲貴

入主出奴黨同伐異門戶之見著述家尤所切忌嘗見聊爾人經妙筆點綴令讀者慨然如見古人及異地不相習者求撰述雖人物較勝其子弟不媿雅流而作者聲價忽復翔貴不輕許可曰簡曰嚴曰含蓄曰削質動稟史法讀之索索無生氣嗚呼彼累信史哉

歲癸亥在閩中一夕夢與程雪崖讀江都李馥雙文宋集中有題雪崖先生集云九江潯落花深每句有注夢

中頗了了會筆於日歷上今丁卯十一月六日館於橫巷滋德堂之西偏又夢與雪翁登一危樓樓前古桐樹二章煙雨空濛彌望無際余題其楹有勁筆爲桐人過龍門留眼古煙如墨十四字下對句久吟未成先生極賞余上八字遂相攜下樓而寤因忽憶及閩中一夢檢癸亥日歷視之亦十一月初六日事奇哉噫昨得伯兄書而馥雙已死矣爲之嗟悼累日馥雙會及楓谿先生之門而與余及雪翁舊稱神交者也追理昔夢凶耶吉耶嘉兆耶詩識耶吾不得而知矣越七年癸酉月心動因作月夜望琵琶亭歌起結並用九江潯落花深二語甲戌二月十八日病起補注乾隆十五年庚午二月廿三日夜夢至一室如橫舫額

退餘叢話卷二

十

作飛白曰白雪山房對面三楹周以闌檻檻短可坐下爲深池池水澄碧有鯉數頭甚狎如馴鳥依人大可尺四五寸池中時作鏗錡之聲則飛起高出簷際余忽傍然不覺此身之爲魚也與同飛而魚力猛甚往來盤旋撞擊余身頗酸楚不可忍避入簷下良久魚復入池夢中欲作五古一篇未成覺而記其首四句云靜久仙氣深夢來幽絕處山房署白雪飛白筆可觀

詩家有鑒於明七子之弊幾欲祛去初盛諸公以謂數見不鮮後生習其說落筆輒寒儉虛率罔識門徑其跌宕自喜者一折而入於山林隱逸纖碎寂寥老死屬下惜花弔月不難淺斟低唱至殿前作賦往往傍徨避匿

際不能吐一語強摭數語觀之滿紙作乞兒相詩道之窮終其身不復享文章之福可慨也余選讀唐詩於初盛應制詩篇特不敢輕汰俾來者入門辨路毋落旁蹊庶幾墮地一聲詫為英物云

七子卷中排沙揀金何嘗無佳詩詩要于神骨氣體閒別雅鄭徒爭而貌而以浮器廓落為美宜乎土苴棄之矣即以唐王摩詰論瀟灑宕逸幾於竟體煙霞乃其詩骨清華高貴不特應制體望若神仙即山水閒適贈答之篇亦迥非寒瘦一流所能希風而說響也領詩家真解者當首肯吾言

退餘叢話卷二

王西樵評少陵曲江作云宣政紫宸等作何其春容華藻游賞詩又跌宕不羈如此蓋有體也

少陵說白話祇覺情緒纏綿他人輒患淺薄

隨州諸七律結句每失之卑弱亦一病也學之輒易落套參以老杜壁壘自堅

耿漳送人歸南海云海味唯甘久住人余客閩對諸南食一一欲嘔惟江瑤柱劇佳而土人不解也

清而鍊便不墮浮滑轉覺句意跌宕學宋詩者以此辨之昔漁村趙太師語先人云宋如陸唐如白不善學之易流於率易而徑直大抵七律最忌率易成章今人多著意領聯能講究起句及結句者甚少又五六一聯每忠氣弱或不能開宕間按劉夢得於此處倍研練能操

筆最可法此法莫備於老杜凡得之者其氣格必高潘立人云七律莫多於香山集中篇各一格無處同者故在唐代列為大家余按白詩雪白語而情味有餘其筆則具有曲折頓挫吞吐抑揚之致要未許淺人學步自長慶體出一時多浮豔空響如病者之脈來浮大而精氣枵然不堪細按也故曰詩貴沈著

周清塞夏夏獨造瘦削是賈姚一輩人摺一字作拗體刻峭可喜至許丁卯一變而為崛奇氣力較厚味亦稍腴後來轉相摹仿才力薄弱越少味矣

退餘叢話卷二

韓公崛起元和詩文並魁奇肆一掃時流靡曼闕緩之習而七律獨不多得得毋才大不能俯就繩尺屑屑拘聲病耶答張功曹別張使君貶潮州後示姪三詩自不可及

趙倚樓詩於斜中見整極參差出沒之妙視同時雕鏤塗澤以富麗為工者侷乎遠矣後來惟東坡七律飛騰變化不可端倪蓋得此意

溫李並稱飛卿婉麗恬雅漸嫌少骨玉溪生情喻幽深外不乏雄挫之作氣質較高

史稱方干質野貌寢又免缺有司因是不與科名後遇醫補脣已老矣余謂其詩骨高寒適成爲處士之詩身後獲與十五人之列追賜及第千古盛事不可謂非厚幸

向來以方干羅隱不第爲恨事開按方詩孤冷堅峭出
賈姚之上舊稱其五律一字無失良然但未免帶蔬笋
氣耳羅則粗服亂頭槎牙便蹇絕無清華感落之致去
廊廟益遠甚準以前明科舉之學有文佳而必不中者
此類是也敬告後人擇術不可不慎凡應科目之詩文
宜俯就有司繩尺毋希高慕古清真自放翩翩名士落
落散人皆非所宜吾於羅秀才有深感矣

溫飛卿吳承旨韋蜀相諸公七律圓朗妍逸風調有餘
以之獻酬羣心可使一座傾倒若欲厲氣骨以格韻相
高號令風雲摧堅陷陣須更上一層樓也願今之詩家
何必然擇摭諸公之皮毛而塗飾之是亦足矣

退餘叢話卷二

主

七言長篇唐惟李杜韓宋則蘇黃甫渡已後獨陸放翁
得與此選若王右丞高達夫岑嘉州歐陽永叔王半山
諸公非不妙特不必以此體擅長卽有合者亦不多見
此語可與知者道阮亭選古詩源流井井亦已如彈指
門開樓閣盡見矣言不盡意能者從之

本朝五律推杜茶村擅場此外名家亦不少而愚山竹
垞畏壘山人數家余尤酷嗜近關中新出有弱水集可
與茶村並

霍子孟赤族爲千古恨事史譏其不學無術余謂威震
主威震海內黨親連體根據於朝廷喪葬恩賜一切與
乘輿等子婿兄弟之侈統袴奴隸之橫雖盡可殺禍總

不至若是烈也彼功不掩罪者余特以里諺一言蔽之
曰懼內而已夫以顯之凶逆至毒殺計皇后乃敢以實
告光班史大書曰光大驚欲自發舉而下文繼之以不
忍猶豫四字光族於是乎赤矣世豈有賊殺君父而天
不加之禍譴者耶觀光身後顯至與監奴馮子都亂及
與諸女晝夜出入長信宮殿中其淫縱如此其所由來
者遠矣自古君公士庶亡國破家半由女禍雖賢者不
免故先王之教始於閨門

退餘叢話卷二

南

未嘗敢以師資自處何其謙也昌黎抗顏爲師以弟子
畜李翱張籍籍則自居諍友之列韓與東野書云習之
娶吾亡兄之女而朝祭韓文直稱韓十兄然則不但
以師資事韓並姻婭之行輩都不敘其抗傲如此韓公
意度似遜坡公一籌或張李亦各有未虛心處

坡公稱子由詩有古人風自以爲不若也見和陶詩外
又與張文潛書云子由之文實勝僕而世俗不知乃以
爲不如其爲人深不願人知之其文如其爲人故汪洋
澹泊有一唱三歎之聲而秀傑之氣終不可沒按此語
坡公實有見地在非故譽其弟也樂城介節直道文儂
光明俊偉然鋒鏑退意度靜深淳涵蘊蓄不使人一

覽輒盡所謂黃叔度汪汪若干頃波澄之不清滑之不濁者邦有道不廢邦無道免於刑戮吾於其文信之矣坡公勝乃弟處正其不及乃弟處會宿道遙堂詩序歎其天資近道者以此際羣小側目時雖屢見貶斥而條然自遠不受傾陷晚節優游著書終老以病軀享年七十餘仍克踐諾撰歐公行狀太史公願為晏子執鞭吾於樂城亦云

參佐從事漢魏以來辟命自由或既辟而後上聞唐宋或命於朝如平淮西碑所云凡茲廷臣汝擇自從惟其賢能無憚大吏是也其聲望素著者所至想聞丰采土亦如仕其後或自致通顯懋勳績為一代偉人自明迄

卷之三

五

今所稱幕府等之庶人在官館穀餽口絕不與國家利害以致弊實叢生儉人鄙夫無惡不作本官受其禍敗至身亡家破有之彼為之客者飄然遠引而已愚意朝廷苟懸賞罰之例使天下幕客與本官其休戚則懷才不得志之士容有奮臂出其間者是此一途亦未嘗不足收豪傑之用也

國家文運之隆在內視翰林在外視提學典試翰林儲才之地也翰林得人而後提學典試之職稱提學典試育才之官也提學典試得人而後天下之士氣揚士人通經學古老死巖穴者何限幸博一第成進士或自許才藻可以黼黻太平宜備顧問著作之選而一行作吏

用任其材者又何限

三神山船到引去古稱玉堂為蓬瀛不虛也第不識與此選者果皆仙才否耶

南鄰古樹一株凌霄霄直上枝本分處鵲巢其間堅且久矣有黠兒緣木窺之鵲忽別營一巢於旁枝之杪東向橫出勢甚危而羣鵲十數朝暮喧啾來遊來栖雖疾風雷雨晏如也余坐樓頭靜觀有年指語兒嚶曰天災可弭人之害不可嚮邇也鵲知之矣故鵲鵲之篇於未雨網繆之下而沈吟其詞曰今此下民或敢侮予

小人窮斯濫此惟救死不贍奚暇治禮義君子造次顛沛必於是臨大節而不可奪則以身殉禮義弗恤矣其實禮義何負於人不忘恭敬民之主也鉅鹿不忍賊殺趙盾甯觸槐而死五代葛從簡為忠武節度使聞許州

卷之三

六

富人有玉帶遣二卒夜入其家殺而取之卒踰垣隱樹聞見富人夫婦相敬如賓二卒歎曰吾公欲敝其寶而害斯人吾必不免因躍出告之使速以帶獻遂踰垣而不知所之二事相類亦足以見誠能動物矣要之守禮義死雖死如生悖禮義生雖生亦死所爭在幾希間見義不為謂之無勇臨事不可畏憚然必須熟思審處見得確鑿乃無後悔若於事理上未甚帖妥而欲為度外之舉以矯世厲俗為高翹翹然意氣自任此才人傲僻之病小則貽誤身名大則覆宗絕祀往往一蹶不可

復振故凡負才而不肯折節學問者吾不羨其才轉憂其才

風俗之弊物力之絀窮愁之酷其由來未易一二語聞也而奢之爲害最著吾鄉多買人在前代號殷富本朝盛時幾於家給然大致朴儉長衢十里求羊裘四五襲無有也外王舅吳良齋先生及吾伯父培根公爲余言台登之夕身無華服著藍布袍無外套其時吾家頗不貧今里中富戶不逮曩時什一而靡侈乃不可言貧人效之日卽於死亡可慨也

從祖中翰公讀書南屏山時同學生多戲游之侶公每扃戶手一卷不輟或默坐閒行私理其業晚飯後一座

退餘叢話卷二

七

談嘲笑謔往往虛棄更漏或彼此相溷不得夜課公則吹燈徑睡伺人靜復披衣起密就長明燈下誦誦達曙同學生多不知也康熙丁巳年未三十登賢書七上公車乃成進士

中翰公嘗假館御史吳魚山先生宅一日樓頭讀書有疾雷起於案下火光一縷上貫樓瓦奇響震人公自若也徐視案上有焦眼如珠圓樓屋板及頂亦然

從父太史公自言弱冠後暑月夜讀爲蚊所苦輒設兩罈案下雙腳踏其中篝燈三鼓乃罷又與同學爭早起倦夜則臥樓薦上使不得貪睡展側刺痛輒驚寤前人之勤學如此

孫明復石介一輩人歐陽公敬之蘇文忠公極詆之歐陽敬學道君子意度自遠卽其折節與老泉爲布衣交亦此意蘇輒不肯就繩墨是一病過於倜儻至以伊川爲姦誤矣

春生夏長秋斂冬藏天地有四時卽天地之文章也昔人論文謂其具春夏之氣此特爲少年應舉言不可以律成學治古文者畫家筆墨以荒率爲高以冷爲妙書家尙朴尙舊維文亦然東坡云漸老漸熟乃造平澹說者謂平澹者絢爛之極也此閒塗徑未易殫述要之文須四氣皆備譬諸人生性質各各不同二程俱有迥君子然如東西門並路入而弟子隨明道先生後者特眾

退餘叢話卷二

六

伊川歎頤之不及家兄處以此何也包孝肅一笑河清自是鐵面御史而武侯爲先主求援吳會孫權觀其奇雅甚敬重之何也太原公子楊裘而來神氣揚揚一座媿屈何也自古有德者必有言而文采風流溢於賓座俾見之者意傾習之者愛不能捨必非無學問人可以粉飾及之也本朝方望溪先生道德氣節聳身三代而上制作如經刀比肩左史平睨昌黎北宋諸公而下幾欲鞭笞而教責之癸酉首冬病餘得其全集讀之歎其經術閎深義蘊充實斤墨一本儒先至敘忠孝節烈精氣全涌處信足廉頑立懦不朽之業在是鑿然爲千百年來古文大家第余小子不揆狂妄漸窺之而竊有

所疑也就中持論往往近刻文品過削多可畏而不見其可愛至骨肉天屬之文讀之都無淚時於獻酬羣心是非毀譽開隱隱有入主出奴黨同伐異之病文章關乎性術竊聞之外人曰此公頗偽又曰此公頗薄偽與薄吾不敢知吾竊本昌黎仁義之人其言藹如之旨以論文蓋百不失一矣今第頌其文之佳處其牆壁倚程朱而根柢則管荀也史法宗龍門而筆力則荆國也渠但知龍門之潔耳龍門之奇之逸之磅礴浩蕩天矯變化無有也荆國之冷峭瘦硬削質皆有之而堅僻自是患在好使人同已如東坡所譏者亦可稱神似願往往侈口昌黎昌黎之大何所不有若是其隘耶歐蘇經術

退餘叢話卷二

九

較淺固其所夷然不屑者而歐蘇之磊磊明明有體有用日星河嶽之氣果曾夢見之耶竟集圈點極嚴而當評語溢美護短什九自撰而嫁名他氏此則先生之不能欺余也又庸行舉不足傳而能納交於望溪者爲奇行他技藝舉不足名而能篤行望溪誦法望溪之文者爲不可朽之名集中此例不可枚舉如宋山言汪武曹吳宥函諸墓表似厚實薄似謙實傲此則余小子所不知也先生不能詩而嫉詩人如仇不知書而以書名者不挂齒類如查夏重墓志何足以傳夏重汪退谷自以爲文與字名於時取會試第一與其兄武曹頗不相能而大書於武曹墓表曰弟某某皆以君故知名是果足

以服退谷耶一藝之可名一節之可紀自不礙其可傳先生自命固高亦何至一字褒人等於華袞耶震川先生恨不得當世奇功偉烈書之此語表裏自見可質鬼神望溪之斷斷然斤斤然者自願集中酬應之文果皆奇功偉烈毫不假借者耶且史筆貴紀實繁宜簡簡宜當長於文者言文長於詩者言詩長於吏治者言吏治長於德行者言德行世乏全德亦少全才瑕瑜正不相掩今於才人略其才而必欲強爲之耀其德文人略其文而必欲謬爲之揚其才以史法號於天下曰言中有蘊蓄言外乃有地步也嗚呼是史而不紀實也是誣之而已矣空心之木敗鼓之皮吾見其速朽而已矣夫春

退餘叢話卷二

十

之温也生氣也秋之肅也殺氣也文之傳於世曰壽世子孫之爲其先世求名人文以傳也之死而致生之之義也吾見胸中生意滿者其文必有生氣讀望溪先生集而膚寒生栗心冷於冰懷慄乎懼其有殺機焉而曰吾將以生死而肉骨也果乎否也然則是集將不傳乎曰必傳其經術義蘊史識偉論忠孝大節精氣涌出之文皆傳而竊以韓子一言蔽之曰學焉而得其性之所近至其文之偏敝孤行獨斷不足以厭天下之人之心而誦言攻之者將環伺而起也歐陽公文黏壁間每出入改削不已太夫人曰汝畏先生耶公對曰正是畏後生耳瀧岡卜吉六十年而阡表

始告成知其胸中醞釀歲月不知凡幾必非猝辨荷作
可知近見有別本何物後生驚風雨泣鬼神之水府
龍王之所願讀而放筆削之耶按公舟泊廬山下沈
禪事近怪黃山谷官其地代爲檄龍文亦欠雅馴呂東
萊顧修遠選宋文不載見之宋商邱筠廬偶筆姑存勿
論余從循陔堂得見石刻瀧岡阡表橫額四大字在顏
魯公蔡端明之閒通幅作行楷獨疑文中無汝家故貧
賤也六字他虛字多寡閒與坊本異不知勒碑後公復
自改定耶抑傳寫之訛耶

退餘叢話卷二

江

沃土之民不材淫也大哉敬姜此言夫奢則必淫自刑
家之教衰風俗醜惡婦女爲尤髻時男子或貧不自聊
閨中多能以女工自給今女工幾廢坐食而嬉遊幾忘
其身之非男子吾疑流極之運將有不忍言者爲絺爲
綌服之無數周南之所以盛婦無公事休其蠶織東遷
之所以衰自古歎之矣
吾郡在前代時不特多富家所至邨落其氣象隱隱隆
隆樹木蔥鬱賊至有守禦之道故多可避亂處今則到
處皆童山矣
無論居家處世一切事宜須於閒處著精神閒時不用
心忙時不應手
偶見杜詩注載王從周將兩句云雲學催詩黑風仍作
誦清甚佳對句不測

陳對巖先生萬策應奉文字最工嘗言人家子弟就塾
經書外凡古文大篇如平淮西碑之類宜及早讀之後
生大言不慙固當切戒亦不必妄自菲薄每見塾師因
陋就簡遇碑板文字皇然引避曰是何敢望焉用是爲
一朝俸掇科第粹至承明著作之廷惶恐失色有襄國
體村夫子殆不知也讓谿先生爲司寇時曾寄勗其族
弟存寬有七律八首中載此語憶先君子客西江使院
時曾爲不肖寓書塾師
云讀書要爲有用之才非但
爲尋章摘句而已意與此合

退餘叢話卷二

江

杭州漁村趙先生諱壘庠姓沈字漁玉號漁村績學砥
行負盛名足跡半天下繪有暫遊萬里圖年七十以明
經終臨絕有詩四首其次章云文章不乏出羣雄稍涉
藩籬媿未工安得侯芭爲收拾略存姓氏斷編中惜遺
文漸就散佚矣曾經老友海甯查悔餘先生點定者以
火災被盜胠篋而去僅存感蓬集上下二卷丁未冬余
爲錄副本後屢乞之嗣君而不吾與也異日當與先人
小巢壺詩合刊行世
杭州太史范用賓先生允鑄撰漁村趙先生傳甚工後
附刻絕筆四首首章云少壯雄心孰與酬晚年寥落思
悠悠而今總付黃梁夢蠅利蝸名一概休三四章云舌
耕以外計無餘枉被人稱老蠹魚破屋一間書幾束不
知身後竟何如存吾順事沒吾甯何用旁參二氏經
使性光終不滅依然水碧與山青按先生非徒不得以

科第顯即在贊籍中本姓亦不著無子立兄子爲後其
沒也了然去來之故卒章頗出入仙佛家言詩古文在
杭中爲老輩數十年來時流恐未之或先也吳門沈宗
伯撰 國朝別裁集曾不一及甚矣知言之難網羅遺
佚之尤難也

外王舅良齋吳先生諱瞻泰大司成麟潭先生苑之子
有才無命與漁村先生同刻有杜詩提要陶詩彙注二
書文集二十卷詩集二十卷刪補昭明選詩注新安列
女考實俱未授梓其秋懷集字詩十二首本集不存余
私存之小序云歲在壬寅蔣西圃編修集少陵秋興詩
字爲秋懷詩各道己意禁不連三釐下諸君作者如林

退餘叢話卷二

三

唯子最蕭瑟將謀歸矣用代留別詩云關心唯在小園
中極望西南落日紅宅隱黃山移紫菊閣依白水點青
楓長聽刀尺催寒女虛坐年華問塞翁回首少時驚絲
筆斗斜雲黑動悲風曲江高處舞花枝八月虛槎歲歲
移佳侶幾曾憐織女仙人安可汎瑤池洲邊鸚鵡名還
在水上芙蓉隱已遲一望函關驚紫氣枕書老子學多
時過眼雲煙上翠樓起看棋弈小滄洲夔龍新第菰羹
夜班馬高文月露秋砧急三聲紅粉墮笳悲萬里玉關
愁世閒惟有長歌舞自古華年有白頭漢帝西征振羽
書龍旗飛動國安居衣冠奉使承王事粒米開關滿傳
車賤子通經文氣海老翁問馬武功虛匡時落莫思劉

退餘叢話卷二

三

向伏處 一老漁先人直道動瑤京清白傳經不問
名扇枕承顏虛自省書思上疏起家聲春暉已落心長
在秋露多寒氣不平更繞 長陵思鳳舞西山薄暮問
仙旌露點金莖氣象新朝班多少錦衣人燕隨鶴啄低
紅尾魚學龍飛墜紫鱗幾有仙槎還入漢可聞漁子更
干秦明年 聖主開東閣老臥江南不識春有母經年
墜白華蕭蕭石馬碧峰斜同枝蓮萼思長枕奕世梧陰
識故家盡道異時傳信宅可勝老眼落江花征車寂寞
惟天問不問京房問子牙曾經南極白華山戊寅歲沈
海至白華
山 峒里風檣雲馬閒浪起魚鱗漂夜月石函鯨甲入仙
關昔游東道虛驚眼今對西風實上顏可有三山金闕
在移家汎宅不思還少賤兼多平子愁時逢氣降老低
頭素心問世關山冷直道隨人日月秋寂寞故吾惟伏
枕雲霄仙侶不同舟請看江上蘆花白自在漁翁自在
鷗蓬閣西風聞古香一秋吟苦在三唐小山叢樹時相
問中隱王城日自傷坐對雲峰移錦石歌來煙水接滄
浪少陵已老青蓮故不遲時人拾地黃蓮花峰直薄青
天玉峽瑤林起萬千一歲一游人不老三秋三宿地皆
仙對碁有侶多高隱伏氣圍鑪接大年山有丞相觀碁
石及藥鑪藥鉢
紫馬安車華氣象幾曾飛上白雲邊棲鳥思林苦望家
不關平日學南華可憐坐對金風夜每起相思紅豆花
余家安羅老樹春雲閣經傳虛點筆蕭樓月少不勝車
月作花秋成紅豆雲閣經傳虛點筆蕭樓月少不勝車

剛補遺詩 自今同問長安侶露冷梧陰山月斜

汪秀峰放叔新精爽際先生通志略馳聲藝苑性跌宕
頗汲古喜事欲刊歷朝閣秀詩屬余搜訪余檢故紙堆
中有武林鍾依成刻所刻孤山梅園詩女絕命詞三章
跋云余於舊編中偶檢得前宋李少雲先生記云詩女
者錢唐人也性喜梅善詩天才奇妙生平凡有所成未
嘗加點人稱梅園詩女星兒其小字也年甫及笄有國
色天顏中爲貂璫強採置之西湖教以管絃教以歌舞
將欲進之宮庭爲建昭之故事詩女悲懷鬱結不能自
堪將舊時所著詩賦焚以自咽遂乘月夜作絕命詞抱
所撫玉琴自沈西泠橋下璫怒骨焚嶺上灰散湖中時

遺餘叢書卷二

詩

年纔十九耳嗟乎以絕塵之色抱不世之才奈何命薄
春冰身輕秋葉埋香瘞玉今古同傷嗚呼詩女恨何有
極因紀其大略并絕命詞十律以俟表微之君子焉子
讀之不禁三嘆竊念詩女才色兼優不甘屈辱甯皎皎
而死不靡靡而生推其志操與日月爭光可也但恨其
時璫勢橫甚人不敢傳久而竟無傳者以致烈節奇才
至今湮沒幸得李記復爲蠹蝕失其姓氏掇拾零落僅
得絕命詞三首失其七律可勝嘆悼因亟付剞劂倘仁
人用心哀其節志或採入誌乘或編附女史發彼幽光
用輝彤管幸甚幸甚詩云兒家生憎是紅顏莫話朝陽
第一班團扇向隨秋月冷羅衣全染淚痕斑雙飛未得

同秦女遠嫁何當出漢關魂斷九原歸不去六橋流水
自潯溪萬方多難妾堪嗟遠望邊城天一涯絕塞橫雲
當野馬寒山落日動悲笳花殘金谷春同盡煙鎖銅臺
路正賒一死自甘酬薄命算來猶勝嫁黃沙十八年來
一娉婷爭知掩淚到西泠蕭條舊院花猶發寂寞空山
草正青獨惜春風沈玉燕共憐秋水墜銀瓶含情擬倩
琵琶訴多恐江州不忍聽按此紙未知刻于何年李鍾
年時相去亦未詳出處本末卽先君子身後貽留到今
亦近四十年矣又自先代遺書兵燹播遷十七八九先
君子所積零編斷楮如此類者何可勝數都滅沒不可
復問獨此紙余十二三歲時偶拾得之爲詩女抱痛輒

遺餘叢書卷二

美

私留故篋中亦既沈埋歲月蕩析百端杳不憶及矣忽
得因汪君之囑而冥搜出之豈偶然哉將毋芳魂幽恨
亦自有不可磨滅者耶
曩在揚州與諸詞人聚七研書堂陳玉几擬古詩江蒿
坪箋奏江冷紅詞蔡松原山水華秋岳寫生並爲余所
爲伏膺庚申後一別如雨諸老風流盡矣年來館岑南
從程丈貯竹案頭見松原畫幅寫夜景清絕寄意深遠
時往來心胸間而偶忘其題句改歲復詢之先生先生
遽遣使持畫幅見贈余不忍割其所愛重長者之意還
其畫而錄其詩詩云澗水如琴月似銀一椽茅屋絕比
鄰不知命犯何星宿聲色中閒著此身

先世父太史公次韻送慕廬學士還朝云湖山未許久
盤桓詔起江南老謝安松竹自娛還戀闕尊鱸雖好敢
辭官鴻文舊已懸星斗丹地重看集鳳鸞日下鋒車來
急召一時人羨主恩難巖花澗草任何之雅節高風世
所知未便衣裳荷芟製祇緣名字日星垂部分南北元
無黨學比班揚自得師江左文章承 帝眷請公重與
護根基 聖恩高厚勒丹衷四海爲霖屬望同曠達未
忘遊五嶽聲名自合晉三公絲桐絙瑟調韶奏羽翮摩
雲向碧空出處竝關朝野重 帝心久注薛蘿中每陪
杖屨檢牕芸揮塵清言久側聞北海開尊搖夜燭西園
攜屐藹春雲廟謨應識疇咨切國史仍煩甲乙分恬退

退餘叢話卷二

三

襟懷知不減掃除三徑待論文張大受日容跋云慕廬
先生文章德望一代宗師與吾友孝儀爲忘年交酒地
吟場交懽莫逆先生應召入都吾友和令詩四章并載
酒送之先生邀之同舟過揚子江興酣援筆取吾友扇
書二截句云鮑叔從來知我者別情數首世閒無復能
大斗稱豪否記取高陽舊酒徒筆精墨妙興縱橫一斗
斟來一座傾聞道虎頭三舍避羨君兩築受降城出處
偶殊倡酬如響真一時風雅盛事也顧嗣立俠君跋云
僕本酒人與吾友孝儀每過寒碧齋輒狂歌痛飲形跡
俱忘慕廬先生之入都也余與大臨日容俱有送別之
作孝儀方舟並瀉把醖聯吟一時倡酬皆堪入詩話豈

特昌黎公城內失步恐君家參軍亦不得以倜儻風流
擅美一時也倚雲按二公及徐大臨太師與世父並爲
卯角交時皆以諸生從學士也想見當年文譙之盛學
士之高懷雅度不可企及既而世父與三公後先同入
詞館交游聲望賞會殆不偶然

汪西顯青縣道中寄于斯堂諸子詩四章云驛路千林

未著霜衛河秋氣似春陽一繩鴈逐勞人艇百卷書添

貧士裝遺坡以新雕春明夢餘錄等書見贈故舊關心多異地溪山入夢

早還鄉射魚種竹平生願敢望成都八百黍爨後琴材

若箇知戢鱗伏翼海南涯男兒可惜壯年過長者空勞

國士期席帽重逢仍寂寂布帆欲去轉遲遲吟廊曾是

退餘叢話卷二

六

經行地回首高梧戀一枝老去愁歌行路難偏教觸熱
向長安只如杜甫依人計莫作常何舊客看已分在山
嘲小草誰能古井蹙微瀾諸公莫訝心如石獨到離堂
感萬端遊蹤約略說炎天紅荔黃柑沁齒鮮過海珍禽
啼徹夜繞城榕樹綠經年好懷只欠詩人共遮眼聊隨
故紙緣遲我尙平婚嫁了賣文錢作買鄰錢西顯名沆
薦舉鴻博入都不第故吾鄉槐塘人僑杭久父孝廉公
諱坤學者稱大輿先生西顯孝友而文三十年來爲諸
侯老賓客所著甚富余見其津門雜事百首沾上題襟
集盤西紀遊詩五古絕工其師厲樊榭先生鶚爲之序
杜工部送重表姪王砮評事使南海起句云我之曾老

姑爾之高祖母詩與史兩歧李母杜母紛紛聚訟不得已而存疑愚按老杜與異姓稱兄弟推所自出往往有之如寄族弟唐十八使君是也題曰重表姪高與曾只隔一代不得言重當屬王與李爲表而杜與王又表耳曾老姑老字疑當是表字之訛願質諸天下之汲古好奇者

壽永曉然瞿媚茲不知何許人余見其跋化度寺碑云化度銘字法視醴泉差小而整秀則同其石舊在關右南山佛寺宋慶厯開開府王雍過寺見之詫爲至寶寺僧聞之誤以爲石中有寶也破石求之弗得棄之寺後他日王公再至失石所在問之僧具以實告公尋之已

退餘叢話卷二

完

三斷矣乃以數十縑易得載歸置里第賜書樓下靖康之亂取藏井中兵燹後好事者出之爭相搥搨遂碎之世無復有此石矣厥後宋人以棗木傳刻清勁而有神采如此本是也元人王惲云化度碑率更規模一出黃庭至奇古處乃隸書之一變耳乾隆庚申七月海陽汪竹書得此帖於毗陵故家洵墨寶也予喜觀舊物臨數十本頗自喜有會心因識其後

故紙堆拾得評硯說一紙不知何人筆其文欠雅稍爲點定雲端硯出端溪有上下巖西坑餘處悉其下也北巖爲上巖色理瑩潤者銜者尤發墨本以子石爲上子石者在太石中生蓋精石也又有草蒙茸金線紋有眼

者貴謂之鸚鵡眼石文精美如木有節今不知者乃以爲石病惟上巖石有眼眼之佳者青綠黃三色相重多者自外至心凡九而大而透者不可多得白如玉者尤希或布列硯中如北斗心房星辰之形如日月之狀世人以眼多少爲價之輕重其生於墨池外者爲高眼內者爲低眼高眼者真然又有活眼淚眼死眼之異白黑相間鬚精在內晶瑩可愛謂之活眼四旁浸漬不甚鮮明謂之淚眼形體略具內外呆白無光彩謂之死眼大抵活眼勝淚眼淚眼勝死眼死眼勝無眼也龍尾硯金星硯羅文硯蛾眉硯角浪硯松文硯紅絲硯黑角硯黃玉硯紫令硯並出東州唐彥猷以紅絲硯爲天下第一

退餘叢話卷二

幸

豆瓣硯出歙州硯之異名其石皆出於龍尾溪多金溪金星不貴褐色硯鵲金黑玉石硯紫石硯三品出吉州黃金硯出淄州綠石硯出洮州磁洞石硯出萬州魯水硯出南劍州角石硯出絳州石末硯出離州熟鐵硯出青州大陀石硯出歸州樂石硯出宿州古瓦硯出相州澄泥硯出虢州懸金雀石硯出萬州駝基島石硯出登州石末硯受墨弗益筆龍尾得墨遲久則不起羅文石起墨過龍尾端溪龍窟巖紫石又次之古瓦類石末他無足議凡硯宜日滌過二三日卽墨色差減縱未能滌亦須易水春夏蒸溫時墨久留其間則膠力滯而不可用故須頻滌去之滌硯不得使熱湯亦不得用鹽片故

紙蓮房枯炭最佳端溪自有洗硯石或採卑角水洗之亦得半夏切平滌硯大去滯墨又黃蠟補硯極佳歸安茅氏有明詩兼若干卷竹垞先生求之不能得頗怒茅氏後人著詩綜選鹿門詩殊草草吾里余肫生索吾家先世行略族父輩屢峻拒之命如叔尤斷斷然謂其不足與於文事也及嚴鎮志草出吾家最無色於中翰公寥寥數語而人品交游紀載失實閱之令我恚恨爲人子孫有不當祕而祕者何必祕故凡遇事心宜虛識宜遠

塾師教童子宜先與之講小學

前輩決科貴能操筆前半鬆緩尤所切忌

退餘叢話卷二

三

貧家婦好行其德而以惠稱非嫩行也甚或流於蠶而不知此吾閱歷三十餘年來見極之語卽我輩熱腸面輒茹苦含辛之故何獨不然

先人鈔書最勤敏少日嘗見與客談至夜分入內仍取筆格楷書五六千字滿十餘紙盡三四鼓以爲常雖隆冬不廢有書買持斜川集來索價五十金先人願借閱一夕疾鈔之楷書密字未滿百葉錄竟知爲南渡劉改之所著緣與斜川同名過故僞託耳凌晨還賈人並告以故賈人驚嘆以爲神是書今存從兄耕詠所嗚呼著錄等身已半軼矣

雍正癸丑太守中州寶公容恂倡復紫陽講會延海陽

吳青羽先生翟主講一切遵舊儀儀詳紫陽書院志擊鼓鳴禮者爲施虹玉先生之孫年五十餘矣講畢歌童四人合歌詩吳先生因述虹玉先生曩爲歌童曾見講師善歌第忘其名歌點爾何如節直覺春風滿座神來情來歌尙書夏擊鳴球節和氣若洋洋升降不啻側身虞廷親見獸舞而鳳儀也虹玉先生主講時以此語告吳先生言歌法久失傳蓋吳先生當時亦在童子列也吳先生學醇品粹猶見前賢風範今并無其人矣

壬申冬仲得奇夢夢至一處門樓傾壓之下余脫身右轉登一樓樓梯如鼓圓滑不可行余奮躍而上舉頭見題額四字旁書余名乃爲余立者下樓有一人長丈餘頤而皙貌甚秀偉正色告余年壽出處俱了了又左轉出殿殿上凡三人方桐坡晴峰與焉外吏投文書入

退餘叢話卷二

三

若伺坐堂理事者殿上人顧余當出而寤一夕又夢吟排律一首未成中圈一聯云遠水蒹葭屋高樓薛荔牆甲戌早春病中夢爲人書榜聯有文章麗奠笙鐘日之句放筆作大字紙盡刪落日字四月初五夜夢至一顯者家飛樓邃宇丹碧隱現賓客多海內知名士華筵高會燈月交輝主人出吳綾數尺命作詩余成七言長歌二十餘韻中有面隔桃花人外嬌畫衣舞破春風媚二語座客稱工頃之有女郎含羞來謝意態嫵婉可念又憶癸酉九月十三夜夢蓉湖持一紙來中有晁醬二字

十六夜夢徐畏壘太師授余書二本紙版極精書名上林口齋四字忘其第三字他夢之奇幻而逾歲時輒驗者不著

人不可一日不讀書一日不與書近胸次自覺擾擾不甯增許多厭惡吾無以形容之譬諸晨興未曾盥漱也則直以書爲盥漱可也人能每日喪面不盥耶憶戊申己酉間漁村趙太師勗余書有云總之胸中常得卷軸淘洗則規模氣宇必自有一種拔俗之韻斯言極有味周櫟園先生論其婿云聰明有餘只要深厚脊梁要硬脚跟要牢成一有品有行人功名有一定不必論也余深佩其言

退餘叢話卷二

善

祭必敬如在上在左右此人心之鬼神也夫祭果敬未有不在于上在左右者余生平祀先不敢不敬殺饌不敢不豐潔歲臘日祀高祖以曾祖配享自王父母以下春秋無失禮諱辰尤不敢忽凡祀必過午整几筵子婦以次拜畢焚楮冥鏹以多爲貴執壺三酌其杯中酒加滿斟退禁家人毋喧擾門者伺門外人來則辭移時燭光黯黯然俟香燼再肅揖取杯酌之乃徹每有徵驗吾祖先必來享或示夢或孩童見之有懼而啼者有欣然視如家人往就之者祀畢食品多變味而香不升矣故值空無時或預貸或密取諸質庫中雖奇窘常不許吾妻聲言不得先期躊躇若皇皇然者懼吾先人聆其言諒

吾之窘而不來來或憫之吐而不吾茹也

雍正乙卯外王舅良齋吳先生贈奉卒時娑羅花盛開

園旁有放鴨人言夜間風細月明見一人長丈餘五色

雲見從老樹下出未幾老樹枯死康熙丙午司成公苑

齋先生發祥之年視池中迸出紅豆一枚理青芝書舍

六七十年成大樹與老樹埒甲寅花時先生爲長歌紀

其事後有削其枝者是夕樹中放光久之乃滅凡樹大

類有神物栖焉關人地死生衰旺不少今娑羅樹次第

飄零此中人蕭瑟已甚吾疑非神叢得毋木妖歟

有周某寓湖廣鐵佛寺偶爲人塾師夜忽驅其徒避火

踰踰具行李出眾以爲狂俄而鄰火果作熾甚移時周

退餘叢話卷二

善

趣其徒歸曰火向某所止無事也果熄眾問故周曰凡羣犬俛而行且嗥若噬者見鬼神也羣坐一其向而吠此火也暮至門首見犬吠得火徵故須急避凡火有舌舌所向變動不居其火不測舌藏則止吾是以歸鐵立道人爲余言道人史姓溧陽人

石門家訓有云每日雖無大事必要早起晏眠每見敗

家子破落戶無不晏起早眠者此語極痛切按朱子治

家格言開口說黎明即起灑掃庭除要內外整潔只此

條便耐人思量不少此造家第一件事然整潔二字極

難只見人家地不掃塵不拂登其堂器具厯亂其爲敗

家子破落戶也必矣有家極貧而庭戶日必灑掃几案

端正婦孺厄福猥雜之物不置入廳事吾知其家必昌
必有人焉足享貴富者否亦必小康此等處最規器識
男婦共之不可忽也

茅山蒼朮乙筋半淨毛者須三筋米泔水浸當歸四兩酒

附子乙筋六錢肉桂乙兩二錢白茯苓二兩四錢淮

山藥三兩二錢三十年陳晚米乙升半北棗浸去皮藥

製不將米炒熟同研用北棗調為丸否則米煮飯極爛

和藥入口治水火不交三焦寒證有驗

舊樓燒灰置瓦上收火氣清晨溫茶調服三四錢治血

崩

下日收桑葉陰乾為末空心開水下治痔

退餘叢語卷二

美

和之瀝去滓挾其齒灌之即蘇 又中毒菌笑菌方掘

地以冷水攪之令濁少頃取飲皆得全活

獨活湯治產婦頭足反弓

用全蠍不拘數貯瓶內封閉聽其自敗次年五六月取

出乳極細末治血流不止者神效 又絳香末研細端

治跌打損傷刀瘡至動血海者敷患處無不立效小患

兼無癢痕或加荔支核血結少許或云不必

湯泡火傷黑沙糖塗患處即愈不如用王瓜方神效老

嫩下瓜不拘數聽其自敗或加水少許閉罈內約王瓜

十餘大黃四兩分層糝之隔年變成薄醬色陳者愈妙

新亦可用用時酌多寡敷患處以絹片裹之隨敷即止
痛隔宿即愈

朴硝卸皮不拘數約四兩用水一宮碗以銅鍋熬化成

水磁器貯之置案上露一夜濾渣清磁餅封口忌灰塵

病目者玄綱片蘸水頻洗神效

舊書中檢得翻胃方不知所自後跋云此係丹方如與

時道醫家言定不許可幸高明主之是荷此人可謂愛

其友矣方云準服老薑淨汁四十九日即全愈汁置碗

中隔湯 徐服 前七日每日用薑半筋取汁中三十五日每日

用薑四兩取汁後七日每日仍用半筋取汁日須度服

無間斷無不神驗之理

退餘叢語卷二

美

牙疼有實火有虛火有蟲有銜黃連愈者有銜人參愈

者有治蟲者余病中備喫此苦叫號痛哭廢寢食百方

不效藥無用差勝者薄荷湯俟溫勿服頻漱之煮極爛

粥糜徐噉之預儲橄欖佩袋中令乾而青勿爛痛時銜

患處側臥聽其流熱涎半杯許痛漸平數次可愈 友

人傳牙散方生熟石膏各四兩白芷乙兩破故紙乙兩

細辛乙兩真川椒乙兩青鹽乙兩如不用川椒可換骨

碎補乙兩共為細末每晨擦牙永無牙疼蟲牙之患磁

餅取貯勿令見風 又方當歸乙錢生地黃二錢生甘

草五分元參八分丹皮乙錢五分升麻八分連翹八分

葛根八分煎服又牙疼嗽口用石膏五錢細辛三錢亦

效

中唐人詩陳臥子取李庶子虞山兼取劉杜杜茶村兼取劉柳

鄉先輩曹震亭學詩戊辰進士性跌宕以詩文名尤長

儷體及令湖北之崇縣有神君之目而文酒不廢競傳

其紀邑民兩事曰完鏡歌琴堂合卷歌歌各有序序漸

雜牒體余稍節之而錄其詩其一崇縣民宋春林娶妻

畢氏不相能取憎姑舅避居中保寺數月欲為尼不果

父畢世國潛挈家遁復以氏嫁蜀人鄧友文春林控縣

緝訪末由時有監利縣女子舒氏以歲荒隨伯父乞食

伯父道死女漂流至崇崇民孤老劉以於收為義女婿

王家信贅焉先是有奸徒趙龍瑞李耀山挑女女正色

叱拒之遂嗾春林認舒為畢控縣舒誓死不從劉老及

王罔亦懼不敢留舒舒號哭呼冤仍乞食於路路入憐

之而前令所遣緝訪使入蜀杳然疑獄已逾數載矣余

至復研審不得決因本洗冤錄召夫婦至大堂滌器滴

指血王與舒血珠入水輒合宋則否春林猶強爭余乃

微行廉得尼寺語密召老尼至訴畢氏形貌甚悉見舒

曰非也復潛拘春林母楊問其婦形貌如尼言出舒氏

示之不相識且吐實於是春林及趙李二奸咸服罪而

王家信以舒氏歸復遣役入蜀於成都南部獲畢氏以

來令春林認去斯案離合甚奇為長歌紀其事云寒煙

退餘叢話卷二

毛

亂樹啼姑惡逐婦春鳩巢寂寞畫梁燕子正雙栖無端

飛入簾櫳啄有女空山嫁練裳負薪供爨日辛勤補屋

牽蘿春聽雨灌園種菜夜鋤雲愁顏憔悴姑嫜志輕薄

誰憐夫婿棄尼菴祝髮不容留冷電蓬頭偏辱詈攜家

燒棧走蠶叢弱羽分飛巧出籠盡空潛逃黃口妹擔囊

遠逐白頭翁秋月春花昏復曉琴臺歸鳳雲山杳琵琶

抱去月邊船翡翠哺成花裏鳥蜀道流離竟不還山鄉

訴牒語絲蠻赤木無從探象罔青城何處訪煙鬟是時

別有他州女離鄉巧食衣藍縷伯父提攜殍路旁娟娟

雛鳳誰為主漂泊愁雲落葉村關河泣盡子規魂龍鍾

老叟憐童稚參養頻依義父恩挽髻蓬門年歲久西鄰

贅婿歡羊酒鬢插山花聘綰茶廚燒檨葉供箕帚那知

閭里有登徒目送眉挑過酒爐花影東牆窺宋玉桑陰

南陌拒羅敷一旦奸謀羣小起風波慘淡藍橋水商量

短域射飛沙勾引狂風爭落蕊失妻鯨客正無聊嘯聚

羣狐篝火招妄指釵頭拋白燕思將劍客盜紅綃屢屢

強奪他人婦雀角鼠牙紛戶牖甯將碧玉葬蚊涎肯使

明珠歸虎口破鏡菱花控舊因公庭白晝眯埃塵蜃樓

一任成虛幻鹿夢何由辨假真榜掠沾衣頻拭淚焚香

空向神明誓靡蕪錯落夕陽迷芍藥摧殘春露墜可憐

寥落爨煙空故宅難歸痛路窮抱憤市人爭贈米含悲

疾首亂飛蓬破廟無人清夜宿松雲暗處呼天哭化石

退餘叢話卷二

美

終年伴怨魂覆盆幾載沈冤獄撫憲明懸照膽臺澄清
吏治肅風雷彈琴月送鴻聲去捧檄雲從馬首開自笑
煙霞才本拙忘餐疑案愁難決幕中賓佐盡賢明勸我
琴堂親滴血碧甌清水滌微鹽濡縷神針試指尖伉儷
已諧雙暈合胭脂初浸半痕黏花落訟庭人似堵刁民
利口如簧鼓猶思入月捉蟾蜍未許開籠放鸚鵡一鞭
風雪訪茅菴膏沐曾經避佛龕蹤跡老尼還熟識形容
怨婦已都諳歸來試取雙囊認面目全非呼不應張燈
更喚阿婆看直吐真情相印證獄吏提將杻械來奸人
相顧色如灰深知此日罹鴻網始向當年悔鳩媒紅輪
湧出消陰晦布富階泥首拜風吹羅刹忽團團霧散

退餘叢話卷二

五

蚩尤交慶快鏡匣清光惜未圓芒鞋遣役入西川玉壘
初聞征雁過銀塘已獲野鴛旋兩家眷屬重完聚別後
羞容無可訴提甕應甘破屋貧寒自恨迷途誤從來
聖化重綱常茶齋同心苦可嘗挽鹿靜歸紅雨路驅雞
倦入白雲鄉作歌願使愚頑警女織男耕閭閻整曲巷
柴門少吠彤春郊綠滿桑麻影其一崇民張以昇生女
其妻欲溺之死比鄰包某於血盆中乞抱養夏正育爲
之媒許配幼子包廣忠鞠撫恩勤閱十四載矣歲己巳
廣忠父母俱沒苦貧張嫌之誘廣忠出牧羊迎女歸約
奸媒別嫁富民丁永亨婚夕廣忠出控縣立緝到衙鞫
之得實各予杖命幼童廣忠幼女張氏於堂上行合卺

禮給以卮酒花紅鼓吹迎出是日觀者如堵歌以紀之
歌云鴛鴦嬌小池塘浴驚起分飛沈碧玉東風吹縹緲
漪平交頸依然遊水曲當年坐蓐泣呱呱忍毒何堪碎
掌珠胞血淋漓將鬼錄離魂慘澹在須臾叩戶鄰家來
老嫗嘖嘖抱起憐孩孺悲憫盆中乞養回撫摩室內恩
勤顧艱難乳哺幾星霜霧鬢風鬟歲月長灌圃相隨提
汲甕挑燈伴坐助縫裳爺娘義絕吾何有甘向貧家供
井日絡秀緣請尙幼齡蹇修約定成佳耦撲棗鉏瓜識
愛憐柴門童稚日周旋綢繆欲待星臨戶婉變還遲髮
覆肩日迫桑榆人漸老嚴霜忽隕椿萱槁願影魂銷夜
雨簷含悲淚盡春暉草孤兒骨立嘆伶仃風雪麻鞋墓

退餘叢話卷二

學

木青拾橡寒雲經野鳴牧羊殘照出郊垌那知岳父憎
箴獨誘取嬌娃令別宿翠袖潛迎聘玉釵羅襦月嫁歸
金屋義俠留無古押衙鳩巢拆散配烏鴉紅綃已盜崑
崙客青粉空尋道韞家可憐訴牒聲嗚咽叩首訟庭人
泣血已悲奔月入蟾宮誰取行雲歸虎穴豪門絳蠟錦
屏開繡幕剛投玉鏡臺倚竹人初啼暮雨尋花客已到
天台月落正愁花破夕奪同睨柱無瑕壁敲門夜犬吠
銀鑰匿窟妖狐驚霹靂風鐵血凜剛難錯愕奸人氣
沮磨膽落鳩媒紅日出聲歡鴉濟彩霞過娟娟重聚雙
雛鳳交拜琴堂簾影動賜酒春卮禮已成簪花鼓樂喧
相送丈人峰倒霧瀾漫弱壻求思法少寬簫響已終猶

縹緲鏡光將碎復團圓願勸吾民風俗古縞綦伉儷安
環堵玲瓏玉兔月長圓缺陷靈龍天可補赤繩繫定不
容移笑煞泉刀愛富兒練裙遺嫁牛衣好酒肆當墟憤
鼻宜從來鈿盒宜媒灼合離勿負三生約護惜金鈴連
理花春寒莫使東風落按二詩婉麗悱惻可被管絃大
有補於風教其派別在元白溫李間 國朝諸名家於
梅村爲近先生富於詩錦心繡口觸手成章雖骨格欠
適或傷雕績然數十年攻苦屹自名家香雪全集受其
沾丐者夥矣

退餘叢話卷二

望

余客汀州使院院中雞鳴五七雙次第九庖最後餘牝
雞一彳亍淒其不甚飲啄簷下有雙鷓鴣經月不叫第
膈膊籠中未嘗須臾忘飛去雞蹲其旁若相依相弔者
余觀之累日愴然賦五古一篇有窮來特立難非類相
扶攜之句

臨文敏鈍殊性非性也亦氣習使然聞前代吳因之金
正希兩先生脫稿最難蓋不肯輕率命筆甚或脫稿屢
易未可知也今初學尤效豈關鍊意修辭直是朋比坐荒
游思亂於午前文機澀於午後館規不嚴熬場給燭弊陋
百出廝役嘲罵辱及父師余少時頗犯此病後粗知攻苦
而筆性已不可改及客閩幕使者憐才特甚凡交卷遲者
其文多工遂許生童繼燭繼燭之文率歸余閱關防嚴密
一卷未完水柴止門外不得入幕中至求茗飲不得酷暑

抵暮求湯浴不得者有之余乃悟給燭之害仰天痛誓
曰自今歸而應試熬場者非人甲子以後歲科及補試
覆試凡六應雖三藝出場日未晡文未見率爾大都一
題入手隨磨墨審定低頭內攻搦管不肯放至神思相
屬汨汨其來詞采或不期而會乃知專壹之受報最隆
也古云旁若無人豈無人耶人遁于吾伏几而不之見也
正希先生籍楚之嘉魚實吾郡海陽人曾讀書海陽僧
舍康熙中有一老僧自言習先生久先生值文期輒坐
蒲團竟日或累日寂若枯禪有少頃即起知先生
作文或敏或遲苦樂蓋不一境余聞之鄉老云

退餘叢話卷二

望

強閱文者切忌立門戶之見
魏叔子地獄論阮亭先生謂非儒者所宜道余少喜聞
佛長來閱歷漸深舉世殆不可莊語竊謂明有天地幽
有鬼神聊存覺世之說此亦聳動教誡之一術也一病
六稍坐以待死妄想都淨佛家地獄層層堂殿透徹肅
清朝向不一展轉路迷而不得出梁柱皆朱漆何止九
重十門仙家瑤臺金闕瓊樓玉宇之類信有之余數夢
至其處麗女靚妝實殊人聞其文人吐屬都無凡語其
書實奧澀聲牙難讀余曾跪讀不能讀受呵責罷去其
橋與樓梯並圓滑不受屢飛鳥多白閒雜紅碧水樹翠
豔因依不可名狀

德慧術知存乎疾疾之不可無豈特孤孽因之以
達如古英豪彪炳家國天下哉即尋常富貴子弟其不
流於不肖而得循分以成其材往往由此只所求不得
所欲不遂骨肉之地時有猜嫌而激之以堂土之愛憎
亂之以旁觀之毀譽不必操心危慮患深吾見其神斂
志壹進德有基非甚闇弱不苟安也其驕情不成材者
大都偃仰自得暢然於父母兄弟閒雖曰愛之其實害
之世之養子弟而以姑息護短為能者可勝憫嘆
新館族兄永厚初從先君子北遊而獨客京師二十年
義聲彰聞以幹辦為一時士大夫所推重壬子秋偶南
歸與余遇於吳門客舍告余云吾前窮困時齧齒聳肩

退餘叢話卷二

聖

勉力為人盈腔之淚欲灑向人前輒倒流入腹不使輕
墮此語極沈痛有意理余佩之終身雍正中例得保舉
知縣懸水宗伯欲薦之力辭不就

與人交須令人有迴味斯久而彌篤如或託為面朋索
然寡味則去之惟恐不速交焉得久棄子如遺風人所
戒抑或此友實有可遺處如遺二字形容刻酷殆若履
脫然

檀干主人有僕曰方和輿貌不甚揚瞇眼短視時作聞
記密籌狀類有陰私者然性特勤慎奔走不憚勞孝其
母慈撫諸妹妹死友愛其婿據貌或失之矣一日以事
赴吾里中途聞後至者若有傾跌聲心動迴首則一人

墮谿水中就視之依稀吾里某店人稔客也以醉失足
時大雨抱之不能起勢轉墜道旁一人笑不止和輿強
邀昇至某氏屋簷下探其懷有貨籍裹以衣而奔告店
家出其物眾驗如數約值入百金店主感頌入骨急命
其子呼輿往和輿見村人歸者沿途遞消息輿至不見
醉客則已返檀干尋向拉飲酒家者索貨哀號紛爭釐
亂自分以死殉矣其子迫及之具以告一市驚嘆輿還
過失足所適遇和輿歸父子迎拜泥潦中曰賴君活我
越日踵門叩謝其主人并謝其母叩首曰母即吾母獻
衣物數種布三和輿固辭眾強之乃受未幾即有託和
輿往餘人稔者和輿色變毅然不肯往退餘居士曰世

退餘叢話卷二

聖

人言無好人呂榮公嘆為自賊和輿人僕耳頗持介節
其性行都可觀吾見身列士林號能文章誘人子弟飲
博破其家甚或朋奸告訐圖利已以害人此自賊之尤
者豈徒取非其有耶其面目何可對和輿也

學者攻苦既久為文自有得力處憤悱二端亦互有階
級一經指點或悟文訣頓足起舞豁然開明此真所謂
時雨化之若非其時授以諸訣彼望道未見攀躋無從
苦樂直了不相關諺云無師傳授枉勞心又云心要專
石也穿如竟不勞師將焉授專心致志者庶幾師逸而
功倍也

余讀賴古堂集吳野人陋軒詩序甚佳野人因注舟次

見知於櫟園先生遂成至契伯兄久客南梁覓得陋軒集寄余願獨無周序頗疑之後於故紙堆得周雪客秋兩懷人詩一箋其懷野人詩注云初野人臥病海濱人無知者寄先司農一札有夕陽殘照於時有幾之句先司農爲之淚下因序其詩刻傳之野人自是名重一時後司農故後有刻野人集者刪去司農序無一字及之恐非野人意也按陋軒原文於時甯幾甯字較有字古陳眉公曰吾讀鄂州公昏問二篇援引禮記周禮及家語諸書精核詳明爲朱晦翁楊誠齋所歎服吾明宋景濂王子充序而傳之以獲見其小集爲幸今有孫如伊君然明復捐俸梓之以永續二百年餘若存若亡之後非特觀新安文獻之遺且知士大夫能執禮故有世教有世教故有世家有人鈔此一段附鄂州小集序前云可摘選入評論以序跋之前凡例之後有諸家評論七條也